

ঐচ্ছদ্বিনের

ঝরা পাতার পথে

দ্বিজেন গঙ্গোপাধ্যায়

জেনারেল প্রিন্টার্স য়্যাণ্ড পারিশার্স প্রাইভেট লিমিটেড
১১৯, ধর্মতলা স্ট্রীট : কলিকাতা - ১৩

প্রকাশক : শ্রীসুরেশচন্দ্র দাস, এম-এ
জেনারেল প্রিন্টার্স ব্যাণ্ড পাব্লিশার্স প্রাঃ লিঃ
১১৯, ধর্মতলা স্ট্রীট, কলিকাতা-১৩

দ্বিতীয় সংস্করণ
চৈত্র, ১৩৩৭

মুদ্রক : শ্রীলব্ধেশচন্দ্র মজুমদার
শ্রীলক্ষ্মীনাবাগণ প্রেস
১, কর্ণওয়ালিস স্ট্রীট, কলিকাতা-১২

উৎসর্গ

একদা ফাঁসীর দড়ির বুঁকি নিয়ে যখন বিপ্লবী দলে যোগদান করেছিলাম. তখন থেকেই দুঃখ দিয়েছি অনেককে। আত্মীয়, বন্ধু, পড়শী, শুভানুধ্যায়ী এবং সবাব উপর বাবা ও মাকে। সে দুঃখের সীমা পরিসীমা নেই! বিপদসঙ্কুল যাত্রাপথ তাঁদের অশ্রুজলে পিচ্ছিল হয়ে উঠেছে, তাঁদের মর্ষভেদী দীর্ঘশ্বাস সৃষ্টি করেছে বৈশাখী ঝড়, তাঁদের বুকভাঙ্গা ক্রন্দনরোলে প্রতিধ্বনিত হয়ে উঠেছে বজ্রনির্ঘোষ!.....

সেদিন কোনো দিকে দৃকপাত না করেই এগিয়ে গিয়েছিলাম সত্য, কিন্তু আজ পরিণত বয়সে সে দিনের হাসিকানাভরা স্মৃতি ত'চোখ ঝাপসা করে তোলে।

যে সব কথা ঘুণাক্ষরেও বলিনি কাউকে কোনোদিন, আজ সেই অমুচারিত কাহিনীর শুভ্র মালাখানি অঞ্জলি নিবেদন করলাম বাবা ও মার পুণ্য স্মৃতির বেদামূলে!.....

দ্বিতীয় সংস্করণের ভূমিকা

প্রথম সংস্করণ দ্রুত নিঃশেষিত হয়ে যাবার পর নানারূপ বিপর্যয়ে পরবর্তী সংস্করণের আশা যখন প্রায় ছেড়েই দিয়েছিলাম, এমন সময় এগিয়ে এলেন প্রকাশক বন্ধুর সুরেশ দাস। শুধু এলেন বললেই যথেষ্ট বলা হলো না। প্রথম সংস্করণে যে সব কোতুহলোদ্দীপক কাহিনী বলা হয়নি, সেই সব কাহিনীর যতখানি সম্ভব এই সংস্করণে সংযোজন করে পরিবর্দ্ধিত গ্রন্থখানি দুই খণ্ডে পৃথক পৃথক নামে প্রকাশের ব্যবস্থা করে ফেললেন। সুতরাং সর্বাগ্রে অকুণ্ঠ কৃতজ্ঞতা জানাই জেনারেল প্রিন্টার্স এ্যাণ্ড পাবলিশার্স-এর কর্ণধার সুরেশ দাসকে।

প্রথম সংস্করণে গ্রন্থখানির নাম ছিল “তখন আমি জেল-এ” আর দ্বিতীয় সংস্করণে সেই গ্রন্থেরই দুই খণ্ডের নাম দেয়া হলো “চৈত্রদিনের ঝরা পাতার পথে” এবং “দিনগুলি মোর কোথায় গেল।”

নাম কেন পরিবর্তন করা হোল কোনো কোনো সুহৃদ সে প্রশ্ন তুলেছেন। তাঁরা বলেন “তখন আমি জেল-এ” যথেষ্ট জনপ্রিয়তা অর্জন করেছিল, ব্যবসায়িক ভাষায় বলা যায় গুড উইল সৃষ্টি করেছিল। সুতরাং সেই নামটিই অক্ষুণ্ণ রাখলে নামেই অনেকখানি প্রচারকার্য হয়ে যেত। প্রথম সংস্করণ দ্রুত নিঃশেষিত হয়ে যাবার ফলে ঝরা কিনতে বা পড়তে পারেননি, তাঁরা গ্রন্থের নামে আকৃষ্ট হয়ে তৎপর হতে পারতেন।

এ হচ্ছে সুহৃদগণের যুক্তি। আমার যুক্তি ভিন্নতর।

আমার “তখন আমি জেল-এ” গ্রন্থকে ঝরা ভালবেসেছিলেন, নিশ্চয়ই আশা করতে পারি আমার রচনা তাঁদের ভালো লেগেছে। সুতরাং গ্রন্থের নামটাই তাঁদের কাছে প্রথম এবং একমাত্র কথা নয়, গ্রন্থকারের লেখনী সম্বন্ধেও তাঁদের ধারণা উৎসাহব্যঞ্জক। এবং হয়তো সেটাই মুখ্য। তাই যদি হয়, তাহলে পাঠকেরা আকৃষ্ট হবেন গ্রন্থের নামে ততটা নয়, যতটা গ্রন্থকারের নামে।

দ্বিতীয়তঃ, ১৯৪৭ সালে ভারতে ইংরেজ রাজত্বের অবসান ঘটেছে। এই গ্রন্থে সন্নিবেশিত আমার রাজবন্দী-জীবনের কাহিনীর বিস্তার শেষ হয়েছে ১৯৩৮ সালের গোড়ার দিকে। সুতরাং এত কাল আগের ইংরেজ রাজত্বকালের একজন বন্দীর কাহিনীর নামকরণে “জেল” শব্দটা ব্যবহারে মন সার দিচ্ছেনা।

হয়তো কেউ ভুল বুঝতে পারেন যে, এই “জেল-এ” মানে স্বাধীন ভারতের জেল-এ !

তৃতীয়তঃ, “তখন আমি জেল-এ” গ্রন্থের শেষ লাইনে রবীন্দ্রনাথের কবিতার যে অংশটুকু উদ্ধৃত করেছিলাম, তা এই—‘চৈত্রদিনের বরা পাতার পথে দিনগুলি মোর কোণায় গেল।’ আমার গ্রন্থের নামও এর সঙ্গে সঙ্গতি রেখেই দিয়েছিলাম “বরা পাতার পথে।” কিন্তু মাসিক বঙ্গমতীর সম্পাদক প্রাণতোষ ঘটক প্রীতিপূর্ণ সম্পর্কের দাবী নিয়েই নাম পরিবর্তন করে দিয়ে বঙ্গমতীতে প্রথম সর্গ প্রকাশের পর আমার জানিয়েছিলেন। দ্বিতীয় সংস্করণে পূর্ক নামে ফিরে যাবার সুযোগ পেলাম। প্রিয় কোনো জিনিষের নিজের রাখা নামটি যে অত্যন্ত প্রিয় এবং তার মধ্যে যে একটি স্মধুব আবেগ আছে, তা অস্বীকার করা যায় কি ?

তারপর আসল কথা এই যে, এই সংস্করণে গ্রন্থখানি আট্টোপাল্ল সংস্কার করা হয়েছে। ১৯৩১ সাল থেকে ১৯৩৮ সাল পর্যন্ত একটানা রাজবন্দী-জীবনের রোমাঞ্চকর কাহিনী বিবৃত করতে গিয়ে যেসব ঘটনা প্রসঙ্গত আখ্যায়িকার অনিবার্যভাবেই এসে গেছে, এই সংস্করণে তা বাদ দেয়া হয়নি। বরং আরও যা আসা উচিত ছিল, তাও আনা হয়েছে। যে সব প্রথম সংস্করণে নানা কারণে সন্নিবেশ করা হয়নি। ফলে, গ্রন্থের কলেবর বৃদ্ধি হয়েছে এবং তাই গোটা গ্রন্থ ভেঙ্গে ছ’ খণ্ড করতে হলো।

পূর্বেও বলেছি, আবারও বলাচ্ছি, এই গ্রন্থ কোনো বিপ্লবী দলের ইতিহাস নয় অথবা কোনো বিপ্লবীর আত্মজীবনী নয়। সে যুগের বেঙ্গল ভ্রমণটিরাস (জনপ্রিয় নাম বি ভা) বিপ্লবী দলের অন্তিম কর্মী হিসেবে যে সব বিপজ্জনক ক্রিয়াকাণ্ডে আত্মনিরোগ করতে হরোছিল, তার কিছু কিছু ঘটনা এতে আছে। পরাধীন দেশে যেসব কাহিনী জানবার জন্য কল্পপক্ষের উৎসাহ ও প্রচেষ্টার অস্ত্র ছিল না এবং যা জানবার ব্যাপার অনেক ক্ষেত্রেই তাৎপূরোপরি সাফল্য লাভ করতে পারেন নি, আজ স্বাধীন দেশে দেশমাতৃকার শৃঙ্খল মোচনের সেই অজ্ঞাত গুপ্ত কাহিনীর অনেকখানিই বিবৃত করা যায়। পরাধীন দেশে যা রাজদ্রোহিতা বলে গণ্য করা হতো, স্বাধীন ভারতে তাকেই দেশপ্রেম বলে মন্যাদা দেয়া যেতে পারে। স্বাধীন দেশে স্বাধীনভাবে বলবার মৌলিক অধিকার আছে বলেই আমার এই রাজবন্দী জীবনের কাহিনীতে যাকে সে যুগে যেমন দেখেছি, তাকে ঠিক তেমনভাবেই চিত্রায়ণের চেষ্টা করেছি। কেউ যদি এক্ষণ

খুশী হন, আমি কৃতজ্ঞ আর কেউ যদি এতে রুষ্ট হন, তাহলে আমি দুঃখিত। সত্য কথা বলবার অনড় শপথ নিয়েই লেখনী ধরেছিলাম, তাই ব্যক্তি বা প্রতিষ্ঠানের স্পর্শকাতর মনের প্রতি দৃষ্টি প্রসারিত করবার অবসর পাইনি। এমন কি, নিজের প্রতিও নয়। প্রায় সবাবই নাম ঠিক ঠিক উল্লেখ করেছি, শুধু দু-একজনের নাম হয়তো এতদিন পর ভুলে গিয়ে অপর নামে উল্লেখ করেছি। মাত্র দু-একটি ক্ষেত্রে অনিবার্য কারণেই আসল নাম গোপন করা হয়েছে।

সে যুগের বিপ্লবীরা নারীকে শুধু ভগিনী মনে করতো না, তাকে মাতার স্থায়ী ভালবাসতো। কিন্তু দেশমাতাকে ভালবাসতো তারা সবার ওপরে। কোনো যুক্তি, কোনো তর্ক, কোনো হিসেবের বালাই ছিল না তাদের শুধু এই একটি ক্ষেত্রে। শূদ্রভাঙ্গার সংগ্রামে কোনো ষ্ট্র্যাটেজিকেই তারা হয় মনে করতো না। নারীর প্রতি কদাপি তারা পুরুষের আকর্ষণ অনুভব করতো না সত্য, কারণ দেশ বাতাত আর কিছুই ভাববার অবসর ছিল না তাদের। কিন্তু প্রাকৃতিক নিয়মে পুরুষ-বিপ্লবীর প্রতি নারীর যে আকর্ষণ থাকতে পারে, তাকে দেশের স্বার্থে প্রয়োজন হলে কেন বিপ্লবীরা কাজে লাগাবে না?

আমাব এই কণ্ঠস্বরে কোথাও কোথাও এমন আকর্ষণের উত্তাপ পাঠকের মনে এসে লাগতে পারে, কিন্তু সর্বিনয়ে তাঁদের জানাউ, গুপ্তলো জ্ঞানাকর ক্ষণদ্যুতি মাত্র, বিপ্লবীর অন্তরের বৈশ্বানরের কাছে একেদারেই নগণ্য ও তুচ্ছ!

ব্যারাক স্কয়ার কোয়ার্টার্স নং ২০।
পোঃ—বহরমপুর। জেলা—মুর্শিদাবাদ।

— বিজেন গঙ্গোপাধ্যায়

এক

গাছপালায় ঢাকা ছোট্ট একটি গ্রামে বাবা-মা ভাই-বোন আত্মীয়-প্রতিবেশী নিয়ে একটি সোনার সংসারে নিরুপদ্রব নিশ্চিন্ত জীবন যাপন করছিলাম। অবুঝ শৈশবের গভী পেরিয়ে কৈশোরে পা দিতে না-দিতেই এল পথের ডাক। কণ্টকাকীর্ণ পথে বেরিয়ে পড়ার উদাত্ত আহ্বান। বেরিয়ে পড়লাম। পেয়ে বসলো পথের নেশায়। এগিয়ে চললাম দিনের পর রাত্রি, রাত্রির পর দিন। অবিরাম, অবিশ্রাম। পশ্চাতে রেখে এলাম সোনার সংসার, ছেড়ে এলাম শৈশব ও কৈশোরের লীলাভূমি আমার ছোট্ট গ্রামখানি, রেখে এলাম বাবা-মা ভাই-বোনের স্নেহ ও ভালবাসা, আত্মীয়জনের প্রীতি ও মমতা, প্রতিবেশীদের দরদ ও সহানুভূতি, সর্বপ্রকার বন্ধন অস্বীকার করে যোজনের পর যোজন এগিয়ে চললাম সঙ্কটসঙ্কুল পথে বেহুঁজনের মতো, অন্তরে নিয়ে অটল বিশ্বাস আর বুকে নিয়ে অদম্য সাহস।

স্বপ্নালু কৈশোরের সীমান্ত অতিক্রম করে যখন অপ্রতিরোধ্য যৌবনে পদার্পণ করলাম, সুকঠিন সঙ্কল্প সাধনের দুর্দমনীয় প্রতিজ্ঞায় তখন লাল হয়ে উঠলাম ব্লাষ্ট ফার্নেসের মতো। মনে হলো আমি হারকিউলিস, আমি নীরো। কজির জ্বারে চূর্ণ করে দোব তোমার পরাধীনতার শৃঙ্খল। তোমার স্বর্ণলঙ্কার যখন দাউ দাউ করে আগুন জলে উঠবে, আমি তখন মোহন বীণায় মূর্ত্ত করে তুলবো খুশীর গজল। তোমার সমাধির বুকে মাথা উঁচু করে উঠবে শৃঙ্খলমুক্ত আমার দেশজননীর স্বর্ণমন্দির।

এমনিভাবে পথের নেশায় যখন পেয়ে বসেছি, দুর্নিবার বেগে যখন এগিয়ে চলেছি ক্রোশের পর ক্রোশ, তখন অপ্রত্যাশিতভাবে একেবারে অকস্মাৎ মনে পড়ে গেল—সেই ফেলে-আসা গ্রামখানির কথা, সেই সোনার সংসার, আমাদের বাড়ীর দক্ষিণ-পূব কোণের সেই শিউলী গাছটির কথা, যার তলায় একদা সৃষ্টি হয়েছিল শৈশবের কত টুকরো টুকরো উপাখ্যান, কৈশোরের রং-বেরং কত আখ্যায়িকা। ঝরা পাতার পথে ফেলে-আসা সেই নানা রংয়ের দিনগুলি হঠাৎ অন্তরে জাগালো অনির্কচনীর শিহরণ!

আমার সেই পুরাতন আখ্যায়িকার ষবনিকা উত্তোলিত হতে দেখতে পাওয়া গেল, কলকাতায় আমি গা-ঢাকা দিয়ে বাস করছি পুলিশের নাগপাশ এড়াবার

জন্ম। আই-বি'র ছদ্মবেশী গুপ্তচর আমাদের কালীঘাটের বাড়ীতে সময়ে ও অসময়ে বহুবার বহু ওজর দেখিয়ে আসে আমার সঙ্গে সাক্ষাৎ করবার জন্ম। কিন্তু বৌদিরা বা বাড়ীর অগ্গাণ্ড সবাই প্রতিবারই তাদের চক্রান্তকে ব্যর্থ করে দিয়ে জবাব দিয়ে দেন : দ্বিজেণ ? তা থাকে তো এখানেই। নিজেদের বাড়ী ছেড়ে থাকবে কি মেসে ? কিন্তু কি কাজে জানিনে, এই একটু আগে বেরিয়ে গেছে। কি আপনার নাম বলুন না, আর কি দরকার ? এলে বলবো'খন।

আগন্তুকদের মধ্যে যিনি তত দড় নন, তিনি হয়তো আমতা আমতা করে সরে পড়েন। আর যিনি পাকা, তিনি ফস্ করে জবাব দেন : বলবেন রবি হালদার এসেছিল। কাল সকালে আমি আবার আসবো। ওঁকে থাকতে বলবেন। ভারী দরকার ওঁকে, অথচ—

বলতে বলতে মুখখানা চিন্তার মেঘে একেবারে কালো করে এক পা-ছ' পা করে পৃষ্ঠপ্রদর্শন করেন। আশ্চর্য্য, 'কাল সকালে' আর রবি হালদারকে দেখা যায় না। আসেন অপর ব্যক্তি।

দ্বিজেণবাবু বাড়ী আছেন কি ?

হয়তো বেরিয়ে আসেন এবার স্বয়ং মেজদা। মেজদা সরকারী চাকুরে। তিনি যে শুধু 'ছ'বেলা ছ'মুঠো খেতে দেন আমায় নেহাৎ রক্তের সম্পর্ক আছে বলে এবং না দিলে অনাহারেই যে আমায় মরতে হবে, এই কথা স্পষ্টভাবে একটি ঘোষণাপত্রে স্বাক্ষর করে দিয়ে তবু তাঁর চাকরি বজায় রাখতে পেরেছেন।

জিজ্ঞেস করেন : কোথা থেকে আসছেন ?

আসল প্রশ্নটা এড়িয়ে গিয়ে আগন্তুক অকস্মাৎ আমার প্রতি বন্ধুত্বের আবেগে একেবারে গলে পড়েন : বুঝলেন না, দ্বিজেণ আমার সেই ছোটবেলাকার বন্ধু। আবে মশাই, চারিদিকে যেমন ধরপাকড় চলছে, পুলিশের টিকটিকি যেমন ঘুরছে চারিদিকে, তাতে করে ওঁকে একটু সাবধানে থাকতে বলবেন। দিনের বেলা বাড়ীতে না আসাই ভাল।—বলতে বলতে আরো একটু কাছে এগিয়ে এসে তিনি চারদিকটা একবার দেখে নিয়ে কর্ণস্বর সহসা আরো একটু খাটো করে নিয়ে বলেন : আপনার এই সামনের বাড়ীটাকেই নিশ্বাস নেই। কুণ্ডের ঐ সেজ ছেলেটাকে কাল দেখছিলাম খানায় ঢুকতে। ওর কি দরকার বলুন তো ? আমাদের এসব বাছাধনদের চিনতে আর দেবী হয় না। বুঝলেন ?—তা দিনের বেলায় দ্বিজেণ আসে না তো ?

মেজদা আলীপুর দায়রা জজের আদালতের বিশ বছরের চাকুরে। সেই দায়রা জজ ছিলেন এককালে গালিক, এ. এন. সেন প্রভৃতি। ঝাঝু লোক। আগন্তকের বক্তৃতায় তাঁর বিন্দুমাত্রও ভাবান্তর ঘটে না। তিনি পুরাতন জবাবেরই পুনরাবৃত্তি করেন : থাকে তো এখানেই। এই তো এতক্ষণ বাড়ীতেই তো ছিল। আপনি আসবার একটু আগেই কোথায় বেরিয়ে গেল। একটু বসবেন কি?—তা দেখুন, ইংরেজের আমরা খুন খাই, বিশ বছর ধরে সরকারী চাকরি করছি। ও যে কি করে, কোথায় যায়, এসব খবর আমি কোন দিনই রাখিনে, রাখবার প্রবৃত্তিও আমার নেই।

অর্থাৎ চাকরি বজায় রাখবার জন্ত যে চুক্তিপত্রে স্বৈচ্ছায় হোক বা অনিচ্ছায় হোক তাঁকে স্বাক্ষর দিতে হয়েছে, আমার বন্ধুটির কাছে বেশ উৎসাহের সঙ্গে তাতেই লিখিত কথাগুলোর পুনরাবৃত্তি করেন মথিলিখিত স্মসমাচারের মতো। শুধু তাই নয়। রাজভক্তির আতিশয্যে অকস্মাৎ মেজদা যেন ফেটে পড়েন : আবে মশাই, এই সব হুজুগেরা কি করতে পারবে বলুন তো? স্বদেশী জিনিষ ব্যবহার কর, ব্যাস্, তাহলেই কাজ হবে। তা না করে ছ'টো বোমা আর রিভলভার দিয়েই যদি দেশ স্বাধীন করা যেত ইংরেজদের সাগরপারে তাড়িয়ে দিলে, তাহলে তো আর ভাবনা ছিল না—কি বলেন, অ্যা?

বলে মেজদা খুব বিজ্ঞের মতো হেসে ওঠেন। আমার বন্ধুর কানে তা বিদ্রূপের মত গিয়ে আঘাত হানে।

হাল ছেড়ে দেবার মতো মুখ করে বন্ধু বলেন : বুঝলেন না, অনেক দিনের বন্ধু তো, তাই সাবধান করে গেলাম। ও যদি এখনো এই বাড়ীতে থেকে যাওয়া-আসা করে সাধ করে হাতকাড় পরতে চায়, তাহলে আমি আর কি করে ঠেকাই, বলুন?

তা তো বটেই, তা তো বটেই—বলে মেজদা সদর দরজাটি বন্ধ করে দিয়ে ফিরে আসতেই মেজবোর্দি জিজ্ঞেস করেন : কে এসেছিল গো?

মেজদা তৎক্ষণাৎ জবাব দেন : আর একটা টিকটিকি।

এমনি দিবারাত্র আসতেন আমার পরম সুহৃদেয়া, আমার শুভানুধ্যায়ীরা আমার সংবাদ সংগ্রহ করে আমার আপ্যায়িত করবার জন্ত।

সেটা ১৯৩১ সাল। কিন্তু উনিশশো একত্রিশ সালের বিপ্লবী আন্দোলনের পটভূমিকা সৃষ্টি হয়েছিল ১৯২৮ সালে। তার একটুখানি আভাস এখানে দেওয়া প্রয়োজন।

কংগ্রেসী আন্দোলনের মতই বিপ্লবী আন্দোলনেরও সূত্রপাত, পরিণতি ও সাময়িকভাবে মস্তুর হয়ে আসার ইতিহাস আছে। আইন অমান্য আন্দোলনের মতই বিপ্লবী আন্দোলন এক একটি রক্তরাঙ্গা অধ্যায় সৃষ্টি করে রেখেছে ভারতের ইতিহাসে। ঠিক এমনি একটি লাল অধ্যায়ের গোড়াপত্তন হয় সাইমন কমিশন এদেশে আসবার সময় থেকে। যেদিন বোম্বাই বন্দবে তাঁরা জাহাজ থেকে মাটিতে পদক্ষেপ করলেন, সেদিন থেকেই সমগ্র ভারতে কমিশন-বয়কট আন্দোলন এত তীব্র আকার ধারণ করে যে, দিশেহারা ইংরেজ সরকারের আদেশে লাহোরে স্কট সাহেব নির্দয়ভাবে লাঠির আঘাত চালান ভারতের অগ্রতম নেতা লাল লাজপৎ রায়ের দেহে। এরই ফলে আহত নেতা হাসপাতালে শেষ নিঃশ্বাস ত্যাগ করেন!

মতিলাল নেহরু উপনিবেশিক স্বায়ত্তশাসনেই ভারত তখনকার মতো শান্ত হবে বলে রিপোর্ট প্রকাশ করলেন। সুভাষ ও স্বরাজ্য দলের অপরাপর নেতারা জেল থেকে মুক্তি পেলেন। বেরিয়ে এলেন চট্টগ্রামের সূর্য্য সেনও। কমিশন-বয়কট আন্দোলনে যোগদানকারীদের ওপর তখন চলেছে নির্দয় অত্যাচার। লাহোরে লাল লাজপৎ রায়ের ওপর যে লাঠি চালনা করা হয়েছে, বাংলার বিপ্লবী নেতারা তার আঘাত যেন নিজেদের দেহে অনুভব করলেন। সুভাষের নেতৃত্বে সমস্ত বিপ্লবী দল প্রতিষ্ঠা করলেন ভারতীয় স্বাধীনতা লীগ আর সেই সঙ্গে সৃষ্টি হলো বেঙ্গল ভলান্টিয়ার্স। ডিসেম্বর মাসে কংগ্রেসের কলকাতা অধিবেশনের পবই এই বেঙ্গল ভলান্টিয়ার্স নেতা সুভাষের নির্দেশ অনুসারে বাংলার শহরে শহরে, গ্রামে গ্রামে কুচকাওয়াজ শুরু করে দিল। ঘুমিয়ে-পড়া ঝামিয়ে-পড়া প্রাণে আশার দেওয়ালি জালিয়ে অনাগত সূদিনের জগু যারা অধীর আগ্রহে দিন গুনতে থাকে, বেঙ্গল ভলান্টিয়ার্স তাদের শুভেচ্ছা ও অকপটতা স্বীকার করে নিয়ে দেশের যুবশক্তির রক্তে সামরিক অনুপ্রেরণা জাগিয়ে তোলাবার লত গ্রহণ করে কর্মক্ষেত্রে বাঁপিয়ে পড়েছিল।

ভারতীয় স্বাধীনতা লীগের মুখপাত্ররূপে সুভাষ ১৯২৯ সালে কংগ্রেসের লাহোর অধিবেশনে প্যারালেল গভর্নমেন্ট প্রতিষ্ঠার প্রস্তাব উত্থাপন করলেন। বাংলা ও পাঞ্জাবের বিপ্লবী দলের মধ্যে ঘনিষ্ঠ যোগাযোগ স্থাপিত হয়েছিল পূর্বেই। দেশের বৃহত্তম রাজনৈতিক প্রতিষ্ঠান কংগ্রেসের মঞ্চ ও জনপ্রিয়তার সুযোগ নিয়েই ভারতীয় বিপ্লবীরা দেশে বিপ্লব আন্দোলন গড়ে তোলার কাজে ব্রতী হলেন। পাঞ্জাবে প্রতিষ্ঠিত হলো হিন্দুস্থান সোস্যালিস্ট রিপাব্লিক্যান পার্টি

আর নওজোয়ান ভারতসভা। সর্দার ভগৎ সিং, চন্দ্রসিং আজাদ ও বেঙ্গল ভলান্টিয়ার্সের মেজর যতীন দাসের নেতৃত্বে এঁরা শুধু পাঞ্জাবে কেন, সমগ্র ভারতেই সফর করে বেড়াতে লাগলেন। ইংরেজ সরকারকে চ্যালেঞ্জ জানাবার জ্ঞাত সর্দার ভগৎ সিং দিল্লীর পরিষদক্ষেপে বোমা নিক্ষেপ করে ধরা দিলেন এবং ভীতিহীন বিবৃতিতে যা বললেন, তার মর্মার্থ এই : যে বিপ্লবের ঝড় আসন্ন হয়ে উঠেছে, জনগণের আপাত-নীরবতা যে সেই তুফানেরই উপক্রমণিকা, শেষবারের মতো ব্রিটিশ গভর্নমেন্টকে আমরা সে সম্বন্ধে সতর্ক করে দিচ্ছি মাত্র।

লালা লাজপতের ওপর যে লাঠি চালিয়েছিল, সেই স্কট সাহেবকে হত্যা করতে গিয়ে ভুলক্রমে নিহত হলেন সগুর্স সাহেব। লাহোরে শুরু হলো বিখ্যাত লাহোর ষড়যন্ত্র মামলা এবং তার অগ্রতম নেতাক্রমে বাংলা থেকে গ্রেপ্তার হলেন বেঙ্গল ভলান্টিয়ার্সের মেজর যতীন দাস। লাহোর বোর্স্টাল জেলে তাঁকে নিয়ে যাওয়া হলো। মামলার প্রথম দিনের শুনানীকালেই শুরু হলো কতৃপক্ষের সঙ্গে তর্কবিতর্ক, ঝগড়া, অবশেষে চ্যালেঞ্জ। যতীন দাস আমরণ অনুশন শুরু করলেন এবং ৬২ দিন পর ১৯২৯ সালের ১৩ই সেপ্টেম্বর বেলা ১২টা ৫৫ মিনিটে মহাপ্রস্থান করলেন। মেজর যতীন দাসের শবদেহ সুদূর লাহোর থেকে ট্রেনযোগে কলকাতায় আনিবার অনুমতি দিয়ে ইংরেজ যে কী মহাপ্রসন্ন করেছিল সেদিন, তা বর্ণনার অতীত। এক কথায় সমগ্র ভারতের মাটিতে মাটিতে যেন সেই অমর শহীদ লোকান্তরিত দেহ নিয়ে ঘুরে বেড়ালেন। সতীর দেহ ধুকুে নিয়ে পাগলা ভোলা যখন সমগ্র ভারতে ঘুরে বেড়াচ্ছিলেন, তখন খণ্ড-বিখণ্ড হয়ে সেই দেহের যেকোনো অংশ যেখানে পড়েছিল, সেখানেই সৃষ্টি হয়েছিল এক-একটি তীর্থ। ঠিক তেমনি লাহোর থেকে কলকাতা আসার পথে যেন একটি অদৃশ্য যোগসূত্র টেনে দিয়ে গেল সেদিনকার তুফান মেল।

কলকাতায় যতীন দাসের শব নিয়ে যে শোকযাত্রা বেরিয়েছিল, ইংরেজ জাতি কোনোদিন তা ভুলতে পারে না। পাঞ্জাবের সঙ্গে বাংলার অন্তরঙ্গতাই যে সেদিন দৃঢ়তর হয়ে উঠলো, তাই নয়, সমগ্র ভারতের বিপ্লবী দলই সেদিন পেল নতুন উদ্দীপনা, নতুন অনুপ্রেরণা। তাই বাংলার শহরে শহরে, পল্লীতে পল্লীতে সেদিন ছড়িয়ে পড়লো বৈপ্লবিক ইস্তাহার : রক্তে আমার লেগেছে আজ সর্বনাশের নেশা !

সত্যই সর্বনাশ, তিলে তিলে আত্মহত্যা, নিজের আশা-আকাঙ্ক্ষার মূলে কুঠারাঘাত, রঙীন সম্ভাবনাময় জীবনের ওপর টেনে আনা কালো যবনিকা।.....

বিপ্লবীরা আর আত্মগোপন করে থাকতে চাইলো না। কংগ্রেসী আন্দোলনের পাশাপাশি স্ক্রক হলো বৈপ্লবিক অভ্যুত্থান। বেঙ্গল ভলান্টিয়ার্সের একটি রেজিমেন্ট অস্ত্র আইন ও ১৪৪ ধারা অমান্য করে কলকাতা থেকে সুভাষের পৈতৃক গ্রাম কোদালিয়ার রুট মার্চ করে গেল।

১৯৩০ দাল পড়তে-পড়তেই ৬ই এপ্রিল গান্ধীজী স্ক্রক করলেন ঐতিহাসিক ডাণ্ডি অভিযান। তারপর ১৮ই এপ্রিল হলো চট্টগ্রাম অভ্যুত্থান। সুভাষ ও অন্যান্য নেতৃবৃন্দ তখন ছিলেন আলীপুর সেনট্রাল জেলে। সেখানে একদিন কারাসমূহের ইন্সপেক্টর-জেনারেল কর্ণেল সিম্পসন ও জেল-সুপার সোম দত্তের নেতৃত্বে একদল পুলিশ সুভাষ, সেনগুপ্ত, বেঙ্গল ভলান্টিয়ার্সের মেজর সত্য গুপ্ত প্রমুখ নেতৃবৃন্দের ওপর লাঠি-চালনা করে। বাইরে সমগ্র ভারতে তখন চলছে তীব্রভাবে আইন অমান্য আন্দোলন। এই আন্দোলনে অংশ-গ্রহণকারীদের ওপর যে অথবা যারাই অত্যাচার করেছিল, বেঙ্গল ভলান্টিয়ার্সের Suicide Squad বেছে বেছে তাকে বা তাদেরকে এক এক করে ধরাপৃষ্ঠ থেকে সরিয়ে দেবার ব্রত গ্রহণ করে। কলকাতার টেগার্ট ও গর্ডন সাহেবের নেতৃত্বে পুলিশ নিবিব্বাদে অত্যাচার চালাচ্ছিল প্রকাশ্য জনসভায় মহিলাদের ওপরেও। আইন অমান্য আন্দোলনের কেন্দ্রস্থল ঢাকা শহরে খেমন চলছিল পুলিশ সুপার হডসনের তাণ্ডব, তেমনি মোদনীগুরে চলছিল জেলা ম্যাজিস্ট্রেট কর্ণেল পেডির অমানুষিক অত্যাচার আর সমগ্র বাংলার পুলিশী নৃশংসতার পশ্চাতে ছিল পুলিশের ইন্সপেক্টর-জেনারেল লোম্যানের অদৃশ্য সমর্থন ও সহযোগিতা।

অকস্মাৎ ২৫শে আগষ্ট ডালহৌসী স্কোয়ারে টেগার্ট সাহেবের মোটর গাড়ীর ওপর দু'টি বোমা নিক্ষিপ্ত হয়। ২৬শে আগষ্ট জোড়াবাগান আদালত-গৃহে ও ২৭শে ইডেন গার্ডেন পুলিশ ফাঁড়ির ওপর বোমা পড়ে। ২৯শে আগষ্ট লোম্যান হডসনের সঙ্গে যখন ঢাকা মিটফোর্ড মেডিক্যাল স্কুল পরিদর্শন করছিলেন, তখন বেঙ্গল ভলান্টিয়ার্সের মেজর বিনয়কৃষ্ণ বসু তাঁদের দু'জনকেই গুলীর আঘাতে ভূপাতিত করেন। লোম্যান মারা যান, হডসন বেঁচে থাকেন অর্ধমৃতবৎ। তারপরও চলতে থাকে নানা স্থানে

রাজনৈতিক ডাকাতি ও নরহত্যা। অবশেষে ৮ই ডিসেম্বর কলকাতা শহরে সরকারী দপ্তর রাইটার্স বিল্ডিংস-এ হানা দেন বেঙ্গল ভলান্টিয়ার্সের তিনটি অফিসার—মেজর বিনয় বসু, ক্যাপ্টেন দীনেশ গুপ্ত ও লেফটেন্যান্ট বাদল গুপ্ত। প্রকাশ্য দিবালোকে ডালহৌসী স্কোয়ারের মতো জনবহুল স্থানে রাইটার্স বিল্ডিংস-এর দোতলায় “অলিন্দ যুদ্ধে” প্রাণ হারান কারাসমূহের ইন্সপেক্টার-জেনারেল কর্নেল সিম্পসন। ২৩শে ডিসেম্বর লাহোরে ইউনিভার্সিটি হল-এ পাঞ্জাবের গভর্নর মণ্টগোমারির ওপর উপর্যুপরি ছ’বার গুলী নিক্ষেপ করেন হরিকিষণ।

এই প্রচণ্ড উত্তাপের মধ্যে এল ১৯৩১ সাল। এর স্মরণটা বেশ মস্তুর, খানিকটা স্বস্তিজনকও বলা যেতে পারে। ৫ই মার্চ গান্ধী-আরউইন চুক্তি সম্পাদিত হলো। সর্বভারতীয় প্রত্যেকটি নেতা সেই চুক্তিতে স্বাক্ষর করলেন, করলেন না শুধু একজন। তিনি সুভাষ, বাংলার সুভাষ, বেঙ্গল ভলান্টিয়ার্সের প্রতিষ্ঠাতা-সর্বাধিনায়ক দেশগৌরব সুভাষ। সে কাহিনী পরে বলবো। চুক্তির প্রধান সূত্র অনুযায়ী আইন অমান্য আন্দোলন হলো প্রত্যাহত, গভর্নমেন্টও এই আন্দোলনের বন্দিগণকে মুক্তি দিতে লাগলেন। বাংলার গভর্নর তপন স্মার ষ্ট্যানলী জ্যাকসন। অহিংস কংগ্রেসী আন্দোলনের বন্দিগণ মুক্তি পেলেও বিনা বিচারে আটক রাজবন্দীদের ভাগ্যে আদৌ কোন পরিবর্তন দেখা গেল না। কিন্তু একদিকে সত্যাগ্রহ ও আইন অমান্য এবং অপর দিকে বৈপ্লবিক আঘাতের চাপে জর্জর হয়ে ব্রিটিশ গভর্নমেন্ট তখন এতখানি মুষড়ে পড়েছিলেন যে, তাঁরা যতীন্দ্রমোহন সেন গুপ্ত মারফৎ বক্সা বন্দিশিবিরে আবদ্ধ রাজবন্দী নেতাদের কাছে আপস-আলোচনার প্রস্তাব পাঠাতেও দ্বিধা বোধ করলেন না। রাজবন্দীরা দাবী জানালেন দু’টি : এক, চট্টগ্রাম অভ্যুত্থানের নায়ক ফেরারী সূর্য সেনের ওপর থেকে সর্বপ্রকার অভিযোগ প্রত্যাহার এবং দুই, আপস-আলোচনার সময়ে পুলিশের অনুপস্থিতি। গভর্নমেন্ট এই দু’টি সূত্র মেনে না নেওয়ার আপস-আলোচনা ব্যর্থতার পর্য্যবসিত হয়।

গান্ধীজীর সর্বপ্রচেষ্টা ব্যর্থ করে দিয়ে ২৩শে মার্চ সর্দার ভগৎ সিং, রাজগুরু ও গুরুদেবের ফাঁসী হয়ে গেল। দেশময় সুরু হলো বিক্ষোভ প্রদর্শন, তেমনি আবার সুরু হলো সরকারী অত্যাচার। কিন্তু সেই অত্যাচারের মধ্যেই ৭ই এপ্রিল মেদিনীপুরের ম্যাজিস্ট্রেট কর্নেল পেডি বিপ্লবীর গুলীর

আঘাতে নিহত হন। ৭ই জুলাই ক্যাপ্টেন দীনেশ গুপ্তের ফাঁসী হয়ে যায়। আলীপুর স্পেশাল ট্রাইবিউনালে যখন দীনেশের বিচার চলছিল, তখন কিছুদিন আলীপুর সেনট্রাল জেলের ১৬নং সেল্‌স্-এ তার সঙ্গে আমারও বিচারাধীন আসামীরূপে থাকবার সৌভাগ্য হয়েছিল। বিচার হয়ে গেল, ট্রাইবিউনাল রায় দিলেন, দীনেশকে ফাঁসীর আসামীদের জন্ম নির্দিষ্ট সেল্‌স্-এ স্থানান্তরিত করা হলো। দীনেশের সঙ্গে কাটানো সেই কয়েকটা দিনের স্মৃতি অবিস্মরণীয় হয়ে আছে। যথাস্থানে তা বিরত করবো। দীনেশের পরই হয় রামকৃষ্ণের ফাঁসী। যে স্পেশাল ট্রাইবিউনাল দীনেশ গুপ্তকে প্রাণদণ্ডে দণ্ডিত করে, আলীপুরের দায়রা জজ গার্লিক ছিলেন তার সভাপতি। ২৭শে জুলাই এজলাসে যখন তিনি কার্যরত, সেই সময় কানাই ভট্টাচার্য্য নিঃশব্দে তাঁর কক্ষে প্রবেশ করে রিভলভারের গুলীতে তাঁকে হত্যা করেন।

পুলিশ এবার মরিয়া হয়ে উঠলো। হাতের কাছে যাকে পেতে লাগলো, তাকেই গ্রেপ্তার করতে লাগলো। বাংলা দেশে, বিশেষ করে পূর্ববঙ্গে এমন পরিবার খুঁজে বার করা কঠিন হয়ে উঠলো যা থেকে এক বা একাধিক ব্যক্তিকে গভর্ণমেন্ট তাঁর অতিথি করে নেননি। ব্যায়ামাগারে, লাইব্রেরীতে, ক্লাব-গৃহে, কুস্তির আখড়ায়, আড্ডাঘরে সর্বত্র পুলিশ হানা দিয়ে ফিরতে লাগলো। ছাত্রদের মধ্যে যে বক্তৃতা দিতে পারে, যুবকদের মধ্যে যার স্বাস্থ্য ভালো, পাড়ায় যে নেতৃস্থানীয়, তার আর কারার বাইরে থাকবার উপায় নেই। সরকারী চাকুরের ছেলেই হয়তো গ্রেপ্তার হয়ে গেল মহানাগ সত্ৰাটের বিরুদ্ধে যুদ্ধোত্তমের অভিযোগে। তাঁদের চাকরি নিয়ে যখন টানা-হেঁচড়া গড়ে গেল, তখন অনেকেই আমার মেজদা'র মতোই, স্বেচ্ছায় হোক বা অনিচ্ছায় হোক, একটি বণ্ডে স্বাক্ষর করে রাজভক্তির নতুন করে পরিচয় দিয়ে রক্ষা পেয়ে গেলেন। বহু যুবকের নামে 'ছলিয়া' বেরুলো, অনেকের নামে মোটা টাকার পুরস্কার ঘোষণা করা হলো। পথে-ঘাটে, রেস্টোরাঁয়, ট্রামে, বাসে ও ট্রেনে অসংখ্য টিকটিকি বা স্পাই কিলবিল করতে লাগলো। বন্ধুত্ব বা আত্মীয়তার বন্ধনও বুঝি অবিশ্বাস ও আশঙ্কার আঘাতে চূর্ণ বিচূর্ণ হয়ে গেল।

সর্বত্র আতঙ্ক ও নিরাশার থমথমে আবহাওয়া! কখন কার ঘাড়ে অকস্মাৎ সরকারী হুকুম এসে খড়াঘাত করবে, কে জানে!

দেশের এমনি নিদারুণ সময়ে রাজনীতির সঙ্গে যার সামান্যতম সংস্পর্শ আছে,

সে কি আর নিশ্চিত থাকতে পারে? 'ছলিয়া' না বেরুলেও সরকারের একখানা আমন্ত্রণ লিপি যে আমারও নামে লিখিত হয়ে পিওন বুকে বসে আমার প্রতীক্ষা করছে, সেটুকু বোঝবার ক্ষমতা আমার হয়েছিল। তাই পারিবারিক খাতায় আমার নাম থাকলেও লগ্ বুকে কখনো আমার স্বাক্ষর পড়তো না।

থাকতাম শহরতলীর এক বন্ধুর বাসায়। ইটের দেয়ালের উপর টিনের চাল-দেওয়া খানচারেক কামরার ছোট একখানা গোটা বাড়ী। বন্ধু নেপাল পড়েন যাদবপুর ইঞ্জিনিয়ারিং কলেজে, তাঁর দাদা গোপাল কর্পোরেশন স্কুলের শিক্ষক, ছোট ভাই মনু তখনো স্কুলে পড়ে। বিধবা মা। আর থাকেন একজন সহ-ভাড়াটিয়া। বিধবা মা ও ছেলে। অর্ধেকসেই সকাল আটটায় কোন্ কারখানায় গিয়ে মোটরের নীচে শুয়ে শুয়ে যখন একবার একটি বন্টু আর্টেন ও আর একবার একটি স্কু টিলে করেন, তখন জানতেও পারেন না, কখন সকালের উজ্জ্বল রোদ বিকেলের স্নিগ্ধতায় ম্লান হয়ে এসেছে। তারপর সম্মুখের কেমিক্যাল কারখানায় ঢং ঢং করে ছটা বাজবার সঙ্গে সঙ্গে তাঁর চৈতন্য ফিরে আসে। কালিমাথা দেহ-নিরে ফিরে আসেন অর্ধেকসেই। মা কিন্তু তাঁর ছেলের সম্বন্ধে যেমন আশাশীলা, তেমনি অর্থের যে তাঁর আদৌ প্রয়োজন নেই, একটি অঙ্গুলি হেলনেই যে তিনি তাঁর হাজারা রোডের স্বামীর গৃহ থেকে ঝগড়াটে ছোট জা-দের ও তাদের ভেড়ুয়া স্বামীদের বহিষ্কৃত করে দিয়ে অর্ধেকসেই নিয়ে দিব্য সেখানে চলে যেতে পারেন, একথা দিনের মধ্যে প্রায় একশো বার উচ্চারণ করে থাকেন।

অত্যন্ত কটুভাষিণী হলেও ইনি অত্যন্ত স্নেহ করতেন আমায়। বন্ধুদের বাড়ী খেলেও প্রায়ই ইনি এটা-ওটা-সেটা করে আমায় একটুখানি পাঠিয়ে দিতেন রন্ধনে তাঁর কৃতিত্বের নমুনাস্বরূপ। খাওয়ার সঙ্গে সঙ্গে তাঁর নিজের মুখে নিজের প্রশস্তি এতখানি গলাধঃকরণ করতে হতো যে, তারপর রন্ধনের শতমুখে স্মখ্যাতি না করে আর পথ থাকতো না।

বাড়ীখানার চতুর্দিকে খোলা মাঠ, আম, কাঁঠাল ও নারিকেল গাছে ছাওয়া। একটু দূরে একটা পুকুর, তার তীরে গোটাকয়েক বাতাবী নেবু ও পেয়ারা গাছ। বড় রাস্তা কয়েক শত গজ দূরে।

চাকর বা ঠিকে ঝি আমরা রাখিনি। কারণ ওদের মধ্যেই যে পুলিশের গুপ্তচরের সংখ্যা বেশী। খাওয়া শেষ হলে এঁটো-কাটা সাফ করে নিজেরাই পুকুরে যেতাম খালি বাটি নিয়ে।

দিনের বেলা বেরনো নিষিদ্ধ ছিল। রাত্রে, তাও আবার ট্রামে বা বাসে নয়, সাইকেলে। সাইকেলে চড়লে কেউ আমায় অনুসরণ করছে কিনা, তা সহজে ধরা যায়। মনে করুন, সে যুগের খোলা ময়দান রাসবিহারী এ্যাভিনিউ দিয়ে বেগে সাইকেল চালিয়ে চলেছেন বালিগঞ্জ ষ্টেশনের দিকে। অকস্মাৎ দেখলেন একখানা সাইকেল বা মোটর আপনার পেছন-পেছন ছুটে আসছে। কে এ? কী এর মতলব? পুলিশের স্পাই? অনুসরণ করছে আপনাকে? কুছ পরোয়া নেই! অকস্মাৎ ব্রেক কসে নেমে পড়ুন। হয় সাইকেলখানা রাস্তার গায়ে শুইয়ে রেখে মৃত্যুত্যাগের ভান করে বসে পড়ুন কিংবা ওখানা ফস্ করে ঘুরিয়ে নিরে ঠিক উল্টো দিকে যাত্রা করুন। অত শীগগির মোটর উল্টো দিকে ঘুরিয়ে নেওয়া যায় না, আর সাইকেল ঘোরাতে পারলেও জানা গেল কোন্খানা ফেউয়ের মতো আপনার পেছনে লেগেছে!

কালীঘাটে আমাদের বাসায় আমি মাঝে মাঝে সংবাদ নিতে যেতাম সত্যি, কিন্তু কখন আসবো, যেমন কেউ জানতো না, তেমনি জানতেও চাইতো না থাকবো কতক্ষণ।

এমনিভাবে গা ঢাকা দিয়ে ছিলাম ভালোই, কাজও চলছিল মন্দ নয়। এমন সময় একদিন দালাবন্ধু শ্রীপদর পত্র এল গোয়ালন্দ থেকে। গোয়ালন্দ ষ্টীমার কোম্পানীতে সে কয়েক বছর ধরে চাকরি করে, থাকে একা একখানা ফ্ল্যাটে। বেচারা হয়ে পড়েছে দারুণ অসুস্থ। প্রথমতঃ রেলের হাসপাতালে আশ্রয় নিয়ে রোগ সারাবার চেষ্টা করেছে। না পেরে নিয়েছে এক মাসের ছুটি। আর আমায় লিখেছে তাকে দেশের বাড়ীতে পৌঁছে দিয়ে আসবার অনুরোধ জানিয়ে। আমারই গ্রামের আমারই পাড়ায় তার বাড়ী।

ছোটবেলাকার বন্ধু, তারপর পীড়িত আর আমায় খুঁজে বার করবার ব্যাপাবে পুলিশের উৎসাহও মনে হলো কতকটা কমে এসেছে। তাই যাওয়াই স্থির হলো।

রওনা হলাম শিয়ালদহ থেকে চট্টগ্রাম মেলে। পরণে খাঁটি সাহেবের পোষাক, কাঁধের ওপর খাঁটি মিলিটারী ওভারকোট আর হাতে বিরটকার খাঁটি গ্যাডগেটন ব্যাগ। ফের্ট ক্যাপে কপাল ঢাকা। টিকিট আগেই কেনা ছিল, তাই ট্রেন ছাড়বার ঠিক পাঁচ মিনিট পূর্বে এই খাঁটি সাহেবটি ট্যান্সিহোগে ষ্টেশনে এসে সোজা গিয়ে আরোহণ করলেন রিজার্ভ-করা সেকেন্ড ক্লাস কামরায় এবং

জানামার কাচগুলো তুলে দিয়ে একখানা বিলিতি সিনেমা ম্যাগাজিনের পাতা ওলটাতে লাগলেন।

ভোর সাড়ে ছ'টার ছেড়ে চট্টগ্রাম মেল বেলা বারোটার এসে পৌঁছলো গোয়ালন্দ ঘাটে। এবারে সেকেণ্ড ক্লাস থেকে নেমে এলেন গিলে-করা আদির পাঞ্জাবি গায়ে, কোঁচানো শান্তিপুরী ধুতি পরনে, গ্রিশিয়ান স্লিপার পায়ে একজন দর্জিপাড়ার কাপ্তান, ছ' আঙ্গুলেব মাঝে আলগোছে চেপে ধরে একটি সিগারেট। পেছনে গ্যাডষ্টোন ব্যাগ মাগার কুলি।

পূর্বেই সংবাদ দেওয়া ছিল, তাই দেখা গেল শ্রীপদর প্রেরিত লোক অপেক্ষা করছে। সাবধানে তার পাশ দিয়ে যাবার সময় কাপ্তান অস্ফুটস্বরে বলে গেলেন : আমি ষ্টীমারে ইন্টার ক্লাসে যাচ্ছি।

সোজা গিয়ে হন্ হন্ করে ষ্টীমারে উঠলে পাছে টিকটিকিদের সন্দেহের উদ্বেক হয়, তাই অকস্মাৎ পথের মাঝখানে থেমে গিয়ে কাপ্তান কমলালেবুর দরদস্তুর করতে লাগলেন। ডুংথের বিষয় দরে বনলো না। না বনবারই কথা। তাই পাশের দোকান থেকে আর এক প্যাকেট সিগারেট কিনে নিয়ে কাপ্তান সোজা চললেন ষ্টীমারের দিকে।

সন্ধ্যার একটু আগে যখন ষ্টীমার কাদিরপুর ষ্টেশনে এসে থামলো, শ্রীপদ তখন বলে উঠলো : যাক্, এবার নিরাপদে তোকে আনতে পারা গেল। আর যা ছদ্মবেশ নিয়েছিল, তাতে পুলিশের বাঘারও সাধ্য নেই যে, তোকে চিনতে পারে।

কাদিরপুর বিক্রমপুরের মধ্যে একটি ষ্টীমার ষ্টেশন। ভাগ্যকুল গ্রাম এর কাছেই। সেটা অগ্রহায়ণ মাস। বর্ষার জল প্রায় শুকিয়ে এসেছে। বর্ষাকালে বিক্রমপুরের সর্বত্র জলে জলাকার হয়ে যায়। পাহাড়ের গা বেয়ে পদ্মানদীতে যে ঢল নামে, তার ফলে নদী এতখানি স্ফীতকার হয়ে ওঠে যে, কুল ছাপিয়ে সেই জলরাশি এসে প্রবেশ করে গ্রামে আর খাল বিল পুকুর ডুবিয়ে দিয়ে, পথঘাট ডুবিয়ে দিয়ে, কোথাও কোথাও প্রায় দশ হাত গভীরতা সৃষ্টি করে। জলবৃদ্ধির সঙ্গে সঙ্গে ধান ও পাটগাছগুলিও দীর্ঘ হতে দীর্ঘতর হয়ে উঠে জলের ওপর গলা বাড়িয়ে দাঁড়িয়ে থাকে। তখন হাট-বাজারে যেতে হয় নৌকোয়, স্কুলে যেতে হয় নৌকোয়, নৌকোর সাহায্য ব্যতীত এ-বাড়ী ও-বাড়ী যাতায়াত বন্ধ হয়ে যায়। কখনো কখনো এই বিপুল জলরাশি সীমাহীনভাবে বৃদ্ধি পেয়ে হাট-বাজারও

ডুবিয়ে দেয়, গৃহস্থের আত্মিনায়ও প্রবেশ করে। তখন এ-ঘর থেকে ও-ঘরে যেতে হয় সাঁকোর সাহায্যে। আশ্বিনের শেষাংশে এই জলরাশিতে ভাটার টান পড়ে। কার্তিকে পণ-ঘাট শুকিয়ে আসে আর অগ্রহায়ণে জল নেমে গিয়ে আশ্রয় নেয় শুধু খালে, বিলে, ডোবায় ও পুষ্করিণীতে। যাতায়াতে তখন অসুবিধা ও কষ্টের সীমা নেই। কোথাও হাঁটু-প্রমাণ কাদা একটা নরক সৃষ্টি করে রেখেছে, তারপরই হয়তো মাইলখানেক পণ শুকনো ঝাঁ খাঁ করছে। কোথাও খাল বেয়ে নৌকো চলে যায় হেসেখেলে পাল তুলে, আবার কোথাও এসে অকস্মাৎ একেবারে ডাক্তার ওপর উঠে পড়ে।

সংবাদ নিয়ে জানা গেল, নৌকোযোগে আমরা ষোলঘর পর্যন্ত যেতে পারবো। সেখান থেকে আমাদের গ্রাম মাত্র দেড় মাইল। ষোলঘর পৌঁছতে আমাদের বেশ রাত হয়ে গেলেও ক্ষতি নেই, কারণ গ্রামের পথঘাট আমাদের মুখস্থ, আর আমি তো রাত্রেই চাই গ্রামে পৌঁছতে সবার অলক্ষ্যে, সবার অজ্ঞাতে। শ্রীপদকে রেখে পরদিনই আবার এমনি গভীর রাত্রে গ্রাম ত্যাগ কবে ফিবে আসবো কলকাতায়—এই ছিল আমার কর্মসূচী।

তু'ধারে উঁচু পাড়, তার মাঝে ক্ষীণকায় খাল। অন্ধকার রাতে আমাদের নৌকো এগিয়ে চলেছে। ছইয়ের মধ্যে বিছানো বিছানায় শ্রীপদ সটান শুয়ে আছে আর আমি কেরোসিন ল্যাম্পের স্তিমিত আলোয় একখানা বই পড়ছি নিবিষ্টমনে। চোখ দুটো আটকে রয়েছে বইয়ের অক্ষরে, কিন্তু কান দুটো খাড়া রয়েছে বহুহরিণের মতো। বাইরের সামান্যতম শব্দও যেন না ফসকে যায়। স্ন্যাডেষ্ঠোন ব্যাগটা পায়ের কাছে নিশ্চিত্তে ঘুমুচ্ছে ল্যাপডগের মতো।

বাইরে নিবিড় অন্ধকার। মাঝে মাঝে দু'একটা ঝাঁঝি পোকের বিকট একঘেয়ে শব্দ শোনা যাচ্ছে আর গাছের ডালে ডালে দেখা যাচ্ছে অসংখ্য জোনাকির চুমকি। জ্বলছে আর নিভছে। ভিজ্জে ঝাটির কেমন একটা গন্ধ!

শ্রীপদ যেন অনেকক্ষণ মনে মনে মহলা দিয়ে একসময় গভীর গলায় ডাকলো :
দ্বিজেন !

তৎক্ষণাৎ আমি তাকে সংশোধন করে দিয়ে বললাম : দ্বিজেন নয়, বরেন,
তপেন, রাম, শ্রাম, ষড়, হরি—যা খুশী তাই বল, শুধু দ্বিজেন নয়।

স্নান হাসি হাসবার চেষ্টা করলো শ্রীপদ : ভুলে গিয়েছিলাম। কিন্তু ঝাখ,
এমনিভাবে আর কতকাল পালিয়ে পালিয়ে থাকবি ?

বললাম : যতদিন না ধরা পড়ি ।

বন্ধুর কোমল হৃদয় উদ্বেলিত হয়ে উঠলো : তা জানি । কিন্তু জ্যেঠাইমা আর জ্যেঠামশায়ের কথা একবার ভেবে গাথ্ । পূজোর সময় যখন এসেছিলাম, জ্যেঠামশায় আমার কত বললেন, কত হুঃখ জানালেন, আর জ্যেঠাইমা তো কেঁদেই আকুল ! তাঁদের কত আশা ছিল, তুই বিলেত থেকে ব্যারিষ্টার হয়ে ফিরে আসবি—

বাধা দিতে হলো : মানুষের মনে কত আশাই না বুদ্ধদের মতো ভেসে ওঠে শ্রীপদ, তার কটা পূরণ হয় ?

শ্রীপদ দমবার পাত্র নয় : বেশ, তাই যদি বল, তাহলে যে আশা নিয়ে তোমরা এই পথে পা বাড়িয়েছ, সে আশাও তো পূরণ নাও হতে পারে । তোমাদের পথই যে নিভুল, এই পথে এগিয়ে গেলেই যে অভীষ্ট লাভ হবেই, এর গ্যারান্টি তোমরা দিতে পারো কি ?—শ্রীপদ এবার লজিকের ওপর ভর করে যেন হাইকোর্টে মিঃ জাস্টিসের সম্মুখে দাঁড়িয়ে সওয়াল স্কক করলো ব্যারিষ্টার সি. আর. দাশের মতো : যার গ্যারান্টি তোমরা দিতে পারো না, নিশ্চয়ই সে সম্বন্ধে তোমরাই নিশ্চিত নও । আর নিশ্চিতই যদি না হও, তাহলে আমি প্রশ্ন করতে পারি কি, এমনিভাবে অনিশ্চয় ও আলেয়ার পেছনে দেশের যুবকদের টেনে নেবার অধিকার তোমরা কোথেকে পেলে ? নিজের সম্ভাবনাময় জীবন যেমনি নষ্ট করছো, তেমনি নষ্ট করছো আরও দশজনের । এর জন্ত তোমায় কি আমি অভিযুক্ত করতে পারিনে ?

চুপ করে গেলাম । জবাব দেবার কিছু নেই বলে নয়, জবাব দেবো না বলে । জানি শ্রীপদ আমার কতখানি ভালবাসে, আমার মত ও পথের সঙ্কে তার এতটুকুও না মিললেও দূর থেকেই সে তার ভগবানের কাছে নিরন্তর প্রার্থনা জানায় আমার সর্বাত্মক কল্যাণের । যে সর্বনাশা পথে আমরা বিচরণ করি, তার কাছে ঘেঁসতেও সে ভয় পায় জানি এবং তার আতঙ্কের কথা দ্ব্যর্থহীন ভাষায় আমার কাছে প্রকাশ করতেও তার বাধে না সত্য, কিন্তু তার আদালতী লজিকের অন্তরালে স্ফটিক-স্বচ্ছ হৃদয়ের যে নিরবকুণ্ঠ দরদ উৎসারিত হচ্ছিল, আর একবার নতুন করে তা সর্ব মন নিয়ে অনুভব করলাম ।

আমি নীরব থাকলেও আমার বন্ধু নীরব থাকবার পাত্র নয়, বিশেষ করে যখন সে অনুভব করে যে, যুক্তি-বাণে সে আমার কোণঠাসা করে ফেলছে ।

সে জানে যে, পরাজয় আমি মেনে নিতে রাজী আছি শুধু যুক্তির কাছে, জ্রকুটি, ছমকি বা অশ্রুজলের কাছে নয়।

কিন্তু শ্রীপদ তার সওয়ালের উপসংহার টানবার আর সুযোগ পেল না। অকস্মাৎ বছিরদী মাঝি লগি হাতে বসে পড়ে ফিসফিস করে বললো : দূরে দারোগাব নাওয়ার মতন একখানা নাও দেখা যাইতে আছে। আপনে কর্তা, ঘোমটা দিয়া বসেন আর ল্যাম্পটা দেন নিবাইয়া।—বলেই সে আপন মনে আবার লগি মারতে লাগলো, মুখে বিচিত্র সুরে ধরলো একটি সরস জারিগানের সরসতম কলি :

তোমার লইগা মরলাম

কাঁইন্দা বন্ধুরে,

ডাইকা ডাইকা পলাইয়া

যাও ক্যামনে রে—

ফস্ করে ল্যাম্প ফুঁ দিয়ে নিভিয়ে দেওয়া হলো। চট করে ছইয়ের একদিকে একখানা চাদর ঝুলিয়ে দেওয়া হলো। শ্রীপদ আপাদমস্তক মুড়ি দিয়ে গুয়ে পড়ে বোধহয় দুর্গানাম জপ করতে লাগলো। আর আমি গ্যাডষ্টোন ব্যাগটা ভেতরে টেনে নিয়ে একখানা চাদর মাথায় ঘোমটার মতো করে টেনে দিয়ে বেড়ার দিকে মুখ ফিরিয়ে বসে অকস্মাৎ ফুঁপিয়ে ফুঁপিয়ে কান্না শুরু করে দিলাম।

বছিরদী আমার পুরোনো মাঝি ও সাগরেদ, পুরাতন ভৃত্যেরই মতো। এই সহজ কৌশলে বছবার আমরা পুলিশের চক্ষে খুঁজি নিষ্কণ করেছি। বিশেষ করে রাত্রিবেলা। ওর নৌকো বাঁতীত বিক্রমপুরে বর্ষাকালে আমি এক পাও যেতাম না কোথাও। পুলিশের নৌকোখানি যেই কাছে এসে পড়ে, অমনি বছিরদী অগ্রণী হয়ে দারোগাকে সন্তুষ্টি সেলাম নিবেদন করে বলে : কাঁদবো আর কে ? আপনার বোমা কর্তা। বাপের বাড়ী থিকা আসোনের সময় পেরতেক বারই এমন কইরা ফোঁপাইব। বুড়া হইয়া গেল, তবে বাপের বাড়ীর টান গেল না—অ্যা ?

দারোগারা সাধারণতঃ এই জাতীয় রসিকতায় বেশ কৌতুক অনুভব করে।

কিন্তু এবার রক্ষা পাওয়া গেল। পাশ দিয়ে গা-ঘেসে যে নৌকোখানি বিপরীত দিকে চলে গেল, সেখানা দারোগার নৌকো নয়। গানের সুর থামিয়ে বছিরদী হি-হি করে হেসে উঠলো। বন্ধু শ্রীপদ তখন কবলের নীচে ঘেমে

উঠেছে। মাথার বালিশ ছুঁতে আমি কোল থেকে নামিয়ে রেখে দিয়ে নিশ্চিন্ত মনে আবার কেরোসিন ল্যাম্পটি জ্বলে দিলাম।

পুঁটিমারা খালের এক জায়গায় নৌকো বাঁধলো বছিরদী, বললো : আইসা পড়ছি কর্তা।

প্রথমে নামলাম আমি, তারপর অসুস্থ শ্রীপদকে নামাবার জন্তু হাত বাড়িয়ে দিলাম। দেড় মাইল পথ পায়ে হেঁটে যখন বাড়ীতে এসে পৌঁছলাম, তখন রাত বারোটা বেজে গেছে।

দুই

কিন্তু পরদিন রওনা হবার পথে দেখা দিল একটা প্রকাণ্ড অন্তরায়।

দূর সম্পর্কীয় বিলাস কাকার মেয়ে রেণুর সেদিন বিয়ে।

আনন্দোৎসব বা কোন প্রকাশ্য অনুষ্ঠানের সঙ্গে সম্পর্ক প্রায় ছ' বছর পূর্বেই চূকে গেছে। তাই গ্রামের বা পাড়ার কোনো উৎসব-অনুষ্ঠানেই আমাকে পাওয়া যেত না। আত্মীয়জনের বিবাহেও নয়। পুলিশ যেমন করে খুঁজছে আমার, এমনি অবস্থায় তো এক ঘণ্টা দেরী করাও বিপজ্জনক—আমার এই যুক্তি দিয়ে সবাইকে শান্ত করে দিলেও কিছুতেই পারলাম না জেদ বজায় রাখতে যখন স্বয়ং রেণু এসে হাত ধরে ফেললো এবং বললো : সবাইকে ফিরিয়ে দিতে পারলেও আমার পারবে না। তোমায় থাকতে হবে। রাত ন'টার মধ্যেই কাজ শেষ হয়ে যাবে। তারপর রওনা হলো—আমি আপত্তি করবো না।

সত্যিই রেণু আমার প্রিয় বোনটি। বড়ো-ছোটোর সম্বন্ধ নয়, আমাদের মধ্যে গড়ে উঠেছিল কি করে জানি না একটা মধুর বন্ধুত্বের বন্ধন। বয়সে ও শিক্ষায় ছুঁজনে সমপর্যায়ের নই বলেই বোধ হয় আমাদের মধ্যে নীরস ফর্মালিটির অস্তিত্ব ছিল না।

রাজী হতে হলো এবং আগুনের মত সেই খুলীর সন্দেশ মুখে মুখে প্রচারিত হয়ে সমগ্র অনুষ্ঠানেই যেন অধিকতর উদ্দীপনা ও উৎসাহ দেখা দিল এবং আমাকেই জড়িয়ে পড়তে হলো তার সঙ্গে। রান্না কে করবে, কি কি রান্না হবে, কোথায় বরযাত্রীরা এসে বসবেন, কিভাবে তাঁদের অভ্যর্থনা জানানো হবে, কতজন বরযাত্রী আসবেন, তাঁরা সবাই মাংসালী কি না, তারপর বরপক্ষের

দাবীমত জিনিষপত্র কেনা হয়েছে কি না, কোথায় বিবাহ-সভার আয়োজন হবে, কে সম্প্রদান করবেন, পানীয় জলের ব্যবস্থা হয়েছে কি না, আলো কোথায়, বাইরের ঠাণ্ডা ঠেকিয়ে রাখবার মত পর্যাপ্ত পরিমাণ সামিয়ানা এসেছে কি না—এমনি হাজারো ব্যাপারে মাথা গলিয়ে ও বিলি-ব্যবস্থা করে অঘ্রাণের শীতের মধ্যেই যখন পুকুরে ঝাঁপিয়ে পড়লাম স্নানের জন্ত, তখন পড়ন্ত রোদের আভা বটগাছের মাথায় চিকচিক করছে।

উপবাসী রেণু এসে আমায় চোখ রাঙ্গিয়ে গেল : আর যদি একটি মিনিটও দেরী কর, তাহলে ভালো হবে না বলে দিচ্ছি দাদা !

ডুপুরের খাওয়া শেষ হলো বেলা চারটেতে। রেণুর শুকনো মুখখানা দেখে জিজ্ঞেস করলাম : তুই কি পরম নির্ভাবতীর মতো বিয়ে করছিস নাকি রে ?

কেন ?

না খেয়ে মুখখানা গেছে শুকিয়ে, এ তো স্পষ্টই দেখতে পাচ্ছি।

ইস্ জানো কিনা তাই। এমনি উপোস তোমাকেও একদিন করতে হবে জেনো।

হা হা করে হেসে উঠলাম : সে একদিন আমার জীবনে আসবে না রে।

এখনই এত বিরাগ ? কত আর বয়েস হয়েছে, একুশ ? না হয় হলেই আমার চাইতে তিন বছরের বড়, তবুও তোমার চাইতে অনেক বেশী বুঝি, জানো ?

বল, কি কি বুঝতে পেরেছ ?

মুচকি হেসে রেণু বলতে লাগলো : জানি একজনকে ভালবাসতে তুমি। মনে মনে তাকেই বিয়ে করবার পুরোপুরি ইচ্ছে ছিল, শুধু একবার সাধিলেই—কিন্তু হয়, কেউ আর সাধলো না। তাই না দাদা ?

দাঁড়া, দেখাচ্ছি মজা।—বলে উঠে ওর খেণী ধরতে যাবো, এমন সময় ওর দাদা গণেশ এসে বললো : দাদা, কারিগর-বাড়ী থেকে যে ডে লাইটটা আনা হয়েছে, তেল ভরতে গিয়ে দেখা যাচ্ছে সেটা থেকে তেল চুঁইয়ে পড়ে। এখন কি করা যায় ?

বাধা পড়লো। গণেশকে সঙ্গে করে বেরিয়ে এলাম। বাইরে এসেই গুরুদাসের সঙ্গে দেখা : দাদা, বরঘাতীদের ঘরে আরো একখানা সতরঞ্চি না হলে সবটা ঢাকছে না।

চল যাচ্ছি।—বলে এদেরকে নিয়ে পশ্চিম-বাড়ীর দিকে রওনা হলাম। রেণুদের বাড়ী থেকে পশ্চিম-বাড়ীর দূরত্ব বেশী না হলেও রাস্তার একটা বাঁক ঘুরে যেতে হয়। অত্যন্ত উৎকর্ষা নিয়ে সেই বাঁকটি পেরিয়ে যেই ছ'পা এগিয়েছি, অমনি দেখি সম্মুখে একজন একান্ত অপরিচিত ভদ্রলোক, সঙ্গে পাড়ার কতকগুলো ছোট ছেলে!

ওদের মধ্যেই একজন বলে উঠলো : এই তো উনি, গুরই নাম দ্বিজন গান্ধলী।

আগন্তুক যেন বেশ ঘাবড়ে গেলেন। ছ' একবার কেসে গলাটা বুথাই ঝাড়বার চেষ্টা করে, পকেট থেকে একটুকরো কাগজ বুথাই বার করে আবার তা পকেটে ভরে, অনেক দ্বিধা ও সঙ্কোচের বাধা অতিক্রম করবার চেষ্টা করে প্রশ্ন করলেন : আপনার নাম দ্বিজনবাবু ?

হ্যাঁ! কেন বলুন তো? কোথা থেকে আসছেন আপনি?

আবার সেই জড়তা : দেখুন, আমি, মানে আপনার কাছেই এসেছি। আপনি অবশ্য আমায় চেনেন না—কি করে চিনবেন বলুন। তা আমি আসছি শ্রীনগর থেকে।—চলুন, আপনার বাড়ীতে বাই, সেখানেই বরং—

ব্যাপারটা পরিষ্কার করতে পেরেও কাটখোঁড়া স্বরে প্রশ্ন করলার্মি : আপনার প্রয়োজন কি বলুন না?

না—তা প্রয়োজন বিশেষ কিছুই নয়। তা দেখুন, আমাদের কি দোষ বলুন! আমরা হুকুমের চাকর বই তো নয়। মানে—

চারিদিকে যেমন লোক জমে গেছে, তেমনি একেবারে থমথমে ভাব! সবার কপালেই কুঞ্জন-রেখা, চোখে নিদারুণ বিরক্তি। একই প্রশ্ন তখন সবার মনে মনে জ্বলন্ত লৌহ-শলাকা চালিয়ে ফিরছে : তবে কি—

এই 'তবে কি'র জবাব তিনি অনেকক্ষণ আমতা-আমতা করে যা জানালেন, তার মর্মার্থ এই : আমাকে গ্রেপ্তার করা হলো। কাল ঢাকা থেকে পুলিশ-সুপার এসেছিলেন থানা পরিদর্শনে। তিনি বলে গেছেন যে আমি যে চট্টগ্রাম মেলে রওনা হয়েছি, সে সংবাদ তিনি পেয়েছেন। সুতরাং এই মুহূর্তে আমাকে গ্রেপ্তার করে ঢাকা জেলে পাঠিয়ে দেওয়া হোক।

পুলিশ সুপারের এই হুকুম তামিল করতেই এসেছেন রাজেনবাবু—থানার দ্বিতীয় অফিসার।

স্পষ্ট বুঝতে পারা গেল যে, গ্যাডষ্টোন ব্যাগ শিলালদহে অপেক্ষমান স্পাই-পুঙ্খবদের গ্ৰনদৃষ্টি এড়াতে পারেনি। যদিও বা সংশয় ছিল, তাও একটি প্রশ্নেই রাজেনবাবু দূর করে দিলেন : বাড়ী যাবেন না ? চলুন। অবশ্য আপনার জামাকাপড় বদলে নেবার জ্ঞ, আমার বিশেষ কিছুই প্রয়োজন নেই। সার্চ করবার আদেশ যখন দেয়নি—শুধু আপনার নাকি একটা গ্যাডষ্টোন ব্যাগ—সেটাই শুধু একবার, মানে—

দেখতে হবে, তা চলুন না। ঐ তো আমার বাড়ী।

ইতিমধ্যে দু'জন হিন্দুস্থানী পুলিশকে দেখলাম এসে হাজির। দেখলাম তারা মালকোছা এঁটে ধুতি পরে তার ওপরেই ছোট সাইজের থাকি প্যান্ট চাপিয়ে দিয়েছে, বোতামগুলো তখনো এঁটে দেয়নি। আর দু'হাতে লাল পাগড়ীর সুদীর্ঘ কাপড়টা মাথায় পাগড়ী নয়, ফাট্কার মতো করে কোনরকমে জড়িয়ে নিচ্ছে।

আসামী ধরবার বেলায় বিশেষ করে স্বদেশী আসামীর ক্ষেত্রে কী সব কৌশল অবলম্বন করলে কাজটা সহজ ও ক্ষিপ্ত হয়ে আসে, সে সব মূল্যবান শিক্ষা এদের সমাপ্ত হয়েছে। তাই আমাদের পাড়ায় প্রবেশ করবার পূর্বে রাজেনবাবুর মতই নিজেদের পোষাক এরা লুকিয়ে রেখেছিল স্কন্ধে লম্বমান ঝোলার মধ্যে। পাছে লাল পাগড়ীর শুভাগমন কেউ দেখতে পেয়ে সংবাদটি সোজা আমায় পৌঁছে দেয়, পাছে আসামী তাদের মুড়তার সুযোগ নিয়ে ভেগে যায়, তাই তারা সরকারী তকুমা ছেড়ে এসেছিল সিভিল পোষাকে। এখন দূর থেকে যখন বুঝতে পেরেছে যে, কাজ হাসিল হয়েছে, তখন পোষাক পরে জ্বরদস্ত হয়ে তারা এসে হাজির।

কিন্তু, আমার আসবার খোশ-খবর কালকে যেমন উৎসাহ ও উদ্দীপনা সৃষ্টি করেছিল, তেমনি আমার মহাপ্রস্থানের দুঃসংবাদটি সমস্ত আয়োজনটাই যেন শ্লান করে দিল!

ডে লাইটের তলাটা ফুটো হয়েছে, না একেবারেই ভেঙ্গে গেছে, গণেশ তা ভালো করে মনেই করতে পারলো না আর গুরুদাস যে কেন আমায় ডাকতে এসেছিল, সে কথা ভুলেই গেছে। রাজেনবাবু আমার গ্যাডষ্টোন ব্যাগটির পরীক্ষাকার্য শেষ করে বিলাস কাকার বৈঠকখানাতে এসে বসতেই চারিদিক থেকে তাঁকে ছেলে বুড়ো ও মেয়েরা মহিলারা একেবারে ছেঁকে ধরলেন।

বিলাস কাকা পাড়ার অগ্ৰাণ্ণ কাকাদের প্রতিনিধিস্বরূপ, বয়সে নয়, অভিজ্ঞতায় ও বুদ্ধিতে। তিনি বললেন : দেখুন, আজ আমার মেয়ে রেণুর বিয়ে। গ্রামের দূরের কথা, পাড়ার কোনো শুভ কাজে, এমন কি আত্মীয়জনের কাজেও দ্বিজনকে পাওয়া যায় না। কারণ, ও যে কবে ও কখন এখানে আসবে আর বিনা নোটিশে কখনই বা ফন্স করে কোথায় চলে যাবে, তা দেবা ন জানন্তি। আজ বোধহয় রেণুরই ভাগ্যগুণে ও অকস্মাৎ এসে হাজির। চলেই যাচ্ছিল, রেণুই হাতেপায়ে ধরে ওকে নিরস্ত করেছে। এমনি শুভদিনের আনন্দে আপনি এসে বাধা সৃষ্টি করে বসলেন ?.....

মর্মান্বিত সংবাদটি ছেড়ে দেবার পর এক ঘণ্টা অতিক্রম হয়েছে। সুভরাং রাজেনবাবু হারানো সন্ধিৎ ফিরে পেয়েছেন। ধীর শান্ত স্বরে তিনি যুক্তি দিয়ে নিজের অসহায় অবস্থার কথা বর্ণনা করলেন : দেখুন, বিশ্বাস করুন, এমন দিনে আসছি জানতে পারলে অন্ততঃ আমি এই নিশ্চয় কাজের ভার নিতাম না। আমিও আপনাদেরই মত সামাজিক লোক, আমারও বাড়ীতে এমনি বিবাহাদি হয়ে থাকে। কিন্তু জানেন তো পরের চাকরি করি আর সে চাকরিই হচ্ছে অত্যন্ত নিরানন্দদায়ক। তাই আপনাদের বাধা সৃষ্টি করতে এসে আমিও কম ছুঃখ পাচ্ছি না। কিন্তু আমার অসহায় অবস্থার কণীটা আপনারা একবার বিবেচনা করে দেখুন।

বলে তিনি করুণ দৃষ্টি একবার সভার চতুর্দিকে বুলিয়ে নিলেন। কালু কাকা তাঁর কালো দাঁড়িতে হাত বুলোচ্ছেন, অশ্বিনী কাকা ধোঁয়া না বেরুলেও ভুড়ুক ভুড়ুক করে ছঁকো টেনে চলেছেন, বৃদ্ধ ও বধির অখিল কাকা কিছু শুনতে না পেলেও সবই বুঝতে পেরে একবার এর মুখের দিকে, আর একবার ওর মুখের দিকে চেয়ে দেখছেন, দেবেন কাকা এসব ব্যাপারে চিরকালই অগ্রণী, তাই বিলাস কাকার ব্রীফ নিয়ে যেন তাঁর পাশে অপেক্ষা করছেন সওয়ালের পরেণ্টগুলো ঠিক ঠিক ধরিয়ে দেবার জ্ঞা। অতুল কাকা পূজো-অর্চনা নিয়েই থাকেন। তাই অর্ধ-নিম্নীলিত নেত্রে এক পার্শ্বে বলে সবই ত্রীলোকনাথের হাতে তুলে দিয়ে স্বস্তিলাভের চেষ্টা করছেন।

কাকাদের কঁাকে কঁাকে প্রস্তুত হয়ে এসে বসেছে তাঁদের ছেলেরা, যুবকের দল, প্রয়োজন হলে জামার আন্তিন গুটিয়ে নিতে। জানামার কাঁপগুলো ঠেলে দিয়ে এসে দাঁড়িয়েছেন কাকীমা, পিসিমা, মালীমার দল ও তাঁদের মেয়েরা।

সমুখের প্রাঙ্গণে এসে উপস্থিত হয়েছে কারিগর-বাড়ীর রমজান, ইলিয়াস, রেজা আলী, সিরাজ প্রভৃতি। বছিরদী ব্যাটাও কোথা থেকে সংবাদ পেয়ে এসেছে এবং পুলিশকে সর্বদাই ডোন্ট কেয়ার ভাব দেখাবার জ্ঞান বেস কেয়ারফ্রি-ভাবে এর ওর সঙ্গে হাসি তামাসা করে বেড়াচ্ছে।

আমার বাবাও এসেছেন এবং ঘটনার পরিণতি দেখাই যে শুধু তাঁর উদ্দেশ্য, তা প্রমাণ করবার জ্ঞান একটি চেয়ারে বসে হাঁটুর ওপর হাঁটু তুলে দিয়েছেন আর হাতে ধরে রেখেছেন স্বহস্তে নিশ্চিত নিম্ন গাছের ডালের একটি বৃষ্টি। তাঁর বিশ্বাস, নিম্নের ডাল হাতে থাকলে মানুষের কোনো অমঙ্গলই আসতে পারে না। অদ্ভুতভাবে নীরব তিনি, এই সব আলাপ আলোচনার সঙ্গে তাঁর যেন কোনো সঙ্গ নেই। পুত্রকে তিনি চেনেন, খুব ভালোভাবেই জানেন; তাই রেণুর বিবাহে আমার হারিয়ে সবাই অজস্র দুঃখ পেলেও আমার মনে যে তার প্রতিধ্বনি মিলবে না, সে সংবাদ তিনি রাখেন।

আসেনি বন্ধু শ্রীপদ আর আসেননি আমার মা। শ্রীপদ অসুস্থ, জ্বরের প্রকোপটা বেশ বেড়ে গেছে। আর মা এই বিদায়দৃশ্য সহ্যে পারবেনা বলে আর এদিকে আসেননি।

তখন সবে সন্ধ্যা হয়েছে। আর দু'টো ঘণ্টা পরেই বিয়ের লগ্ন। আসন্ন সেই উৎসবের প্রাক্কালে যেন একটি শোকসভা বসেছে।

কালু কাকা বললেন : কিন্তু রাজেনবাবু, ধরুন আমরা যদি সবাই মিলে আপনাকে লিখে দিই যে, কাল সকাল নয়টার মধ্যে আবার দ্বিজেনকে থানায় পৌঁছে দোব, তাহলেও কি পারেন না ওকে আজ রেখে যেতে ?

বিলাস কাকা অকস্মাৎ যেন একটা পথ খুঁজে পেলেন : মনে করুন না, ওর সঙ্গে আপনার আজ দেখাই হয়নি, ওকে বাড়ী পাননি কিংবা আপনাদের আসবার সংবাদ পেয়ে পূর্বাঙ্কেই ও সরে পড়েছে, তাহলে ? অবশ্য, আমি বলছি না ওকে একেবারেই পাননি বলে রিপোর্ট দিয়ে নিজের চাকরি খারাপ করুন। কাল সকালে আপনিই আবার আসুন না সদলবলে। আমরা কথা দিচ্ছি, ও বাড়ীতে থাকবে এবং থানায় যাবে আপনাদের সঙ্গে।

এ যে কত বড় ঝুঁকি সেটা মনে মনে উপলব্ধি করে রাজেনবাবু আর একবার কেসে গলাটা ঝেড়ে নিয়ে বললেন : দেখুন, আবারো বলি, আপনাদের দুঃখে আমি দুঃখ অনুভব করছি। কিন্তু দ্বিজেনবাবুকে পেয়েও পাইনি বলে

কি ভাবে ডায়েরী লিখবো বুঝতে পারছি না। আর, এই খবরটি ঘূর্ণাক্ষরেও ওপরে গিয়ে পড়লে শুধু যে চাকরি যাবে তাই নয়, জেলও হয়ে যাবে। তারপর কালকে ঠুঁকে পাঠিয়ে দেবার কথা। কোন্ আইনে আমি এমনি অদৃত জামিন দিতে পারি বলুন? বিশেষ কবে উনি তো আর আমাদের প্রিজনার নন। আই বি-র ভকুমে আমরা ঠুঁকে নিতে এসেছি। আই বি চীজটি যে কী বস্তু, তা তো আপনাদের অজানা নেই। ওরা ছেলেকে পর্যন্ত ধরিয়ে দিতে দ্বিধা করে না। • এমনি অবস্থায়—মানে,—

মানে প্রাঞ্জল হয়ে গেছে অনেকক্ষণ। আমাব যেতে হবে। সে আমি জানি ঠ'ঘণ্টা পূর্বেই যখন শ্রীমান্ রাজেনের সঙ্গে সাক্ষাৎ ঘটে গেছে, তখনই।

তথাপি আত্মীয়েরা, পডশীরা এ গ্রামের লোকেরা বহু যুক্তির অবতারণা করলেন, বহু অনুরোধ জানালেন, যুবকেরা অজস্র বিতর্কের সৃষ্টি করলো এবং সমবেত মহিলা ও দর্শকেরা নীরবে জানালো তাদের অকুণ্ঠ বিক্ষোভ। কিন্তু settled fact কার্জন সাহেবের বেলায় unsettled হলেও শ্রীনগর থানার দ্বিতীয় অফিসার, রাজেনবাবুর বেলায় তা হতে পারলো না। বিনয়ের ও সমবেদনার পরকাষ্ঠা দেখালেও আসামীকে হাতছাড়া করবার প্রস্তাব তাঁর অন্তর স্পর্শ করলো না।

তার পরের ঘটনা অত্যন্ত সংক্ষিপ্ত। সভা ছত্রভঙ্গ হয়ে জনসমাবেশে পরিণত হলো। কারু মুখে কথা নেই। সন্ধ্যার অন্ধকারে মনে হতে লাগলো যেন অজস্র প্রেতাওয়া কালো ছায়া ফেলে ফেলে ঘুরে বেড়াচ্ছে। আকাশেও এক ফালি কৃষ্ণাষ্টমীর চাঁদ। সে স্তিমিত ত্যক্তিতে অন্ধকার আদৌ দূর হয়নি। তারাগুলোও তৈলহীন প্রদীপের মত মিটমিট করছে। ডে লাইটের একটিও জ্বালা হয়নি তখনো। বরযাত্রীদের ঘর তখনো অন্ধকার।

রাজেনবাবুর পাশাপাশি আমি এগিয়ে চললাম। পশ্চিম-বাড়ীর বাঁকটার পাশে আসতেই মধুসূদন হাতে একটুকরো কাগজ গুঁজে দিয়ে গেল। খুলে দেখবার অবকাশ হলো না।

বরযাত্রীদের ঘরের পাশ দিয়ে যাবার সময় গুরুদাসকে খানিকটে উপদেশ দিলাম কি ভাবে গুঁদেরকে অভ্যর্থনা জানাতে হবে।

ধোপা-বাড়ী এসে পড়লো। এর পরই সদর রাস্তা। পশ্চাতে চেয়ে দেখলাম কয়েকটি লঠন হাতে দীর্ঘ নীরব শোকযাত্রা। কাকারা সবাই আছেন,

কাকীমারাও আছেন, পাড়ার ছেলেমেয়েরা আছে, কারিগর-বাড়ীর মুসলমানেরাও আছে, সবাই আছে! সবার উদ্দেশ্যেই যুক্তকরে প্রণাম জানিয়ে যখন সদর রাস্তায় পড়লাম, তখন অকস্মাৎ মনে পড়ে গেল, বাবাকে তো যেন দেখতে পেলাম না এঁদের মধ্যে, আর মাকে.....

অবাধা পুত্রের অবিমূঢ়কারীতাকে দূর থেকেই হয়তো তাঁরা ধিক্কার জানাচ্ছেন। ঘরকে তুচ্ছ ক'রে যে পথে বেরিয়ে গেছে, ঘরের জাগ্রত দেবদেবীর মেহাশীর্ষাদ পাবার যোগ্যতা তার কোণায়? কিংবা হয়তো তা নয়। দুজনেই হয়তো দোতলায় বাবার ঘরে মহাদেবের মূর্তির সম্মুখে বসে নীরবে অশ্রুমার্জনা করছেন, ভগবান এই বে-হিসাবী পণিকের মঞ্জল করুন।.....

একটু পরেই দেখা গেল বলিষ্ঠ পদক্ষেপে এগিয়ে চলেছে বাংলার হাজারো রাজবন্দীদের একজন আর তাকে যিবে সাবধানে চলেছে ব্রিটিশ সরকারের একজন এজেন্ট ও তার দু'জন সহচর।

কারো মুখে রা নেই।

তিন

আশ্চর্য্য, পুঁটিমারা খালের ঠিক যেখানটায় মাত্র দু'দিন পূর্বে গভীর রাত্রে অসুস্থ শ্রীপদকে আমি হাত ধরে নৌকো থেকে নামিয়েছিলাম, আজ ঠিক সেখানটাতেই অপেক্ষা করছে দারোগার নৌকোখানি। আর গুঠবার সময় রাজেনবাবু সত্যিসত্যিই নৌকো থেকে একখানা হাত প্রসারিত করে দিয়ে সাদর অভ্যর্থনা জানানেন : হাত ধরে উঠুন। পড়ে যাবেন না যেন।

জারগাটির কথা ভোলবার নয়। কারণ এর অনতিদূরেই বড় আকারের যে একখানা এক-মাল্লাই নৌকো ডোবানো দেখে গিয়েছিলাম, আজও সেখানা তেমনি গলা ডুবিয়ে যেন আমার যাত্রাপথের পানে চেয়ে রয়েছে। বিক্রমপুরে বর্ষা শেষ হয়ে এলে নৌকোগুলো দিয়ে তখন মাছ ধরা হয়। প্রথমে কতকগুলো জাবনা বা ধানগাছের খড় নৌকোর খোলে বিছিয়ে দেওয়া হয়। তারপর মাঝারী সাইজের গাছের কতকগুলো ডাল নৌকোর মধ্যে গুঁজে দিয়ে ওখানা খালে, বিলে অথবা পুকুরে ডুবিয়ে রাখা হয় একেবারে গভীরতম স্থানে। দিন পনেরো পর দড়ি ধরে টেনে নৌকোখানি ঝটিতি ভাসিয়ে তোলা হয়। জাবনা ও ডালের পাতাগুলো নৌকোর খোলে জমায়েৎ হয়ে মাছের চমৎকার আস্তানা তৈরী করে। ছোট ছোট মাছ, যথা ; কৈ, পুঁটি, ট্যাংরা, খলসে, টাকি, পাবতা প্রভৃতি ওতে প্রচুর পাওয়া যায়। অর্থাৎ বর্ষাকালের বাহন নৌকোকে বিক্রমপুরে শীতকালে মৎস্যশিকারে নিয়োগ করা হয়। এমনি একখানা নৌকো দু'দিন পূর্বে যেখানটায় যেভাবে দেখে গিয়েছিলাম, আজও দেখি সেখানা তেমনি ভাবেই আকর্ষণীয় নিমজ্জিত হয়ে রয়েছে।

নৌকো শ্রীনগরের পানে রওনা হলো। র্যাপারটা ভালো করে গায়ে জড়িয়ে বসলাম। রাজেনবাবু পাশেই বসলেন আর আমার দেহরক্ষীদের একজন ছইয়ের সম্মুখে আর একজন পশ্চাতে ঘাঁটি আগলে রইলো।

কোথা দিয়ে কি ঘটে গেল যেন ভাল করে ঠাওরই করতে পারছিলাম না। বরং, বরঘাত্রী ও জনবহুল আলোকোজ্জ্বল বিবাহসভায় কোথায় আমি গ্রহণ করবো একচ্ছত্র নেতার ভূমিকা, হাঁকডাকে ও বচন-বিচারে কোথায় আমি : অস্বাণের শীতল ও মন্থর রাত্রি উত্তপ্ত ও সরগরম করে তুলবো,

ক্রটিহীন বিলি ব্যবহার জন্ম কোথায় আমার উদ্দেশ্যে বর্ষিত হবে অজস্র স্তুতিবাণী, আর কোথায় বন্দী আমি, একাকী নিঃশব্দে চলেছি কারাগারের পথে।.....
ছইয়ের সাথে ঝোলানো একটি ময়লা হারিকেন লঠন মৃদু মৃদু দোল খাচ্ছে আর কানে ভেসে আসছে জলের ছল্‌ছল একটানা শব্দ।

কে জানে, কারিগর-বাড়ীর ফুটো ডে লাইটের পরিবর্তে মজুমদারদের লাইটটা আনা হয়েছে কি না, বরযাত্রীদের ঘরে আরো একখানা সতরঞ্চির ব্যবস্থা করা গেল কি না, গণেশ গুরুদাস নৃপেন ভূপেন পাড়ার ছেলেরা সবাই মিলে শুভ কাজটা যাতে নির্বিঘ্নে সম্পন্ন হয়ে যায়, কে জানে সেদিকে ওরা দৃষ্টি দিয়েছে, না এখনো ভাবছে যে, 'দ্বিজেনদা' যখন এসেছেন ও রয়ে গেছেন, তখন আর ভাবনা নেই, নীরব দর্শকের ভূমিকা গ্রহণ না করে বরং মরণি পিসিমার সঙ্গে একটু খাতির জমাবার চেষ্টা করা যাক, যদি ভাঁড়ারের চাবিটা পাঁচ মিনিটের জন্মও পাওয়া যায়। হাঁসড়া গ্রামের বিখ্যাত ময়রা সুরেনের ওখান থেকে দই ও সন্দেশ এসেছে যে।

একটা অদ্ভুত চিন্তায় সমস্ত মন কেমন যেন কালো হয়ে গেল! হয়তো আলো জ্বালা হয়নি, বরযাত্রীদের ভালো করে অভ্যর্থনা জানানো হয়নি, বিলাস কাকাঃ সঙ্গে বরকর্তার হয়তো সামান্য ব্যাপার নিয়ে দারুণ বচসা বেধে গেছে, একটা বিশ্রী উত্তেজনাকর আবহাওয়ায় বিবাহসভা একেবারে ভেঙ্গে পড়বার উপক্রম হয়েছে, হয়তো রেণুই শেষ পর্যন্ত ঘোষণা করে দিয়েছে যে, সে বিয়ে করবে না।

চলে আসবার সময় মা বার বার আমার বিছানাটা আমার সঙ্গেই দিয়ে দিতে চেয়েছিলেন। ভাবলেন, শোবার কষ্টটা অন্ততঃ বাচবে। কিন্তু মাথার বালিশ ছুটো সঙ্গে করে পুলিশের খাঁচায় এসে প্রবেশ করা যে কতখানি বিপজ্জনক, মা তার কী জানেন? তাই বালিশ দুটিকে এড়িয়ে নিয়ে এসেছি শুধু একখানা সূজনী ও মশারি। রাজেনবাবুও রাজার হুকুমটুকুই শুধু তামিল করেছেন, তল্লাসী করেছেন শুধু আমার বিরাটাকার গ্যাডগেট ব্যাগটি, সামান্য মাথার বালিশের মধ্যে যে একটা রিভলভার থাকতে পারে, সে বুদ্ধি তাঁর হুকুম-তামিল-করা মাথায় আসবে কোথেকে?

তাকিরে দেখলাম, শ্রীমান্ রাজেন একটা সিগারেট প্রায় শেষ করে ফেলেছেন। আমার নীরবতার তাঁর সহানুভূতি জাগ্রত হলো: কী

unpleasant কাজ, একবার ভেবে দেখুন দ্বিজেনবাবু। আর এই শালা আই বি-দের জালায় আমাদের হয়েছে আরও মুস্কিল! আমরা মশাই, চোর-বদমায়েস নিয়েই ব্যস্ত, এর মধ্যে আবার ভদ্রলোকের ছেলের নিয়ে টানাটানির কাজটা আমাদের ওপর ঠেলে দিস্ কেন? তোদের প্রিজনার, তোরাই এসে গ্রেপ্তার করে নিয়ে যা না। আর ওদের গ্রেপ্তারেরও কোনো মাথা মুণ্ডু নেই। যাকে খুশী ধরলেই হলো, সাক্ষ্যপ্রমাণ তো আর হাজির করতে হবে না আদালতে, নইলে হাক্কামা যে কত, বাছাধনরা ভালো করে টের পেতেন।—বুঝলেন না, কাজ দেখাতে হবে তো, তাই।

অর্থাৎ, আমার গ্রেপ্তারের একমাত্র কারণ যে ঢাকা শহরের গোয়েন্দা বিভাগ, এ কথাটা তিনি বার বার আমায় বুঝিয়ে দেবার চেষ্টা করলেন।

আমি কোনো উৎসাহই প্রকাশ করলাম না। কারণ আই বি হোক বা থানাই হোক, পুলিশকে আমরা সাপের মত খল ও বিশ্বাসঘাতক মনে করতাম। সুবিধে ও সুযোগ পেলেই যে এরা ফণা উত্তত করবে ও দংশনেও লজ্জা পাবে না, এ সত্য আমাদের জানা ছিল। বাপ ছেলেকে ধরিয়ে দিয়ে মোটা পুরস্কার লাভ করেছে, বন্ধু বন্ধুর সর্কনাশ সাধন করেছে, এমনি অজস্র দৃষ্টান্ত আছে। তাই আমাদের নীতিই ছিল চুপ করে থাকা। প্লেব্‌ফীস একটি-মাত্র কথা কোন্‌ অসতর্ক মুহূর্তে বেরিয়ে এসে যে কী বিপর্যয় বাধিয়ে দিতে পারে, দলের বৈপ্লবিক কর্মপ্রচেষ্টার পথে কী পর্ততপ্রমাণ বাধার সৃষ্টি করতে পারে, তা আমাদের জানা আছে।

কিন্তু, আমি নিরুত্তর থাকলেও রাজেনবাবু আদৌ নিরুৎসাহ বোধ করলেন না। তাঁর কণ্ঠ অনেকটা এ্যাপোলজীর মতো শোনাতে লাগলো: তারপর বললাম বড়বাবুকে যে, আপনি নিজে যান, দ্বিজেনবাবুকে আমি চিনি না, কোনদিন দেখিনি; আর সম্রাটের এত বড় একজন শত্রু, এঁকে তো আপনারই অভ্যর্থনা জানানো উচিত,—কিন্তু শুনলেন না। বড় হলো যা হয়, তাঁর কোন্‌ আত্মীয়ের আজ বিয়ে, সেই শেখরনগর গ্রামে। বাস্, তিনি চলে গেলেন। ব্যাপারটা একবার ভেবে দেখুন, তিনি নিজে আজ একটি বিয়েতে বেশ ফুর্তি করছেন, আর আপনাকে কিনা এমনি একটি বিয়ে থেকে সরিয়ে নিয়ে আসতে হলো।

চট করে একটা সুযোগ পাওয়া গেল। থানার অফিসাদের মধ্যে

চাকরিগত রেযারেশি একটুআধটু থাকেই জানি। এই রেযারেশির স্মৃষ্টি নিয়ে রাজনৈতিক বন্দীদের অনেক সময়ই অনেক রকম স্মৃষ্টি এসে যায়। তাই সর্বদাই আমরা এদের ঝগড়া বা ঝর্ষা জিইয়ে রাখি নিজের কাজে লাগাবার জন্য। বললাম : অনেক দেখেছি রাজেনবাবু। থানার বড় দারোগা সহকর্মীদের যে কী ঘৃণা করে, তাদের সঙ্গে প্রভু-ভৃত্যের মতো কী বিশ্রী ব্যবহার করে তা আর আপনি আমায় কি বলবেন। নিজের ঘরে দরজা ভেজিয়ে বসে ওরা চোরের তলপীদারদের কাছ থেকে মোটা ঘুস নিয়ে হয়তো অনায়াসে আপনার ফাইলের একটা নির্ঘাত conviction-এর মামলাই দিল কীসিয়ে। বন্ধ হয়ে গেল আপনার reward আর promotion মাঝখান থেকে পুলিশসাহেবের কাছে কৈফিয়ৎ দিতে দিতে জান কাবার। তাই না?

যা বলেছেন, রাজেনবাবু।—বলে রাজেনবাবু আরো একটু ভালো করে বসে এবার বড় দারোগার শ্রদ্ধ করতে যেন এগিয়ে এলেন। আমার ওসব কাহিনী শোনবার আদৌ ধৈর্য ছিল না, মাঝে মাঝে শুধু হুঁ'ইয়া করে রাজেনবাবুর উৎসাহ-প্রদীপের সলতেটা উস্কিয়ে দিচ্ছিলাম মাত্র। রাজেনবাবুর মুখে খই ফুটতে লাগলো।।.....

রাত প্রায়ঃ এগারোটায় এসে আমাদের নোকো শ্রীনগর থানার ঘাটে ভিড়লো। থানার পূর্ব দিকে এই ঘাট। খালের জল অনেক নীচে নেমে যাওয়ার বাধানো ঘাটটার শেষে মাটি বেরিয়ে পড়েছে।

থানার বারান্দায় এসে উঠতেই বন্দুকধারী সিপাই এগিয়ে এসে মিলিটারী কায়দায় অভিবাদন জানালো। থানা একেবারে নীরব বলা যায়। উত্তর দিকের ব্যারাকে আলো জ্বালিয়ে কোন সিপাই তুলসীদাসের দোহা বিচিত্র সুরে পাঠ করছে, আর দক্ষিণ-পূর্ব কোণের পোষ্টমাষ্টারের বাসায় একটি শিশুর বিরামহীম ক্রন্দন শোনা যাচ্ছে।

বড় দারোগা শেখরনগর থেকে ফিরে এসে শয্যাগ্রহণ করেছেন, থানার অগ্নাণ্ড কর্মীরা সদাই ঝাঁর ঝাঁর বাসায় ফিরে গেছেন, থানার বারান্দায় এক লম্বা টেবিলের উপর ওভারকোট বিছিয়ে ছ'টি সিপাই নিদ্রামগ্ন। এক মুহূর্ত কি চিন্তা করে রাজেনবাবু বললেন : চলুন আমার বাসায়, থাকুন।

তৎক্ষণাৎ বাধা দিয়ে বললাম : বলেন কি, তাহলে বড়বাবু আপনারই নামে ডায়েরী করে রাখবে। চাকরিটি খোয়াবেন।

রাজেনের পৌরুষে ঘা লাগল বুঝি : রাখুন মশায়, ডায়েরী আমিও করতে পারি। আমিও থানার সেকেন্ড অফিসার। প্রত্যেক সপ্তাহে আমারও confidential report পৃথক্ ভাবে এস পি-র অফিসে যায়।—আসুন।

অতএব রাজেনবাবুর পশ্চাতে থানার সিঁড়ি দিয়ে নেমে এলাম। নৈশ প্রহরীর সম্মুখে আমার বক্রোক্তি ও রাজেনবাবুর উচ্ছ্বাসে এটা স্পষ্ট বোঝা গেল যে, থানার স্পষ্ট দু'টি দল আছে বড়বাবু ও মেজবাবুর। সেজে ও ন'দেরও কি এক-আধজন স্তাবক নেই? খুলী হলাম। Divide and Rule—এ তো ইংরেজদেরই প্রথম নীতি এবং সফল নীতি।.....

থেতে বসে বেশ তৃপ্তি পাওয়া গেল। ছেলে মেয়ে রাজেনবাবুর ক'জন কে জানে, এত রাতে হয়তো তাবা ঘুমিয়ে পড়েছে। দেখলাম রাজেনবাবুর স্ত্রী অত্যন্ত পরিচ্ছন্নভাবে অতীব উপাদেয় সরস ঋগুগুলি একই সাইজের প্রায় আধ ডজন বাটিতে সাজিয়ে দিয়ে গেলেন। শুধু পোনা মাছ আর মুরগীর মাংসই নয়, আবার কয়েক রকমের পিঠেও। নাম বোধ হয় তার একটারও জানি নে, কিন্তু থেতে সবগুলোই চমৎকার।

আহারের পর এল পান, পান খাইনে শুনে আবার এল ভাজা মসলা। তারপর রাজেনবাবু বললেন : কী করবো বলুন, হাতপা বাঁধা নইলে আজ এখানেই আপনার শোবার ব্যবস্থা করে দিতাম। ঐ গারদে কি কোনো ভদ্রলোকের পক্ষে থাকা সম্ভব?

এবার কিন্তু রাজেনবাবুর অকপটতায় আর সন্দেহ রইলো না। লোকটা সত্যি নেহাৎ গোবেচারা গোছের। জিজ্ঞেস করলাম : কিন্তু আমার মনে হচ্ছে, বাড়ীতে আপনি আগেই বলে গিয়েছিলেন আমার খাবার কথা। তা—ভালই করেছিলেন। কিন্তু খাবার বু'কি নেয়া এক কথা, আর শোবার বু'কি নেয়া একেবারে সাংঘাতিক। আমি কি আপনার বাড়ীতে বেড়াতে এসেছি? কাজ নেই রাজেনবাবু, আমার নিয়ে বড়বাবুর সঙ্গে আর ঝপড়া বাধিয়ে দরকার নেই। আরে মশাই, থানার হাজতে বেশ থাকা যাবে'খন।—চলুন।

রাজেনবাবু তবু দমবার পাত্র নন। বাড়ী থেকে বেশ ভালো বিছানা মশারি ও লেপ নিয়ে এসে নিজে হাজতের মধ্যে প্রবেশ করে পরিপাটি করে শয্যা রচনা করে দিলেন, তারপর আর একবার বড়বাবুর শ্রদ্ধ করে ও আমার অজস্র সমবেদনা ও দুঃখ জানিয়ে রাত্রির মত বিদায় নিয়ে গেলেন।

ধানার হাজতটি কিন্তু একটু ভিন্ন রকমের। ধানার ঘরখানা টিনের, তার মাঝখানকার বড় ঘরের মাঝে মোটা মোটা কাঠের চৌকো শিকের তৈরী একটি খাঁচা। খাঁচার মাথায় ধানার পুরোনো ডায়েরী, রেজিষ্টার ও অগাণ্ড অজস্র খাতাপত্র একেবারে স্তূপীকৃত হয়ে আছে। ধূলোয় যে তা ভর্তি, তাই নয়, তার মধ্যে ইঁদুরের আস্তানা। তারপর কাঠের শিক বলেই আছে তার জোড়া আর সেই জোড়ার ফাঁকে বাসা বেধে আছে অসংখ্য ছারপোকা।

একটু পরেই তা বেশ টের পেতে লাগলাম। ঘুম ভেঙে গেল। খোলা দরজার বাইরে বারান্দায় বন্দুকধারী প্রহরী সম্পূর্ণ সজাগ। কর্তব্য সম্বন্ধে আজ বুঝি ও একটু বিশেষরকম সচেতন। বাইরে অজস্র জ্যোৎস্না আর তেমনি ঘন কুয়াসা। উজ্জল পশ্চাৎপটের সম্মুখে সিপাইয়ের শিলাট দেহখানা নড়াচড়া করছে।

.....বিবাহ সভায় কিন্তু নিশ্চয়ই এখন আলোর ছড়াছড়ি—ডে লাইটগুলো সব জ্বালানো হয়েছে, বরযাত্রীদের বসবার ঘরখানা সুদৃশ্য সতরঞ্চি দিয়ে ঢেকে দেয়া হয়েছে, আদরআপ্যায়ন চলেছে, খুশীতে উজ্জল নরনারী হাঁকডাক করছে, সামিয়ানার নীচে হচ্ছে রেণুর শুভদৃষ্টি!.....বরের চোখছটিতে আলোর প্রতিবিম্ব, আর রেণুর? তার ছটি চোখে কী চক্চক্ করছে? ছটি মুক্তা? ছই বিন্দু অশ্রু?আবার ঘুমোতে চেষ্টা করলাম।

.....জানি, আমার অভাবে কোনো অনুষ্ঠানেরই কোনরূপ ক্রটি হবে না, খুশীতে মশগুল সবাই অন্ততঃ আজকের রাতের অগ্নি আমার অভাবের কথা ভুলে যাবে, হাসি-পরিহাস ও আনন্দ কলরবে বাসর ঘর মুখরিত হয়ে উঠবে, ফুল-ছড়ানো দুগ্ধফেননিভ শয্যায় এলিয়ে পড়ে রেণু নন্দনকাননের স্বপ্নে বিভোর হয়ে উঠবে!নবজীবনের রোমাঞ্চকর সূচনায় একবারও কি তার দাদার কথা মনে পড়বে না? আনন্দের পানপাত্রখানি তার কি সতিাই কাণায় কাণায় ভরে উঠবে?.....আবার ঘুমোতে চেষ্টা করলাম।

সকাল বেলায় রাজেনবাবুর বাড়ী থেকে এল চা ও মুড়ি। থানা সরগরম হয়ে ওঠবার পূর্বেই একখানা ছোট নৌকায় আমার রওনা হতে হলো লৌহজং অভিমুখে। গোয়ালন্দ থেকে নারায়ণগঞ্জ যাবার পথে লৌহজং একটি ষ্টীমার-স্টেশন। সেখানে সকাল দশটার মধ্যই ঢাকা মেলষ্টীমার এসে পৌঁছে যায়। সেই ষ্টীমার ধরে আমার যেতে হবে নারায়ণগঞ্জে, তারপর ট্রেনে ঢাকা।

এবার আমায় নিয়ে চললেন একজন সহকারী দারোগা, নাম সীতানাথ সেনগুপ্ত।

নৌকো শ্রীনগরের গঙ্গী পেরিয়ে মাঠে পড়তেই অকস্মাৎ অত্যন্ত নীরসভাবে প্রশ্ন করে বসলেন : আপনার নাম ?

এই নাটকীয় প্রশ্নে লোকটার ওপর আমার ভারী বিরক্তি এল। আমি জানি, ওরই সঙ্গে আছে একখানা কমাণ্ড সার্টিফিকেট, যাতে লেখা আছে ঠিক কোন্ সময় কি নামের কাকে নিয়ে ও টাকা রওনা হলো। তারপর সকাল বেলা একজন বিপ্লবী বন্দীকে পাহারা দিয়ে নিয়ে যাবার দায়িত্ব গ্রহণ করে শ্রীমান্ বে একটিবারও সেই বন্দীর নাম জেনে নেবার আগ্রহ প্রকাশ করেনি, এ কথা কি বিশ্বাসের যোগ্য ?

তথাপি আমার নাম আর একবার উচ্চারণ করলাম। শুনেই ভদ্রলোক পকেট থেকে একটা ভাঁজ করা বড় মনিব্যাগ বার করে ফেললেন এবং তার একটি প্রকোষ্ঠ থেকে ছোট্ট এক টুকরো কাগজ বার করে আমার চোখের সামনে মেলে ধরে বললেন : এই দেখুন। দেখলাম তাতে পেন্সিলে স্পষ্টভাবে লেখা : দ্বিজেন গাঙ্গুলী।

ব্যাপার কি ? ক্র কুঁচকে মুখের দিকে চেয়ে রইলাম। লোকটি বেশ মুরুবিলয়ান। হাসি হেসে আবার সেই কাগজের টুকরোটি মনিব্যাগে ভরে রেখে দিয়ে বললেন : বলো সব পরে। নৌকো আরও খানিকটে যাক আগে। দেখুন কি অদ্ভুত ব্যাপার, আপনার সঙ্গে আমার পরিচয় নেই, সাক্ষাৎ নেই, আমার নামও আপনি জানেন না, অথচ আপনার নাম লেখা একখানা কাগজ স্থান পেয়েছে আমার ব্যাগে। কি করে তা বলছি সব। দাঁড়ান, আরও একটু এগিয়ে যাই।

কৌতূহল দারুণ বেড়ে গেল। লোকটি তো বেশ সাসপেন্স সৃষ্টি করতে পারে ! আমাদের প্রচলিত নিয়ম অনুযায়ী এঁকে আমি খুব সন্দেহের চক্ষে দেখতে লাগলাম। ভাবলাম, এ হয়তো একটি আস্ত ঘুষু। নাটকীয় পরিবেশ সৃষ্টি করে কথা আদায়ের চেষ্টা করবে। তাই জিহ্বার ওপর অধরের কঠিন বাধা চেপে ধরলাম।

এবারও ষথারীতি দু'জন সিপাই এসেছে এবং ষথারীতি তারা স্থান নিয়েছে ছইয়ের সম্মুখে ও পশ্চাতে।

অগ্রহায়ণের সকাল। ভারী মিঠে সকালের রোদ। ছ'পাশের উঁচু পাড়ের কোথাও সরষে ফুল অজস্র ফুটে রয়েছে, কোথাও বা কলাইয়ের বন। সরু খালে জলও তেমন গভীর নয়, তাই মাঝি লাগি মেরেই দ্রুত এগিয়ে চলেছে।

সীতানাথ কোতুহল সৃষ্টি করেই থেমে গিয়েছিলেন, ভেবেছিলেন আমিই হয়তো এবার তাগাদা জানাব রহস্যভেদের জগৎ। কিন্তু কোতুহল নিবৃত্ত করা আমাদের পক্ষে আদৌ কঠিন কাজ নয়। তাই বেশ দিব্যি বসে বসে বাইরের দিকে তাকিয়ে রইলাম।

সীতানাথ বোধহয় অনেকক্ষণ আমার দিক থেকে কোনো প্রশ্ন আসে কিনা, তার জগৎ অপেক্ষা করে করে একেবারে হতাশ হয়ে উঠলেন। তারপর একসময় বলে উঠলেন : গণেশ বোসকে চেনেন? গণেশ বোস? আপনাদের গাঁয়ের কালাচাঁদ দাসের বোনের জামাই? ডেকেছিলেন নাকি তাকে কোন দিন সেরাজদীঘা মেইল ডাকাতির জগৎ? অকস্মাৎ তিন দিনের বৃষ্টির ফলে শুকনে! মাঠ আবার জলে ভেসে যাওয়ার সেই কাজটি স্থগিত রাখতে হলো।— আচ্ছা, আরো জিজ্ঞেস করি, তন্তুর গ্রামের 'সীতা' নাটক অভিনয় আপনার দেখতে যাবার কারণ কি? রাজদিয়া গাম্বুলী-বাড়ীর পাশেই কোন্ পণ্ডিতের বাড়ীতে আপনার কে'বন্ধু আছেন? মধুসূদন কি তাঁর নাম?

একেবারে হতভম্ব হয়ে গেলাম। সেই মুহূর্তে নৌকোর ওপর একটা বজ্র-পতনেও বোধহয় এতটা বিস্মিত হতাম না।..... লোকটি তো সত্যিই অনেক সংবাদ রাখে এবং এমন সব গুঁড়ু ও মারাত্মক সংবাদ রাখে, যা ঘুণাক্ষরেও এর কানে আসবার কথা নয়। আমি অবাকবিস্ময়ে চেয়ে রইলাম সীতানাথের মুখের পানে, শুধু উচ্চারণ করলাম : গণেশ বোস?

হ্যাঁ।—সোৎসাহে সীতানাথ বলতে লাগলেন : মনে পড়ে মাস দুয়েক আগে একসঙ্গে এদিকে কয়েকখানা গ্রামের প্রায় পঁচিশখানা বাড়ীতে তল্লাসী হয়েছিল? আপনার বাড়ী, হাঁসাড়ার শান্তি সোমের বাড়ী, শেখরনগরের সুবোধ গুহের বাড়ী, তন্তুরের সুবোধ চক্রবর্তীর বাড়ী—এমনি আরও অনেক বাড়ী। তল্লাসী দলের সঙ্গে আমি আপনার বাড়ী তল্লাসী করতে গিয়েছিলাম। সঙ্গে আই বি-র লোক ছিল। সংবাদ ছিল, আপনার বাড়ীতে অনেকগুলো রিভলভার আছে—বিপ্লবীদের অস্ত্রাগার। মাটি খুঁড়ে একেবারে লাজল চালাবার মতো করে এসেছিলাম। রিভলভার তো দূরের কথা, আপনার এক টুকরো হাতের লেখাই পাওয়া গেল না।

বললাম : তাহলে কাজে খবরের ওপর নির্ভর করে পরিশ্রমটা আপনাদের মাটি হলো বলুন ?

সীতানাথ তৎক্ষণাৎ জবাব দিলেন : নিশ্চয়ই নয়। কাজ আমাদের হাঁসিল হয়ে গেল। কারণ গণেশ বোসের হাতে যে চিঠিখানা আপনি সুবোধ গুহকে লিখে পাঠিয়েছিলেন, সেখানা সে ত্রুদিন নিজের বাড়ীতেই রেখে দিয়েছিল। তল্লাসী করে সেখানা হস্তগত করা গেল আর অগ্ন্যাগ্ন তল্লাসীগুলো তো শুধু লোক-দেখানো।

আমার বিশ্বয়ের সীমা রইলো না : মানে ?

মানে অতি সহজ। গণেশ বোসকে বাঁচাতে হবে। চিঠির সংবাদ' সে পূর্বেই দিয়ে গেছে। কিন্তু চিঠিখানা যদি তল্লাসীর ছুতোয় হস্তগত করা যায়, তাহলে গণেশকে' আপনাদের সন্দেহ করবার কারণ থাকবে না আর কাজে-কাজেই আরও অনেক কাল শ্রীমান্ আপনাদের অনেক গুপ্ত সংবাদ বয়ে নিয়ে এসে আমাদের বড়বাবুর কানে ঢালতে পারবে। সুতরাং—

সীতানাথের কোনো কথাই আর আমার কানে যাচ্ছিল না। সত্যিই কী সাংঘাতিক লোক এই গণেশ! মনে পড়লো কিছুদিন পূর্বে সত্যি তাকে আর শেখরনগরের সুবোধ গুহকে আহ্বান করা হয়েছিল মারাথক একটি কাজে, যাতে হত্যার প্রয়োজন ছিল আর তা দিনেছপুর্বে ও রামদা দিয়ে। সবই ঠিক ছিল, সমস্ত ব্যবস্থা'ই ছিল সম্পূর্ণ, শেষমুহূর্ত্তে সংবাদ এল যে, নির্ধারিত স্থানটিতে অকস্মাৎ বর্ষার জল এসে পড়েছে। মনে পড়লো, কাজটি হলো না বলাতে সুবোধের অপেক্ষা গণেশই যেন ভারী মুষড়ে পড়লো, এই একটি ডাকাতি দ্বারাই যেন সে গোটা দেশটাকে স্বাধীন করে ফেলতো—এমনি ভাব! তারপর সে অত্যন্ত পীড়াপীড়ি করতে লাগলো একখানা চিঠির জগ্ন। যতই আমি তা এড়িয়ে যেতে চেষ্টা করতে লাগলাম, ততই সে চেপে ধরতে লাগলো একেবারে নাছোড়বান্দা হয়ে। সুবোধ গুহের প্রেরিত অতি বিশ্বাসী কর্মী, বার বারই সে অনুরোধ জানাতে লাগলো সুবোধ বাবুকে লিখে দিতে যে, যে কাজের ব্যবস্থা করা হয়েছিল, তা হলো না, পরে হবে। নইলে সুবোধদা' মনে করতে পারেন যে, সে হয়তো ভরে এই কাজে আমার এখানেই আসেনি।

নেহাৎ অনিচ্ছাসত্ত্বেও আমি যে চার লাইন লিখে দিয়েছিলাম, আজও স্পষ্ট মনে পড়ে : 'সে কাজ হলো না। জল এসে পড়েছে। হলে আবার জানাবো।

পরশু আপনার বাড়ীতে যাবো ছপুরে। না খেয়ে কিন্তু ফিরবো না। খাবার ঠিক রাখবেন।’

বেশ বুঝতে পারলাম এই চিঠিখানাই পুলিশের হাতে পৌঁছেছে। আর গণেশ বোসই হচ্ছে সরকারী গোয়েন্দা। কিন্তু এই সব সংবাদ যথাস্থানে পাঠাই কি করে? তারপর শুধু এই সংবাদই নয়। আমার যে ছ’টো বামিশ বাড়ীতে রেখে এসেছি, সে ছ’টোরও তো একটা সঙ্গতি করা একান্ত প্রয়োজন। যাচ্ছি তো জেলে। চক্রবাহের মতো এর আছে অতি সহজ অসংখ্য প্রবেশ-পথ, কিন্তু বেরিয়ে আসার পথ কোথায়?

অকস্মাৎ সীতানাথের কণ্ঠ কানে এল : দ্বিজেনবাবু, আমার বাড়ী বরিশালে। আমার কাকার নাম করলেই আপনি চিনতে পারবেন। প্রেসিডেন্সী জেলে তিনিও একজন রাজবন্দী। এটা একটা বিচিত্র এ্যাকসিডেন্ট বলা যায় যে, কাকার মতো প্রেসিডেন্সী জেলে না গিয়ে ভাইপো আজ শ্রীনগর গানার সহকারী দারোগা! তাই রাজবন্দীদের আমি চিনি। দেশের জগু তাঁরা কতখানি আত্মত্যাগ করেছেন অন্তরে আমি তা উপলব্ধি করি। তাই প্রথমেই যেদিন গণেশ বোস এসে বড়বাবুর ঘরে বসে ফিস ফিস করে আপনার সম্বন্ধে একটা কাহিনী বিবৃত করছিল, পাশের ঘরে বসে কান পেতে আমি শুনছিলাম তা। সেদিন এই কাগজখানার আপনার নাম লিখে রেখেছিলাম। ভেবেছিলাম আপনাদের বাড়ীর দিকে গেলে আপনাকে সব বলে আসবো। গেলাম বটে তল্লাসী পরোয়ানা নিরে, কিন্তু কোথায় আপনি?

কথা বলতে পারলাম না। লোকটা শুধু আমার নয়, আরও অনেকের, একটা গোটা বিপ্লবী দলের যে কতখানি উপকার করলো, ভাষায় তা প্রকাশ করা যায় না। দুর্ভাগ্য বৃটিশসিংহের বিবরে যে এমনি ধারালো-দাঁত ইঁদুর বাস করে, সে সংবাদ নিশ্চয়ই এস পি-র কানে আজও যায়নি! একবার মনে হলো, মৌহজং নাবার পথে এই পুলিশের নৌকোতে বসেই সীতানাথকে recruit করে ফেলি, তাহলে বোধহয় দলের পরম কল্যাণ সাধন করা হবে। আবার ভাবলাম, অতটা না এগিয়ে এর হাত দিয়েই একটা সংবাদ পাঠাবার চেষ্টা করি ছোট ভাই রঙ্গলালের কাছে, কিংবা বিপদভঞ্জন অথবা খগেনের কাছে। কিন্তু একদিনের মধ্যে মাত্র ছ’এক ঘণ্টা আলোপের পরই একজন সহকারী দারোগাকে কি অতখানি বিশ্বাস করা ঠিক হবে? তবে সংবাদগুলো পাঠাই কীভাবে?...

চার

প্রায় সাড়ে দশটায় আমরা এসে পৌঁছোলাম লৌহজং ষ্টেশনে। যথাসময়ে ঢাকা মেলষ্টীমার এল এবং আমরা তাতে চেপে বসলাম।

ষ্টীমারে ভিড় যে খুব বেশী তা নয়। তবে সবাই সতরঞ্চি, চাদর বা মাদুর বিছিয়ে নিয়েছে বলে সমস্ত ডেকটাই যাত্রীতে ভরে আছে বলে মনে হয়। এইসব ষ্টীমারের নীচের তলাটা বেশ নোংরা। বাক্স বা চটের ব্যাগভর্তি মালপত্র থাকে, মাছের ঝুড়ি থাকে, দইয়ের ও ক্ষীরের হাঁড়ি থাকে, ষ্টীমারের দড়াদড়ি লোহা-লকড় থাকে। তারপর মাঝখানের সবটাই জুড়ে থাকে কলকজা—সেখানটা দারুণ গরম। ছু'পাশে সারি সারি ঘর, কোনটা খালাসীদের রান্নাঘর, কোনটা সুখানি ও কোনটা সারেং-এর শরনকক্ষ, কোনটা মলমূত্রাগার, কোনটাতে বাবুচ্চিদের ষ্টোর আর একখানা হচ্ছে কেরানীর অফিস ও বিশ্রামকক্ষ দুই-ই।

দোতলা খুব পরিষ্কার পরিচ্ছন্ন। সেখানে শুধু যাত্রীদের আস্তানা। মালপত্রের বা রান্নাঘরের ঝামেলা নেই। ইন্টার ক্লাস, সেকেন্ড ক্লাস ও ফার্স্ট ক্লাস সব দোতলাতেই। সীতানাথবাবু ও আমি ইন্টার ক্লাসের একটি কামরায় এসে উঠলাম। সীতানাথবাবুর সাদা পোষাক, তাঁর অমুগামী সিপাই ছু'জনেরও তাই; সূত্রাৎ আমি যে একজন বন্দী, তা টের পাবারই উপায় ছিল না।

লৌহজংয়ের কাছে পদ্মা অত্যন্ত প্রশস্ত। বর্ষাকালের প্রচণ্ড তোড় এই শীতকালে সামান্য একটু কমেছে হয়তো, কিন্তু তবু অকস্মাৎ দৃষ্টিক্ষেপে বুকের ভিতরটায় একটা ধাক্কা লাগে! পাড়ের দিকে চাইলেই বেশ বোঝা যায়, এখনো দিবারাত্র পাড় ভেঙ্গে ভেঙ্গে পড়ছে। একটি হিজল গাছের টিকিটুকু দেখা যাচ্ছে এখনো পাড়ের কাছেই জলের মধ্য থেকে। একটা প্রকাণ্ড বটগাছ তার সংখ্যাতিত ঝুরি সহ বোধহয় সবে উলটে পড়েছে, তাই পদ্মা এখনো তাকে কুক্ষিগত করতে পারেনি। খানকয়েক খড়ের ঘরের আধখানা ঢালা হাঁটু ভেঙ্গে এখনো দাঁড়িয়ে আছে একটি সম্পূর্ণ গৃহের শেষ চিকুস্বরূপ। দণ্ডাদেশ পেয়ে মৃত্যুর প্রতীক্ষায় তারা যেন একেবারে স্তম্ভিত হয়ে গেছে! অনেকগুলি ভিটে খালি পড়ে আছে। বাসিন্দারা পূর্বাহ্নেই সব গুছিয়ে নিয়ে হয়তো কোনো নিরাপদ স্থানে গিয়ে আবার নতুন করে ঘর বেঁধেছে।

পদ্মার পাড় এমনি অকস্মাৎ অপ্রত্যাশিতভাবে ভেঙ্গে পড়ে যে, ঝরা দেখেনি, তারা তা ধারণাই করতে পারবে না। সন্ধ্যায় যে নদী পুরো ছ'শো গজ দূরে ছিল, রাতারাতি তা শুধু যে এই ছ'শো গজ মাটি গলাধঃকরণ করতে পারে, তাই নয়, পারে আরো চারশো গজ এগিয়ে যেতে। কলে সন্ধ্যায় যে গৃহ শিশুদের কলহাশ্বে ছিল মুখরিত, যে চায়ের দোকানে ছিল লোকজনের জটলা, সকালবেলায় তার চিহ্ন মাত্র অবশিষ্ট থাকে না। শুধু রাত্রে কেন, দিনের বেলাতেও তাই। নদীর ধারে সকালের মিঠে রোদে এক দল ছেলে ছুটোছুটি করে খেলছে, কখন যে সেখানকার মাটিতে চুলের মতো সরু একটি চিড় দেখা দিল, তারপর সেই প্রকাণ্ড মাটির চাপের তলা দিয়ে জলের তোড় বার বার আঘাত হেনে কখন যে তা ঝাঁঝ করে দিয়ে গেল, ছেলেরা তা টেরই পেল না। তারপর একসময় অকস্মাৎ গাছপালা ঝোপজঙ্গলসহ ক্রীড়ারত ছেলের দল একেবারে নিশ্চিহ্ন হয়ে তলিয়ে গেল নদীর মধ্যে।

পদ্মা নদীর ধারে এমনি মর্মান্তিকী ঘটনা বিরল নয়। আর নদীর পানে চাইলে দেখা যায় তা যেন অনন্ত সমুদ্রের মতোই সীমাহীন, একেবারে দূরে—বহু দূরে আকাশে গিয়ে ঠেকেছে। সকালের রোদ নদীর এলোপাথাড়ি ঢেউয়ের মাথায় মাথায় চিকচিক করছে সাপের মাথার মণির মতো। ছঃসাহসী ছ' একখানা জেলেডিক্সি সেই ঢেউয়ের ওপর টাল খেতে খেতে ভেসে চলেছে। পাল-তোলা ছ' একখানা পাটের বা ধানের বিরাটকার নৌকোও দেখতে পাওয়া যায় একখণ্ড তূণের মতোই ঢেউয়ের ঘায়ে যেন ক্ষতবিক্ষত হয়ে এগিয়ে চলেছে।

মৌহজং ষ্টেশনে একটি ফ্লাট আছে। সেটি ফ্লাটেই এসে ষ্টীমার লাগে। মোহার শিকলে আটকে রাখা সম্ভব নয় বলে ষ্টীমার থেকে নোঙর ফেলা হয়, তাও আবার একটা নয়, সম্মুখে ও পেছনে ছ'টো। ইঞ্জিনহীন ষ্টীমারগুলিকে বলা হয় ফ্লাট, রেলের মালগাড়ীর মতো। এতে বুকিং অফিস আছে, মাল অফিস আছে, কেরানীদের কোয়ার্টার আছে, তৃতীয়, মধ্যম ও প্রথম শ্রেণীর যাত্রীদের বিশ্রামাগার আছে, তৃতীয় শ্রেণীর জেনারেল জন্ডও নির্দিষ্ট আছে একটি কক্ষ। নদীর অবস্থা বুঝে ভাসমান ও চলমান এই ষ্টেশন ও প্ল্যাটফর্মটি খুল্লিমত সরিষে নিয়ে যাওয়া যায়।

সীতানাথবাবুর একটা নেশা আছে দেখা গেল বিজ্ঞ খেলা। ষ্টীমার ছেড়ে

দেবার আধঘণ্টার মধ্যেই দেখলাম তিনি একদল লোকের সঙ্গে বেশ আলাপ জমিয়ে নিয়ে শুধু যে তাঁদের সতরঞ্চিই দখল করে বসেছেন, তাই নয়, ছ'জোড়া তাস নিয়ে তাঁদের ব্রিজ খেলা শুরু হয়ে গেছে। আমি জানি সামান্যই, এর কলাকৌশল তখনো ততটা রপ্ত করতে পারিনি ; তাই পাশে বসে এঁদের খেলার দর্শক হয়ে রইলাম। কিন্তু বুঝতে দেবী হলো না যে, সীতানাথ একজন পাকা খেলোয়াড়। তাঁর হিসাব একেবারে নিখুঁত, তাঁর আক্রমণ একেবারে শাণিত, কাজে কাজেই তাঁর জয় একেবারে অবধারিত। সীতানাথ পর পর জিততে লাগলেন আর আমিও ঘন ঘন উচ্ছ্বাসে তাঁর উৎসাহ সহস্র গুণ বাড়িয়ে দিয়ে তাঁর নেশা লক্ষ গুণ জমিয়ে দিতে লাগলাম।

ব্রিজের নেশায় সীতানাথ যখন একেবারে বৃন্দ হয়ে গেছেন, সেই সময় আমি আবেদন জানালাম : সীতানাথবাবু, বসে-বসে আর ভালো লাগছে না। একটু ঘুরে আসি ?

সীতানাথ আকাশ থেকে পড়লেন : বিলক্ষণ। সে কথা আর বলতে !—
রামভদ্র সিং, বাবুর সঙ্গে যাও।

খুশী হতে পারলাম না। সঙ্গে আবার ফেউ কেন ? সেই মাথার বালিশ ও গণেশ বোস তখনো আমার মাথায় ঘুরছে। ঢাকা জেলের ফটক পার হবার পূর্বে যেভাবে হোক এই সংবাদ দু'টি পাঠাতে হবে। ভাবছিলাম, ষ্টীমারে ঘুরে একবারটি দেখবো চেনা লোক মিলে যায় কি না। কিন্তু রামভদ্র 'স্বদেশীর' সঙ্গে কাউকে কথা কইতে দেখলে যে ঝাঁর আর্দো 'ভদ্র' থাকবে না ! যাই হোক, কপাল ঠুকে সেই হিন্দুস্থানী দেহরক্ষীকে নিয়েই নীচে নেমে এলাম ও ইতস্ততঃ ঘুরে বেড়াতে লাগলাম। ফন্দী আঁটলাম, এদিক-ওদিক ঘুরে ঘুরে রামভদ্রকে একেবারে বিরক্ত করে তুলবো ! তাই তৃতীয় শ্রেণীর সিঁড়ি দিয়ে নেমে আবার প্রথম শ্রেণীর সিঁড়ি দিয়ে দোতলায় উঠে এলাম। ষ্টীমারের একেবারে সম্মুখভাগে ছড়ানো ইঞ্জিনেরাগুলোর একখানায় বসেই আবার উঠে পড়লাম। একেবারে পশ্চাতের সেকেণ্ড ক্লাসে ভোজনালয়ে ঢুকে নদীর দিকে বৃথাই দৃষ্টি প্রসারিত করে মুহূর্ত দাঁড়িয়ে থাকলাম। তারপরই এসে দাঁড়লাম দোকানের সম্মুখে। বৃথাই এটা-ওটার দাম জিজ্ঞেস করতে লাগলাম। তারপরই পাশের সিঁড়ি দিয়ে নীচে নেমে গিয়ে ইঞ্জিনের পাশে দাঁড়িয়ে কলকলার কর্মব্যস্ততা নিরীক্ষণ করতে প্রবৃত্ত হলাম। সারাক্ষণই

আমার তীক্ষ্ণ দৃষ্টি যেমন খুঁজে বেড়াচ্ছিল একটি পরিচিত মুখ, রামভদ্রও তেমনি সারাফণই পশ্চাতে লেগেছিল একটি ফেউয়ের মতো !

কি যে করবো ভেবে পাচ্ছিলাম না। ধৈর্যের বাঁধ ভাঙবার উপক্রম হয়ে এসেছে। নারায়ণগঞ্জ পৌছোবার পূর্বে এই সংবাদ ছ'টি বেভাবে হোক আমার পাঠাতে হবেই। যদি প্রয়োজন হয়, রামভদ্রকে ভুলিয়ে-ভালিয়ে রেলিং-এর পাশে এনে উলটিয়ে জলে ফেলে দিতে হবে এবং তারপর আমাকেই নিঃশব্দে পেছনে গিয়ে পদ্মার নামতে হবে। দলের নিরাপত্তার চাইতে আমার জীবনের মূল্য বেশী নয় !.....

সংকল্প প্রায় এঁটে ফেলেছিলাম এবং তা সাধনের জগুই রামভদ্রকে নিয়ে ষ্টীমারের পশ্চাৎ দিকে এগিয়ে চললাম একেবারে প্রস্তুত হয়ে। প্রথমে রামভদ্র, তারপর আমি। মোটা শিকলের সঙ্গে যেখানে হালখানা ঝোলানো রয়েছে, সেখানেই দোব ওকে ঠেলে ফেলে, তারপর একটা বয়া নিয়ে নিজে নীরবে নেমে যাবো। স্থিরপদক্ষেপে এগিয়ে চলেছি, এমন সময় অকস্মাৎ এক 'দেশওয়ালী ভাই'-এর সঙ্গে দেখা হয়ে গেল রামভদ্রের। লোকটা বোধহয় ঢাকা যাচ্ছে। আর্মপুলিশে কাজ করে। কাঁধের ওপর বি-এ-পি পেতলের ব্যাজ আঁটা।—বাস্, ছ'জনে জমে গেল। বালিয়া জেলার কথা, নকরির কথা আব তার সঙ্গে থৈনি। সীতানাথ আর কত বড় নেশাখোর ?

বললাম : সিপাইজি, আমি একটু ঘুরে আসি ততক্ষণ ?

আমার সর্ভাক্র আবেদনে বালিয়া জেলার নরপুত্রবের পোকুষ জেগে উঠলো। তাচ্ছিল্যভরে নিজেই বৃত্তি দেখালো : যান, বাবু যান। আরে, ইষ্টিমার ছোড়িয়ে তো! আপনি আর বাহিবে যাইতে পারবেন না। কী হোবে একলা একটুখন ঘুমে বেড়াইলে।—যান, যান। তবে তুরন্তু ঘুমে আসবেন, হ্যাঁ ?—বলে রামভদ্র তার গৌফে একটা চাড়া লাগালো।

কিন্তু কি করা যেতে পারে ? সুযোগ তো পেলাম, কিন্তু চেনা লোক কোথায় পাই ? ঘুরতে লাগলাম আবার যদি পাওয়া যায়। অকস্মাৎ ভাগ্য সুপ্রসন্ন হয়ে উঠলো। ষ্টীমারের কেবলীর ঘরের মধ্যে দৃষ্টিক্ষেপ করে দেখি সুধীরবাবু খুব নিবিষ্ট মনে মোটা বাঁধানো খাতায় কি লিখছেন। একটু ভাবলাম কি করা যায়। তারপর সম্মুখে ও পশ্চাতে একবার তাকিয়ে নিয়ে সটান তাঁর ঘরে ঢুকে ধপ্ করে দরজাটা বন্ধ করে দিলাম।

সুধীরবাবু রীতিমত চমকে উঠলেন : আরে, দ্বিজেনবাবু যে ! কোথায় চললেন ? নারায়ণগঞ্জে ?

ঢাকাতে ।—বলেই ফিসফিস করে ব্যাপারটা বুঝিয়ে দিলাম এবং তৎক্ষণাৎ ছ'খানা চিঠি লেখার কাগজ ও ছ'টো খাম চাইলাম । সুধীরবাবু আই. জি. এন. ও আর. এস. এন. কোম্পানীর নামছাপানে ব্রাউন রংয়ের ছ'টুকরো কাগজ আর তাদেরই ব্যবহার্য ব্রাউন রংয়ের ছ'খানা খাম দিলেন । কলম তাঁর মোটা, লিখতে দেবী হবে বলে পেন্সিল তুলে নিলাম । বন্ধু শ্রীপদর কাছে যে চিঠিখানা ঐ অত বড় ঝুঁকি নিয়ে খস খস করে লিখে দিয়েছিলেন, সেখানা সে আজো সযত্নে রেখে দিয়েছে :

ভাই, তোমায় অসুস্থ রেখে এসে আমার মন যে কত খারাপ হয়ে আছে, ভাষায় তা প্রকাশ করতে পারি না । তারপর চলে আসবার সময় তোমার সাথে দেখাটা করেও আসতে পারলাম না । কত দিনের জন্তে চললাম, একমাত্র ভগবানই জানেন । আমার কথা যাতে না ভুলে যাও, সেজন্তু আমার মাথার বালিশ ছ'টি (যা আমি কলকাতা থেকে নিয়ে গিয়েছিলাম) তুমি নিয়ে । মাকে এই পত্র দেখালেই তিনি তোমায় বালিশ ছ'টি দিয়ে দেবেন ।

প্রতিদিন রাত্রে শোবার সময়ও একবারটি আমার বালিশে মাথা রেখে আমার কথা তোমার মনে পড়বে । আজ এইখানে বিদায় !

বন্ধু শ্রীপদর কল্যাণে বহুবার গোয়ালন্দ গেছি ; তাই স্টীমারের প্রায় সব কেরাণীদের সঙ্গেই আমাব ঘনিষ্ঠতা হয়ে গিয়েছিল এত বেশী যে, চেনা কেউ গেলে আমার আর টিকিট কেনাই লাগতো না । সুধীরবাবু সেই চেনার দলের একজন ।

চিঠি ছ'খানা সাবধানে সুধীরবাবুর হেপাজতে দিয়ে দরজা খুলে বেরিয়ে ছ'চার পা যেতেই দেখি দেহরক্ষী রামভদ্রর দোতলা থেকে নামছে । আমায় দেখেই বলে উঠলো : আরে বাবু, আপনাকে ছুঁড়তে ছুঁড়তে পা বেথা হইয়ে গেল । কুণা গেছিলেন ?

একেবারে চোখ ছ'টো কপালে তুলে ফেললাম : কোথায় আবার ? এইখানে দাঁড়িয়ে ইঞ্জিন দেখছিলাম । তারপর সেখানে গিয়ে দেখি আপনি নেই । তাই আমিও খুঁজছি আপনাকে । চলুন, ওপরে যাই ।

'আপনি' সম্বোধনের ফল একেবারে হাতে-হাতে পাওয়া গেল । বত্রিশটি

ঝকঝকে সাদা দাঁত দেখিয়ে রামভদ্রর হেসে উঠলেন এবং স্ফুড়স্ফুড় করে আবার ওপরে উঠতে লাগলেন !

নারায়ণগঞ্জে নেমেই ট্রেন আর সেই ট্রেনে সোজা ঢাকায় এসে পৌঁছলাম বেলা আড়াইটেতে । ষ্টেশন থেকে সোজা গিয়ে উঠতে হলো আই বি অফিসে । আই বি অফিস তখন ছিল আদালতের কাছেই কোথাও ।

রাজেন সরকার অবশ্য তাঁর এস পি-র হুকুম তামিল করেছেন মাত্র, আমার সোজাসুজি রাজবন্দী করা হবে, না অন্য কোনো মামলায় জড়িয়ে দিয়ে একেবারে ফাঁসাবার চেষ্টা করা হবে, তা তিনি জানতেন না বটে, কিন্তু আমি আশঙ্কা করছিলাম গোয়েন্দা বিভাগ আপ্রাণ চেষ্টা করবে আমার কাছ থেকে কথা আদায়ের জন্ত । নেহাৎ না পারলে হয়তো রাজবন্দীই করে দেবে ।

কারণ অনেক কথাই পুলিশ তখন জানতো না আর তাদের অজানা কথার স্তূপ বেড়েই চলেছিল দিনের পর দিন । ২১শে আগষ্ট ময়মনসিংহের টাঙ্গাইলে ঢাকা বিভাগীয় পুলিশ কমিশনার মিঃ এ. ক্যামেল্‌স্‌ রিভলভারের গুলীতে আহত হন । চট্টগ্রাম অস্ত্রাগার লুণ্ঠন মামলার তত্ত্বাবধায়ক পুলিশ ইন্সপেক্টর আসানুজ্জা চট্টগ্রাম শহরে ৩০শে আগষ্ট নিহত হন । সেপ্টেম্বর মাসে হিজলী বন্দিশিবিরে গুলী চালানোর ফলে রাজবন্দী সন্তোষ ও তারকেশ্বর নিহত হন । ২৮শে অক্টোবর ঢাকা শহরের বুকে জেলা ম্যাজিস্ট্রেট মিঃ ডুর্নোকে গুলী করা হয় । পরদিনই কলকাতার ইয়োরোপীয়ান এসোসিয়েশনের সভাপতি মিঃ ভিলিয়ামসকে গুলী করার চেষ্টা করা হয় । এ ছাড়া অনেকগুলো রাজনৈতিক ডাকাতিও সংঘটিত হয় ।

এতগুলো হত্যা, হত্যার প্রচেষ্টা ও ডাকাতির পশ্চাতে কারা তৎপর, কি ভাবে তারা কাজ করছে, কি তাদের সর্বনাশা কর্মপন্থা, তাদের দলের নেতাদের নাম কি, এসব অমূল্য কথার একটিও তো জানা নেই গোয়েন্দা বিভাগের । তাই প্রস্তুত হয়ে ইন্সপেক্টর সাহেবের জন্ত অপেক্ষা করতে লাগলাম । সীতানাথ কোথায় চলে গেলেন জানি না ।

এলেন ইন্সপেক্টর যোগিনী বসু । কথা কিভাবে আদায় করা যায়, সে বিচ্ছে তাঁর ভালো করেই জানা আছে, আর এ ব্যাপারে তাঁর নামডাকও খুব । আমার সঙ্গে এই তাঁর প্রথম সাক্ষাৎ ।

কিন্তু ব্যবহার তাঁর একেবারে অদ্ভুত ঠেকলোঃ এই যে দ্বিজেনবাবু, এসে

গেছেন। বেশীক্ষণ আর আপনাকে আটকে রাখবো না। যদি ইচ্ছে করেন, একটা বিবৃতি দিতে পারেন। সেই আপনাকে করতে হবে না, আমিই লিখে নোব। আর যদি না দেন, না দিলেন। দেখবেন, আপনার বন্ধুরা সবাই আছে ওখানে। শান্তি সোম, ভোলা বসাক, বিভূতি চৌধুরী সবাই—বলে যোগিনীবাবু একগাল হাসলেন।

আমি দৃঢ়কণ্ঠে বললাম : কলকাতার এস বি অফিসেও আমি কখনো কোনো বিবৃতি দিইনি।

যোগিনীবাবু আর অযথা বিলম্ব করলেন না। একখানা ঘোড়ার গাড়ীতে নিয়ে এলেন আমায় ঢাকা জেলের অফিসে এবং যখন কতৃপক্ষের হাতে আমার বুকিয়ে দিয়ে গেলেন তখন অগ্রহায়ণের অপরাহ্ন প্রায় শেষ হয়ে এসেছে।

প্রকাণ্ড ঢাকা সেন্ট্রাল জেল। প্রায় দু'হাজার কয়েদী এখানে বাস করে। একেবারে শহরের মাঝখানে বলা যায়। জেলের মধ্য থেকে বাইরের দোতলা ও তেতলা বাড়ীগুলি দেখা যায়।

একজন ডেপুটি জেলাব আমার নাম, ধাম, বয়স লিখে নিয়ে একজন সিপাইকে সঙ্গে দিয়ে পাঁচ নম্বর খাতার নিয়ে যেতে হুকুম করলেন। জেলের সদর দরজা থেকে বেশ খানিকটে দূরে পাঁচ নম্বর খাতা। পাঁচ নম্বর খাতা মানে খাতা নয়, ইয়ার্ড। পাঁচ নম্বর ইয়ার্ড।

ইয়ার্ডে ঢুকতেই অগ্ন্যাগ্ন বন্দীরা একেবারে কলরব করে উঠলো : এই যে, তুমিও এসে গেছ দেখছি। ক'দিন ধরেই আশ্রয় বলাবলি করছি তুমিই শুধু বাকি থেকে গেল কি করে!

কে একজন বলে উঠলো : কেন, ডুর্নোর পরেই কি দ্বিজেনের পালা নাকি ?

সবাই হো হো করে হেসে উঠলো।

একটি প্রকাণ্ড তিনতলা লাল রংয়ের বাড়ী। নীচের তলায় থাকে আমাদের চাকর, ঠাকুর, ধোপা, নাপিত ও জমাদারের দল। দোতলা আর তেতলায় আমরা। তেতলার 'এ' ব্যারাকে আমার স্থান নির্দিষ্ট হলো।

সন্ধ্যা হয়ে গেছে। জেলের সাধারণ কয়েদীদের দিনের বেলাতেই রাত্রে আহাশ শেষ করে বিকেল সাড়ে চারটের মধ্যেই নিজদের প্রকোষ্ঠে ঢুকে পড়তে হয়। শুধু আমাদের বেলাতেই এই নিয়মের ব্যতিক্রম। রাত্রি সাড়ে দশটায়

বারো জনের একটি সিপাই দল এসে আমাদের গুনতি করে তালি এঁটে দিয়ে যায়। সন্ধ্যা হতেই কিচেনম্যানেজার নীরেনবাবু এসে জিজ্ঞেস করে গেলেন, রাত্রে আমি কি খাব, ঢাকাই পরোটা, না পোলাউ।

একজনের শোবার মত লোহার একখানা খাটিয়া, তার ওপর পাতা মোটা গদী, তোষক ও সুদৃশ্য সূজনী। সাদা ধবধবে খোলে ঢাকা দু'টি নরম শিয়রের বালিশ আর মাথার ওপর ম্যাক্সেপ্টার নেটের সাদা মশারি। পাশের টেবিলে কাচের ডোমআঁটা মোমবাতি।

বিছানায় গা এলিয়ে দেবার আগে কোটটা খুলে ফেললাম। শার্টও। তার পর চশমাটা খুলে কোটের পকেটে রাখতে যেতেই সহসা হাতে ঠেকলো এক টুকরো কাগজ। 'ওঃ, আমি তো একেবারেই ভুলে গিয়েছিলাম। পরশু দিন বাড়ী থেকে রওনা হবার প্রাক্কালে মধুসূদন পশ্চিম-বাড়ীর কোণে এসে আমার হাতে গুঁজে দিয়েছিল এই টুকরোটি। আশ্চর্য্য, তাবপর আর আদৌ মনে পড়েনি এটার কথা। পকেটের কোন্ কোণে উপেক্ষিত হয়ে মুখ খুবড়ে পড়ে আছে। শ্রীনগরে, আই বি অফিসে বা জেল-গেটে, কোথাও আবার আমার দেহতল্লাসী হয়নি। রেহাই পেয়েছি হয়তো রাজবন্দী বলে। পকেট থেকে টুকরোটি বার করে আলোর সামনে উঁচু করে ধরলাম। এ কি, এ যে রেণুর লেখা চিঠি। বন্ধুস্বাসে পড়ে ফেললাম :

দাদা,

আমি তোমায় বেলকয়ে রাখলাম বলেই আজ তোমায় ধরা পড়তে হলো। দোষ তাই আমারই। কিন্তু বললে বিশ্বাস করবে কি না জানি নে, আজকের উৎসবে আনন্দ আর এতটুকু অবশিষ্ট নেই। নেহাৎ আদেশ পালন করবার জন্তই হয়তো আমায় সাজতে হবে ও পিঁড়িতে বসতে হবে।

ঝাঁঝা আমার সম্প্রদান করবেন, তাঁরা কি আদৌ জানতে পারবেন যে, তুমি না থাকতে আমার ছুঁখের আর শেষ নেই ?

ইতি

অভাগিনী রেণু

ছুঁখের আর শেষ নেই। জানি, রেণু তার মনের কথাই লিখেছে। আর এ-ও জানি, লিখে জানায় না, মুখ কুটেও কিছু বলে না, শুধু নীরবে নিভূতে অশ্রুমোচন করে আর মনে মনে আমার কল্যাণকামনায় অদৃশ্য দেবতার পায়ে

মাথা খুঁড়ে খুঁড়ে রক্তমোক্ষণ করে, আমার এমন দরদীর সংখ্যাও কম নয়। কিন্তু সবার আগে জানি, সবার শেষে জানি, সারাজীবন দিয়ে জানি যে, যখন এই মারাত্মক পথে যাত্রা শুরু করেছি, তখন দুঃখ দিতে হবে অনেককে। আত্মীয়স্বজন বন্ধুবান্ধব প্রতিবেশীকে আর—মাকে বাবাকে। শুধু সর্ব দুঃখের ওপরে থাকবো আমরা, নিজেরা। দুঃখতাপে ব্যথিত চিতে মাই বা দিলে সাহসনা, দুঃখে যেন করিতে পারি জয়। তাই কারাগারকে মনে করবো খুশীর শীম্ মহল, ফাঁসীর দড়িকে মনে করবো হাসনুহানার মালা!.....

ঠাং চমক ভাঙলো। ভোলাবাবু এসে বললেন : চলুন, খেতে যাই। নারেনবাবুর ঘণ্টা অনেকক্ষণ বেজে গেছে।

নিঃশব্দে তাঁর পশ্চাতে নীচে নেমে এসে খাবার ঘরে প্রবেশ করলাম।

পাঁচ

একুশ বছর বয়সে রাজবন্দী হয়ে জেলে আসার মধ্যে কেমন একটা রোমাঞ্চময় অনুভূতি আছে, বাইরের সাধারণ লোক তা সহজে উপলব্ধি করতে পারবে না। মাত্র এক ঘণ্টার নোটিশে পারিবারিক আনন্দ-কলমুখর শান্তিপূর্ণ গৃহ ছেড়ে চলে এলাম। পশ্চাতে রেখে এলাম বাবা ও মা'র স্নেহের বন্ধন, সম-বয়সীদের প্রীতি ও বন্ধুত্বের বন্ধন, গ্রামবাসীর সহযোগিতার বন্ধন—সর্বপ্রকার বন্ধন সম্পূর্ণ অস্বীকার করে স্বচ্ছন্দ মনে চলে এলাম একেবারে জেলে। যাদের বাইরে রেখে এলাম, নিশ্চিত জানি আমার কথা তাদের মনে পড়বে, দৈনন্দিন হাজারো কাজের ফাঁকে অকস্মাৎ আমার স্মৃতি তাদেরকে নিমেষের জন্তু হলেও চঞ্চল করে তুলবে, কবে আবার ঘরের ছেলে ঘরে ফিরে আসবে, সেই অনাগত সূদিনের অপেক্ষায় জানি, দিনের পর দিন চলবে তাদের নিরবকুণ্ঠ প্রতীক্ষা, দক্ষিণের কোঠার প্রবেশ করলেই জানি মায়ের চোখে পড়বে আমার প্রতীক সেই গ্যাডষ্টোন ব্যাগটি আর অমনি এক বিন্দু অবাধ্য অশ্রু তাঁর চোখের কোণে উদ্বেল হয়ে উঠবে! এ-ও জানি, গ্রামের কুসংস্কারাচ্ছন্নদের শিক্ষা দান করতে গিয়ে বাবা বার বার আমার অভাব অনুভব করবেন, বার বার তাঁর নিম্নের লাঠিখানা ছ'হাতে চেপে চেপে ধরবেন।

কিন্তু সর্বপ্রকার বন্ধন, সর্বপ্রকার পশ্চাতের টান অস্বীকার করে চলে এসে বাড়ী ও বাহির সম্বন্ধে সম্পূর্ণ নির্লিপ্ত হয়ে থাকার জন্য যে প্রচণ্ড মনোবল ও ইচ্ছাশক্তির প্রয়োজন, সেকালে বিপ্লবীদের তার অনুশীলন করতে হতো। ভগবান শ্রীরামকৃষ্ণের বাণী ছিল আমাদের ইষ্টমন্ত্র : 'কৈ মাছের মতো কাদায় বাস করবি। কিন্তু গায়ে যেন এক ছিটে কাদা না লাগে।' বাবা মা আত্মীয়-পরিজন পড়শী গ্রামবাসী সবাইকে নিয়ে গোটা দেশকেই আমরা জীবনের চাইতে অধিক ভালবাসি সত্য, কিন্তু সে ভালোবাসায় মায়া নেই, দাসখণ্ড নেই। সেই ভালোবাসাই আমাদের বেহিসাবী করে তোলে, বিপ্লবসঙ্কুল পথে পা বাড়াবার সাহস জোগায়, যত্নকে শ্রামের মত বরণ করে নেবার শক্তি জাগিয়ে তোলে, একেবারে একাগ্র মনে তদগতচিত্তে স্ননিবিড় ভালোবাসা, শ্রীরাধিকা যেমন করে ভালোবেসেছিল রুক্মকে, কিন্তু তথাপি ভালোবাসার বন্ধন আমরা স্বীকার করি না। যাদের নিয়ে এইমাত্র আমি হাশ্বপরিহাসে, গল্পগুজবে একেবারে মশগুল হয়েছিলাম, অপ্রত্যাশিতভাবে এল বিদায় নেবার নোটিশ, তৎক্ষণাৎ সেই অম্লান হাসি নিয়ে, সেই হাল্কা মন নিয়েই বাইরে বেরিয়ে এলাম। যারা ভেতরে রইলো, তাদের পানে ফিরে চাইবারও অবসর নেই আমার, কারণ গ্রেপ্তার করে নিয়ে অত্যাচারী শাসক জানিয়েছে যে আর একটি চ্যালেনজ! সেই চ্যালেনজ আমার গ্রহণ করতে হবে।

আমাদের জীবনের একটি অধ্যায়ের সঙ্গে অপর অধ্যায়ের অ-মিল ও অসামঞ্জস্য এত বেশী যে, সাধারণ লোক তার হৃদিস করতে পারবে কি না সন্দেহ। কলকাতার গা-ঢাকা জীবনের ওপর যবনিকা টেনে দিয়ে এলাম বাড়ীতে, সেখানে পাড়ায় আনন্দে নিজেকে ডেলে দিয়ে শুরু করলাম আর-এক অধ্যায়। তারপর পুলিশ সুপারের শমন যেতেই পশ্চাৎপট একেবারে মুছে ফেলে দিয়ে শুরু হলো সম্পূর্ণ নতুন এক অধ্যায়। এক-একটি অধ্যায় অসঙ্গতিপূর্ণ হলেও তা স্বয়ংসম্পূর্ণ ধরে নিতে হবে। ভাড়াটেদের বাসগৃহ পরিবর্তনের মতো। জাঁকিয়ে যেখানে বাস করছিলেন বছরের পর বছর, অকস্মাৎ একদিন সকালবেলা দেখা গেল, তাঁরা চলে যাচ্ছেন পাড়া ছেড়ে চিরদিনের মতো। রান্নাঘরের উনুনও ভেঙে দিয়ে গেছেন।

একুশ বছরের স্বাস্থ্যবান্ কিশোরের মনে বন্ধনজয়ের আনন্দ রোমাঞ্চ সৃষ্টি করবেই তো!

আমাদের ইয়ার্ড বেশ বড়। সম্মুখে অনেকখানি কাঁকা জায়গা, খোয়া ছড়ানো। মাঝে মাঝে পুরোনো ছাতিম বা কদম গাছ, তার নীচটা গোল করে শাণ দিয়ে বাঁধানো। তারই এক কোণে সারি সারি বোধহয় চল্লিশটা মলত্যাগের কুঠরী। এই কুঠরীগুলো মুখোমুখি ছ'টি সারিতে বিভক্ত, কুড়ি আর কুড়ি। কিন্তু মজা হচ্ছে এই যে, এই কুঠরীর সম্মুখ দিকে একেবারে খোলা আর বাকি তিন দিকে আড়াই ফুট উঁচু লোহার শিটের পার্টিশন। ভেতরে ছ'পাশে সিমেন্ট দিয়ে বসানো ছ'খানা ইট আর তার মাঝখানে পিচ-মাগানো ছোট বেতের একটি ঝুড়ি! মাথা নীচু করে ছ' চারদিন যাতায়াতের পরই আমরা ত্রৈলঙ্গ স্বামীর সাক্ষেদী করতে অভ্যস্ত হয়ে যাই। তখন মুখোমুখি বসতে যে আমাদের আদৌ অসুবিধে হয় না, শুধু তাই নয়, আমরা অনেক সময় অমনিভাবে বসে নানারকম গল্প-গুজব করি, নানারকম আলাপ-আলোচনা করি, হয়তো একটা গুরুত্বপূর্ণ সভাই করে ফেললাম। তাতে মারাত্মক একটি প্রস্তাবই হয়তো সর্বসম্মতিক্রমে গৃহীত হলো যে, আশুবাবুর নামে সুপারিনটেনডেন্টের কাছে নালিশ করতে হবে।

ইয়ার্ডের পূর্ব দিকে কুলের ছোট একটা বাগান। তাতে বাংলা দেশীয় নানা রকম অজস্র ফুল ফোটে। তার পাশেই রান্নাঘর। বিরাট ছ'টি চুল্লীতে বিরাটকার হাঁড়ি-কড়া চাপিয়ে প্রত্যেক বেলায় প্রায় দেড়শো জন রাজবন্দীর আহাৰ্য্য প্রস্তুত করেন বিগুদ্র ব্রাহ্মণ কিচেনম্যানের নীরেন মুখার্জীর তত্ত্বাবধানে হয়তো শেখ রহিমদৌ, অথবা বাঞ্জারাম মণ্ডল।

সশ্রম কারাদণ্ডে দণ্ডিত সাধারণ কয়েদীরাই রাজবন্দীদের চাকর, ঠাকুর, ধোপা, নাপিত ও জমাদারের কাজ করে থাকে। জেলের ব্যাপার সবই অদ্ভুত। বাইরে যে ছিল চাষী, দেখা গেল সে জেলের মধ্যে নাপিতের কাজ করছে, আর যে ছিল নাপিত, জমাদারের ঝাড়ু তার হাতে। এমনিভাবে রান্নার বামুনগিরি করে হয়তো ইউনিয়ন বোর্ডের ভূতপূর্ব প্রেসিডেন্ট, ধোপার কাজ করে হয়তো পথের ভিক্ষুক, চাকরের কাজ করে কোনো ভদ্রলোকের ছেলে আর জমাদারের কাজ করে সমাজের সর্বস্তরের লোকই। কারণ, জমাদারেরা প্রত্যেক দিন বারোটা বিড়ি পায়, তাদের খাণ্ড 'উন্নত' শ্রেণীর এবং দণ্ড তাদের একটু ঘন-ঘন আর একটু বেশী পরিমাণে মকুব হয়ে থাকে। সুতরাং জেলের ছুর্ভোগটা যথাসম্ভব কমিয়ে নিয়ে হাতের ঝাড়ু জেলের মধ্যেই ফেলে রেখে

বাইরে গিয়ে তারাই আবার হয়ে বসবে হয়তো কোনো সপ্তদাগরী অফিসের বেয়ারা। জেলের মধ্যকার সংবাদ ওখানেই সমাপ্তিপ্রাপ্ত হয়, বিশ কুট দেয়াল টপকে বা সাদ্দী-পাহারাওলার লোহার দরজার মধ্য দিয়ে তা দুগাঙ্করেও বাইরে আসে না।

রান্নাঘরের পেছনে গোটা দুই ব্যাডমিণ্টন খেলার মাঠ। সামান্য কিছু সজ্জীরও চায় সেখানে হয় দেখা যাচ্ছে।

আইন অনুযায়ী বেখানেই আমরা থাকি না, গভর্নমেন্ট আমাদের খেলাধলার ব্যবস্থা করতে বাধ্য। কিন্তু এখানে ঘাস কোথায়? মাঠ কোথায়? কিন্তু আমরা সে অসুবিধায় দমবার পাত্র নই। তাই সম্মুখের খোয়া-ঢাকা মাঠে আমাদের রাগবি খেলা হয়। তারই একপাশে হয় ভলিবল। রাগবির বল মাঝে মাঝে ফুটবলেও রূপান্তরিত হয়। আছড়ে পড়ে শবীরের নানা স্থানে ছড়ে যায়, কেটে যায়, পাইথানার নীচু লোহার চালে লেগে তরিদাসের একটা আঙ্গুল একদিন প্রায় ভেঙ্গেই গেল তবুও থামবার পাত্র আমরা নই।

সংবাদপত্রের মধো আমাদের জন্ম বরাদ্দ ষ্টেটসম্যান আর বাংলা সঞ্জীবনী ও হিতবাদী। ষ্টেটসম্যানে থাকে আগা খাঁয়ের ঘোড়ার সংবাদ আব যত ফিল্ম-ষ্টারদের পারিবারিক খোশখবর, তাই সঞ্জীবনীই ছিল আমাদের কাছে প্রিয় ও উপভোগ্য। প্রিয় এজন্য যে, ওতে রাজবন্দী সংবাদ নামে একটা ফিচার-কলাম ছিল, যাতে নয়া নয়া রাজবন্দীর নাম, রাজবন্দী স্থানান্তর ও রাজবন্দীর অসুস্থতার সংবাদ থাকতো। উপভোগ্য এজন্য যে, সঞ্জীবনী একেবারে ফোঁটা-তিলক-কাটা গোড়া হিন্দুর পত্রিকা। শান্তিনিকেতনের মেয়েরা 'জনসাধারণের কুদৃষ্টির সম্মুখে লাস্ত্র নৃত্য করে' বলে সম্পাদক স্বয়ং বিশ্বকবিকেই অজপ্র গালমন্দ করেছেন, একদিনের কাগজে পড়লাম। তথাপি, বাইরের চলিফু দুনিয়ার সঙ্গে যোগাযোগ রক্ষা করতো এই সঞ্জীবনীই।

খাবার জন্ম প্রত্যেকের বরাদ্দ ছিল এক টাকা দশ আনা দৈনিক আর মাসিক পকেটখরচা বাবদ কুড়ি টাকা। টাকাপয়সা এরা আমাদের হাতে দিত না। নীরেনবাবু দৈনন্দিন খাওয়ার জন্ম ঐ বরাদ্দ অঙ্কের মধ্যে বা-খুশী-তাই রিকুইজিশন করতেন এবং আমরা পকেটখরচার টাকা দিয়ে বা-খুশী-তাই কিনতে পারতাম।

টাকা শহরে নীরেনবাবুর নাকি হোটেল ছিল শোনা গেল। তাই

ভদ্রলোক যেমন শহরের প্রতিটি তরী-তরকারির দর জানেন, তেমনি পরিপাটি করে থাওয়াতেও জানেন। শহরে ঠিকাদারের পক্ষে খুব বেশী ঠকানো যেমন সম্ভব ছিল না, তেমনি চর্কচোষলেহুপেয় ভোজনে আমাদের স্বাস্থ্য উত্তবোত্তর উন্নত হতে লাগলো। আমাদের কিচেনকে আমরা নীরেনবাবুরই হোটেল বলে আখ্যা দিতাম। সত্যি, লোকটা অত্যন্ত পরিশ্রমী। রাবণের চিতার মতো জ্বলন্ত চুল্লীর ওপর বিরাটকায় কড়াইতে আমাদের রাঁধুনী বামুন ইয়াসিন হরতো মিষ্টানের তুপটা ঠিক মত নাড়তেই পারছে না দেখে নীরেনবাবু নিজেই এলেন এগিয়ে। খুস্তী নয়, খস্তা দিয়ে ঘণ্টার পব ঘণ্টা আধ মণ তুপ নাড়তে শুরু করলেন। সেই ভোর থেকে ভদ্রলোক ঠায় থাকেন রান্নাঘরের দরজায়। চতুর্দিকে গোনদৃষ্টি, এক চিমটি নুণ এদিক ওদিক কববার উপায় নেই, আর সেই রাত দশটায় আমাদের দরজা বন্ধ হয়ে গেলে নীরেনবাবুর খাবার আসে তাঁর ঘরে। সম্ভব হলে আর সম্মত হলে আমরা নীরেনবাবুকে কিছু পারিশ্রমিকও দিতে প্রস্তুত ছিলাম। এত তাঁর কৃতিত্ব!

সকালে কোনদিন লুচি ও মুর্গীর মাংস, কোনদিন ফেনাভাত ও ঘি, আবার কোনদিন নাবকেল-কোরা দিয়ে চিঁড়ে ভাজা, সঙ্গে হাঁসের ও মুর্গীর ডিম— কাচা থেকে শুরু করে কোয়াটার, হাক, থ্রি কোয়াটার ও ফুল্ক বয়েল্ড, যার যতটা খুশী। এক-এক রকমের ডিমের জন্ত পৃথক পৃথক বালতি।

তুপুরের আহারটা অনেকটা অমানুষিক বলা যেতে পারে। ঢাকা শহরের সর্ববৃহৎ চিতল মাছের পেটিগুলোই শুধু একদিন আনা হলো। একদিন আনা হলো এক বুড়িভর্তি বেলে হাঁস। একদিন এলো প্রত্যেকের জন্ত একটি করে কুই মাছের মাথা। কোনদিন হলো জনপ্রতি দু'টো করে মুর্গীর রোষ্ট। কোনদিন আস্ত ইলিশ মাছ ভাজা।

বিকলে নানাজাতীয় ফল ও পোয়াটেক ছানা ও আধ সের ঘন দুধ। মাঝে মাঝে সে তুধে বাদাম, পেস্তা ও কিসমিসও পাওয়া যেত। আঙুর, বেদানা, আপেল ও কমলা রোজই মিলতো।

রাতের খাবার শেষ হলে লেমনেড, সোডা, কমলা ও অগ্নাত ফলের ব্যবস্থা ছিল। সকালে ঢাকার বিখ্যাত খাণ্ড 'বাখরখানি' ও বিকেলে 'অমৃতি'ও থাকতো মাঝে মাঝে।

থাওয়া ব্যাপারে নামকরাদের মধ্যে আমিও একজন ছিলাম। তাই

৩'-চার দিন যেতে না যেতেই আমিও 'ভক্ষণ সমিতির' একজন বিশিষ্ট সভ্য হয়ে গেলাম।

তেতলায় আমাদের ঘরে, ঘর মানে দীর্ঘ হল-ঘরে, ভক্ষণ সমিতির আড্ডা। সভাপতি সুরেন্দ্র মজুমদার, সর্ববয়োজ্যেষ্ঠ। সহসভাপতির পদ এখনো খালি আছে। অবশ্য সে পদের জন্ত প্রার্থী আছেন নাম-করা ক'জন খাদক; যথা, তরণী সোম, বীরেন ঘোষ ও সতীশ দাশ। সভ্যসংখ্যা বর্তমানে পনেরো জন।

সভ্য হবার নিয়ম কিন্তু সহজ নয়। কোনো বিশেষ ফরম্-এ আবেদনপত্র পেশ করতে হয়না বটে, তবু নিয়ম হচ্ছে, প্রার্থীকে সভায় বসে হয় একটি গান করতে হবে, নয় তো স্বরচিত একটি কবিতা পাঠ করতে হবে। গানের গলা না থাকলেও ক্ষতি নেই, কবির কলম ভেঙ্গে গেলেও আপত্তি নেই। গম্ভীর ভাবে যে কোনো গান যে কোনো সুরে ও তালে গলা ছেড়ে গাইতে হবে অন্ততঃ দু'মিনিট কিংবা ছন্দ ও মিল অর্থহীন হলেও যে কোনো স্বরচিত কবিতা সুর করে পাঠ করতে হবে অন্ততঃ পাঁচ মিনিট। তারপর সভাপতি ও কার্যকরী সমিতি তার আবেদন সম্বন্ধে বিবেচনা করবেন।

সভ্য হবার আর একটি যোগ্যতা চাই এবং সেটাই প্রাথমিক ও সর্বপ্রধান। খেতে পারা চাই। সাধারণে যা খায়, অন্ততঃ তার দ্বিগুণ। ব্যাঙ্গনের কোনো বাছাই থাকতে পারবে না, স্বাদের কোন বালাই থাকবে না, সময়ের কোনো বিচার নেই, যখন-তখন যা-তা জ্বিনিস বাটি বাটি বা পালা পালা জাবাড় করে দিতে হবে। এবং সর্বোপরি এর ফলে অসুখ হলে তৎক্ষণাতঃ তার সভ্যপদ বাতিল হয়ে যাবে। যে যত বেশী টানতে পারবে, সে তত বেশী সিনিয়রিটি দাবী করতে পারবে এবং তার সভ্যপদের শিকড় ততটা পাকা হয়ে উঠবে এবং তার কর্তৃত্বও বেড়ে যাবে ততখানি।

ভোলাবাবু একদিন সভাপতি সুরেন্দ্রদা'র সঙ্গে আমার পরিচয় করিয়ে দিলেন। পরদিনই সন্ধ্যার পর ভক্ষণ সমিতির সভায় আমার ডাক পড়লো। গান আমি যে গাইতে না জানতাম তা নয়। বিয়েবাড়ীর মজলিসে যত গান গেয়েছি। তথাপি কবিতা রচনারও ক্ষমতা যে আমার আয়ত্তে, সেটা প্রমাণ করবার জন্তই সভার সমক্ষে সুর করে স্বরচিত যে কবিতাটি পাঠ করেছিলাম, তার অনেকখানিই আমার মনে আছে আজো :

ওরে বীরেন, ওরে আমার ভোলা,

ওয়ে বতীন, ওরে বিপিন,

খাবার ঘরের ছয়ার বুঝি খোলা ।

পেট-রোগারা ভাঙ্গা গলার জোরে

যা খুশী তাই বলে বেড়াক্ তোরে,

সকল যুক্তি হেলায় তুচ্ছ করে

দিনরাত্রির চালা, খাওয়া চালা ।

আয় দিবাকর, আয় রে আমার ভোলা ॥

এদিক্ ওদিক্ তাকান্ নে আর কেউ,

তুখ্ না চেয়ে বান ডেকেছে

কড়াই ছেপে উঠছে ডালের ঢেউ ।

চালতে ওরা চায় না বাটি বাটি,

দেবার বেলা এমনি আঁটিসটি,

মনে মনে জানে কিন্তু হাঁটি

একটু পরেই ঠক্ঠকাবে তলা ।

তরনী রে, ওরে আমার ভোলা ॥

নীরেনবাবু করবে তোরে মানা,

খালি কড়াই দেখবে যখন,

ভাববে এ কী বিষম কাণ্ডখানা ।

খাওয়া দেখে উঠুন তিনি ঘেমে,

আসন ছেড়ে আসুন তিনি নেমে,

সেই স্নযোগে দমের পরে দমে

কর রে সাবাড় বাটি এবং থালা ।

ওরে রমেশ, ওরে আমার ভোলা ॥

ম্যানেজারের খাবার আলমারী

চিরকাল কি রইবে বন্ধ ?

হরিদাস, তুই আয় রে নীচে নেমে ।

ভীমের মতন, কিন্তু গদা ছেড়ে
হাসি নয় রে, নিছক চুপিসাড়ে
থাবার ঘরের আলমারীটা বোড়ে

অমৃতি আর আন্ রে রসেব গোলা ।
ওরে নিশ্চল, ওরে আমার ভোলা ॥

আপেলগুলি আন্ রে দেখে দেখে ।
টক্ না লাগে আঙ্গুরগুলি,

মুখে ফেলে দেখিস্ নিজে চেখে ।

কলা আছে, জানি শশা আছে,
তাই জেনে তো সিক্ত জিহ্বা নাচে,
ঘুচিয়ে দে ভাই পেট-রোগাদের কাছে

আহার নিয়েও হিসাব করে চলা ।
ওরে ননী, ওরে আমার ভোলা " "

সভাপতি, তুই যে চিরজীবী ।

গলা সমান আহার করে

ষ্ট্রেচার চড়ে শয্যা এসে নিবি ।

থাবার নেশায় ভোর করেছিস্ কারা,
থাবার তরেই জেলে আসার তাড়া,
খেয়ে খেয়ে হোস্ যদি বা সারা,

গলায় দেবো রসগোল্লার মালা ।

ওরে সুরেন, ওরে আমার ভোলা ।

কবিতা শুনে সভাপতি গদগদ ভাষায় আমার অজস্র প্রশংসা করে এক নাতিদীর্ঘ বক্তৃতা করলেন এবং যেমন সভ্যদের মনের কথা এমনি সরসভাবে কবিতার ছন্দে প্রকাশ করেছি. তেমনি নীরেনবাবুর ভাতের হাঁড়িও যেন উজাড় করে দিতে পারি, তেমনি একটা আন্তরিক আশা প্রকাশ করে তাঁর ভাষণ শেষ করলেন । করতালির শব্দে হল-ঘর কম্পিত হয়ে উঠলো । তবণীবাবু আতঙ্কিত হলেন সহ-সভাপতির শূন্য আসন বুঝি দ্বিজেনবাবুই পূরণ করে বসেন ।

আলোচ্য বিষয়ের তালিকার প্রতি দৃষ্টিক্ষেপ করে সুরেনদা' ঘোষণা করলেন :
এবাব নির্মল বসুর সঙ্গীত ! জীবনে নির্মল কোনোদিন গান করেনি, সুর,
তাল, লয়, মান এসব তার কাছে গ্রীক. কোনো গানের কোনো লাইনও সে
জানে না। কিন্তু ভক্ষণ সমিতি নিয়মানুবর্তিতার অগ্রগামী, সভাপতির আদেশ
তাকে পালন করতে হবেই।

ছ'বার কেশে গলাটা বেড়ে নিয়ে খুব গম্ভীরভাবে মেঝেব দিকে দৃষ্টি নিবদ্ধ
রেখে প্রাণ মন ঢেলে দিয়ে :স শুরু করলো :

জনগণ মন অধিনায়ক জয় হে
ভারত ভাগ্যবিধাতা।
পাঞ্জাব সিন্ধু গুজরাট মারাঠা
দ্রাবিড় উৎকল বঙ্গ।
বিন্ধ্য হিমাচল যমুনা গঙ্গা
উচ্চল জলধিতরঙ্গ।

এর পরের লাইন নির্মলের কিছুতেই আর মনে পড়ছে না। ওদিকে কয়েদীদের
এ্যালুমিনিয়ামের থালা বাজিয়ে তবলচী বীরেন ঘোষ যে তাল রাখছে, যদি সে
তাল কেটে যায় ? তাই দেরী আর না করে নির্মল অকস্মাৎ প্রণীত চীৎকারে
পাচ নম্বর ইয়ার্ড প্রকল্পিত করে ধরে বসলো :

জয় হে, জয় হে, জয় হে, জয় হে,
ভারত ভাগ্যবিধাতা।

অধিবেশন চলতে থাকাকালে হাসি নিষিদ্ধ। অথচ হাসির বেগে প্রত্যেকেরই
দম ফেটে বাবার উপক্রম হয়েছে ! সুরেনদা'র দৃষ্টি ক্ষীণ হয়ে এলেও অন্তর্দৃষ্টি
তার অত্যন্ত তীক্ষ্ণ। অবস্থা সঙ্গীন দেখে তৎক্ষণাৎ তিনি সভাপতির আদেশ-
বাণী ঘোষণা করলেন। আর যার কোথা ! হাসির চোটে সবাই একেবারে
পাগল হয়ে উঠলো। ভোলাধাবু তো ছুটেই পালিয়ে গেলেন একেবারে ঘরের
বাইরে। সে এক অদ্ভুত, অকুরন্ত একটানা হাসি। কিছুতেই আর থামতে
চায় না। হয়তো একজন খানিকটে সামলে নিয়েছে, অমনি পাশের একজন
আবার খুক খুক শুরু করলো। বাস, আবার হো হো শুরু হয়ে গেল।

কতক্ষণ হেসেছিলাম জানি না। অকস্মাৎ আমাদের হাসিতে বাধা দিয়ে
যুদ্ধের দামামার মতো খাবার ঘণ্টা বেজে উঠলো। অমনি হাসি একেবারে

গেমে গেল। বিরাট কর্তব্য আমাদের সম্মুখে এসেছে তারই উদাত্ত আহ্বান। কাবণ নীরেনবাবুর ডালের কড়াই আজ আমরা আক্রমণ করবো। অতএব, চল সবে, যাই সমরে!

আমাদের সংগ্রাম-নীতি অর্থাৎ উদাব। প্রতিপক্ষকে আমাদের আক্রমণের লক্ষ্যস্বরূপ কথা জানিয়ে দিই পূর্নাত্মেই। হোক না সে প্রস্তুত, কী যায় আসে? 'সমুদ্রমপি শোষণামি' মনে অনুপ্রাণিত হয়ে ভক্ষণ সমিতির সম্মিলিত আক্রমণ-ধারা নীরেনবাবু কর্তৃক সইতে পারবেন? অতএব একসময় বিরাট ডালের কড়াইয়েরও তলদেশ দেখা যেতে লাগলো এবং সাত বাটি চুমুক দিয়ে খাবার পব তখনো হরিদাস ডাল ডাল বলে হাঁক ছাড়ছে! সভাপতি সুরেনদা' ডালের বাটির মধ্যে একমুঠো ভাত ছড়িয়ে নিয়েছেন আর নির্মল নিয়ে বসেছে ছোটখাটো একটি গামলা।

নীরেনবাবু এগিয়ে এলেন। সবিনয়ে নিবেদন করলেন : ডাল আর নেই। ভক্ষণ সমিতির সভাবন্দ শোভাযাত্রা করে বিজয়োল্লাসে ঘরে ফিরে এল। রাত তখন প্রায় দশটা। একটু পরেই আমাদের লোহাব শিকের দরজা রাতের মত বন্ধ হয়ে গেল।

দরজা বন্ধ হলেও আমাদের আলাপআলোচনা তখনো বন্ধ হয় না। আমাদের দিন তখনো শেষ হয় না। বীবেন ব্যাপার খুঁড়ি দিয়ে আমার সীটে এসে বসলো। নানা বিষয়ে কথাবার্তার পর অকস্মাৎ একসময় গলা খাটো করে বললো : কুমিল্লার বিস্তৃত সংবাদ জানা গেছে দ্বিজেনবাবু। ষ্টীভেন্স সাহেবকে যারা হত্যা করেছে, তাদের নাম শান্তি ঘোষ আর সুনীতি চৌধুরী। হত্যা করে স্বচ্ছায় তারা ধরা দিয়েছে। পালাবার এতটুকু চেষ্টা করেনি তারা। কিন্তু এদের নির্ঘাৎ ফাঁসী হয়ে যাবে।

চুপ করে গেলাম। সঙ্গে সঙ্গে মনে পড়ে গেল, ষ্টেটসম্যান পত্রিকার ঘটনাটি যা পড়েছি : মিঃ ষ্টীভেন্স কুমিল্লার জেলা ম্যাজিস্ট্রেট। একদিন তাঁর বাথলোতে যেমন অনেকে অনেক রকম আবেদন ও নিবেদন নিয়ে আসে, তেমনিভাবেই এল দু'টি স্থানীয় স্কুলের ছাত্রী। ধগ্গেস কতোই-না আর হবে! ষোলো কি সতেরো। শহরেরই বাসিন্দা, অপরিচিত নয় কেউ। ষ্টীভেন্স সাহেবের

হাতে যথাবিহিত সম্মানপুরঃসর একখানি আবেদনপত্র তারা পেশ করলে — একটি সম্ভরণ প্রতিযোগিতার ব্যবস্থা তারা করতে চায় ; এ ব্যাপারে স্বয়ং জেলা ম্যাজিস্ট্রেট যদি অনুগ্রহ করে একটু অগ্রণী হয়ে সাহায্য ও সহযোগিতা করেন...সাহেব দ্রু কঁচকে বললেন : দেখা যাবে ।

আবেদন পত্রখানা এক জনের হাতে ফিবিয়ে দিতে যত্নেই অপর মেয়েটি কন্স করে শাড়ীর আড়াল থেকে বার করলে একটি রিভলভার । একটি মাত্র গজ্জন শোনা গেল আর শোনা গেল জেলানায়ক স্ট্রেন্স সাহেবের পতনশব্দ । বাধা দিতে ছুটে এল ক'জন এঘর ওঘর থেকে । কিন্তু অপর মেয়েটি সেজ্ঞ প্রস্তুত হয়েই এসেছিল । আবেদন পত্র ফেলে দিয়ে সেও রিভলভার উঁচিয়ে ধরলো ও এলোপাথাড়ি গুলী চালাতে লাগলো । তারপর শাস্ত হয়ে তাবা ধরা দিল ।

মনের কোণে একটা কাঁটা যেন খচ্ খচ্ করতে লাগলো । এ পর্য্যন্ত মারণাস্ত্র দেখা গেছে ছেলেদেরই হাতে । তাদেরই অস্ত্রগর্জনে একে একে ধরাধাম থেকে চিরবিদায় নিয়ে চলে গেছেন পেড্রি, লোম্যান, সিম্পসন, গালিক । কিন্তু মেয়েদের হাতে রিভলভার ?.....

সহসা কিছু বলতে পারলাম না । বীরেন বোধহয় সেটা উপলব্ধি করেই আর কিছু বললো না । ধীরে ধীরে নিজের সীটে গিয়ে মশারির মধ্যে প্রবেশ করলো । কি ভাবছিলাম জানিনে । সে ভাবনার যেমন নেই অর্থ, তেমন নেই সামঞ্জস্য । কিন্তু কোথা থেকে যেন কীসব অজস্র চিন্তার পোকা মাগার মধ্যে ঢুকে কিলবিল করতে লাগলো !

চেয়ে দেখলাম প্রায় সবাই শুয়ে পড়েছে । ভোলাবাবু মা'র কাছে নিবিষ্ট মনে একখানা চিঠি লিখছেন আর মশারির মধ্যে বসে বসে নির্মূল পড়ছে স্বামী বিবেকানন্দের “প্রাচ্য ও পাশ্চাত্য ।” সবার টেবিলের মোমবাতিগুলো আমাদের ভৃত্যেরা নিবিয়ে দিয়ে গেছে । সারারাত ঘর অন্ধকার রাখা নিয়ম-বিরুদ্ধ বলে মেঝের ওপর গোটাচারেক হারিকেন কমিয়ে রাখা হয়েছে ।

বাইরের শহরেও চাঞ্চল্য কমে এসেছে নিশ্চয় । শীতের রাত এগারটায় সবাই এসে নিজের গৃহে আশ্রয় নিরেছে । পাটবিহীন দরজার সমান জানালাপথে বাইরে তাকিয়ে দেখলাম, আকাশে কাস্তুর মত একফালি চাঁদ আর তাকে ঘিরে অসংখ্য মিটমিটে তারা । কেমন যেন কুরাসায় ঢাকা মনে হয় । হাঁক দিলাম : হালিম, আলোটা নিয়ে যাও ।

হালিম আলো নিয়ে গেল। আমি লেপখানা মাথার ওপর টেনে দিয়ে চোখ বুজলাম। কিন্তু চোখ বুজলেই কি ঘুম আসে? কিংবা ঘুম এসেছিল। ঘুমের মধ্যে দেখলাম বিচিত্র এক স্বপ্ন!...মিশমিশে কালো আকাশ। নেই চাঁদ, নেই একটিও তারা। জমাট অন্ধকারের পুরু একটা সামিয়ানা দিগ্দিগন্ত ছেয়ে যেন টাঙ্গানো রয়েছে। হঠাৎ দেখলে অন্তবাস্তা বুঝি কেঁপে ওঠে ভয়ে! মনে হয়, অকটোপাশের মতো হিংস্র চোপ মেলে অন্ধকার যেন ওৎ পেতে বসে আছে কিংবা পাইথনের মতো মুখব্যাদান করে রয়েছে!... অকস্মাৎ সেই কালো যবনিকায় দেখা গেল কেমন নীলাভ আলোকের বিচ্ছুরণ। দুটি সরু লিকলিকে শিখা কেঁপে কেঁপে একেবারে লেলিহান হয়ে উঠলো। স্পষ্ট দেখা গেল, দুটি নারীমূর্তি ফাঁসীর রজ্জুতে ঝুলছে! আলুলায়িত কুন্তলা, ঝলিতবসনা ষোড়শী। আকাশের কালো মেঘের অন্তরাল থেকে নেমেছে দু'টি রজ্জু, সেই রজ্জুতে লম্বমান দু'টি কিশোরী। কোথাথেকে আসা দমকা হাওয়ায় তাদের বন্ধনহীন কেশরাশি আকাশে উড়ছে। তারা-গুলোকে ঢেকে দিচ্ছে, আড়াল করে রেখেছে পূর্ণিমার চাঁদকে। চুলের ফাঁকে ফাঁকে এলোপাথাড়ি হাওয়া শন্ শন্ করে বয়ে চলেছে। শব্দ শোনা যাচ্ছে গোথেরো সাপের ফোঁসফোসানির মত। নারী দুটির গুঁড় অধরকোণে তখনো অপরিমিত হাসির ঝিলিক। দু'কস বেয়ে গড়িয়ে পড়ছে গরম রক্তের ধারা, ইথারের গা বেয়ে এক-একটি বিন্দু হয়ে। বাতাসের সংস্পর্শে এসেই ফসফরাসের মতো তা জলে জ্বলে উঠছে, উল্কার মতো তির্য্যক্গতিতে ছিটকে পড়ছে পৃথিবীর প্রান্ত থেকে আর এক প্রান্তে।.....

অপরিসীম সাহসে ভর করে দৃষ্টি নিক্ষেপ করলাম নারী দুটির মুখের পানে। —এ কি, চেনা-চেনা মনে হয় কেন? কোথায় যেন দেখেছি এদের? কোথায়? আমাদের দেশে? আমাদের গ্রামে? আমাদের পাড়ায়? তোমার বাড়ীতে? আমাদের বাড়ীতে? এ কি, তোমাদের-আমাদের বোনের মত কেন এদের দেখতে? তবে কি—তবে কি—

অকস্মাৎ ঘুম ভেঙে গেল। হালিম এসে ডাকছেঃ বাবু চা! পাঁচটা বেজে গেছে।

ইঃ, লেপখানা একেবারে ভিজে গেছে দেখছি।... হাত বাড়িয়ে ব্র্যাকেট থেকে তোয়ালেখানা টেনে নিলাম।

ছয়

দিবাকর সেনগুপ্ত নামে এক ভদ্রলোক আমাদেরই ঘরের বাসিন্দা। সুপুরুষ ও স্বাস্থ্যবান এবং বেশ আলাপী। কিন্তু মুশকিল দেখা দেয় সেখানটাতেই। ভদ্রলোকের আলাপটা কেমন যেন গারে-পড়া গোছের। যা তিনি জানেন না, তা জানবার জন্ত তাঁর কৌতূহল বেশ তীব্র মনে হয়, অথচ ভাবখানা এমনি দেখাতে চেষ্টা করেন যেন ওসব কেন, ওর চাইতে অনেক বেশী কথা তাঁর জানা আছে : এটা শুধু গল্পছলেই এসে গেছে বলেই এ সম্বন্ধে প্রশ্ন করেছেন। ইচ্ছে হয় জবাব দিন, না হয় না দেবেন। তাতে হায়-আফসোস নেই।

অথচ হায়-আফসোস যে তাঁর যথেষ্ট থাকে, তাব প্রমাণ আমি নিজেও পেলাম। পেডি, লোম্যান, সিম্পসন আর গালিককে যারা হত্যা করেছেন, তাঁরা কি সবাই বি ভির লোক ? একদিন দুপুরে খোলামাঠে বসে শরীরে ভেল মর্দন করতে করতে তিনি এই প্রশ্নটি আমায় করলেন।

আকাশ থেকে পড়লাম ! বললাম : তা কি করে বলবো বলুন ? রিভলভার নিয়ে দাবা গেল, তারা তো আর আমায় জিজ্ঞেস করে যায়নি।

দিবাকর এই হত্যাকাণ্ডগুলোর ভূয়সী প্রশংসা করে বললেন : কিন্তু শোনা যায়, ঢাকার এই বি ভিই সেই মেদিনীপুরে গিয়ে প্রথম বিপ্লবী দল গড়ে তোলে। সত্যি নয় ?

তা তো জানিনে।

মুঠ হেসে দিবাকর বললেন : বুঝেছি, আপনি কিছুই বলবেন না। কিন্তু অমুশীলনের লোকেরা এই সব life for life কাজগুলো নিজেদের বলে দাবী করছে, সে সংবাদ রাখেন ? এই তো সেদিন এসেছে রমেশ ভট্টাচার্য্য। ও কি প্রচার করছে জানেন ? বিনয় বসু না কি কারেংটুলীর ওদের কুস্তির আখড়ায় নিয়মিত কুস্তি করতে যেতো। আর দীনেশ গুপ্ত তো নাকি ওর নিজের হাতের recruit করা ছেলে, রিভলভার ছোড়া সে-ই নাকি তাকে শিখিয়েছিল। ওদের এসব কথার প্রতিবাদ করাও কি আপনি উচিত মনে করেন না ?

নির্ধিকার কণ্ঠে জবাব দিলাম : না।

কেন ?

কারণ রমেশবাবু নিজেই জানেন যে, তিনি চাল মারছেন, কারণ ঢাকা শহরের এমন একটি লোক নেই যে, বিনয় বোস আর দীনেশ গুপ্তকে বেঙ্গল ভলান্টিয়ার্সের পুরোভাগে মাচ্চ করতে দেখেনি। শুধু শহর কেন, বিক্রমপুরের গ্রামে গ্রামেও এই অফিসার দু'জনকে চামেশা দেখা যেত ভলান্টিয়ার বাহিনী গঠনের কাজে।

দিবাকরবাবু অবস্রাং গেপে ওঠেন : চলুন, এখনই বাই রমেশবাবুর কাছে। মিথোবাদীর—

বাধা দিলাম : থাক, প্রয়োজন নেই। *Falschhood shall meet a natural death*—অপেক্ষা করুন।

কিন্তু দিবাকরবাবুর পৈর্যা বেন আর বাধ মানছে না! সেদিনই রাত্রে দর বন্ধ হয়ে যাবার পর ভদ্রলোক আবার এসে হাজির।

দ্বিজেনবাবু, কি করছেন?—ও, ডষ্টরভঙ্কির “মাদার”! পড়ুন। চমৎকার বই। কিন্তু আগে পড়েননি?

সময় কে যায়?—বলে বইখানা টেবিলে রাখলাম। দিবাকরও বসে পড়লেন এবং আমার কথার বেশ ধরে বেশ বলে যেতে লাগলেন : তা তো নিশ্চয়ই। বাইরে থাকলেই খালি কাজ আর কাজ। নাওয়া খাওয়ায়ই সময় মেলে না, তার আবার বই পড়া! বিক্রমপুরের দক্ষিণভাগটা পুরোই তো আপনার চাক্কে ছিল, তাই না? তা থাকবেই তো। এই প্রায় এক মাসের পারচয়ে যতটুকু আপনাকে বুঝতে পেরেছি দ্বিজেনবাবু, তাতে করে মনে হয়, আপনি বি ভির একটা স্তম্ভস্বরূপ।

খুশী হলাম না শুধু নয়, বেশ বিরক্ত বোধ করতে লাগলাম। কারণ আমি বি ভির স্তম্ভ নই। যেসব মারাত্মক কথা ও আমার মুখে ভরে দিতে চায়, তা যে কতখানি সাংঘাতিক, তা তো আর আমার অজানা নয়!

পরদিনই বীরেনকে গোপনে জিজ্ঞেস করলাম। বীরেন তো তখন তাকে ছ'বা বসিয়ে দিতে চাইলো। বললো : আপনি তো জানেন না, আমিও বলতে ভুলে গেছি, শালা আই বি-র চর। ডেটিনিউ সেজে এসেছে। দিই লাগিয়ে ছ'টো ঘুষি?

বীরেনের ঘৃষির ওজন যে কতখানি, তা আমার অজানা নয়। ঢাকা শহরে তখন গুপ্ত সমিতির দলীয় চেতনা একটু মাত্রাধিক ছিল। শুধু অনুশীলন আর দুগাস্তুর দল নয়, একই দলের বিভিন্ন গ্রুপের মধ্যেও নানা গুরুতর ও তুচ্ছ বিষয়ে মনকষাকষি চলতো। এবং তার অনিবার্য পরিণতি ছিল আশ্মানীটোলার গেলার মাঠে বা রেসকোর্সে অথবা ঢাকেশ্বরী মন্দিরের কাছে খোলা ময়দানে ছ'দলের মারামারি। অতর্কিতে নয়, সংবাদ আদান-প্রদান করে, এনগেজ-মেন্ট করে। কখনো লোহার শিক দিয়ে, কখনো হকি ষ্টিক দিয়ে, কখনো পেতলের তৈরী পাঞ্চ দিয়ে আবার কখনো-বা হাণ্টার দিয়ে। রক্তদর্শন ছিল অবদারিত।

১৯২৬ সালের একটা ঘটনার কথা মনে পড়ে। জগন্নাথ ইন্টারমিডিয়েট কলেজে আমি পড়ি, কলেজ হোস্টেলে থাকি। ১৯৩০ সালের বেঙ্গল ভলান্টিয়ার্সের মেজর বিনয় বসুও তখন থাকতো হোস্টেলে আমারই পাশের ঘরে। সেও ফাষ্ট ইয়ারে পড়ে। একদিন বিকেল বেলা শিশির সেনগুপ্ত এসে আমাদের বলে গেল সন্ধ্যার পর আশ্মানীটোলার মাঠে যেতে। তাঁতিবাজারের রবীন রায় না কি আমাদের একটি ছেলেকে ভাগিয়ে নিয়ে গেছে। তাই এই চ্যালেঞ্জ! সন্ধ্যার মধ্যে যদি এই মামলাব ফরসালা না হয়, তাহলে ত্রি মাঠেই হবে শক্তি পরীক্ষা।

প্রস্তুত হয়েই গেলাম। অর্থাৎ রাত ন'টায় হোস্টেলে ফিরে আসবার সম্ভাবনা কম বলেই রোল-কলের সময় যাতে আমাদের ছ'জনকার প্রক্লি দেওয়া হয়, তার ব্যবস্থা করে গেলাম।

মাঠে গিয়ে দেখি, পরিস্থিতি বেশ সঙ্কীর্ণ! অনেকগুলো হকি ষ্টিক এসে গেছে, সঙ্গে আবার গোটা দুই ছোরাও। বীরেন কোমর থেকে বার করে বললো : আজ একটাকে আমি নোবই।

বিনয় কুস্তিগীর। বড়লোকের ছেলে। কেমন নাটসমুদ্রস স্লডোল শরীর। বুকে জড়িয়ে ধরতে ভালো লাগে। থাকেও খুব পরিচ্ছন্নভাবে। মুখে একটা স্বাভাবিক মৃদু হাসি যেন লেগেই আছে। সে বললো : ওসব ষ্টিক লাগবে না আমার। বেঁচে থাক আমার কুস্তি! এমনি করে ধরবো আর 'ঢাক'—বাস্ একেবারে চিৎ!—বলে সে আমাকেই চিৎ করে ফেলে দেয় আর কি!

বিপক্ষ দলও প্রস্তুত হয়েই এসেছে বোধহয়। মাঠের অপর প্রান্তে তারা অপেক্ষা করছে দেখা গেল। সন্ধ্যার পর মাঠের সাধারণ জটলা ও অন্তা

কমে গেলে দলীয় সবাই এসে জড়ো হলো। প্রতিপক্ষও এগিয়ে এল। দেখা গেল, তাদের প্রত্যেকের হাতে হকি ষ্টিক।

তাই পক্ষের বড়দের মধ্যে এই ব্যাপার নিয়ে যে আলোচনা চলছে পাটুরাটুলীতে রাঙ্গাদা'র বাসায়, সেখানে আমাদের একজন বার্তাবহ অপেক্ষা করছে। যাহোক একটা কিছু সিদ্ধান্ত হয়ে গেলেই সে সাইকেল নিয়ে ছুটে আসবে আমাদের সংবাদ দিতে। তারই ওপর নির্ভর করছে যুদ্ধ, অথবা শান্তি!

কিন্তু কোথায় সে? জিতেন বললো: আর দেবী করা যায় না। স্কর হোক।

প্রতাপ তৎক্ষণাৎ তাকে সমর্থন করলো: বা বলেছিল। যদি ভালো খবর আসেই, তখন থেমে গেলেই চলবে।

তাই ঠিক হলো। প্রতিপক্ষ ও আমাদের মধ্যকার ব্যবধান শনৈঃ শনৈঃ কমে এল এবং ক্রমে তা মাত্র দশ-বারো হাতে এসে ঠেকলো। সূচনা করে দেবার জন্তু, আমার আজো স্পষ্ট মনে আছে, অকস্মাৎ বীরেন ছুটে গিয়ে সম্মুখে যে লোকটিকে পেলো, তাকেই এমনি প্রচণ্ড এক ঘুষি বসিয়ে দিল যে, সে ছিটকে গিয়ে পড়লো কয়েক হাত দূরে, আর উঠলো না। তারপরই প্রচণ্ড বিক্রমে দুই দলের বাচ্চা বাচ্চা পালোয়ানেরা এগিয়ে এসে যেই একে অপরের ওপর লাফিয়ে পড়বে, এমন সময় তীরবেগে এসে হাজির আমাদের বার্তাবহ। মিটমাট হয়ে গেছে—অতএব সন্ধি! কিন্তু বীরেনের ঘুষির জের ছেলেটিকে কয়েক মাস টানতে হয়েছিল।

সেই জাতীয় একখানা ঘুষি যদি দিবাকবাবুর নাকে পড়ে, তা'হলে কোন কালে তাঁর নাক ছিল কি না, তাও বোধহয় আর খুঁজে পাওয়া যাবে না! তাই একে নিরস্ত করলাম: মারার চাইতে চিনে রাখা ও সাবধানে থাকাই বুদ্ধিমানের কাজ।

বীরেন বললো: জানেন, ও লোকটা প্রায়ই যায় অফিসে। বলে যায় ওর ইন্টারভিউ আছে। মাসে দু'বারের বেশী আমাদের আত্মীয়েরা মাথা কুটলেও দেখা করবার অনুমতি পায়না, ও কি গ্র্যাসবি সাহেবেব পোশুপুত্র না কি? আশাব মনে হয়, যোগিনী বোস বা জিতেন ধর অফিসে আসে, আর ও প্রধানকার যাবতীয় সংবাদ তাদেরকে জানাতে যার! বিশ্বাস করবেন না।

গুপ্ত সমিতিতে সে যুগে যেমন ছিল পারস্পরিক বিশ্বাস ও নির্ভরশীলতা,

ঠিক তেমনিই ছিল কঠোরতম নিয়মানুবর্তিতা ও গোপনতা রক্ষার প্রচেষ্টা। একই কাজে হয়তো পাঁচ জনকে প্রেরণ করা হলো, বলে দেয়া হলো, কাজ সুসম্পন্ন করে পলায়নের সুবর্ণ সুযোগ না পেলে পালিও না, পকেটে রইলো। পটাসিয়াম সায়নাইড আর হাতের রিডলভারের শেষ গুলীটি তো রইলোই। পাঁচটি কেন্দ্র থেকে কেন্দ্র-নেতার সুপারিশ অনুযায়ী হয়তো এই পাঁচ জনকে সংগ্রহ করা হলো। এরা কেউ কাউকে চেনে না, এর আগে কার্যাব্যাপদেশে একাধিক বার দেখা হলেও কেউ কারুর সঙ্গে কথা করনি। আজ কাজে ঝাঁপিয়ে পড়বার পূর্বক্ষণে অর্থাৎ মৃত্যুকে নিয়ে হোলি খেলায় মত্ত হবার মাত্র কয়েক ঘণ্টা পূর্বে সরকারীভাবে এদের পরিচয় করিয়ে দেয়া হলো। পরিচিত হবার সঙ্গে সঙ্গেই এরা নিবিড় বন্ধুত্বে বন্ধ হলো। তারপর যথানির্দিষ্ট সময়ে হয়তো দেখা গেল, একথানা মোটর গাড়ী এদের নিয়ে বাবার জগু এসেছে। কে পাঠিয়েছে গাড়ী, চালক বিশ্বাসী কি না সেসব প্রশ্ন করবার অধিকার এদের নেই। নীবরে গাড়ীতে উঠে বসে এরা যথাস্থানে গিয়ে অবতরণ করলো।

অর্থাৎ তোমার যতটুকু না জানলে কাজ আটকে যাবার আশঙ্কা আছে, ঠিক ততটুকু তোমায় জানানো হবে। এই নিয়ম সবার ক্ষেত্রেই সমানভাবে প্রযোজ্য। বিক্রমপুরকে কয়েকটি অঞ্চলে বিভক্ত করা আছে। প্রত্যেক অঞ্চলের ভারপ্রাপ্ত কর্মীর সঙ্গে অপর অঞ্চলের ভারপ্রাপ্ত কর্মীর যোগাযোগ থাকে সত্য, কিন্তু একে অপরের সমগ্র সদস্যসংখ্যা কত বা কারা এর সদস্য, সে সব সংবাদ জানতে পারে না। নিয়ম নেই, ঢাকার কেন্দ্রীয় সমিতির সঙ্গে সারা বিক্রমপুরে যোগাযোগ রক্ষা করে চলে মাত্র একজন কর্মী। কেন্দ্রীয় সমিতির ও মাত্র একজনকেই সে চেনে। প্রত্যেক অঞ্চলের আগ্নেয়াস্ত্রগুলি যার কাছে থাকে বা বেনামী ইস্তাহারে ব্যবহৃত ব্লকগুলি যার কাছে গচ্ছিত থাকে অথবা অগ্নাণু বাজেয়াপ্ত পুস্তক, ছবি বা পুস্তিকা যার গুপ্ত গ্রন্থাগারে আছে, সে শুধু কেন্দ্রীয় সমিতির একটিমাত্র সদস্যকেই চেনে ও জানে। তাঁরই আদেশে মালখানা সে খোলে আর বন্ধ করে ও মনে মনে মালপত্রের জমাখরচের হিসাব রাখে।

এই যে নিয়ম ও অনুশাসন, আশ্চর্য্য যে, এর একটিও লেখা নেই। গুপ্ত সমিতিতে কাগজ-কলমের ব্যাপার নেই। সবই মুখে মুখে, মনে মনে, অন্তরে-অন্তরে। সেখানকার অদৃশ্য প্লেটে তা লেখা হচ্ছে ও প্রয়োজনবোধে মুছে

ফেলা হচ্ছে। দলে বোগদানের প্রথম দিন থেকে একেবারে শেষ দিন পর্যন্ত কেউ তোমার নাম লিখে নেবে না এবং অনেক জায়গাতেই তোমার কি নাম, তাও কেউ জিজ্ঞেস করবে না। সাধারণ সদস্য থেকে নিজের কর্মক্ষমতার দ্বারা দীর্ঘে দীর্ঘে বা একেবারে অপত্যাশিতভাবেই কবে, কখন যে তুমি দলীয় কর্মকর্তাদের অগ্রতম হয়ে উঠলে, অপরে তো দূরের কথা, নিজেরও বেন তা টের পেলো না। এব নিরোগ, বদলি, প্রমোশন বা বরখাস্ত কোনো ব্যাপারেই কোনো সাকুলার নেই, বিজ্ঞপ্তিরও প্রয়োজন হয় না। কর্মক্ষমতার দ্বারা তোমার উন্নতিও যেমন এল একটি স্বতন্ত্র যন্ত্রের মতো, তেমনি সামগ্রিকতম দক্ষতার দোষে স্বতন্ত্র পেষণ-যন্ত্রেই তুমি কবে যে একেবারে নিষ্পিষ্ট হয়ে পাউডার হয়ে বাতাসে উড়ে গেলে তার হৃদিসই পাওয়া যাবে না।

সমগ্র সমিতিটাই চলতো স্বয়ংচালিত যন্ত্রের মতো। যেমন নিশ্চিত ও শাণিত তার গতি, তেমনি মজবুত ছিল তার কলকজাগুলি। মাটির নীচের জমাট অন্ধকারে একটা অদৃশ্য জগৎ এমনিভাবে চলতো, বাইরের দৃশ্যমান জগতে তার প্রাণস্পন্দনের বিন্দুমাত্র ধ্বকধ্বকানিও শোনা যেত না!

এমনি কড়া নিয়মের প্রয়োজনীয়তাও ছিল যথেষ্ট। সন্দেহবশে কাউকে গোপ্যার কবর্ত্তে পারলেই আই বি অফিসের রুদ্ধদার কক্ষে চলতো তার ওপর অমানুষিক অত্যাচার। প্রথমেই নয়। প্রথমে চলতো অনুরোধ, উপবোধ, আবেদন নিবেদন : ভাই আমার, দাদা আমার, বল না, ঐ রিভলভারটা কে তোমার দিয়ে পাঠিয়েছিল? আঁহা হা, এমান কাট শরীর, হাজতের কপ্টে কেমন কালি হয়ে গেছে। ওরা বুঝি ভালো খাবার দেয় না?—এই রামসিং, উউ উল্লু, ইধার আও। এই বাবুকে খেতে দিস্ না নাকি বে? ছিঃ ছিঃ ছিঃ। শোন, আজ থেকে বোজ রাতে মাংস আর পরোটা দিবি। আর যা, এক্ষণি কিছু খাবার নিয়ে আর।—বলে ঝনাৎ করে একটা টাক। মবের ওপর ফেলে দিলেন মনোরঞ্জন দারোগা। তার পরই : তুমি আমার ছেলের বয়সী। দেখতেও আমার বড় ছেলের মতো; তাই তোমায় দেখে কেমন একটা মায়ী ধরে গেছে। তাই তো স্মারকে বলে আর কাউকে দিইনি তোমার কাছে ঘেঁষতে, আমি নিজেই এসেছি। বল তো বাবা, সব খুলে বল তো। বলে ঘরের ছেলে ঘরে ফিরে যাও। মা বাবা হরতো কত কান্নাকাটি করছেন।—আরে, হাজতে কি ভদ্রলোকের ছেলেরা থাকতে পারে?—বল।

আবেদন নিবেদন অচল হলে চলতো প্ররোচনা বা পারসুয়েশন। একশো টাকার নোটের একশোখানার একটি বাণ্ডুল টেবিলের ওপর এগিয়ে দিয়ে প্রফুল্ল বসু বলে উঠলেন : পাছে তোমার অবিশ্বাস হয়, তাই চেক না এনে একেবারে ক্যাশ টাকা নিয়ে এসেছি। নাও, ভালো করে গুনে গুনা, দশ হাজার আছে কি না। এই টাকা নিয়ে বাড়ী চলে যাও। গরীবের সংসার-মার্কেট অফিসের ত্রিশ টাকার গোলামী আর খুঁজে বেড়াতে হবে না। বরাত ফিরে যাবে। আর তার বদলে তুমি দিচ্ছ কি? কতটুকু তার মূল্য? তাতে তোমার কোন ক্ষতি আছে কি? এখানে এই ঘবে গোপনে বসে যে নামটি আমরা বলে যাবে, তোমার দলের কে জানতে পারছে তা? আমি তোমায় তো আর লিখে দিতে বলাচ্ছি না। তোমার এই ভ্রাতৃগণেরও যেমন শেষ হলো, তেমনি দলের মধ্যেও তোমার প্রতিপত্তি আগের মতই রইলো। মাঝখান থেকে নীট লাভ দশ হাজার টাকা। ইচ্ছে করলে বিলেতও ঘুরে আসতে পারে। জার্মানীতে গিয়ে হয়তো সাবান তৈরীই শিখে এলে। তখন তো টাকা দিয়ে তোমার দলকেই পারবে সাহায্য করতে। সেটাই ভালো, না একটা ষড়যন্ত্র মামলার বাবজীবন দ্বীপান্তর ভালো?—নাও. আর দ্বিধা করতে হবে না। ওসব সঙ্কোচ দূর করে ফেল।

আবেদন বা পারসুয়েশন ব্যর্থ হলে প্রথমে চলে ছমকী ও গুল্কারজনক অশ্লীষ ভাষার বাপ-মা তুলে গালাগাল, তারপর মুখে খুঁতু ছিটিয়ে দেয়া বা চুলের বুঁটি ধরে টেনে দেয়া। এসব অস্ত্র ব্যর্থ হলে প্রয়োগ করা হয় একেবারে ব্রহ্মাস্ত্র, শারীরিক নির্যাতন। যত রকম নির্যাতন কল্পনা করা যেতে পারে, সব। মধ্যযুগীয় বর্বরতার সঙ্গে আধুনিক বিজ্ঞান মেশানো। তাই কন্বল দিয়ে আপাদমস্তক ঢেকে মেঝের ওপর গুইয়ে দিয়ে একটা বাঁশ আড়াআড়ি ভাবে শরীরের ওপর রেখে ছ'পাশে ছ'জন বসে চাপ দেয়া হয়। ঘটির মধ্যে বালি ভর্তি করে সেই ঘটি দিয়ে প্রহার করা হয়। এতে ওপরকার চামড়া ফেটে যাবার আশঙ্কা যেমন নেই, তেমনি মাংসের ভেতরটা একেবারে খেঁতলে পিষে কাটা করে দেবে। নখের ফাঁকে সূঁচ বিঁধিয়ে দেয়া হয়। তিনটি আঙ্গুলের ফাঁকে একটি সরু লোহার শিক ঢুকিয়ে দিয়ে ভীষণ ভাবে চাপ দেয়া হয়। চেয়ারে শৃঙ্খলাবদ্ধ করে বসিয়ে রুল টানবার কাঠের রোলার দিয়ে শরীরের প্রতিটি অঙ্গেটে আঘাত করা হয়। পরে হয়তো হাণ্টার দিয়েই বেদম প্রহার করা হয়।

আইন আছে বটে যে, গ্রেপ্তার করবার পর চব্বিশ ঘণ্টার মধ্যেই কোর্টে ম্যাজিস্ট্রেটের সমক্ষে ধৃত ব্যক্তিকে হাজির করতে হবে, বিশেষ কারণ ব্যতীত পুলিশের হেফাজতে রাখা যাবে না, তাও চোদ্দ দিনের বেশী নয়। কিন্তু ব্রিটিশের আমলের বিচারক। তাই প্রহৃত আসামী হয়তো কয়েদীর গাড়ীতে ধুকছে, এমন সময় এস বি বা আই বি-র দারোগা স্মারের সম্মুখে কাগজপত্র স্থাপন করলেন আর অমনি স্মার বিনা দ্বিধায়, বিনাপ্রশ্নে অবলীলাক্রমে স্বাক্ষর করে দিলেন : The accused is produced before the Court and on enquiry it is learnt that he is getting good behaviour in the hands of the police and he has got nothing to complain against.....ইত্যাদি।

চোদ্দ দিন এস বি অথবা আই বি-র পঞ্জরে আতিথ্য গ্রহণের পর অনেকেরই প্রায় হেঁটে চলবার শক্তি থাকে না।

শান্তি সোম একদিন আড়ালে ডেকে নিয়ে আমায় জিজ্ঞেস করলেন : আই বি অফিসে তোমায় টরচার করেনি, গাঙ্গুলী ? বললাম : না, একেবারেই না। একটা কটু ভাষা পর্য্যন্ত ব্যবহার করেনি !

এর কারণ পরে জানতে পারা গিয়েছিল। আমি নাকি ছিলাম সেনট্রাল আই বি-র আসামী, তাই জেলার কর্তাব্য আমায় নিয়ে বেশী ঘাঁটাতেন না। তবে জেলার এলাকায় আমার কখনো আগমন বা আনাগোনাও তাঁরা আদৌ পছন্দ করতেন না। তাই ১৯২৮ সালের পর থেকেই দেশের বাড়ীতে যাওয়া আমার প্রায় ঘটতোই না।

শান্তি সোম বললেন : এবার ওরা পাইকারীভাবে গ্রেপ্তার শুরু করে দিয়েছে। বোধহয় সবাইকেই দেবে কনফার্ম করে।

নিরম ছিল, গ্রেপ্তার করে গভর্নমেন্ট তদন্ত করে দেখবেন, সত্যিই এ নিশ্চিতভাবে বৈপ্লবিক কার্যাবলীর সঙ্গে প্রত্যক্ষ বা পরোক্ষভাবে জড়িত কি না। তারপর তাঁরা সিদ্ধান্ত করবেন, একে রাজবন্দীর পদে পাকা ভাবে নিযুক্ত করবেন, না মুক্তি দেবেন। শান্তি সোম অন্ত্যন্ত আরও প্রায় পঞ্চাশ জনের সঙ্গে গ্রেপ্তার হয়েছেন আমি গ্রেপ্তার হবার দিনপনেরো

পূর্বে। সুতরাং গুঁদের ভাগ্য সম্বন্ধে সরকারী সিদ্ধান্ত প্রকাশিত হবার সময় আগতপ্রায়।

যা আশঙ্কা করা গিয়েছিল, তাই হলো। একদিন সকালবেলা আমাদের বিভাগীয় ভারপ্রাপ্ত ডেপুটি জেলার আশুবাবু এসে তাঁর ড্যাভেডেবে চোখ দু'টোতে খুশীর ঝলমলানি কুটিয়ে তুলে সংবাদ জানিয়ে গেলেন যে, এক মদন ভৌমিক দাতীত সবাইকে গভর্নমেন্ট কনফার্ম করেছেন।

আশুবাবুর পক্ষে পরম সুসংবাদ। কারণ, এবার আমরা প্রত্যেকে প্রারম্ভিক ভাতাবাদ পাবো। ষাট টাকা আর তার ওপর জন-প্রতি মাসিক হাত খরচার জন্ম আরো কুড়ি টাকা। এই আশী টাকার একটি পরসাত্তো আমাদের হাতে দেওয়া হবে না। আমরা জিনিষপত্রের অর্ডার দোব আশুবাবুর মারফৎ আর বাইরের ঠিকাদাব সেগুলো সাপ্লাই দিয়ে যাবে আশুবাবুরই কাছে। তারপর ভাউচারে স্বাক্ষর করে দেবার পর আমাদের চাওয়া জিনিষ আমাদের হাতে আসবে। মাঝখানের লোক হিসেবে আশুবাবুর কিছু কমিশন লাভ হবে আর রাজবন্দীর সংখ্যা যত বেশী হবে, তত বেশী টাকার অর্ডার হবে, আর কাজেকাজেই কমিশনের অঙ্কটাও বেশ মোটা হয়ে উঠবে। তাই আমাদের সন্দেহনাশ হলেও আশুবাবুর পৌষ মাস দেখা দিল!

সিভিল ইয়ার্ডে একখানা ঘরে আশুবাবুর দোকান। দোকান মানে, আমাদের প্রয়োজনীয় কতকগুলি দ্রব্যের নমুনা সেখানে সাজানো আছে। রোজ বিকেলে আমাদের প্রতিবারে পাঁচ জন করে সিপাই-পাহারার সেখানে যাবার অধিকার আছে। সেখানে আমরা ব্যক্তিগত পছন্দ অনুযায়ী নমুনা দেখে জিনিষপত্রের অর্ডার দিয়ে আসি। অনেকে অনেক নতুন জিনিষের অর্ডার দিয়ে থাকেন আশুবাবুর দোকানে তার নমুনা নেই। ঠিকাদারকে দিয়ে আশুবাবু তা-ও আনিয়ে দেন।

এই আশুবাবুটি একটি অদ্ভুত জীব! ব্যবসায়ী বুদ্ধি তাঁর অত্যন্ত প্রখর বলে যা-তা জিনিষ দিয়ে দ্বিগুণ মূল্য আদায়ের ফিকিরে সর্বদা তিনি ঘোরাকেরা করেন। এজন্ম রাজবন্দীরা চোর বা দালাল আখ্যা দিয়ে অকথ্যভাবে গালাগাল দিলেও, আশ্চর্য্য, তাঁর ড্যাভেডেবে চোখ দু'টোতে হাসির ঝিলিক থাকবেই। কানে তুলো ও পিঠে কুলো নিয়েই দিব্যি তিনি প্রায়ই সকালবেলা এসে আমাদের সঙ্গে বেশ জমিয়ে বসে প্রাতরাশটা শেষ করে যান এবং নির্লজ্জের

মতো আবার মন্তব্য করে যান : আপনাদের এখানে গেতেও তো ভয় করে। পটাসিয়াম সায়নাইড যারা অবলীলাক্রমে খেয়ে ফেলতে পারে, তারা অপরকেও তা পরিবেশনও তো করতে পারে। তারপর রাজবন্দীদের সাথে বেশী মেলামেশাব সংবাদ সাহেবের কানে গেলে আর রক্ষে নেই। আই বি নির্ঘাত জেনে ফেলবে, তা'হলেই চাকরিটি খোঁয়া গেল আর কি !

আমরা প্রায় সকলেই ঝুঁকে করুণার চক্ষে দেখি। কিন্তু বীরেন কাছে থাকলে আর উপায় নেই। জিজ্ঞেস করে : তা'হলে না এলেই তো পারেন এখানে ?

ড্যাবডেবে চোখে হাসি কুটির জবাব আসে : কিন্তু কাজ যে আমার আপনাদের দিবে। কত বলি সাহেবকে এই কাজের ভার, অপরকে দিতে। কিছুতেই দেবে না।

অর্থাৎ যেন কত অনিচ্ছাতে এই অস্বস্তিকর কাজটি আপনি করে থাকেন। জিনিষপত্র সরবরাহ ভারী হাজারের কাজ, তাই না? কিন্তু মাসের শেষে মুনাফাটি যখন আসে আশুবাবু, তখন ?

ড্যাবডেবে চোখ কপালে ওঠে : বলেন কি বীরেনবাবু, মুনাফা? ছিঃ ছিঃ, আপনাদের টাকা থেকে আবার কমিশন খাবো আমি? অমন দুর্ঘটি ভগবান যেন কোনদিন না দেন।

লোকটা কিছুতেই রাগ করে না! খুব ভালো আই বি অফিসার হতে পারতো। খাবার লোভ ভীষণ, খেতেও পারে বেশ। রাজবন্দী হয়ে এলে সসন্মানে ভক্ষণ সমিতির সহ-সভাপতির শূন্য পদে ওকে নেয়া যেত।

কিন্তু বীরেন ওকে একেবারেই সহিতে পারে না। আমরা ঠাট্টাবিজ্ঞপ করে যতই রগড় করতে যাই, বীরেন সিরিয়াসলি ততই চটে যায় গুঁর ওপর।

একদিন সকালে তো সাংঘাতিক কাণ্ড! সুপার সাহেব এসেছেন সকাল বেলা যথারীতি আমাদের ইয়ার্ড পরিদর্শনে। সঙ্গে জেলার নরেন সরকার, জনকতক ডেপুটি জেলারের মধ্যে আশুবাবু, বড় জমাদার, সশস্ত্র জেল-সিপাই ও কয়েকজন কয়েদী মেট।

সুপারিনটেনডেন্ট লিওনার্ড সাহেব নিরঙ্কর হলেও পাকা লোক। কোথাও ছুঁচটিকে বাধা দিয়ে কোথাও হাতীকে কিভাবে ছাড়পত্র দিয়ে শান্তি ও শৃঙ্খলা অক্ষুণ্ণ রাখতে হয়, সে কৌশল তাঁর ভাল করেই জানা আছে। তাই চার নম্বর

ইয়ার্ডেই কয়েকজন সাধারণ কয়েদীকে লাথি মেরে পাঁচ নম্বর ইয়ার্ডে রাজবন্দীদের মধ্যে এসেই তিনি দিলখোলা গল্পবাগীশ হয়ে ওঠেন। এ-কথা ও-কথা নিয়ে অনর্থক বাজে বকেন ও হাসাহাসি করেন অকারণে। আফ্লাদে আটখানা হয়ে একেবারে ঘেন ফেটে পড়েন।

সেদিন বীরেনের সহ হলে না। আশুবাবু যে বাজে সব জিনিষ দিয়ে দ্বিগুণ দাম আদায় করেন, সে কথাটা সে আশুবাবুর সম্মুখেই লিওনার্ডকে জানিয়ে দিল। লিওনার্ড তাঁর চশমার মধ্য দিয়ে আশুবাবুর পানে নীল চোখের ক্রুদ্ধ চাহনি হেনে ডাকলেন : Ass-u !

আশুবাবুর ডাবডেবে চোখে ভয়, ভয় ও ক্রোধ মিলিয়ে একটা অদ্ভুত ত্যতি দেখা দিল। তিনি প্রতিবাদ জানাতে গিয়ে সাহেবের সম্মুখে কি একটা কথা বলে সমস্ত রাজবন্দীদের নামেই একটা পান্টা অভিযোগ করে বসলেন।

আর বার কোথা! বীরেন তৎক্ষণাৎ ঝেড়ে দিল আশুবাবুর ডাবডেবে চোখের কোণে সেই সাংঘাতিক একখানি ঘুঘি! তৎক্ষণাৎ আশুবাবু একেবারে ধরাশায়ী হলেন।...এ অপমান অসহ! জমাদার পকেট থেকে বাণী বার করে বাজিয়ে দিল। গেটে ঢং-ঢং করে “পাগলা ঘন্টি” বেজে উঠলো। চারিদিকে বাণী শোনা যেতে লাগলো। ছুটোছুটি হড়োহড়ি পড়ে গেল। হাঁকডাক চীৎকারে জেলের মধ্যে একটা বিপর্যয় কাণ্ড ঘটে গেল যেন :

পাঁচ নম্বর লেখা একখানা প্রকাণ্ড বোর্ড জেল-টাওয়ারে ঝলছে দেখা গেল।

সাত

জেলের “পাগলা ঘন্টি” সহজ ব্যাপার নয়। মারাত্মক একটা কিছু না ঘটলে এই ঘন্টা বাজানো হয় না।

বিপদের সংকটসূচক এই ঘন্টাটি জেল দরজার ছাঁদেব গম্বুজ থেকে ঢং ঢং করে যখন বাজানো শুরু হয়, সিপাইদের ব্যারাকে তখন হলহুল পড়ে যায়। তখন যে যে-কোনো অবস্থাতেই থাক না কেন, তৎক্ষণাৎ তাকে হাতের কাছে সহজলভ্য হাতিয়ার নিয়ে ছুটে এসে ফল্-ইন করতে হয় ব্যারাকের সম্মুখস্থ ছোট প্রাঙ্গণে। মুহূর্তে সবাই এসে দাঁড়ালেই তারা অধিনায়কের হুকুমে ডবল মার্চ করে এসে প্রবেশ করে জেলের অভ্যন্তরে। সাধারণতঃ জেলের বিরাট লৌহদ্বারের মধ্যস্থিত ক্ষুদ্রাকার দরজা খুলেই সব কাজ চালানো হয়। কিন্তু “পাগলা ঘন্টি” বেজে উঠলে দ্বাররক্ষী বিনা দ্বিধায় দ্বারের শুধু একটা পাট নয়, দু’টোই একেবারে সটান খুলে দিয়ে এই সশস্ত্র সিপাই দলেরই প্রতীক্ষা করতে থাকে।

জেলের অভ্যন্তরে প্রত্যেক খাতার প্রত্যেক কয়েদীকে ঘরে তালাবদ্ধ করে ঘরের অভ্যন্তরে সমান্তরাল দু’টি ফাইলে বসিয়ে রাখা হয়। জেলের কারখানা, গুদাম, রান্নাঘর, হাসপাতাল বা অন্ত্র যারা কার্যে রত ছিল, তাদেরকেও হাতের সমস্ত কাজ ফেলে ফাইল করে বসে থাকতে হয়। তার পর চলে গুনতি। কোথাও গণনা করে স্বয়ং সিপাই, কোথাও মেট্র। গোনবার পরে প্রত্যেক খাতা বা অন্ত্র স্থানের সংখ্যা জেলের অফিসে পৌঁছানো হয়। তৎক্ষণাৎ তা মোট সংখ্যার সঙ্গে মেলে কিনা দেখা হয়। মিলে গেলেই সংবাদ প্রেরিত হয় সেই জেল দরজার ছাঁদের গম্বুজে। সেখানকার সিপাই এবার ঘন্টার ঢং করে তিনটি আওয়াজ করে, যার অর্থ হলো যে, কয়েদী যারা জেলে ছিল, জেলের মধ্যেই তারা আছে এবং গোলমাল যা হয়েছিল, তা ঠাণ্ডা হয়ে গেছে। অতএব আবার জেলের স্বাভাবিক কর্মতৎপরতা শুরু হয়ে যায়।

সশস্ত্র জেলসিপাইরা অকুস্থলের নিশানা পায় গম্বুজের সিপাইর হাতে লটকানা বোর্ডখানা দেখেই। সুতরাং ত্বরিতে তারা সেখানে হাজির হয়ে লাঠি চালিয়ে এবং প্ররোজন বোধ করলে গুলী চালিয়েও পরিস্থিতি আরও এনে ফেলে। শুধু তাই নয়। জেল থেকে জেলার সর্বময় কর্তা জেলা-ম্যাজিস্ট্রেট

ও পুলিশ সুপারকেও ফোন করে দেওয়া হয়। তৎক্ষণাৎ শহরের রিজার্ভ বাহিনীর একটি দল লরী ভর্তি হয়ে এসে জেলের দেয়ালের বাইরে বন্দুক নিয়ে পাহারায় দাড়িয়ে যায়।

পূর্বেই বলেছি, ঢাকা জেলটি একেবারে শহরের মাঝখানে। আমাদের তেতলার 'সি' ব্যারাকের ঝুল বারান্দার দাঁড়ালে রাজপথের একাংশ স্পষ্ট দেখা যায় এবং রাজপথের যে অংশটিতে দাঁড়ালে আমাদের ঝুল বারান্দা দেখা যায়, স্বভাবতঃই সেখানে কৌতুহলী ছ'চারজনকে দেখা যেত। আর পাঁচ নম্বর খাতায় যে রাজবন্দীবা বাস করেন, এ সংবাদও তাদের জানতে বাকি ছিল না নিশ্চয়ই।

আজ সকালে অকস্মাৎ পাগলা ঘন্টার শব্দে শহরের লোকেরাও নিশ্চয়ই গম্বুজে দৃষ্টিক্ষেপ করে বিপদের নিশানা সেই বোর্ডখানা দেখতে পেয়েছে; তাই রাজপথের সেই বিশেষ অংশটিতে রীতিমত একটা জনতার সমাবেশ হয়ে পড়েছে দেখা গেল। তাদের উদ্বিগ্ন দৃষ্টি আমাদেরই ঝুল বারান্দার পানে নিবদ্ধ।

চারুবাবু তেতলা থেকে ঝটাপট নেমে এসে এই সংবাদটাই ছেড়ে দিলেন আমাদের মাঝে।

কি করবো স্থির করতে পারছিলাম না আমরা। ধূলা ঝেড়ে উঠে আশুবাবু জেল সুপার লিওনার্ড সাহেবের সম্মুখে এসে ক্রন্দনভাঙ্গা সুরে কি বলতে যাচ্ছিলেন, ঠিক এমন সময় জমাদার বাশী বাজিয়ে দিয়ে এমনি অনর্থ ঘটিয়ে বসেছে যে, আশুবাবুর ড্যাবডেবে চোখের মণি ছ'টি যেন আরও বড় হয়ে শূন্য প্রেক্ষণে চেয়ে রইলো। জেলার নরেন সরকার ভুঁড়ির ওপর হাক প্যাণ্টটা আরও একটু টেনে দিয়ে গৌফ জোড়াটার সাহেবের অলক্ষ্যে আর একটা মোচড় দিয়ে হাণ্টারটা বগলদাবা করে সশস্ত্র বাহিনীর অপেক্ষা করছেন। ভাবখানা— এইবার বাছাধনদের দেখাচ্ছি!

সাহেবের সঙ্গে সিপাইদের যে ক্ষুদ্র দল ছিল, তারা আমাদের বার বারই ঘরে ঢুকে পড়বার অনুরোধ জানাচ্ছে, জমাদার কর্কশ স্বরে "চলিয়ে, নম্বরমে চলিয়ে" বলে হুকুম জারী করছে ও সঙ্গে সঙ্গে এই বলে সতর্ক করে দিচ্ছে যে, "নেই তো মুসকিল হো যায় গা।" বাইরে তখনো অবিশ্রাম বাশীর আওয়াজ চলছে এবং ডবল মার্চ করে যে সিপাইর দল আসছে, স্পষ্ট তাদের

পদশব্দ শোনা যাচ্ছে। আমাদের ইয়ার্ডের দরজা সটান খোলা। এই তারা এসে পড়লো বলে।

অকস্মাৎ ডেপুটি জেলার মহম্মদ হানিফ চীৎকার করে উঠলেন : I say, all of you get inside the Barrack, otherwise you will be fired upon.....

হানিফ সাহেব হয়তো আরও কিছু বলতেন, কিন্তু বীরেনের ভীম গর্জনে তিনি থেমে গেলেন : Shut up, you rascal, shut up—

এমন সময় হুড়মুড় করে এসে সশস্ত্র বাহিনী আমাদের ইয়ার্ডে ঢুকে পড়লো এবং কালবিলম্ব না করে বন্দুকধারীরা বন্দুকে কার্তুজ ভরে ফেললো। নিয়ম হচ্ছে, তারা এসেই কয়েদীদের একচোটি “ধোলাই” করবে, তারপর বলপ্রয়োগে তাদেরকে ঘরের মধ্যে ঢুকিয়ে দেবেই, প্রয়োজন বোধ করলে গুলী চালিয়েও। এখানেও সে নিয়মের ব্যতিক্রম হতো না, যদি না স্বয়ং লিওনার্ড থাকতেন। তাই বন্দুকধারীদের প্রস্তুত করে রেখে জমাদার খটাস্ করে সাহেবের সম্মুখে দাঁড়িয়ে গুলী চালাবার হুকুম চাইলো : ছজোর-র্।

বেশ বৃষ্টিতে পারলাম রক্তারক্তি কাণ্ড একটা ঘটবেই! আশুবাবুর গালের ঘুঁষি আর ফিরিয়ে নেয়া বাবে না, তেমনি ভয় দেখিয়ে রাজবন্দীদেরও ঘরে ঢোকানো সম্ভব নয়। বন্দুক দেখে শৃগালের মতো পৃষ্ঠপ্রদর্শন করা রাজবন্দীদের নীতির বাইরে ছিল। সুতরাং একেবারে প্রস্তুত হয়ে এসেই দাঁড়ালাম বীরেনের পাশে, তার গা ঘেঁষে। পার্শ্বে দৃষ্টিক্ষেপ করে দেখলাম একে একে এসে দাঁড়ালো ভোলাবাবু, নির্মল ও ননী। তাদের পাশে এসেছে রমেশ, কামাখ্যাদা, তরণীবাবু, হরিদাস ও চারুবাবু। খাঁদার ঘরে ক’জন বুঝি চা খাচ্ছিল, তারাও এসে দাঁড়িয়ে গেল আমাদেরই আশে-পাশে। রান্নাঘর থেকে নীরেনবাবুর সঙ্গে সঙ্গে খেরিয়ে এল নিরঞ্জন, দীনবন্ধু ও অবিলাশ এবং আরও কয়েকজন। দোতলায় তেতলায় প্রাঙ্গণের এখানে-ওখানে যেখানে যারা ছিল, সবাই একে একে নিঃশব্দে এসে দাঁড়িয়ে গেছে। গুলী চলতে পারে নয়, গুলীবর্ষণ অবধারিত। লাগমুখ সাহেব নিজেকে মনে করে ব্রিটিশ ক্রাউনের প্রতিনিধি, মনে করে জেলের অভ্যন্তরে সে নিজেই আইন; সুতরাং হুকুম সে করবেই, প্রয়োজন হলে একটি একটি করে এই দেড়শো

রাজবন্দীর শবদেহ শোভাযাত্রা করে সে মর্গে পাঠিয়ে দেবার ব্যবস্থা করতেও কসুর করবে না। অপর দিকে পাথরের মতো সারি সারি দণ্ডায়মান কানাইলাল-ক্ষুদিরামের উত্তর-পুরুষ, ব্রিটিশ ক্রাউনের সম্মুখে মাথা নত করবার কৌশল আজে যারা শিখতে পারেনি। রক্তের জ্বাব এরা চিরকাল রক্ত দিয়েই দিয়ে এসেছে। তাই জানি, শেষ নিশ্বাসটুকু বেরিয়ে যাবার পূর্বে এখান থেকে এক ইঞ্চিও এদের কাউকে সরিয়ে নিয়ে যাবার চেষ্টা বাতুলতা মাত্র।.....স্পষ্ট অনুভব করলাম, একটা অবাঞ্ছিত সর্বনাশা সিদ্ধান্ত যেন সবারই শব্দহীন সমর্থন লাভ করলো : বাধা দিতে হবে।

শোনা গেল নরেন সরকারের গর্জন : বাঁ রেডি। পয়েন্ট ইওর আর্মস।

সঙ্গে সঙ্গে বন্দুকধারীরা ডান হাঁটু মুড়ে দিয়ে বসে বাঁ হাঁটুর ওপর বাঁ কনুই স্থাপন করে টোটাভরা বন্দুকগুলি আমাদের পানে লক্ষ্য করে ধরলো। এবার এগিয়ে এলেন স্বয়ং জেল সুপার লিওনার্ড। যা বললেন, তা এই : এক মিনিট সময় দিলাম। এর মধ্যে তোমরা যাব যাব ঘরে ঢুকে পড়, নইলে রাইফেলের বুলেট তোমাদের ব্লকে ঢুকবে।

স্বকতা! নিশ্বাসও বোধহয় পড়ছে না কারুর। নড়বারও লক্ষণ দেখা গেল না একজনেরও। আর একটি মুহূর্ত! এর পরই নিশ্চয়ই সাঁহেবের কণ্ঠ শোনা যাবে : ফায়ার!...হ্যাঁ, আমরাও প্রস্তুত! ক্রাউনের হুকুম তামিল করার চাইতে বুলেটকে কী করে আলিঙ্গন করতে পারি, হাসিমুখে দোব তারই পরীক্ষা!

কিন্তু অকস্মাৎ কোথায় সুরেনদা'র কণ্ঠ শোনা গেল। চেয়ে দেখলাম, তেতলার সিঁড়ি বেয়ে ছ'জন বন্দীর স্বন্ধে ভর করে দ্রুত নেমে আসছেন ক্ষীণদৃষ্টি, অসুস্থ, বৃদ্ধ সুরেনদা, ওখান থেকেই চীৎকার করে বলছেন : Wait, wait, Leonard, for a second. Let the first bullet pierce through my lungs.

সবার সম্মুখে এক পা এগিয়ে এসে দাঁড়ালেন সুরেনদা, ছ'জন বন্দীর কাঁধে ভর করে, বুক এগিয়ে দিয়ে। চোখে তাঁর দৃষ্টি নেই, মিটমিট করছে। কিন্তু মনে হলো, সে বুকখানা যেন ছুঁর্ভেগু ট্যাঙ্ক, বন্দুকের গুলী প্রতিহত হয়ে ফিরে যাবে!.....

আবেগকম্পিত স্বরে বললেন : সামান্য একটা ব্যাপারের জন্য যদি এলার্জ

সিগন্যাল দিতে হয়, সিপাইদের ফায়ার করবার হুকুম দিতে হয়, তাহলে—তাহলে, yes, I stand here before you, let me die before my younger brothers meet death !

বাঙালী অফিসার হলে কি করতো জানি না, কিন্তু এমনি সাংঘাতিক জটিল ও উত্তেজনাগ্নয় পরিস্থিতিতে লিওনার্ড সাহেবের শৈর্ষ্য অপরিসীম। একটি বার মাত্র সুরেনদা'র পানে দৃষ্টিক্ষেপ করেই তিনি মারাত্মক অবস্থাটা চট করে উপলব্ধি করে নিয়ে তৎক্ষণাৎ একটা অদ্ভুত সিদ্ধান্ত করে বসলেন। বন্দুকধারীদের পানে ফিরে তিনি তাদের চলে যাবার হুকুম উচ্চারণ করলেন এবং তারা বেরিয়ে যাবার সঙ্গে সঙ্গে নিজেও সদলবলে তাদের পদাঙ্ক অনুসরণ করলেন। আর আমাদের পানে ফিরেও চাইলেন না।

আশুবাবুকে অবশ্য বদলী করা হলো না। আমাদের বিভাগ থেকে, কিন্তু ছপুরের পরই যে বিজ্ঞপ্তি এলো, তাতে জানা গেল, আশুবাবুকে ঘুষি মারার শাস্তিস্বরূপ আগামী দু'মাসের জন্য বীরেন্দ্রনাথ ঘোষের পত্রলেখা ও আত্মীয়-স্বজনের সঙ্গে সাফাতের সুবিধা বাতিল করা হলো।

গুরু পাপে লঘু দণ্ড। সময়বিশেষে তারও প্রয়োজনীয়তা দেখা দেয়। কিল চুরির কাহিনী একেবারে উদ্ভট কল্পনা নয়। ভবিষ্যতে আরও জানা যাবে যে, সম্মুখরূপে চিরকাল ভঙ্গ দিয়ে লিওনার্ড কীভাবে পশ্চাৎ থেকে ছুরি চালাতেন।

সামান্য ধূর্ত ও মুক্তিমান শূরতান !

আট

কোনও 'বি' ক্লাস কয়েদীকে আমাদের ইয়ার্ডে কাজ করতে পাঠানো হতো না। 'বি' ক্লাস মানে একাধিকবার জেলখাটা কয়েদী। সবাই 'এ' ক্লাস। অর্থাৎ এই প্রথম হাতেখড়ি।

কিন্তু হাতেখড়ি দিয়ে সারা জীবনের মতো ফিরে যাবার ইতিহাস খুবই বিরল। হাতেখড়ির পরই এরা পড়তে শেখে, বুঝতে শেখে, হাত পা কাবার কৌশলটা আয়ত্ত করতে শেখে। এদেরও রীতিমত রিক্রুট করা হয় প্রসিদ্ধ ডাকাত, চোর বা বদমায়েসের দলের মধ্যে থেকে। বাইরে রিপূর তাড়নায় অকস্মাৎ একদিন ভুল করে বসে জেলে এসে এরা রীতিমত পাঠগ্রহণ করে ওস্তাদদের কাছ থেকে। বিদ্যাশ্রমের অধ্যয়ন সমাপ্তির পর এরা একেবারে ঝুনো হয়ে বেরিয়ে যায় বাইরে!

কারাদণ্ডের ফলে কোনও চোর বা বদমায়েস সাধু হয়ে গেছে, এমনি দৃষ্টান্ত বড়-একটা দেখা যেত না। কী করে যাবে?...জেলে ধূমপান নিষিদ্ধ। বাইরে বা আদৌ আইন বিগর্হিত নয়, চাষী মজুরদের মধ্যে যা পরিবারের সবাই একসঙ্গে বসে উপভোগ করে থাকে, দৈহিক পরিশ্রমকারীদের পক্ষে শ্রান্তি অপনোদনের জগু যা একেবারে অপরিহার্য, মধ্যবিত্তদের যা সস্তা বিলাসের অঙ্গ, সেই ধূমপানে জেলের মধ্যে হয় শান্তি—দাঁড়ানো হাত-কড়া, মাড়ভাত, পায়ে বেড়ি, চটের পোষাক এবং হয়তো বেত্রাঘাতও।

তাই জেলে এসেই নিম্নশ্রেণীর ও মধ্যবিত্ত শ্রেণীর কয়েদীরা ধূমপানের জগু অধীর হয়ে ওঠে এবং বে করে হোক, যে পথেই হোক, যাকে দিয়েই হোক, যতটুকুই হোক তামাক পাতা বা বিড়ি বেআইনী ভাবে সংগ্রহে তৎপর হয়ে ওঠে। কয়েদীদের তামাক পাতা বা বিড়ি সরবরাহের ব্যবসা বেশ লাভজনক—সিপাইরা তা ভালভাবেই জানে। সুতরাং জেলে তামাক পাতা ও বিড়ির চোরা কারবার বেশ চলতে থাকে। মনে পড়ে, একবার শুনেছিলাম চার নম্বর ইয়ার্ডের পাশের আলুর ক্ষেতের নীচে নাকি তামাক পাতার একটা গনি আবিষ্কৃত হয়েছে। ধনি!...চমকে উঠেছিলাম সেদিন। কিন্তু পরে বেশ বুঝতে পেরেছিলাম এমনি অনাবিষ্কৃত ধনি জেলের অভ্যন্তরে আরও বহু আছে।

অথচ ধূমপান সম্পূর্ণভাবে নিষিদ্ধ নয়। মেথরেরা পারিশ্রমিক বাবদ প্রত্যহ বারোটি বিড়ি পেয়ে থাকে। যেসব কয়েদী দক্ষতা দেখিয়ে কয়েদীদের মাতব্বর হবার যোগ্যতা অর্জন করেছে, convict overseer খেতাব পেয়েছে, নলচে আড়াল দিয়ে তারা সিপাইদের কাছ থেকেই তামাক পাতা বা বিড়ি চেয়ে খায়। ঝারা প্রথম শ্রেণীর বিচাবাদান আসামী বা দণ্ডাজ্ঞাপ্রাপ্ত কয়েদী, তাঁদের পক্ষে ধূমপান নিষিদ্ধ নয়। আর, রাজবন্দীদের বেলায় তো ওর কোনো পরিমাণেরই বালাই নেই। কিন্তু কতক লোককে সুবিধা দিয়ে অবশিষ্টদের ঠেকিয়ে রাখতে যাওয়া যে কতখানি ভ্রান্তিপূর্ণ নীতি, জেলে গেলে তা বেশ উপলব্ধি করা যায়।

তারপর দুষ্কৃতকারীরাই যে এসে জেলে জমায়েৎ হয় তাও নয়। বাইরে থেকে জানতে না পারলেও জেলের অভ্যন্তরে সর্বশ্রেণীর কয়েদীদের সঙ্গে মিশে ও তাদের সঙ্গে আলাপ করে আমরা জানতে পেরেছি যে, লঘু পাপে গুরু দণ্ড হয়েছে অথবা একের দোষে অপরের প্রতি দণ্ডাদেশ হয়েছে কিংবা একেবারে নিরপরাধ ব্যক্তি আইনের নির্দয় প্যাঁচে পড়ে ফাঁসে গেছে, এমনি দৃষ্টান্ত ওখানে মোটেই অপ্রতুল নয়। জেলে এসে দুষ্কৃতকারীদের সঙ্গে মেলামেশা করে এরাও ভবিষ্যতে বাইরে গিয়ে অবশেষে সমাজের আবর্জনা হয়ে দাঁড়ায়। সংশোধন না হয়ে এখানে এসে হয় এদের কুশিক্ষা ও পাপানুষ্ঠানের দীক্ষাগ্রহণ। নির্দয় আইন মানুষের অন্তরের প্রতি দৃষ্টিক্ষেপ না করে রক্ষা করে চলে শুধু নিজের দাঁড়ি, কমা ও সেমিকোলন। তুর্কি কারাগার আমাদের দেশে অপরাধী সৃষ্টির কারখানা ব্যতীত আর কিছুই নয়।

আমাদের ঘরের অগ্ন্যতম ভৃত্য (জেলের ভাষায় যাদের বলা হয় ফালতু) হালিমের ইতিহাস এখানে অপ্রাসঙ্গিক হবে না। হালিম বরিশাল জেলার লোক। চাষ-আবাদই ছিল তার একমাত্র অবলম্বন। ছ'টি ছেলে ও তিনটি মেয়ে নিয়ে সংসার তার একরকম চলে যাচ্ছিল। উপচে-পড়ার মতো স্বচ্ছলতা না থাকলেও হুইয়ে-পড়ার মত অভাব-অনটন ছিল না। কিন্তু কাল হলো তার দ্বিতীয় বার বিবাহে ও এক সুন্দরী ষোড়শী বধু ঘরে এনে। গ্রামের ইউনিয়ন বোর্ডের সদস্য তমিজদ্দীন হালিমের ঘরে জৈদ করতে এসে ফাতেমাকে দেখতে পায় ও আলাপ করে তাকে তার ভালো লাগে।

কিন্তু আলাপেই সে ক্ষান্ত হলো না, অন্তরঙ্গ হবার ফিকিরে বার বার ঘুরে-

ফিরে আসতে লাগলো। দরিদ্র চাষী হালিম এটা ভালো চোখে না দেখলেও প্রতিবাদ জানাবার সাহস পেল না প্রথম প্রথম।

ক্রমে দেখা গেল, ফাতেমার আসনও টলটলায়মান! একদিন সন্ধ্যায় ঘরে ফিরে এসে হালিম দেখলো ছ'জনে বড্ড বেশী ঘেঁষাঘেঁষি বসে মালুসার কাঠের আগুন পোহাচ্ছে ও খোসগল্পে মজে গিয়ে বেশ হাসিতামাশা করছে। গোয়ালঘরে আড়ালে ডেকে নিয়ে অনুচ্চস্বরে ভৎসনা করতে গিয়ে হালিম বিস্মিত হলো স্ত্রীর জবাব দেবার ভাষা ও ভঙ্গী শুনে। অনুচ্চ তিরস্কারের জবাবে স্ত্রী উচ্চস্বরেই বলে বসলো : উনি আমার ধর্মের ভাই। ঠুর সঙ্গে গল্প করলে আবার দোষ কোথায়?

ধর্মের ভাইয়ের সঙ্গে অধর্ম কিছু হবে না এবং হতে পারে না বলেই বিশ্বাস করতো সরল মানুষ হালিম। তাই সে লজ্জা পেল সন্দেহ পোষণ করে ও তা প্রকাশ করে।

তারপর কিছুদিন যায়। ভাই-বোনের সম্পর্ক গাঢ়তর হয়ে উঠলেও স্বামি-স্ত্রীর সম্পর্কে তার প্রতিক্রিয়া তেমন দেখা যায়নি বলেই হালিম ওসব নিয়ে আর মাথা ঘামাতো না। বরং তার মনে হতে লাগলো, প্রথম স্ত্রী গহরজানের চাইতেও ফাতেমা প্রেমস্বামী ও সুগৃহিণী। পরলোকগতা গহরজানের অভাব সে ভুলে যেতে লাগলো।

কিন্তু হয়, কে জানতো সূচতুরা ফাতেমা পাকা অভিনেত্রীর মতই একদিকে প্রেম ও সোহাগ দিয়ে স্বামীকে অভিভূত করে রেখে অপর দিকে মনোরঞ্জন করতো তার ধর্মের ভাইয়ের শয্যাসজ্জিনী হয়ে! স্বামীকে তুষ্ট করে ঘুম পাড়িয়ে রেখে সে দরজা খুলে নিঃশব্দ পদসঞ্চারে বেরিয়ে আসতো গভীর রাত্রে। উঠোনের ওপারে গোয়ালঘরের অন্ধকারে তখন তমিজদ্দীনের বিড়ির আগুন দেখা যায়।

হালিমের আজও মনে পড়ে, সেদিন ছিল অমাবস্তার রাত্রি। বাইরে ঘুটঘুটে অন্ধকার। আকাশের পুরু কালো আস্তরণের সঙ্গে চারিদিকের গাছ-পালা যেন এক হয়ে মিশে গেছে। গভীর নিশীথে অকস্মাৎ হালিমের নিদ্রা ভেঙ্গে গেল ছোট মেয়েটার একটানা ক্রন্দনে। নিদ্রা তার অত্যন্ত গভীর। সারাদিন ক্ষেত খামারে পুড়ে এসে রাত্রে বিছানায় গা দিতে-না-দিতে ঘুমে ছ'চোখ তার আচ্ছন্ন হয়ে আসতো। কিন্তু—হালিম বলতে লাগলো : বোধহয়

খোদারই মজি ছিল বাবু, তাই ঐটুকু মেয়ের কান্নার শব্দেই আমার যুম ভেঙ্গে গেল। পাশে হাত বাড়িয়ে ফাতেমাকে ডেকে দিতে গিয়ে দেখি সে নেই। চট করে মাথায় একটা ঘা খেলাম বেন। দেখলাম দরজা ভেজানো। নিঃশব্দে বাইরের দাওয়ার এসে দাঁড়ালাম। কোথায় যেতে পারে?...অকস্মাৎ মনে হলো, তমিজদ্দানের বাড়ী! তৎক্ষণাৎ রওনা হলাম সাবধানে। কিন্তু গোরালঘরের পাশ দিয়ে যাবার সময় স্পষ্ট ফিসফিস কথার শব্দ শুনতে পেলাম আর সঙ্গে সঙ্গে থড়ের থস্‌থস্‌। থমকে দাঁড়ালাম। বেড়ায় কান পাতলাম। হ্যাঁ, ছ'জনের কথা চলছে, মাঝে মাঝে চাপা হাসিও। মাথায় খুন চেপে গেল! ...রাতের আঁধারে গোরাল ঘরে চুরি করে এসে ভাই-বোনের ধর্মচর্চা হচ্ছে? ধর্ম ভাই!!—নামনেই দেখি বেড়ায় গোজা রয়েছে হাত-দা'খানা।

হালিম একটু থামলো। বোধহয় উত্তেজনার মাত্রাটা একটু সামলে নিল। তারপর ধীরে ধীরে বললো: আদালতেও সবই আমি স্বীকার করেছি। বলেছি, হ্যাঁ, ঐ দা দিয়েই অন্ধকারে এক ঘা মেরেছি। কার কোথায় লেগেছে জানিনে। পরে দেখেছিলাম, তমিজদ্দানের একখানা হাত একেবারে উড়ে গেছে, আর ফাতেমার বুকে গিয়ে বিঁধেছে দায়ের ধারালো ফলা।

হালিম আবার থামলো। গলার স্বরটাও তার যেন একটু কেঁপে উঠলো। মুহূর্ত মাত্র! তারপরই সে প্রকৃতিস্থ হয়ে বলতে লাগলো: দায়রা জজ দিলেন ফাঁসীর হুকুম। হাইকোর্টে ছ'জন জজের ছ'মত হওয়াতে বড় জজ রায় দিলেন যাবজ্জীবন দ্বীপান্তর।

হালিম কেন শুধু, হালিমের মত আরও অনেক কয়েদী এখানে আছে, যাদের দীর্ঘমেয়াদী সশ্রম কারাদণ্ডে দণ্ডিত করে আইনের মর্যাদা অক্ষুণ্ণ রাখা হয়েছে বটে, কিন্তু ঞ্চারবিচার হয়েছে কি না সে বিষয়ে সন্দেহ আছে।

আমাদের ইয়ার্ডে যারা কাজ করে, তাদের নিয়মমাফিক খাবার আসে কিন্তু ওদের পৃথক্ চৌকা থেকে। সকাল হতেই আসে বড় বড় বালতি-ভর্তি খুদের লপ্‌সি, কোনো কোনোদিন ওরই মধ্যে গোটাকয়েক ছোলার ডালের দানা ছড়িয়ে দিয়ে নাম দেয়া হয় খিচুড়ি। মাঝে মাঝে এক-আধটা শুকনো লঙ্কাও মেলে। সুগ একটু দেয়া হয়েছিল কিনা, তা বুঝতে হলে গেলে পেতে হয়।

ছপুর বেলায় আসে ট্রাক-ভর্তি ভাত। সত্যিই ট্রাক। শুধু এর ডালাটা কল্লি দিয়ে আঁটা নয়, আলগা। ঢাকনির মতো। ট্রাক ইন্সপেক্টরদের

বারান্দাটুকু বাদ দিয়ে টুপীটা উলটে দিলে বা হয়, ঠিক তেমনি ধরনের একটি লোহার পাত্র আছে ট্রাক্টরের মধ্যে, তাকে বলা হয় কাঠা। উপচে-পড়া এক কাঠা ভাত জনপ্রতি বরাদ্দ। সিগারেটের টিনের আকার ও বোধহয় সাইজেরও একটি এ্যালুমিনিয়ামের বাটি একটি লম্বা ডাঙার সঙ্গে লাগানো আছে। সেই বাটির এক বাটি করে ডাল। পরিমাণ মন্দ নয়। ঐ ধরনের একটু ছোট সাইজের বাটির এক বাটি তরকারি।

কী কী জিনিষ দিয়ে যে সেই তরকারি রান্না করা হয়, তা বোঝবার উপায় যে একেবারে নেই তা নয়। কিন্তু কিছু শাক-পাতা তাতে থাকবেই। তা সে পালং থেকে শুরু করে সরষে শাক, মুলো শাক, নটে শাক, পটল পাতা, শালগম ও ওলকপিঁর পাতা, ফুলকপিঁর পাতা, এমন কি পেঁপে গাছের কচি পাতাও থাকতে পারে। ছুঁই লোক অবশ্য বলে যে, ঘাসও না কি মাঝে মাঝে তাতে ছেড়ে দিতে কাপণ্য বা সঙ্কোচ করে না বড় চৌকার বাটলারগণ। একটু বেশী ঝোল ও তাতে এই ঘাসজাতীয় দ্রব্যগুলি গলিত অবস্থায় থাকে। আর যাই থাক না তাতে, সবই অতিরিক্ত সেদ্ধ করা হয়। ফলে বেশ হড়হড়ে জাতীয় তরকারি প্রস্তুত হয়।

জেলের অভ্যন্তরে বিরাট সবজী বাগান আছে। তাতে চমৎকার সব তরকারি জন্মে। আলু, বেগুন, সিম, শালগম, ওলকপিঁ, বাধাকপিঁ, ফুলকপিঁ, লাউ, কুমড়ো, মুলো, টমেটো, বরবটি প্রভৃতি বারো মাসের তরকারি এখানে হয়। সেই ক্ষেতে সারাদিন খেটে মরে এই সাধারণ কয়েদীর দল, অগচ খাবার বেলায় এরা পায় শুধু পাতা আর ঘাস এবং খুব বেশী হলে সমরোত্তীর্ণ ছ' একটা জিনিষ। অর্থাৎ, চৈত্র মাসে হয়তো এদের দেয়া হলো ফুলকপিঁর শুকনো ফুলগুলো কিংবা বুড়ো মুলোর ঝাড় কিংবা শালগজানো শালগম। তেল ও মসলাহীন সেই অপূর্ব ব্যঞ্জন থেকে এমনি বোঁটকা গন্ধ বেরুতে থাকে যে, একেবারে সওয়া যায় না। বাগানের তরকারি যায় অফিসারদের বাড়ীতে আর বাকিটা বাইরে বিক্রী করে ফেলা হয়।

ভাত, ডাল ও তরকারি প্রত্যহই পাওয়া যায়। এ ছাড়া প্রতি চতুর্থ দিনে পাওয়া যায় মাছ অথবা মাংস। অবশ্য একবেলা। ইংরেজের রাজত্বে অবিচার হতে পারে না। তাই মাছ বা মাংস যেদিন আসে, সেদিন বন্টনকারীদের সঙ্গে এক জন আসে দাঁড়িপাল্লা নিয়ে। যদি কেউ মাছের বা মাংসের টুকরো

দেখে চ্যালেঞ্জ করে বসে, তৎক্ষণাৎ ওজন করে তাকে দেখিয়ে দেয়া হয় যে, ঠিক এক ছটাক এক টুকরো মাছ বা মাংসই তাকে দিয়ে সরকারী হুকুমের মর্যাদা রক্ষা করা হয়েছে।

কিন্তু মজা হচ্ছে, মাছগুলো আসে ভাজা হয়ে আর মাছের ঝোল আসে পৃথক্ একটি বালতিতে। সেই ঝোল একেবারে পৃথক্ রান্না করা হয়, মাছের সঙ্গে তার যোগাযোগ ঘটে না। এমনি অভিনব মাছের ঝোলের কারণ ছ'টি। প্রথম, কয়েদীদের মধ্যে অনেকে ঐ হলুদ মেশানো জল অথবা ঝোল পছন্দ করে না আর দ্বিতীয়, ঝোলে-ডোবানো মাছের ওজন বৃদ্ধি হবেই, তাতে তারা ঠকছে বলে দাবী করতে পারে।

মাংসের ঝোলকে অবশ্য মাংসেরই ঝোল বলা যায়, কারণ একই সঙ্গে রান্না করে মাংসের টুকরোগুলো সাবধানে তুলে নেয়া হয়। আর মাংস ভাজা ওরো কেউ খায় না।

এ ছাড়া পাওয়া যায় একটুখানি তেঁতুল, যাকে বঙ্গীয় ব্যবস্থা পরিষদে সরাষ্ট্র সচিব সুমধুর চাটনি বা টক আখ্যা দিয়ে উচ্ছ্বসিত প্রশংসা লাভ করেন। এক টুকরো তেঁতুল।

বিকেলেশ্বর! ভাত খায় না, তাদের জন্ম রুটিরও ব্যবস্থা আছে। প্রায় তেরো ইঞ্চি ডায়মটারের এক-একখানা পাতলা রুটি, ছ'খানা করে বরাদ্দ! চাইলে আর একখানাও পাওয়া যেতে পারে। চালনিতে ছেকে আটা বার করে নেবার পর যে ভুসি থাকে, দেখলে মনে হয় সেই ভুসি দিয়েই ঐ রুটি প্রস্তুত করা হয়। আটা খৈলের সঙ্গে মিশ্রিত করে জেলের প্রধান জমাদারের বিরটিকার গরুগুলির খাণ্ডরূপে ব্যবহার করা হয়।

আমাদের ইয়ার্ডে যে সব কয়েদী কাজ করতো, আমাদেরই খাবার খেত, তারা অবশ্য এ সব খাণ্ড যেমন নিয়মমাফিক আসতো, তেমনি নিয়মমাফিক গ্রহণ করতো শুধু, কিন্তু মুখে তুলতো না। আমরাই দিতাম না ওদের তা খেতে। বরং সখ করে মাঝে মাঝে আমরাই তা একটু চেখে দেখে বেশ মজা অনুভব করতাম।

নয়

পাগলা ঘন্টি বাজবার পর প্রায় দু'সপ্তাহ কেটে গেছে। সুতরাং উত্তাপ ও উত্তেজনা অনেকটা প্রশমিত হয়ে আবার স্বাভাবিক জীবনযাপন শুরু হয়েছে। সপ্তাহে দু'বার সুপারিনটেনডেন্টের আমাদের ইয়ার্ড পরিদর্শনে আসবার কথা। কিন্তু গত দু'সপ্তাহ তিনি আর আসেননি, এসেছেন শুধু জেলার নরেন সরকার। সঙ্গে সিপাইদের সংখ্যাও কম দেখা গেছে। ঘরোয়া সফরের মতো। সেদিনের ঘটনার কথা বেমানুম না তুলে, অকস্মাৎ তিনি আমাদের শুভানুধ্যায়ী হয়ে ওঠেন : আরে মশাই, চোর চোর, সব শালা চোর। সেদিন আমি নিজে বাজারে গিয়ে ইয়া বড় বড় কৈ মাছ নিয়ে এলাম পঞ্চাশটি এক টাকায়, আর সেদিন সেই রকম কৈ মাছেরই দাম শালা কন্ট্রাকটর চার্জ করেছে পুরো দু'টাকা করে? আপনাদের আর কি, নীরেনবাবুর সামনে বিল ধরলেই তিনি খস্ খস্ করে সেই মেরে দেন। এমনি অগ্রায় আমাদের কিছু গায়ে লাগে। হোক না সরকারী টাকা, তবুও একশো টাকায় একশো টাকা লাভ? আপনাদেরও বলি, যে টাকাটা শালা বেশী নিয়ে গেল, তা দিয়ে আর-একটা ভালো জিনিষও তো পারতেন কিনতে। কত কাল থাকতে হবে কে জানে! বলি, স্বাস্থ্যটা তো রক্ষা করে চলবেন।

একদিন যিনি বন্দুকধারীদের প্রতি 'পয়েন্ট ইয়োর গান্' ছকুম দিয়ে আমাদের ভবলীলা সাজ করে দেবার জন্ত ব্যগ্র হয়ে উঠেছিলেন, আজ আমাদের স্বাস্থ্য রক্ষার জন্ত তাঁর এই উৎকর্ষা এত বিসদৃশ ঠেকে যে, নীরেনবাবু বেশ একটু প্লেথই করেন : ওজন নেবার খাতাটায় একবার চোখ দিয়েছেন? দেখেছেন আমাদের গড়পড়তা ওজন বৃদ্ধির হিসাব? সপ্তাহে এক পাউণ্ড করে প্রায় প্রত্যেকেরই বেড়ে চলেছে। এর চাইতেও বেশী আশা করলে অবশেষে আপনার দশা হবে যে!

নরেনবাবু দু' হাতে ভুঁড়িটা চেপে ধরলেন, বোধহয় হাসির ধাক্কায় সেটা খসে পড়ে না যায়, সেজন্ত। তারপর বললেন : না, তেমন আর বেশী কি! এর চাইতে কত বড় বড় ভুঁড়ি দেখেছি। এই তো সেদিন নবাব-বাড়ীর একটা বিয়েতে গিয়েছিলাম—

বাধা দিয়ে ভোলাবাবু বললেন : তা হতে পারে। গৌরীশঙ্কর যে কাঞ্চনজঙ্ঘার চাইতেও উঁচু তা আমাদের অজানা নয়। কিন্তু তাতে করে কাঞ্চনজঙ্ঘা উপেক্ষার বস্তু হয়ে দাঁড়ায় না।

চারুবাবু বলে ফেললেন : সারা ঢাকা জেলটাই তো আপনার উদরে। তাই সাইজটা তেমনি হওয়া চাই তো। ওতে দোষ নেই।

তীক্ষ্ণ গ্লেশটা সহজ করে দেবার জন্তু নরেনবাবু উচ্চ হাস্য করে উঠলেন এবং বললেন : তবুও তো একদিন নেমস্তন্ন করে থাওয়ালেন না ?

রাত্রে দিবাকরবাবু আমার টেবিলে এসে বসলেন। মার কাছ থেকে একখানা দীর্ঘ পত্র পেয়েছি, তারই জবাব লিখছিলাম নিবিষ্ট মনে। কখন যে সিপাই রাতের মতো দরজা বন্ধ করে দিয়ে গেছে, টেরই পাইনি।

বাধা পেলাম। লোকটা অকস্মাৎ এসে হাজির হয় এমনি গুরুত্বপূর্ণ মুহূর্তে এতটুকুও আভাস না দিয়ে যে, গা জালা করে। তথাপি শান্ত স্বরে জিজ্ঞেস করলাম : কি ব্যাপার দিবাকরবাবু ?

না, তেমন কিছুই নয়। শুধু ভাবছি বীণা দাসের গুলীটা যদি জ্যাকসনের বুকে লাগতো, তাহলে বাংলা দেশ একটা রেকর্ড করে ফেলতে পারতো। কিন্তু বাটার কি ভাগ্য দেখছেন ? এত কাছ থেকে মারা হলে, অথচ একটি গুলীও শালার বুকে বা গায়ে লাগলো না।

এ সম্বন্ধে মন্তব্য করবার কি আছে এবং থাকলেও সরকারী গোয়েন্দা রাজবন্দী দিবাকর সেনগুপ্তের সঙ্গে তা নিয়ে কেন যাবো আলোচনা করতে ? তাই শুধু একটু মুচকি হাসলাম মাত্র।

কিন্তু ঐ হাসিতেই দিবাকরবাবু যথেষ্ট উৎসাহ বোধ করলেন : আমার কি মনে হয় জানেন দ্বিজেনবাবু, বি ভির ঐ life for life নীতিই সর্বোৎকৃষ্ট এবং একেবারে নিশ্চিত। মরতে হবে নির্দেশ থাকলে মারবার ষড়টা বোধ হয় আরো বেড়ে যার। আর পলায়নের পরামর্শ থাকলে, আগেই একটা চোখ থাকে দরজার দিকে। এ জন্তুই বি ভির প্রত্যেকটা প্রচেষ্টা সফল হয়েছে। মরতে হবে জানলে বীণা দাস একেবারে ডায়সের ওপরে উঠে গুলী চালাতো, তাহলেই গভর্নর বাছাধনকে আর রক্ষা পেতে হতো না।

বললাম নেহাৎ কিছু বলতে হবে বলেই : তা কনভোকেশনটা খুব জমেছিল বলুন ?

নিশ্চয়ই, নিশ্চয়ই।—বলে দিবাকরবাবু হাসতে লাগলেন। তারপরই অকস্মাৎ স্মর অত্যন্ত খাটো করে বললেন : গত সপ্তাহে সকালবেলা যে সিপাইটার ডিউটি ছিল, মনে আছে সেই মাধব সিংকে ? ওকে হাত করে ফেলেছি। রাজী হয়েছে। যদি কোথাও চিঠি পাঠাতে হয়, পাঠাতে পারেন। জবাবও ও এনে দেবে। টাকা অবশ্য ও চায়নি। তবুও বোঝেন তো—

বললাম, কোথায় আর খবর পাঠাবো। আর কি-ই বা খবর আছে। তবুও দেবেন আমার সঙ্গে পরিচয় করিয়ে আবার এখানে ডিউটি পড়লে।

না, না, খুব বিশ্বাসী।—এই দেখুন না, কাল রাত্রে এই 'আনন্দবাজার'খানা লুকিয়ে দিয়ে গেছে।—বলে তিনি রূপারের নীচে থেকে একখানা আনন্দবাজার সত্যিই বার করলেন। সত্যিই দেখলাম তার তারিখ ৮ই ফেব্রুয়ারী, ১৯৩২ সাল।

বিনাবাক্যে একটু চোখ বুলিয়ে নিলাম। বাইরের সংবাদ কিছু সংগ্রহ করা গেল, সঙ্গে সঙ্গে সম্পাদকীয় মন্তব্যও। পুরস্কারস্বরূপ দিবাকরবাবুকে খুশী করে দিলাম : আচ্ছা, ঠিক আছে। প্রয়োজন হলেই জানাবো আপনাকে। আর জানাবোই বা কি ? চিঠিই দিয়ে দোব আপনার হাতে, আপনি মাধব সিংকে দিয়ে পাঠাবার ব্যবস্থা করবেন, কেমন ? আপনার সঙ্গে কথা হয়েছে, আপনাকেই শুধু চিনে রাখুক। পরিচিতের সংখ্যা বাড়িয়ে লাভ কি, কি বলেন ?

খুব খুশীভরা মন নিয়ে উঠে গেলেন গোয়েন্দা-রাজবন্দী দিবাকর সেনগুপ্ত। ভাবলেন, এইবার কাজ দেখাবার একটা মওকা পাওয়া গেল। যোগিনী বোস বা জিতেন ধর এবার খুশী না হয়েই পারেন না।

খুশী আমিও হলাম গুঁর মুখতা অনুভব করে। গোয়েন্দা পুলিশ বিপ্লবীদের সঙ্গে বুদ্ধি বা কূটনৈতিক চালের লড়াইতে কোনোদিনই জয়লাভ করতে পারে না, যদি না বিপ্লবীদেরই অন্তরঙ্গ কেউ ওদেরকে সাহায্য করে সংবাদ সরবরাহ করে। ঢাকার মেডিক্যাল স্কুলে লোম্যান ও হাডসন গুলীবিদ্ধ হবার পরই বিনয় স্কুলের রেলিং টপকে নীচে খালে নেমে পড়ে। খালে হাঁটুসমান জল পার হয়ে সে দৌড়ে গিয়ে ওঠে এক মুসলমানের কুঁড়ে ঘরে। সেখান থেকে

তার বন্ধুরা সেইদিনই গভীর রাত্রে নৌকাযোগে তাকে পাঠিয়ে দেয় নদীপথে চাঁদপুরে। প্রায় সাড়ে তিন মাস পর বিনয় পুনরায় আত্মপ্রকাশ করে কলকাতার রাইটার্স বিল্ডিংস-এ। আর্ম্যানীটোলার মেসে বিনয়ের রুম-মেট ছিল গোপাল সেন। গোপালকে গ্রেপ্তার করে তার ওপর অমানুষিক অত্যাচার চালায় ঢাকার আই বি পুলিশ। কিন্তু একটি কথাও প্রকাশ করেনি সে। তাই লোম্যান-হাডসন-সিম্পসন-গার্লিক প্রভৃতির ওপর যে গুলীচালনা হয়, তা নিয়ে পুলিশ কোনও ষড়যন্ত্র মামলা খাড়া করতে পারেনি, যদিও এ সম্পর্কে গ্রেপ্তার করেছে অনেককে এবং নিশ্চয়ই আই বি অফিসে নিয়ে গিয়ে তাদেরকে জামাই-আদর দেখায়নি। তবুও পারেনি। কারণ বি ভি বিপ্লবী দলে দিবাকর সেনগুপ্ত নেই!.....

ফেব্রুয়ারী মাস পড়লে কি হবে, শীতের যেন আর কমতি নেই! হালিম এসে জানালার চিকানা ভালো করে ফেলে দিয়ে গেল বটে, তবুও আপাদমস্তক লেপ ঢাকা দিয়েও যেন ঠাণ্ডা মনে হতে লাগলো। তরলী সোমের নাসিকা-ধ্বনি শুরু হয়ে গেছে। অত্যাচার সবাইও নিদ্রামগ্ন। দিবাকরবাবু যথারীতি তাঁর কোন আত্মীয়কে চিঠি লেখা শুরু করলেন। আত্মীয় যে কে, তা বোঝবার ক্ষমতা একুশ বছর বয়েস হলেও আমার হয়েছে। আজকের সারাদিনের ডায়েরী লেখা হচ্ছে এবং কালই হয়তো আবার একটা কাজের ছুতো করে যাবেন অফিসে আর ওখানা পাঠিয়ে দিয়ে আসবেন যথাস্থানে। উল্লসিত হয়ে নিশ্চয়ই আজকে আমার কথাও লিখেছেন। লিখুন। ওতে ঘাবড়াবার ছেলে নই আমি।

কারণ, গত বছর অম্বিকপুরের সহকারী পাবলিক প্রসিকিউটর গুণেশ সেনের রিভলভার তাঁর ড্রয়ার থেকে উধাও হয়ে যাবার ব্যাপারে যখন আমায় গ্রেপ্তার করা হয়েছিল, তখনই কলকাতার এস বি অর্থাৎ গোয়েন্দা বিভাগের স্পেশাল ত্র্যাঙ্কের সঙ্গে আমার সম্যক পরিচয় ঘটে গেছে। বয়লার-ঘর তখনই ঘুরে এসেছি।...

গ্রেপ্তারের দিনের কথা মনে পড়ে। সন্ধ্যার পর যথারীতি ব্যায়াম সেরে ভবানন্দ রোডের আমাদের বাড়ীর সামনে সাইকেলে এসে নামলাম এবং অভ্যাস মতই রাস্তাটার একবার এদিক আর একবার ওদিক দৃষ্টি প্রসারিত করে বাড়ীর মধ্যে ঢুকে পড়লাম। গা ঢাকা দেবার মতো পরিস্থিতি তখনো দেখা দেয়নি।

জানুয়ারী মাস। এদিকে তখন ছ' চারখানা মাত্র বাড়ী উঠেছে। প্রায়ই ফাঁকা মাঠ। তাই বেশ শীত।

বেড়ার গায়ে সাইকেলখানা হেলান দিয়ে রেখে মোজা রান্নাঘরে ঢুকে পড়লাম। দেখলাম, ভাগ্য সুপ্রসন্ন, ঠিক সময়েই এসে পড়েছি। মেজ বৌদি চা তৈরী করছেন। মেজ বৌদি আর সোনা বৌদিও বেশ জমিয়ে বসেছেন। শুধু চা যে গেতে নেই, এ জ্ঞানটা মেজ বৌদির ভারী টনটনে, তাই তিনি তাড়াতাড়ি ভাঁড়ার ঘর থেকে এক মুঠো মুড়ি এনে দিলেন।

চায়ের আসর বেশ জমে উঠেছে, এমন সময় বাইরে কার কণ্ঠ শোনা গেল :
দ্বিজেনবাবু বাড়ী আছেন? দ্বিজেনবাবু—

বন্ধু যে নয়, তা তৎক্ষণাৎ বুঝতে পারলাম। বন্ধুরা বাবু বলে না, আর কণ্ঠও অপরিচিত। সাড়া দিলাম : যাচ্ছি, দাঁড়ান।

চা-মুড়ি শেষ করে বাইরে এসে দেখি সত্যিই অপরিচিত এক ভদ্রলোক। বললেন অত্যন্ত বিনয় প্রকাশ করে : একটু আসুন, এক মিনিট।

রাস্তার পড়তেই দেখলাম, তিনি আড়ামোড়া তোলায় ছলে কোশলে রাস্তার একবার এদিকে আর একবার ওদিকে হাতছানি দিয়ে কাঁদের ইসারায় ডাকলেন এবং পরমুহূর্তেই প্রায় বারো-চৌদ্দ জন পুলিশ এসে আমার ঘিরে ফেললো। তৎক্ষণাৎ বন্ধুর এক মিনিটের তাৎপর্য জলের মত পরিষ্কার হয়ে গেল।

দারোগা প্রফুল্ল মণ্ডল এসে বির চাকুরে। তাই ভারী মিষ্টি তাঁর কথা :
অত্যন্ত হুঃখিত দ্বিজেনবাবু! আপনার বাড়ীটা একবার সার্চ করতে হবে।

সার্চ হলো তন্ন তন্ন করে। ওদের নজর দেখা গেল বিশেষ করে ভাঁড়ার ঘরে এবং ভাঁড়ার ঘরের হাঁড়ি-কুড়ির প্রতি। যথারীতি কিছুই পাওয়া গেল না। এবার মণ্ডল মশাইয়ের কণ্ঠস্বর আরো মোলায়েম : দ্বিজেনবাবু, আপনাকে একটি বার পাঁচ মিনিটের জন্তু পানার যেতে হবে আমার সঙ্গে।

কেন?

এই একটা বিবৃতির জন্তু। কয়েকটা প্রশ্নের জবাব দেবেন মাত্র। পাঁচ মিনিটের ব্যাপার!—বলে মণ্ডল ব্যাপারটার গুরুত্ব একেবারে উড়িয়ে দিতে চেষ্টা করলেন।

শীতের রাত। সন্ধ্য হতেই রাতের রান্না শেষ হয়ে যায়। বৌদিরা তাঁদের দেবরকে খুব ভালো রকম চেনেন। তাই মেজ বৌদি বললেন :

এই মাছের ঝোলটা নামছে, একেবারে খেয়েই যাও। পাঁচ মিনিট মানে পাঁচ ঘণ্টাও তো হতে পারে!

পাঁচ মিনিট যে সত্যিই মাত্র তিনশো সেকেন্ড, মণ্ডল আর একবার সেই সত্যটা উচ্চারণ করে বৌদির শ্লেষটা সহজ করে দেবার চেষ্টা করলেও দেখা গেল, পাঁচ মিনিটের মধ্যে খেতে দেবার আপত্তি তাঁর খুব প্রবল নয়।

দাদারা কেউ তখনো বাড়ীতে ফেরেননি। তাই সেজ বৌদিই অগ্রণী হয়ে মণ্ডলকে ঘরে গিয়ে বসতে বললেন। কিন্তু মণ্ডল বোধহয় মারাত্মক আসামীকে রান্না ঘরে রেখে স্বস্তি পাবেন না, তাই এই প্রচণ্ড শীতেও বাইরে উঠানেই অপেক্ষা করা শ্রেয় মনে করলেন। বারো জন পুলিশ চব্বিশটি চক্ষু চতুর্দিকে মেলে রেখে সতর্ক পাহারায় দাঁড়িয়ে রইলো।

কাছেই টালিগঞ্জ থানা। পাঁচ মিনিটের জন্তু সেখানে এনে একটি কক্ষে বসিয়ে রেখে অপর কক্ষ থেকে প্রফুল্ল মণ্ডল টেলিফোনে যে কথা ক'টি বললেন, তাতেই পরিষ্কার আমার অবস্থাটা জানা গেল।

—হালো, গুনুন, দ্বিজেনবাবুকে এখানে এনেছি।...না, কিছুই পাওয়া যায়নি।...সঙ্গে আর কেউ ছিল না—একা।...অ্যা, কোথায়? ভবানীপুরে? কাল সকালে, ওখানে? ...রায় বাহাদুর কথা কইবেন? আচ্ছা।

তারপর ভবানীপুর থানায় রাত্রিবাস এবং তারপর দিন পনেরো থাকতে হলো পার্ক ষ্ট্রীট থানায়। সেখান থেকে লর্ড সিংহ রোডে প্রত্যহই যেতে হতো পুলিশ ভানে এবং সারাদিন অঙ্গ সংবাহনের পর ফিরে আসতাম সন্ধ্যার পর। সেখানকার আদরআপ্যায়ন সীমাহীন হয়ে উঠলো তখন, যখন অকস্মাৎ একদিন দেখলাম রায় বাহাদুর বনবিহারী মুখোপাধ্যায়ের কক্ষে আমার ভলব পড়লো।

বনবিহারীর এক চক্ষু একটি প্লেট বুলিয়ে ঢাকা। অসুখ নয় কিছু। পরে জেনেছিলাম, ওটা নাকি স্কটল্যান্ডীয় কৌশল, এক চোখ ঢেকে রাখলে সে লোককে ছ' চোখ খোলা অবস্থায় দেখলে চেনা কঠিন। বিপ্লবীরা যাতে তাঁকে চিনে না রাখতে পারে, তাই অসুখের ভান।

কিন্তু আশ্চর্য্য তাতে কিছু হইনি। চমকে উঠলাম তখন, যখন দেখলাম, তাঁর অসুখের একখানা চেয়ারে কাঁচুমাচু মুখ করে বসে আছে গুণেশ সেনের দ্বিতীয় পুত্র শ্রীমান্ বিমল সেন।

চেন একে ?—বনবিহারীর ক্রুদ্ধ প্রশ্ন শোনা গেল।

মেঝের দিকে চেয়ে বিমল মৃদুস্বরে জবাব দিল : চিনি।

তুমি এর হাতে রিভলভারটা এনে দিয়েছিলে ?

হ্যাঁ।

চমকে উঠলাম : বলিস্ কি রে ?

জবাব দিলেন বনবিহারী : হ্যাঁ, এমনিই সব বলছে। ভেবেছ কিছুই জানিনে আমরা ? শোন তবে।—বল তো, কি করে দিলে ?

মাথা নীচু করে শ্রীমান্ বিমল কুটি কুটি করে বেশ বলে যেতে লাগলো : সন্ধ্যার পর সাইকেলে এসে উনি রাস্তায় অপেক্ষা করছিলেন। আমি বাবার ড্রয়ার খুলে রিভলভারটা ও কার্তুজগুলো একটা সাবানের বাক্সে ভরে নীচে এনে ঠাঁর হাতে দিয়ে যাই। উনি চলে যান।

এবার ?—গর্জে উঠলেন রায়বাহাদুর : কি বলবার আছে তোমার ? চালাকী পেয়েছ ? We have got report of all your activities from Dacca—ভেবেছ আমরা সংবাদ রাখিনে।—বল, চূপ করে থেকে লাভ নেই।

বললাম : কি আর বলবার থাকতে পারে !

হ্যাঁ, সত্যিই তাই, বলবার আর কিছু নেই।—এবার লক্ষ্মী ডেলেরি মতো গুটা বাব করে দিয়ে ঘরের ছেলে ঘরে ফিরে যাও। আর তা নইলে, there will be a big conspiracy case against you and you shall get transportation for life। যান, নিয়ে যান। শুভুন প্রফুল্লবাবু, ওকে সব ব্যাপারটা বুঝিয়ে দিন। সব বলে দেয় ভালই। নইলে ঐ ডালখোসী ষড়যন্ত্র মামলাটার একেও জুড়ে দিন, বুঝলেন ?

যে আঞ্জে।--বলে মণ্ডল মশাই আমার নিয়ে বেরিয়ে এসে প্রবেশ করলেন সোজা মণি বোসের কক্ষে। বাংলার, বিশেষ করে কলকাতার, বিপ্লবীদের সঙ্গে মণি বসুর সাক্ষাৎ নিশ্চরই ঘটেছে একবার অথবা একাধিক বার। কোর্টর থেকে বেরিয়ে-আসা সেই বিরাট ডেলার মত ছ'টি চোখ আর গরুড়ের মতো নিয়মুখী-অগ্রভাগ নাসিকা আর মা বাবা থেকে শুরু করে উর্দ্ধতন সব ক'টি পুরুষেরই উদ্দেশ্যে বাছা বাছা গালিবর্ষণ, বাংলার, বিশেষ করে কলকাতার, প্রত্যেক বিপ্লবী বন্দীরই স্মৃতিপটে চিরকাল জেগে থাকবে !

ঠাঁর বিখ্যাত কোর্টরে শুধু হান্টারই থাকতো না, মণি বসু এক গ্রাস জলও

রাখতেন রেডি করে। কারণ জ্ঞান ফিরিয়ে আনবার জন্য জলের প্রয়োজন হতে পারে। দূরদর্শী ও সাবধানী। আমরা এই বিশেষ ঘরটিকে বলতাম বয়লার আর এই অগ্নিপরাঙ্কায় যে সসন্মানে উত্তীর্ণ হয়ে বেরিয়ে আসতো, তাকে বলা হতো বয়লার-প্রফ!

১৯৩১ সালের প্রথম দিকের প্রায় চার মাস বিচারামীন আসামীরূপে আলীপুর সেন্ট্রাল জেলে অবস্থানের স্মৃতি ভোলবার নয়।

তল্লাসী করে রিভলভার পাওয়া যায়নি বটে, কিন্তু বিমলের সাক্ষ্যের ওপর নির্ভর করে হয়তো রিভলভার চুরির একটা মামলা খাড়া করা যাবে, এমনি ছুরাশা নিয়েই আমার জেলে পাঠানো হলো। কাঠোড়ি ওয়ারেণ্টে উল্লেখ করা হলো ভারতীয় দণ্ডবিধির ৩৭৯ ধারা অর্থাৎ নির্জলা চুরি। আর এক কোণে লাল কালিতে বিশেষভাবে উল্লেখ করা হলো, To be segregated অর্থাৎ সাধারণভাবে অন্যান্য বন্দীর সঙ্গে না রেখে পৃথক করে রাখতে হবে।

তখন জেলার ছিলেন মিঃ সোয়ান। শুনেছিলাম প্রথম বিশ্ব যুদ্ধে তিনি নাকি সেনাদলের একটা কেউ-কেউ ছিলেন এবং অনেকবারই নাকি তাঁকে মুখোমুখি হাতাহাতি লড়াই করতে হয়েছিল। সেই তুলনামূলক বীরত্বের পুরস্কারস্বরূপ আজ তিনি আলীপুর সেন্ট্রাল জেলের মতো বিরাট প্রথম শ্রেণীর জেলের মহাপরাক্রমশালী জেলার। জেলার হিসেবে বুদ্ধির দৌড় তাঁর কতখানি, জেলের বাসিন্দারা তা ভালভাবে জানলেও সোয়ান নিজেকে বুদ্ধির জাহাজ মনে করতেন। এমনি to be segregated আসামী তিনি অনেক দেখেছেন। তাই সহজেই বুঝে ফেললেন যে, নিশ্চয়ই আমি একজন confessor অর্থাৎ স্বীকারোক্তিকারী আসামী। জেলে পৌঁছে দিতে এসেছিলেন প্রফুল্ল মণ্ডল। সোয়ানের হাতে ওয়ারেণ্টখানা দিয়ে কানে কানে বলে গেছেন যে, আমি একজন স্বদেশী আসামী, স্বদেশী চোর। উর্কর মস্তিষ্ক খাটিয়ে সোয়ান তৎক্ষণাৎ আমার বাসস্থান নির্দিষ্ট করে ফেললেন এবং পাঠিয়ে দিলেন ১৬ নং সেল-এ।

প্রবেশ করেই দেখি দীনেশ। দীনেশ গুপ্ত। বেঙ্গল ভলান্টিয়ার্সের ক্যাপ্টেন দীনেশ গুপ্ত। রাইটার্স বিল্ডিংস-এর প্রাক্তঃস্বরণীয় অলিন্দ যুদ্ধের অগ্রতম বীর। লেফটেন্যান্ট বাদল গুপ্ত পটাসিয়াম সাইনাইড খেয়ে রাইটার্স বিল্ডিংসে-ই শয় নিঃশ্বাস ত্যাগ করেছে। মেজর বিনয় বসু মারাত্মক ক্ষতের

মধ্যে অঙ্গুলি চালনা করে মেডিক্যাল কলেজে মৃত্যুবরণ করে নিয়েছে। ত্রয়ীর তৃতীয় বীর এই দীনেশ। পটাসিয়াম সায়নাইড সে ও খেয়েছিল, নিশ্চিত হবার জ্ঞান কণ্ঠনালীতে গুলীও চালিয়েছিল। কিন্তু তথাপি তার মৃত্যু হলো না। সে সুস্থ হয়ে উঠলো। তাকে সুস্থ করে তুলে ট্রাইবিউনালের সম্মুখে উপস্থাপিত করা হয়েছে। বিচার চলছে। বিচার শেষ হয়ে এল।

দীনেশ বললো : কিন্তু কি যে বিচার হচ্ছে, তা তো আপনাকে বলতে পারবো না। কাঠগড়ায় আমার একখানা চেয়ার দেয় আর দেয় স্টেটসম্যান। বসে বসে পড়ি। তারপর বিকেলে সার্জেন্ট এসে বলে, এবার চলুন। চলে আসি।

জিজ্ঞেস করলাম : মা আসেন না ?

রোজই আসেন, জবাব দিল সে : শুধু মা কেন, দাদা দিদি ভাই আত্মীয়-স্বজন অনেকেই আসেন।

তারা কি বলেন ? প্রশ্ন করলাম।

দীনেশ মুচকি হাসলো : কি আর বলবেন। যা সবাই বলে থাকে। সে কিছু নয়।

কিছু নয় বলে উড়িয়ে দেবার চেষ্টা করলেই-বা আমি ছাড়বো কেন ?
জিজ্ঞেস করলাম : তবু গুনি না, মা কি বলেন।

হালকাভাবেই বলতে লাগলো : এই—বলেন, তুই কেন এ কাজ করতে গেলি নমু ? দেশকে ভালবাসার মানে কি এই ? তোকে ছেড়ে আমরা থাকবো কি করে, বাঁচবো কি নিয়ে—এমনি সব আর-কি। বলে সে আবার মুচকি হাসলো।

জিজ্ঞেস করলাম : আর তুমি কি বল ?

কি আর বলবো।

তবু গুনি কি বল।

এই—বোঝাতে চেষ্টা করি।

জিজ্ঞেস করলাম : কি বলে বোঝাও ?

কি বলে ? এইবার নিমেষে তার হাসি অন্তর্হিত হলো, মুখমণ্ডল হয়ে উঠলো কঠিন, দৃষ্টি হলো স্থির। ধীরে ধীরে বলতে লাগলো : বলি—মা, তুমি যে বলছো এত ছেলে থাকতে আমি কেন এই কাজ করতে গেলাম, তার জবাবে

জিজ্ঞেস করি, তোমার মতো সব মা-ই যদি এমনি করে নিজের ছেলেকে আটকে রাখেন, তাহলে কে করবে এই কাজ? দেশ স্বাধীন করবার কাজ কি তাহলে স্থগিত থাকবে? দীনেশের কণ্ঠস্বরে এবার আবেগ উৎসারিত হয়ে উঠলো: বলি—তুমি তো তবু আমার দেখতে পারছো, আমার সঙ্গে কথা বলতে পারছো, একবার বাদল বা বিনয়বাবুর মাদের কথা ভেবে দেখ তো! সেই মা-রা যদি সইতে পেরে থাকেন, তুমি কেন পারবে না?

এ প্রশ্নের কোনো জবাব আমার জানা নেই। তাই চুপ করে রইলাম।

পাশাপাশি সেল-এ থাকতাম দু'জন। সেল উয়ার্ডের দরজা সর্বক্ষণ বন্ধ। দরজায় সিপাই। কিন্তু তাতেও নিশ্চিত হতে না পেরে বুদ্ধিমান সোয়ান দীনেশের সেল-এর বাইরেই আর একজন এ্যাংলো ইণ্ডিয়ান ওয়ার্ডারকে নিযুক্ত করেছেন। আয়না, চিরুণী, গন্ধতেলের শিশি, মাখনের কোটো, সাবানের বাক্স, এমনি সব মারাত্মক জিনিষগুলো এ্যাংলো ওয়ার্ডার জনের সম্মুখে টেবিলের ওপর জমা থাকতো! ষোলোটি সেল-এর বাসিন্দা আমরা মাত্র তিনজন, দীনেশ, আমি আর-একজন এ্যাংলো ইণ্ডিয়ান বন্দী। সে দণ্ডাজ্ঞাপ্রাপ্ত হয়েদী। জেলের কোনো আইন ভঙ্গের অপরাধে সেল পানিশমেন্ট হয়েছে। চৌদ্দ দিনের আট দিন কেটে গেছে। দেখা গেল এই আট দিনেই দীনেশ তার সঙ্গে বেশ জমিয়ে ফেলেছে। প্রথমটা একটু আশ্চর্য্য বোধ করলাম বৈ কি! গোমেশ সেই দলীয় এ্যাংলো যুবক, ফ্রী স্কুল স্ট্রীট অঞ্চলে বান্ধবীর হাতে হাত জড়িয়ে যারা নাইট শো-তে সিনেমায় যার, নাইট ক্লাবের নাচ ও পানের আসরে যারা মত্ত হয়ে ওঠে, ফুঁটি করার টাকার অভাব হলে যারা প্রতারণা, জালিয়াতি, রাহাজানি, এমন কি খুন করতেও দ্বিধা বোধ করে না। সমাজের কলঙ্ক সেই গোমেশের সঙ্গে দীনেশ যখন আমার তার বন্ধু বলে পরিচয় করিয়ে দিল, তখন বিশ্বয় আরও বেড়ে গেল।

পরদিন দুপুরে পাশাপাশি দু'জন যখন দীনেশের সেল-এ খেতে বসেছি, তখন আসল কথা জানতে পারলাম।

দীনেশ বললো: ব্যাটা গোমেশের কাছে একটা রিভলভার আছে আব আছে আড়াই-শো বুলেট। ওর রিলিজ-এর আর মাত্র আড়াই মাস বাকি। আর আপনার বিরুদ্ধেও আই বি কোনো মামলা করতে পারবে না। বাইরে গিয়ে আপনি ওর সঙ্গে দেখা করবেন। ওকে একশো টাকা দিলেই

ও রিভলভার আর বুলেটগুলো দিয়ে দেবে। আমি ওকে সব বলে ঠিক করে ফেললাম।

বললাম : মামলা করতে না পারলেও আই বি হয়তো আমার নিষ্কৃতি দেবে না, রাজবন্দী করে প্রেসিডেন্সী জেলে পাঠিয়ে দেবে। কারণ বিমল রিভলভার আমার দেবার কথা স্বীকার করেছে। তারপর আবার যার-তার রিভলভার নয়, স্বয়ং গুণেশ সেনের।

সহসা দীনেশ প্রশ্ন করলো : বিমল স্বীকার করে বসলো? তারপর এস বি ঠিক করলো আপনাকে?—সহসা নিজেই তার জবাব দিল : ও—বুঝেছি, তাই প্রথম দিন আপনাকে খোঁড়াতে দেখেছি। খুব মেরেছে?

হালকা করবার চেষ্টা করলাম : না, তেমন কিছু—

কীকি দিচ্ছেন!—রীতিমত ধমকে উঠলো সে : নিশ্চয়ই হাণ্টার চালিয়েছিল। সেই মণি বোস, না? উঃ, কত লোকের কাছেই সেই মণি বোসের কথা শুনেছি। ভেবেছিলাম, বেচেই যখন টঠলাম, তখন মণি বোসের সঙ্গে আমার একবার মোলাকাত হবেই! কিন্তু জামাই আদরে আমার এখানে দিয়ে গেল। আপশোস!

সে বোধহয় একটা দীর্ঘনিঃশ্বাসই ত্যাগ করলো। পর মুহূর্তেই আবার জিজ্ঞেস করলো : হাতকড়া দিয়ে নিয়ে যার ওর ঘরে?

বললাম : খুশী হলে দেয়, না হলে দেয় না।

দিক হাতকড়া, তৎক্ষণাত্ বলে উঠলো দীনেশ : হাত দু'টো জড়ো করে এমন ঘুঁসি লাগিয়ে দোব সে, মণি বোসের দাঁতগুলো খুলে পড়ে যাবে।

চক্ষে তার অধিকণা দেখলাম, যে স্ফলিঙ্গ দেখা গিয়েছিল কানাইলালের চক্ষে! আহার বন্ধ হয়ে গেছে, নিষ্পলক দৃষ্টি নিবন্ধ মেনের দিকে, ডান হাত মুষ্টিবদ্ধ হয়ে উঠেছে। একটু পর দীনেশ বললো : যদি ছাড়া পাই, তাহলে আমার প্রথম কাজ কি হবে জানেন? To kill that scoundrel! রিভলভার দিয়ে নয়, ছুরি মেরে নয়, ছ'হাতে গলা টিপে।

কিন্তু দীনেশ আর ছাড়া পেল না।.....

দীনেশের খাবার আসতো হাসপাতাল থেকে। মেডিক্যাল ডায়েট। ভালো খাবার। আর আমার আহাৰ্য আসতো তৃতীয় শ্রেণীর বন্দীদের চৌকা থেকে। অখাদ্য আহাৰ্য। কিন্তু তাতে অসুবিধা নেই। দীনেশের জন্ত

বরাদ্দ মাছ, মাংস, ডিম, দুই ড'জনে ভাগ করে খেতাম। দীনেশের ওজন বেড়ে যেতে লাগলো।

বিকেলে ড'জনে সম্মুখের এক ফালি ইয়ার্ডে এদিক থেকে ওদিক হাঁটাচাঁটা করতাম আর নানা কথা হতো। মামলা সম্বন্ধে সে আদৌ আগ্রহশীল না হলেও সহকর্মীদের, বিশেষ করে বিনয়ের বীরত্ব ও সাহসের কথা বলতে গিয়ে সে মুখর হয়ে উঠতো। একদিন বলতে লাগলো : সবার শেষে আমি ঢুকলাম ঘরে পুশ-ডোর ঠেলে। আমার ডান কাঁধে তখন সার্জেন্টের গুলী ঢুকে আছে। হাতে ব্যথা। কিন্তু তাতে কিছু যায় আসে না। গুলী চালাতে না পারি, পটাসিয়াম সাইনাইড তো মুখে ফেলে দিতে পারবো।

ঢুকেই দেখি, বাদল টেবিলের ওপর মাথা রেখে চিরদিনের মতো ঘুমিয়ে পড়েছে। বিনয়বাবু সাইনাইডের প্যাকেটটা মুখে ফেলে দিলেন এবং রিভলভারের নলটি কানের পাশে ছুঁইয়ে ট্রিগার টানলেন। পড়ে গেলেন মেঝের ওপর কিন্তু রিভলভারটি হাতেই ধরা রইলো। শত্রুকে শেষ করার কাজ তখনো যেন শেষ হয়নি। তখনো যেন চলছে আমাদের বারান্দার যুদ্ধ।

তারপর আমার পালা। বিনয়বাবুর মতো প্যাকেটটা আমিও মুখে ফেলে দিলাম এবং তারই মতো নিশ্চিত হবার জন্তু খুতনির নীচে রিভলভার চেপে ধরলাম। গুলীবিন্দু হাত বোধহয় একটু বেকে গিয়েছিল, তাই গুলী মগজ ভেদ না করে কানের পাশে গিয়ে আটকে রইলো। আমিও পড়ে গেলাম।

একটু পর বুঝতে পারলাম, মরিনি। কথা কইবার শক্তি নেই, কিন্তু বুঝতে পারছিলাম সব। টের পেলাম কারা যেন let us crawl বলে ঘরের মধ্যে প্রবেশ করলো। তারপরই কে যেন বিনয়বাবুকে অর্দ্ধমৃত দেখেই তাঁর কাছে ছুটে গেল, কানের কাছে মুখ নিয়ে চীৎকার করে জিজ্ঞেস করতে লাগলো :
Who are you ? Tell me who are you ? What is your name ?
Tell me what is your name ?

বার বার চীৎকার করার ফলে বিনয়বাবুর মুমূর্ষু কানে বুঝি তা প্রবেশ করলো। স্পষ্ট শুনতে পেলাম, তিনি বললেন, I am Binoy Bose of Dacca. .

আবার সেই চীৎকার : Did you murder Mr. Lowmen, the I. G. of Police, at Dacca ? Did you ? Did you murder Mr. Lowmen ? Tell me, Benoy ! Do you hear ? Do you hear ?

কোনো সাড়া নেই। ভাবলাম, হয়তো সব শেষ হয়ে গেছে।

কিন্তু ওদের চীৎকারে আবার চমক ভাঙলো : Do you hear, Benoy ? Did you murder Mr. Lowmen at Dacca ? Did you ? Did you, Benoy ?

Yes, I did। স্পষ্ট শুনতে পেলাম বিনয়বাবুর উত্তর। ভালো লাগলো না। মূর্খ ব্যক্তির কাছ থেকে কথা বার করবার চেষ্টা!

আবার ওরা চীৎকার কবে উঠলো : Do you hear Benoy ? Do you hear ? Tell me who sent you here ? What is his name who sent you ?

কোনো সাড়া নেই। ভাবলাম, এবার নিশ্চয়ই শেষ হয়ে গেছে। ভালোই হয়েছে। মারাত্মক প্রশ্নের আর জবাব পেলো না ওরা।

কিন্তু আবার শোনা গেল ওদের কণ্ঠ : Do you hear, Benoy ? Do you hear me ? Tell me please ; tell me who sent you here ? Who is that man ? What is his name ?

চমকে উঠলাম। জড়িতকণ্ঠে অস্ফুট স্বরে বিনয়বাবু যে নামটি উচ্চারণ করতে যাচ্ছিলেন, ওরা তা শুনতে না পেলোও, বুঝতে না পারলেও আমি বুঝতে পারলাম। ভাবলাম, সর্বনাশ বৃষ্টি হয়ে গেল !...কিন্তু না, তা হয়নি। অমনি অবস্থায়ও দেখলাম, বিনয়বাবু তাঁর সম্মুখে ফিরিয়ে এনেছেন। আর ওদের প্ররোচনাকে প্রশ্ন দেয়া নয়, আর কোনো জবাব নয়, আর কোনো কথা নয়। শুনতে পেলাম বিনয়বাবুর দৃঢ় কণ্ঠ, হ্যাঁ, দৃঢ় কণ্ঠ : Don't disturb..... let me die peacefully.....

দীর্ঘশ্বাস বলতে লাগলো : কিন্তু এখানেই শেষ নয়। মেডিক্যাল কলেজ হাসপাতালে বিনয়বাবুর সীটের পাশেই ছিল আমার সীট। বিনয়বাবুর মাথার গভীর ক্ষত ব্যাণ্ডেজ করা হয়েছে, তবুও তাঁর নাক দিয়ে, কান দিয়ে চুইয়ে চুইয়ে বেরিয়ে আসছে মস্তিষ্ক। খুব কষ্ট পাচ্ছিলেন। প্রায় সর্বক্ষণই অজ্ঞান হয়ে থাকতেন। মা এসেছিলেন দেখতে। প্রদীপ তখনো নিভে যায়নি। শিখা কাঁপছিলো। মা ডাকলেন, কানের কাছে মুখ নিয়ে নাম ধরে ডাকলেন, অশ্রুভর কণ্ঠে চীৎকার করে ডাকতে লাগলেন : বিনয়, বিনয় !

মুহূর্তের জন্য বৃষ্টি জ্ঞান ফিরে এল। মায়ের কাতর আর্তনাদে চমক ভাঙলো

বিনয়বাবুর। চোখ মেলে চাইলেন। বোধহয় চিনতে পারলেন। অতি কষ্টে একথানা হাত তুলে প্রণাম জানাতে গিয়েই আবার সংজ্ঞা হারালেন।

দীনেশের কণ্ঠস্বর আবেগে রুদ্ধ হয়ে উঠলো। বললাম : থাক, আর একদিন শোনা যাবে।

সে কথায় কৰ্ণপাতণ্ড করলো না সে। বলতে লাগলো : কিন্তু এখানেও শেষ নয়, দ্বিজেনবাবু। মাঝে মাঝে জ্ঞান ফিরে আসার সুযোগ নেবার জন্ত আসতে লাগলো আই বি এস বি-র ধুবন্ধরেরা। প্রথম, কিছু বল। কে তোমার রাইটার্স বিল্ডিংস-এ পাঠিয়েছিল, ঢাকা থেকে পালিয়ে কোথায় ছিলে চার মাস, কোথায় পেলে রিভলভার...বল, কিছু তথ্য দিয়ে যাও। আরও কিছু বদমায়েস স্বদেশীকে ঠাণ্ডা করবার জন্ত কিছু মালমসলা চাই যে !

ওদের জ্বালাতন সহিতে না পেরে, ওদের হাত থেকে রেহাই পাবার জন্ত— উদ্বেলিত আবেগে দীনেশের কণ্ঠ এবার কেঁপে উঠলো : একদিন বিনয়বাবু তাঁর মাথার ঘায়ের মধ্যে আঙ্গুল চালিয়ে দিয়ে সেফটিক করে ফেললেন এবং চিরদিনের মতো চোপ বুজলেন।...

একই সঙ্গে দু'টি দীর্ঘনিঃশ্বাস বেরিয়ে এল। দু'টি কিশোর বুকে ঘনিয়ে-ওঠা পাজরা-ভাঙা দীর্ঘনিঃশ্বাস। কিন্তু মৃতের জন্ত শোক করবো না। শহীদের যাত্রাপথ যদি অশ্রুজলে পিছল কবে তুলি, পরজন্মে ফিরে আসার পথ যে তাহলে বিঘ্নসঙ্কুল হয়ে উঠবে। তাকে যে ফিরে আসতে হবে। একবার নয়, হয়তো বার বার। ততবার আসতে হবে তাকে, যতবার প্রয়োজন হবে দেশ-জননীকে শৃঙ্খল মুক্ত করবার জন্ত। মায়ের ঘরে এবার এসেছি, পরজন্মে আসবো মাসীর ঘরে। গলায় দড়ির চিহ্ন দেখে চিনতে কষ্ট হবে না তোমার। ক্ষুদীরাম তাই ফিরে এসেছিলেন অসংখ্য ক্ষুদীরাম হয়ে। রক্তবীজের বংশ !.....

বিদায়ের দিনটির কথা মনে পড়ে।

স্পেশাল ট্রাইবিউনাল সেদিন রায় দেবে অপরাহ্নে। দীনেশ তেমনি উদাসীন, তেমনি নিলিপ্ত। গোমেশের সঙ্গে রিভলভার বিক্রয়ের ব্যবস্থাটা পাকাপাকি করে ফেললো, এ্যাংলো ইণ্ডিয়ান ওয়ার্ডার জন-এর সঙ্গে বখারীতি হাসি পরিহাস করলো, সেল-এর মেট সামাদকে তার আর ডাকাতি না করে

স্ত্রীপুত্র কন্যা নিয়ে বসবাস করবার প্রদত্ত প্রতিশ্রুতিটা আর একবার স্মরণ করিয়ে দিল, সিপাই রামভকত সিংয়ের পাকানো গোলজোড়া নিয়ে আবার ঠাট্টা করলো, তারপর অত্যন্ত সহজভাবে আমায় বললো : সবাইকে আমার কথা বলবেন। দাদাদের প্রণাম জানাবেন, ছোটদের জানাবেন ভালবাসা। বলবেন, তাঁদের কাউকে আমি ভুলিনি। জেলার ব্যাটা ভুল করে আপনাকে আমার এখানে পাঠিয়ে দিয়ে চমৎকার সুযোগ করে দিয়েছে। ভগবানেরই ইচ্ছা।

বিকেল তিনটে বাজতেই গেট থেকে খবর এল এসকোট পাটি এসে গেছে। প্রস্তুত হতে হবে। দীনেশ আবার স্নান করলো সুগন্ধি সাবান ও সুগন্ধি তেল দিয়ে। সন্ধ্যা পোয়ানো ধুতি ও শার্ট পরলো। জন-এর সামনে দাঁড়িয়ে পরিপাটি করে তুল আঁচড়ে এসেন্সের শিশিটা থেকে খানিকটে গায়ে ছড়িয়ে দিল, খানিকটে কুমালে, খানিকটে আমার গায়ে, খানিকটে জন-এর গায়ে। তারপর ফিক করে হেসে ফেললো : বুঝলেন দ্বিজেনবাবু, কারা যে এই তেল সাবান এসেন্স গেটে জমা দিয়ে যান জানি না। এসব যে কোনোদিনই ব্যবহার করিনি বাড়ীর সবাই জানেন। তাই তাঁরা পাঠান না। তবে ?

এই 'তবে'-র জবাব আমি জানি। জেল গেটে-এ কোনো বন্দীর জন্ম কিছু জমা দিয়ে যেতে হলে নাম ও ঠিকানা একটা জানিয়ে যেতে হয় বটে, কিন্তু তা শুধু জেল কর্তৃপক্ষের রেকর্ড করবার জন্ম। ঐ ঠিকানায় ঐ নামে কেউ আছে কিনা, বন্দীর সঙ্গে তার সম্পর্ক কি, এ নিয়ে কোনো অনুসন্ধান হয় না। তবে রাজনৈতিক বন্দীর কথা স্বতন্ত্র। ছদ্ম নামে ব্রিটিশ গভর্নমেন্টকে যারা সন্ত্রস্ত করে তুলেছে, life for life নীতির প্রবর্তনে যারা হিজ মিজেষ্ট্রিজ গভর্নমেন্টের সুখনিদ্রায় ব্যাধাত সৃষ্টি করেছে, তাদের নেতৃস্থানীয় একজনকে ধরতে পারলেই আই বি তাকে জিইয়ে রাখে যতদিন পারে আর হাজারো চক্ষু ও কান মেলে শুৎ পেতে বসে থাকে তার চারিদিকে, কে আসে, কে যায়, কে চিঠি লেখে, কোথায় চিঠি যায় !

দীনেশের বেলায় আই বি সুবিধা করে উঠতে পারে নি। জমাদাতার নাম বার বারই পাওয়া গেছে হয় দীনেশের মা, না-হয় দাদা, না-হয় দিদি। অথচ দীনেশকে বলেছেন তাঁরা যে, এইসব সুগন্ধি দ্রব্য তাঁরা কোনোদিন জমা দেননি। তবে তাঁরা কে ? আমি জানি, তাঁরাই এই সব অজ্ঞাত জমাদাতা, দূরে দাঁড়িয়ে যারা বাংলা মায়ের হৃদয় সন্তানকে জানিয়েছেন প্রণতি, গোপনে

লোকচক্ষুর অন্তরালে থেকে নিঃশব্দে ঝরা সর্বদাই প্রসারিত করেছেন সহানুভূতি ও সাহায্যের কল্যাণহস্ত। কিন্তু তা নিয়ে আজকে আর আলোচনা ভালো লাগলো না।

দীনেশ প্রস্তুত হলো। জন-কে সহাস্থে বললো : জন, তোমার স্পেশাল একঘেয়ে ডিউটি আজ শেষ হয়ে যাবে। And you will be relieved...

জন তৎক্ষণাৎ বলে উঠলো : But I did never mind for it. On the other hand it was a pleasant opportunity to get you as the prisoner—

জন-এর সঙ্গে করমর্দন করে দীনেশ বললো : কিন্তু আমার আয়না, চিরুণী, সাবান, তেল, পাউডার, স্নো যা রইলো, সব আমি আমার বন্ধুকে দিয়ে গেলাম। দেখো, এগুলো যেন সোরান না নিয়ে যায়।

গোমেশ বেরিয়ে আসতেই দীনেশ তাকে আবার স্মরণ করিয়ে দিল : আমার এই বন্ধুটিকে মনে রাখবে কিন্তু গোমেশ। হয়তো ইনি পরে রিলিজ হবেন। কিন্তু নিশ্চয়ই ইনি তোমার সঙ্গে দেখা করবেন। রিমেমবার, গোমেশ। বলে সে তাব দিকে হাত বাড়িয়ে দিল।

সেল-এর দরজার কাছেই দাঁড়িয়েছিল মেট সামাদ। বিরাট চেহারা, বিরাট মুখমণ্ডলে কাঁচাপাকা দাড়ী। সত্যিই ডাকাত সর্দার। দীনেশ তাকে একেবারে বুকের সঙ্গে জাপটে ধবে হেসে বললো : পাথরের শরীরটা জড়িয়ে ধরলেও বোধহয় গায়ের জোর বেড়ে যায়।

সামাদ কিন্তু সে হাসিতে আদৌ বিচলিত হলো না, উত্তেজিত কণ্ঠে বলে উঠলো : আমারে কত্না মাত্র দুই ঘণ্টার লইগা ছাড়িয়া দিতে পারেন। যে স্মৃন্দিরা আপনারে ধরছে, তাদের কইলজাঙলা যদি না ফাঁক করিয়া দিয়া আইতে পারি, তাইলে আমি বাপের ব্যাড়া নই। আল্লা আমারে দুই ঘণ্টার ছুডি দেন না!

ঝর ঝর করে তার চোখ দিয়ে জল গড়িয়ে পড়লো। আমরা এগিয়ে চললাম। সিপাই দরজা খুলে দিল। দীনেশ বললো : আপনার সঙ্গে আবার কবে দেখা হবে জানিনা। যদি ট্রান্সপোর্টেশন দেয়, তাহলে চোদ্দ বছর পর আর যদি ফাঁসী দেয়, তাহলে হয়তো এই শেষ। জেলে ফিরে এসে আমি খবর পাঠাবো।

ফস্ করে মুখ দিয়ে বেরিয়ে গেল : ফাঁসী ?

তৎক্ষণাৎ জবাব দিল দীনেশ : হ্যাঁ, ফাঁসী। স্টেটসম্যানের যা পড়েছি, তাতে দেখছি ডিফেন্স যা নেয়া হয়েছে, তাতে হয় আমার বেকসুর মুক্তি দিতে হয়, নয়তো একেবারে ফাঁসী। মুক্তি দেবে না, দ্বিতীয়টাই সম্ভব। কিন্তু—দৃঢ় কণ্ঠ শোনা গেল : গোড়াই কেয়ার করি আমি। বাঁচবো, এমন নির্দেশ নিয়ে রাইটার্স বিল্ডিংস্-এ যাইনি। বাঁচিয়ে যারা তুলেছে, তাদের কাছে দয়ার প্রত্যাশী নই আমি। জুজুর ভয় আমি করি না। বলতে বলতে চৌকাঠের ওপারে গেল সে। তারপর সহসা ফিরে দাঁড়িয়ে বলে উঠলো : ওহে মৃত্যু, তুমি মোরে কি দেখাও ভয় ? ও ভয়ে কম্পিত নয় আমার হৃদয়।

দরজা বন্ধ হয়ে গেল। নীরবে দাঁড়িয়ে রইলাম আমি, দাঁড়িয়ে রইলো জন, গোমেশ, দরজার সিপাই আর মেট সামাদ।

যেন নিঃশ্বাসের শব্দ শুনতে পাচ্ছি।

সন্ধ্যার প্রাক্কালে লক্-আপ্ করবার পূর্ক মুহূর্তে অকস্মাৎ হাঁফাতে হাঁফাতে ছুটে এল জন। অভিশপ্ত ইয়ার্ডে আর ঢুকলো না। দরজার কাছে দাঁড়িয়েই বললো : দীনেশ খবর পাঠিয়েছে যে তাকে ফাঁসীর ঘরে নিয়ে যাচ্ছে।—তারপরই ক্রন্দনবিজড়িত কণ্ঠে বলে লঠলো : I bet he cannot commit murder—such a nice boy, such a soft heart—I bet—I bet—

এ্যাংলো ইণ্ডিয়ান ওয়ার্ডার জন-এর চোখে উদ্বেলিত অশ্রুকণা দেখতে পেলাম। বৃটিশের কালো ইতিহাসে আছে অনেক ও' ডায়ার, কিন্তু আছে একটি মাত্র ওয়ার্ডার জন !.....

প্রায় চার মাস পর আমার মুক্তি দেয়া হলো কোনরূপ বিধি-নিষেধ আরোপ না করে। পুলিশের আশা ছিল, ছেড়ে দিয়ে কিছু দিন পেছনে ফেউ লাগিয়ে রাখলেই রিভলভারের গুদামের সন্ধান পাওয়া যাবে !...

এর পর ৭ই এপ্রিল মেদিনীপুরে কর্ণেল পেডিকে গুণেশ সেনের বাড়ী থেকে চুরি-করা সেই রিভলভারটি দিয়েই যে হত্যা করা হয়েছে, পুলিশ কোনও সূত্রে সে সংবাদ জানতে পেরে ১৯৩২ সালের এই ফেব্রুয়ারী মাসেই ঢাকা জেলে এসে আমার সঙ্গে দেখা করে।

দেখা হতো জেলের অফিসের একটি নিভৃত কক্ষে। কে এসেছিলেন, ঠিক মনে নেই। তবে আই বি দারোগা প্রমোদ দাশগুপ্ত হতে পারেন।

ভারী সহানুভূতি দেখালেন : এই তো গেল তোমার ভবিষ্যৎ, তোমার সমগ্র জীবন। গর্ভণমেন্ট confirmed করে দিয়েছে মানেই অন্ততঃ দশটি বছর। মানে, জেল থেকে বেরবে একত্রিশ বছর বয়সে। কি করবে তখন? বাবা খেতে দেবে, না দিতে পারবে তোমার ঐ সত্য গুপ্ত আর হেম ঘোষ?...ভারী দুঃখ পাই তোমার মত ব্রাইট ইয়ংম্যানকে আটকে রাখতে। কিন্তু কি করবো, তুমি নিজেই যে বাধ্য কর।

চট করে প্রশ্ন করলাম : কি রকম?

প্রমোদবাবু বিষয় প্রকাশ করলেন : কি রকম! সেনার গুণেশ সেনের রিভলভার তুমি বলেছিলে নাওনি। তাহলে মেদিনীপুরে তা কি করে গেল, সেই রিভলভারেরই গুলীতে কর্ণেল পেডি কী করে নিহত হলেন?

নিব্বিবাদে বলে ফেললাম : বোধহয় মেদিনীপুরের কেউ টাকা দিয়ে বিমলের কাছ থেকে গুলী সংগ্রহ করেছিল।

তু' চোখ কপালে তুললেন প্রমোদবাবু : মেদিনীপুরের কেউ! বল কি? জানি আমরা যে, মেদিনীপুরের এই সন্ত্রাসবাদী দলের গোড়া পত্তন করেছে বি ভি টাকা থেকে গিয়ে। বি ভি-র একজন পাকা সংগঠক সেখানে ছিল। তার নাম বলবো না। কথা হচ্ছে, গুলী নিয়ে তুমি তাকে দিয়েছ, আর সে চালান করেছে মেদিনীপুরে। তাই নয় কি?

বিরক্ত বোধ করলাম। এটা আর লর্ড সিংহ রোড নয় আর মণি বোসের বয়লারের সম্মুখে আসিনি এখন যে, সমঝে চলতে হবে। বললাম : দেখুন, আমার সময় নেই আপনার সঙ্গে বক্ বক্ করবার। কাজ করবোই, কিন্তু সে কাজের হৃদিম্ পাওয়া আপনাদের সাধ্য নেই। তাই তো পরাজিত হয়ে অবশেষে করলেন রাজবন্দী! পাঠান না দেখি ছিঁজেন গাজুলীকে একবার জেলে করেদী করে সশ্রম কারাদণ্ড দিয়ে। বুঝবো আপনার হিম্মৎ কতখানি!

গট্ গট্ করে বেরিয়ে এলাম! ফল এই দাঁড়ালো যে, তার দিন চারেক পরই স্থানান্তরের হুকুম এলো বহরমপুর বন্দীশিবিরে! একদিন আরও তিন জন রাজবন্দীর সঙ্গে টাকা সেন্ট্রাল জেল ছেড়ে ফুলবাড়ী ষ্টেশনে (টাকা ষ্টেশনের নাম) ট্রেনে চেপে বসলাম।

দশ

ঠিক কোন্ ট্রেনে আমাদের তোলা হয়েছিল, আজ আর তা মনে নেই। সঙ্গে ছ'জন সশস্ত্র গাড়োয়ালী সিপাই আর সাদা পোষাকে একজন আই বি-র দারোগা। তিনিও নিশ্চয়ই সশস্ত্র, তবে সিপাইদের মতো প্রকাশে নয়, বস্ত্রাভ্যন্তরে, সংগোপনে। বন্দী হলেও আমরা রাজবন্দী, তাই আমাদের সঙ্গে সরকারী আচরণ কথঞ্চিৎ ভদ্রতার অপেক্ষা রাখে অন্ততঃ দৃশ্যতঃ। তাই হাতকড়া ও দড়ির মাখুলী নিয়মের ব্যতিক্রম আমাদের বেলায়। কিন্তু তাই বলে যে আমরাও ভদ্রতা করে চলন্ত ট্রেন থেকে লাফিয়ে পড়ে অথবা ভাসমান ষ্টামার থেকে ঝাঁপিয়ে পড়ে পলায়নের চেষ্টা করবো না, জোর গলায় যতই কেন না সে সম্বন্ধে আমরা বরাভয় দিই, অবিশ্বাসী সরকার তাতে নিশ্চিত হন না। তাই, ঢাকা থেকে সহজ ও দ্রুত পথে বহরমপুর না গিয়ে গ্রহণ করা হয় ঘোরা ও দীর্ঘ পথ এবং মহামান্য বৃটিশ গভর্নমেন্টের অল্পতম মারাত্মক শত্রুর দল যে এই পথে চলেছে, বিদ্রোহ প্রচারে জানিয়ে দেওয়া হয় আই বি-র চেলা-চামুণ্ডাদের। ফলে, প্রায় ষ্টেশনেই সাদা পোষাকধারী একজন জানালায় এসে আমরা বহাল তবিয়তে ও শরীফ মেজাজে চলেছি কি না, মূল্যবান সে তত্ত্বটুকু সংগ্রহ করে নিয়ে যান !

মধ্যম শ্রেণীর যাত্রী আমরা। তাই, একদিকে যেমন সাধারণতঃ পরিচ্ছন্ন আরোহীদের সঙ্গে চলবার সৌভাগ্য লাভ করা যায়, তেমনি আবার কথা কইবার সুযোগ হারাতে হয়। সমাজের যে স্তরের মানুষ এঁরা, তাকে ঠিক জনতা আখ্যা দেওয়া যায় না। বুদ্ধি না থাকলেও এঁদের বোদ্ধার মুখোশ পরবার সখ আছে। সবাই যে একেবারে সরকারী চাকুরে এবং রাজবন্দীর সঙ্গে আলাপের কাহিনী উপরওয়ালার কর্ণগোচর হলেই যে এঁদের চাকরি খতম হয়ে যাবে, তা নয়। রাজবন্দীকে এঁরা সম্বন্ধে এড়িয়ে চলেন, বোধহয় এটাই নীতি এঁদের। ফলে, শুধু বসবার কেন, পা ছ'টি সটান মেলে দিয়ে দিব্যি শোবার জায়গাও সহজেই মিলে যায়।

দারোগাটির নাম সতীশ জানা। আদি বাস মেদিনীপুরে। প্রায় বারো বছর এই বিভাগের চাকরি, একেবারে ডাইরেক্ট সাব-ইন্স্পেক্টার। ঢাকা

শহরে এসেছেন মাত্র বছর দেড়েক। টাকা নাকি তাঁর খুব ভালো লেগেছে। মাছ ছুধ যেমন সস্তা, তেমনি শাকসব্জী। পরিবারের সবার স্বাস্থ্যই ফিরে গেছে।—গায়ে পড়ে এমনি আত্মপরিচয় অনেকখানি দিলেন সতীশ জানা। অবশেষে স্বহস্তে আমাদের সূজনী বিছিয়ে বালিশ পেতে দিয়ে দরদী আহ্বান জানালেন : শুয়েই পড়ুন আপনারা। পড়ন্ত বেলা হলেও মালপত্র গোছগাছের জন্তে ছপরে হয়তো ঘুমোতেই পারেননি আজ, তাই না?—নির্ন একটু গড়িয়ে। নামতে হবে তো সেই রাত্রে।

জিজ্ঞেস করলাম : আচ্ছা, এমনি মাথা ঘুরিয়ে গ্রাস মুখে তোলা কেন বলতে পারেন? গোয়ালন্দ হয়ে সোজা রাণাঘাট গিয়ে বহরমপুরের ট্রেনে না চেপে এমনি ঘুরপাক দিয়ে নিয়ে যাবার কারণ কি? এর পশ্চাতেও কি যোগিনীবাবুর উর্দুর মস্তিষ্ক না কি?

সতীশবাবু মৃদু হাস্য করলেন, বললেন : সেন্ট্রাল আই বি-র বন্দী আপনি, যোগিনীবাবুর নাগালের বাইরে। তাই স্বয়ং গ্র্যাসবি সাহেবের নির্দেশ যে গোয়ালন্দ দিয়ে তাকে যেতেই দেবে না।

আর এঁরা? এঁদের কী অপরাধ? এঁরাও কি সেন্ট্রাল আই বি-র অতিথি?

সতীশবাবু আবার হাস্য করলেন, বললেন : এক যাত্রায় পৃথক পথ কি হতে পারে?

গোয়ালন্দ সম্বন্ধে পুলিশের এত আতঙ্ক কেন, বুঝতে পাবলাম। বাড়ী থেকে মা'র চিঠি অবশ্য ছ'দিন পূর্বেও এসেছে, কিন্তু তাতে শ্রীপদর কোন কথা নেই। ষ্টীমার থেকে যে জরুরী চিঠি শ্রীপদর কাছে লিখেছিলাম, সেখানা তার হাত পর্য্যন্ত পৌঁছোলো কি না কে জানে! গোয়ালন্দ থেকে যে সে আমারই সাথে গ্রামে এসেছিল, পুলিশ তা জেনেছে, সুতরাং তার নামীয় চিঠিপত্র হস্তগত করা আই বি-র পক্ষে স্বাভাবিক। ষ্টীমারের চিঠি শেষ পর্য্যন্ত গ্র্যাসবির হাতেই গিয়ে উঠলো না কি? তাহলে তো আমার বালিশ এবার ওরা নিয়ে আসবে এবং টাটকা একটি ছ'ঘরা রিভলভার হস্তগত করবে। তাই করেছে কি?.....

নানা চিন্তায় মনটা ভারাক্রান্ত হয়ে উঠলো। সতীশবাবু বললেন : হাঁ একটু কষ্ট হবে বৈকি এ পথে। তা—নতুন দেশ দেখা তো হবে, কি বলেন?

কত কালের জন্তে যাচ্ছেন কে জানে ! তাই যত বেশীক্ষণ বাইরে থাকা যায়, ততই লাভ !—বাড়ীর চিঠি পেয়েছেন ?

আবার বাড়ীর চিঠি !—চমকে উঠলাম মনে মনে । মুখে বললাম : হ্যাঁ, তা পেয়েছি । মা খুব ছুঃখ করে লিখেছেন যে, বুড়ো বয়সে আমি তাঁকে ছুঃখ দিলাম ।

আপনারা ক' ভাই বোন ?

সাত ভাই, একটি বোন । সবার ছোট, সাত ভাই চম্পার বোন পারুলের মত ।

মর্মান্বিত হলেন যেন সতীশ জানা : ওঃ, দেখুন তো একেবারে সাজানো সংসার । মা তো ঠিকই লিখেছেন । আর কেনই-বা গেলেন এই ছাত্রামায়, আমিও তাই তাঁবি । দু'টো বোমা-রিভলভার দিয়ে কি দেশ স্বাধীন হয় কখনো ?

যা বলেছেন !—বলে বিরক্ত হলে অগ্র দিকে মুখ ফিরিয়ে নিলাম । এমনি অনাহৃত আদরআপ্যায়ন ও এমনি অযাচিত উপদেশের নিগূঢ় উদ্দেশ্য যে কী, তা বোঝবার মতো কুটবুদ্ধি আমার হয়েছে । বোধহয় একটু পর সতীশবারু নিজেও সেটা উপলব্ধি কবলেন, তাই অগ্র কথা পাড়লেন : আপনার দাদারা বোধহয় ভালো চাকরি করেন ? সরকারি চাকরি আছে কারুর ? ওঃ, আলীপুরে জজের ওখানে ট্র্যান্স্লেটর ? চাকরিটি ভালো ।

এমনি অনেক বাজে প্রশ্ন করলেন সতীশ জানা । আমি কোনটা নিয়েই আলোচনা না তুলে সংক্ষেপে 'হুঁ' 'হ্যাঁ' করে কাটিয়ে দিতে লাগলাম । একটু পর যেন তাও আর ভালো লাগলো না । জানালার শার্পি তুলে দিয়ে বাইরে যত দূর পারি দৃষ্টি প্রসারিত করে রইলাম ।...হ্যাঁ, গ্রাম । গ্রামের পর গ্রাম ছুটে চলেছে । গাছপালাসমাকীর্ণ ছায়া-শীতল গ্রাম । ঢেউ খেলান হরিৎ ক্ষেত-ঘেরা গ্রাম । নাম না-জানা অসংখ্য পাখীর কল-কাকলিতে মুখরিত গ্রাম । সরল, অনভিজ্ঞ জেলে, চাষী ও দিনমজুরের গ্রাম । এমনি অসংখ্য গ্রামের তুলনাহীন বিচিত্র চিত্র চোখের সামনে ঝলসে উঠে উঠে সরে যাচ্ছে । এমনি গ্রামের বুক চিরে চিরে ঝড়ের বেগে এগিয়ে চলেছে আমাদের বাষ্পীয় যান ।

...এমনিই একটি অখ্যাত গ্রামেরই ছেলে আমি । ভালোবেসেছিলাম আমার দেশকে, দেশের মাটিকে, দেশের অগণিত শোষিত বুদ্ধকুদের । ব্যক্তিগত

সুখ স্বাচ্ছন্দ্যের স্বর্ণ-সোপান ত্যাগ করে বেরিয়ে এসেছিলাম বাইরে, কঙ্করময় বন্ধুর পথে, পরদেশীকে বিতাড়িত করবার সুকঠিন ব্রত গ্রহণ করেছিলাম। দৃশ্যমান ছানিরায় পাকাগুভাবে চলছিল যে আপত্তি, যে অভিমান, তার টিমে তালের সঙ্গে ভাল রাখতে না পেরেই পদক্ষেপ করেছিলাম ভূগর্ভস্থ অন্ধকার সুড়ঙ্গপথে, সেখান থেকেই শুরু করেছিলাম পতিবাদের মূঢ় গুঞ্জন, লোম্যান, হডসন, সিম্পসন, পেডি ও ষ্টীভেন্সের ওপর মৃত্যুদণ্ডাদেশ নিয়ে জানিয়েছিলাম বিক্ষোভের অভিব্যক্তি।...কিন্তু তাই কি আমার অপরাধ? দেশকে ভালোবাসা কি অত্যাচার? শাঠ্য ও জোচ্ছুরি সম্বল করে সাত সমুদ্র পার হয়ে এসে যারা এই দেশটা দখল করে বসলো, এখানকার টাকা নিয়ে গিয়ে যারা লঙনে নির্মাণ করলো স্বাই-স্কেপার, তারাই হল আমার দেশের সম্রাট, কোটি কোটি নরনারীর ভাগ্যবধাতা? গ্রামের শুষ্ক পুষ্করিণী, শূণ্য গোলা আর ভগ্ন গোয়ালের সমাধির ওপর বসে যারা নারোব মত বাধাবে বাঁশী, তাদেরই একচ্ছত্র অধিকার থাকবে আমার দেশের সম্পদে, দেশের ঐশ্বর্যে, আর সর্বস্বারা আমি সেই একটানা শোষণের বিরুদ্ধে প্রতিরোধের অঙ্গুলি হেলনের পুরস্কার লাভ করবো কারাদণ্ড, দ্বীপান্তর, ফাঁসি?.....

মনুষ্যত্বের এতবড় অবমাননা নীরবে মেনে নিতে পারিনি বলেই আমার এই পুরস্কার!...এই তো চলেছে কামরা ভক্তি আরোহী, পথের এই ক্রেশ, এই ক্লাস্তি গন্তব্য স্থলে পৌঁছোলে অপনোদিত হয়ে যাবে প্রিয়জনের সান্নিধ্যে, এই আশা বুকে নিয়ে। কিন্তু এদের মনের কোণে এক প্রবঞ্চিতের দীর্ঘশ্বাস কি এতটুকুও আলোড়ন সৃষ্টি করছে না? এক সম্ভাবনাময় উজ্জ্বল ভবিষ্যতের কুসুমাস্তীর্ণ পথে না এগিয়ে কেন এলাম এই কণ্টকাকীর্ণ পথহীন পথে, কারুর মনে কি জাগছে না এই প্রশ্ন? ষ্টেশনে ষ্টেশনে চলছে নামা-ওঠা, যাত্রী, ফেরিওয়ালা, কুলি ও দর্শকদের গুঞ্জে মুখরিত হয়ে উঠছে প্লাটফর্ম, কিন্তু এদেরই চোখের ওপর দিয়ে চলেছে একজন যুবক, এদেরই দুঃখ হৃদয় অপনোদনের এক আমৃত্যু ব্রত যে গ্রহণ করেছে, যে ব্রত উদ্‌ঘাপন প্রচেষ্টার ফলস্বরূপ আজ চলমান ছানিরা থেকে সে দীর্ঘকালের জঞ্জল অপসৃত হতে চলেছে—এ সংবাদ কি তারা রাখে? কোথায়, কেউ তো ফিরে চাইছে না আমার দিকে, কেউ তো এগিয়ে আসছে না, কেউ তো বলছে না দু'টি মিষ্টি কথা, কেউ তো জানাচ্ছে না আশীর্বাদ বা অভিনন্দন?

কী জানি কেন, বার বার মনে হতে লাগলো আমি রিক্ত, আমি অনাথ, আমি একক, এই দুনিয়ার আপনার বলতে আমার কেউ নেই, দক্ষিণে, বামে, সম্মুখে, পশ্চাতে যতদূর দৃষ্টি যায়, একটা ভয়াবহ শূন্যতা বৃষ্টি খাঁ খাঁ করছে।...

অকস্মাৎ সতীশবাবুর কথায় চমক ভাঙলো : দ্বিজেনবাবু, এই প্রথম অ্যারেষ্ট হলেন না কি ?

রিভলবার চুরি সম্পর্কে গ্রেপ্তার ও মুক্তির কথা উল্লেখ করলাম। শুনে সতীশবাবু বললেন : দাগ যখন একবার লেগেছিল, তখন আর রেহাই পাবেন কি করে ? যারা একেবারে নতুন, সবে আপনাদের খাতার নাম লিখিয়েছে, তারাও এবার একটিও বাদ যায়নি।

চুপ করে থাকলাম। পুলিশ অফিসারের সঙ্গে খুব সংযত হয়ে কথা কইতে হয়। বিশেষ করে আমার সম্বন্ধেই সতীশ জানাব উৎসাহ ও আগ্রহ একটু বেশী মনে হলো। নরেনবাবু তাকিয়ে রয়েছেন জানালার বাইরে, হরিপদ পড়ছে পেঙ্গুইন সিরিজের কী একখানা বই, আর অমলবাবু কাৎ হয়ে শোবার মতো পোজ করে কী ভাবছেন আকাশ-পাতাল কে জানে !...

একটা ষ্টেশন এসে পড়লো। পানওয়ালা, বিড়িওয়ালা, পাঁউরুটিওয়ালা হেঁকে চলে যাবার পর এলো সোডা লেমনেড আর এলো কলা ও কমলালেবু। জানালা দিয়ে ঝুঁকে পড়লাম।

সোডা কোথাকার ? কত করে ?

ফেরিওয়ালা তৎক্ষণাৎ জবাব দিল : আজ্ঞে নারায়ণগঞ্জের আসল মাল। দাম চোদ্দ পয়সা।

হু' বোতল নিলাম আর নিলাম এক ডজন কমলালেবু ও এক ডজন কলা। দামের জন্ম ডাক দিলাম : সতীশবাবু !

বলুন !

মোট দাম হয়েছে পুরো এক টাকা। আর বোতল হু'টোর দাম কত দিতে হবে ? আমি তো এখন হু' বোতলই খেয়ে ফেলছি না, নিয়ে যাবো।

সতীশবাবু অসীম কুণ্ডার সঙ্গে এক টাকা চার আনা বার করে দিলেন।

এ ব্যাপারে প্রচলিত বিধি ও তার ওপর চলনদার দারোগার ক্ষমতা যে কতখানি, তা আমার ভালোভাবেই জানা ছিল। নিয়ম ছিল, আমাদের খাবার জন্ম দৈনিক যে টাকা বরাদ্দ আছে, টেপে বা ষ্টীমারে যাতায়াতের সময় পাওয়া

বাবে তার দ্বিগুণ। তারপর বিন্দুমাত্রও অসুবিধার সৃষ্টি না করে এবং পথে কোনক্রমেই কোনো বিতর্ক না করে রাজবন্দীকে গন্তব্য স্থানে ঠাণ্ডা মেজাজে নিয়ে যেতে হলে আরও কিছু প্রয়োজন হতে পারে বলে ভাউচার লিখে দারোগার হাতে অতিরিক্ত কিছু টাকা দিয়ে দেওয়া হয়। এরও পর বদমেজাজী রাজবন্দীর পাল্লায় পড়লে পথে যাতে অথাভাবে কোনো অসুবিধায় না পড়তে হয়, তার জন্ত কিছু টাকা দারোগার হাতে বিনা ভাউচারে তুলে দেওয়া হয়। তারও পর আছে : জরুরী কোনো অবস্থা দেখা দিলে দারোগার ক্ষমতা থাকে প্রয়োজন মত অর্থব্যয়ের। হেড কোয়ার্টারে ফিরে এসে বিল করলেই সে সমুদয় অর্থ ফিরে পাওয়া যায়।

এই ব্যবস্থার কথা জানি বলেই পথে বেরুলেই অকস্মাৎ আমরা এক দিকে যেমন হয়ে উঠি পেটুক ও অমিতব্যয়ী, অপর দিকে হয়ে উঠি একেবারে করুণার অবতার! বা খুশী তাই খাই, বা ভালো লাগে বা লাগে না, তাই কিনি, যাকে-তাকে যা-তা বিলিয়ে দেই আর ভিক্ষুক দেখলেই দু' চার আনা তৎক্ষণাৎ দান করে বসি। কুলি চার আনা চাইলে আমরা আরো বখশিশ দিই আট আনা, যেখানে হেঁটে যাওয়া যায়, সেখানে যাই রিক্সায় আর যেখানে রিক্সা হলেই যথেষ্ট, সেখানে চেপে বসি ট্যাক্সিতে। একটিমাত্র আমাদের নীতি, সরকারী অর্থ যেভাবে পারা যায় জনসাধারণের মাঝে বণ্টন।

পক্ষান্তরে, চলনদার দারোগা কৃপণের মত পয়সা বাঁচিয়ে বাঁচিয়ে নিধি গিয়ে রিপোর্ট দেয় এমনি দীর্ঘ এবং তাতে জরুরী অবস্থা দেখা দেবার ইতিবৃত্ত এমনি নিখুঁতভাবে বর্ণনা করে কতকগুলি অনভিপ্রেত ব্যয়ের তালিকা জুড়ে দেয় যে, বিলগুলি তার অনায়াসে পাশ হয়ে যায় আর শ্রীমান্ বেশ একটা মোটা মুনাফা পকেটস্থ করে। ফলে, টানাপোড়েন চলতে থাকে রাজবন্দী আর দারোগার মধ্যে।

ট্রেনের ঘণ্টা পড়ে গেল, এমন সময় প্রৌঢ় এক ভদ্রলোক একদল মহিলা ও শিশু এবং লটবহরসহ হুড়মুড় করে এসে উঠলেন। কতক মেঝের 'পরে, কতক বাক্সে ও কতক বেঞ্চির নীচে ফেলে রেখে তিনি "কেতনা দেগা" বলে বিতর্কে আহ্বান করলেন কুলীর দলকে। শুরু হলো দয়-কষাকষি, তর্কাতর্কি, রাগারাগি, এবং অবশেষে ভদ্রলোক গায়ের ময়লা তেল-চিটচিটে রূপারথানা কোমরে কোটের ওপর জড়িয়ে নিয়ে হুক্কার ছেড়ে ঘোষণা করলেন : গভর্নমেন্টকা আমলমে

জুম ? ছেলেখেলা মিলে হয় ? আও, হাম ভি গভর্নমেন্ট কন্টাগ্দার (কনট্রাকটর) হার। এক টাকাকে যাঁস্তি হাম এক আধলা নেহি দে গা। সাত হাত মাটি খুড়লে ভি একঠো পয়সা নেহি মিলতা। আট আনা সন্তা হয় ?—বলে তিনি কোটের আন্তিন গুটোতে গিয়ে বাহর যে অংশটুকু অনাবৃত করলেন, সেটুকুতে চামড়া দিয়ে ঢাকা এক-একটা প্যাকাটি ব্যতীত আর কিছুই দেখতে পেলাম না।

ট্রেনের গতি দেখা গেল এবং এই জন্তই ভদ্রলোকের সাহস আরো বেড়ে গেল। তিনি আবার একাই কুলীর দলকে হৃদয়বলে আহ্বান জানালেন এবং আবারও উল্লেখ করতে ভুললেন না যে, তিনি গভর্নমেন্ট কন্টাগ্দার।

গভর্নমেন্ট নামেই তখন ভেলকি খেলতো, তার ওপর ট্রেন প্রায় প্লাটফর্ম ছাড়িয়ে এসে গেছে, তাই অগত্যা কুলীর দল রূপোর টাকাটাই ট্যাকে গুঁজে লাফ দিয়ে পড়লো এবং ভদ্রলোক যুদ্ধজয়ী সেনাপতির মতো তাখুলসর্চ্চিত বত্রিশখানা দাঁত বার করে হাসতে হাসতে বললেন : দেখলি রেণু, বললাম না এক টাকার একটি পয়সা বেশী আমি দাব না ?

চমকে উঠলাম। রেণু! কোন্ রেণু?

দেখলাম, সে রেণু নয়। এ শহরের রেণু! শহরে আদব-কায়দায় ও আধুনিকতম পোষাক-পরিচ্ছদে এ রেণু একেবারে মুগ্ধিমতী অজন্তার ছবি!

স্থানের অভাব ছিল পূর্বেই। তারপর একেবারে এতগুলো লোক উঠে পড়াতে বেশ মুশকিল দেখা দিল। আমার সুজনী অনেকখানি গুটিয়ে ফেলতে হল, সঙ্গীরা শিয়রের বালিশ কোলে তুলে নিলেন, উল্টো দিকের বেঞ্চের শায়িত ভদ্রলোক উঠে বসলেন, কাউকে তাঁর অ্যাটাচি কেসটা বেঞ্চের নীচে নামিয়ে দিতে হল, এমনভাবে সমস্ত কামরার একটা আলোড়ন সৃষ্টি করে এখানে-ওখানে-সেখানে এক-এক করে জন বারো শিশু ও মহিলাদের বসিয়ে দিয়ে ভদ্রলোক যখন স্বস্তির নিশ্বাস ত্যাগ করে পকেট থেকে পানের প্রকাণ্ড ডিবেটা বার করলেন, তখন সবিস্ময়ে লক্ষ্য করলাম শহরে রেণুর স্থান মিলেছে আমারই বিপরীত দিকের বেঞ্চে ঠিক আমার মুখোমুখি।

আধুনিকাকে এইবার ভালোভাবে লক্ষ্য করবার সুযোগ পাওয়া গেল। ফিনফিনে পাতলা ব্লাউজ, নীচের বাসন্তী রংয়ের বকোবাসের প্রান্তরেখাগুলি স্পষ্ট ফুটে উঠেছে, রুখু চুলের ছুঁটো বেণীর একটি দোছল্যমান পিঠের ওপর,

অপরটি লক্ষ্যমান বুকের ওপর। রক্তরাঙা সাড়ীর আঁচলখানি আলগোছে গায়ের ওপর রাখা, কেয়ারফুলি কেয়ারলেসের মতো।

বসেই ভ্যানিটি ব্যাগ খুলে তিনি গালেব রুজ সংস্কারে মনোনিবেশ করলেন।

এই রেণু সত্যিই সুন্দর, শরীরের গড়ন যেমন সুডোল, তেমনি নিখুঁত। যৌবনের জোয়ারে ভরা নদীর মতো। যতই সময় কেটে যেতে লাগলো, ততই বুঝতে পারলাম ইনি কলকাতার কোনো কলেজের ছাত্রী এবং স্মার্ট। কথায়-বার্তায়, হাসিতে হল্লাতে এই দলটি সমস্ত পথটাই বেশ প্রাণবন্ত ও হালকা করে রাখলো।

আমার কমলা ও কলাগুলো ছোটদের মধ্যে বণ্টন করে দিলাম যখন, তখন এদের সঙ্গে আমি বেশ জমিরে ফেলেছি। ছোটরা হাত পেতে নিলেও বড়রা একটু সংকোচ প্রকাশ করতে ভুললেন না, বিশেষ করে রেণু দেবী। বললেন : ও কি করলেন, ওদের সব দিয়ে দিলেন যে ?

বললাম : তাতে কি আর হয়েছে। আমি আবার কিনে নোব।

বাঃ, বেশ তো। কিনে-রাখা জিনিষ এমনি করে বিলিয়ে দিয়ে আবার কিনবেন ?—ও, তাহলে আপনি নিশ্চয়ই বড়লোক !

হাসলাম ও রহস্য করবার লোভ সংবরণ করতে পারলাম না : তা বড়লোক তো নিশ্চয়ই, অন্ততঃ যতক্ষণ ট্রেনে থাকবো ততক্ষণ তো।

রেণু প্রশ্ন করলেন : মানে ?

জবাব দিলাম : মানে খুব কঠিন কিছু নয়। রাজার আতিথা গ্রহণ করতে চলেছি যে ! তাই ব্যয়ের কোনো সীমা থাকতে পারে কি ?

বলে আড়চোখে দৃষ্টিক্ষেপ করে দেখলাম, দারোগা সত্যেশবাবুর বিমোহনে থেমে গেছে। তিনি বৃটিশ গভর্নমেন্টের কাণাকড়ি ব্যয় সংক্ষেপ করবার জন্তে যে নীতি গ্রহণ করেছেন, আবার বুঝি আমি তাতে ঘা দিই, এই হুশিস্তার কালো ছাপ স্পষ্ট তাঁর মুখমণ্ডলে দেখা গেল ! কিন্তু রেণু আমার রহস্য ঠিক অনুধাবন করতে না পেরে পাণ্টা প্রশ্ন করলেন : রাজার আতিথ্য ?

ঠ্যা।

বুঝতে পারলাম না।

জানি, বুঝতে পারবেন না তিনি। এই হচ্ছে শহুরে রেণুর সত্যিকার রূপ !

সাতরঙা প্রজাপতির মত হালকা পাখনার ঘায়ে বাতাসে গ্রামোরাস তরঙ্গ সৃষ্টি করে আলগোছে ঘুরে বেড়ান এঁরা। সকালসন্ধ্যা কেটে যায় নিউ মার্কেটে আর প্রেক্ষাগৃহের ব্যালকনিতে পুরুষ বন্ধুব পাশে পাশে। বাইরের চলিছু ছনিয়া কোনও দিন অচল হয়ে ভেঙ্গে পড়লেও এঁদের চেতনা আসবে না। শাড়ী, বাড়ী ও গাড়ীর মধ্যেই যারা পেয়েছে জীবনের প্রয়সকে, রাজবন্দীর অর্থ তারা জানবে কোথেকে ?...

এই যে আমার সম্মুখে এক মোহময় ভঙ্গীতে শরীর এলিয়ে দিয়ে বসে আছেন, ইঙ্গিতে, ইশারায় ও হস্তসঞ্চালনে সমস্ত কামরাখানির মধ্যে সৃষ্টি করে তুলেছেন বিলাস্তিকর আবহাওয়া, অন্তরঙ্গতার যিনি একেবারে উচ্ছল ও উদ্বেল হয়ে উঠেছেন—নিশ্চিত জানি রাণাঘাটে আমাদের ছেড়ে ইনি যখন কলকাতাগামী ট্রেনে উঠে বসবেন, তখন থেকেই আর আমার কথা মনে পড়বে না এঁর।

তথাপি, রাজবন্দীরাও যে তাঁর আপাতমধুর সখ্যের মোহবন্ধনে গলা বাড়িয়ে দিতে রাজী নয়, সে পরিচয়টা ভালো করে দেবার জগ্গেই আমার সত্যকার পরিচয় দিলাম। • শুনে প্রথমটা তিনি জানালেন অসীম সহানুভূতি, সমগ্র রাজবন্দীর জগ্গেই যেন তাঁর কোমল হৃদয়ে দরদ একেবারে উচ্ছ্বসিত হয়ে উঠলো, তারপর অকস্মাৎ যেন তাঁর উৎসাহে, স্মার্টনেসে ও অকুণ্ঠ আচরণে বিবর্ণতা দেখা গেল। অবশ্য একেবারেই যে নীরব হয়ে গেলেন, তা নয়, তবুও তৈলহীন প্রদীপের মতো টিম্ টিম্ করতে লাগলেন। বক্রদৃষ্টিতে দেখলেন গাড়োয়ালী সেনাদলকে, তাদের বন্দুকগুলো ও বেয়নেটগুলোকে এবং বার বারই অনুসন্ধানী দৃষ্টি তাঁর সাদা পোষাক-পরা দারোগাটিকে খুঁজে বেড়াতে লাগলো।

বেশ বোঝা গেল এবার রঙিন ফানুস ফেটে গেছে, চুপসানো একথণ্ড নগণ্য কাগজ হয়ে নীচে নেমে এসে তা ধূলোয় মুখ খুবড়ে পড়েছে। পায়ের তলায় মাড়িয়ে গেলেও আর তা আকাশে ওড়বার স্বপ্ন দেখবে না।.....

সন্ধ্যার পর ফুলছুরি ঘাটে ষ্টীমারে চড়তে হল। লটবহর গোটা তিনেক কুলীর মাথায় চাপিয়ে দিয়ে সতীশ জানা ও গাড়োয়ালী সেনাসহ আমরা চারজন একেবারে শোভাযাত্রা করে এসে দোতলায় উঠলাম। ব্রহ্মপুত্র নদ পার হয়ে ওপারে তিস্তামুখ ঘাটে পৌঁছে আবার ট্রেনে চাপতে হবে।

পদ্মানদীর ষ্টীমারের সঙ্গে এই ষ্টীমারের তুলনাই হয় না। এর আয়তন শুধু ক্ষুদ্র নয়, এর আকারও অত্যন্ত গের্বো। একেবারেই আভিজাত্য নেই। এর

প্রপেলর দু'টি যেমন যেমানান ভাবে বহৎ, তেমনি এ দু'টি আটা রয়েছে একেবারে পশ্চাৎভাগে। সেখানে যেসব কলকজা এ দু'টিকে চালিত করে, যেমন নেই তাদের জাঁকজমক, তেমনি নেই তাদের ফুসফুসের জোর। যক্ষ্মা-রোগীর খুক্ খুক্ করে কাসির মতো বুক্ বুক্ শব্দ হচ্ছে সেখানে আর বিস্তর ষ্টীমের প্রস্থাস বেরিয়ে এসে প্রমাণিত করছে যে আয়ু বোধহয় আর বেশীক্ষণ নেই। ষ্টীমারের দৈর্ঘ্য প্রস্থের তিন গুণ হবে। একখানা ভারী ও অচল ফ্রাটের সঙ্গে দু'খানা চাকা জুড়ে দিলে যা দাঁড়ায়, তাই।

দোতলার সম্মুখভাগে প্রথম ও দ্বিতীয় শ্রেণীর কেবিন এবং তার পশ্চাতেই ইস্টার ক্লাসের যাত্রীদের জগ্গে খানকতক বেঞ্চ বিছানো।

এবার আর সুজনী পাতা হল না, কারণ ওপারে পৌঁছোতে, অল্প সময় লাগবে। তারপরই আবার ট্রেন। রেণু দেবী যতই ভড়কে গিয়ে থাকুন, এবার তিনি হয় ভুল করে কিংবা কেয়ারফুলি কেয়ারলেসের মতো একেবারে আমার পাশেই বসে পড়লেন। স্তিমিত বৈদ্যুতিক আলোকে তাঁর মুখের চেহারা স্পষ্ট ঠাহর করতে পারছিলাম না। আমার সঙ্গীরা সবাই একটু লাজুক ধরনের, স্বল্পভাষী। আমার কিন্তু এই পরিবারের সঙ্গে পথে বন্ধুত্ব হয়ে গেছে। সতীশবাবুর কালো মুখে আরও কয়েক পৌঁচ কালি লেপন করে বার তিনেক আরও কমলা, আপেল ও আঙ্গুর কিনে ছোটদের মধ্যে বিলিয়ে দিয়েছি এবং হাজারো আপত্তি সত্ত্বেও এবার রেণুর হাতে জোর করে খানকয়েক ক্রিম ক্র্যাকার বিস্কুট গুঁজে দিতে আর সংকোচ বোধ হল না।

তারপর বেলফুলের কুঁড়ির মতো দু'পাটি দাঁতের ফাঁকে কুট্ কুট্ করে বিস্কুট ভাঙতে ভাঙতে রেণুর সঙ্গে যে কথা হল ছবছ তা লিখে দিচ্ছি :

রাণাঘাটে পৌঁছে আপনি অপেক্ষা করবেন বহরমপুর ট্রেনের জগ্গে আর আমরা তো সোজা চলে যাবো কলকাতার। আর দেখা হবে না আপনার সঙ্গে, তাই না দ্বিভ্জেনবাবু ?

বললাম : হবে না বলতে পারি না। কিন্তু :স যে কবে, আজ থেকে কত বছর পরে, নিশ্চয় করে তা বলা যায় না।

ফন্ করে প্রশ্ন এল : ভুলে যাবেন তো একেবারে ? কিংবা মনে থাকলেও থাকবে অভদ্র মেয়ে হিসাবে—চেয়ে চেয়ে বিস্কুট খায়, লেমনেড খায়, খাওয়ায় না একটি পয়সারও—এই তো ?

হেসে জবাব দিলাম : আমি খাওয়ানি একটি পরসারও । যা খেলে, প্রকৃত পক্ষে তা খাওয়ালেন মহামাণ্ড সরকার বাহাদুর । কিন্তু আমি ভাবছি, এমনি যেচে খাওয়াতে খাওয়াতে হঠাৎ আবার একদিন আতিথ্য গ্রহণেরই না আমন্ত্রণ এসে যায় আমারই মত । তখন চোখের জলে বান ডাকবে তো ?

জেলে নিয়ে গিয়ে নাকি খুব অত্যাচার করে ?—প্রশ্ন করলো রেণু ।

বললাম : আমার চেহারা কি অত্যাচারিতের চেহারা ?

রেণু আমার পানে চেয়ে মুচকি হাসলো, বললো : না, তা মনে হচ্ছে না তো । বরং—

বরং মনে হচ্ছে বাদশাহী অটালিকা আর নবাবী থানা ছেড়ে চলেছেন রাজার অতিথি হযতো কোনো স্বাস্থ্যকর স্থানে আনন্দ-সফরে, তাই না ?—বলে হেসে উঠলাম । রেণুও হেসে উঠলো হি হি করে ।

ষ্টীমারের রেঞ্জুরেন্ট থেকে বয় এসে ছ'কাপ চা দিয়ে গেল । চায়ের কাপে মুখ দিয়ে একবার সতীশবাবুর পানে দৃষ্টিক্ষেপ করলাম । পাছে চায়ের সঙ্গে কেক বা মামলেট চেয়ে বসে আবার খরচাস্ত করি তাঁকে, তাই তিনি র্যাপারখানা খুব ভালো করে জড়িয়ে শম্বুকের মতো একপেশে হয়ে বসেছিলেন অন্ধকার নদীর পানে চেয়ে । একুশ-বাইশ বছরের স্বাস্থ্যবান সুন্দর ছোকরার সঙ্গে আঠারো বছরের পেখম-তোলা কলেজী মেয়ের ঘনিষ্ঠ আলাপ সেই মামুলী মন দেয়া-নেয়ার পথেই তো চলবে, তাও তো মাত্র রাণাঘাট পর্যন্ত ।—সুতরাং ঠাণ্ডার প্রকোপ থেকে নিজেকে রক্ষাকার্যে মনোনিবেশ করাই সতীশবাবু যুক্তিযুক্ত মনে করেছেন দেখা গেল ।

পূর্বেই বলেছি, আমার সহবন্দীরা সবাই একটু লাজুক ধরনের । তারপর এমনি পেখম-তোলা ময়ূরের মোহনীর স্মার্টনেসের সম্মুখে তাঁরা যে ওষধি শিকড় দেখে লাপের মতো কুকড়ে গেছেন, বেশ বুঝতে পারলাম ।

রেণুর বাবা আবার চাওয়ালার সঙ্গে দ্বন্দ্ব বাধিয়ে দিয়েছেন । জলের মতো চা, এর দাম কখনো চার পরসা হতে পারে ? সুতরাং “গভর্নমেন্ট কন্স্টাগ্দার” পুনরায় চাওয়ালাকেই যুদ্ধে আহ্বান করলেন । তবে এবার আর আমার আস্তিন ঞ্চটোতে পারলেন না, র্যাপারটাও গায়েই রাখলেন জড়িয়ে । শীত যে ! নদীর ঠাণ্ডা হাওয়া যে গায়ে বিঁধছে । দেখলাম, পানের ডিবে তাঁর হাতে এবং একটু পরপরই ছ'খিলি করে তুলে মুখে পুরছেন ।

এই তো সুযোগ ! বন্দীনিবাসে অনির্দিষ্ট কালের জন্তে প্রবেশের পূর্বে রেখে যাই না একটি স্মৃতিছবি ছড়িয়ে বাইরে পথের ধারে ! কে বলতে পারে উত্তরকালে এই স্মৃতিছবি সৃষ্টি করবে না এক সর্বনাশা হব্যবাহন ?...

চা খেতে খেতে অনেক কথা হল। দু'জনের মাঝখানকার হালুকা লবু পরদা কখন যে উড়ে গিয়ে গান্ধীর মতো একটা থলুগমে ভাব এসে গেছে, দু'জনেই যেন তা টেরও পাইনি। রেণু জিজ্ঞেস করলো : কি করতে পারি আমি আর কেমন করে পারি ?

বলতে লাগলাম : শাস্তি, সুনীতি আর বীণা তোমারই মত মেয়ে। তারা কি করতে পেরেছে ? তারা যা পেরেছে, তুমিও তা পারবে না কেন ? রাজপুত্র মেয়েরা ধোড়ায় চড়ে যুদ্ধক্ষেত্রে গিয়ে যুদ্ধ করতেন তলওয়ার চালিয়ে। আর তুমি পারবে না ভ্যানিটি ব্যাগ ছেড়ে রিভলভার তুলে নিতে ?

কোথায় পাবো ? কাকে আমি চিনি ? কে আমার চিনিয়ে দেবে ? পর পর প্রশ্ন করলো রেণু।

হাত ধরে মৃদু আকর্ষণ করে নিয়ে এলাম রেলিংয়ের ধারে নিশ্চিন্ত হবার জন্তে। তারপর বললাম : আমি তোমায় চিনিয়ে দেব। তোমায় একটা নাম ও ঠিকানা দিচ্ছি। রাত দশটার পর একে বাড়ীতে পাবে। আড়ালে ডেকে নিয়ে গিয়ে বলবে “হলদে ফুল” তোমায় পাঠিয়েছে। তাহলেই হবে।

হলদে ফুল ?

হ্যাঁ, ওটাই আমার সাংকেতিক নাম। পাটির লোক ছাড়া কেউ জানে না—বলে নীচে নদীর দিকে রেণুব দৃষ্টি আকর্ষণ করে বললাম : দেখছো কী অন্ধকার ! এমনি অন্ধকার আমাদের ভবিষ্যৎ। কোনো উজ্জ্বল প্রভাতের প্রতিশ্রুতি দিতে পারবো না তোমায়। কাজই আমাদের জীবন। এরই চাকার নীচে নিজেকে চূর্ণ-বিচূর্ণ করে দিয়ে নিশ্চিহ্ন হয়ে যাওয়াই আমাদের আদর্শ।

রেণু কি বলতে যাচ্ছিল কিন্তু আমার কণ্ঠস্বরে তখন আবেগ এসে গেছে : কবে আমি বেরিয়ে আসবো জানি না। কিন্তু তবু বন্দীনিবাসে বসে বসে তোমার কথা ভাববো, ভাই জেলে গেলেও বোন রয়েছে বাইরে—এই হল আশ্রয় সান্দ্রনা। পারবে না তুমি আমাদের ব্রত গ্রহণ করতে ? দেশকে স্বাধীন করবার কাজে পারবে না নিজেকে বিলিয়ে দিতে ? কলোজের ছাত্রীদের মধ্যে, বন্ধুদের মধ্যে, আত্মীয়জনের মধ্যে পারবে না এই অগ্নিমন্ত্র প্রচার করতে ?

অকস্মাৎ অনুভব করলাম হাতের ওপর স্পর্শ। আমার রেলিংয়ের ওপর রাখা হাতে রেণুর তপ্ত হাত এসে ঠেকেছে! বুঝতে পারা গেল শহরে রেণুর বুকেও জ্বালিয়ে দিয়েছি বিপ্লবের আগুন। এবার অত্যাচারীকে পুড়িয়ে মারবে সেই আগুনের শিখা!... উদ্দীপনায় যেন একেবারে ফেটে পড়তে লাগলাম : কুদিরাম-কানাইলাল থেকে শুরু করে বিনয়-বাদল-দীনেশ পর্যন্ত বাংলার অগণিত শহিদেরা যে পথের নিশানা দিয়ে গেছেন, সেই আমাদের পথ রেণু! সশস্ত্র বিপ্লবের পথে ভারতকে স্বাধীন করাই আমাদের লক্ষ্য। যে কোনো দেশের স্বাধীনতা সংগ্রামের ইতিহাস আলোচনা করলে এই সত্যটাই বার বার করে মনে ঘা দেয় যে, আবেদননিবেদনে করুণা পাওয়া যেতে পারে, স্বাধীনতা পাওয়া যায় না। চেষ্টা করে দেখ ফ্রান্সের দিকে, চেষ্টা করে দেখ রাশিয়ার দিকে, আয়ারল্যান্ডের দিকে চেষ্টা করে দেখ—

অকস্মাৎ বাধা পেলাম। আমার হাতখানা সন্মুখে হাতের মুঠোর তুলে নিয়ে হঠাৎ রেণু বলে উঠলো : বাঃ, আপনার আঙুলি তো ভারী সুন্দর! কী বলে একে, নীলা? ইস, কি চক্চক্ করছে! কতটুকু সোনা দিয়ে তৈরী দ্বিজেনবাবু? আমিও এমনি তৈরী করাবো একটা! দিন না একটখানি, বাবাকে দেখিয়ে আনি।

একেবারে চুপ করে গেলাম। নিশ্বাসও বৃষ্টি বন্ধ হয়ে এল!... মুক্তো ছড়াচ্ছিলাম কোথায়? কার গলায় পরাচ্ছিলাম মুক্তোর মালা? কাকে দিচ্ছিলাম অগ্নিমন্ত্রে দীক্ষা? এ যে শহরে রেণু... গ্রামের রেণু আমি চলে আসাতে খুশী মনে বিয়ের পিঁড়িতে বসতে পারেনি, পত্রালাপ বন্ধ থাকলেও জানি আজও যেমন তার মনের গহনে আমার স্মৃতি ফুলের মত ফুটে রয়েছে, অপরিণাম পারিজাতের মতই তা চিরদিন বিকীর্ণ করবে সৌন্দর্য্য ও সুগন্ধ!...

আর এ শহরে রেণু। বাতাসে তুলে চলে এরা কড়া এসেন্সের হিল্লোল, এরা হিসেব করে কথা কয়, ওজন করে হাসে, এদের প্রতিটি নিমেষ সীমাহীন ভদ্রতায় নিখুঁত। এদের শালীনতা ও শোভনতার পালিশে দাগ ধরে না, পাশ কাটিয়ে এরা এসে দাঁড়ায় আদর্শবাদীর মুখোমুখি, গায়ে গা ঠেকিয়ে। আকাশের রামধনুর মতোই এদের ভালবাসা। দীপ্তিময়, কিন্তু কণভঙ্গুর। দূর থেকে দেখতে ভালো লাগে এদের, কাছে এলেই কাঠামোর নোংরা কাঠ আর নীরস খড় বিস্তীর্ণভাবে চোখে ঠেকে।...

বিপ্লবীর অগ্নিমঞ্জে দীক্ষা দিয়ে তৈরী করে যেতে চেয়েছিলাম ভেরা ফিগনার, কিন্তু দেখলাম রেণু বেলোয়ারী কাঁচের পুতুল ব্যতীত আর কিছুই নয়।

ওপরে চেয়ে দেখলাম মিশমিশে কালো আকাশ, তাতে অসংখ্য তারার মিটমিটে প্রদীপ। আর নীচে, ষ্ট্রীমারের স্বপ্নালোকে নদীর যেটুকু ত্যাগিময় হয়ে উঠেছে, তা মৃত্যুর স্তিমিত হাসির মতই ভয়াবহ মনে হচ্ছে। তার বাইরে ঠাণ্ডা, মৃত অন্ধকার, অনেক কালের বাসি মড়ার মতোই ভারী ও শূঁৎসেতে!...

হলদে ফুলের সাংকেতিক শব্দ ওকে বলে দিয়ে আমিই চোখে হলদে ফুল দেখতে লাগলাম!.....

এগারো

বহরমপুর বন্দীনিবাসের লৌহদ্বারে আমরা যখন এসে পৌঁছলাম, তখন বেলা দশটা হবে।

লোহার শিকওয়াল প্রকাণ্ড গেটখানা সরে গিয়ে আমাদের অভ্যর্থনা জানালো। গেটের পর অফিস। মালপত্র এসে জমা হল অফিসে। তল্লাসী হবে। তারার আসল বন্দীশিবিরের দ্বার খুলবে।

গোটা কয়েক সিপাই এসে শুরু করলো তল্লাসী। নামমাত্র। না করে উপায় নেই। কারণ ঐ নীরেট মগজে কী কবে ঢুকবে যে, টুণ পেপ্টের টিউবের মধ্যে, সাবানের দেহাভ্যন্তরে অথবা কোর্টের লাইনিং-এর মধ্যে আমরা গোপনীয় পত্র বহন করে থাকি?

তাঁই তল্লাসী শেষ হয়ে গেল। এবার গুরুতর বিষয়, বাসস্থান নির্বাচন। বাংলার বিপ্লবীরা তখন প্রথমতঃ মোটামুটি দু'টি দলে বিভক্ত ছিল—অমুশীলন ও যুগান্তর। তারপর ছিল ঐ এক-একটি দলের মধ্যেই বৃহৎ উপদল, হয়তো গোটা জেলা বা মহকুমা জুড়ে। আবার একটি ক্ষুদ্র শহরেই হয়তো এমনি গোটা কয়েক উপদল ছিল, পরস্পরবিরোধী। তারপর ছিল এমনি উপদলে গোটা কয়েক গুপ—অমুক রায়ের গুপ, তমুক দাসের গুপ ইত্যাদি। এই গুপ-লীডাররা অনেকটা সেনাবাহিনীর সেকশন কমান্ডারের মতো। হয়তো মাত্র দশ-বারো জনই তাঁর দলের সভ্য। তাহলেও তাঁর হাঁকডাক কম নয়। বাংলার বিপ্লব আন্দোলন যেন তাঁর দ্বারস্থ না হলে একেবারে মিইয়ে পড়ে

ব্যর্থতায় পর্য্যবসিত হবে, এমনি তাঁর ভাবখানা। এই গুপ বিভাগের পরও আছে ব্যক্তিগত বন্ধুত্ব, পছন্দ ও নির্বাচন।

কর্তৃপক্ষ বন্দীদের খুশীমত সীট নির্বাচনের যে অধিকার দান করেছিলেন বন্দীরা পূর্ণভাবে তার সুযোগ গ্রহণ করে সমগ্র শিবিরটাই অত্যন্ত স্পষ্টভাবে সংখ্যাভিত্তিক অঞ্চলে বিভক্ত ও বিচ্ছিন্ন করে ফেলেছেন। তাই অফিসের কেরাণীরাও জানেন যে, এঁদের দল, উপদল, গুপ-লীডার, আঞ্চলিক সখা, ব্যক্তিগত পছন্দ প্রভৃতি বহু বিষয় আছে, যা পুঙ্খানুপুঙ্খ বিচার করে তবে এঁরা সীট মনোনয়ন করেন। কোন্ বন্দী কোন্ দলভুক্ত কিংবা ইস্টার্ন ব্যারাকের তেরো নম্বর কক্ষের বাসিন্দারা কোন্ উপদলের সভ্য, এঁরা তা বেশ জানেন ও তাই নিয়ে পরিহাস করবার সুযোগ পেলে ছাড়েন না।

প্রধান কেরাণী প্রশ্ন করলেন : আপনি কোন্ ব্যারাকে ও কোন্ ঘরে থাকতে চান ?

মান্নে ?—বিস্মিত হলাম : খুশীমত সীট নেয়া যেতে পারে তাহলে ?

আজ্ঞে হ্যাঁ, বলে কেরাণী বলে যেতে লাগলেন : ওয়েস্টার্ন ব্যারাক, ইস্টার্ন ব্যারাক আর সাদার্ন ব্যারাকে থাকেন যুগান্তর দলের বন্দীরা আর টালি শেডগুলোতে থাকেন অনুশীলনের সভ্যরা। আপনারা কি ঐলি শেডে যাবেন, না—

বললাম : ব্যারাকে যাবো। তবে কোন্ ব্যারাকের কোন্ ঘরে সেটা ভেতরে গিয়ে দেখে আপনাদের খবর পাঠিয়ে দেব, কেমন ?

সে সময় রাজবন্দীদের মধ্যে দলীয় বা উপদলীয় চেতনা অত্যন্ত তীব্র ছিল। নতুন কেউ এলেই সাগ্রহে লক্ষ্য করা হতো তিনি কোন্ দলের, কার পরিচিত এবং কোথায় সীট নিলেন। তারপর মুহূর্তের মধ্যেই সেই সংবাদ সমগ্র শিবিরে প্রচারিত হয়ে যেত মুখে মুখে যে, আজ অমুক দলের অমুক গুপের একজন এসেছে। প্রবেশের সঙ্গে সঙ্গেই পরিচিত বন্দীরা ঝটিতি এগিয়ে এসে অভ্যর্থনা জানান এবং সেই তাঁদের মধ্যে একজন এসে কাঁধে হাত দিয়ে অগ্নাগ্র সবাইকে পশ্চাতে ফেলে নবাগত কাউকে নিয়ে শিবিরের অভ্যন্তরে চলে যান, তখনই তার পরিচয় জানা যায়। পরিচিত কাউকে না পেলে তখন ভারী হালদামে পড়তে হতো, কারণ সবাই সন্দেহ শুরু করতো তাকে। সে আখ্যা পেত দিবাকর সেনগুপ্ত অর্থাৎ স্পাই রাজবন্দী নামে।

বন্দীশিবিরের ভেতরের দরজা খুলে যেতেই আমরা চারজন প্রবেশ করলাম এবং পরিচিতেরা এসে ছাঁ মেয়ে এক-একজনকে নিয়ে অদৃশ্য হতে লাগলেন। আশ্চর্য্য, আমার এসে পাকড়াও করলেন নারায়ণগঞ্জের অনুশীলনের রিভন্ট (বিদ্রোহী) গ্রুপের লীডার সুধীর চট্টোপাধ্যায়। আমার সঠিক পরিচয় তার বথেষ্ট জানা ছিল আর ঢাকা জেলে একসঙ্গেই তো ছিলাম গত দু'মাস। এগিয়ে এলেন তিনি তাঁর দলীয় ঢাকা জেলের দু'টি একটি ছেলের সংবাদ সংগ্রহের জন্য। কাঁধেও একখানা হাত রাখলেন এবং সন্তুর্পণে বেশ একটু এক পাশে সরিয়ে নিয়ে গিয়ে অনুচ্চকণ্ঠে আলাপ শুরু করলেন। ফল দাঁড়ালো এই যে, নেহাৎ ঘনিষ্ঠ বন্ধুরা ব্যতীত সারা শিবিরের প্রায় তিনশো বন্দী সেদিন সেই সকালে স্থিরভাবে জেনে নিলেন যে, আমি অনুশীলনের লোক, নারায়ণগঞ্জের রিভন্ট গ্রুপের অন্তর্ভুক্ত।

যুগান্তর দলের নানা দল, উপদল ও গ্রুপের সদস্যেরা মুখ অন্ধকার করে যার যার কক্ষে ফিরে এলেন। অনুশীলনের আর-একজন বৃদ্ধি পেল।

এদের ভুল অবশ্য ভাঙলো সেদিনই তুপুরে ভোজনকক্ষে।

বারো

বন্দীশিবিরে চেনা ও জানা লোকের যে খুব অভাব ছিল, তা নয়। তবুও, সকালে বৈপ্লবিক গুপ্ত সমিতির কর্মীরা সর্বাত্মে শিক্ষা গ্রহণ করতে গোপনতার এবং প্রতি ক্ষেত্রে সে-শিক্ষা সাধ্যমত কার্যে প্রয়োগ করতে ভুলতো না। তাই, প্রথম দিনেই একেবারে কোন্ নির্দিষ্ট ব্যারাকের কোন্ বিশেষ সীটটি পেলে আমি বাধিত হই, অফিসে সে কথা প্রকাশ না করে শুধু বলেছিলাম টালির ব্যারাকগুলি বাদ দিতে। দেখা গেল, আমার বাসস্থান নির্দিষ্ট হয়েছে ইস্টার্ন ব্যারাকের চার নম্বর ঘরে।

সুধীরবাবুকে ছেড়ে দিয়ে আমার ঘরে এসে বসতেই অনুশীলনের ঝরা দলবৃদ্ধির পুলকে রোমাঞ্চিত হয়ে উঠেছিলেন, তাঁদের মুখাবয়বের ঔজ্জ্বল্য চকিতে মিলিয়ে গেল শরতের হালকা মেঘের মতো। তার পরই 'লবি' আলোচনা ও গবেষণা শুরু হয়ে গেল যুগান্তর দলের সংখ্যাভীত উপদল ও গ্রুপের মধ্যে : লোকটি কোন্ গ্রুপের হে ?

বারান্দায় এঁদের অনেককেই আনাগোনা করতে দেখলাম। আমার দিকে একটা অদ্ভুত জিজ্ঞাসু দৃষ্টি নিক্ষেপ করে তাঁরা সরে যেতে লাগলেন এবং ঘুরে এলেন আবার। কী যে এঁদের নীরব প্রশ্ন, স্পষ্ট তা বুঝতে পারলেও চুপ থেকে একটা সাসপেন্স সৃষ্টি করবার লোভ সংবরণ করতে পারলাম না।

এঁদের মধ্যে ছ' একজন হয়তো সাহসে ভর করে ঘরে ঢুকে পড়লেন এবং এগিয়ে এলেন পাশের সীটের বাসিন্দার কাছে, একটু ইতস্তত করে, টেবিলের ওপরকার এটা-ওটা-সেটা বৃথাই নাড়াচাড়া করে, নিরর্থক কয়েকটা মিনিট নষ্ট করে আবার আমার প্রতি একটা জ্বালাময়ী জিজ্ঞাসু দৃষ্টি হেনে পৃষ্ঠ প্রদর্শন করলেন গুটি গুটি করে। এরই মধ্যে ছঃসাহসী একজন হয়তো একেবারে প্রাণ হাতে নিয়ে এগিয়ে এলেন আমার কাছেই! কিন্তু সোজাসুজি প্রশ্ন করতে পারলেন না : আপনি ঢাকা জেল থেকে আসছেন ?

জবাব দিলাম।

নিরঞ্জন চক্রবর্তীকে চিনতেন না ?

পান্টা প্রশ্নে উত্তর দিলাম : বরিশাল শঙ্কর মঠের তো ? নিশ্চয়ই চিনতাম। আর কাকেই বা না চিনতাম! মাত্র তো শ' দেড়েক বন্দী। কারুর কাছে কি কেউ অচেনা বা অপরিচিত থাকতে পারেন ?

তা তো বটেই, তা তো বটেই।—বলে প্রশ্নকারী সন্দেহ নিরসনের জগ্গে আবার প্রশ্ন করলেন : ধীরেন সোমকে ?

হেসে বললাম : সবাইকে চিনি। অমুশীলনের চারু রায়কে চিনি, আবার মাদারীপুরের পুষ্প চাটাজ্জীকেও চিনি। বিশেষ করে, ঢাকা জেলের ভক্ষণ সমিতি দলীয় রাজনীতির উদ্ধে।

ভক্ষণ সমিতির প্রসঙ্গ আসতেই স্বভাবতঃই তার বিবরণ খানিকটে দিতে হলো এবং কিচেন ম্যানেজারের সঙ্গে জীবনব্যাপী মহাসংগ্রামে সর্বত্র জয়লাভ করে কোন্ ওয়াটারলু রণক্ষেত্রে আমাদের ভাগ্যবিপর্যয় ঘটে, তাও বিবৃত করলাম। অবশেষে করলাম পান্টা প্রশ্ন : কমেট মানে শশাঙ্ক দাশগুপ্ত কোন্ ঘরে আছেন বলতে পারেন ?

ও—শশাঙ্কবাবু! হ্যাঁ, হ্যাঁ, খুব পারি। চলুন না, নিয়ে যাই আপনাকে ওয়েষ্টার্ন ব্যারাকের চৌদ্দ নম্বরে।—আগুন।

আহ্লাদে ভ্রমলোক অকস্মাৎ ডগমগ হয়ে উঠলেন এবং উৎসাহের আতিশয্যে

আমায় সাহায্য করবার জন্ত একেবারে উন্মুখ হয়ে পড়লেন। কিন্তু তাঁর অত্যুগ্র আগ্রহের আগুনে জল ঢেলে দিয়ে আমি বলে ফেললাম : থাক, পরে ত দেখা হবেই।

কিন্তু তিনি শেষ চেষ্টা করলেন : তাঁকে ডেকে আনবো ?

না, থাক।—বলে আমি এই প্রসঙ্গের ওপর নবনিক! টেনে দিলাম। মুহূর্ত্ত খমকে দাঁড়িয়ে থেকে ভদ্রলোক চোখেমুখে খুশীর মশাল জ্বলে নিয়ে হন হন করে বেরিয়ে চলে গেলেন। মনে হলো যেন বাইরে গিয়ে সমগ্র বিশ্বকে আহ্বান করে উদাত্ত কণ্ঠে এই মহাবাণীই ছড়িয়ে দেবেন যে, অনুশীলন অথবা যুগান্তরের রিভোল্ট দল নয়, রংপুর বা দিনাজপুরের ভ্যাবাগঙ্গারাম গুপের নয়, সতীশ রায়ের সাড়ে তিনজনের পাকানো দল, এমন কি, মুখচোরা কমিউনিষ্টও নয়, একেবারে খোদ বি ভি...

ঘণ্টাখানেক পর খানার ঘণ্টা বেজে উঠলো এবং যতীশ গুহ, কমেট, মনোরঞ্জন, নীতিশ প্রভৃতির পাশেই বসলাম আসনে। ব্যস, এবার ললাটে টীকা লাগানো হয়ে গেল এবং সর্বপ্রকার গবেষণা ও আলোচনার ঘটলো পরিসমাপ্তি।

রাত দশটা পনেরো মিনিটে ঘর বন্ধ হয়ে গেলে আমার পাশের ছেলোটর পানে দৃষ্টিক্ষেপের অবসর পেলাম। ওর দাদার বয়সী তো আমি নিশ্চয়ই, কারণ অমরের বয়েস পনেরো-ষোলোর বেশী হবে কি না সন্দেহ। চেহারায় বৈশিষ্ট্য বিশেষ কিছুই নেই, তথাপি হঠাৎ একবার চাইলে আবার চাইতে ইচ্ছে করে। মুখাবরণের কোথায় যেন কী-একটা আছে লেপটে, চোখের মণিতে তার প্রতিবিম্ব হঠাৎ ঝক্ ঝক্ করে ওঠে!

গ্যাটাপারচারের ফ্রেমে-আঁটা পুরু কাচের চশমা, তার পশ্চাতে এক জোড়া রহস্যময় চক্ষু। অশ্রুমনস্কতার, ছাপ তাতে লেগে রয়েছে মনে করলে ভুল করা হবে। সে চোথকে ফাঁকি দেওয়া সহজ নয়, অথচ তাতে বুদ্ধির চোখ-ঝলসানো প্রথরতা নেই, অনেকটা উদাসীন দার্শনিকের মতো। এ্যাটম বা মলিকিউলের প্রতি দৃষ্টি যার সীমাহীন সজাগ অন্ধকার রাতে পাহারাওয়ালার লণ্ঠনের মতো, অথচ ব্যবহারিক জীবনের এলোপাথাড়ি পাগলা হাওয়ার যার শিখা অক্ষুণ্ণ কেঁপে কেঁপে ওঠে আত্মরক্ষার দাপাদাপিতে। সব্যসাচীর মতো সে পাখীর চক্ষুটিকেই শুধু দেখতে পায়, পারিপার্শ্বিক তার কাছে বিবর্ণ ও মূল্যহীন।

আলাপে জানা গেল, উড়িষ্যায় কেজ্জাপাড়ায় তার আদি বাড়ী। মেদিনীপুরে আই-এ ক্লাসে ভর্তি হয়েছিল। কর্নেল পেডি নিহত হবার পর আরও অনেকের সঙ্গে তাকেও গ্রেপ্তার করে কয়েক মাস হাজতে রাখা হয় ও পরে ছেড়ে দেওয়া হয়। মিছামিছি আবার রাজবন্দী করে পাঠিয়ে দিয়েছে বহরমপুরে।...এমনি আকুতিভরা কণ্ঠে মন্তব্য করলো যে, আশঙ্কা হলো অমরের চোখের পাতা বুঝি সিক্ত হয়ে উঠেছে!

সমরেন্দ্র পাল আমার অন্ততম রুম-মেট। সদালাপী, মিষ্টভাষী ও অত্যন্ত স্মার্ট! বিশ্ববিদ্যালয় সামরিক শিক্ষা বাহিনীর তিনি ছিলেন অন্ততম সেকশন কমান্ডার। রাইফেলের নিশানায় তিনি প্রথম স্থান অধিকার করে রৌপ্যপদক পুরস্কার পান। কলকাতার মার্জিত ভাষায় কথা বলবার শত চেষ্টা করলেও জিহ্বার প্রহরা ব্যর্থ করে দিয়ে বেরিয়ে আসে মাঝে মাঝে খাস কুমিল্লার সুর। শ্রোতা হেসে উঠলে তিনিও হাসেন। ভারী সরল।

কুমিল্লার হিমাংশু ভট্টাচার্য্যও আছেন। সেখানকার জনৈক গুপ-লীডার। কার্তিকের মতো অত্যন্ত ঘন ও কুঞ্চিত চুল, চওড়া অথচ অত্যন্ত বেঁটে প্রায় হিটলারের মত এক জোড়া গৌফ। পাতলা শুষ্ক তেজপাতার মতো দেহ আর তেমনি ক্ষুধার বুদ্ধি! যুক্তিপ্রদর্শনে তাঁর জুড়ি মেলা ভার বলে একাধিক বার প্রমাণিত হয়েছে সংবাদ পাওয়া গেল।

প্রথম রাত্রির কথা আজও মনে পড়ে। হরিমোহন এসে মশারি শুঁজে দিয়ে গেলে আমি লেপখানা মাথার ওপর টেনে - দিলাম। কিন্তু ঘুম কোথায়? দূরে কোথায় ঘন্টা বেজে চললো: বারোটো, একটা, দু'টো।...পরিচিতদের সঙ্গে আবার নতুন করে আলাপে এবং অপরিচিতদের সঙ্গে নতুন করে পরিচয়ে অনেকখানি সময়ক্ষেপ হলোও সে তো দিনের বেলা। রাত্রে এসে তো বন্ধুরা তেমন ভিড় কিছু করেনি। এমনি স্তিমিত অন্ধকারে, চোখ মেলে চেয়ে থেকে ঘন্টার পর ঘন্টা না কাটিয়ে বাড়ীতে মার কাছে চিঠি লিখলেও তো চলতো?

কিন্তু লিখবার সরঞ্জাম থাকলেই তো লেখা হয় না, লিখবার জ্ঞান চাই মন। আমার একেবারেই মন ছিল না। বহরমপুরে এসেই যেন সে মন হারিয়ে ফেলেছি। ঢাকা জেলে থাকতে অত্যন্ত যুক্তিহীন হলোও তবুও একটা ক্ষীণ আশার আলোরেখা মাঝে মাঝে মনের কোণে ঝিলিক মেরে যেত: হয়তো

অকস্মাৎ এক প্রভাতে আসবে আমার মুক্তির সংবাদ। প্রতিদিনের প্রভাত ব্যর্থ প্রত্যাশায় পাণ্ডুর হয়ে উঠলেও আগামী দিনের অনিশ্চয়তা আবার খানিকটে সতেজ করে তুললো। কনফারমন্ড হয়ে যাবার পরও মনে হয়েছে, তবু তো রয়েছি ঢাকা জেলে, আমার গ্রামের আট মাইলের মধ্যেই। দেয়ালের ওপর দিয়ে যে লাইট পোষ্টগুলো দেখা যাচ্ছে, ওরই নীচেকার রাস্তা দিয়ে কত বার যাতায়াত করেছি, নিঝুম রাতে শহরের খোয়া-ঢালা রাস্তায় পাড়া কাঁপিয়ে যে ছাকড়া ঘোড়ার গাড়ী ছুটে চলে, তার বিদ্রী শব্দ এসে কানে কত পরিচিতের গুনগুনানি গুনিয়ে গেছে, শহরের সোরগোলে যেন প্রতিধ্বনিত হয়েছে আমারই কণ্ঠ। ঢাকা শহরকে মনে হয়েছে যেন আমাদের গ্রামেরই বৈঠকখানা। অন্তরমহলে প্রবেশের অধিকার হারালেও বৈঠকখানার ফরাশে তো গা এলিয়ে পড়ে গাকবার অধিকার ছিল।...

কিন্তু বহরমপুর বন্দীশিবিরে প্রবেশের পর অকস্মাৎ মনে হলো যেন কত দূরে আমায় টেনে আনা হয়েছে। কত পাহাড় পর্বত উদ্ভিয়ে, কত সাগর পাড়ি দিয়ে, কত মরু-প্রান্তর অতিক্রম করে কোন্ পাতালপুরার লৌহ কুঠরীতে আমায় বন্দী করে রাখা হয়েছে। এ থেকে যেন আর নিষ্কৃতি নেই আমার! চক্রব্যূহে প্রবেশের পথ আছে খোলা, কিন্তু বেরিয়ে যাবার? ভাবতে গেলে সারা গায়ে কাঁটা দেয়, শরীরটা ছমছম করে ওঠে—মনে হয় জন্মজন্মান্তর ধরে এই ইস্টার্ন ব্যারাকের চার নম্বর ঘরেই আমায় মুখ খুবড়ে পড়ে থাকতে হবে।.....

তথাপি নিরাশায় ভেঙ্গে পড়বার মতো ঠুনকো মন সে যুগের বিপ্লবীদের মধ্যে একজনেরও ছিল কিনা সন্দেহ। কী করে বিপ্লব আসবে, কোথা থেকে আসবে আমাদের অস্ত্র সশস্ত্র অভ্যুত্থানে কে করবেন আমাদের পরিচালনা, কোথায় সেই জেনারেল অফিসার কমান্ডিং, এই সব তীক্ষ্ণ প্রশ্নের খুব পরিষ্কার জবাব আমরা দিতে পারতাম না সত্য। সংগঠনের পরবর্তী অধ্যায় কি, কি আমাদের কর্মসূচী, কোন্ ইন্ডুজাল-স্পর্শে অকস্মাৎ একদিন বৃটিশসিংহ ল্যাজ গুটিয়ে তার বিলিতি বিবরে অদৃশ্য হয়ে যাবে, কোন্ কর্ণধারের হাতে স্বাধীন দেশের জাতীয় গভর্নমেন্টের দায়িত্ব যথাযথভাবে পালিত হবে, ঠিক কোন্ পথে দূর হবে দেশের নিরক্ষরতা, অজ্ঞানতা, দুঃখ ও দারিদ্র্য, এ সম্বন্ধে ভাষা ভাষা ধারণা থাকলেও উৎসাহ ও উদ্দীপনা ছিল আমাদের একেবারে সীমাহীন।

সে যুগের বিপ্লবীদের মন ষ্টীমাবের বয়লারের সঙ্গে তুলনীয়। বাইরেটা অন্ধকার, শান্ত ও স্বাভাবিক, কিন্তু ভেতরে অনির্বাণ বৈশ্বানর, লক্‌লকে তার সর্বগ্রাসী শিখা! আন্তরণের কোমলতা দেখে অন্ধরের ভয়াবহতার পরিমাপ করা কঠিন। হৃদয়ে মঙ্গলতার অস্থির কঠোরতার প্রতিবিম্ব পড়ে না!.....

চলার পথে পদে পদে পেয়েছে তারা বাধা, কানে শুনেছে আসন্ন বিপদের ক্রুদ্ধ গর্জন, বিশ্বাসঘাতকতার কুশাক্ষুরে ক্ষতবিক্ষত হয়েছে তাদের দেহ, একে একে বিদায় নিয়েছে শুভানুধ্যায়ী ও সহযোগীর দল, তথাপি মুবড়ে পড়েনি, ছমড়ে যায়নি তারা, সূচীভেদ্য অন্ধকারে মাথা খুঁড়ে খুঁড়ে প্রতীক্ষা করেছে তারা এক রৌদ্রকরোজ্জ্বল প্রভাতের!.....

আলীপুর সেন্ট্রাল জেল থেকে ফাঁসীর আসামী দীনেশ গুপ্ত তাঁর দিকিকে লিখেছিলেন, “...মৃত্যুকে আমরা ভয় করি বলিয়াই সে আমাদের জুজুর ভয় দেখাইবার সাহস পায়।...” সত্যিই বিপ্লবীরা মৃত্যুকে ভয় করে না। তাকে তারা জানায় আহ্বান পবিচিতের মতো, অন্তবঙ্গের মতো কাছে ডেকে নেয়, বন্ধুব মতো করে আলিঙ্গন!

তাই জানি, এ অমানিশা কেটে যাবে, এ রাত্রি প্রভাত হবে, বহরমপুর বন্দীশিবিরের লৌহ দ্বার ছ’পাশে সরে গিয়ে সসন্মানে আবার একদিন আমার বেরিয়ে যাবার পথ উন্মুক্ত করে দেবে।.....

ভেয়

ক্রমে ক্রমে যা হয় তাই হলো, বন্দীশিবিরের সঙ্গে আমার মিতালী ঘটে গেল। এখানকার জীবনযাপনের সঙ্গে খাপ খাইয়ে নিলাম নিজেকে।

বিরাট বন্দীশিবির। আয়তন এক বর্গমাইলের কাছাকাছি। অতি দীর্ঘ ব্যারাক দু'টি, ইস্টার্ন ও ওয়েস্টার্ন। এ ছাড়া ক্ষুদ্রাকার ব্যারাক দু'টি সাদার্ন 'এ' এবং সাদার্ন 'বি'। বড় ব্যারাক দু'টির প্রত্যেক কক্ষের আয়তন অনুযায়ী হয় চার জন বা ছয় জন বন্দী থাকেন। সাদার্ন ব্যারাক দু'টির প্রত্যেক কক্ষে থাকেন চার জন করে। যুগান্তর দলের বিভিন্ন উপদল, গ্রুপ ও স্বতন্ত্র সদস্য মিলে এই ব্যারাক চারটি দখল করে রেখেছেন।

এ ছাড়া গোটা চারেক টালীর ছাউনি-দেয়া মাঝারি সাইজের ব্যারাক আছে। তাতে থাকেন অনুশীলন, রিভোল্ট দলেব সদস্যরা এবং জনকতক কমিউনিষ্ট ও গুটিকয় কংগ্রেসী।

বাসিন্দার সংখ্যা তিনশো'র ওপর। কাজেকাজেই তাদের স্নানের জায়গা, খাবার ঘর, রান্নাঘর, জালানী রাখবার ঘর, অসংখ্য কয়েদী চাকর, রাঁধুনী, ধোপা, নাপিত, ভ্রমাদার, বাগানের মালী—সব মিলিয়ে একটা আন্ত দুনিয়া বলা চলে। একটি ডিসপেনসারী আছে ও আছে ত্রিশটি বেডের একটি হাসপাতাল।

তারপর এরই মাঝে মাঝে খেলার মাঠ। সেখানে ফুটবল, টেনিস, ভলিবল, ব্যাডমিন্টন, হকি, ক্রিকেট ও বাসকেট বল খেলা হয়। যাবা ব্যারামেব অভিজ্ঞাশী, তাঁদের জন্ত গোটা দুই নানাবিধ সরঞ্জামপূর্ণ ব্যারামাগার আছে, কুস্তির আখড়াও আছে।

খোলা জায়গায় স্নানের জন্ত বিরাট চৌবাচ্চা আছে, আবার আবরু রক্ষা করে যাবা স্নান করতে চান, তাঁদের জন্ত আছে প্রায় পঞ্চাশটা বাথরুম। এক ধরনের জলের আধাব থাকে জেলের মধ্যে, যাকে জেলীয় ভাষায় বলা হয় মুড়ী। আঠারো ইঞ্চি চওড়া এবং হয়তো ত্রিশ ফুট দীর্ঘ ড্রেনের মতো। ট্যাপ দিয়ে জল এসে ভর্তি হয়ে যায়, আবার ছিপি খুলে দিলে সব জল বেরিয়ে যেতে পারে। এই দীর্ঘ গোটা চারেক মুড়ীর ওপর চাটাইয়ের বেড়া দিয়ে ঘেরা ঝাঁপের দরজাওয়াল। সারি সারি স্নানের ঘর।

রাজবন্দীদের মধ্যে অনেকের ফুলের বাগানের শখ। তাঁরা হয় নিজেদের

ঘরের বাইরেই অণবা অগ্নত্রও সুদৃশ্য ফুলের বাগান তৈরী করে নিয়েছেন। তাতে দেশী ও বিলিতি নানাজাতীয় ফুলের দঙ্গল। কেউ শখ করে পোষেন মুরগী, কেউ হাঁস, কেউ কবুতর। কাকর আবার পোষা কাঠবিড়ালীও আছে। পকেটে করে বা কাঁধে নিয়ে বেড়াতে বান, রাত্রে বালিশের পাশেই সে চুপটি করে ঘুমিয়ে থাকে। খাবারঘরে কাঁধ থেকে নেমে এসে কুটকুট করে হয়তো একটা আলু ভক্ষণ করে আবার কাঁধের ওপর উঠে বসে থাকে। অনেক সময় সারাটা দিন বাইরের গাছে গাছে জাত-ভাইবোনদের সঙ্গে খেলা করে সন্ধ্যা হতেই ফিরে আসে আমাদের ব্যারাকে, যার পোষা ঠিক তাঁর কাছে। আশ্চর্য্য পোষ মানেন এই কাঠবিড়ালী। সবার চাইতে উদ্ভট শখ দেখলাম নোয়াখালীর বীরেন কুণ্ডুর। তাঁর পোষা ছিল বেঙ্গী, সাদা বক, একটা হনুমান এবং একটা পাতি শেয়াল। কোন্ ড্রেন দিয়ে কী করে এই শেয়ালটা বন্দীশিবিরে ঢুকে পড়ে। বীরেন তাড়া করে তাকে এনে আটকে ফেলে ব্যারামাগারে। তার পর তার গলায় দড়ি বেঁধে একেবারে ছাগলের মতো নিয়ে এল নিজের ঘরে। কি করে যে হনুমান বা বক সে বন্দী করেছে, সেই জানে! তার ঘরটি একেবারে চিড়িয়াখানা, তুর্গন্ধে ভরপুর।

সত্যি, একটা পৃথক জগৎ। এখানকার হাসিকান্না, এখানকার মান-অভিমান, এখানকার প্রত্যেকটি তরঙ্গ চারখানা দেয়ালের মধ্যেই উত্তাল ও তুর্নিবার হয়ে ওঠে, আবার এক সময় এই চারখানা দেওয়ালের মধ্যেই সমাধি লাভ করে আর তার ওপর জমতে থাকে বিস্মৃতির মাটির চাপ! বাইরের জগতের কোনো উচ্ছ্বাসেরই প্রতিধ্বনি এখানে মেলে না। পরিবর্তনশীল সমাজের যেন একটি টুকরো নিশ্চয়ম হাতে এনে এই বন্দীশালায় রাখা হয়েছে বন্দী করে অনির্দিষ্ট কালের জন্তে। স্নেহ, মায়ী ও মমতায় এবং দরদী পরিবেশে বাইরে যে সুখনীড়টি গড়ে উঠতে পারতো, এখানে উষর ক্ষেত্রে পড়ে গিয়ে হয়তো তার আর্দ্রতা যাচ্ছে উবে।.....

সমগ্র বাংলা দেশের লোক এখানে জড়ো হয়েছে। পশ্চিমবঙ্গের লোক সাধারণতঃ কম, উত্তরবঙ্গের কিছু আছে, অবশিষ্ট অর্থাৎ অর্ধেকের অনেক বেশী এসেছে পূর্ববঙ্গ থেকে—ঢাকা, বরিশাল, চট্টগ্রাম, ফরিদপুর ও ময়মনসিংহ থেকে। কুমিল্লারও কিছু আছে। বন্দীদের সংখ্যা বৃদ্ধি পেতে পেতে এসে দাঁড়িয়েছে প্রায় তিনশো পঁচিশে। আর স্থান নেই।

আহারের বাবদ বরাদ্দ জনপ্রতি দৈনিক এক টাকা দশ আনা। অর্থাৎ বিরাট রসুই ঘরের গোটা দশেক চুল্লীতে প্রতিদিন পাঁচ শতাধিক টাকা মূল্যের খাদ্যদ্রব্য রন্ধন করা হয়। এত টাকা ব্যয়ের পরও মাসের শেষ দিকে দৈনন্দিন উদ্বৃত্ত অর্থের পরিমাণ বেশ মোটা হয়ে জমে ওঠে। কিন্তু এক মাসের উদ্বৃত্ত পরবর্তী মাসে টেনে নিয়ে যাওয়া সরকারী নিয়মে নিষিদ্ধ বলে প্রত্যেক মাসেই শেষ দিকে ঘনঘন করেকটা Feast বা বিশেষ ভোজনের ব্যবস্থা থাকে।

বিশেষ ভোজনের বৈশিষ্ট্য সম্পূর্ণভাবে নির্ভর করে কিচেন ম্যানেজারের মৌলিকত্ব, রুচিপছন্দ ও কর্মদক্ষতার ওপর। একজন ম্যানেজার যেভাবে করলেন অপর ম্যানেজার চেপ্টা করেন সম্পূর্ণ পৃথকভাবে করতে। এবং বলাই বাহুল্য যে, বৈচিত্র্য সৃষ্টির উন্মাদনায় অনেক সময় তা খানিকটে উদ্ভট হয়ে ওঠে। ফলে হয়তো কিছু অপব্যয় হয়; কিন্তু সে জন্তে দুঃখ করবার কারণ নেই। এটা সরকারী পরমা, বরাদ্দ অর্থে যে আমাদের অতি কাপ্টে সংকুলান হচ্ছে, সেটাই প্রমাণ করতে হবে সর্বদা, নইলে ভার্ভা কমিয়ে দেবার আশঙ্কা আছে।

মার্চ মাসের শেষাংশে এমন একটা বিশেষ ভোজনের দিন পড়লো। কিচেন ম্যানেজার সত্যাবাবু অফিসে গিয়ে ব্যবস্থা করে এলেন যে, ছ'রকম পোলাউ হবে—ঝাল ও মিঠে। আর ছাব দ'বকম মাংস—ঝোল ও কোর্মা। রান্না করবে স্বয়ং নবাব সিরাজউদ্দৌলার বাবুর্চি। ঠিক সিরাজের নয়, তবে মুর্শিদাবাদ নবাববাড়ীর খাস বাবুর্চিই আসবে জানা গেল। কিন্তু বাইরের লোকের সঙ্গে আমাদের যোগাযোগ আই বি বিভাগের অনুমতি ও উপস্থিতি ব্যতীত বে-আইনী। সুতরাং বাবুর্চিরা এসে অফিসের ওখানে রান্না করে রেখে যাবে। তারা চলে যাবার পর আমাদের সত্যাবাবু সেগুলো নিয়ে আসবার ব্যবস্থা করবেন। খাসী গোটা চারেক কিনে আনা হলো বটে, কিন্তু তা বলি দিয়ে কাটবার অধিকার আমাদের নেই। কারণ ঐ বিরাট খড়গ নিয়ে খাসীর মুণ্ডচ্ছেদের নাম দিয়ে শিবিরের কমাণ্ডাণ্ট টবিন সাহেব বা তাঁর সহকারী গিরিজা দত্তকেই যদি আমরা তাড়া করে বসি! তাদের দিয়ে তো আর খাসীর কাজ চলতে পারে না।.....

সুতরাং বাবুর্চিরাই খাসী জবাই করে নিয়ে অফিসে রান্না শুরু করলো।

আর এদিকে খাবার হল্-এ সত্যাবাবু ও জনকতক স্বৈচ্ছাসেবক অস্থায়ী ব্যবস্থায় মেতে উঠলেন।

হল্-এর মাঝখানে গোটা কয়েক তক্তপোশ জড়ো করে শুভ্র চাদর দিয়ে ঢেকে দেয়া হয়েছে। সেই মঞ্চের ওপর অর্কেট্টা দল নানা যন্ত্র বাজাচ্ছেন। দেয়ালে মাঝে মাঝে ফুলের রিং, প্রত্যেকটি খুঁটি সাদা কাপড়ে মুড়ে তার ওপর দিয়ে জড়ানো ফুলের মালা। ফরাশের ওপর অনেকগুলো ফুলদানি, তাতে বেশ বড় বড় গোলাপ ও রজনীগন্ধা। সারা হল্‌ময় সুশৃঙ্খলভাবে নয়, ইতস্ততঃ ছড়ানো অনেকগুলো ছোট টেবিল, তার চারিদিকে চারখানা চেয়ার। টেবিলের মাঝখানে একটি ফুলদানির মধ্যে থেকে রজনীগন্ধার ঝাড় গলা উঁচু করে আছে।

নিমন্ত্রিতেরা ঘেঁষে একে একে এসে হল্‌ ঘরে প্রবেশ করছেন, অমনি দরজায় তাঁদের বুকে গুঁজে দেয়া হচ্ছে একটি ছোট ফুলের তোরা আর ঝারি থেকে ছিটিয়ে দেয়া হচ্ছে গোলাপ জল।

রাত ঠিক আটটার সময় খাবার দেবার ঘণ্টা পড়লো। এসে অবধি ওয়েষ্টার্ন ব্যারাকের চোদ্দ নম্বর ঘরে আমার আড্ডা জমে গিয়েছিল। প্রত্যেক দিনই খাবার ঘণ্টা পড়লে আমরা যাই স্নান করতে এবং খাবার প্রথম, দ্বিতীয় ও তৃতীয় ঘণ্টা বেজে যাবার পর যাই দল বেঁধে খেতে। তখন বিরস্ট হোটেলের খাণ্ডাবশেষ নিয়ে আমরা বসি কেউ বারকোশ নিয়ে, কেউ বা গামলা নিয়ে, আবার কেউ কড়াইতেই। মেনু'র অনেকগুলোই হয়তো তখন শেষ হয়ে গেছে। কিন্তু তাতে দমে যাবার পাত্র আমরা নই। শুধু মুগ-ভাত হলেও আধপেটা আমরা কোনদিন খাইনে। খাওয়া সম্বন্ধে চোদ্দ নম্বরের ঔদাসীণ্য সর্বজনবিদিত।

হল্‌-ঘরে প্রবেশ করতেই যথারীতি পেলাম ফুলের তোড়া ও গোলাপ জল। খানতিনেক টেবিল জুড়ে আমরা বসলাম। যতীশবাবু, নীতিশ, কমেন্ট, মনোরঞ্জন, ভোলা বসাক, ননী চৌধুরী, চারু জোরারদার, অমর চাটার্জী, নরেন দাস, পরিমল রায়, জ্যোতিজীবন ঘোষ ও আমি। নবাবী খানা মিলবে বলে আজই প্রথম এলাম যথাসময়ে। ওদিকে আবার দশটা বেজে পনেরো মিনিটে লক্‌আপ। এর মধ্যেই সব সেরে যার যার ঘরে পৌঁছুতে হবে।

কমেন্ট ও ননী খাবার ব্যাপারে একেবারে সদাশিব। যা যখন পাওয়া যায়, তাতেই তারা খুশী, শুধু 'যতটুকুটা' একটু বিবেচনা করে দেখলেই তারা সন্তুষ্ট।

কমেন্ট বললো : এ কি, নবাবী খানার উপক্রমণিকা নাকি ?

গোটাকয়েক আঙুরের দানা মুখে ফেলে জবাব দিল ননী : আঙুর ফল যখন টক নয়, তখন নবাবী খানাতেও বোধহয় সিরাজউদ্দৌলার খোশবার পাওয়া যাবে। সবুরে মেওয়া ফলে, এ কথা ভুলছো কেন ?

ভোলাবাবু বলে উঠলেন : তারপর শাস্ত্রবাক্য রয়েছে .প্রাপ্তিমাত্রের ভক্ষয়েৎ ।
অতএব—

খাওয়া শুরু হলো। এক প্লেট করে ফল—আপেল, আঙুর, বেদানার দানা, গ্ৰাসপাতি, আখরোট, কিশমিশ, মনাক্লা, কিছু বাদাম-পেস্তা, কমলা, শশা ও এক ফালি পেঁপে আর কয়েকটা বড় সাইজের কুল। সঙ্গে জল নয়, এক গ্লাস করে ঘোলের সরবৎ।

অর্কেট্টা দল বাজাচ্ছে ইংরেজী কোনো গৎ আর আমরা টেবিলে বসে খাচ্ছি সাত্বিক আহার। অর্থাৎ পরবর্তী রাজসিক ক্রিয়াকাণ্ডের জন্তু' পাকযন্ত্রগুলিকে তালিম দিয়ে নিচ্ছি। পিটপিটে চারুবাবু বলে উঠলেন : কিশমিশগুলো ভালো করে ধোয়া হয়নি, দেখছেন বোটাগুলো রয়ে গেছে আর পেঁপেটা যেন বড্ড বেশী পাকা, গলে যাচ্ছে।

পেটরোগা চারুবাবু চিরকালই অতি সাবধানী। কিন্তু তাই বলে নীতিশ তো নয়, মনোরঞ্জনও নয়। তারা তৎক্ষণাৎ চারুবাবুর প্লেট ভারমুক্ত করে দিল। নীতিশ বললো : চারুদা, নবাবী খানা এলে আপনি এসে আমার টেবিলে বসবেন কিন্তু।

ননী বাধা দিল : যা, যা। আমার রুম-মেট ভাণ্ডাতে আধিস নে। পাশাপাশি রাত্রে শুতে হবে। তোকে দান করলে চারুবাবুকে আর ঘরে ফিরে যেতে হবে না।

কুস্তিগীর ভোলাবাবু জবাব দিলেন : তাহলে বদলী যাবো আমি। কায়েৎ-টুলীতে তোকে আমিও চিৎ করেছি বহুবার, তা ভুলিসনি তো ননী ?

পরিমল বললো : তা এখানেই হয়ে যাক না একবার। নবাবী খানার জন্তু পাকযন্ত্রীর জায়গা বেড়ে যাবে'খন।

সত্যাবাবু ঘুরে ঘুরে সবার টেবিলে তদারক করে বেড়াচ্ছিলেন। বোধহয় পরিমলের কথাটা কানে গেছে : প্রায় বক্তৃতা দেবার ভঙ্গীতে আশ্বাস-বাণী উচ্চারণ করলেন : সত্যিই নবাবী খানা! যে বাবুর্চি রাঁধছে, তার ঠাকুরদাদার বাবা কিংবা তার বাবা ছিলেন নবাব সিরাজউদ্দৌলার খাস বাবুর্চি। অফিসের

কাছাকাছি আমি ঘুরে এসেছি। একেবারে মুশিদাবাদী খোশবায়। এই এসে পড়লো বলে। আপনারা আর একটু ধৈর্য্য ধরুন।—ওহে, একখানা নতুন গং ধরো না, দীনেশ।—বলে অর্কেষ্ট্রা দলের নেতা দীনেশ দাসকে উস্কে দেবার চেষ্টা করলেন।

একখানা কেন, নতুন ও পুরানো অনেকগুলো গং বাজানো হলো এবং ঘড়ির কাঁটাও এসে ঠেকলো পুরোপুরি ন'টায়। কোথায় নবাবী খানা! সবাই অধীর ছিলেন, এবার অতিষ্ঠ হয়ে ওঠবার উপক্রম দেখা গেল। মুহু গুঞ্জন শোনা গেল এ-টেবিলে ও-টেবিলে। ছ'একটা টেবিল খালি করে নিমন্ত্রিতেরা উঠে গেলেন। বাদক দলের ফরাশও খানিকটা খালি বোধ হলো। বেগতিক দেখে একটা কোণের টেবিল থেকে পুরো ছ'ফুট দীর্ঘ করালী বিশ্বাস দণ্ডায়মান হয়ে বক্তৃতা শুরু করলেন : বন্ধুগণ, ম্যানেজার আমার কিছু বলবার অনুরোধ না জানালেও কর্তব্য পালনের তাগিদে আমি দাঁড়িয়েছি। আপনারা যে অধৈর্য্য হয়ে উঠেছেন, তা স্পষ্ট দেখা যাচ্ছে এবং তার যে যথেষ্ট যুক্তিও আছে, তাও অস্বীকার কববার উপায় নেই। আর ঘণ্টাখানেক পরই টবিনের বিউগল বেজে উঠবে আমাদের বৃকে হাতুড়ি মেরে। নবাব সিরাজ কেন, তাঁর ঠাকুন্দা আলীবর্দী কবর থেকে উঠে এসে অনুবোধ জানালেও বৃটিশসিংহের পুত্র টবিন সাহেবের হুকুম টলবে না। তাও আমরা মর্মে মর্মে জানি। কিন্তু বন্ধুগণ, এই ব্যাপারের জন্য ম্যানেজার কি করতে পারেন, তাই বলুন আপনারা? অফিসের গেটের কাছাকাছি তিনি চীৎকার করতে পারেন মাত্র, কিন্তু বাবুর্জির দাড়ি ধরে টেনে দেবার সুযোগ তাঁর কোথায়? সেই পাকশালায় তাঁর প্রবেশাধিকার আছে কি? অতএব, বন্ধুগণ—

অকস্মাৎ একটি কণ্ঠ শোনা গেল : কিন্তু ম্যানেজারের ক্যানভাস করে কি মাংসের মাত্রা কিছু বেশী পাওয়া যাবে, করালীবাবু?

করালীবাবু জবাব দিলেন : নিস্বার্থভাবে পরিস্থিতি বিশ্লেষণ করে দেয়াই আমার কাজ। তা থেকে আপনারা নিজেদের খুলীমত উপসংহার টেনে নিতে পারেন। নবাবী খানা এসে পৌছোবার এই যে অধৌক্তিক বিলম্ব, এই যে আমাদের সীমাহীন প্রতীক্ষা—

কিন্তু অকস্মাৎ দরজার দিকে মুহু গুঞ্জন শোনা গেল এবং পরক্ষণেই মিছিল করে চাকর রাঁধুণীর দল এসে প্রবেশ করলো। সবার হাতেই পোলাউয়ের

ডেকি কিংবা মাংসের বাসতি। নবাবী খানা এসে গেছে! সেই খাণ্ডবাহী মিছিলকে নিমন্ত্রিতেরা কলস্বরে এমনিভাবে অভ্যর্থনা জানালেন যে, করালী বিশ্বাস বক্তৃতার মধ্যপথেই আসন গ্রহণ করতে বাধ্য হলেন। মিছিলের শেষে প্রবেশ করলেন স্বয়ং কিচেন ম্যানেজার সত্যাবু, চোখেমুখে বিজয়ীর আত্মপ্রসাদ ঝক্ ঝক্ করছে!

দশখানা হাত বার করে তিনি মুহূর্তের মধ্যে ড'রকম পোলাউ প্লেটে সাজিয়ে দিলেন টেবিলে টেবিলে। সুবাসে পাগল হয়ে অর্কেষ্ট্রা দল একযোগে ফরাশ ত্যাগ করে টেবিল দখল করে বসে গেছেন। সবে নামানো হয়েছে, অত্যন্ত গরম। ওদিকে ঘড়ির কাঁটা সাড়ে ন'টায় এসে ঠেকেছে।

বোধহয় মনোরঞ্জনই সবার আগে জিভে ঠেকিয়েই চীৎকার করে উঠলো : ও ঝাবা, এ কি নবাবী খানা রে! এ যে দেখছি মিষ্টি একেবারে সীতাভোগের মতো। আব এই-বা কি রকম ঝাল পোলাউ? মুগ নেই, মসলা নেই, ঝাল নেই, একেবারে হাইড্রোজেনের মতো tasteless, odourless—

রবি লাহিড়ীর কণ্ঠ শোনা গেল : আর খাসীর মাংস? এ কি রে ভাই, এ যে গলে একেবারে জুস হয়ে গেছে। আর এ কি ঝোল, না ঘি আর তেলের সুরুরা?

অপর টেবিল থেকে, মতি সিং একখানা ঠ্যাং হাতে নিয়ে দাঁড়িয়ে গেল : আব এখানা? এই হাত খানেক লম্বা হাড়খানা খাসীর, না কোন কচি বাছুরের, যে বাছুর এখনো ঘাস খেতে শেখেনি, একেবারে ফুলের মতো পবিত্র

শিবদাস লাহিড়ী বাধা দিল : থাম্ মতি, থাম্, আর ব্যাখ্যা করতে হবে না।

বিমল চক্রবর্তী বললো : কেন, এতে তো দোষ নেই? শাস্ত্রে আছে হরিণ, কাছিম, আর একুশ দিন যার বয়স হয়নি, এমনি কচি বাছুর বিধবারাও খেতে পারেন।

একেবারে হাসিব ছল্লোড় পড়ে গেল।

ভোলা বসাক প্লেট ঠেলে রেখে বলে উঠলেন : না দ্বিজেনবাবু, এ নবাবী খানা আমার পোষাবে না। ও সত্যাবু, সত্যাবু কোথায়? আরে মশাই, ওবেলার খবসোলা মাছের ঝোল আর হাঁড়ির কলার এক মুঠো ভাত হবে কি?

কিন্তু কোথায় সত্যাবু? প্রায় পাঁচশো টাকা ব্যয় করে যে নবাবী খানার

ব্যবস্থা করা হলো, তা যে এমনি হবে, কি করে জানবেন তিনি? তাই বুদ্ধিমানের মতো চাকরদের ওপর ভার দিয়ে তিনি পৃষ্ঠপ্রদর্শন করেছেন।

সত্যিই, পোলাউ আর মাংসের অদ্ভুত স্বাদ। পূর্বেই বলেছি, বন্দীদের মধ্যে প্রায় সবাই পূর্ব অথবা উত্তরবঙ্গের। উত্তরবঙ্গের কোথাও কোথাও মিষ্টি দিয়ে রাঁধবার রীতি প্রচলিত থাকলেও পূর্ববঙ্গের প্রধান মসলা হলো ঝাল— শুকনো লঙ্কা হোক, কাঁচা লঙ্কা হোক, গোলমরিচ হোক, আদা হোক, নইলে নিদেনপক্ষে সরষে হোক—ঝাল তাদের চাই-ই এবং প্রচুর পরিমাণে চাই। কিন্তু এ কি খাওয়া? মিষ্টি পোলাউ আর মাংসের কোম্বার কথা ছেড়ে দিলেও ঝাল পোলাউ আর মাংসের ঝালে আর যা-ই থাক, এতটুকুও ঝাল নেই।

সুতরাং একে একে সবাই উঠে পড়লেন। ননী মস্তব্য করলো : শালা বাবুর্চি এখনো বোধহয় অফিসে আছে। যাবেন চাকরবাবু ব্যাটার দাড়িটা ছিঁড়ে দিয়ে আসতে ?

চাকরবাবু এই সব ছুপ্পাচ্য খাওয়া একেবারে স্পর্শ করেননি। ঘ্রাণেই নাকি তাঁর বমি বমি করছে। বললেন : ফল যা খেয়েছি, তাতেই আমার হয়ে গেছে। ও সব অখাওয়া আমি খাইওনি, তাই বাবুর্চির দাড়ি ছেঁড়বার উৎসাহও আমার নেই।

দেখতে দেখতে সবগুলো টেবিল খালি হয়ে গেল। টেবিল ভর্তি পড়ে রইলো সিরাজী খানা,—মিষ্টি পোলাউ, ঝাল পোলাউ, মিষ্টি মাংস আর ঝাল মাংস। বাবুর্চিদের উদ্দেশ্যে চোখা চোখা গালি বর্ষণ করে সবাই গায়ের ঝাল মেটাতে লাগলেন।

সবার শেষে হুম থেকে বেরিয়ে আসবার সময় দেখলাম, বাগ্মী করালী বিশ্বাস খালি টেবিল-চেয়ারের উদ্দেশ্যে অথবা সুপীকৃত খাওয়ার উদ্দেশ্যে তখনো ওজস্বিনী ভাষায় এক্সটেম্পোর চালাচ্ছেন : নবাবী খানা আপনাদের মনোরঞ্জন করতে পারলো না। এ থেকে এটাই প্রমাণিত হলো যে, নবাবী আমল শেষ হয়ে গেছে। পলাশীর রণক্ষেত্রে স্বাধীনতা-সূর্য্য ডুবে যাবার সঙ্গে সঙ্গে নবাবী সভ্যতা ও আচারব্যবহারও বাংলার থেকে নিশ্চিহ্ন হয়ে গেছে। আপনাদের আত্মত্যাগ, আপনাদের সর্বাঙ্গিক সংগ্রাম ও আপনাদের রক্তদানের ফলে সেই স্বাধীনতা-সূর্য্য ভারতের গগনে আবার উদ্ভিত হলেও সেই নবাবী আমল আর ফিরে আসবে না। কারণ আপনাদের সে প্রস্তুতি কোথায়? এই যে মিঠে-

পোলাউ, এই বে খাসীব লম্বা ঠ্যাং দাছ আলীবন্দী যা নাতি সিরাজকে হাতে করে থাইয়ে দিতেন—

এমন সময় শিবির প্রতিধ্বনিত করে বেজে উঠলো বিউগল। দশটা বেজে গেছে। পনেরো মিনিট সময় আছে নিজেদের ঘরে ফিরে যাবার। কাজেই করালী বিশ্বাসের বক্তৃতা মধ্যপথে থেমে গেল। খালি টেবিল-চেয়ারগুলোকেই বোধহয় অশেষ ধনুবাদ জানিয়ে করালীবাবু বেরিয়ে এলেন। বাইরে এসে বললেন : চাকু জোয়ারদারের কাছে বোধহয় দিনাজপুরের কাটারীভোগের চিড়ে আছে। যাই, এক মুঠ নিয়ে যাই। খিদেয় পেট চোঁ চোঁ করছে, দ্বিজেনবাবু!

চোদ্দ

রাজবন্দীদের খাওয়ার জন্ত গভর্নমেন্টের গোরী সেনা ব্যবস্থার পশ্চাতে আছে তাঁদের স্পষ্ট একটি কূটনীতি, বাইরের লোক তার সংবাদ রাখেন কি না জানিনে। সরকারী বরাদ্দ অর্থে আমাদের কায়ক্লেশে সংকুলান হয়, এটা প্রমাণিত কন্বার জন্ত কিচেন ম্যানেজার সর্বদাই চেষ্টা করতেন দৈনন্দিন বরাদ্দ অর্থের সবটাই ব্যয়ের। কিন্তু তা হতো না। তাই মাসের শেষ দিকে feast হতো। ফলে অপব্যয় হতো প্রচুর আর সেই অপব্যয়ের সংবাদ যে যথাস্থানে যথাসময়ে পৌঁছোত, সে বিষয়ে বিন্দুমাএ সন্দেহ নেই। ঢাকা জেলেই যে শুধু দিবাকর সেনগুপ্ত আছে, তা কি করে বলা যায়? এই বিরাট বন্দীশিবিরের বিশ্ব অমনি ক'জন দিবাকর যে আত্মগোপন করে রয়েছে এবং ইঁদুরের মতো কিভাবে যে তারা মাটির নীচে দিয়ে সূড়ঙ্গ কেটে চোরাবালির সৃষ্টি করছে, কে তার সঠিক সংবাদ রাখে? গভর্নমেন্ট এখানকার মেঝেতে সূচ পড়বার শব্দও শুনতে পান।.....

কিন্তু এর পরও আমাদের বরাদ্দ অর্থের পরিমাণ হ্রাস করা হয় না কেন? প্রয়োজনাতীত অর্থ ব্যয় করে গভর্নমেন্ট তাঁদের মারাত্মক শত্রুদের পোষন কেন? কারণ, তাঁদের একমাত্র লক্ষ্য আমাদের আরামপ্রিয় ও ভোজনপ্রিয় করে তোলা। খালিপূর্ণ দামী খাদ্য না হলে যদি আমাদের মন খারাপ হয়, তাহলে কাজে আমাদের উৎসাহ ও আগ্রহ কমে আসবে, গভর্নমেন্টের তাই

বিশ্বাস। এই সহজ লজিকের ওপর নির্ভর করেই আমাদের রাজসিক খাণ্ড ও নবাবী খানার সুযোগ দেয়া হয়। সরকারী অভীষ্ট খানিকটে সিদ্ধ হয় বৈ কি ?.....

কিন্তু অধিকাংশ ক্ষেত্রেই গভর্নমেন্টের এই নীতি ব্যর্থতার পর্যাবসিত হয়। অর্থ ব্যয় না করলে বরাদ্দ হ্রাস পাবে, আবার ব্যয় করলেও অলস হয়ে পড়বার আশঙ্কা আছে, এই উভয় সংকটকে অপরে ভয় করে চললেও আমরা করিনি। ডায়লেমার দু'টি তীক্ষ্ণ ও উন্মুক্ত হর্ণ দেখে আতঙ্কিত হয়ে পৃষ্ঠপ্রদর্শন না করে আমরা সাহসী বুলফাইটারের মতো দু'হাতে ধরে ফেলেছি তার দু'টি শিং এবং মোচড় দিয়ে দিয়েছি ভেঙ্গে বৃষপুঞ্জবের স্কন্ধ !...যেমন পেটুকের মতো খেতাম আমরা, তেমনি ব্যায়াম ও করতাম কয়েক ঘণ্টা নিরমিতভাবে। ঢাকার ছেলেরা ছিল কুস্তিতে ওস্তাদ, বরিশালের ছেলেরা ছিল প্যারালাল বারে আর কুমিল্লার ছেলেরা ছিল ভারোত্তোলনে। কোনোটাতেই প্রথম স্থান অধিকার না করলেও সবটাতেই ছিলাম আমি।

ঢাকা জেলের পুরানো বন্ধুরা এসে পড়বার পর কুস্তির আখড়া বেশ ভালো ভাবে সরগরম হয়ে উঠলো। ওয়েস্টার্ন ব্যারাকের পশ্চাৎভাগে তৈরী হলো মাটি, তাতে ঢালা হলো আধ মণ সরষের তেল। সবার দেখাদেখি ল্যান্ড্রট এঁটে আমিও নেমে গেলাম। কামাখ্যাদা'র সঙ্গে প্রথম দিনের লড়াইতেই এতখানি শ্রান্ত হয়ে পড়লাম যে, সাত রাউণ্ড কুস্তির পর আমি সংজ্ঞাহীন হয়ে পড়ে গেলাম।

প্রথম দিনের টেনিস খেলার কথাও মনে পড়ে। র্যাকেটখানা বেশী বড় ও ভারী মনে হচ্ছিল ব্যাডমিন্টন র্যাকেটের তুলনায়। রবারের বলটাও বড় জোরে ছুটে আসে জালের ওপর দিয়ে। শাটল্ ককের মতো হাওয়ার আদৌ আটকায় না। ফিরিয়ে দিতে হলেও প্রয়োজন প্রচণ্ড প্রত্যাঘাত, ব্যাডমিন্টনের মতো ঠুকুস-ঠাকুস অচল।

অতএব, প্রথম বলটাই সমস্ত শক্তি প্রয়োগ করে এত জোরে হাঁকিয়ে দিলাম যে, ক্রিকেট খেলার নিয়ম অনুযায়ী সেটা ওভার বাউণ্ডারী আট হয়ে গেল আর র্যাকেটখানা খটান্ করে এসে ঘা মারলো আমারই কপালে। চশমার ত্রিভু গেল ছুটুকরো হয়ে ভেঙ্গে আর কপাল খেঁতলে রক্ত দেখা দিল। তারপর ডাক্তার...বেনজিন সীল !

প্যারামাল বার ব্যারামের ওস্তাদ অজিত দাস, মধুসূদন দত্ত, সুধীর দাস প্রভৃতি। সবাই বরিশালের। সেখানে আমি যোগদান করলাম। রাইজিং থেকে শুরু করে অনেকখানিই ফেললাম শিখে, শুধু পিকক্ কিছুতেই হতে পারলাম না শত চেষ্টা করেও।

কিন্তু ফুটবল, ভলিবল, ব্যাডমিন্টন আর ক্যারম খেলায় আমি প্রায় অদ্বিতীয় হয়ে উঠলাম। ফুটবলে আমার কৃতিত্ব আমি যেকোন পজিশনে চমৎকার খেলতে পারি। দু'টো পা যেমন চলে, তেমনি আমার মাথাও। চশমাতে আমার পাওয়ার বেশ। তাই খুলে নিয়ে খেলি। তথাপি গোলকিপার কোন দিকে ঝুঁকে দাঁড়িয়েছে চকিতে দেখে নিয়ে ঠুক করে মাথা দিয়ে বলটি আশুত্ব অপন্ন দিক দিয়ে গোলে ঢুকিয়ে দেবাব ব্যাপারে আমার দোসর নেই। আব সাংঘাতিক বেগমান আমার শট্। পেনাল্টি হলে কোনো কৌশলের আশ্রয় না নিয়েই সোজা শট্ মারি আমি, গোলকিপার তা প্রতিহত করবার জন্তু আদৌ চেষ্টাই করে না। ভেটারেন গোলকিপার কুশাবাবু তো একবার স্পষ্টই বললেন : দ্বিজেনবাবুর কিক্ থামাতে গিয়ে কি হাতখানা খোঁজাবো ?

ভলিবলে আমার যোগ্যতম স্থান নেটে নয়, দ্বিতীয় সারির মধ্যস্থানটি। ফুটবলের সেন্টারহাফের মতো। একেবারে কেন্দ্রস্থল। দায়িত্ব সীমাহীন। বল শুধু ফিরিয়ে দিলেই হবে না, নিয়ন্ত্রিত আঘাতে ওটি জালের ঠিক ওপরে এমনভাবে তুলে দিতে হবে যাতে সেন্টার খেলোয়াড় অনায়াসে তা হয় রসগোল্লাটির মতো টুক্ করে প্রতিপক্ষের দিকের ঝাঁক। খায়গাটি দেখে ছেড়ে দেবে কিংবা চাপ মেরে একেবারে রাইফেলের বুলেটের মতো উড়িয়ে দেবে। আরো মজার ব্যাপার এই যে, আমি বল মারি দু'হাত জড়ো করে নয়, প্রায়ই এক হাতে। ফলে, আমার ক্ষিপ্ততা সবার চাইতে বেশী।

ব্যাডমিন্টনে আমার ক্রু মারা বা প্লেসিং ছিল অননুকরণীয়। গায়ের জোরে চাপ মারার চাইতে ক্রুও প্লেসিংএর দ্বারা যে কত বিজ্ঞানসম্মত খেলা দেখানো যায় হৈ হৈ ও ছোটোছুটি না করে, আমি তা দেখিয়ে দিলাম।

ক্যারম এতই ভালো খেলতাম যে, সারা শিবিরে আমরা ছিলাম চার জন, যাদের খেলা দেখবার জন্তু ভিড় পড়ে যেত। শিবদাস লাহিড়ী, মিরজুন চক্রবর্তী, দেবেশপ্রসাদ চৌধুরী ও আমি। বিজ্ঞানের চরম প্রমাণিত হতো আমাদের প্রত্যেকটি মারে। শুধু ঝড়ের মতো আঘাত দেয়া নয় এবং তার ফলে

কোথাও একটি ঘুঁটি অপ্রত্যাশিতভাবে পকেট হয়ে যাওয়া নিয়ে আত্মপ্রশংসা নয়, প্রত্যেকটি মারের পূর্বে তার ফলাফল কি নিশ্চয়ই হবে আর কি-কি হবার প্রচুর সম্ভাবনা আর কি হয়তো হতে পারে, দর্শকের সমক্ষে তা বিবৃত করে আমরা ষ্ট্রাইকার ছেড়ে দিই।

শুধু ব্যায়াম আর খেলাধুলা নয়। শিবিরে আসবার পরেই জানাজানি হয়ে গেছে যে, ১৯২৮ সালের ভারতীয় জাতীয় মহাসভার কলকাতার অধিবেশনে যে বিরাট স্বেচ্ছাসেবক বাহিনী গঠিত হয় সুভাষচন্দ্রের নেতৃত্বে, তারই 'বি' কোম্পানীর অন্তিম সার্জেন্ট ছিলাম আমি।

১৯২৮ সালে কংগ্রেসের কলকাতা অধিবেশনের সময়ের একটি ঘটনার কথা এখানে বিবৃত করা অপ্রাসঙ্গিক হবে না।

পার্ক সার্কাস ময়দানে হয়েছিল অধিবেশন। সভাপতি ছিলেন পণ্ডিত মতিলাল নেহেরু। অভ্যর্থনা সমিতির সভাপতি জে, এম, সেনগুপ্ত। ভলান্টিয়ার বাহিনীর জি-ও-সি সুভাষচন্দ্র বসু। ময়দানের কাছাকাছি প্রাচীর-ঘেরা একটি স্থানে দক্ষিণ কলকাতার 'বি' কোম্পানীর তাঁবু পড়লো। কোম্পানীর নায়ক মেজর সত্য গুপ্ত। একই তাঁবুতে মেজর গুপ্ত, কোয়ার্টার মাষ্টার বিনয় রায়, আরও দু-একজন অফিসার ও আমি ছিলাম।

যানবাহন নিয়ন্ত্রণ থেকে শুরু করে সারাটা দিন নানারকম ডিউটিতে কেটে যেত। আবার এক-একদিন 'বি' কোম্পানীর থাকতো রিজার্ভ ডিউটি। অর্থাৎ নির্দিষ্ট কোনো ডিউটি নেই অথচ প্রস্তুত থাকতে হবে সর্বক্ষণ কোনোরূপ ইমার্জেন্ট ডিউটির জন্য। যদি ডাক আসে, তৎক্ষণাৎ ছুটতে হবে, নইলে ছুটি।

প্রথম সন্ধ্যাতেই একটা অপ্রীতিকর ঘটনা ঘটে গেল। অগ্ন্যাগ্নি কোম্পানী পার্ক সার্কাস হেড কোয়ার্টার্সে আসবার পর সামরিক ইউনিফর্ম পেয়েছে, ব্যতিক্রম শুধু 'বি' কোম্পানীর বেলায়। দক্ষিণ কলকাতার ১-সি রসা রোডে মেজর গুপ্তের বাড়ীতেই আমরা ইউনিফর্ম পেয়েছি এবং তাই সেখান থেকে মার্চ করে আমরা যখন পার্ক সার্কাস এসে পৌঁছোলাম, তখন সন্ধ্যা উতরে গেছে।

কিচেন ম্যানেজার সুরেশ দাস মেজর গুপ্তকে বললেন : এই চড়া ভাত নামলেই আপনার ছেলের বসিয়ে দিন। ওরা এতখানি পথ হেঁটে এসেছে।

একটা প্রকাণ্ড বাড়ীর ঘরের ভেতর ও বারান্দার পাতা পড়েছে এবং সত্যদা' যখন এসে সুরেশবাবুর আশ্বাসবাণী ঘোষণা করলেন, তখন অগ্ন্যাগ্নি কোম্পানীর

অনেকেই পাতা দখল করে বসে গেছে। অথচ আমাদের অধিকাংশ ছেলেই স্থান পায়নি।

সত্যদা' আবার ছুটলেন সুরেশবাবুর কাছে। এবাব সুরেশবাবু নিজেই এলেন এবং সবাইকে শুনিয়ে স্পষ্ট ঘোষণা করলেন যে, পুরো বাবান্দাটা 'বি' কোম্পানীর জন্ত রিজার্ভ করা আছে এবং সবার আগে তাদেরই খাবাব দেয়া হবে। কারণ তারা এসেছে মার্চ কবে সেই দক্ষিণ কলকাতা থেকে। অত্যাণ্ড সবাই বাস-এ।

বরা পাতা দখল করে বসেছিল, তাদের মধ্যে কিন্তু কোনও চাঞ্চল্য দেখা গেল না। সত্যদা' হুকুম দিলেন : বাইরের সবাইকে তুলে দাও।

আমরা কজন চেষ্টা করলাম, ফল হলো না। বাস-এ আসা আর হেঁটে আসা যে অনেকখানি তফাৎ, তা বুঝতে চাইলো না কেউ। অবশেষে যখন কিচেন ম্যানেজারের নির্দেশের পুনরুক্তি কবলাম, তখন তারা রীতিমত কড়া মন্তব্য করলো : ম্যানেজারের পক্ষপাতিত্ব মেনে নিতে আমরা বাধ্য নই।

সুতরাং এবার এগিয়ে এলেন মেজর গুপ্ত। এক-একজনের সঙ্গুথে যাচ্ছেন আর জিজ্ঞেস করছেন : Which Company do you belong to? A? C? D?—Please vacate the seat, it is reserved for B Company boys—get up, get up please—

প্ৰীজ করবাব জন্ত সত্যদা' যতই নরম ভাষা ও মোলায়েম স্লব প্রয়োগ করুন না কেন, দখলকারীদের মধ্যে প্রথমটা তেমন সাড়া পাওয়া গেল না। ওরা কেউ কেউ একটু নড়েচড়ে বসলো মাত্র, জনকতক এদিক থেকে উঠে গিয়ে আবার অন্যদিকে বসে পড়লো। এবার আমরাও যোগ দিলাম সত্যদা'র সঙ্গে। বিভিন্ন কর্তে অমুরোধের সুরটা যেন এবার একটু বেশুরো হয়ে উঠলো, কেউ কেউ এটা যে প্ৰীজ করবার মিনতি, সেটা ভুলে গিয়ে প্রায় আদেশের কর্তেই প্রয়োগ করতে লাগলো।

এবার পিল পিল করে নেমে গেল সবাই বাবান্দা থেকে। কিন্তু নীচেই দাঁড়িয়ে রইলো। ইতিমধ্যে গরম গরম ভাত এসে গেছে। ডাল, তরকারি ও মাছ তো আগে থেকেই আছে। হাতা, পস্তি ও চামচে নিয়ে আমরা ঠোরে প্রবেশ করলাম।

পরিবেশনের পাত্রগুলোতে ঢালাঢালি করে আমরা সব গোছগাছ করে

নিচ্ছি, এমন সময় বারান্দার নীচে থেকে কার কণ্ঠ শোনা গেল : এমন selfish তো আর দেখিনি, সবাইকে তুলে দিয়ে নিজেদের পেট ভবাতে বসে গেল ? কান খাড়া করলাম ।

আবার কে যেন মন্তব্য করলো : জানিসনে, 'বি' কোম্পানী যে পোষ্যপুত্র তার পেট আগে ভরাতে হবে না ?

সঙ্গে সঙ্গে প্রতিবাদ : কাঁটা মারি তোর পোষ্যপুত্রকে ! এমন partiality আমরা বরদাস্ত করবো না । কেন, আমবা ভলাটিয়ার নই ? অমনি মেজর অনেক দেখেছি ।

থমকে দাঁড়ালাম । গোছগাছ বন্ধ হয়ে গেল । যাবা পাতা পেতে বসেছিল, তাদের চাঞ্চলাও অকস্মাৎ স্তব্ধ হয়ে গেল ।

বাইরে থেকে হাসির শব্দ ভেসে এল । জনকয়েকের মিলিত হাসি । তারপর কে যেন বলে উঠলো : তোরা উঠে এলি কেন ? কেন নেমে এলি সুড় সুড় করে ?

আর-একজন বললো : বসে থাকলেই পাবতিস, দেখতাম কেমন মেজর সাহেবের ক্ষ্যামত !

আবার মিলিত হাসি । একজন বিদ্রূপ করলো : মেজর সাহেব ! কলকাতা শহরে অমনি মেজর কর্পোরেশনের ডাষ্টবিনে পাওয়া যায় । আবার সমবেত বিদ্রূপাত্মক হাসি ।

বারান্দায় বেরিয়ে এলাম হাতা খস্টি হাতেই । সত্যদা' লম্বা বারান্দার অপর প্রান্তে ছেলেদের ভালো করে বসিয়ে দেবার কাজে ব্যস্ত ছিলেন । নিশ্চয়ই এদের মন্তব্য ও হাসি শুনতে পাননি । আমাদের হাতা খস্টি দেখতে পেয়ে ছুটে এলেন : এ কি, তোমরা যে দাঁড়িয়ে রয়েছ ? খাবার distribute শুরু করে দাও—

নীচের ওরা তাঁকে দেখতে পেয়ে এবার সোজাসুজি সত্যদা'কে উদ্দেশ্য করেই বলে বসলো : দেখ সত্য গুপ্ত, এটা ঢাকা শহর নয়, কলকাতা । ঐ ঢাকার মাতব্বর এখানে চলবে না—

থমকে দাঁড়ালেন মেজর গুপ্ত । আমরা তাঁর পাশে এসে দাঁড়াতেই হুকুম করলেন : I say hoot them out !

ব্যস, আর যায় কোথা ! আমরা এই হুকুমেরই প্রতীক্ষা করছিলাম । হাতা ও খস্টি হাতিয়ারের মতো উঁচিয়ে ধরে মুহূর্তে আমরা কাঁপিয়ে পড়লাম ওদের ওপর । চললো হাতিয়ার এলোপাথারি ।

কায় কোথায় আঘাত লেগেছিল জানিনা। পরে শুনেছিলাম জন সাতকে
অথম হয়েছে।

প্রথম দিনেব এই অপ্রীতিকর ঘটনায় আমরা যে একেবারেই ত্রুণিত হলাম
না, তা নয়। কিন্তু সত্যদা'কে আদৌ বিচলিত দেখা গেল না। সামরিক
বাহিনীর রীতি নীতি সম্বন্ধে কংগ্রেস শিবিরে যোগদানের পূর্বে দক্ষিণ
কলকাতার দৈনন্দিন কুচকাওয়াজের সময় যতটুকু জানতে পেরেছি, তাতে মনে
হচ্ছিল, জি ও-সি স্মভাষচক্র এ ঘটনায় ক্ষুব্ধ হবেন এবং হয়তো অন্ততঃ ভৎসনা
করবার অগ্র মেজরকে ডেকে পাঠাবেন হেড কোয়ার্টার্সে।

ডেকে পাঠালেন সত্যি। ভৎসনা করবাব অগ্রই হয়তো ডেকে পাঠিয়েছিলেন।
কারণ অগ্রাণ্ড কোম্পানীর ভলান্টিয়াররা একটি বিব্যাট বাহিনীরই অন্তর্ভুক্ত 'বি'
কোম্পানীর মতো। অগ্রায়ভাবে যদি তাবা খাবার আসন দখল কবে বসেছিল,
তাহলে সেটা জানানো উচিত ছিল উর্দ্ধতন কর্তৃপক্ষকে। নিজেব হাতেই আইন
নিয়ে ওদের ওপব চড়াও হওয়া গর্হিত কাজ হয়েছে। আবাব সত্যদা'কেও শুধু
কর্মে নয়, মর্মে মর্মে চিনি। একখণ্ড ইম্পাত! ট্যাম্পার্ড ষ্টীল। সামান্যতম
আঘাতেও তাতে ঠুক কবে নয়, ঠন্ করে আওয়াজ শোনা যায়। যাকে অগ্রায়
বলে মনে হবে, এই ইম্পাতের ছুরি তা ছ'ক্ষাক করে কেটে ফেলবে।—না শুধু
ছ'ক্ষাক নয়। কুচি কুচি কবে কেটে টুকবো টুকবো কাগজের মতো বাতাসে
উড়িয়ে দেবে।

তাই শঙ্কিতমনে অপেক্ষা করছিলাম শিবিরে। জি-ও-সির সঙ্গে হয়তো ঝগড়া
করেই ফিরে আসবেন মেজর সত্য গুপ্ত। এলেনও অনেকক্ষণ পর গভীর রাত্রে।

কিন্তু জানতে পেরে নিশ্চিত হলাম যে, ভৎসনা করতে গিয়ে জি-ও-সি
মেজরকে বন্ধু করে ফেলেছেন।

বোধহয় ইম্পাতের সঙ্কান পেয়ে গেছেন স্মভাষচক্র!

কিন্তু কংগ্রেসের, যতদূর মনে পড়ে, তৃতীয় দিনের অধিবেশনে সন্ধ্যার দিকে
একটা দারাত্মক ঘটনা ঘটে গেল।

'বি' কোম্পানীর সেদিন বিজার্ড ডিউটি। তাই আমরা সন্ধ্যামণ্ডপের
অভ্যন্তরে প্রধান রাস্তার ছ'পাশে সার বেঁধে বসেছিলাম মুক্তি-তে অর্থাৎ সাদা

পোষাকে। মেজর গুপ্ত ও ঘোরাঘুরি করছিলেন সাদা পোষাকে। আমি বসেছিলাম সভামঞ্চের নীচেই। সভামঞ্চের ওপর মহাত্মা গান্ধী, মতিলাল নেহেরু, জওহরলাল নেহেরু, সর্দার প্যাটেল প্রমুখ নেতাদের সঙ্গে জি-ও-সি সুভাষচন্দ্র ও বসেছিলেন সাদা পোষাকে। সেদিনই তিনি তাঁর সেই অবিদ্বন্দ্বীয় প্রস্তাব উত্থাপন করবেন, যাতে ব্রিটিশ গভর্নমেন্টকে নির্দিষ্ট সময়ের আলটিমেটাম দেবার কথা ছিল এবং বলা হয়েছিল যে, ব্রিটিশ গভর্নমেন্ট নির্দিষ্ট সময়ের মধ্যে এ দেশ ত্যাগ কবে চলে না গেলে দেশে প্যালাল গভর্নমেন্ট স্থাপন কবে আরও জোরদার আন্দোলন চালানো হবে।

হঠাৎ দেখলাম, অভ্যর্থনা সমিতির জনৈক অ-বাঙালী মহিলা সদস্য তাঁদের জন্ত নির্দিষ্ট স্থান ত্যাগ কবে একেবারে মঞ্চের সিঁড়িতে এসে দাঁড়িয়েছেন এবং হাত নেড়ে ক্রুদ্ধ স্বরে কাকে উদ্দেশ্য করে কি বলছেন। তখন বস্তুত করছেন জওহরলাল।

জি-ও-সি উঠলেন। সিঁড়ি বেয়ে নীচে নেমে এলেন কাগজ-পত্র-ফাইল হাতে নিয়েই। দেখলাম, তাঁর সঙ্গে সঙ্গে নেমে এসেছেন এ-আই-সি-সির সদস্য আমাদের বড়দা' হেমচন্দ্র ঘোষ। আমিও একটু এগিয়ে গেলাম।

সুভাষচন্দ্র বড়দা'কে বললেন : আপনি একবারটি যান তো, মেডিক্যাল ভলান্টিয়ারদের গিয়ে বলুন যে, মহিলাদের এলাকায় লেডি ভলান্টিয়াররাই থাকবে। ফার্ট এড যদি দরকার হয়, তাহলে তাদেরকে খবর দেয়া হবে। ওদিকে তাঁরা যেন ঘোরাঘুরি না করেন।—দেখছেন তো, এই মহিলাটি exception নিয়েছেন।

মহিলাটি সুভাষচন্দ্রের আশ্বাস পেয়ে বড়দা'র পশ্চাতে চলে গেলেন। আমি এসে আবার নিজের স্থানটিতে নীরবে বসে পড়লাম। দূরে দেখলাম, সত্যদা' মণ্ডপে প্রবেশ করে এদিকেই আসছেন।

মিনিট দশেক পরেই অকস্মাৎ দেখলাম, চোখমুখ রক্তবর্ণ করে ত্রস্তপদে ফিরে আসছেন বড়দা'। সিঁড়ির নীচে আসতেই আবার ত্রস্তপদে নেমে এলেন সুভাষচন্দ্র। ইতিমধ্যে সত্যদা'ও প্রায় এসে পড়েছেন। আমিও উৎকর্ণ হলাম।

বড়দা' বললেন : আপনার কোনো নির্দেশই মেডিক্যাল ভলান্টিয়াররা শুনতে রাজী নয়। তারা বলেছে, আমরা সব জায়গায় যাব। মেয়েদের এলাকায় যেতে না-দেবার আদেশ আমরা মানবো না।

এমনি কথা! বলে উঠলেন সুভাষচন্দ্র : ওদের মেজর কোথায় ?

শুধু কি তাই? বললেন বড়দা' : আপনার নির্দেশ জানাতে গিয়ে আমি insulted হয়েছি।

Insulted! সম্মুখে এগিয়ে গেলেন সত্যদা' : কে insult করেছে? কোথায় সে?

দেখলাম সত্যদা'ও যেমন ক্রোধে কাপছেন, তেমনি ক'ছেন বড়দা'। বড়দা' সত্যদা'কে দখতে পেয়েই বলে উঠলেন : সত্য, মেডিক্যাল ভলান্টিয়াররা আমার ধাক্কা দিয়ে ফলে দিয়েছে—

ধাক্কা দিয়েছে। ফলে দিয়েছে। those scoundrels। গর্জন কবে উঠলেন সত্যদা'।

তাবপবেব পনেরো মিনিট বোনহন পনেবো। সকেগুইশেষ হয়ে গেল। 'বি' কোম্পানীর রিজার্ভ বাহিনী মগুপ ত্যাগ করে বাইরে চলে এল। শিবিরে সংবাদ চলে গেল। সেখানে কোয়ার্টার মাষ্টার বিনয় বায় ম্যাগাজিন খুলে দিলেন, সবাই লাঠি তুলে নিল। শিবিরে বাইরে বাস্তায় ফল্-ইন। সবাদ এল, মেডিক্যাল ভলান্টিয়াররাও বেডি হয়ে অপেক্ষা করছে তাদের হেড কোয়ার্টারের সন্নিকটে শিবির হাসপাতালে। স্মতরাং—

স্মতরাং এগিয়ে চললো 'বি' কোম্পানী মার্চ কবে। সম্মুখে অধিনায়ক মেজব সত্য গুপু আর পেছনে আমবা চারজন সার্জেন্ট। মগুপের পাশের রাস্তা দিয়ে এগিয়ে যাবার সময় লাউডস্পীকাবে শানা বাচ্ছে তখন স্মতাধচন্দ্রের ভাষণ ..

তখন চারিদিক অন্ধকার হয়ে এসেছে। রাস্তার আলোগুলি জলে উঠছে। আমবা এগিয়ে চলেছি মেডিক্যাল ভলান্টিয়ারদের মোকাবিলা করবাব জন্ত।

শিবির হাসপাতালের সম্মুখে এসে বাহিনী হন্ট করলো। মেজবের হুকুম শোনা গেল : লেফ্ট টার্ন—চার্জ! হুড়মুড় কবে ঢুকে পড়লাম শিবিরের অভ্যন্তরে। লাঠি চললো, লাঠি চললো, চললো পেতলের পাঞ্চ। ছুটোছুটি, হুড়োহুড়ি, হুলা ও চীৎকারে একটা বিপর্যয় কাণ্ড ঘটে গেল। তারপরই আবার শোনা গেল মেজবের হুকুম : সিজ এ্যাটাক! ফল্-ইন! রাইট টার্ন! কুঠক-মার্চ! আবার মার্চ করে চললো 'বি' কোম্পানী নিজেদের শিবির অভিমুখে।

প্রাচীর-খেরা যে স্থানটিতে আমাদের শিবির পড়েছিল, তার প্রধান গেট-এ ক'জন ভলান্টিয়ার দাঁড়িয়ে গেল আর তাদের নাকক নিযুক্ত হলেন সার্জেন্ট দেবেন বোস। সে বুগে ভবানীপুর অঞ্চলে দেবেনবাবুকে চিনতেন না, এমন

লোকই ছিল না। যেমন দীর্ঘায়ত স্বাস্থ্যসম্মত চেহারা, তেমনি বে হিসাবী সাহসু। সে যুগে তিনি ঐ অঞ্চলে 'দবা গুণ্ডা' নামে বিখ্যাত ছিলেন। জনসাধারণেব শ্রদ্ধাভবে দেয়া নাম।

একই শিবিরে ছিলাম সত্যদা' ও আমি। তাঁর আদেশে শুধু শিবিরেব আলো নয়, শিবিরেব বাইরেকাব আলো গুলোও নিভিয়ে দেয়া হয়েছে। সংবাদ পাওয়া গেছে যে, মেডিক্যাল ভলান্টিয়ারদের বাবো চোদ্দজন আহত হয়েছে এবং এই অপমানের হাতে হাতে শোধ নেবাব জন্য তাবা মেডিক্যাল কলেজেও জরুরী বাস্তা পাঠিয়েছে। সেখান থেকে আরও লোক এসে গেলেই সম্ভবলে তারা 'বি' কোম্পানীর শিবির আক্রমণ করবে। অন্ধকার শিবিরে পশ্চত হয়ে বসে আমরা সেই আক্রমণেবই প্রতীক্ষা কবচ্ছিলাম।

অকস্মাৎ বাইরে খট্ কবে বুটের আওয়াজ পাওয়া গেল। মেজর গুপ্ত বাইবে আসতেই সার্জেন্ট বোস শ্যালুট করে বললেন যে, জি ও-সি ও গ্র্যাডজুটেন্ট প্রভুল ভট্টাচার্য্য এসেছেন। গেট-এ তাঁদের আটকে বাধা হয়েছে। মেজরের হুকুম ছাড়া আসতে দেয়া যাবে না।

মেজর অল্পমাত্র 'দলেন। আবাব খট্—শ্যালুট—সার্জেন্ট গট শট কবে চলে গেলেন। আমরা অন্ধকার শিবিরে প্রবেশ কবলাম। ঐ অন্ধকারেই একজন ভলান্টিয়ার অগ্ন্যাগ্ন শিবিরে সংবাদ দিয়ে এল, জি-ও-সি আসছেন।

একটু পরেই অকস্মাৎ বাইরে জলদগম্ভীর সুরে আদেশ শোনা গেল : 'বি' কোম্পানী, ফল্-ইন।

কিন্তু এ তো মেজর সত্য গুপ্তের আদেশ নয়। স্মরণ্যে একটি ভলান্টিয়ারও শিবির ত্যাগ কবে বাইবে এল না।

সামরিক রীতি অনুযায়ী জি-ও-সি যদি কোনো কোম্পানীকে ফল্-ইন করতে চান, তাহলে ঐ কোম্পানীর অধিনায়ক মেজরকে তিনি হুকুম করবেন আর মেজর তৎক্ষণাৎ সে হুকুম পালন করবেন। সামরিক রীতি-নীতি খুব ভালো করেই জানেন সুভাষচন্দ্র, কিন্তু বুঝতে পারলাম একটু আগের ঘটনাতে তিনি অত্যন্ত বিচলিত, তাই নিজেই অর্ডার দিয়ে বসেছেন। ভুল হলেও তা জি-ও-সির অর্ডার। তাই মেজর গুপ্ত তৎক্ষণাৎ বেরিয়ে এলেন, সামরিক কার্যদায় অভিবাদন জানিয়ে এবার তিনি নিজে উচ্চৈঃস্বরে আদেশ করলেন : 'বি' কোম্পানী, ফল্-ইন।

তৎক্ষণাৎ ফল্-ইন করলো 'বি' কোম্পানী, প্রতিটি অফিসার, প্রতিটি ভলান্টিয়ার জি-ও-সির সম্মুখে।

কোথাও কোনো আলো জ্বলা হয়নি তখনও। দূরে রাস্তার আলোর আভা এসে পড়েছে প্রাঙ্গণে, জি ও-সির মুখে, ভলান্টিয়াবদের হাতের দীর্ঘ লাঠিতে।

সুভাষচন্দ্রের গম্ভীর কণ্ঠ শোনা গেল : আজ সন্ধ্যায় আপনারা একটি অগ্নায় কাজ করেছেন।

ক্ষণেক নীরবতা। সুভাষচন্দ্র বললেন : আপনারা মেডিক্যাল ভলান্টিয়ারদের অফিস আক্রমণ করেছেন, বহু দামী দামী ওষুধ নষ্ট করেছেন, আপনাদের লাঠির আঘাতে চোদ্দজন মেডিক্যাল ভলান্টিয়ার আহত হয়েছেন। তাঁদের মধ্যে তিনজনের আঘাত গুরুতর। আপনারা ঘোবতর অগ্নায় করেছেন।

নিশ্চয়ই অগ্নায় করিনি—এক পা এগিয়ে গেলেন মেজর গুপ্ত : মহিলাদের সম্মান রক্ষা করে যারা চলতে জানে না, তাদের ওপর যারা হামলা করে, তাদের আমরা উচিত শিক্ষা দিয়েছি—

কিন্তু আপনারা হাসপাতাল আক্রমণ করেছেন—

নিশ্চয়ই করেছি, কারণ অগ্নায়কারীরা ঐ হাসপাতালে আশ্রয় নিয়েছিল। জবাব দিলেন মেজর : আপনি যদি মনে করেন আপনার আদেশ লঙ্ঘন করা হয়েছে—I agree and I declare I am a rebel—

সঙ্গে সঙ্গে সমবেত কণ্ঠে গর্জন করে উঠলো 'বি' কোম্পানীর প্রত্যেকটি জোয়ান : We are also rebels, we are also rebels—

স্তব্ধ হয়ে গেলেন সুভাষচন্দ্র। গৌরবর্ণ প্রশস্ত ললাটে কোনো রেখা ফুটে উঠেছিল কিনা, পুরু কাচের অন্তরালে আয়ত চক্ষুছটিতে ক্ষোভের অগ্নিকণা চক চক করে উঠেছিল কিনা, স্তিমিত আলোর আভায় তা স্পষ্ট দেখতে পেলাম না। কিন্তু বেশ বুঝতে পারলাম, একটি একটি করে সেকেণ্ড কেটে যাচ্ছে আর পরিস্থিতি মারাত্মক থেকে মারাত্মকতর হয়ে উঠছে। কিংবা হয়তো তা হচ্ছে না। চলিষু সময় থেমে গেছে। কালের ঘড়ি বন্ধ হয়ে গেছে। এখনই হয়তো সমস্ত বাতাস নিঃশেষ হয়ে যাবে। নিঃশ্বাস নিতে কষ্ট হচ্ছে।

পাথর হয়ে দাঁড়িয়ে রয়েছেন সুভাষচন্দ্র।

অকস্মাৎ এগিয়ে এলেন প্রতুল ভট্টাচার্য। সত্যদা'কে এক পাশে টেনে নিয়ে গিয়ে অশ্রুটস্বরে যা বললেন, সবটাই স্পষ্ট শুনতে পেলাম : শোন সত্য,

কংগ্রেসের পর সুভাষবাবু সারা বাংলা দেশে স্থায়ী ভলান্টিয়ার বাহিনী তৈরী করবেন। তোর কথা আমি ঔঁকে সব বলেছি। ঔঁকে এখন বাধা দিসনে! ঔঁর পরিকল্পনাটা তাহলে নষ্ট হয়ে হাবে। প্লীজ—

বাস্, এতেই কাজ হয়ে এল। আবার এগিয়ে গেলেন মেজর গুপ্ত, জি-৩-সিকে সম্বোধন করে বললেন : স্যার, আমার কথা আমি withdraw করছি, যা ঘটেছে তার সমস্ত দায়িত্ব আমি গ্রহণ করছি and I surrender myself to you—

তৎক্ষণাৎ 'বি' কোম্পানীর জওয়ানদের কণ্ঠ প্রতিধ্বনি তুললো : We also surrender, we also surrender—

পাথরের মৃতি এবার নড়ে উঠলো, মৃতির প্রস্তরীভূত অধরে লাধা ফুটলো। শোনা গেল আবার গম্ভীর স্বর : রেগুলার যুদ্ধেও কখনো হাসপাতালের ওপর আক্রমণ চালানো হয় না। বোম্বার বিমান রেডক্রস আঁকা হাসপিট্যাল শিপগুলিকে এড়িয়ে যায়। আপনারা হাসপাতাল আক্রমণ করেছেন and even some patients have been wounded ! আপনারা অগ্নায় করেছেন।

নীরবে জি-৩-সির ভংসনা মেনে নিলাম। একটু পর তিনি আবার বলতে লাগলেন : যদি আমাদের এই ভলান্টিয়ার বাহিনী রেগুলার আন্নি হতো, তাহলে এই অগ্নায়েব জন্তু মারা দায়ী, তাঁদের কোর্ট মার্শাল হতো। কিন্তু এটা আমাদের জাতীয় স্বেচ্ছাসেবক বাহিনী। তাই, এই অগ্নায়েব জন্তু মারা দায়ী, আমি তাঁদেরকে গ্রেপ্তার করে নিয়ে যাব—

এগিয়ে গেলেন মেজর গুপ্ত : আমি দায়ী।

এগিয়ে গেলেন কোয়ার্টার মাস্টার বিনয় রায় : আমিও দায়ী।

এগিয়ে গেলেন সার্জেন্ট দেবেন বোস : আমিও।

তারপর আমি এগিয়ে গেলাম, আমার সঙ্গে অগ্নাণ্ড সার্জেন্ট ও সেকশন কমান্ডাররাও : আমরাও দায়ী।

সমগ্র 'বি' কোম্পানী এক-পা এগিয়ে এল এবং সমবেত কণ্ঠে উচ্চারণ করলো : এই কাজের জন্তু আমরা সবাই দায়ী। We surrender to you—

সুভাষ বললেন : আপনাদের discipline ও moral courage-এর আমি প্রশংসা করি। কিন্তু সবাইকে আমি গ্রেপ্তার করবো না। আমি গ্রেপ্তার করলাম মেজর সত্য গুপ্ত, কোয়ার্টার মাস্টার বিনয় রায় ও সার্জেন্ট দেবেন

বোসকে । তারপরই শোনা গেল জি-ও-সির আদেশ : These three of you, follow me !

জি-ও-সির পশ্চাতে মার্চ করে বেরিয়ে গেলেন তারা । আমরা শিবিবে এসে প্রবেশ করলাম ।

আসল কথা, বহরমপুর বন্দী শিবিরের নেতৃত্বনীয় ঝরা, সামরিক শিক্ষাব কথা তাঁরা কিছু দিন ধবেই বিশেষভাবে চিন্তা করেছিলেন । সুভাষচন্দ্রের বেঙ্গল ভলান্টিয়ার্স বাইবে জেলায় জেলার মে আলোড়ন সৃষ্টি কবেছিল, শিবিরে আসবার পব .স শিক্ষাদান স্থগিত থাকবে কেন ? সমগ্র বাংলা দেশে বিপ্লবী কক্ষীরা এখানে এসে জমায়েৎ হয়েছেন । গিওরী বণ্ডানিই জানা থাক না কেন, প্যাভেড ও ব্যায়ামের মাপামে হাতে কলমে সামরিক নিয়মানুবর্তিতা ও কুচকাওয়াজ আয়োপান্ত শিক্ষালাভ কবে স্ব স্ব কক্ষ এলাকায় ফিরে গিয়ে তাঁরা এমনি স্বেচ্ছাবাহিনী গড়ে তোলবার সুযোগ পাবেন । এতে সামরিক মনোবৃত্তি গঠন করা সহজ হবে । হিংসায় বিশ্বাসী বিপ্লবীদের মৈনিকের হিম্মৎ থাকা আবশ্যিক ।

অনুশীলনের সদস্যরা সংখ্যায় আমাদের এক-তৃতীয়াংশ হলেও এবং তাঁদের পৃথক্ কিচেন ও পৃথক্ ব্যারাক হলেও স্বেচ্ছাবাহিনী গঠন ব্যাপারে তাঁরা যুগান্তরের সঙ্গে পূর্ণ সহযোগিতাব প্রতিশ্রুতি দিতে দ্বিধা করলেন না ।

অতএব, ১৯৩২ সালের এপ্রিল মাসের এক শান্ত সকালবেলার অকস্মাৎ শিবির কম্পিত করে বেজে উঠলো জানেব ঘণ্টা নয়, খাবার ঘণ্টা নয়, ঢাকা জেলের সেই পাগলা ঘন্টিও নয়, বহরমপুর ডিটেনশন ক্যাম্প ইনফ্যান্ট্রির কুচকাওয়াজের ঘন্টা, আর ছড় ছড় কবে বেরিয়ে এসে সবাই ফল্-ইন করলো ইস্টার্ন ব্যারাকের পূর্ব-দক্ষিণ কোণের মাঠটিতে । সংখ্যায় তারা প্রায় আড়াইশো । অনুশীলন আছে, যুগান্তর আছে, দল আছে, উপদল আছে, গ্রুপ আছে, স্বতন্ত্রেরা আছে, পরিচয়হীনরা আছে, রিভোল্ট আছে, এমন কি কম্যুনিষ্টরাও আছে , আর, সবার সম্মুখে উন্নত বন্ধে এসে দাঁড়িয়েছে ইনফ্যান্ট্রির জেনারেল অফিসার কমান্ডিং, সর্বাধিনায়ক হিউজেন গদ্বোপাধ্যায় ।

আমার প্রপান অডারলি সেই রহস্যময় চক্ষু উদাসীন দার্শনিক অমর চাটাজ্জী ।

কিন্তু বিভ্রাট বেধে গেল প্রথম দিনেই।

ঠিক সাতটাতে ঘণ্টা বাজাবার কথা ছিল। কিচেন ম্যানেজারের ঘণ্টা। যখন পাঁচ মিনিট বাকি, তখন অমরকে আসতে না দেখে কামাখ্যাদা' পাছে দেবী হয়ে যায়, এজ্ঞ নিজেই ঘণ্টা বাজিয়ে দেন। কিন্তু তখনো তিন মিনিট বাকি ছিল। যথাসময়ে অমর সেখানে এসে তাঁকে ঘড়ি দেখিয়ে দেয়।

সামরিক নিয়মানুবর্তিতা অত্যন্ত কঠোর। সেখানে তিন মিনিট হেলায়-ফেলায় উড়িয়ে দেবার মতো নয়, প্রতিটি সেকেন্ড মূল্যবান!

স্মরণ—

স্মরণ জি-ও-সির ছকুম এলো : কমরেড্‌স, এ্যাটেন—শন।

পাথরের মতো সবাই দাঁড়িয়ে গেল। একেবারে নিশ্চল, নিঃশ্বাস পড়ছে কিনা সন্দেহ।

জি-ও-সি খট করে বুটের আওয়াজ কবে প্রত্যেকেই সম্মুখে দাঁড়িয়ে তার পোষাক পরিচ্ছদ, বেন্ট প্রভৃতির সামান্য ক্রটিগুলি শুধরে দিতে লাগলেন। কিছু সৈন্য প্রথম দিনেই সামরিক খাঁকি পোষাক সংগ্রহ করে উঠতে পারেনি, জনকতক বয়স্ক লোক সঙ্কোচবশে সংগ্রহ করেও পরিধান করেননি।

Number : জি-ও-সির আদেশ এল। ওরান, টু, থ্রি করে সংখ্যা উচ্চারিত হতে হতে এসে ঠেকলো ছ'শো আঠারো।

তারপর মুহূর্তমাত্র নীরবে থেকে ছকুম এল : Orderly fall out !

লাইন থেকে এক পা এগিয়ে এসে অমর বুটের আওয়াজ তুলল : খট।

—Who rang the bell earlier ?

অমর ঘটনা যথাযথভাবে বিবৃত করলো এবং আদেশ পেয়ে আবার লাইনে ফিরে গেল।

এবার কামাখ্যাদা'র পাল। দলীয় নিয়মানুবর্তিতায় কামাখ্যাচরণ রায় আমার দাদা—শ্রদ্ধের ও সম্মানার্থ। সেখানে সর্বদাই তাঁকে সমীহ করে চলাই আমার কর্তব্য। কিন্তু প্যারেড গ্রাউণ্ডে আমি জি-ও-সি, বি-ডি-সি-আইয়ের সর্বাধিনায়ক আর কামাখ্যাচরণ রায় সেই ইনফ্যান্ট্রির সামান্য প্রাইভেট। কামাখ্যাদা' আর দ্বিজন নয়, এখানে মেজর জেনারেল গ্যাংগুলী আর প্রাইভেট রয়। সামরিক সংবিধানে দাদা-ভাই নেই। অতএব—

—Private Roy, fall out.

কামাখ্যা' সামরিক কারদায় লাইন থেকে বেরিয়ে এলেন। সম্মুখে গিয়ে দাঁড়ানো উন্নতবক্ষে প্রস্তরকঠিন মুখ নিয়ে। অপলক দৃষ্টিতে চেয়ে রইলাম তাঁর চোখের পানে।

—Why did you ring the bell ?

কামাখ্যা' বললেন যে, পাছে দেবী হয়ে যায়, সেজগ্রে তিনি নিজেই ঘণ্টা বাজিয়ে দিয়েছেন। অবশ্য তাঁর সঙ্গে ঘণ্টা ছিল না, তাই সময় দেখতে পারেননি।

—The bell was rung three minutes earlier. Did you not commit an offence ?

—Yes, Sir, it was an offence.

—Was it not a breach of military discipline ?

—Yes, Sir

—Are you not liable to punishment ?

—Certainly, Sir.

চরম মুহূর্ত এসে গেছে ! বেশ বুঝতে পারলাম সেই ছ'শো আঠারো জন বন্দী রুদ্ধনিঃশ্বাসে অপেক্ষা করছে আমার পরবর্তী আদেশের। জলদগন্তার স্বরে কোন্ কঠিন শাস্তির আদেশ-বাণী আমি উচ্চারণ করি আমারই দলীয় দাবার প্রতি, সমবেত বন্দীরা যে তাবই প্রতীক্ষা করছে, তা স্পষ্ট অনুভব করলাম।

কিন্তু দৃঢ়কণ্ঠে বললাম : This is the birthday of the Infantry and this is your first offence. Hence, you are let off with a very grave warning. Don't you follow ?

—Yes, Sir.

—To you lines !

দাবানলের মতো এই সংবাদ সমগ্র বন্দীশিবিরে রাষ্ট্র হয়ে গেল মুহূর্তেই মধ্যে।

তপূরে খাবার হল-এ এসে প্রবেশ করতেই কামাখ্যা' সবার সমক্ষেই একবারে ছ'হাতে জড়িয়ে ধরলেন আমায়। সবলে আলিঙ্গন করে বলে উঠলেন : That's like a real G. O. C., ভারী খুশী হয়েছি তোমার দৃঢ়তায়। এই তো চাই। আমার শাস্তি দিলেও অবনত মস্তকে মেনে নিতাম তা।

লজ্জিত মুখে নত হয়ে তাঁকে প্রণাম করতে যেতেই কামাখ্যা' আবার আমার বুকে জড়িয়ে ধরলেন। বরিশাল শঙ্কর মঠের ধীরেনদা'ও পেছনে আসছিলেন কিচেন ম্যানেজারের কাছে। তিনি বলে উঠলেন : হবে না কেন ? কার হাতের তৈরী দেখতে হবে তো !

সঙ্গী রমেশ দাস প্রশ্ন করলো : কার ?

যেজর সত্য গুপ্ত। সেই "চ্যালেঞ্জ ফিপটি!" একাই হকি ষ্টীক নিয়ে যিনি পঞ্চাশ জনের মহড়া নেবার জন্তু ঝাঁপিয়ে পড়েছিলেন। জানিস্নে বুকি সে কাহিনী ? শোন তবে—

পনেরো

বরিশাল শঙ্কর মঠের ধীরেন সেন সবারই দাদা—ধীরেনদা'। কন্ফারমড্ ব্যাচেলরই শুধু নন, স্বপাক আহার করেন এবং তাও বিস্কুট নিরামিষ। অমাবস্যা ও পূর্ণিমার নিশিপালন ও একাদশীর উপবাস নিয়মিতভাবে করেন তিনি। ষ্টোভে ড'বেলা নিজের ঘরেই রান্না হয়। নিরামিষাণী বলেই তাঁর ঘি ও মাখন একটু বেশী প্রয়োজন হয়, আর সেরথানেক ছুধের পায়ের তৈরী করতে হয় গোটা কতক কিশমিশ ও পেস্তা দিয়ে আর বেশ খানিকটে এলাচগুঁড়ো ছড়িয়ে। নিরামিষাণী বলেই তাঁর জন্তু আধ সের চিনি-পাতা দৈ-এর ব্যবস্থা আছে আর গোটাকয়েক মিষ্টি। ক্ষয়শীল শরীর এই সামান্যতেই কি টেকে ? তাই রাত্রে খাবার পর তাঁর জন্তু কিছু ফলমূল আসে—ড'টো কমলা, একটা আপেল, একটা গ্যাসপাতি, আধ পো' আঙুর, কিছু মনাক্লা ও একটি নারায়ণগঞ্জের লেমনেড নয়, সোডা।

জীবনধারণের জন্তু নেহাৎ যা না হলে চলে না, মাত্র তাই তিনি নিয়ে থাকেন, উদাসভাবে এমনি মস্তব্য করে আকাশের পানে চেয়ে থাকেন তিনি। প্রতি মাসে কিচেন ম্যানেজার বদলি হয় বটে, কিন্তু ধীরেনদা'র এই সামান্য খাণ্ড-তালিকার পরিবর্তন নেই !

সমগ্রভাবে দল-উপদল-নির্বিবেশে রাজবন্দীরা একটা মস্ত উপকার পেয়ে থাকেন তাঁর কাছ থেকে, আজও শঙ্কর সঙ্গে সে কথা স্মরণ করি। বন্দীদের পরীক্ষা দেবার হজুগ তিনিই তোলেন। বাইরে রাজনৈতিক কাজের চাপে

যারা পরীক্ষার জন্ত মাথা ঘামাতে পারেননি, এখানে তাঁদের মাথা ধার দেবার জন্ত ধীরেনদা' এগিয়ে এলেন! বিশ্ববিদ্যালয়ে লেখালেখি করে, বার বার কমাণ্ডাণ্ট টবিনের অফিসে হানা দিয়ে তিনি ব্যবস্থা করে দিলেন যে, শিবিরের মধ্যেই রাজবন্দীদের প্রতিদিন ক্লাস হবে নির্দিষ্ট সময়ে আর বাইরের কলেজের বিভিন্ন অধ্যাপক এসে বিভিন্ন বিষয়ে পড়িয়ে যাবেন। কম্পারিয়েল লাইব্রেরী থেকে বই আসবার ব্যবস্থাও তাঁরই ব্যবস্থাপনায় সম্ভব হলো।

পড়া ও পরীক্ষার জটিল বিষয়টির পরিচালনার ভার স্বচ্ছায় গ্রহণ করলেন ধীরেনদা'। তিনি সেকালের গ্রাজুয়েট এবং কাজেকাজেই প্রত্যেক চিঠিতেই নীচে নামের পর ছোট কবে রেজিষ্টার্ড নম্বরটি উল্লেখ করতে কিন্তু ভুলতেন না।

রাজনীতির কথা উল্লেখ করলেই ক্ষেপে যেতেন তিনি। শুদ্ধ বরিশালের ভাষায় যা বলতেন, তা তাঁর দেশের সৌজন্ত ও নয়তার নমুনা হলেও আমাদের মনে হতো ধীরেনদা' বুঝি গাল দিচ্ছেন।

বন্দিজীবনটা ঘাতে আহার ও নিদ্রায় অপব্যয়িত না হয়, সে জন্ত কম-বেশী সবারই চেষ্টা ছিল জ্ঞান অর্জনের, শরীর গঠনের এবং নানাবিধ প্রক্রিয়া দ্বারা এক্ক্ষর্য পালনের।

পরিষ্কার বুঝতে পারি, সে যুগের দেশপ্রেমের সঙ্গে আজকের দেশপ্রেমের তফাৎ কোথায় ও কতখানি। সে যুগে দেশপ্রেমকে বলা হতো স্বদেশী আর এ যুগে একে বলা হয় পলিটিক্‌স্। পলিটিক্‌স্-এর বাংলা পরিভাষা নেই। অস্তুতঃ ব্যবহৃত হয় না। স্বদেশী আর পলিটিক্‌স্ শুধু বিভিন্ন নয়, প্রায় পরস্পরবিরোধী। স্বদেশীর পাঠ গ্রহণ করতে হতো শ্রীমদ্ভগবদ্গীতায়, শ্রীরামকৃষ্ণকথামৃতে, বিবেকানন্দ-বাণীতে, ঋষি বঙ্কিমের আনন্দমঠে এবং অশ্বিনী দত্তের ভক্তিবোধে কিংবা শ্রীঅরবিন্দের ধর্ম ও জাতীয়তায়। ব্রাহ্মমুহূর্তে শয্যাত্যাগ করে উঠে করতে হতো প্রার্থনা, ধ্যান, প্রাণায়াম ও ব্যায়াম। ব্রহ্মচারীর মতো শয়ন করতে হতো ভূমিশয্যায়, গ্রহণ করতে হতো নিছক সাত্ত্বিক আহার, সর্বদা কোপীন এঁটে সন্ন্যাসীর জীবনযাপন করতে হতো। নারীজাতি স্বদেশীদের কাছে ছিল ভগিনী নয়, মাতা! দেশমাতারই প্রতীক বলে মনে করতো তারা নারীকে। কার্যোদ্ধারের জন্ত হয়তো তারা কখনো কখনো নীচে নেমে আসতো। যারা ভিতরকার মানুষটির সঠিক পরিচয় জানতো না, তারা মনে করতো, যতখানি নেমে গেছে সে, বোধহয় আর উঠতে

পারবে না। হয়তো ফেসে যাবে, তলিয়ে যাবে, নিশ্চিহ্ন হয়ে মিলিয়ে যাবে। কিন্তু সে যে কত বড় ভুল, তা টের পেত তারা তখনই, যখন বিশ্বয়বিফারিত নেত্রে আবার একদিন দেখতো, সে ভেসে উঠেছে, উঠে এসেছে এবং কার্যোদ্ধারের সাফল্যে আবার এগিয়ে চলেছে। ফটিকের মতো স্বচ্ছ নির্মল ব্যক্তিগত চরিত্র ব্যতীত দেশসেবার অধিকারই নেই বলে মনে করতো সে যুগের স্বদেশীরা। গীতা স্পর্শ করে তারা বিপ্লব মনে দীক্ষা গ্রহণ করতো।

আর এ যুগের পলিটিক্সের প্রশ্ন : চরিত্র কি, নির্মলতার সংজ্ঞা কি, চরিত্রের সঙ্গে দেশসেবার সম্পর্ক কোণায়, দেশপ্রেমের মধ্যে নিছক জড়বাদ ব্যতীত আধ্যাত্মবাদের স্থান আছে কি? পলিটিক্স স্বদেশীদের ভাবাবেগের অনুশাসনকে উপেক্ষা করে এগিয়ে এসেছে বস্তুতন্ত্রবাদের উষ্ম ময়দানে। গীতা ও কোপীনকে এরা পেছনে ফেলে এসেছে। সমবেত প্রয়াসে পলিটিক্স-এ ষ্ট্রাটেজিকেই বড় করে দেখা হয়, স্বতন্ত্রভাবে প্রয়াসীদেরকে নয়। তাই ব্যক্তির উর্দ্ধতা কে পলিটিক্স গোড়াই কেয়ার করে চলে।

পলিটিক্স-এর মধ্যে থানিকটে গন্ধ পাই কূটনীতি ও চালাকির আর স্বদেশী একেবারে দিনের আলোর মত স্পষ্ট। কোষবদ্ধ অসির মতো পলিটিক্স সুর্যোগের অপেক্ষা রাখে আর নাজা খড়্গের মতো স্বদেশী সর্বদাই উত্তম, উন্মুগ। স্বদেশীর ভাস গুলো সবই বিছানো টেবিলের 'পরে আর পলিটিক্স তাস চালানোর কসরৎ করে। পলিটিক্স যাঁরা করেন, সবার ওপরে স্থান দেন তাঁরা আদর্শকে আর স্বদেশীরা সেই সঙ্গে গাচাই করে নিতে চায় আদর্শবাদীকেও। প্রশংসাপত্র দেখে নয়, বক্তৃতা শুনে নয়; বাজিয়ে, ওজন করে, অনুভব করে, রাসায়নিক প্রক্রিয়ার আনানলাইস্ করে। ছলে, বলে, কৌশলে অভীষ্ট অর্জনই পলিটিক্সের কাম্য, স্বদেশী কিন্তু উদ্বেগের সাধুতা, প্রচেষ্টার জায়পরায়ণতা সম্বন্ধে একটু বেশীকম সতর্ক।

স্বদেশীতে স্থান নেই কোনো রেণুরই, না শহরের, না গ্রামের, আর পলিটিক্সে এঁরা শুধু সাধিনী নন, সখীও!

উৎকর্ষ বিচার নয়, আজকের পলিটিক্স হয়তো গতকালের স্বদেশীরই সার্থক পরিণতি। অঙ্কুরের সঙ্গে কাণ্ডের আর মিল নেই। না থাকতে পারে। কিন্তু মাটির নীচেকার সৌকুমার্যহীন শিকড়কে অস্বীকার করে পারে কি নব নব কিশলয় দিকে দিকে তার শ্রামলিমা বিকীরণ করতে?.....

পরীক্ষা পাশের পড়া ছাড়াও ক্লাস হতো নানা রকমের—কোনোটা ইতিহাসের, কোনটা অর্থনীতির, আবার কোনোটা আন্তর্জাতিক রাজনীতির। পণ্ডিত রাজবন্দীরা এই সব ক্লাস নিতেন এবং কখনো দল নির্বিশেষে, কখনো-বা দলবিশেষে শিক্ষানবিশ বন্দীরা তাতে যোগদান করতেন। ঝাঝা আঁট স্কুলে পড়তেন, তাঁরা প্রচুর ছবি আঁকতেন এবং আঁকা শেখাতেন।

সাপ্তাহিক, পাক্ষিক ও মাসিক নানা নামীয় ও নানা জাতীয় ছাত্ত্বেলোখা পত্রিকা বেরতো। প্রত্যেকখানাই ছিল কোনো বিশেষ দলের মুখপত্র। পাঠক রাজবন্দীরাই। প্রত্যেক দলই তার অন্তরের কথা যুক্তিসহ করে প্রচার করতো বন্দীদের মধ্যে হয়তো সংখ্যাবৃদ্ধির আশায়। কিংবা নয়। পত্রিকাগুলিতে যেমন অনেক ছবি প্রকাশিত হতো, তেমনি হতো অনেক সারগর্ভ প্রবন্ধ। কোনো কোনো পত্রিকা আবার যে দলের মুখপত্র, সেই দলের বিশেষ সভায় আদ্যপান্ত পাঠ করা হতো।

কিন্তু দলনির্বিশেষে একখানাও পত্রিকা নেই। রাজবন্দীরা এর অভাব অনুভব করতে লাগলেন। কোনো দলের নিন্দা নয়, কুৎসা নয়, কারুর প্রতি কাদা ছোঁড়াছুঁড়ির লড়াই নয়, অন্ধের মতো কোনো বিশেষ একটা মতকে অপূরের স্কন্ধে চাপিয়ে দেবার অভিসন্ধি নয়,—নিরপেক্ষ, বলিষ্ঠ ও নির্ভীক একখানি পত্রিকা বন্দীশিবিরে থাকা প্রয়োজন। এই উদ্দেশ্যে সভা হলো এবং পত্রিকার নামকরণ হলো ‘শৃঙ্খল’। পত্রিকাখানি একটি সর্বদলীয় সাহিত্যসভার পরিচালনাধীনে জনৈক সম্পাদক কর্তৃক প্রকাশিত হবে। প্রতি তিন মাস অন্তর এই সম্পাদক পরিবর্তন করা হবে।

মনে আছে প্রথম সম্পাদক হলেন বরিশালের বিনয় সেন, আর পত্রিকাখানি লেখার ভার পড়লো আমার ওপরে। সাহিত্যসভার সদস্যদের সবার নাম আজ আর মনে পড়ে না, তবে এঁদের মধ্যে ছিলেন দেবজ্যোতি বর্মণ, নিবারণ দত্ত, বিনয় সেন, সুধীন সরকার, রাখাল ঘোষ, করালীকান্ত বিশ্বাস, অনন্ত দে ও আমি।

সমস্ত রাজবন্দীর এক মহতী সভায় সমগ্র পত্রিকাখানি নয়, এ থেকে নির্বাচিত করেকটি প্রবন্ধ, গল্প ও কবিতা পাঠ করা হতো এবং সর্বশেষে সম্পাদক সম্পাদকীয় পাঠ করতেন। সভান্তে কিচেন ম্যানেজারগণ অবশ্যই জলযোগের ব্যবস্থা রাখতেন।

একদা ঢাকা জেলে রবীন্দ্রনাথের একটি বিখ্যাত কবিতার প্যারোডি শুনিয়েই ভক্ষণ সমিতির ভাইস প্রেসিডেন্টের পদ প্রায় অধিকার করে ফেলেছিলাম তরনীবাবুকে বঞ্চিত করে। তারপর অবশ্য সভাপতি সুরেনদা'র বিশেষ অধিকার প্রয়োগের ফলে নির্বাচিত আমায় বঞ্চিত করে মনোনীত তরণী সোমই গদী আঁকড়ে রইলেন।

এখানেও 'শৃঙ্খলে'ব প্রথম সংখ্যাতেই বেকলো আর একটি প্যারোডি— "দাদাব দাদা"। প্রথম সভাতে সুর কবে সেই কবিতাটিই আবৃত্তি করলাম যেই মুহূর্তে, সেই মুহূর্তে সারা শিবিরে রটে গেল যে, জি-ও-সি শুধু কাটিখোড়া মিলিটারীম্যান নয়, কাব্যও জাগে তার মনে। কবিতাটি পাঠকদের উপহার দেবার লোভ সঙ্গরীণ কবতে পারলাম না।

একটু উপক্রমণিকা প্রয়োজন। সে যুগে দল গড়ার হুজুগ খুব বেশী ছিল। একটি দল তাই অসংখ্য উপদল ও গ্রুপে বিভক্ত ছিল। বৃহত্তর প্রয়োজনে সবাই হাত ও কাঁধ মেলাতে পবাছুখ না হলেও, ইংরেজ আমলের প্রাদেশিক স্বায়ত্তশাসনের মতো এদের স্বাভাব্যও যে খানিকটে ছিল, এবং না থাকলেও তারা যে নিরমোত্তর অধিকার হিসাবে তা ভোগ করতো, এ কথা অস্বীকার করার উপায় নেই। ফলে, বন্দীশিবিরে গুপ-লীডার অর্থাৎ দাদা ছিল সংখ্যাভীত। এই সংখ্যাভীত দাদাদের ব্যঙ্গ কবেই লেখা হয়েছিল আমার কবিতা কবি রবীন্দ্রনাথের "কৃষ্ণকলি" ভিত্তি করে। এখন আর পারি না বটে, কিন্তু সে যুগে এমন প্যারোডি বা গান লিখতে পারতাম খুব সহজে এবং বন্ধুরা তার প্রশংসাও করতেন।

সভাপতি হিমাংশু আইন ময়মনসিংহের উকিল। আইনজ্ঞই শুধু নয়, পার্লামেন্ট নিয়মকানুন একেবারে কণ্ঠস্থ তাঁর। কলিংশুলো যেমন নিয়মানুগ, তেমনি ব্যক্তিত্বের সঙ্গেরই তা প্রয়োগ করেন তিনি। দেবজ্যোতি বর্ষণের একটি সারগর্ভ অর্থনৈতিক প্রবন্ধ পাঠের পর হিমাংশু আইন ঘোষণা করলেন : অর্থনীতির জটিল পাঁচো নিশ্চয়ই আপনারা গম্ভীর হয়ে উঠেছেন, এবারে এক কাপ গরম কফির মতো একটি কবিতা আপনাদের উপহার দিচ্ছি— "দাদার দাদা।" পাঠ করবেন রচয়িতা স্বয়ং এবং দেখে বিস্মিত হবেন না যে, তিনি আমাদের জি-ও-সি। প্রবল হাততালির মধ্যে উঠে দাঁড়িয়ে আবৃত্তি শুরু করলাম :

দাদাব দাদা তাবেই আঁমি ব'ল,
 ভাবলা তাবে বলে তুই লোক,
 বাত্রিবেলা দেখোছলাম মাঠে
 কা'লা ফ্রমে চশমা' আঁটা চোপ ।
 জামা গায়ে ছিল না' তাব মাঠে
 ঝড় চানব পিঠেব 'পবে লোটে,
 ক্যাবলা ? তা সে যতই ক্যাবল হোক
 দেখোছ তাব চশমা আঁটা চোপ

বা'এ .বডে দশট হলো যেই
 উঠলো বেজে চ'বিন চাচাব বাশা,
 দাদাব দাদা ভাইকে ছেড়ে দিবে
 ব্যাবাক ঘবে এস্তে উঠে আসি ।
 ঘাডিব পানে বাবেক হানি হু'ক
 শব্দা নিয়ে পঠন কবে স্কুল ।

দখ ? তা সে যতই মুখি হোক
 দেখোছ তাব দাদা হবাব লোক

পূবেব আলো এলো জানলা-পথে
 সিপাই এসে দিল খুলে তানা,
 ভাইকে এসে তুললো দাদা ডেকে
 এবাব স্তব বব্বকানির পালা ।
 কা'ব পানে দেখলে নাকো চেবে,
 ভাবেব ঘোবে নামলো মাঠে খেবে ।

গবুচন্দব ? যতই গবু হোক
 তবুও সে আস্তু ছিলে জাঁক ।

এমনি কবে আসছে কত দাদা,
 ভক্তি হযে উঠলো বন্দীশালা,
 ভাই বলে আব থাকবে না যে কেউ
 দাদাব গলায় পরিয়ে দিতে মাল' ।

এ সব ভেবে হঠাৎ রজনীতে
 তুথের কালো ঘনিষে আসে '৮৫৩
 ফাল্গু ৭ তা সে যতই ফাল্গু হোক,
 দাদাব দাদা তাকেই বলে লোক।

মনে পড়ে, সভাস্ত্রে আড়ালে ডকে নিয়ে সত্যাবু আমান কয়েকটা
 অবিবিক্ত কাচাশোলা থাইয়েছিলেন প্রশ সাপত্রের পবিবর্ত্তে।

কটবল খুব গাড়াগাড়িই নামিয়ে দিলাম আমবা। সম্পাদক নিকাচিও
 হলেন কমলেড কুশা বাঘ। কমবেড তাঁকে কেন বলা হতো জানিনে।
 কম্যুনিজম এব যে ক্ষীণ বারা তখন হবে এসেছে, কুশাবাবু মনে তে' গাব র
 লাগেনি। তবে ?

একটা কথা মনে পড়ে, কম্যুনিজমকে অত্যন্ত ধারালো ব্যক্তিত্ব সঙ্গুখীন
 হতে হতো তখন। একজনের তেল, সাবান, টুথপেপ্টে প্রভৃতি অপরে নিয়ে
 গলেই তাঁকে ব্যঙ্গ কবে বলা হতো : এই বে, কম্যুনিজম চালাচ্ছে। মন্তব্য
 করা হতো একেবানে প্রকাণ্ডেই : কম্যুনিষ্টদের কি স্তব্ধে দেখেছি ৭ পবেব
 ওপব দিয়ে বেশ দিব্য তেলটা সাবানটা চলছে আর এদিকে নিজেব এ্যালাউন্সের
 টাকা দিয়ে কেনা হচ্ছে, Capital, Memoires of Lenin আর Ten Days
 That Shook The World—বেশ মজা, নয় ?

খুব সময়ে চলতেন কম্যুনিষ্টবা সে যুগে। আকাশচুম্বী সমুদে বাবিবিন্দুসম
 তিন শতাধিক বাজবন্দীর মধ্যে মাত্র দশ বারো জন। যেমন মাথা নীচু করে
 এসে তাঁবা খাবাব ঘবে প্রবেশ কবতেন ব্রীডাবনতা গ্রাম্যবধুর মতো, তমনি
 নিঃশব্দে আহাবান্তে বেবিয়ে যেতেন শেয়াব মার্কেটে সর্বস্বান্ত কুনকুনওয়ালার
 মতো।

বিতর্কমূলক সর্বপ্রকার আলোচনাকেই তাঁরা সযত্নে চলতেন পাশ কাটিয়ে।
 কিন্তু এই দশ বাবো জনেব জন্মেই ছিল পৃথক একটি চৌকা। এঁরাই স্বাতন্ত্র্য
 সৃষ্টির উন্মাদনার এমনি পৃথক হাঁড়িব আশ্রয় নিয়েছেন, না সাধারণ বন্দীরাই
 এঁদের অপাৎক্রেয় করে দিয়েছিল, তা জানা যায়নি। বক্রদৃষ্টিক্রমে আমিও যে
 তাঁদের বিধিতাম না তা নয়, কিন্তু আজ স্বীকার করতে সঙ্কোচ নেই যে

উত্তরকালে তাঁদের মধ্যে থেকেই অননুসাধারণ একাধিক কন্সীর সৃষ্টি হতে দেখেছি।.....

খেলার মাঠটি দৈর্ঘ্যে ছোট! একদিকের গোটাকয়েক আম গাছ কেটে ফেলার প্রস্তাব নিয়ে আমাদের প্রতিনিধিরা একদিন প্রভাত নাগের নেতৃত্বে কমাগাণ্ট টবিনের অফিসে গিয়ে হাজির হলেন।

মিলিটারী ম্যান টবিন। একেবারে সত্ত্ব ইয়োরোপ থেকে আমদানী। তাঁকে বোঝানো হয়েছে যে, আমরা সব War prisoners—যুদ্ধবন্দী। কোথায় ও কবে এই যুদ্ধ হলো, এই প্রশ্ন টবিনের মনে জাগতে পারে বলে তাঁকে এ-ও বুঝিয়ে দেয়া হয়েছে যে, আমরা গোপনে যুদ্ধের আয়োজন করছিলাম জার্মানীর সহযোগিতায়। ষড়যন্ত্র ধরা পড়ে গেছে ইংরেজ গুপ্তচরদের কন্সতৎপরতায়।

সুতরাং প্রতিনিধি দলকে অপেক্ষা করতে হলো কেবিনের বাইরে। সাহেব কার সঙ্গে কথা কইছেন।

গোপাল গুপ্ত একটু উগ্র রকমের লোক। বললেন : চলুন না, প্রভাতবাবু, দরজা ঠেলে ঢুকে পড়ি। ব্যাটা আমার লাট সাহেবের বাচ্চা আর কি!

অনন্ত দে ধীর প্রকৃতির মানুষ। বাধা দিলেন : একটুখানি দেখাই যাক না, গোপালবাবু। বেশী দেরী করলে তখন সে পথ আমাদের আটকায় কে?

প্রভাত নাগ সমর্থন করলেন : আর এসেছি যখন স্বার্থোদ্ধারে। সুতরাং কৌশলে—

সুধীন সরকার বললেন : ও সব কৌশল-টৌশল টবিন চাচার কাছে অচল, প্রভাতবাবু! দেখবেন ঠাঁর গাঁ!

মিনিট দশেক পর টবিনের ঘর থেকে বেরিয়ে এলেন সহকারী কমাগাণ্ট গিরিজা দত্ত এক বোঝা ফাইল নিয়ে। অপেক্ষমান প্রতিনিধিদের দেখে একেবারে যেন আকাশ থেকে পড়লেন : আরে, আপনারা! অনেকক্ষণ এসেছেন বুঝি? সাহেবের কাছে যাবেন? একটু অপেক্ষা করুন প্লিজ, এক সেকেণ্ড! এই ফাইলগুলো রেখে আসছি।

পঁয়তাল্লিশ বছরের গিরিজা পঁচিশ বছরের যুবকের মতো যেমন তড়াক করে নিজের দপ্তরে প্রবেশ করলেন ফাইলের বোঝা নিয়ে, তেমনি আবার সড়াক করে বেরিয়ে এলেন হাত খালি করে। চোখ দুটো কপালে তুলে বললেন :

ছি, ছি, ছি! আপনারা এমনি ভাবে দাঁড়িয়ে আছেন এখানে? কতক্ষণ এসেছেন, প্রভাতবাবু?

জবাব দিলেন গোপাল গুপ্ত : তা পনেরো মিনিট তো হবেই। সাহেব হয়তো কাজে বাস্ত, একটু অপেক্ষা করতে হবে! কিন্তু বসবার জায়গা—

বিলক্ষণ, সে কথা আর বলতে!—গিরিজা সীমাহীন বিষয়ে চশমা-ঢাকা চোখ দু'টি একেবারে কপালে তুললেন : পনেরো মিনিট এমনিভাবে দাঁড়িয়ে রয়েছেন? কেন, বেয়রাগুলো কি সব মরেছে নাকি?—এই দল বাহাদুর, ইধার আও!

দল বাহাদুর এসে বুটের আওয়াজ তুললো। গিরিজা কণ্ঠস্বরে প্রভুর গাভীঘ্য এনে জিজ্ঞেস করলেন : ইন্ বাবুলোগ কব্ আয়া থা?

সাহেব, আধা ঘন্টা হোয়া!—দল বাহাদুর নিবেদন করলো।

এত্না টাইম তক্ বৈঠনে কেঁও নেই দিয়া তুম্?

দল বাহাদুর মিনমিন করতে লাগলো। ভাবখানা এই : বলেছিলাম বসতে, কিন্তু এঁরা—

বুটা হয়।—গর্জে উঠলেন গিরিজা : তুম বেয়াকুপ হয়, উল্লু হয়। ফের এইসা হোনেসে তুমারা নকরি হাম খতম কর দে গা।—যাও।

চলে গেল দল বাহাদুর আবার বুটের আওয়াজ তুলে। মহাচ্চে গিরিজা একেবারে হতাশ হয়ে পড়লেন : আর বলেন কেন, প্রভাতবাবু! এই সব জংলী নিরে কাজ করা যে কী হ্যাঙ্গাম, তা আর বলে শেষ করা যায় না। কোন্ জঙ্গল থেকে যে—

বাধা দিয়ে সুধীন সরকার বললেন : যাক্ সে কথা। এখন সাহেবের কাছে যাওয়া যাবে কি না তাই বলুন।

বিলক্ষণ, সে কথা আর বলতে!—গিরিজা প্রতিনিধি দলকে নিয়ে হস্তদস্ত হয়ে টবিনের কেবিনে প্রবেশ করলেন।

এই গিরিজা দস্ত। ঝানু লোক। যেমন প্রথর বুদ্ধি, তেমনি কৌশলে কাজ হাঁসিল করে নেবার ফন্দী এঁর কণ্ঠস্থ। আশ্চর্য্য, অত্যন্ত উদ্ভেজনাপূর্ণ পরিস্থিতিতেও এঁর মাথা একেবারে ঠাণ্ডা থাকে। টবিনের সামরিক গোঁয়ার-তুমিকে যুক্তি ও কৌশলের প্রলেপ দিয়ে ঠেকিয়ে রাখাই এঁর প্রধান কাজ। কুটবুদ্ধিতে ইংরেজের দোসর নেই। তাই সরকারী গুরুত্বপূর্ণ পদগুলিতে

সাহেবদের নিয়োগ করে তাদের সহকারী বা মন্ত্রণাদাতা হিসেবে বসিয়ে রাখতো বাঙালীদের। বাঙালী রাজবন্দীদের ভাবগতিক এঁরাই তো নিভুলভাবে বিচার করতে পারবেন। পান থেকে চুন খসলেই রাইফেল চালাবার বিদ্যায় টবিন পটু, কিন্তু পড়ে-যাওয়া চুনকে তুলে নিয়ে আবার এক খিলি মিঠে পান তৈরীর কৃট চালে গিরিজা দত্তের তুলনা নেই।

টবিন মনে করতেন রাজবন্দীদের তরফ থেকে কোনো আবেদন এলেই তা অগ্রাহ্য করতে হবে, নইলে সরকারী প্রেস্টিজ ক্ষুণ্ণ হতে বাধ্য। তাই, আমাদের আম গাছ কাটবার প্রস্তাব প্রথমটা তিনি কানেই তুললেন না, তারপর sweet mango fruit বলে নানা ওজরআপত্তি তুললেন, তারপর অকস্মাৎ গিরিজার চোখে চোখ পড়তেই সুর নরম করে বললেন : আচ্ছা, দেখা যাবে।

পরদিন সত্যিই দেখা গেল। গাছগুলো কেটে ফেলার ফলে আমাদের মাঠ প্রায় বিশ হাত বেড়ে গেল দৈর্ঘ্যে।

টিম তৈরী হলো অনেকগুলো। ব্যারাক ও দলনির্বিশেষে যে যাকে পারে টেনে নিয়ে টিম গঠন করে ফেললো। কয়েকটি টিমের নাম মনে আছে, যথা, Y. L. R. (Young Light Runners), N. Y. R. (Nine Young Runners), Red-white, Retired Nine, Winners Nine এবং Biswagutani (বিশ্বগুঁতানি)। এর মধ্যে বিশ্বগুঁতানি টিমটির একটু বৈশিষ্ট্য ছিল। এর খেলোয়াড় হবার যোগ্যতা সকলের ভাগ্যে জুটতো না। খেলা জানা না-জানা ছিল গৌণ ব্যাপার, এ টিমে যোগদানের প্রধানতম যোগ্যতা অর্জন করতো তারাই, যাদের বৃকের ছাতি অন্ততঃ চল্লিশ ইঞ্চি। বলকে মাথি মারলেই দূরে সরে যায় এবং প্রতিপক্ষকে নেহাৎ কুস্তি বা জুজুংসুর প্যাচ না মেরে পা ছুঁড়ে রাখতে হবে—এই দু'টি সত্য অন্তরে গেঁথে রাখলেই বিশ্বগুঁতানির সভ্য হওয়া চলতো। এঁদের দলপতি ছিলেন বরিশালের অজিত দাস, আর সভ্য ছিলেন টিটু নাহা, অনিল চক্রবর্তী, দিলীপ দাস, সুধীর গুহ, রমেশ চক্রবর্তী, অনিল চক্রবর্তী ও আরও কয়েক জন।

দারুণ উৎসাহ ও উদ্দীপনার মধ্যে এপ্রিল মাসেই ফুটবল লীগ শুরু হয়ে গেল। সঙ্গে সঙ্গে মাসিক পত্রিকা 'শৃঙ্খলে'র বিশেষ দৈনিক সংখ্যা প্রকাশিত হতে লাগলো এই খেলাকে উপলক্ষ্য করে। সম্পাদক ছিলেন বরিশালের বিনয় সেন এবং প্রকাশক আমি। মুদ্রাকরও আমার বলা যায় এবং কম্পোজিটরও।

কারণ সারা পত্রিকাখানা আমারই হাতে লেখা। প্রতিদিন অপরাহ্নে খেলার মাঠের পাশের দেয়ালে সেন্টে দেয়া হতো দৈনিক 'শৃঙ্খল'। ভিড় পড়ে যেত পড়বার জগ্ন। খেলার ও খেলোয়াড়ের তীক্ষ্ণ সমালোচনা ছাড়াও থাকতো চমৎকারণ কাটুন ছবি—খেলোয়াড়, রেফারী বা দর্শকদের নিয়ে। বীরেন ঘোষ একদিন হেড করতে লাফিয়ে উঠে বল নাগাল না পেয়ে নিবিব্বাদে ছ'হাত তুলে ভলি মেরে বসলো।—ব্যস, আর যায় কোথা! পরদিনের 'শৃঙ্খলে' দেখা গেল তাব ছবি। নীচে লেখা 'ষ্টাফ ক্যামেরাম্যান কর্তৃক গৃহীত' আর ক্যাপশন : Oh ! my old days of Volley ।

মাঠেব একদিকে ছিল ছাঁটাই-করা মেহেদিব বেড়া ; লাইন থেকে প্রায় দশ হাত দূবে। তাহলে কি হবে, হরিদাস সেন একদিন অমিয় মজুমদারকে চার্জ করে একেবারে সেই বেড়ার ওপরে নিয়ে গিয়ে পড়লো। অমনি পরদিন বেকলো ষ্টাফ ক্যামেরাম্যানের ছবি আব ক্যাপশন : বেড়া সরাইয়া দিবার জগ্ন ট'বনের নিকট আবেদন জানানো হইয়াছে। এই জাতীয় কাটুন অঙ্কনে পাবদর্শী ছিলেন টিটু নাহা, অতুল গুপ্ত, নরেন সবকার প্রভৃতি।

বাঠরে লীগ খেলার যা হয়, আমাদের এখানেও তাই হতে লাগলো। পার্কার বা লেদার ট্রাকের লোভ দেখিয়ে খেলোয়াড় ভাগানো, বেফারীর ক্রটিপূর্ণ পরিচালনা, প্রতিবাদ, প্রতিবাদের প্রতিবাদ, লীগ কমিটির অবিশ্রান্ত অধিবেশন, জরুরী বৈঠক, বিরোধী দলের সভাকক্ষ ত্যাগ প্রভৃতি সবই চলতে লাগলো।

আমাদের টিমের নাম ছিল Y. L. R. এব শশাক (ওরফে কমেট) দাশগুপ্ত ছিল এর অধিনায়ক। খেলতো অশোক রায়, দীনেন ভট্টাচার্য্য, অমিয় মজুমদার, জ্যোৎস্না সরকার, বিভূতি চৌধুরী, মনোরঞ্জন সেনগুপ্ত, ভোলা বসাক, কমরেড কুশা রায় ও আমি। দীনেন ভট্টাচার্য্য, অমিয় মজুমদার, কমরেড কুশা রায় ও অশোক রায় ময়মনসিংহ পণ্ডিতপাড়া টিমে খেলতেন। এই টিম সে যুগে দুর্দ্বর্ষ মোহনবাগানের বিরুদ্ধেও পাল্লা দিত। কমেট ঢাকার একজন নামজাদা খেলোয়াড় ছিল। আর সারা বিক্রমপুরেই তখন আমার খ্যাতি ছিল। স্মৃতরাং লীগ চ্যাম্পিয়নশীপ আমাদের ভাগ্যেই যে জুটবে, তাতে আর সন্দেহ কি ?

চ্যাম্পিয়নশীপ নির্দ্ধারণের শেষ খেলাটি ছিল ৩০শে এপ্রিল, ১৯৩২ সাল। ভোরেই দেয়ালে দেয়ালে কতকগুলো বেনামী প্রাচীরপত্র দেখা গেল : প্রবল অনরব সে, ওয়াই এল আরের অধিনায়ক কমেট দাশগুপ্ত প্রতিপক্ষ রেড-হোয়াইট

দলের অধিনায়ক অনন্ত দে'র হোল্ডঅল দানের প্রতিশ্রুতিতে ভুলিয়া অস্বস্থতার ওজর দেখাইয়া অণুকার খেলায় অংশ গ্রহণ করিবেন না। এমনি রোমাঞ্চকর আরো কতকগুলি।

শিবিরের একমাত্র নির্দলীয়, নিভীক ও নিরপেক্ষ সংবাদপত্র 'শৃঙ্খলে'র দপ্তর বসে গেল। বিনয় সেনের বুলি আব আমার কলম। কলম হাতে নেয়া আর আগুনে হাত দেয়াকে বিনয় সেন একই রকম শক্ত কাজ মনে করতেন। অগচ ভদ্রলোক মুখে মুখে বলতেন চমংকার কবিতা, সূচিস্তিত প্রবন্ধ ও মুখরোচক সমালোচনা। এক তা' ফুলস্কাপ কাগজ নিয়ে পার্কার পেনটি খুলে সবে লেখা শুরু করেছি, এমনি সময়ে অকস্মাৎ কুমিল্লার সুকুমার ভৌমিক একথানা 'ষ্টেটসম্যান' এনে ছুঁড়ে ফেলে দিয়ে বলে উঠলেন : হো গিয়া, দ্বিজেনবাবু, কেলা ফতে হো গিয়া। মেদিনীপুরের ম্যাজিষ্ট্রেট ডগলাস শট ডেড।

অ্যা, কই দেখি।—বলে 'ষ্টেটসম্যান'খানা হাতে তুলে নিতেই সুকুমারবাবু বললেন : ওতে কোথায় পাবেন? সাবধানে ওটুকুতে কাঁচি চালিয়েছে শালা পবিত্র।—এই দেখুন।

প্রশ্ন করলেন বিনয় সেন : তবে সংবাদ পেলেন কি করে?

এদিক ওদিক দেখে নিয়ে সুকুমারবাবু জবাব দিলেন অহুচ্চকণ্ঠে : কম্পাউণ্ডার একথানা আনন্দবাজার এনেছে লুকিয়ে।

সুতরাং বিপদে পড়া গেল। লীগ ফাইনালেব গুরুত্ব যতই থাক, 'শৃঙ্খলে' তাগিদ যতই থাক, এমনি উত্তেজনাকর সংবাদ পাবার পর বিনয় সেনের ভাষা ও যেমন গেল ফুরিয়ে, তেমনি আমার কলমেরও যেন কালি গেল শুকিয়ে।

অবিশ্বাসী সম্পাদক তথাপি প্রশ্ন করলেন : আজকের লীগ খেলাটা পণ্ড করে দেবার ঙ্গে অনিষ্টকারীদের এও একটা গুলবাজি নয় তো? আজকের প্রতিযোগী দল দু'টির একটিতে যে আপনি আছেন, সুকুমারবাবু!

কিন্তু গুলবাজি মোটেই নয়। দাবানলের মতো এই সংবাদ রটে গেল যে, মেদিনীপুরের নিহত ম্যাজিষ্ট্রেট কর্ণেল পেডির শূন্য আসনে এসেছিলেন মিঃ আর. ডগলাস। ৩০শে এপ্রিল জেলা বোর্ডের একটি সভায় সভাপাতক করেছিলেন তিনি। জেলার নানা জাতীয় জটিল বিষয় নিয়ে যখন তাঁরা আলোচনায় নিমগ্ন, তখন অজ্ঞাতসারে প্রবেশ করে দু'টি কিশোর, খালকও বলা যায়। ডগলাসের পশ্চাতে দেহরক্ষা ও জনকতক আর্দালী ছিল দাঁড়িয়ে।

এদেরই দলে এসে দাঁড়ায় এরা নীরব দর্শক বা শ্রোতার মতো। ডগলাস সাহেব একবার যেই সোজা হয়ে বসে কোনও ব্যাপারে সভাপতির গুরুত্বপূর্ণ কৃষ্টিং দিচ্ছিলেন, এমন সময় অকস্মাৎ পর পর রিভলভার গর্জে উঠলো ছ'জনের হাতে। একটি গুলী এসে বিদ্ধ হলো চেয়ারে হেলান দেবার কাঠে, আর একাধিক গুলী পিঠের মধ্য দিয়ে প্রবেশ করে ডগলাস সাহেবের ফুসফুস ফুটো কবে দিল। সাহেব চলে পড়লেন প্রথমে চেয়ারে, তারপর মেঝেতে।

দেহবক্ষী ভাবাচাকা খেয়ে হাত দিল বিভলভারে। কিন্তু ততক্ষণে আততায়ীদ্বয় পগার পাব! স্মরণে সে দাঁড়িয়ে গেল প্রভুব মৃতদেহ রক্ষাব জন্ত। আর্দ্রাণী ও অগ্ন্যাণ্ড লোক ছ'জনকে তাড়া কবে অবশেষে একজনকে ধবে ফেলে, তার নাম প্রচোৎ ভট্টাচার্য্য বলে জানা গেছে।

—পড়ে রইলো দৈনিক 'শৃঙ্খলে'র বিশেষ সংখ্যা। বিনয় সেন গেলেন ইষ্টার্ণ ব্যারাকের দিকে, স্কুমারবাবু তো পূর্বেই উধাও, আর আমি ধীরে ধীরে গিয়ে হাজির হলাম ডবলিউ-বি চোদ্দ নম্বরে।

লীগ ফাইন্যান্স পরদিন হবে বলে কমরেড কুশা এক জরুরী বিজ্ঞপ্তি প্রচার কবলেন, সত্যাবাবু বিশেষ ঘোষণা জানিয়ে দিলেন ব্যারাকে ব্যারাকে : আজ বাত্রিকালে প্রত্যেকের জন্ত একটি করে বেলে হাঁসের রোষ্ট তৈরী হবে। রোষ্ট ধারা খান না, তাঁরা পূর্বাঞ্চে কিচেন ম্যানেজারের সঙ্গে যোগাযোগ স্থাপন করুন।

রাত দশটা পনেরো মিনিটে দরজা বন্ধ হয়ে গেলে অমরকে ডাকলাম। সে নিঃশব্দে এসে আমার টেবিলের পাশে চেয়ারে বসলো। আড়চোখে চেয়ে দেখলাম সমরেন্দ্র পাল ঘুমোবার উত্তোগ করছেন। সুধাংশুবাবুও তাই। নিম্নস্বরে প্রশ্ন করলাম : প্রচোৎ কেমন ?

অমর রহস্যপূর্ণ চোখ তুলে চেয়ে রইলো আমার পানে, জবাব দিল না কিছু।

বললাম : কিন্তু আজকের সভা ও বৈঠকগুলোর সংবাদ পেয়েছ তো ? প্রত্যেকটা গুপই দাবী করছে এ কাজ তাদের ছেলেরাই করেছে। এমন কি, অনুশীলনের হুগলী গুপ তো একটা প্রস্তাবই গ্রহণ করেছে যে, বাইরে যারা এখনো আছে, তাদের কাছে নির্দেশ পাঠাবে প্রচোতের মামলা চালাবার জন্তে একটা তহবিল গঠন করবার। শুনেছ তো সব কিছু ?

এবার অমর মৃদু হাস্ত করলো মাত্র। এমনিই সে। এ সব বিষয়ে তার মুখ খোলানো ছরুহ কাজ। আবার মস্তব্য করলাম : কিন্তু আই বি ওকে দারুণ ঠাঙ্গাবে। পর পর ড'টো ম্যাজিস্ট্রেট গেল! সোজা কথা নয়! পেডি সাহেবও যার গত এপ্রিলে। ঠিক এক বছর।

অমর এইবার কথা কইলো : ঠাঙ্গালেও কিছু বেরুবে বলে মনে হয় না।

কিন্তু এই সব চালিয়াংদের সভা ও প্রস্তাবের অবসানের জন্তে আরও বিস্তৃত সংবাদ প্রয়োজন, তাই না? ক্রেডিট নেবার ছজুগ তাহলে একদিনেই যার পেমে।

অমর নিঃশব্দে হাসলো এবং পুরু কাঁচের আড়াল থেকে রহস্যময় চোখ দু'টি মেলে আবার চেয়ে রইলো আমার চোখের পানে।

এর কয়েক দিন পরই সকল সন্দেহ ও গবেষণার সমাপ্তি ঘোষণা করে, ফাঁকি দিয়ে যারা ক্রেডিট নিচ্ছিলো, তাদের সবার মুখে চুনকালি লেপন করে, আলোচনাসভা ও প্রস্তাবের মূলে কুঠার হেনে কম্পাউণ্ডার মারফৎ আনিত আর একথানা আনন্দবাজারে সংবাদ পাওয়া গেল যে, প্রথোৎ পুলিশের নিকট যে বিবৃতি দিয়েছে তাতে জানা যায়, মাত্র এক বছর পূর্বে তার সহপাঠী অমর চট্টোপাধ্যায় বিপ্লবমন্ত্রে দীক্ষা দেবার জন্তে তাকে নিয়ে যায় পরিমল রায়ের কাছে। তারই মুখে সে শুনেছিল যে, ঢাকা-বিক্রমপুর থেকে কে একজন দাশগুপ্ত নাকি সর্বপ্রথম মেদিনীপুরে এসে পরিমল রায়কেই সর্বাগ্রে দলে ভর্তি করে। এও শোনা গিয়েছিল যে, দাশগুপ্ত ঢাকার বি ভি দলের সভ্য।

বাস্, থেমে গেল দল ও উপদলের গুনগুনানি। সবাই বক্র দৃষ্টিক্ষেপে আমাদের ঘরের দিকে তাকিয়ে সরে পড়তে লাগলো একে একে। পরিমল রায় তখনো এই শিবিরেই আছে, আব অমর তো আমার ঘরে আমারই পাশের সীটে বাস করে!.....

ঘোল

শুধু কম্পাউণ্ডার কেন, গোটা কয়েক গাড়োয়ালী সিপাইকেই আমরা রিক্রুট করে ফেলেছিলাম, যারা বাইরের যাবতীয় সংবাদ ও খানকতক নিষিদ্ধ সংবাদপত্র সরবরাহ করতো নিয়মিতভাবে। কিন্তু এই গুপ্ত সংবাদ জানতো রাজবন্দীদের মধ্যে মাত্র ক'জন। সংবাদপত্র পড়বার সৌভাগ্যও জুটতো বাছা বাছা বন্দীদের। অপরে পেত খবর মুখে মুখে। দিবাকর সেনগুপ্তের সাক্ষেদে যারা বন্দী হয়ে এসে আমাদের গোপনীয় সংবাদ সংগ্রহ করে “যথাস্থানে” প্রেরণ করতো, তারা দুরূহ একটা সন্দেহ পোষণ করলেও ঠিক কোন্ পথে যে এই স্মাগলিং চলছে, তা হৃদিস করতে পারতো না।

পারবে কোথেকে? কম্পাউণ্ডার বন্ধিমবাবু এমনি গম্ভীর হয়ে থাকেন যে, দেখে বিরক্ত হতে হয়। ডাক্তার সরকার সাধারণ ডাক্তারদেরই মতো খুব আলাপী এবং ১৯১৪ সালের মহাযুদ্ধে তিনি মেসোপোটামিয়ার কোন্ রণাঙ্গনে অসম সাহসিকতার পরিচয় দিয়েছিলেন, প্রায়ই তার কাহিনী সালসন্ধারে আবার ও পুনরাবৃত্তি করে থাকেন। আর বন্ধিমবাবু নীরবে এগিয়ে এসে টেবিলের পাশে থাকেন দাঁড়িয়ে। বন্দীরা কদাপি মিক্চার খান না, তাই কম্পাউণ্ডারের কাজ হচ্ছে প্রেসক্রিপশন অনুযায়ী আলমারী খুলে পেটেন্ট ওষুধের বোতল বা শিশি বার করে দেয়া মাত্র!

কিন্তু এরই মধ্যে অকস্মাৎ রোগী যতীশ গুহ বলে উঠলেন : বাই বলেন ডাক্তারবাবু, ঐ এ্যাগারল হোক বা এ্যাগারয়েলই হোক, আপনার কারমিনেটিভ মিক্চারই আমার পক্ষে বেশ ভালো। রাত্রে খাবার পরে এক দাগ খেয়ে ঘুমুলেই আর দেখতে হবে না—সকাল বেলা অলু ক্লিয়ার।

ডাঃ সরকারের বাঁধানো দাঁতের প্রায় বত্রিশটাই দেখা গেল। সঙ্গে সঙ্গে যতীশ গুহ কম্পাউণ্ডারের পশ্চাতে তাঁর কম্পাউণ্ডিং কক্ষে প্রবেশ করলেন। সেখানে বন্ধিমবাবু শুধু কারমিনেটিভই দিলেন, না আরও কিছু হস্তান্তর করলেন, তা জানা গেল না। এদিকে আমরা ডাঃ সরকারের মধ্যপ্রাচ্যের লোমহর্ষণকারী অভিজ্ঞতার কথা আবার শোনবার অগ্রে তাঁকে উসকিয়ে দিয়েছি; সুতরাং চলছে মেশিন বক্ বক্ করে। ওদিকে কাজ হাঁসিল হয়ে গেল।

রাত বারোটায় সমগ্র শিবির যখন গভীর ঘুমে অচেতন, তখন বারান্দায় পাহারারত বন্দুকধারী একটি সিপাই ইষ্টার্ণ ব্যারাকের চার নম্বরের দরজার শিকের সমুখে দাঁড়িয়ে একটা অদ্ভুত রকমের গলার শব্দ করলো, অনেকটা খুসখুসে কাসির মতো। সুধাংশু ভট্টাচার্যের মশারিতে সে শব্দ প্রতিধ্বনি তুললো। অন্ধকারেই বেরিয়ে এলেন ভট্টাচার্য মশাই। প্যাকেট নিয়ে এসে আবার প্রবেশ করলেন মশারির অভ্যন্তরে।

কর্তৃপক্ষ প্রতিদিন সকালে সেন্সর করবার পর পাঠাতেন অনেকগুলো 'ষ্টেটস্ম্যান'। সেন্সর করবার জন্তে আই বি অফিসার পবিত্র সরকার ওখানে স্থায়ীভাবে নিযুক্ত ছিলেন। যে কোন সংবাদ তাঁর কাছে আপত্তিজনক মনে হতো, সেটুকুই তিনি সাবধানে কাঁচি চালিয়ে কেটে নিতেন, অপর পৃষ্ঠার ক্ষতির প্রতি দৃকপাত করবার প্রয়োজনীয়তা অনুভব করতেন না তিনি। এমনি অস্বোপচার করা জানালা-দরজাওয়াল পত্রিকা আমাদের ভাগ্যে প্রায়ই জুটতো।

জুন মাসের প্রায় মাঝামাঝি গোপনে আমদানী একটি পত্রিকায় মারাত্মক একটি সংবাদ পাওয়া গেল। চট্টগ্রামের ধলঘাট গ্রামের একটি গৃহে একদল গুখা সেনা হানা দেয় ক্যাপ্টেন ক্যামেরনের নেতৃত্বে। সেই গৃহে চট্টগ্রাম অস্ত্রাগার লুণ্ঠন মামলার জনাকতক পলাতক আসামী ছিলেন আর তাঁদের মধ্যে ছিলেন প্রীতিলতা ওয়াদেদার, নির্মল সেন, অপূর্ব সেন ও স্বয়ং মাষ্টারদা'। কয়েক ঘণ্টা উভয় পক্ষ থেকে গুলীবর্ষণের পর দেখা যায় ক্যাপ্টেন ক্যামেরন বিপ্লবীদের গুলীতে নিহত আর গুখা সেনার গুলীতে চিরনিদ্রায় আচ্ছন্ন হয়ে পড়েছেন বিপ্লবী অপূর্ব ও নির্মল সেন। প্রীতি ও মাষ্টারদা' সতর্ক ও সশস্ত্র পুলিশবেষ্টনীর মধ্যে দিয়েই নির্বিঘ্নে পলাতক।.....

সে দিন রাত্রে ভালো করে ঘুমই এলো না আমার। বার বার মনে হতে লাগলো মাষ্টারদা'র কথা। চট্টগ্রামের অনেক বন্দী ছিলেন। তাঁদের মুখে এই লোকটির অসমসাহসিক ক্রিয়াকলাপের কাহিনী বহু শুনেছি। পুলিশের সতর্ক তল্লাসীকে ফাঁকি দিয়ে তাঁরা ছ'একখানা ছবিও এনেছেন তাঁর। দেখেছিলাম সে ছবি। টাক-পড়া মাথা, চোয়াল উঁচু, গাল তোবড়ানো, ভয়স্বাস্থ্য আর শুনেছি খর্ককায়। শুধু সাধারণ নয়, অতি শোচনীয়ভাবে নিয়ন্ত্রণের লোক বলে মনে হয়। ব্যক্তিত্ব তো দুয়ের কথা, দশজনের সমুখে দাঁড়িয়ে কথা কইবার হিম্মৎ আছে বলে মনে হয় না। গলাবন্ধ কোর্টের নীচে পাতলা

চামড়া দিয়ে ঢাকা খানকয়েক সরু হাড়ের কোটরে ধুক্ ধুক্ করে যে যন্ত্রটি চলেছে, ছবি দেখে মনে হয় ক্যামেরনের একটা ছমকিতেই সেটা ঠক্ করে থেমে যাওয়া উচিত ছিল। শ্রদ্ধা তো দূরের কথা আকৃতি দেখে মনে খানিকটে অবজ্ঞা জাগলেও নালিশ করবার কিছু নেই।

কিন্তু আশ্চর্য্য এবং বিশ্বের আশ্চর্য্যতম সত্য যে, এই অতি সাধারণ ইস্কুল-মাষ্টারটি চমক লাগিয়ে দিয়েছেন ব্রিটিশ গভর্নমেন্টকে। একটি চুসকের মতো ছনিবার বেগে টেনে এনেছেন চট্টগ্রামের জাগ্রত যৌবনকে, অকস্মাৎ বৈদ্যাতিক অভ্যুত্থানে কুকুরের মতো বিতাড়িত করে দিয়েছিলেন সেখানকার পুলিশ ও সেনাবাহিনীকে। ড্যাবডেবে ছ'টি চক্ষুর নীল সাগরের কোন্ অন্ধতলে আগ্নেয়গিরির অগ্নিকণা লুকিয়ে আছে, ছবি দেখলে আদৌ হাদিস পাওয়া যায় না তার। যেন একটি অনির্বাণ বয়লার ; মোটা ইম্পাতের পাত দিয়ে ঢেকে অন্ধকার করে রাখা হয়েছে।

চট্টগ্রামের সূর্য্য সেন বাংলার তথা ভারতের বিপ্লব-সূর্য্যের একটি উত্তপ্ত রশ্মি। চট্টল-গগনে তাঁর উদয়। অস্ত নেই তাঁর। যুগে যুগে কালে কালে বিপ্লবীর রক্তরাঙা পথে সেই অগ্নান রশ্মি আলোক বিকীরণ করবে !... ..

বহরমপুর বন্দীশিবিরের বন্দীবাহিনী বিপ্লবী নির্মল ও অপূর্ব সেনের উদ্দেশ্যে গার্ড অব অনার প্রদর্শন করলো। ওয়েষ্টার্ন এনেক্সি ও ওয়েষ্টার্ন ব্যারাকের মধ্যস্থলে সুউচ্চ বেদীর ওপর অপূর্ব ও নির্মল সেনের প্রতিকৃতি। এঁকেছেন তাঁরই কোনো ঘনিষ্ঠ বন্ধু। পাশে হিমাংশু সেন এবং আরো উনিশ জন শহীদের নামফলক।

এ সব ব্যাপারে কোনো সভাপতি থাকেন না, বক্তৃতাও হয় না। সেনাদল বেদীর পানে মুখ করে এ্যাটেনশন হয়ে দাঁড়ায়। জি-ও-সি মুখপাত্ররূপে চার পা এগিয়ে যান বেদীর পানে, তারপর ঠকাস্ করে বুটের শব্দ করে হুকুম করেন : **In profound respect to the deathless martyrs Sa—
lute !**

জি-ও-সির সঙ্গে সঙ্গে সবাই স্যালুট করে।

তার পর জি ও জি বেদীর পরে ওঠেন। বেদীর উপর রক্ষিত প্রতিকৃতি ও নামফলকগুলির আবরণ উন্মোচন করে মাত্র এক মিনিট বক্তৃতা করেন : **কমরেডস্, আজ ছঃখের সঙ্গে ঘোষণা করছি, কমরেড নির্মল ও অপূর্ব সেন**

ইংরেজের গুলীতে শেষ নিঃশ্বাস ত্যাগ করেছেন, আবার সঙ্গে সঙ্গে আনন্দের সঙ্গে জানাচ্ছি, প্রীতিমতা ও মাষ্টারদা' ক্যাপ্টেন ক্যামেরনকে হত্যা করে পুলিশ-বেষ্টনী ভেদ করে পালিয়ে যেতে সমর্থ হয়েছেন। আজ আমরা স্মরণ করি শহীদ নিখামকে, শহীদ অপূর্বকে আর বাংলা ও ভারতের অগণিত শহীদদের। আমাদের বিপ্লবপ্রচেষ্টায় তাঁরা আশীর্বাদ করুন, এই কামনা।

In memory of the innumerable martyrs, Comrades Salute !

সবাই স্যালুট করে।

সেদিনকার গার্ড অব অনার প্রদর্শনের শেষে চট্টগ্রামের জ্যোতিষ্মর চক্রবর্তী আমায় একেবারে বুকে জড়িয়ে ধরলেন : The real G. O. C. of the Liberation Army of India। সত্যই আপনার সৈন্যবাহিনী পরিচালনা ও সমগ্র অনুষ্ঠানের পৌরোহিত্য করবার বলিষ্ঠ রীতি বিপ্লবীদের পক্ষে অনুকরণীয়। আন্তরিক ধন্যবাদ !

বিশেষণে সবিশেষ লজ্জিত হলাম।

সৈন্যবাহিনীর কুচকাওয়াজ হতো প্রতিদিন ভোর ছ'টায়। সাড়ে পাঁচটার সিপাই এসে দরজা খুলে দেবার পর মাত্র আধঘণ্টার মধ্যে প্রস্তুত হয়ে মাঠে এসে হাজির হওয়া কঠিন বলে সবাইকেই শয্যা ত্যাগ করতে হতো রাত চারটেতে। যখন আর দশ মিনিট বাকি, তখন অর্ডারলি অমর চ্যাটার্জী প্রত্যেক ব্যারাকের নিকটে গিয়ে বাঁশী বাজিয়ে সতর্ক করে দিয়ে আসতো।

শুধু মিনিটের কাঁটাই নয়, সেকেন্ডের কাঁটাটিও যখন ঘাটের কোঠায় এসে ঠেকতো, ঠিক সেই মুহূর্তে জলদগন্তীর স্বর শোনা যেত জি-ও-সির : কম্‌রেড্‌স্, ফল্-ইন।

তারপর এক ঘণ্টা চলতো কুচকাওয়াজ। এক সেকেন্ড দেরী হলেও কেউ রেহাই পেত না।

একদিন হরিদাস সেন দেরী করে আসাতে দশ মিনিট তাঁকে ডবল মার্চ করতে হয়। আর একদিন করালী বিশ্বাসকে অভিনব শান্তি নিতে হয়। বাহিনীকে মার্চ করবার হুকুম দিয়ে করালীকে নির্দেশ দেয়া হলো সর্বদাই

সমগ্র বাহিনীর বিশ গজ সমুখে থেকে তাঁকে মার্চ করতে হবে। লীডারের মতো মাতব্বর পদক্ষেপে বেশ চলছিলেন করালীকান্ত। কিন্তু যেই বাহিনী অ্যাভাউট টার্ন করলো, অমনি চৌ দৌড়ে করালীকে এসে আবার বিশ গজ সামনে স্থান নিয়ে মার্চ করতে হলো। বাহিনী এবার রাইট টার্ন করলো, আবার করালী দৌড়ে এসে স্থান নিলেন। এর পর বাহিনী বার বার দিক পরিবর্তন করতে শুরু করলো! আর বার বারই করালীকে দৌড়ে এসে পুরো ভাগে স্থান নিতে হলো। এমনি দৌড়াদৌড়ির শান্তি পনেরো মিনিট ভোগের পর করালী রেহাই পেলেন পেদিনকার মত।

নিয়মিত কুচকাওয়াজে বন্দীদের মধ্যে এই বাহিনী যেমন হয়ে উঠেছিল জনপ্রিয়, তেমনি অত্যন্ত নিষ্ঠার সঙ্গে পালন করা হতো সামরিক নিয়মাবলী। প্যারেডের মাঠে দ্বিভ্রম গাঙ্গুলী যে সর্বাধিনায়ক জি-ও-সি, একথা প্রতি পদক্ষেপে মেনে চলেন সবাই। দলীয় চেতনা ধীর যতই উৎকট থাক, সমগ্র শিবিরে যতই নেতৃস্থানীয় হোন না কেন যিনি, সিনিয়রিটি ধীর যত বেশীই থাক, তথাপি একথা তাঁরা অস্তুর দিয়ে মেনে চলতেন যে, বহরমপুর বন্দীশিবিরের সেনাবাহিনীর জি-ও-সি একজন আর সে দ্বিভ্রম গাঙ্গুলী।

মেহেদির বেড়াকে প্রথমে মনে করা হতো অনতিক্রম্য বাধা। সেনাদল মার্চ করে তার সম্মুখীন হয়ে মার্চ টাইম করতে পরবর্তী নির্দেশের অপেক্ষায়। কিন্তু পরে শিক্ষা দেয়া হলো এই সামান্য বাধা লক্ষ দিয়ে উৎরে যেতে হবে। ফলে, অনেকেরই পা ক্ষতবিক্ষত হয়ে গেল মেহেদির কাঁটায়।

সমগ্র আবহাওয়ার মধ্যেই এল নিয়মানুবর্তিতা, নিষ্ঠা ও শৃঙ্খলা। সামরিক কুচকাওয়াজের মধ্যে দিয়ে যুবকদের সৈনিকের মতো গড়ে তোলার উদ্দেশ্য নিয়েই সৃষ্টি করা হয়েছিল এই বাহিনী। তাই জেলা হিসাবে বেছে বেছে জনকতককে সেকশন-কমান্ডার নিয়োগ করা হলো—কমেট, বীরেন ঘোষ, বিভূতি চৌধুরী, রংপুরের বিমল মৈত্র, ময়মনসিংহের বিমল চক্রবর্তী, কুমিল্লার সমরেন্দ্র পাল, চট্টগ্রামের ত্রৈলোক্য বিশ্বাস, নোরাখালীর হরিভূষণ মজুমদার, দিনাজপুরের করালী বিশ্বাস প্রভৃতি। মুক্তির পর এঁরা নিজেদের জেলার এমনি সেনাবাহিনী গড়ে তুলবেন, এই ছিল উদ্দেশ্য।

একদিন সকালে কুচকাওয়াজের শেষে ঘরে এসে চা খাচ্ছি, এমন সময় একজন বেয়ারা এল অফিস থেকে। নিবেদন করলো, বড় সাহেব আবার

একবার 'সেলাম' দিয়েছেন। আমি সেই সামরিক পোষাকেই অফিসে গিয়ে হাজির হলাম। দেখলাম, 'সেলাম' দিয়েছেন বড় সাহেব নন, তাঁর মন্ত্রী গবুচন্দ্র—গিরিজা দত্ত।

মহা সমাদরে বসিয়ে বিনিয়ে বিনিয়ে শুরু করলেন গিরিজা : সত্যি, ভারী চমৎকার প্যারেড করান আপনি। আমার সেপাইরা দেখেছে। ওরা বলে, একেবারে হাবিলদারের মতো। আপনি বুঝি ইউনিভারসিটি কোর্স-এ ছিলেন ?

বললাম : না তো। ইউনিভারসিটিতে এখনও প্রবেশের সুযোগই পাইনি আমি। আটশ সালে কংগ্রেসের কলকাতা অধিবেশনে যে স্বেচ্ছাসেবক বাহিনী তৈরী হয়, আমি তাতে 'বি' কোম্পানীর সার্জেন্ট ছিলাম।

গিরিজা বলে যেতে লাগলেন : আমি আপনার প্যারেড না দেখলেও আপনার গলার আওয়াজ শুনি। আমার বাড়ী থেকে স্পষ্ট শোনা যায়। আপনার ফুসফুসে বেশ জোর আছে তো। একদিন অফিস থেকে সাহেবই আপনার গলা শুনতে পেয়ে আমায় ডেকে জিজ্ঞেস করলেন। মিলিটারী ম্যান কিনা, তাই প্যারেড ওরা ভারী পছন্দ করে।

বলে গিরিজা দত্ত অহেতুক চারিদিকে একবার চেয়ে নিলেন, কেউ নিকটে আছে কি না। অহেতুক এ জগ্গে যে একদিকে দেয়াল ও তিন দিকে কাঠের পাটিশন দিয়ে ঘেরা তাঁর কক্ষ, কক্ষের মধ্যে তিনি ও আমি। পাটিশনের বাইরে যারা অণু কাজে রত, তাদের আর দেখা যাবে কি করে ? বোধহয় পরের কথাগুলিতে গুরুত্ব সংযোজনা করবার জগ্গেই অকস্মাৎ গলা খাটো করে বললেন : কিন্তু জানেন তো, দ্বিজেনবাবু, একজন টিকটিকি এখানে বসে আছেন শ্রোন দৃষ্টি মেলে, অতি সহজ জিনিসকে বাঁকা করে দেখাই ঝাঁর একমাত্র কাজ। আর শুধু কি দেখা, সঙ্গে সঙ্গে নলিনী মজুমদারের কানে তুলে না দিলে তাঁর ঘুমই আসে না।

গিরিজা দত্তের উদ্দেশ্য বুঝতে না পেরে প্রশ্ন করলাম : কী আর এমন কথা তিনি কানে তুলবেন ?

বিস্ময় প্রকাশ করলেন গিরিজা : বিলক্ষণ ! বলেন কি, দ্বিজেনবাবু ? এখানকার সূঁচ পড়ার সংবাদটিও সম্বন্ধে উনি ওপরওয়ালার কানে বজ্রপতন হয়েছে বলে তুলে দিলে শুধু যে কর্তব্য সম্পাদনই হবে তাই নয়, ওঁর

প্রমোশনের পথ বেশ খোলসা হয়ে আসবে ! এই জগেই, মশায়, আই বিতে কখনো গেলামই না আমার এই আটাশ বছর চাকরিতে । চান্স কি কম পেয়েছিলাম, মশাই ? ওখানে গিয়ে যে সব নেমকহারামি কাজ করতে হয়, তা মশাই, আমার ধাতে নয় না । ভদ্রলোকের ছেলে তো সবাই !

আসল কথায় আসার তাগিদ দিলাম : কি করেছেন পবিত্র সরকার ? বিরক্তিতে গিরিজার কণ্ঠ প্রায় ক্রুদ্ধের মতো শোনা গেল : কি আর করবেন ! আমাদের সঙ্গে মিলেমিশে বেশ ভালোই আছেন দেখে তাঁর সহিবে কেন ? অতএব বাহাদুরী নিলেন এবার আপনাদের ঐ প্যারেডের খবরটি বেকাস করে দিয়ে ।

চমকে উঠলাম : কি হয়েছে ?

ওপর থেকে নির্দেশ এসেছে আপনাদের প্যারেড নিষিদ্ধ করে দেবার । কেন, এতে দোষটা কি হচ্ছিলো বলুন তো ? স্বাস্থ্যরক্ষা ছাড়া এর আর কি উদ্দেশ্য থাকতে পারে, আমার এই আটাশ বছরের চাকরি নিয়েও তো বুঝতে পারছি না । ক্যাম্পের মধ্যে এটাকে সংঘবদ্ধ ব্যায়াম ছাড়া আর কি বলা যেতে পারে ?—আর আপত্তিজনক কিছু দেখলে আমরাই তো পারি আপনাদের সঙ্গে আলাপ-আলোচনা করে একটা আপোষ-রফা করতে—

প্রশ্ন করলাম : কি, গভর্নমেন্ট আমাদের প্যারেড বন্ধ করবার হুকুম জানিয়েছেন নাকি ?

আজ্ঞে, তাই তো দেখছি !—বলে গিরিজা মহা অপরাধীর মতো বলতে লাগলেন : মানে এমনিভাবে ইনি লাগিয়েছেন যে, আমাদের ডিসক্রিশনের কোন সুযোগই আর দেয়নি । আর এতে Administration ও discipline-এর সত্যিই ক্ষতি হচ্ছে কিনা, সে তো বুঝবো আমরা, যারা প্রতিদিন আপনাদের সুখদুঃখের ভাগ নিচ্ছি ।—ছিঃ, ছি, ছিঃ কী আর বলবো, দ্বিভেন-বাবু, এই করেই তো গেল বাঙালী জাতটা ! ইস, এতগুলো টাকা ব্যয় করে আপনারা পোষাক তৈরী করালেন, এখন যদি প্যারেড না হয়—

বাধা দিলাম : প্যারেড বন্ধ হয়ে যাবে কে বললে ?

গভর্নমেন্ট যে বন্ধ করে দিয়েছেন দ্বিভেনবাবু !

জবাব দিলাম : প্যারেড করি আমরা, গভর্নমেন্ট নয় । আমরা তো বন্ধ করিনি । এই তো এখনই করে এলাম ।

গিরিজা ছ'চোখ কপালে তুলে ফেললেন : বিলক্ষণ, বলেন কি ! সরকারী হুকুম না মানলে আমাদের যে চাকরি যাবে, দ্বিজেনবাবু—

বললাম : তা যেতে পারে । কিন্তু আমাদের আত্মমর্যাদার মূল্য আপনাদের চাকরির চাইতে অনেক বেশী ।

গিরিজা এবার অফিসিয়েল মুখোশ পরবার চেষ্টা করলেন : কিন্তু হুকুম তামিল করা ছাড়া গত্যন্তর নেই আমাদের ।

হুকুম তামিল-করা ভৃত্যদের আরো কড়া জবাব দিতে যাচ্ছিলাম, এমন সময় কি কাজে স্বয়ং কমাণ্ডান্ট টবিন এসে গিরিজার কাছে প্রবেশ করলেন এবং আমাকে দেখেই বলে উঠলেন : হ্যালো জি-ও-সি, perhaps you have received the Government order ?

It has been communicated to me just now—জবাব দিলাম ।

টবিন ক্রুর হাসিতে ঠোঁট ছ'খানি একটুখানি প্রসারিত করে এবং নীল চোখে হাসির আভা ফুটিয়ে তুলে প্রশ্ন করলেন : Would you stop the Drill just from today ?

উঠে দাঁড়ালাম, জবাব দিলাম : Certainly not. It shall go on as usual.

আহত টবিনের কণ্ঠে এবার রুটিশ-সিংহের গর্জন শোনা গেল : Do you realise I am the Commandant of this Camp and I know how to make you stop it ?

সিংহ-গর্জনেরই প্রতিধ্বনি শোনা গেল জি-ও-সির কণ্ঠে : And do you realise I am the G. O. C. of the Berhampore Detention Camp Infantry and I know how to defy your orders ?

দেবী নয় । গট গট করে বেরিয়ে চলে এলাম । গেটের পাশেই দাঁড়িয়ে ছিল অর্ডার্লি অমর । সাংঘাতিক কিছু একটা অনুমান করে নিষেই প্রশ্ন করলো : গণ্ডগোল হলো নাকি কিছু ?

হলো এবং আরও হতে পারে ।—সবটা বললাম অমরকে ।—ঘরে ফিরে আসবার আধঘণ্টার মধ্যেই প্রেসিডেন্ট পরেশ সান্যাল সমস্ত পবিত্রদের অকরী বৈঠক আহ্বান করলেন । ঐদিন বিকেলেই স্পেশাল প্যারোডের প্রস্তাবটি সর্বসম্মতিক্রমে গৃহীত হলো । ফল্-ইন্ চারটেতে । চললো বাহিনীর মার্চ—
লেফট রাইট লেফট, লেফট রাইট লেফট !

সংবাদ নিশ্চয়ই পৌছে গেছে রুটিশ-সিংহের কানে। কানে পড়েছে গরম সিনে! প্রকাণ্ড গেটের মধ্যে দিয়ে এসে ঢুকলো একদল রাইফেলধারী সিপাই। কুচকাওয়াজ মাঠের প্রান্তে এসে দাঁড়ালো। ৩২ পেতে রইলো। নেকড়ে বাঘের মতো!

চেয়ে দেখলাম। এ তো জানা কথাই। রাইফেলে নিশ্চয়ই গুলী ভষা আছে। প্রয়োজন শুধু জমাদাবেব হুকুম। সে হুকুমও কঠিন কিছু নয়।

কিন্তু মাচ্চ আমরা করেই চলেছি অবিচ্ছিন্নভাবে—লফট বাইট লেফট, লেফট রাইট লেফট... ..

নির্ভীক, নিঃশঙ্ক, ভয়-ভবহীন!

সভেরে।

পূর্বেই বলেছি, হবুচন্দ্র রাজার গা এখন ব্যাবোমিটারের পাবাকে লাথি মেরে মেরে ওপরে তুলছে, গবুচন্দ্র মন্ত্রী এখন বিপর্যয়ের আশঙ্কায় হস্তদস্ত হয়ে ছুটে আসেন বৃহৎ একখণ্ড বরফ নিয়ে। যুক্তি-পবামর্শের ঠাণ্ডা লাজুক এখন উঠতি পারাকে নামিয়ে আনে ধীবে ধীরে।

এ ক্ষেত্রেও হলো তাই। বন্দুকধারী সান্দ্রীগুলো শুধু দৃষ্টি দিয়েই লোলুপতা প্রকাশ করলো, ঝাঁপিয়ে পড়ে রক্তারক্তি কাণ্ড ঘটাতে পারলো না। কারণ, বোধহয় অবশেষে ঝানু কূটনীতিবিদ গিরিজার হুকুম এলো টবিনের হুকুমকে সংশোধন করে—অ্যাভাউট টার্ন, কুইক মার্চ!

সিপাইরা চলে গেল : জয়লাভ করলো আমাদের সেনাবাহিনী।

এমনি করে সেনাবাহিনীর যেমন বৃদ্ধি পেলো জনপ্রিয়তা, তেমনই সর্বাধিনায়ক হিসেবে আমিও সবার স্নেহ প্রীতি আকর্ষণ করলাম। বয়স আমার মাত্র একুশ। আমার বয়সী বন্দীর ভিড় ছিল। তথাপি সামরিক নিয়মানুবর্তিতা প্রবর্তনের ব্যাপারে আমার ব্যক্তিত্বকে বহরমপুর বন্দী শিবিরের সবাই মেনে চলতেন।

কিন্তু কি জানি কেন, ১৯৩২ সালের জুন মাসের শেষদিকে অমুশীলনের বন্দীরা পৃথক বাহিনী গঠনের সঙ্কল্প ঘোষণা করলেন। কেন করলেন,

তার মুক্তিপূর্ণ কোনো কারণ সেদিনও যেমন খুঁজে পাইনি, এতকাল পরে আজও তেমনি মনে করতে পারি না। সেকালের বন্দীরা আমার এই কাহিনী পাঠ করে হয়তো ক্ষুব্ধ হবেন, কিন্তু তৃতীয় পক্ষ হিসেবে নিরপেক্ষ অভিমত দিতে হলেও আমি বলতে বাধ্য যে, উগ্র দলগত চেতনা ও হীনমন্ত্রতাই ছিল এর একমাত্র কারণ।

ব্যারাক তাঁদের পৃথক ছিল সত্য, তেমনি চৌকাণ্ড। তাঁদের প্রতিনিধি পৃথকভাবে কর্তৃপক্ষের সঙ্গে আলাপ আলোচনা করতেন দৈনন্দিন চাওয়া ও পাওয়া নিয়ে। একই শিবিরে বাস করলেও অন্তরঙ্গতা কঠিনভাবে সীমাবদ্ধ থাকতো দলীয় পরিধির মাঝখানে। চাই বা না চাই, একটা অদৃশ্য দেয়াল শির উঁচু করে দাঁড়িয়েছিল অনুশীলন ও যুগান্তর দলের সীমানায়!

কিন্তু একথা কোনো বন্দীই অস্বীকার করতে পারবেন না যে, বহরমপুরে এই বন্দীবাহিনী ছিল দলীয় স্বার্থ বা চিন্তার অনেক উর্দে। একটি বৃহত্তর পরিকল্পনা নিয়েই এর জন্মলাভ এবং এর সর্বময় ক্ষমতা গুস্ত ছিল যে সময় পরিষদের ওপর, তাতে অনুশীলনেরও যথেষ্ট সংখ্যক সদস্য ছিলেন এবং তাঁদেরও ছিল পূর্ণ ক্ষমতা প্রয়োগের অধিকার। সামরিক আওতার মধ্যে কোথাও দলীয় স্বার্থের গন্ধ ছিল না। তাঁরাও তা অনুভব করতেন।

তথাপি অনুশীলনের বন্দীরা আমাদের ত্যাগ করলেন। অবশ্য এর ফলে সংখ্যা আমাদের তেমন উল্লেখযোগ্যভাবে কমলো না, কারণ এই পৃথকীকরণের ছুরিকাঘাতে যতটুকু ক্ষত হলো, নতুন নতুন বন্দীরা এসে যোগদান করে তা অচিরে নিরাময় করে দিলেন।

অনুশীলনের বাহিনীর সৈন্যসংখ্যা যখন ত্রিশের কোঠায় এবং সপ্তাহে মাত্র দু'দিন প্যারেড-মাঠে তারা আত্মপ্রকাশ করে, যুগান্তরে তখন নিয়মিত প্রতিদিনকার কুচকাওয়াজে যোগদান করে শতাধিক নওজোয়ান!...অনুশীলনের বাহিনী পরে একেবারেই ভেঙ্গে দেয়া হয় যখন, যুগান্তর দলে তখন সৈন্য-সংখ্যা প্রায় দু'শো।

দিন একরকম কেটে যাচ্ছিল। ভালোভাবে না একঘেয়ে ধরনে, আজ আর তা মনে করতে পারি না। বাইরে যাদের ফেলে এসেছি, মন থেকে তাদের একেবারে মুছে ফেলতে না পারলেও বার বারই মনে হয়েছে, তারা

বাস করে এক পৃথক্ জগতে। আমাদের বন্দী শিবিরে বন্দী-জগতের সঙ্গে তাদের কোনো সম্পর্ক নেই। থাকলেও কোনোদিন সে চিন্তা মনকে আচ্ছন্ন করা দূরে থাক, মনের ক্ষুটিক চত্বরে তার ছায়াও ফেলতে পারেনি। পূর্ব দিকের ঐ প্রকাণ্ড শিমুল গাছটার কোণ ঘেঁসে সকালের সূর্য্য যখন দেখা দেয়, জানি, আমাদের গ্রামের মাখন মুদীর দোকানে তখন ক্রেতাদের ভিড় লেগে গেছে। বেলা বাড়বার সঙ্গে সঙ্গে বহরমপুরের শুষ্ক উত্তপ্ত হাওয়া যখন শরীরের রক্তবিন্দুগুলিকে শুকিয়ে দেবার চেষ্টা করে, জানি, আমাদের বাড়ীর দক্ষিণের কোঠায় তখন ছ ছ করা দখিন হাওয়ার মাতামাতি। রাত দশটা বাজতেই এখানে যখন ঘরে ফিরে যাবার বিউগল বেজে ওঠে, বেশ জানি, আমাদের বাড়ীর ছাঁদে তখনো বৌদিদের ও পড়শীদের ভিড়।

কিন্তু সব জেনেও মনে হয় ও সব জানতে নেই, মনে রাখতে নেই, রেখে-আসা দিনের কথা ভাবতে নেই। অজস্র ও অসংখ্য নিজের ও পরের কাজে ব্যাপ্ত থেকে নিমেষের জগৎও কখনও মনকে বসে থাকতে দিই না, পাছে হৃদয়াবেগের ভূত তার স্কন্ধে চেপে বসে। বহরমপুর বন্দীশালার গেট বন্ধ হবার সঙ্গে সঙ্গে মনের সবগুলো বাতায়নই শুধু বন্ধ করে দিইনি, তাতে তুলে দিয়েছি অর্গল, ঝুলিয়ে দিয়েছি পুরু পরদা। বাহিরকে আর ভেতরে আসতে না দেবার কঠোর ব্রত গ্রহণ করেছি।

তবুও লোহার নিশ্ছিন্ন কুঠরির মধ্যেও কি জানি কি করে সাপ এসে পড়ে, সাপ লক্ষীন্দরকে দংশন করে, সে দংশনে তার মৃত্যু হয়!...সজাগ সতর্ক প্রহরাকে ফাঁকি দিয়ে কী করে কখন কোন্ পথে অকস্মাৎ এসে পড়ে হয়তো একমুঠো ফুলেল হাওয়া, এক ঝলক দক্ষিণা মলয়। সাজানো-গোছানো সুকঠিন তপশ্চর্য্যার পারিপাট্যে অকস্মাৎ আঘাত লাগে, তাতে দাখ ধরে, বিপর্য্যয় কাণ্ড বেধে সাবার উপক্রম হয়। ফুলেল হাওয়া তুলে ধরে কালবৈশাখীর কালো ফণা!.....

অকস্মাৎ একদিন নীল খামে একখানা চিঠি এল। নীল রংয়ের কাগজে চমৎকার হরফে লেখা দীর্ঘ পত্র, চারটি পৃষ্ঠা ভর্তি। লিখেছে লতিকা। লতিকা দাশগুপ্তা। বেথুনের বি. এ. ক্লাসের ছাত্রী। একেবারে স্পষ্ট নির্লজ্জ প্রেমপত্র। কোনো উপক্রমণিকা নেই, প্রস্তাবনা নেই, যবনিকা ওঠবার প্রাকালে কোন ঐক্যতান নেই। একেবারেই নির্জলা নাটক!... অর্থাৎ

তোমায় চাই, একান্ত করে, নিজস্ব করে চাই। শুধু ভালো লাগেনি, তোমায় ভালোবেসেছি সারা অন্তর দিয়ে। তোমায় না পেলে ব্যর্থ হবে আমার জীবন, ব্যর্থতা নিয়ে বেঁচে থাকার কোনো সার্থকতা নেই।’

পরিশেষে এই ক’টি কথা লিখে শেষ করেছে : ‘আমার কোন খোঁজ তুমি আব না নিলেও আমি নিয়মিত তোমার সংবাদ সংগ্রহ করি বীণার কাছ থেকে প্রতি রবিবার নীলমণি মিত্র লেনে গিয়ে। অপেক্ষা করবো আমি, তুমি ফিরে না আসা পর্যন্ত। পথ চেয়ে থাকবো তোমারই প্রতীক্ষায়। ইতি—

—তোমারই লতিকা’

আমারই লতিকা!! আমার অন্তরাখ্যা পর্যন্ত ক্ষোভে ভ্রুংখে একেবারে আর্তনাদ করে উঠলো!...একেবারে উপভ্রাস সৃষ্টি করে ফেলেছে লতিকা। চার পৃষ্ঠাকে টেনে নিয়ে অনায়াসে এবার কলম চালিয়ে যাওয়া যায় চারশো পৃষ্ঠা পর্যন্ত, কিংবা উদাস নয়নে আকাশের পানে চেয়ে চেয়ে কাটিয়ে দেয়া যায় সারাটা দিন। কিন্তু কী মারাত্মক কাণ্ড করে বসলো লতিকা! সে কি জানে না, একেবারে বোকা বি. এ. ক্লাসের ছাত্রী, যে, আমাদের প্রত্যেকখানা চিঠি আমাদের হাতে এসে পৌঁছোবার পূর্বে খোলে পবিত্র সরকার? পড়ে পড়ে একেবাবে কণ্ঠস্থ করে ফেলে সেন্সর করবার নামে?—ছিঃ ছিঃ ছিঃ, ব্যাটা এমনি চিঠি পেয়ে হয়তো গিরিজাকে দেখিয়েছে, গিরিজা হয়তো বলেছেন টবিনকে। তারপর তিনজনে মিলে কত হাসিই না হেসেছেন, আর বলেছেন, এই হচ্ছে জি-ও-সি! বাইরে কড়া মিলিটারী খোলস আর ভেতরে ভেতরে রসের সাগর।...বন্দীরাই বা কেউ জেনেছে কি না কে জানে! হয়তো এতক্ষণে সংবাদ এসে গেছে, ব্যারাকে ব্যারাকে চলছে কানাঘুসা, হাসিঠাট্টা, জটলা, গুপ্ত বৈঠক। এইবার সব আসবে একে একে জি-ও-সিকে অভিনন্দন জানাতে, শ্লেষের তীরে বিঁধতে, মুখের ওপর অপমান করে যেতে!...উঃ, আর ভাবতে পারি না। মাথার রগ ছুঁটো ঠক্ ঠক্ করে লাফাচ্ছে!.....

এই উত্তপ্ত মধ্যাহ্নেই চাদরখানার আপাদমস্তক ঢেকে চোখ বুঁজে সটান গুয়ে পড়লাম। কখন ঘুমিয়ে পড়েছিলাম জানি না। কিন্তু যখন জাগলাম, তখন দেখি সেটা ১৯২৯ সাল, কালীতে হিন্দু বিশ্ববিদ্যালয়ের আই. এ. ক্লাসের ছাত্র আমি।...

মার্টিন কোম্পানীর চাকুরে সুন্দরদা' অর্থাৎ সুখময় গান্ধী বিপদে পড়লেন আমার নিয়ে। পেছনে টিকটিকি লেগেছে। তাঁর রামাপুরার বাড়ীতে আমার অনুপস্থিতিতে হানা দিয়েছে ক'বার, অফিসেও গেছে।

কি সুখময়বাবু, চাকরিটি খোয়াবার ইচ্ছে আছে নাকি ?

সুন্দরদা' প্রশ্ন করেন : কেন, বলুন তো ?

ভদ্রলোক মাথা নেড়ে বলেন : আর কেন। বাড়ীতে পুষছেন কাল সাপ, সে সংবাদ রাখেন কি ?

কাল সাপ ?

হ্যাঁ, কাল সাপ। আপনার কলকাতা থেকে-আস। ভ্রাতাটি একটি আস্ত টেরোরিষ্ট। গায়ের দিয়েছেন অবিশ্বি কংগ্রেসী ছদ্মবেশ। বাঙালীটোলা কংগ্রেসের সহ-সম্পাদক আর বিবেকানন্দ সেবাসমিতির সম্পাদক হয়ে যতই কেন না কঁাকি দেবার চেষ্টা করুন, আমাদের দৃষ্টি অত্যন্ত প্রথর।

সুন্দরদা' তাঁকে নিয়ে অফিসের বাইরে বারান্দায় এলেন। একটা সিগারেট অফার করে চিন্তিতমুখে প্রশ্ন কবলেন : কেন, কিছু করেছে নাকি ?

ভদ্রলোক জবাব দিলেন : করেনি, কিন্তু করবার ফিকিরে আছে। সারনাথ ভট্টাচার্য্যের বাড়ী যায়, সেখানে আসে ত্রিলোক সিং আর অমরনাথ মেহরোত্র। সারারাত জটলা চলে। আর বাঙালীটোলা কংগ্রেসের সম্পাদক কে জানেন তো ? জিতেন লাহিড়ী। কাকোরা মামলার ফাঁসীর আসামী রাজেন লাহিড়ীর দাদা।

সুন্দরদা' গম্ভীর হয়ে গেলেন। এত খবর তো তিনি রাখেন না। ভোর হতেই চলে আসেন অফিসে। দুপুরে ফিরে গিয়ে স্নানাহারের পর ঘণ্টাখানেক বিশ্রাম করে আবার চলে আসতে হয় অফিসে। করেন রাত্রে। প্রায়ই আমার সঙ্গে দেখা হয় না। বৌদিই আমার তদারক করেন। কংগ্রেসে যোগদানে তেমন আপত্তি ছিল না সুন্দরদা'র, কারণ আপত্তিজনক তেমন কিছু তখনো কংগ্রেসের কর্মসূচীতে স্থান পায়নি। আর বাঙালীটোলা কংগ্রেসের সভাপতি ছিলেন তখন কিরণচাঁদ দত্তবেশ। আমার আপন মামা, মারের ছোট ভাই। আসল নাম, কিরণচন্দ্র চট্টোপাধ্যায়। সাকিন গ্রাম ঝালিয়া, পোষ্ট অফিস—ঐ, থানা রাউজর, মহকুমা মাদারীপুর, জেলা করিমপুর। কাকিরার অন্যতম জমিদার কুলচন্দ্র চট্টোপাধ্যায়ের কনিষ্ঠ পুত্র। জ্যেষ্ঠ শ্রীশচন্দ্র কাকিরার

চালাতেন, তাঁর দাপটে বাঘে-গরুতে এক ঘাটে জল খেত আর কনিষ্ঠ গায়ে হাওয়া লাগিয়ে বেড়াতো। অকস্মাৎ সেই ফুলবাবুটি দীক্ষা নিয়ে বসলেন বিজয়কৃষ্ণ গোস্বামীর কাছে। ফলে, বিলাস-বাসন গেল, নিভে গেল জমিদারী মেজাজ, শুধু ঘরই ছাড়লেন না তিনি, কিরণচন্দ্র চট্টোপাধ্যায় কিরণচাঁদ দরবেশে রূপান্তরিত হলেন এবং এসে আশ্রম প্রতিষ্ঠা করলেন সুদূর কাশীতে।

তাঁর গায়েও একদা স্বদেশীর আঁচড় লেগেছিল। কি করে জানি না, বাংলার বিপ্লবী আন্দোলনের অন্তিম শ্রষ্টা বারীন্দ্রকুমার ঘোষ ও উপেন্দ্রনাথ বন্দ্যোপাধ্যায়ের সংস্পর্শে আসেন তিনি এবং তাঁদের কাজে সহযোগিতা করেন। তারপর দীক্ষা গ্রহণের পর তিনি অকপটভাবেই স্বদেশী ত্যাগ করে পূজা-অর্চনা নিয়ে সময় কাটাতেন। হিংসায় আর বিশ্বাস করতেন না। ১৯২৯ সালে কাশীতে পড়বার সময় আমার পাল্লায় পড়ে মামা বাঙালীটোলা কংগ্রেস কমিটির সভাপতি হতে রাজী হয়েছিলেন। কয়েকটা সভাতে যোগদানও কবেছিলেন। কিন্তু আমাকে দিয়ে প্রতিজ্ঞা করিয়ে নিয়েছিলেন যে, কংগ্রেসের আত্মরাখার নীচে যেন বিপ্লবের ছুরি না শানাই।

সুন্দরদা' এক মুখ ধোঁয়া ছেড়ে প্রশ্ন করলেন : কি করা যায় তাহলে ?

কি করা যেতে পারে ও কি করা উচিত, সে সম্বন্ধে ভদ্রলোক এমনি সারগর্ভ এক বক্তৃতা দিলেন যে, সেদিনই রাত্রে সুন্দরদা', বৌদি ও আমার এক গুরুত্বপূর্ণ বৈঠকে সর্বসম্মতিক্রমে এই সিদ্ধান্ত গ্রহণ করা হলো যে, অতঃপর আমি বসবাস করবো পৃথক স্থানে, শুধু ছ'বেলা এসে এখানে খেয়ে যাবো।

সুতরাং দশাশ্বমেধ ঘাটের কাছে একটি গলিতে একখানা পুরোনো বাড়ীর দোতলায় একখানা ঘর নিলাম।

জিতেন লাহিড়ীর হোমিওপ্যাথিক ওষুধের দোকান ঠার কোম্পানীতেই ময়মনসিংহের হরেন রায়ের সঙ্গে পরিচয় হয় এবং অতিদ্রুত সেই পরিচয় রূপায়িত হয় প্রগাঢ় অন্তরঙ্গতায়। হরেনদা' আর দ্বিজেনবাবু, আপনি 'ও তুমিতে এসে ঠেকলো। হরেনদা'র বাসায় গিয়ে পেয়েছিলাম এক দিদি, হরেনদা'র বড় বোন। কিন্তু আমার কাছে তিনি ছিলেন শুধু দিদি নন, মা-ও! আমার জন্তে তাঁর স্বতঃ-উৎসারিত নিবিড় স্নেহের কথা শ্রদ্ধাবনত চিন্তে আজও স্মরণ করি।

দ্বিদির গুণাগুণেই পরিচয় হয় বীণার সঙ্গে। আঁসারো বছর, আমার

সমবয়সী। বিবাহিতা, একটি মেয়ে হয়েছে। কলকাতা থেকে কাশীতে এসেছে স্বাস্থ্যোদ্ধাবে মাকে নিয়ে। যেমনি সবলা, তেমান আলাপী। কিন্তু আলাপ কোনে। একটি বিষয়ে নয়। মুখে থৈ ফুটবে বটে, কিন্তু প্রতি মুহূর্তে বিষয়বস্তু বদলে যাচ্ছে। যথা : 'দ্বিজেনদা', আপনি বলে চায়ে চিনি কম থান ? আমার তো পুরো ছ'চামচে চাই-ই আব তেমানি দুধ—যাবেন আজ বিকেলে দশাশ্বমেবে, নোকো কবে বেডাবো'খন ? ঐ কালীকীর্তন গুনতে এত ভালো লাগে আমার।—মা, বেশ তো লোক তুমি, 'দ্বিজেনদা' এসেছেন আব এখনো চাবের জলটা ষ্টোভে চড়িয়ে দিতে পাবোনি ?—আব পাবি না, বাপু, একা সব দিক সামলাতে। যেদিকে না দেখবো, সেদিকেই—মিলি, ও মিলি, কোণার গেলে, চাদ থেকে কাপড় গুলো এখনো নামিয়ে আনোনি ?

—'দ্বিজেনদা', একটা বিষয়ে কখন না, 'দ্বিজেনদা'।

এত শীগ্গীর ?—হেসে হবতো পল্ল কবি।

বীণা জবাব দেয় : কেন, আঠাবো বছবে মেখেদেব বিষে হব, আব ছেলেদেব হব না বুঝি ?—ঐ যাঃ, জলটা তো বাথরুমে ফেলে এসছি।—বলেই হবতো ফস কবে'চলে যায়। ফিবে এসে বলে : বুধবাব আমবা কিন্তু চলে যাচ্ছি, 'দ্বিজেনদা'। কলকাতা গেলে যেন দেখা কবতে ভুলে যাবেন না।

বীণাকে আমার ভালো লাগতো, খুব ভালো লাগতো। ওব প্রাণপাচুর্গা, অনর্গল হাসি, আবশ্রান্ত মুখে থৈ ফোটানো, এব পশ্চাতে আছে একটি অতি নিশ্চয় সত্য—মুখপ স্বামী তাব বক্ষিতা নিয়ে মত্ত, বীণাব দিকে ফিবে চাইবার অবসব নেই তাব। মাসিমাব কাছে যেদিন এই করুণ কাহিনী শুনি, সেদিনই স্থিৰ করেছিলাম কলকাতা ফিবে গেলেই একবার হানা দোব হাওডায় উপেন সবকাব মশাষেব বাসায।

হিন্দু বিশ্ববিদ্যালয় থেকে কলেজের পব ফেরবার পথে পড়তো বীণাদের বাসা। প্রত্যেক দিন আমার সাইকেল সেখানে হলুট করতো এবং অনেক দিনই ঘুরে আসতাম বীণাকে সঙ্গে কবে বৈকালিক ভ্রমণে। সেখানে চা চলতো, খাবার চলতো এবং বীণার মুখে থৈ ফুটতে ফুটতে কখন যে বেলা পড়ে গিয়ে অন্ধকার কবে আসতো, টেরই পেতাম না। তখন তো আর সুনন্দরদা'র বাসায় থাকতাম না ; তাই আর বৌদির জেরার সশুধীন হবার আশঙ্কা ছিল না।

১৯২৯ সালের ফেব্রুয়ারী মাস। বাঙালীটোলা কংগ্রেসকর্মীদের উদ্বোধনে মহা আড়ম্বরের সঙ্গে সরস্বতী পূজার আয়োজন হলো। শুধু পূজা নয়, জলসা, নাটকাভিনয় ও তৃতীয় দিবসে সাহিত্য সভা। মণিকর্ণিকা ঘাটের কাছাকাছি কোনো একটা বাড়ীর তেতলার ছাদে এই সাহিত্য সভার অধিবেশন হবে। নামে উদ্বোধিকা কংগ্রেসকর্মীরা, আসলে জিতেনবাবু ও আমি।

বিকেল চারটেতে সভা শুরু। সভানেত্রী করবেন জ্যোতির্ময়ী রায়। সে সময় কলকাতা থেকে কাশীতে বেড়াতে এসেছিলেন প্রমোদ মিত্র, প্রবোধ সান্যাল প্রভৃতি। আরও উপস্থিত আছেন সুরেশ চক্রবর্তী, মহেন্দ্র রায়, কেদার বন্দ্যোপাধ্যায় প্রভৃতি। সভানেত্রীকে নিয়ে আসবার ভার পড়লো আমার ওপর।

গাড়ী নিয়ে তাঁর বাড়ীতে গিয়ে হাজির হলাম। পরিচয় হলো এবং নাম শুনেই অকস্মাৎ তিনি আগ্রহান্বিত হয়ে আমার বাবা-মা-ভাই-বোনদেরও সংবাদ নিতে লাগলেন। কফি এল এবং সঙ্গে দু'টি ভেজিটেবল স্মাণ্ডউইচ। নিয়ে এল কোনো বয় বা চাকর নয়, একটি মেয়ে। অবিবাহিতা আর অপূর্ব রূপসী। সরু জরিপাড় একেবারে ছুধের মতো সাদা মলমল পরেছে। খাটো করে কাটা রুখু চুলের সম্ভার ক্লিপ এঁটে এঁটে সংহত ও সংযত করবার চেষ্টা করা হয়েছে।

জ্যোতির্ময়ী দেবী পরিচয় করিয়ে দিলেন : অশোকা, জিতেনবাবুর কাছে তুমি ঝরা এত সখ্যাতি শুনেছ, life blood of the whole organisation, ইনি হচ্ছেন সেই দ্বিজেন গাঙ্গুলী, আর আমার মেয়ে অশোকা, আই. এ. পড়ছে।

পরিচয় হলো, আলাপ হলো, হাসি-পরিহাসও হলো এবং অবশেষে মোটরে জ্যোতির্ময়ী দেবী যখন আমায় একেবারে অশোকার পাশে বসবার জন্তে জিদ করতে লাগলেন, তখনই অকস্মাৎ আমার মনে পড়ে গেল আমিও অবিবাহিত এবং রূপবান স্বাস্থ্যবান যুবক! আশ্চর্য্য সুন্দরী এই অশোকা, পরীর মতো অনৈসর্গিক, সোনার ফ্রেমে বাঁধিয়ে রাখবাব মতো অলৌকিক! হাত দিয়ে স্পর্শ করতে ভয় হয়, পাছে সৌন্দর্য্যের রেণুগুলি হাতের ময়লা আঠার লেগে উঠে আসে!.....

সাহিত্যসভার গল্প, কবিতা ও প্রবন্ধ পাঠ হলো। আরম্ভিও হলো করেকটা। পরিশেষে আমার লেখা “নিকুপার।” সর্বশেষে গান গাইলো যে

মেয়েটি, শুনলাম তার নাম লতিকা দাশগুপ্তা। কলকাতার মেয়ে, বেড়াতে এসেছে ক'দিনের জন্তে। জিতেনবাবুর কোন্ বন্ধুর আত্মীয়া।

কিন্তু কী অপূর্ব সঙ্গীত! গানের কথা ছবছ আজ আব মনে না পড়লেও সেখানা যে বিরহিণী শ্রীরাধিকার কীর্তন, তা ভুলিনি। কেঁদে কেঁদে বলছেন শ্রীরাধিকা: 'সখি, আর কত সহিবো বল! আসবে বলে চলে গিয়ে আজ্ঞা সে এল না ফিরে। আকাশের নীলে দেখি তাকে, কোকিলের কাকলিতে শুনি তার কণ্ঠ, নদীর কলধ্বনিতে নিশিদিন শুনি তার বাণী! কিন্তু কৈ সখি, সে তো এলো না।...কী মূল্য তবে আমার জীবনের, কী সার্থকতা আমার এই ভরা যৌবনের, কী হবে আমার এই বুকভরা প্রেমের? দে সখি, আমার বিষ এনে দে, নীল বিষ পান করে আমি নীলেতে লীন হয়ে যাই।...'

লতিকার গান শুনলাম না, শুনলাম মদনপীড়ায় জর্জরিত। বিরহিণী শ্রীরাধিকার পাঁজরা-ভাঙ্গা আকৃতি...নীল বিষ পান করে লীন হয়ে যাই! তাল, মান, লয় সম্বন্ধে ধারণা আমার খুব নিভুল ছিল না সত্য, কিন্তু সর্বসত্তা বিলিয়ে, তনুমনপ্রাণ দিয়ে প্রিয়ের তবে যে অক্ষসঙ্গম আবেদন, সে আবেদনের মরমী কণ্ঠ আমি চিনি। সেই মাধাবী কণ্ঠে গান গাইলো লতিকা। শুধু শুনলাম, আলাপ পরিচয়ের অবকাশ বা সুযোগ ছিল না আমার।

ফিরে যাবার সময় আবাব জ্যোতির্ময়ী দেবীসঙ্গে যেতে হলো আমার অশোকাব পাশে বসে। কেদার বন্দ্যোপাধ্যায়, সুরবেশ চক্রবর্তী, পোমেন্দ্র মিত্র, প্রবোধ সাহা, মহেন্দ্র রায় প্রভৃতি সবার কাছ থেকে স'ম্মুখে বিদায় নিয়ে অশোকাব পাশে বসে উঠে বসলাম জ্যোতির্ময়ী দেবীসঙ্গে, কে জানতো কোন্ আড়াল থেকে লতিকা তা লক্ষ্য করেছিল? ...

আঠারো

মাত্র দিনকয়েক পর। হিন্দু বিশ্ববিদ্যালয় থেকে ফেরবার পথে কাশী শহরে এসে পৌছোবার পনই অকস্মাৎ একদিন গেল সাইকেলের টিউব ফুটো হয়ে। কাছে কোথাও সাইকেল সাবাইয়েব দোকান পেলাম না। তাই প্রায় দু'মাইল বাস্তা সেই ফুটো সাইকেল ঠেলতে ঠেলতে হাঁটু-সমান ধূলো নিয়ে এসে হাজির হলাম বীণাদেব বাগাব।

দোতলায় উঠে দেখি কণা ও দর্দমা নিদ্রিতা, বাণা কোথাও নেই। বাথরুম জলের শব্দ পেলাম। কিন্তু এমনভাবে সব খুলে ফেলে বেখে বাথরুমে? কোনো সাড়াশব্দ না দিয়ে বাণাব কক্ষে ঢুকে হাঁটু-সমান ধূলোমাখা পা দু'খানা এটান মেলে দিবে শুবে পড়লাম এব গুমের ভান কবে বইলাম পড়ে।

কিন্তু বাণা আমার জানে। বাথরুম থেকে এসে একেবারে হাত ধরে টেনে তুললো! আমার : জানো, 'দ্বিজেনদা', তোমাব জন্মে একটা সুখবর আছে। বল, কি খাওয়াবে? নইলে বলবো নী 'কিন্তু, আগেই বলে দিচ্ছি।—একটু দাড়াও, আমি কাপড় ছেড়ে আসছি।

সবলা অনভিজ্ঞা বাণা পরে এল সারা, সাড়ী আর শুধু মান হাতওয়ালা বডিস। বললো : বল, কি খাওয়াবে?

যা খেতে চাইবে।

যদি চাই আকাশের চাঁদ?

তা দোব। তুমি যদি খেতেই পার, তাহলে না হয় আকাশি দিয়ে চাঁদটাকে পেড়ে আনবার কষ্ট স্বীকার করা যাবে।

হু'জনেই হেসে উঠলাম।

একটু পরে প্রশ্ন করলাম : কিন্তু খবরটা সত্যিই যদি সুখবর না হয়? তুমি মনে করছো সুখবর, আর আমি হয়তো তাকেই বলবো কুখবর—ও, হয়েছে হয়েছে, উপেনবাবুর চিঠি এসেছে, তাই না?

বীণা কৃত্রিম গাভীর্য প্রকাশ করলো : তাই হবে। তাবপর?

বললাম : লিখেছেন এবার তোমার নিয়ে খাবেন। মন তাঁর ভালো হয়ে গেছে, মত তাঁর গেছে বদলে, তাই না?

ছাই।—বলে বীণা মুখ ফিরিয়ে নিলে। তাবপব অকস্মাৎ আমাব হাতখানা টেনে নিয়ে বলে উঠলো : দাঁড়াও, হাত দেখতে পাবি আমি। দেখি—ভেনাসের একটা চক্র পড়েছে আৰ শুক্রের স্থানটিও বেশ মাথা চাড়া দিয়ে উঠছে—সত্যি কথা বলবে ?

মজা দেখতে ইচ্ছে হলো : বলবো। কব জিজ্ঞেস।

সীমাহীন আনন্দের সহকাৰে বেথা গুলো আৰ একবার সৃষ্টি পৰীক্ষা কৰে কুণ্ডল কৰে বীণা অকস্মাৎ পল্ল কৰে বললো : নিশ্চয়ই কাউকে ভালোবেসেছ তুমি ? বল, সত্যি কি ন' ?

জিজ্ঞেস কবলাম : কাক ?

লতিকাক—লিকা দাশগুপ্তা।

চমকে উঠলাম। লিকা দাশগুপ্তা ? সেই গানিকা, বিবাহিণী শ্রীবানিকা ? বীণা কাকে চেনে কি কবে ?

তাবপব শুনলাম কি কবে চেনে। শুধু চেনে নব, ড'জনে বন্ধ। আৰ এখানে এসে নব সেই কলহাণ্ডা থেকে। সান্ত্বনা সলাব কথা লিকা সব বলেছে বীণাকে, আৰ সেই সঙ্গে আমাব কথাও উল্লেখ কৰতে লাগিল। আমাব লগা “নিৰুপাব লতিকাব নামক খব ভালো লগেছে, আৰ চুপি চুপি জানালো বীণ, সেই সঙ্গে লেখককেও। অতএব, বীণা হকুম কবলো আমাব সেই পাতাখানা তাব চাই এৰং সেই সঙ্গে আমাকেও।

প্রশ্ন কবলাম : আমাকেও ?

হ্যাঁ, তোমাকেও। আজই মিশিবপোখবায় একটা বিয়ে বাডীতে বাত্রে আসবে লিকা তোমাব খাতা নেবার জন্তে আৰ তোমাব সঙ্গে পরিচয় কববার জন্তে। তোমায় যেতে হবে, দ্বিজেনদা'।

আশ্চর্যান্বিত হলাম : বাঃ, বেশ তো। অজানা এক বিয়ে বাডীতে যাবো অজানা একটি মেয়েব সঙ্গে পরিচিত হতে ? তোমাব প্রস্তাবটি যেমন নতুন, তেমনি উদ্ভট।

কিন্তু অসম্ভব নয়, আৰ তা আমি হতেই দোব না। তুমি কাঠেব পুতুল হলে কি হবে, লতিকা সত্যিই তোমায় ভালোবেসেছে।—বলে বীণা আলমারি থেকে বাব করলো লতিকার লেখা একটা চিরকুট, চোখের সামনে মেলে ধরে বললো : এই দেখ, বীণা তো তোমায় শুধু মিছে কথাই বলে। এবার

বিশ্বাস হলো তো যে, এটা আর উদ্ভট উপন্যাস নয়? আমি বলে এসেছি তোমারও নিয়ে যাবো নিশ্চয়ই।—বল, কথা দিলে, দ্বিজেনদা!—বলে বীণা একেবারে আমার গা ঘেঁসে দাঁড়ালো।

কিন্তু আমার কথার জন্তে বয়েই গেছে বীণার। রাত দশটার টেনে নিয়ে গেল সেই বিয়ে-বাড়াতে খাতাখানা বগলদাবা করে। পরিচয় হলো লতিকার সঙ্গে।

তার পরের ঘটনাবলী সংক্ষিপ্ত হলেও গতিশীল ও রোমাঞ্চময়। কলেজ থেকে ফেরবার পথে বীণার বাসাতে বহু বিকেল রাত করে ফেললাম, ছুটির দিনে রেস্টোরাঁয় বসে বসে চা ও কেকের সঙ্গে অনেক সকাল একেবারে ছপুর হয়ে গেল, অনেকগুলো সন্ধ্যা নদীর বুকে ভাসমান নৌকোর কাটলো। কখনো সাঙ্গী রইলো বীণা, কখনো শুধু লতিকা ও আমি, আমি ও লতিকা! তখনকার সাঙ্গী রইলেন হয়তো অশরীর্ষী কোনো দেবতা!.....

আমাদের স্বর্ণ সুযোগ দিয়ে অনেক সময়ই বীণা সরে যেত। কিন্তু সুযোগের সদ্ব্যবহার করবার মতো মন কোথায় আমার? কোথায় আমার সে সময়? ভালো তাকে লেগেছিল সত্যি, কিন্তু ভালোবাসতে পারলাম কই?

অশোকার সঙ্গে তার পার্থক্য আছে। অশোকাকে নিয়ে ফেস্কে আঁকা চলে, কিন্তু লতিকার পঁয়ত্রিশ মিলিমিটারের ক্ষুদ্র এক টুকরো ছবি বুকপকেটে ভরে বাথতে ইচ্ছে করে। অশোকার স্বর্ণপদক পেনডেন্টের মতো গলায় ঢালিয়ে বাবদর্পে যাওয়া য'র ক্লাবে, হোটেল, সভা-সমিতিতে, আর লতিকার সঙ্গে চুরি কবে কথা কইতে ভালো লাগে পার্কের আধো-অন্ধকার কোণের বেঞ্চিতে বসে। অশোকার সান্নিধ্য মনোরম আর লতিকা রক্তকণিকা-গুলিকে নাচিয়ে তোলে। অশোকার সৌন্দর্য্য অনৈসর্গিক আর লতিকার রূপ রসালো রক্ত ও মাংস দিয়ে গড়া। অশোকাকে মনে থাকে, আর লতিকা সারা মন জুড়ে বসে থাকে।.....

কিন্তু আমার মর্ক অস্তুর পূর্বেই যে আচ্ছন্ন হয়ে আছে এক সুকঠিন ব্রত উদ্‌যাপনের দায়িত্বে! সেখানে আর তিলমাত্রও স্থান আছে কি?...

সে যুগে কোনো অশোকা, কোনো লতিকাকেই ভালোবাসবার সময় ছিল না বিপ্লবীদের। বুকে জ্বলছে তাদের দেশপ্রেমের আগুন, মাথার অবিশ্রাম খেলছে বৃটিশ সিংহ শিকারের নানা কৌশল, সারা জীবন তাদের মাংসের জন্ত বलिপ্রদস্ত।

তাদের ভাবনা-চিন্তা, আলাপ-আলোচনা ও চলা-ফেরা নিয়ন্ত্রণ করতে সেই অনড় প্রতিজ্ঞা, মস্তেব সাধন কিংবা শরীর পাতন। এমন একটিও অলস মুহূর্ত তাদের জীবনে ছিল না, যখন তারা রঙীন কিছু কল্পনা করবার অবসর পেত। নরনারীর ভালোবাসাকে অবজ্ঞা করবার কোনো কারণ না থাকলেও সেই স্বর্ণশৃঙ্খলে নিজেকে জড়িয়ে ফেলবার ঝোঁক কোনোদিনই ছিল না তাদের।

আর এ তো আশাই করিনি আমি। ঊনত্রিশ সালের স্বপ্ন বত্রিশ সালে কখন চূর্ণ হয়ে গেছে, ঢাকা ঘুরে ঘুরে কোথাকার ঘটনা পুরোনো বাসি হয়ে কোথায়, কোন্ ধুলায় লুপ্ত হয়ে একেবারে অবলুপ্ত হয়ে গেছে, কে তার সংবাদ রাখে? হবেনদা'বা ঘটনাস্রোতে কোথায় চলে গেছেন, উপেন সরকারের সঙ্গে শেষ পর্যন্ত বীণার আপস-বফা হয়ে গেছে কিনা, আই. এ. পাশ করে লতিকা বি. এ. পড়ছে কিনা, তা জানবাব আমার যেমন নেই উৎসাহ, তেমনই সময়েরও অভাব।

এই ছনিয়া-ছাড়া ছনিয়ায় অকস্মাৎ চেনা দিনের সুগন্ধ কেন? মোহার ঘরে কোন্ পথে প্রবেশ করলো কাল সাপ?...

কোথায় একটা কাটা বিঁধতে লাগলো, কোথা থেকে যেন কার চাপা গোঙানির শব্দ কানে আসতে লাগলো, অনুভব করলাম একটা আলোড়ন অন্তর-সমুদ্রে!

তুলে রাখলাম নীল চিঠি সযত্নে বাস্তব তলায় কাপড়ের ভাঁজে। নীল বিষ পান কবে লতিকা লীন হয়ে যেতে চেষ্টাছিল। আমার কাছে নীল থামখানা একটি নীল অপবাজিতা মনে হলো, সত্ত্ব বাগান থেকে চয়ন-কবা অনায়াসে ফুল!

উনিশ

সত্যিই, একটা ঘা খেলাম। ছ' এক দিনেব মধ্যেই অবশ্য বুঝতে পাবা গেল যে বন্ধবা কেউ মাঝপথে আব খোলেনি এই চিঠি, তথাপি নিজকে কেমন যেন অপরাধী মনে হতে লাগলো। রাগ কবা ও চেষ্টা কবলাম, কিন্তু পাবলাম কোথায়? চোখ বাজালেই দেখতে গাও, বেল ফুলেব কুঁড়িব মতো দাঁতগুলোর আভাস দেখিয়ে যেন লাতিকা খিলখিল কবে হাসছে ছোট্ট ফ্রকপবা মেয়েব মতো।

একদিন বলোঁছিলাম বাগ কবে " কাল থেকে আবাব ফ্রক-পবা শুরু কবে? তুমি, বুঝলে?

প্রশ্ন এলো: কেন?

ব্যাখ্যা কবলাম: কেন, এমনি হল-কাপানো হাসি সাড়াপবা মেয়েকে কখখনো মানায় না। বয় ছ'বাব উঁকি মেবে গেছে, লক্ষ্য কবে? অণ্ডাণ্ড কেবিনেও তা লোক আছে সেটা বুঝ ভুলে যাও?

গম্ভাব হয়ে গেল লাতিকা: তাহলে কি কবতে হবে? হাসি বন্ধ কবতে হবে?

বললাম: তা হ'ব।

মাথা নেঙে লাতিকা বললো: না, তা হবে না। ফ্রক-পবাব হাসি ধুতি-পবাব সঙ্গে চলতেই পাবে না।

আশ্চর্য্য হলাম: মানে?

মানে খুব সহজ। তোমায হাফপ্যান্ট পবতে হবে আব হাতে নিতে হবে একটা গুলতি, বুঝলে?

বিস্ময় বেড়ে গেল আমাব: হাফপ্যান্ট। গুলতি।

কাটা বিঁধিরে এক টুকরো ক'টলেট আমাব প্লেটে ছেড়ে দিতে দিতে বললো লাতিকা: বাঃ, তা নইলে ফ্রক-পবাব সঙ্গে ভালোবাসা জমবে কি করে গুনি?

এবাবে চোখ ছ'টো একেবারে কপালে উঠে গেল: ভালোবাস!

হ্যা, ভালোবাসা।—বেশ সহজভাবেই বললো লাতিকা: আমায় খে ভালোবেসে ফেলেছ, সে কথা অস্বীকার কবতে পাব? গায়ের স্ফোরে না না করে চীৎকার কবতে পার বটে, কিন্তু তাতে মনের প্রতিধ্বনি পাবে না। কিন্তু ফ্রককে

দেখে ভুলে যেতে পারে কে, ধূতি নয়, হাফপ্যান্ট, বুঝলে? তাই বলছি তুমি হাফপ্যান্ট পরলে আমি পরবো ফ্রক।

কৌতুক অনুভব করলাম : কিন্তু ঐ গুলতি ?

গম্ভীর হয়ে জবাব দিল সে : বহিঃশত্রুর আক্রমণ থেকে দুর্গ রক্ষার দলমাদল কামান। জানোই তো, ছনিয়ায় একটি ছেলে ও একটি মেয়ে কোথাও নেই। হয় দু'টি মেয়ে একটি ছেলেকে কিংবা দু'টি ছেলে একটি মেয়েকে ভালোবাসে। যেমনি ছড়াছড়ি ওসমান-জগৎসিংহের, তেমনি ভিড় সূর্যমুখী-কুন্দনন্দিনীর। তাই তোমার হাতে থাকবে গুলতি। 'হয় কর্ণ, নয় পার্থ ধরা হতে লইবে বিদায়।'

বলেই সেই ফুলের হাসি। ছোট ছোট সাদা দাঁতে হলু-কাঁপানো শব্দ!

জ্যোতিষ্ময়ী দেবী কিন্তু আর বেশী আগ্রহ দেখাননি। অবশ্য সেই সাহিত্য-সভার পরে দিনকয়েক তাঁর ওখানে আমার চায়ের নেমস্তন্ন করেছিলেন। কিন্তু কোথায় যেন বাধো-বাধো ঠেকলো, সম্মানজনক ব্যবধানটি বিস্ত্রীভাবে হাঁ করে রইলো। ভারী মিষ্টি মেয়ে অশোকা, অস্ট্রেলিয়ান মধুর মতো। আর লতিকা একেবারে শ্যাকারিন। শ্রেফ শ্যাকারিন। মিষ্টি বিষ!

সে সময় লাহোর কংগ্রেস থেকে ফেরবার পথে কাশীতে প্রতুল গাঙ্গুলী নেমেছিলেন। এক যুগান্তকারী সংবাদ দিলেন আমার যে, ঢাকার বিপ্লবী দলের মধ্যে বৈপ্লবিক কর্মপদ্ধতি নিয়ে দু'টো ভাগ হয়ে গেছে সম্প্রতি। এক দলের নেতা অনিল রায়, লীলা নাগ প্রভৃতি, আর অপর দলের নেতা হচ্ছেন সত্য গুপ্ত, ভূপেন রক্ষিত, রসময় সুর, মণি রায়, প্রকুল দত্ত, প্রভাত নাগ (লীলা নাগের ভাই) প্রভৃতি।

সংবাদ পেয়ে সেদিনকার ট্রেনে সোজা চলে এলাম কলকাতায় সত্য গুপ্তের কাছে। স্বাভাবতঃই অশোকা তখন একেবারেই হারিয়ে যায়। লতিকাও যে ধীরে ধীরে ষ্কিকিয়ে গিয়েছিল আমার মনে, তাও সত্য। কিন্তু আমি ভুলে গেলে কি হবে? সে কি আমার ভুলে গেছে? ভুলতে পেরেছে? নাছোড়বান্দা কাবুলীওয়ালার মতো আবার আমার দরজার গোড়ায় বসে নেই তো? বেরুলেই আবার তার খপ্পরে পড়বো কিনা কে জানে। মিনি না হলে কি হয়, আমাকেই হয়তো বলে উঠবে : এ খোঁখা, হাফপ্যান্ট লিবে আউর লিবে গুলতি.....

এই রঙীন তরলের তোড় কমে যেতে সময় লাগলো অবশ্য মাত্র ক'দিন।

জীর্ণ বস্ত্রের মতো ক্ষণিকের এই চিন্তা-বিলাস ঝেড়ে ফেলে দিলাম মন থেকে। প্যাবেড, খেলাধুলা, আব 'শৃঙ্খল' নিয়ে একেবারে মেতে উঠলাম। নীল অপরাঞ্জিতা বাস্ত্রের তলায় কোন্ কাপড়ের ভাঁজে মুখ খুবরে পড়ে পড়ে শুকিয়ে গেল, মনে পড়লো না তা।

২৯শে জুন পাওয়া গেল আর একটি উত্তেজনাকর সংবাদ : ঢাকা শহরের একটি পোষ্ট অফিসে ২৮ তারিখে কালীপদ মুখার্জী নামে একটি যুবক একখানা 'তার' করতে আসে—Operation successful—পোষ্টমাষ্টারের সন্দেহ হয়। তিনি তাকে একটু দেরী করতে বলেন কাজের ভিড়ের অজুহাত দেখিয়ে। আর গোপনে সংবাদ পাঠান আই বি অফিসে। পুলিশ সন্তর্পণে এসে কালীপদকে গ্রেপ্তার কবে। কালীপদ তাতে বিন্দুমাত্রও চাঞ্চল্য না দেখিয়ে পুলিশকে সঙ্গে কবে নিয়ে আসে তার মেসে এবং স্পষ্টভাবে পরে যে বিবৃতি দেয়, তাতে স্বীকার করে যে, আগের দিন অর্থাৎ ২৭ তারিখ রাত্রে স্পেশাল অফিসার কামাখ্যা সেনকে নিদ্রিতাবস্থায় সে-ই হত্যা কবেছে। রাত তখন গভীর। বাইবেব বাস্ত্রায় মাঝে মাঝে টহলদার সিপাইয়ের পায়ে শব্দ শোনা যাচ্ছে। বাগানের নীচু দেয়াল টপকে কালীপদ নাকি নিঃশব্দে প্রবেশ কবে। জানালাও খোলা ছিল; তাই সে এসে হাজির হয় একেবারে নিদ্রিত কামাখ্যা সেনের খাটের পাশে। তারপব মশাবিটি তুলে একবার... দু'বার... তিন বার... ব্যস্, জানালা টপকে, দেয়াল টপকে আবার সে নির্বিবাদে সরে পড়ে।

কামাখ্যা সেন !!... অকস্মাৎ রক্তবিন্দুগুলি বেন সাপের মত কিলবিল করে উঠলো। সেই নোটোরিয়াস কামাখ্যা? সেই স্বাউণ্ডেল? ... ১৯৩০ সালে এই নরপুত্রব স্পেশাল অফিসাররূপে সমগ্র বিক্রমপুর চষে ফেলেছিল !...

অসহযোগ আন্দোলন তখন ভীষণ আকার ধারণ করেছে। আইন-সভার সদস্যগণ একে একে করছেন পদত্যাগ, স্কুল-কলেজ বন্ধ হয়ে গেছে, 'ষ্ট্রেটস্ম্যান' জাতীয় এক-আধখানা সংবাদপত্র বাতীত সমস্ত সংবাদপত্রের প্রকাশ স্থগিত রাখা হয়েছে সরকারী জুলুমের প্রতিবাদে, পথেঘাটে তৈরী হচ্ছে লবণ, প্রকাশ্য সভায় বাস্ত্রায়ান্ত পুস্তক পাঠ চলছে, ১৪৪ ধাৰা সর্বত্রই অমান্য করা হচ্ছে, উদ্বেলিত সাগরতরঙ্গের মত জাগ্রত জনতা সংগ্রামের পথে এগিয়ে চলেছে তুচ্ছ করে পুলিশের লাঠি ও চাবুক, গুলী ও বেরনেট।

ঠিক সেই সময় সাব ডেপুটি কামাখ্যার ওপর ভার পড়লো বিক্রমপুরকে,

বিশেষ করে শ্রীনগর, সেরাজদীঘা, তালতলা প্রভৃতি কয়েকটি থানার অধিবাসীদের শায়স্তা করবার। কামাখ্যা পেল হাতে স্বর্গ! কারণ সে জানতো কৃতিত্ব দেখিয়ে প্রমোশন পাবার এই সুবর্ণ সুযোগ হারানো মূঢ়তা। সুতরাং সপাং সপাং গর্জে উঠলো তার হাতের চাবুক, গুড়ুম্ গুড়ুম্ গর্জে উঠলো তার কোমরবন্ধের রিভলভার। মহিলাদেরও কসুর করলো না কামাখ্যা সেন!...

সে সময় ঢাকা শহরে অকস্মাৎ দেখা দেয় সাম্প্রদায়িক দাঙ্গা, হিন্দু-মুসলমানে গলা-কাটাকাটি। সরকার পক্ষের প্ররোচনায় সেই দাঙ্গা তীব্রতর হয়ে বিক্রমপুরেব কোনো কোনো গ্রামেও ছড়িয়ে পড়ে।

কিন্তু এর পূর্বেই ঢাকা শহরের বেঙ্গল ভলান্টিয়ার্সের অফিসারেরা, মেজর বিনয় বোস, ক্যাপ্টেন দীনেশ গুপ্ত, লেফটেন্যান্ট বাদল গুপ্ত, সার্জেন্ট ননী চৌধুরী প্রভৃতি গ্রামে গ্রামে সফর করে গড়ে তুলেছিলেন ভলান্টিয়ার বাহিনী, যুবক সম্প্রদায়ের মধ্যে এনেছিলেন নব জাগরণ। তার ফলে ঢাকা শহরের এই দাঙ্গার সময়ই বিক্রমপুরের গ্রামে গ্রামে যুব সংগঠন সৃষ্টি হয় ভলান্টিয়ার বাহিনীর নেতৃত্বে। কোথাও বিপদ আসন্ন হলেই কঁাদর বাজানো হতো আর দিকে দিকে প্রেরণ করা হতো বার্তাবহ। দেখতে দেখতে যে-কোনো হাতিয়ার নিয়ে এসে হাজির হতো হাজারো অধিবাসী। এমনই সুশৃঙ্খল সংগঠনের ফলেই কিন্তু সরকারী শত প্ররোচনাতেও সে বার শহরের দাঙ্গা গ্রামের দিকে ততটা মারাত্মকভাবে সংক্রামিত হতে পারেনি। সে সময় বেঙ্গল ভলান্টিয়ার্সের ঢাকা রেঞ্জের অধিনায়ক ছিলেন তেজোখর ঘোষ আর সহকারী ছিলেন জ্যোতিষচন্দ্র জোয়ারদার।

কলকাতা থেকে আর্মী পঠানো হলো বিক্রমপুরে আমাদের গ্রামে। অচিরেই সেখানে তৈরী হলো ভলান্টিয়ার বাহিনী। সর্বশ্রেণীর যুবক তাতে যোগদান করলো। দৈনন্দিন কুচকাওয়াজ ও গ্রামের মেঠো পথে পথে লাঠি নিয়ে বাহিনীর মাচ্চ দেখে শান্তিকামীরা স্বস্তির নিঃশ্বাস ফেললেও প্রমাদ পন্থেন বাবা, মা, কাকা ও জ্যেষ্ঠারা! দাঙ্গা ঠেকিয়ে রাখতে পারলেও পুলিশকে ঠেকানো যাবে না। বিশেষ করে যদি কামাখ্যা সেন—

বললাম : কে কামাখ্যা সেন, তাকে চিনি না, দেখিওনি কোনোদিন। কিন্তু আমাদের কাজে বাধা সৃষ্টি করলে তাকেও রেহাই দোব না আমরা।

নিম্নের লাঠিখানা ছ'বুঠোর ধরে একেবারে শুরু হয়ে বাবা বসেছিলেন। পুত্রের জিহ্বের বন্ধে তাঁর অনিষ্ঠ পরিচয় ছিল।

কিন্তু পাড়ার মুখপাত্র বিলাস কাকা সহজে ছাড়বেন কেন? বললেন : দেখে নিজে, আজকালকার ছেলে তোমরা। যদি আমাদের, বুড়োদের কথা না মান, তাহলে কিছুই বলবার নেই। তবে তোমাদের বিপদ এলে তা সবার চাইতে বড় হুগে লাগে আমাদেরই বুকে। তাই সমন সময় গায়ে পড়েও উপদেশ দিতে এগিয়ে আসতে হয়।

বলে তিনি একটু থামলেন। দেবেন কাকা হুকোটা তাঁব হাতে তুলে দিতেই তিনি কুলীনদা'র অর্থাৎ আমাব বাবার বয়স ও সম্পর্কের মর্যাদা রাখবার জন্ত হুকো নিয়ে বাইরে গেলেন ও এক মিনিট পব ফিরে এসে বসলেন।

দেবেন কাকা বিলাস কাকার বক্তব্যটাই আবার একটু পরিষ্কার করলেন : দেখ, আমাদের গ্রামের শতকরা আশীজনই মুসলমান। আমাদের অনুগত প্রজা হিসেবে পুরুষের পব পুরুষ ধরে এরা আমাদের শ্রদ্ধা করে আসছে। দেখেছ তো সদাকে, বন্দরালাকে? আজও এদের মনে কোনো দ্বিধা দেখা দেয়নি। সুতরাং আমাদের গ্রামে যখন কোনো আশঙ্কা নেই, তখন এমনি ভলান্টিয়ার দল তৈরী করে কি পুলিশকেই ডেকে আনা হবে না?

অশ্বিনী কাকা দাবায়ণগঞ্জে পাটের অফিসে অনেক কাল চাকরি করেছিলেন। কার্য-কারণ সম্পর্কে তাঁব একটু ধারণা আছে বলে তিনি মনে করেন। বললেন : তোমরা বল পুলিশই নাকি এই দাঙ্গা বাধাচ্ছে। তাই যদি হয়, তাহলে সেই পুলিশকেই কেন এদিকে টানছো? গ্রামের নিরাপত্তা কি তাতে করে রক্ষা করা যাবে? তারপব অন্ত গ্রামে যদি দাঙ্গা লাগে, তবে তা থামাবার দায়িত্ব শুধু তোমার নয় বা আমাদের গ্রামের নয়। সে গ্রামেও তো লোক আছে।

এঁদের লজিকের পরেও কা বলে একেবারে চুপ করিয়ে দিতে হয় এঁদের, তা আমার বেশ জানা ছিল। আমাদের বাহিনী যে সাম্প্রদায়িক নয়, সাম্প্রদায়িক-নির্বিশেষে যে-কোনো গ্রামকে সাহায্য করাই যে এর উদ্দেশ্য, তা এঁদের বেশ করে বুঝিয়ে দিতে পারতাম। আর পুলিশের খাতায় আমার নাম আছে বলেই যে সমষ্টিগত কল্যাণের জন্ত আমি কোনো ঝুঁকি নোব না বা অপরাপর সাহসী যুবকেরাও এগিয়ে আসবে না আমার পাশে, এমনি উপসংহারের পেছনে যে যুক্তি ও মানবতার নামগন্ধ নেই, তাও বিশদভাবে ব্যাখ্যা করবো ভেবেছিলাম।

কিন্তু কিছুই পাবা গেল না। অকস্মাৎ মজুমদার বাড়ীর ছাদ থেকে ভীষণ জোরে কঁাসর বেজে উঠলো। আমি তৎক্ষণাৎ উঠে দাঁড়লাম : বিলাস কাকা,

আপনাদের সঙ্গে আমি আজ আর আলোচনা করতে পারলাম না। দেখি, কোথায় আবাব লেগে গেল। একটি মুহূর্ত্ত আর এখানে অপেক্ষা করো চলবে না আমার।

ঠিক সেই মুহূর্ত্তে হস্তদন্ত হয়ে একজন ভাদলোক সাইকেলে এসে নামলেন। ঘর্ষে তাঁর সারা শরীর সিক্ত, উত্তেজনায় সারা মুখমণ্ডল আরাক্তম। কম্পিত কণ্ঠে জানালেন, ষোলঘর বাজার লুঠ সুরু হয়ে গেছে। আপনারা আমাদের বাঁচান।

বলে দিলাম : আমি এখানে যাচ্ছি ! আপনি হাঁসাড়ায় শান্তি সোমের কাছে চলে যান। গিয়ে বলুন আর আমাব কথাও জানাবেন যে, দ্বিজেনবাবুও দলবল নিয়ে গেছেন সেখানে।

লোকটি চলে গেল। আমিও ফিরে এলাম বাড়াতে। থাকি মিলিটারী হাফ সাটটা গায়ে দিলাম, মাথায় দিলাম হাইল্যান্ডার্স ক্যাপ, তাতে পিঠল ফলকে লেখা বি ভি। বাঁশাটি নিলাম আর হাতে নিলাম একটি ষ্টিক-সোর্ড।

ঝড়েব বেগে বোরয়ে যাচ্ছিলাম, দক্ষিণের পুকুর ঘাটের পাশে মা'র সঙ্গে দেখা।

আবার চলেছিস বুঝি ?

থমকে দাঁড়ালাম : হ্যাঁ।

কোথায় ?

ষোলঘর বাজার লুঠ হচ্ছে, এতক্ষণে বোধহয় গ্রামেও লেগে গেছে।—অদূরে সদর সড়কে লোকজন ছুটাছুটি ক'রে চলেছে ষোলঘরের দিকে। দেখিয়ে বললাম : ঐ দেখ মা, সবাই যাচ্ছে। তবে বাজার বদেছে এমনি সময়—

বলে চলে যাচ্ছি, আবাব মা ডাকলেন : শোন্ ! কখন ফিরবি ?

কি করে বলি, না গিয়ে তো আর অবস্থাটা বুঝতে পারছি না।

ছুটলাম। পেছনে মা'র কণ্ঠ শোনা গেল : তোর ভাত নিয়ে কিছু বসে থাকবো রে ! তাড়াতাড়ি আসিস্।

ষোলঘরগামী সড়কে এসে দেখি প্রায় শ'খানেক লোক জমে গেছে নানা রকম হাতিয়ার নিয়ে, লাঠি, হাণ্টার, ছোরা, রামদা, ষ্টিক-সোর্ড, ভোজালি, পু-পাড়ার রমেশের হাতে একখানা খাপখোলা তরবারি। উভয় পার্শ্বের মুসলমান বাড়ীগুলো থেকে ছেলে-মেয়ে, বুড়ো-বুড়ী সবাই ভয়ে ভয়ে দেখছে। অকস্মাৎ কোথা থেকে ছুটে এল বছিরদ্দি।

কর্তা!

জবাব দিল অপরে : যা, ভালোর ভালোর বাড়ী যা। এখন আর ঘাঁটাতে আসিসনি। নইলে মরবি।

তবু বছিরদ্দি গেল না। আমার সম্মুখে এল। বললাম : ষোলঘরে মুসলমানরা নাকি বাজার লুঠ করছে।

আমি যামু কর্তা!

বিশ্বয়বিষ্ফারিত নয়নে প্রশ্ন করলো ভূপেন : তুই?

জবাব দিল বছিরদ্দি : ক্যান? কর্তাই তো কইছেন, দাঙ্গা যে বোনাইর পো-রা করে, সেই হালারা হিন্দুই হোক আর মোছলমানই হোক, মাইনষের শত্রু। সেই শ্বশুরের পো'রে ঠাণ্ডা করনের কাম সকলেই, কি হিন্দু, কি মোছলমানের। তাই না কর্তা?

অঁ্যা, বলে কি বছিরদ্দি! বছিরদ্দি শেখ!

ভূপেন প্রশ্ন করলো : জাত ভাইকে পারবি মারতে?

বছিরদ্দি সহজভাবেই জবাব দিল : দাঙ্গা যে করে, মা-বইনের গায়ে যে হাত উঠায়, সেই হালারে জাত ভাই বইলা স্বীকার করি না আমি।—মাই কর্তা আপনার লগে?

সম্মতি দিলাম। বছিরদ্দি শেখ হিন্দু নয়, মুসলমানও নয় সে। জাতি ধর্ম বর্ণ ও সম্প্রদায়ের উর্দ্ধে সে মুক্ত পুরুষ। তুঙ্গত বিনাশের জন্ত যুগে যুগে এই বছিরদ্দি শেখদের আবির্ভাব হয়!..... নিমেষে সে বাড়ি থেকে নিয়ে এল পুরো আঠারো ইঞ্চি দীর্ঘ একখানা নেপালী কুকরি। গেল্লির নীচে খাপখানা টেনে বাঁধলো গামছা দিয়ে। তারপর হাঁক দিল : এই ঘইনা, গরুগুলারে জাবনা দিস। আমার ফিরা আইতে দেরী হইবো কইলাম। কইস তর মায়েরে।—

তারপর আমার পাশে এসে দাঁড়িয়ে বললো : আছি কর্তা। আমি আপনার লগে-লগে। কুকরি যা নিছি, এক্কেরে কচু কাটা করতে পারবেন।

ডবল মার্চ করে বেরিয়ে পড়লো কেয়টখালী গ্রামের শতাধিক স্বেচ্ছাসেবক।

গ্রামের সড়ক ক্ষেতের পাশ দিয়ে ঘুরে ঘুরে গেছে। সে পথে গেলে দেরী হয়ে যেতে পারে বলে হুকুম দিলাম সোজা আমার অনুসরণ করবার জন্ত। নেমে পড়লাম ক্ষেতে, জল-কাদা, কাঁটা গাছ, দীর্ঘ পাট গাছের ঝোপ সব অগ্রাহ্য

করে একেবারে সোজা ছুটেতে লাগলাম ষোলঘরের দিকে। পাশেই বছিরদি, লুন্ডিটা সে হাঁটুর ওপর তুলে নিয়েছে।

ষোলঘব বাজারে এসে দেখি, টিনের ঝাঁপ ফেলে ফেলে দোকানগুলো সব বন্ধ। বাজাবে ক্রেতাও নেই, বিক্রেতাও নেই। কিন্তু ভলান্টিয়ারে একেবারে ভর্তি, নানা স্থান থেকে ছুটে এসেছে সবাই। ব্যাপাব কি? লুঠনকাবীরা তবে কি লুঠ শেষ করে সব পড়েছে? কোথায় গেল? কোন্ দিকে?

কিন্তু ঘটনা যা শোনা গেল, তা চমকপ্রদ। ষোলঘব গ্রামের ইউনিয়ন বোর্ডের প্রেসিডেন্ট মুবাবি ঘোষ কিছুদিন ধবেই অতি দ্রুত জনপ্রিয়তা হারাচ্ছিলেন শুধু দুর্নীতি ও স্বজনপ্রিয়তাব দোষেই নয়, নারীঘটিত দুর্বলতার জন্যও। কাজী বাড়াব মুসলমান জমিদাবেবা ছিল তাঁর উগ্র সমর্থক। কিন্তু তাহলে কি হবে? হিন্দু ও মুসলমান সবাব কাছেই মুবারি প্রায় সমাজচ্যুত হয়ে উঠেছিলেন।

বাজাবে আজ অতি বহুৎ বোহিত মৎস্ত উঠেছে শুনে মুবাবি স্বয়ং পদার্পণ কবেছিলেন ভুঁড়ি ছলিষে। সঙ্গে ছিল জনকতক মুসলমান মোসাহেব। দরে বনলো না, কাবণ তিনি মনে কবেছিলেন স্বয়ং মুবারিকে দেখে জেলে হন্নতো মূল্য হাঁকবাব দুঃসাহসই দেখাতে চেষ্টা কববে না। কিন্তু না-বেচার মতলব এঁটেই জেলে দাবী করলো অর্থৌক্তিক মূল্য। আর যায় কোথা! মুরারির মোসাহেব দল এগিয়ে এল। তর্কবিতর্ক, বচসা, গালাগাল, তারপর হাতাহাতি, ছড়েছড়ি, মাবামারি।.....বাজারে দৌড়াদৌড়ি পড়ে গেল। মুসলমান মোসাহেব আর হিন্দু জেলে—বাস, তৎক্ষণাৎ বাতাসের মুখে রটে গেল এটা সাম্প্রদায়িক দাঙ্গা !!

বেগতিক দেখে মোসাহেব-পরিবৃত মুরারি ঘোষ গিয়ে আশ্রয় নিয়েছেন কাজী বাড়ীতে। কিন্তু মুরারি পলায়ন করলেও আছে তাঁর বাড়ী, বহুৎ অট্টালিকা, তাঁর পরিবার, তাঁর পরিজন। শন্নতান গৃহস্থামীর পাপের প্রারম্ভিত তারা কবতে বাধ্য!

নিশ্চয়ই!—অকস্মাৎ সেই ক্রুদ্ধ উত্তেজিত জনতা চীৎকার করে উঠলো : নিশ্চয়ই। মুরারিকে না পেলেও তার বাড়ীটা তো পাওয়া যাবে। এত বড় বদমায়েসের সাজা দিতে—

প্রতিধ্বনি শোনা গেল : নিশ্চয়ই । চল সব, মুরারির বাড়ী লুঠ করিগে ।

বন্টার মতো সেই বিশাল জনতা এগিয়ে চললো । এই সাগরতরঙ্গ রুথবে কে ? কার আছে সে ব্যক্তিত্ব, সে সাহস, সে বাগ্মিতা, সে যুক্তি ?

বিচলিত হলাম ! কিংকর্তব্যবিমূঢ় হয়ে পাথরের মত দাঁড়িয়ে রইলাম মুহূর্তের জন্ত । শান্তি সোম দলবল নিয়ে এসে গেছেন ততক্ষণে । বললাম সব । কিন্তু আমরা ছ'জনেই বা কি করতে পারি ? কতটুকু শক্তি আমাদের ছ'টো গ্রামের ? সেই সীমান্তীন উদ্বেলিত সমুদ্রে মাত্র ছ'টি তবু বৈ তো নয় !... .. তবুও চেষ্টা করতে হবে । বৃদ্ধবৃদ্ধি কোথা থেকে মাগায় কবে একটা টুল ও একখানা টেবিল নিয়ে এল । স্বানিকর্ষাচিত সন্ভাপতিব মতো টেবিল ধবে দাঁড়িয়ে সেই উত্তেজিত জনতাকে সম্বোধন করে বলতে লাগলেন শান্তি সোম : বন্ধগণ, উত্তেজনায় অধীর হয়ে যুক্তি হারিয়ে ফেলবেন না আপনারা । মুরারিবাবু সমাজেব ও গ্রামেব কলঙ্ক হলেও তাঁর পরিবাবের মহিলারা আমাদেরই মা ও বোন । তাঁরা কি দোষ করেছেন আমাদের কাছে ? একের অপরাধে অপরের গর্দান নেয়া হতো কাজীর আদালতে । এখন সেদিন নেই । মহিলাদের গায়ে কেন হাত দিতে যাবো আমরা ?

এই প্রশ্নের জবাব কেউ দিল না । পক্ষান্তরে, শোনা যেতে লাগলো অসন্তোষের মূঢ় গুঞ্জন । বেশ বোঝা গেল শান্তি সোমের যুক্তি ক্রুদ্ধ জনতার হৃদয় আদৌ স্পর্শ করেনি । তথাপি তিনি বলতে লাগলেন : দাঙ্গা থামানো আমাদের কাজ, বাধানো নয় । বন্ধগণ, ভিন গ্রামের লোক হয়ে আপনারা যদি এই গ্রামেব একখানি বাড়ীও লুঠ করেন, তবে তাঁর ফলাফলেব কথা একবার ভেবে দেখবেন । তাতে কি ষোলঘবে আমরাই এসে দাঙ্গা সৃষ্টি করবো না ?

এ প্রশ্নেরও জবাব পাওয়া গেল না । মূঢ় গুঞ্জন এবাব তীক্ষ্ণ প্রতিবাদে আত্মপ্রকাশ করলো : আপনাবা বেদ ও পুবাণেব উদারতা পকেটে ভরে রাখুন, শান্তিবাবু ।

অপর কোণ থেকে এল ধাবালো প্রশ্ন : এ কি স্কুলে মাষ্টারের বক্তৃতা শুনছি নাকি ?

কানের পাশে কে একজন গর্জে উঠলো : বক্তৃতা দিয়ে পেট ভরে না মশাই ! আমরা চাই পাণ্ড ! শালা মুরারির দশটা গোলাভর্তি ধান আছে ।—চল সব ।

প্রতিধ্বনি শোনা গেল : চল ।

তারপরই হল্লা শুরু হয়ে গেল। নানা ভাবে ও ভাষায় একসঙ্গে সবাই চীৎকার করে নিজের নিজের বক্তব্য বলতে শুরু করলো। মাথার ওপর সংখ্যাগীত হাতিয়ার উঁচু করে সেই বিক্ষুব্ধ জনতা এমনি ছড়োছড়ি শুরু করে দিল যে, শান্তি সোম বৃথাই কয়েক বার এদের বোঝাবার চেষ্টা করে অবশেষে হতাশ হয়ে আমার পানে চাইলেন : কী করা যায়, গাঙ্গুলী ?

সত্যিই কি করা যায় ? কী করা যেতে পারে ? দৃষ্টিক্ষেপ করলাম চতুর্দিকে। সম্মুখে, পশ্চাতে, দক্ষিণে, বামে সর্বত্র প্রবলতম উয়ার অভিব্যক্তি। বাঁধ ভেঙে ফেলবার পূর্বক্ষণে বন্টার জল যেমন ফুলে ফুলে ওঠে, তেমনি গগনস্পর্শী হয়ে উঠেছে এদের ক্রোধ। যুক্তির তৃণখণ্ড কি করতে পাববে ? ...সাঁসাড়ার জনকতক ছেঁচকে দেখলাম, কিন্তু কেয়টখালীর ছেলেবা সেই জনসমুদ্রে কোথায় হাবিয়ে গেছে ! জনতার প্রবল চাপ মাঝে মাঝে আমাদের ঠেলে ফেলবার উপক্রম করতে লাগলো। পাশে দেখলাম শুধু বড়িরদিকে, ছায়ার মত লেগে রয়েছে আমার সঙ্গে। ডান হাতখানা গেঞ্জির নীচে ঢুকিয়ে নেকড়ে বাঘের মতো ওৎ পেতে রয়েছে। শুধু একটুখানি ঠশাবার অপেক্ষা !

শান্তি সোম আবার ডাকলেন : স্বিজন !

অকস্মাৎ লক্ষ্য দিয়ে উঠে দাঁড়ালাম। টুলেব ওপর নয়, একেবারে টেবিলের ওপর। চীৎকার করে ডাকলাম : এই, কোথায় চলেছেন সব ? কোথায় চলেছেন, তাই জিজ্ঞেস করছি। মুরারির বাড়ী লুঠ করতে ? সে বাড়ীর মেয়েদের গায়ে হাত দিতে ? তাদের হত্যা করতে ? কী অধিকার আছে আপনাদের, শুনি ? মুরাবি কাজী বাড়ীতে আশ্রয় নিয়েছে বলে তার বাড়ী লুঠ করতে চান ?—কেন, চলুন না, যাই একবার কাজী বাড়ীতে ? কাজী বাড়ী লুঠ করতে পাববেন ? সে হিন্দু আছে ? ওদের তিন-তিনটে বন্দুককে অগ্রাহ্য করে কোন্ কোন্ গ্রাম আমাদের সঙ্গে কাজী বাড়ী লুঠ করতে যেতে চান, আসুন এগিয়ে।

দ্বিধাগ্রস্ত দেখা গেল এবার জনতাকে। ওষুধ ধবেছে ! যুক্তি নয়, শালীনতা নয়, বাগ্মিতা নয়, আমার স্পষ্ট কথার ছমকি ওদের বুকে ঘা দিয়েছে বোঝা গেল। যারা হল্লা করছিল, থেমে গেল তারা, যারা এগিয়ে চলেছিল, ফিরে দাঁড়াল। এই তো সুবর্ণসুযোগ ! বন্ধুষ্টি শূন্যে আক্ষালন করে আবার শুরু করলাম : সিংহের মতো যারা বন্দুকের সম্মুখীন হতে পারে না, লজ্জা করে না

তাদের শৃগালের মতো নিরস্ত্র মেয়েদের ঘরে ছোরা নিয়ে ঢুকতে?—কে আবার বড় গলায় বলছিলেন মুরারির বাড়ীতে দশটা ধানের গোলা আছে। হ্যাঁ, তা আছে। কিন্তু কাজী বাড়ীতে আছে বিশটা ধানের গোলা। আর শুধু ধানের গোলা কেন, আসামী মুরারিও সেখানে আছে। আরও আছে তিনটে বন্দুক।—চলুন না, যাই সেখানে। ধান পাওয়া যাবে, মুরারিকে পাওয়া যাবে আর লাভ হবে তিন-তিনটে বন্দুক। যাবেন? যাবেন সেখানে?—হাত তুলুন কে কে যেতে চান কাজী বাড়ীতে।—এইখানে, এই টোবলের ওপর দাঁড়িয়ে আমি স্পষ্ট ভাষায় চ্যালেঞ্জ করছি, কেউ আমাদের সঙ্গে আসুন আর না-ই আসুন, মুরারি ঘোমের বাড়ি যে লুঠ করতে যাবে—বলে একটু ইতস্ততঃ করছিলাম কীভাবে শেষ করবো এই চ্যালেঞ্জের ভাষাটা, এমন সময় মুখ বহিরদ্দি দেখিয়ে দিল পথ। ঘাঁচ করে টেনে বার করলো কোমর থেকে সেই নেপালী কুকরিখানা, এগিয়ে দিল আমার হাতে। সেই আঠারো ইঞ্চি কুকরিখানা মাথার ওপর তুলে ধরে চীৎকার কবে বললাম : এই কুকরি রইলো তোলা তার জন্ত।—আসুন, আসুন এগিয়ে, দেখি কার কত বড় বুকের পাটা। এই পথ রোধ করে দাঁড়ালো হাঁসড়া আর কেয়টখালীর ছেলেরা।

বলেই বাঁ হাতে বাঁশী বার করে বাজিয়ে দিলাম তিনবার :

টা—ডট্

টা—ডট্

টা—ডট্

অর্থাৎ বিপদের সংকেত ! কেয়টখালী ও হাঁসড়া গ্রামের স্বৈচ্ছাসেবকেরা যে যেখানে ছিল, ভিড় ঠেলে বেস্ত এসে জমায়ৎ হলো টেবিলের চারিপাশে। তাদের সংখ্যা প্রায় ছ'শো।

কিন্তু এমন সময় অকস্মাৎ আবার চাঞ্চল্য দেখা দিল জনতার মধ্যে। কে যেন বলে উঠলো, পুলিশ এসেছে শ্রীনগর থানা থেকে, সঙ্গে কামাখ্যা সেন। সত্যিই, এমনি চরম মুহূর্তে আবিভূত হলো সেই স্বনামধন্য স্পেশাল অফিসার কামাখ্যা সেন। এতকাল শুধু নামই শুনেছিলাম, আজ চাক্ষুষ দেখা হলো।

দেখা নয়, একেবারে মুখোমুখি হলো। জনতা ছ'পাশে সরে গিয়ে পথ করে দিল, কামাখ্যা সেন পাঁচ জন বন্দুকধারী সিপাই নিয়ে একেবারে সোজা এসে হাজির হলো আমার টেবিলের পাশে।

আপনার নাম ?—গম্ভীর কণ্ঠে প্রশ্ন করলো।

দ্বিজেন গাঙ্গুলী।

কোন্ গ্রামে বাড়ী ?

কেয়টখালী।

কামাখ্যা একবার স্তব্ধ জনতাব প্রতি দৃষ্টিক্ষেপ করলো। তারপর আবার প্রশ্ন : ভোজালি হাতে নিয়ে দাঙ্গা করবাব জন্তু আপনি সবাইকে উত্তেজিত কবেছেন ?

তৎক্ষণাৎ জবাব দিলেন শান্তি সোম : না। দাঙ্গা বাতে না বেধে যায়, তার জন্তু চেপ্টা করছি আমরা।

শান্তি সোমকে কামাখ্যা সেন বিলক্ষণ চিনতো। বললো : আপনিও এসে গেছেন দেখছি। ভালোই হলো, এবার পিস্ কমিটিতে বসা যাবে। গণ্ডগোল যখন কিছু হয়নি, তখন বাতে আর না হয়, তার ব্যবস্থা করতে হবে।

অকস্মাৎ আমার ক্যাপটাব দিকে লক্ষ্য পড়লো কামাখ্যার : এটা কাদের ক্যাপ ?

বেঙ্গল ভলান্টিয়ার্সের।

খুলুন তো, দেখি।

দৃঢ়স্বরে জবাব দিলাম : শুধু মৃতের প্রতি সম্মান দেখাবার কালেই বি ভি টুপী খোলে।

বি ভি ! চমকে উঠলো কামাখ্যা। নরপুঙ্গব স্পেশ্যাল অফিসার কামাখ্যা সেন। বললো : বি ভি। মানে ঢাকার বি ভি ? মানে তেজোময় ঘোষ, সত্য গুপ্ত ? অর্থাৎ—

বাধা দিলাম : কারেক্ট করে বলুন মেজর সত্য গুপ্ত।

অ্যা !—চোখ তুলে চাইলো কামাখ্যা আমার পানে। তাতে শুধু অসীম বিশ্বয় নয়, ক্রোধের অগ্নিকণাও দেখতে পেলাম।

কিন্তু সে আগুনে আর লঙ্কাকাণ্ড হলো না। কারণ সঙ্গে ছিলেন শান্তি সোম। অত্যন্ত স্থির ও যুক্তিবাদী শান্তি সোম। আর কামাখ্যা সেনও বোধহয় নেপালী কুকরিখানার দৈর্ঘ্য মনে মনে হিসাব করে দেখছিল। খুব ভালো লাগেনি।

কামাখ্যা সেনের সঙ্গে এই আমার প্রথম ও শেষ সাক্ষাৎ । তারপর আজ পেলাম তার হত্যার সংবাদ । কালীপদ মুখার্জীকে চিনি না । কিন্তু বাংলার বিপ্লবী দলের অনেক দিনের পরিকল্পনা আজ তিনি কার্যে রূপায়িত করতে পেরেছেন বলে মনে মনে তাঁকে জানালাম সশ্রদ্ধ অভিবাদন ।.....কিন্তু টেলিগ্রাম কেন করতে গেলেন তিনি ? এমনি ছবু'দ্বি কেন হলো তাঁর ? কিংবা এমনি নির্দেশ কে দিয়েছিল তাঁকে ?.....এমনিধারা অনেকগুলো প্রশ্ন জাগলো মনে, যার উত্তর পেলাম না খুঁজে !

কুড়ি

বহরমপুরের গরমের কথা আজও মনে পড়ে । সারাজীবন মনে থাকবে । এখানে একশো ডিগ্রি উঠলেই সাধারণতঃ আমরা আঁকুপাঁকু করতে থাকি । তারপর যদি আরও ছ'চার ডিগ্রি বেড়ে যায়, তাহলে তো ছাত্রদল প্রাতঃকালীন স্কুলের জন্তু ধর্মঘট করে বসে, আর চাকুরেরা জানালায় ও দরজায় ঝুলিয়ে দেন খস্খস্ । কিন্তু উত্তাপ যদি আরো বেশ কয়েক ডিগ্রি বেড়ে যায়, ব্যারো-মিটারের পারা একেবারে বারো বা তেরোয় গিয়ে ঠেকে, তাহলে ? তাহলে এখানকার আমরা হয়তো আলুসেদ্ধই হয়ে যাবো কিংবা বেগুন-পোড়া !

কিন্তু বহরমপুর বন্দীশিবির স্কুল ছিল না আর আমরা ছিলাম না চাকুরে, মহামাত্ত ইংলণ্ডের রাজা ও ভারতের সম্রাটের সম্মানিত অতিথি । জানালায়-দরজায় খস্খস্ নয়, আছে চিক্ । সাবধানে সেই চিক্গুলো ফেলে দিতাম আমরা এবং নর্দমা বন্ধ করে দিয়ে ঘরের মধ্যে বালতির পর বালতি জল ঢেলে তৈরী করা হতো কৃত্রিম লেক ! সেই লেকের তক্তপোশ-দ্বীপে বকের মতো সমাধিস্থ হয়ে বসে বসে কাটাতে হতো আমাদের প্রত্যেকটি দুপুর ।

ব্র্যাকেটের ওপর জামাগুলো যেন সত্ত্ব উনুন থেকে নামানো পটেটো চিপ্‌স্, গায়ে দিলে গা পুড়ে যেতে পারে ! জুতোগুলো যেন বয়লার থেকে বার করা কয়লার টুকরো, জলে না ভিজিয়ে নিলে ছোঁবার উপায় নেই । তেমনি টেবিল, তেমনি চেয়ার, তেমনি বই, তেমনি সব !

হু হু করে বইছে হাওয়া এলোপাতাড়ি, কিন্তু তাতে আগুনের হলুকা শাহারা বা গোবির । চিক্কার মিষ্টি হাওয়া সেখানে রূপকথা ! অগ্নিপুচ্ছ ছলিয়ে ছলিয়ে

সেই হাওয়া সর্বত্র ছড়িয়ে যাচ্ছে অগ্নিকণা ! কিন্তু রক্ষা যে, হাওয়ার আর্দ্রতা একেবারে নেই বললেই হয়। তাই গরমে আগুন হয়ে উঠি, ঘেমে আর নেয়ে উঠতে হয় না।

রাত্রিটা কিন্তু তেমন অসহ নয়। ছপূরের সেই গরম হাওয়াটাই রাত্রে কেমন নরম হয়ে আসে অনেক ক্রোধের পর মুচকি হাসির মতো। আর রাত বারোটোর পর থেকেই সেই নরম হাওয়া কেমন ভিজ্জে ভিজ্জে লাগে দরদী অশ্রুর মতো। তখন চাদরখানা টেনে নিলে মন্দ লাগে না।

সুতরাং এই উত্তাপের রাজ্যে বর্ষার জনপ্রিয়তা সহজেই অনুমান করা যায়। আকাশে মেঘ দেখলেই ময়ূরের মতো পেখম ধরে নৃত্য শুরু করিনি অবশ্য, কিন্তু আনন্দে যে আটখানা না হয়ে, একেবারে তিন-আটা-চব্বিশখানা হয়ে পড়তাম এবং আসন্ন আনন্দোৎসবের প্রারম্ভিক ত্রৈকাতনের মতো সকলেই যে চার-আটা-বত্রিশটি দন্ত বিকশিত করে সরবে ও সবিস্তারে সকলের কাছেই এই আনন্দ-সন্দেশ পৌঁছে দিতাম, সে কথা বেশ মনে পড়ে। মেঘের গর্জন আমাদের কানে বাঁশীর সুর হয়ে উঠতো, দমকা হাওয়ার দাপাদাপিকে মনে হতো গৌরীশঙ্কর ডিক্রিয়ে-আসা মোলায়েম মৌসুমী বায়ু, আর আকাশ চিরে চিরে সপিল বিজলী আমাদের মনেও চমক মারতো !

তারপর যেই ঝরঝর করে নেমে এল বারিধারা, বেরিয়ে পড়লাম আমরা সকালিক, মাধ্যাহ্নিক, বৈকালিক, সান্ধ্য অথবা নৈশ, অর্থাৎ ভোর পাঁচটা থেকে রাত দশটা পর্যন্ত যে কোনো সময়ের আনন্দভ্রমণে। ডবলিউ বি চোদ্দ নম্বরের সবাই বেরুতো, তারপর অমর ও আমি, মতি সিং ও নূপেন পাল, নীরেন সেন ও কুসুম গোসাই, সতাবাবু, করালীকান্ত, রমেশ দাশ, রবি, জীবন, জ্যোৎস্না, গুরখা—কে নয় ? দেখাদেখি উৎসাহিত হয়ে বেরিয়ে পড়তো টালী ব্যারাকেরও অনেকে। লাল হুড়িছড়ানো রাস্তায় চলতো দলে দলে ভ্রমণ। ছাতা নিয়ে নয়, বর্ষাতি নিয়ে নয়, এমন কি, ছেঁড়া জামাকাপড় পরে নয়। অফিসে যেতে হলে যেমন ধোপতরস্ত ধুতি ও পাট-ভাজা জামা পরে যাই, যেমন পালিশ-করা জুতো পায়ে দিই, ঠিক তেমনভাবে। মুখলধারে বৃষ্টি হচ্ছে, জল জমে প্রথমে জুতো ও পরে হাঁটু পর্যন্ত ডুবে গেল, তবুও নির্বিকার ভাবে চলেছে আমাদের আনন্দভ্রমণ।

সেনাবাহিনীর কুচকাওয়াজও কিন্তু এই বর্ষায় বন্ধ তো থাকতোই না, এমন

কি, একটি সেকেণ্ড পিচ্ছিলে দেয়া হতো না। ফিটফাট পোষাক এঁটে জুতো-মোজা পরে এই দারুণ বৃষ্টির মধ্যেই চলতো আমাদের প্যারেড আব বর্ষাতি গায়ে এঁটে রাইফেলধারী সান্ধী আমাদের এই পাগলামি নির্বাক্ বিন্ময়ে চেয়ে চেয়ে দেখতো জলের ঝাপটায় ভিজ্ঞ দাঁড়কাকের মতো। কিন্তু প্রবল বর্ষায় আমাদের নিউমোনিয়া দেখা না দিলেও অসহ্য গরমে আমাদের মাথা ধরিয়ে দিত।

ওয়েষ্টার্ন ব্যারাকের ৩৩বো নম্বরে থাকতো গণেশ সাহা। ময়মনসিংহের অধিবাসী। বড়লোকের ছেলে। স্বাস্থ্যবান ও সুপুরুষ। রাজবন্দীদের মধ্যে একদলের ছিল দারুণ পড়বার ঝাঁক। যে কোনো বই পড়া শুরু করলেই হলো, আর তা যদি মূল্যবান কোনো বই হয় আর একবার ভালো লেগে যায়, তাহলে আর রক্ষে নেই। নাওয়া বাদ, খাবার ঘরে খেতে যাওয়া বাদ, এমন কি নিদ্রা বা বিশ্রামও বাদ, চললো পাঠ ঘণ্টার পর ঘণ্টা, সকালের পর বিকেলে, বিকেলের পর রাত্রি, তারপর আবার সকাল, আবার বিকেল.....অর্থাৎ একেবারে মলাট থেকে শুরু করে মলাটে না পৌঁছানো পর্যন্ত একটানা। টিপয়ের ওপর চাকর দিয়ে যাচ্ছে চা ও জলখাবার, ছপূরের ডিস ও বাত্রের প্লেট।

অদ্ভুত পড়ুরাদেরই একজন এই গণেশ সাহা।

হঠাৎ একদিন ভোব বেলা গণেশ ধর থেকে বেরিয়ে এসেই চৌদ্দ নম্বরে প্রবেশ করলো। কমেটের মশারি তুলে ডেকে তুললো তাকে বিশেষ কথা আছে জানিয়ে।

কমেট মিলিটারী ম্যানের মত চট করে উঠে বসলো। জিজ্ঞাসু নেত্রে চাইতেই গণেশ বললো : দেখুন কমেটবাবু, আমাদের ভেতরকার কথা যাতে কর্তৃপক্ষের কানে না যায়, তাই করা উচিত নয় কি ?

কমেট তৎক্ষণাৎ সাব্ব দিল। গণেশ বলতে লাগলো : আমিও তাই বলি। আমাদের কথা আমাদের মধ্যেই থাকা উচিত। টবিনের কানে যদি একবার যায়, তাহলে কী ভাবে টবিন, বলুন তো ? কী লজ্জার কথা হয়ে দাঁড়াবে তাহলে ? এমনি লজ্জা দেবার সুযোগ কেন দোব আমরা ওকে ? অতএব, আমাদের কথা কারকেই না জানানো উচিত। তাই না, কমেটবাবু ?

কমেট আবার সাব্ব দিয়ে একটু বিন্ময় প্রকাশ করে জিজ্ঞেস করলো : কেন, টবিন কোনো কথা জেনে কেলেছে নাকি ?

না, জানেনি এখনও। হয়তো কখনও জানতে পারবে না।—বলে সংশয় প্রকাশ করলো গণেশ : কিন্তু তবু সতর্ক হতে হবে তো! দেয়ালেরও কান আছে। কোথাকার কথা কোথায় চলে যায় বাতাসের মুখে। কিন্তু তাই বলে কথা না বলে তো থাকতে পারবে না মানুষ! কথাই তো জীবন। কিন্তু সে কথা টবিনের কানে কেন যাবে, কমেটবাবু? কেন ও বলবার সুযোগ পাবে—ওগো, তোমাদের সব কথা জানি।

বলেই অকস্মাৎ গণেশ মাথা ঘুরিয়ে এদিক ওদিক ভালো করে দেখে নিয়ে ফিস্‌ফিস্‌ করে অনুরোধ জানালো : আমার সেই কথাটা কিন্তু কাউকেও বলবেন না, কমেটবাবু।

কি কথা?—প্রশ্ন করলো বিস্মিত কমেট।

কিন্তু সে প্রশ্নের কোনো জবাব না দিয়ে আবার অনুনয় বিনয় করতে লাগলো গণেশ : সত্যি, তাহলে টবিনের কাছে আর মুখ দেখানো যাবে না। বলবেন না তো? কথা দিচ্ছেন তো কমেটবাবু?

কিন্তু কথা না নিয়েই সে উঠে দাঁড়ালো এবং যতীশবাবু, মনোরঞ্জন, নীতীশ, সবাইকে একে একে ডেকে তুলে সবিনয়ে জানাতে লাগলো ঐ একই অনুরোধ : আমার সেই কথাটা কিন্তু কাউকেও দয়া করে বলবেন না।

বাইরে বারান্দায় যার সঙ্গে দেখা হতে লাগলো, তাকেই ঐ একই অনুরোধ জানিয়ে যেতে লাগলো। দূর দিগে যে চলে যাচ্ছিল, হাঁক দিয়ে তাকে ডেকে এনে জানাতে লাগলো সেই একই অনুরোধ। শিবিরের চাকর-বাকর, ধোপা-নাপিত সবাইকে ডেকে ডেকে ঐ একই বক্তব্য পেশ করতে লাগলো। যাকে একবার বলেছে, তাকে আবার এবং বার বার বলতে লাগলো। এমনি করে সারা শিবিরের প্রত্যেক ঘরে গিয়ে সনির্বন্ধ অনুরোধ জানিয়ে এসে নিজের ঘরে ঢুকলো এবং এই জুলাইয়ের গ্রীষ্মে একটা পুলভার গায়ে চড়িয়ে সটান শুয়ে পড়ে গণেশ হাত-পাখা চালিয়ে হাওয়া খেতে লাগলো।

পরিস্কার বোঝা গেল যে, পাগল হয়ে গেছে গণেশ! দেখা গেল, তার টেবিলে আধ-খোলা হয়ে পড়ে আছে Psychoanalysis of Mind সত্বে লেখা খুব-মোট একখানা ছুর্কোষ্য বই। পাশেই নোটখাতা। মর্দ উপলক্ষি করে নোট লিখছিল সে। মনোবিকলন অধ্যয়ন করতে করতে কখন যে তার

নিজেরই মন যুক্তিময় বুদ্ধির রাশ ছিন্ন করে মস্তিষ্কের গ্রন্থিগুলি বিকল করে দিয়েছে, টের পায়নি গণেশ।

পাগল হয়ে গেছে গণেশ।

পাগল হয়ে গেছে!

সর্বত্র আতঙ্ক দেখা দিল। সংবাদ নিয়ে জানা গেল, পূর্বে এই বন্দী-শিবির ছিল পাগলা গারদ। তুর্দান্ত শ্রেণীর বন্দীরাই থাকতো এখানে। মোটা শিকল দিয়ে মেঝের সঙ্গে বেঁধে রাখা হতো তাদের। মাঝে মাঝে চাবুকও চালানো হতো তাদের ওপর। কিন্তু পাগলামির কি কোনো বীজাণু আছে? চুনকাম কববার পরও দেয়ালে দেয়ালে তারা বেঁচে থাকতে পারে কি? অদ্ভুত আতঙ্ক! কিন্তু যুক্তিহীন এই আতঙ্কে এমনিই অভিভূত হয়ে পড়লাম আমরা যে, দেখতে দেখতে অধ্যয়নের উৎকট উৎসাহ সাধারণভাবে কমে গেল। আর প্রতিদিনই ভোরে উঠে একে অপরের কথা বা কাজ লক্ষ্য করতো গভীর অভিনিবেশসহকারে, পরখ করে দেখতে চেষ্টা করতো গণেশের হাওয়া লেগেছে কি না।...

বন্ধুবা অবশ্য দলে দলে এসে যুক্তিজাল বিস্তার করে বা বিতর্কে কোণঠাসা করে চেষ্টা করলেন গণেশের পাগলামি রোগ সারাতে। কিন্তু কোনো ফল দেখা গেল না। গণেশ সময় মত নাওয়াখাওয়া বা শোওয়া সত্বে বেশ সচেতন, অথচ যার সঙ্গে দেখা হয়, তাকেই অত্যন্ত গভীর মুখে একবার অনুরোধ জানায় : দেখুন, আমাব সেই কথাটা দয়া করে টবিনের কানে তুলবেন না। বুলেন, my earnest request...

ধীরেনদা' ছুটে এলেন, দেখলেন এবং দীর্ঘশ্বাস ফেলে বেরিয়ে গেলেন। গণেশ এবার আই. এ. পরীক্ষা দেবে। ধীরেনদা'র অনেক অনুরোধে সম্মতি দিয়েছিল সে। একজন ছাত্র কমে গেল।

গণেশের বাড়ীতে ও গভর্নমেন্টের কাছে টেলিগ্রাম প্রেরণ করা হলো। এর বাবার অনুরোধে ও তদ্বিরে গণেশকে স্থানান্তরিত করা হলো ময়মনসিংহ জেলে। বাবা চিকিৎসা করাবেন কবিরাজী মতে।

গণেশের চলে যাবার দিনটি আঞ্জো মনে আছে আমার। বেচারার জিনিষপত্র সবই অফিসে পাঠিয়ে দেয়া হয়েছে। সিপাই এসেছে ওকে নিয়ে যেতে। গণেশ বেরিয়ে এসেই কমেটকে সবলে জড়িয়ে ধরে হাঁউমাউ করে

কেন্দে ফেললো। কমেট অিজেস করলো : এ কি, কাঁদছিস কেন রে ?
বাড়ীতে যাচ্ছিস তো !

ক্রন্দনভাঙ্গা স্বরে জবাব দিল গণেশ : কেন আমার তাড়িয়ে দিচ্ছেন, কমেট-
বাবু ? আমি তো কারুর কথা অফিসে লাগাইনি।

না, না, তাড়ানো নয়। আপনার স্বাস্থ্য খারাপ হয়েছে। আপনার
চিকিৎসা করাবেন কি না, তাই ময়মনসিংহ নিয়ে যাওয়া হচ্ছে আপনাকে।
—বললো মনোরঞ্জন।

বাধা দিয়ে বললো গণেশ : ওসব সাঙ্ঘনা দেবেন না আমার, মনোরঞ্জন-
বাবু ! জানি, ওরা আমার অফিসে নিয়ে গিয়ে মারবে হাণ্ডকাফ লাগিয়ে।—
কিন্তু আমি কি কোনো গোপন কথা বলে দিয়েছি যে এই শাস্তি আমার ?

তারপর একসময় গণেশ অফিসের গেটে এল। প্রত্যেককে জড়িয়ে ধরে
আলিঙ্গন করলো, চোখের জলে প্রত্যেকের জামা ভিজিয়ে দিল, প্রত্যেককে
মনে রাখবার জন্তু জানালো আকুল আবেদন, আর ওর সেই কথাটি না বলবার
জন্তু জানিয়ে গেল কাতর অনুরোধ।

গেট বন্ধ হলে ফিরে এলাম নিজের ঘরে। কিন্তু কেমন খালি খালি মনে
হতে লাগলো। কী যেন হারিয়ে গেছে !.....

এই দারুণ গ্রীষ্মেই একদিন একটা বিপর্যয় কাণ্ড ঘটে গেল। পূর্বেই
বলেছি, টবিন মনে করতেন, যা আমরা চাইবো তাতে সম্মতি না দিলেই কর্তব্য
সম্পাদন করা হবে। তাঁর আরও একটা নীতি ছিল, রাজবন্দী হ'লেও আমরা
যে বন্দী, আইন ও শৃঙ্খলার দ্বারা প্রতিষ্ঠিত এই ব্রিটিশ গভর্নমেন্টের পরম শত্রু,
এই অনির্বাণ সত্য মনে রেখে তিনি সর্বদাই চেষ্টা করতেন আমাদের তা
বুঝিয়ে দিতে। তাঁর অফিসে গিয়ে কিছু বলবার পূর্বেই ঝপ করে তাঁর
সম্মুখে চেয়ারে বসে পড়ে সিগারেটে মোক্ষম টান মেরে একগাল ধোঁয়া ছেড়ে
তারপর কথা শুরু করাটাকে লেফটেন্যান্ট কর্নেল টবিন খুব অপমানজনক
মনে করতেন। লড়াইপ্রত্যাগত ইংরেজের বাচ্চার প্রেষ্টিজ জ্ঞান ছিল
সীমাহীন উৎকট ! আমরাও তাই সুযোগ পেলেই একটা ঘা দিয়ে মজা
দেখতাম।

একদিন দ্বিপ্রহরে আই. এ. ক্লাসের ইংরাজী পড়ানো হচ্ছে। বাইরে
থেকে প্রফেসর এসেছেন। আমরা প্রায় ত্রিশ জন ছাত্র তাঁর বক্তৃতা শুনছি।

প্রফেসর একমাত্র পড়ার বিষয় ছাড়া অণ্ড কোনো কথা বলবার অধিকারী নন। সঙ্গে একজন হাবিলদার এসেছেন লক্ষ্য রাখবার জন্ত।

অসহ্য গরম, তাই চিকণ্ডলো সব ফেলে দেয়া হয়েছে। মনোযোগ দিয়ে যেমন কথা শুনছিলাম, তেমনি টেরই পাইনি কখন টবিন চাচা এই দারুণ গ্রীষ্মের দ্বিপ্রহরে সারপ্রাটজ ভিজিটে বেরিয়েছেন সদলবলে। ছ'চার জায়গায় দু' মারবার পব আমাদের এখানে কোনো আইন অমান্য করা হচ্ছে কিনা, তা পরখ করবার জন্ত একেবারে অপ্রত্যাশিতভাবে সোজা এসে আমাদের ক্লাসে প্রবেশ করলেন।

প্রফেসর মধ্যপথে বক্তৃতা থামিয়ে অভিবাদন জানালে টবিন স্মিতহাস্তে তা গ্রহণ করে পরমুহূর্তে আমাদের পানে চেয়েই একেবারে গম্ভীর হয়ে গেলেন।

আমরা সবাই নীরবে বসে আছি। কী সাংঘাতিক কথা! সম্মুখে দণ্ডায়মান মহামাণ্ড বৃটিশ গভর্নমেন্টের পাতনিধি, আমাদের দণ্ডমুণ্ডের কর্তা, আর আমরা পরম নিশ্চিন্তে রয়েছি তখনো বসে! সিংহকে দেখে ভেড়ার পাল বিন্দুমাত্রও বিচলিত নয়! প্রেষ্টিজ বুক রসাতলে যায়!

গজ্জন করে উঠলেন টবিন : Will you stand up ?

গজ্জনের কোনো সাড়া পাওয়া গেল না।

হাতের বেটন উঁচিয়ে টবিন আবার করলেন প্রশ্ন : Won't you stand up ?

বেশ কয়েক সেকেণ্ড কেটে গেল। জবাব দেবার প্রয়োজনীয়তা অনুভব করলো না একটি ছাত্রও।

টবিনের এবার ধৈর্যের সীমারেখা প্রায় অতিক্রম হয়ে এল। বাইরের একশো বারোর অনেক বেশী উঠলো গুঁর মাথার মধ্যকার পারা। চোখমুখ লাল, কান দু'টি একেবারে রক্তে টুসটুসে, কাঁপছেন টবিন।

এক পা এগিয়ে এসে টেবিলের ওপর বেটনের একটা প্রচণ্ড ঘামের চীৎকার করে উঠলেন : You people, I know how to make you stand up—

তড়াক করে দাঁড়িয়ে গেল জ্যোৎস্না সরকার। জানিয়ে দিল তৎক্ষণাৎ সর্বসম্মত অভিমত : No, we shall not stand up—বলে বসে পড়লো।

NO !!—ক্রোধে, বিশ্বয়ে টবিন দিশেহারা-পায় ।—You still dare to sit down All right, I shall see—

বলেই গট্ গট্ কবে বেবিয়ে গেলেন—পশ্চাতে ব্যাভ্রাচার্গোর বৃহল্লাঙ্গুলের মতো সড়াক্ কবে বেবিয়ে গেল ডজন খানেক সিপাই ! কিন্তু দবজাব বাইরে যাওয়া মাত্র ক্লাসের ত্রিশজনই একসঙ্গে হো হো কবে ভেসে উঠলো । পুরো এক মিনিট স্থায়ী সেই অটুহাসি ।

নিশ্চয়ই এই বিদ্রূপ টবিনের কানে গেছে ।

প্রফেসর বেচাবা কিন্তু ঘাবড়ে গেলেন । বাব বাব অন্তবোধেও বক্তৃতা আর তেমন জমাতে পারলেন না । আব সব চেয়ে মজা এই যে, আমাদের ঘব-কাপানো অটুহাসিতে তাঁর মুখেব কোনো ভাবান্তর দেখা গেল না । সর্ব অবশবে একটা প্রস্তবেব বর্ষ এঁটে দাঁড়িয়ে বইলেন তিনি । মহা অপবাদ যেন কবে ফেলেছেন তিনিই ।

টবিনের বেগে প্রস্থানের ফল মিনিট দশেকের মধ্যেই পাওয়া গেল । অফিস থেকে তলব এল প্রফেসরবেব । সেই যে তিনি গেলেন, বাস, আব ফিবলেন না । আপসবফাব জন্ত ধীরেনদা' অবশ্য ছুটে গেলেন অফিসে । কি কথা হলো জানিনে । অন্ততঃ সফল যে কিছুই হয়নি, তা ধীরেনদা'র মুখ দেখেই টেব পাওয়া গেল । বেশ বোঝা গেল, রেজিষ্টার্ড গ্র্যাজুয়েটেব ববিশালীয যুক্তি লাল মুখেব প্রেষ্টিজের ইম্পাতে ঘা খেয়ে ফিবে এসেছে । শোনা গেল, গবুচন্দ্রও ছিলেন পাশেই, কিঙ্ হবুচন্দ্র এবাব যেন ৯৩ ধারার ক্ষমতাবলে শাসনযন্ত্র নিজেব মুষ্টিবদ্ধই কবে রাখলেন । টললেন না এক-চুলও !... ..

একুশ

ভাবলাম, যাক্, বাচা গেল। ধীবেনদা'র তাগাদাষ ও তিরস্কারে সপ্তাহে ছ'দিন উত্তপ্ত ও অসহ্য দ্বিপ্রহরে এসে এই নাবস আই. এ. ক্লাস করতে হতো। এবার সে ছাফা চুকে গেল।

কিন্তু একটা কিছু না নিয়ে যে বন্দীবা কিছুতেই চুপ কবে বসে থাকবে না। কিছু না পেলে তাবাই একটা কিছু সৃষ্টি কবে নেয়, তাবপর টানতে থাকে তার জেব।

একদিন উষা পাল ও ধীরজন মুখোপাধ্যায় এসে হাজির গোপাল ঘোষকে সঙ্গে করে। থিয়েটার করতে হবে। জিজ্ঞেস করলাম : তা এতে আমার কি করবার আছে ?

বলেন কি !—বিশ্বনাথ প্রকাশ কবল উষা : সংবাদ কি আমরা সংগ্রহ না করেই এসেছি ? বিক্রমপুর্বেব হাঁসাড়া-কেয়টখালীর দিকে অভিনয়ে যে আপনার নামডাক খুব, তা আমরা জেনে গেছি। গোপালদা' যদি আপনার সঙ্গে জোটেন, তাহলে এখানেই তো আমরা ষ্টার-মিনাভা সৃষ্টি করে দেখিয়ে দিতে পারি—

বাধা দিলাম : কিন্তু দেখাবে কাকে ? আমাদের দর্শক কোথায় ?

ধীরজন বললো : এই তিনশো ত্রিশজনের ত্রিশজনই না হয় থাকবে ষ্টেজে, বাকি তিনশোজন দর্শক তো পাওয়া যাবে। তাবনার চাকরচাকর আছে, খোশানাপিও আছে, সিপাইরাও কি আর দেখতে আসবে না ? চাই কি, গিবিজাও আসতে পারেন সপার্বাবে।

কি বই ?

সীতা আর মঙ্গলশাক্তি।—বললো উষা।

রাজ না হয়ে আর উপায় আছে ? সূতবাং মহলা সুক হয়ে গেল নিয়মিতভাবে। ক্রমে ক্রমে আরও অনেক “মিউট মিলটনের” সংবাদ প্রকাশ হয়ে পড়লো। দেখা গেল, আমাদের মধ্যে শক্তিশালী নটেরও অভাব নেই।

কিন্তু আমেচাব ক্লাবে যা হয়, এখানেও তার ব্যতিক্রম দেখা গেল না। ভূমিকালপি প্রতিদিনই পরিবর্তিত হতে লাগলো এবং মহলার জনসমাগম শনৈঃ শনৈঃ হ্রাস পেতে লাগলো। দেখা গেল, হরিপদ চক্রবর্তীর যেমন

নাগকোচিত চেহারা ও স্বাস্থ্য, অভিনয়েও তিনি তেমন পারদর্শী। 'শূভ্র'র সম্পাদক বিনয় সেনও চমৎকার অভিনয় করেন, তেমনি উষা এবং সতীশ। নারী-চরিত্রের অধিষ্ঠিত অভিনেতা হচ্ছেন রবি লাহিড়ী, তারপর ধীরঞ্জন, সুধীর ঘোষ ইত্যাদি।

ঘন ঘন পবিবর্তনের পর চূড়ান্তভাবে যে ভূমিকালিপি দাঁড়ালো, তাতে সীতা নাটকে আমার ভূমিকা নির্দিষ্ট হলো লব, আর মনস্ক্রিতে মৃগাক। বামেব ভূমিকাই ছিল, কিন্তু সীতাকপী ধীরঞ্জনের নাকি আমার "প্রাণেশ্বর" বলে ডাকতে ভারী হাসি পায়। তাই গোপাল ঘোষ এলেন রফাক্ত্রাকপে বাম্বীকির ভূমিকা বিনয় সেনকে দিয়ে। ব্যবস্থাপনার অধিনায়ককপে এগিয়ে এলেন কামাখ্যা রায় অর্থাৎ কামাখ্যাদা।

কিন্তু এই নাটকাভিনয়ের পূর্বেই একটি বিচিত্রানুষ্ঠানের আয়োজন হলো। তাতে অর্কেষ্ট্রা পাটির ঐক্যতান, বাঁশী, সেতার, এস্রাজ, বেহালা প্রভৃতির একক বাজনা. আবৃত্তি এবং অবশেষে বিভিন্ন নাটকের নির্বাচিত দৃশ্যের অভিনয়। দীনবন্ধু ঘোষাল কেরিকেচারের ভাব নিল। রাখাল ঘোষ এরও পর একটি একাক্ষিক কোতুক নাটকের ব্যবস্থা করলেন।

সাজাহান নাটকের নির্বাচিত দৃশ্যে অভিনয়ে আমি নাটমঞ্চে দেখা দিলাম সাজাহানরূপে। লোলচর্ম বৃদ্ধের মতো মুজদেহ, বাম অঙ্গ পক্ষাঘাতে পঙ্গু ও সর্বদা কম্পমান এবং খঞ্জের মতো চলাফেরা, অথচ চক্ষে আগুনের ফুলকি আর কণ্ঠস্বরে বজ্রের নির্ঘোষ! সে যুগে এই ভূমিকায় সাধারণ রঙ্গমঞ্চে নটপূর্য অহীন্দ্র চৌধুরীর সমকক্ষ কেউ ছিলেন না। তাঁর অভিনয় তখনো আমার দেখবার সৌভাগ্য না হলেও বিশ্ববিশ্রুত প্রশংসা আমি শুনেছি এবং এই ছরুহ ভূমিকাটি কেমন অদ্ভুত সাকল্যের সঙ্গে তিনি অভিনয় করে থাকেন, তাও বহুমুখে জানতে পেরেছি। এই শোনা ও জানার ওপর সম্পূর্ণ নির্ভর করে এবং সেই সঙ্গে নিজের চিন্তা, যুক্তি ও মৌলিকতা মিলিয়ে এমনি অভিনয় আমি সেদিন করে ফেললাম যে, পরের মাসের 'শূভ্র' পত্রিকার আঁমোদ-প্রমোদ বিভাগে লিখবার জন্ত এগিয়ে এলেন স্বয়ং বিনয় সেন পার্কায় হাতে নিয়ে। ঘোষণা করলেন, সমালোচনা লিখবেন তিনি নিজে এবং প্রশংসার পঞ্চরুধ হয়ে যা লিখেছিলেন, ছবছ ভাষা তার মনে না থাকলেও ভাবার্থ আঁজো ভুলিনি। তিনি লিখেছিলেন : 'বিজ্ঞানবাবুর অনবদ্য অভিনয় দেখতে দেখতে

মাঝে মাঝে অহীন্দ্র চৌধুরীর অভিনয় দেখছি বলে আমাদের ভ্রম হয়েছে। স্বাস্থ্যবান যুবক হয়ে এবং বিশেষ করে সেনাবাহিনীর জি-ও-সি হয়ে কীভাবে যে তিনি এক লোলচর্ম অশীতিপর বৃদ্ধের ভূমিকায় এমনি অনগ্রসাধারণ অভিনয় করলেন, তা মনে কবে বিস্মিত হতে হয়।

সুত্রবাৎ সীতা ও মনুশক্তির অভিনয়কালে দর্শকের ভিড় পড়ে গেল এবং স্বয়ং গিরিজা দত্তও এলেন সপরিবারে এবং টবিন সাহেবকেও সঙ্গে নিয়ে। অবশ্য অভিনয় শুরু হবার কিছুক্ষণ পর টবিন স্মিতহাস্যে বিদায় নিলেও গিরিজা সপরিবারে বসে রইলেন একেবারে শেষ পর্যন্ত। পবদিন আমার অফিসে ডাকিয়ে অজস্র প্রশংসা কবলেন।

আমাদের নাটকাভিনয় এণ্ড জমে গেল যে এব পর জনকতক বন্দী উৎসাহী হয়ে একটা ট্রেজিই তৈরী করবার সঙ্কল্প কবলেন এবং চাঁদা তোলা তৎক্ষণাৎ শুরু হয়ে গেল।

টবিনের সঙ্গে খিটিমিটি ছিল নিত্যনৈমিত্তিক ব্যাপার। চিঠি লেখা নিয়ে, আত্মীয়স্বজনের সঙ্গে সাক্ষাৎকার নিয়ে, পীড়িত বন্দীদের চিকিৎসা নিয়ে, ঠিকাদার কর্তৃক জিনিষপত্র সবববাহ নিয়ে—কী নিয়ে নয়?

পূর্বেই বলেছি টবিন যুক্তির ধাব ধারাতেন না। কোন ব্যাপারে বেশীক্ষণ আলোচনা চললেই তাঁর মিলিটারী মস্তিষ্কেব সেলগুলিতে রক্তের প্লাবন দেখা দিত। শিক্ষিত বন্দীদের প্যাচালো যুক্তির কোদাল পায়ের তলায় মাটি কেটে দিচ্ছে বলে মনে হতো তাঁর। সুতরাং প্রায়ই আলোচনার মাঝখানটিতেই লাল মুখ আরও লাল করে অকস্মাৎ যবনিকা টেনে দিয়ে নিতান্ত অভদ্রের মতো এমনি আচরণ করতেন যে, গোপাল গুপ্ত তো একদিন পায়ের স্যাণ্ডেলই প্রায় খুলে ফেলেছিলেন। সঙ্গে ঠাণ্ডা-মেজাজী সুধীন সরকার না থাকলে সেদিনই একটা মারাত্মক কাণ্ড বেধে যেত! আমাদের দাবীগুলো নিয়ে প্রতিনিধিদল যখন তাঁর সঙ্গে আলোচনা করতে গেলেন, টবিন তখন প্রথম দিকে বেশ ভারি চিৎ চালে আলাপ শুরু করলেন। কিন্তু গৌরারতুমি-ভর্তি তাঁর মন্তব্যগুলো কুরখার যুক্তির ফলকে প্রতিনিধি দলের অগ্রতম সদস্য সুধাংশু ভট্টাচার্য যখন কেটে ফেলতে শুরু কবলেন, তখন একেবারে অপ্রত্যাশিতভাবে অকস্মাৎ টবিন উঠে

দাঁড়িয়ে তাঁর উদ্ধত সিদ্ধান্ত ঘোষণা করলেন : তোমাদের দাবীগুলো একেবারেই অযৌক্তিক। অতএব, এবার পথ দেখতে পার।

সেই পথ নির্বাচনের মাঝাক সভাটাই হলো আগষ্ট মাসের শেষ দিকে। দলভেদ, মতভেদ, পথভেদ যতই থাক, পৃথক পৃথক চৌকায় camp politics অর্থাৎ ঘবোয়া রাজনীতির কচকচি যতই চলুক না কেন, অশুশীলন-যুগান্তরের ধুমায়িত বেষাবেষি যতই থাক না কেন,—বৃহত্তর প্রয়োজনে, যেখানে সমগ্র বন্দীশিবিরের ব্যাপাব জড়িত, যেখানে সাধারণভাবে বন্দীদের আত্মমর্যাদা আহত, সেখানে, সেকালে দেখেছি, সবাই দল উপদল-নির্বিশেষে এসে কাঁধে কাঁধ মিলিয়েছেন, হাতে হাত রেখে সংগ্রামের শপথ গ্রহণ করেছেন।

একালে অগ্রগামী চিন্তাধারা ও সূক্ষ্মাতিসূক্ষ্ম যুক্তিবাদ সৃষ্টি করেছে এক-একটি স্বয়ংসম্পূর্ণ কোষ, অপরের ওপর নির্ভর করবার ক্ষীণতম ছদ্দিনও যার দেখা দেয় না কোনোকালেই। শঙ্কুকেব মতো নিজের চাবদিকে যে অনতিক্রম্য গণ্ডী তুলে বেখেছে, সেই স্বল্প পরিসরতার মাঝেই লাভ করে সে অনাস্বাদিতপূর্ব আনন্দ। চরম শাস্তি তার সেইখানেই সমাহত। প্রাণের বিপুলতা ক্ষাপা বস্তুর উদ্বেলিত হয়ে উঠলেও কোনোকালেই তা প্রাচীর ডিঙ্গিয়ে খাবার উদ্দামতা দেখাবে না। একালে তাই দেখতে পাই ফাইল-দুরন্ত ঐক্য, শতাধিক সত্ত্বুক্ত মিলন। একালে তাই জনমতেরই লজ্জাকর পরাজয় ঘটেছে বার বার ব্যক্তির প্রতিযোগিতার আসরে। সেকালের দল সংগঠনের মূলে আবেগ ছিল অনেকখানি, মন দিয়ে মন জয় করবার সংকল্প ছিল দুর্জয়, পরিণামের অনিশ্চয়তা স্বীকার করে নিয়েই সেকালে আন্তর্দলীয় সহযোগিতার ভিত্তি-প্রস্তর স্থাপিত হতো। বস্তুতন্ত্রবাদের হাপরে পুড়িয়ে একালের নিছক কলা-কৌশলের খেলা নয়, সেকালের ট্র্যাটেজির পশ্চাতে ছিল সৈনিকের ভাবাবেগময় সংকল্প, তার সর্বাস্তরিক শপথ!

তাই তো দেখলাম, বিনা প্রতিবাদে, বিনা বিতর্কে, বিনা আলোচনার আগষ্টের সেই স্মরণীয় সভায় সর্বসম্মতিক্রমে গৃহীত হলো মারাত্মক এক প্রস্তাব : পনেরো দিনের সময় দিয়ে টবিনকে দেয়া হবে এক চরম পত্র। আমাদের দাবীগুলো যদি না মেনে নেয় সে, তাহলে আজ থেকে ষোড়শ দিবসেই প্রয়োগ করা হবে একেবারেই বন্দীর তীক্ষ্ণতম অস্ত্র—অনশন। আনৃত্য অনশন! প্রথম

সুরু করবে বিশ জন, তার পর প্রতি সপ্তাহে নতুন দশ জন করে তাদের সঙ্গে যোগ দেবে।

একটি শক্তিশালী সর্কাদলীয় সংগ্রাম পরিষদ গঠন করে সেদিনকার মত সভার কাজ শেষ হলো।

চবম পত্রকে টবিন কিছু পরম কোতুক সহকারে গ্রহণ করে প্রথমটা বেশ নরম গলায় জিজ্ঞেস করলেন : Are you determined to die ?

জবাব দিলেন প্রভাত নাগ : Of course, if our demands are not conceded to.

পাগল যেমন অকাবণে খিলখিল কবে হেসে ওঠে, তেমনি করে উচ্ছাস কবে উঠলেন টবিন। বেবিখে যাবাব মুখে নাটকীয় ভঙ্গিতে বলে গেলেন : I am sorry you will have to lose your life then.

গিবিজা কিছু গ্রহণ কবলেন সাপ্র-জয়াকবেব গোরবময় ভূমিকা। দু'টি পরস্পরবিবোধী ফোর্সেব একটিব যদি সামান্য একটু কম বেগ থাকে, তাহলেই তো একটা রেজালটেন্ট বাব কবা যেতে পারে। আব সেটা যদি সহনীয় হয় তাহলেই তো গ্রহণীয় বলে উভয় পক্ষকেই আবেদন জানানো যায়। বিস্তর মাথা ঘামিয়ে ফেললেন গিরিজা দত্ত। গোটাকতক দাবী তো এখনই মিটিয়ে দেয়া যায়, কয়েকটার সম্বন্ধে সাহেবেব সঙ্গে একটু পরামর্শ দরকাব, দু'তিনটে দাবী যা আছে, তা গভর্নমেন্টকে না জানিয়ে কিছু করা সম্ভব হবে না, আর বাকি তিনটে ?—ও তিনটে ছেড়ে দিন প্রভাতবাবু, একটা মিটমাট হয়ে যাক।

জবাব দিলেন অনন্ত দে : অনশনে ছ'চার জন শেষ নিশ্বাস ত্যাগ করবার পর ছাড়াছাড়ি সম্বন্ধে আলোচনা করা যাবে, গিরিজাবাবু। আজ উঠি।

বিলক্ষণ, তা কি হয় ?—হাল ছাড়তে চাইলেন না গিবিজা : স্বীকার করি আমাদের অনেক ত্রুটি আছে। কারণ আমাদের হাত পা বাঁধা। কিন্তু সবগুলিই কি আমাদের দোষ, সেটাই বিবেচনা কবে দেখবার জন্ত অনুরোধ জানাই আপনাদের। এক জায়গায় বাস করে কেন ঝগড়া করবো আমরা, সেটাই আমি বুঝতে পাবছি। মীমাংসার পথ তো বাব করতে হবেই।

সে তো খোলাই আছে।—জবাব দিলেন দেবজ্যোতি : সব পথই গেছে বন্ধ হয়ে, খোলা আছে একটি মাত্র দিক। সেই দিকেই তো যাবো বলে স্থির করেছি আমরা। আলোচনা অনেক হয়ে গেছে এই শিবির খোলবার পর

থেকেই! এত বেশী যে, সবই শেষ পর্যন্ত আলোচনাতেই পর্যাবসিত হয়ে যায়।

যতীশ গুহ যোগ দিলেন : তাই এবার একটা কাজ করা যাক, কি বলেন গিরিজাবাবু? কাজের ঝুঁকিটা অবশ্য বেশী হয়ে গেছে। তা আর কি করা যাবে। ক্ষুদীরামের কাছে না গিয়ে হয়তো যাওয়া যাবে যতীন দাসের কাছে। কিন্তু তাঁরা ওখানে গিয়ে বোধহয় এক ঘরেই থাকেন। তাই না, গিরিজাবাবু? ওখানে তো টবিন নেই।

গভীর হয়ে গেলেন গিরিজা ও-ছ'টি নাম শুনে। শুধু বললেন : দিয়ে যান অ্যাপলিকেশন। দেখা যাক কোনো মীমাংসা সম্ভব কিনা।

কিন্তু কোনো মীমাংসাই সম্ভব হলো না। আমাদের পুরো প্রস্তুতি চলতে লাগলো। জীবনের ঝুঁকি নিয়ে অনশন-সংগ্রামের প্রস্তুতি। ভিড় পড়ে গেল প্রথম দলের তালিকা তৈরীর সময়। যতীন দাসের বংশধরেরা মৃত্যুর উল্লাসে নৃত্য করে উঠলো। যতীন দাস ছিলেন বেঙ্গল ভলান্টিয়ার্সেরই মেজর। স্মৃতরাং বি ভি দলের কাছে এসে পৌঁছোলো যেন স্বর্গতঃ সেই অমর শহীদের অশ্রুচ্চারিত আদেশ!.....

সংগ্রাম পরিষদ নিজেরা বাছাই করে যে তালিকা প্রস্তুত করলেন, তাতে স্থান পেলে পঁয়ত্রিশ জন। বি ভি-র ছিল শুধু বীরেন ঘোষ। মুষ্টিযোদ্ধা, ইম্পাতদেহী, বহরমপুর বন্দীশিবির সেনাবাহিনীর অগ্রতম সেকশন কমান্ডার বি. ঘোষ।

সমগ্র শিবিরে নেমে এল থমথমে ভাব! আসন্ন কালবৈশাখীর উপক্রমণিকার মতো। বুলেটের বিরুদ্ধে বুলেট নয়, আঘাতের উত্তরে প্রত্যাঘাত নয়। একেবারে নিষ্ক্রিয় প্রতিরোধ। হৃদয় দিয়ে, মনোবল দিয়ে শত্রুকে ঘায়েল করার চেষ্টা। পরিষ্কার গান্ধীজীর টেকনিক! প্রয়োচনার উত্তেজিত হলে চলবে না। ঠাণ্ডা মস্তিষ্কে, ভেবেচিন্তে প্রতিটি পদক্ষেপ! শত্রুপক্ষ চাইবে আমাদের ক্ষেপিয়ে তুলতে। যুক্তিহীন কথার ঝড় সৃষ্টি করে, বিতর্কের ঝগড়া লাগিয়ে, হয়তো আড়াল থেকে ছ'খানা ইট কেলে দিয়েই চাইবে আমাদের হিংস্র করে তুলতে। তারপরই হুকুম হবে : ফায়ার!

অবশ্য, আমরা জানতাম, আমাদেরই মতো ঠাণ্ডা মস্তিষ্কে, বিন্দুমাত্র প্রয়োচনা ব্যতীতই ইংরেজের বাচ্চা টবিন অনায়াসে গুলী চালাবার হুকুম দিতে পারে। জিন্দে তার এতটুকু অড়তা দেখা দেবে না।

অনশনকারীদের প্রতি সহানুভূতি দেখাবার জন্ত এবং তাঁদের উৎসাহিত করবার উদ্দেশ্যে সাধারণভাবে সকল বন্দীই পত্র লেখার সুযোগ ত্যাগ করলেন, আত্মীয়স্বজনের সঙ্গে সাফাৎ বন্ধ করে দিলেন, রান্নাঘরের কর্তৃত্ব ত্যাগ করা হলো, খেলাধুলা একেবারে বন্ধ করে দেয়া হলো, হাতখরচের টাকা থেকে একটি জিনিষও কেউ আঁব কিনলেন না, গান-বাজনা, ঐক্যতানবাদন সব থেমে গেল। কোলাহলমুখর শিবিরে নেমে এল মপারাত্রিব শুদ্ধতা। সবারই মুখের হাসি শুকিয়ে গেছে, কণা ফুবিগে গেছে। সেনাবাহিনীর কুচকাওয়াজ স্থগিত। শুধু প্রতিদিন 'শুভাঙ্গ' পাঁ একাধি বিশেষ দৈনিক সংস্করণ প্রকাশিত হচ্ছে অনশনকারী বন্ধুদের অবস্থা ও কর্তৃপক্ষের চরম উদারসীনতার বার্তা নিয়ে। কার্টুন নয়, রস-রচনা নয়, ছুরিব ফলার মতো ধারালো মাত্র করেকটি সংবাদ—কার বমনোদ্বেক দেখা দিয়েছে, কে শয্যাগ্রহণ করেছেন, কার টেমপারেচার হচ্ছে, আর সেই সঙ্গে উদ্ধৃত টিভিনের স্পর্কোন্নত মন্তব্য : Let them die !

সত্যিই, একটি একটি করে দিন গড়িয়ে যাচ্ছে আর একটু একটু করে এগিয়ে চলেছেন এঁরা নিশ্চিত মৃত্যুর দিকে। আত্মসম্মান যেখানে আহত, ন্যূনতম অধিকার যেখানে পদদলিত, জীবনের মূল্য সেখানে অকিঞ্চিৎকর—এই এঁদের সর্বঅন্তরের বিশ্বাস। এ বিশ্বাসের ভিত্তি-প্রস্তর স্থাপন করে গেছেন টেরেন্স ম্যাকসুইনী, তাবপর মেজর যতীন দাস গঁপেছেন তা পাকা করে, আর আজ পঁয়ত্রিশ জন বিপ্লবী বন্দী খাড়া করে তুলছেন অটল বিশ্বাসের ইমারত।

রাত্রে বিছানায় গা এলিয়ে দিতাম বটে, কিন্তু ঘুম আসতো না বহুক্ষণ। বার বাবই মনে হয়েছে এই পঁয়ত্রিশটি পরিবারের কথা। ক্ষীণায়মান আশা নিয়ে আজো তাঁরা অপেক্ষা করছেন সুপ্রভাতের। কিন্তু দীর্ঘ রজনী যে দীর্ঘতব হতে চলেছে এবং পুঞ্জীভূত অন্ধকার অজগরের মতো ফণা তুলে যে সব কিছু গ্রাস করতে ধেয়ে আসছে, সে হুঃসংবাদ কি পৌঁছেছে তাঁদের কাছে ?.....

বাইশ

কেটে গেল পুরো একটি সপ্তাহ। প্রথম প্রথম অনশনব্রতীরা দল বেধে বিকেলে, সূর্যাস্তের অনেক পর আবহাওয়া ঠাণ্ডা হয়ে এলে বেড়াতে বেরুতেন। দিন সাতেক পর থেকে আর তা সম্ভব হলো না; হলেও বন্ধু বন্দীরা তা বন্ধ করে দিলেন। প্রথম সপ্তাহশেষে আবার কাড়াকাড়ি পড়ে গেল এই দলে যোগ দেবার জ্ঞ। সংগ্রাম পরিষদ বাছাই করলেন তা থেকে এবার পঁচিশ জনকে। প্রথম সপ্তাহের পরত্রিশ জন বৈকালিক ভ্রমণ ত্যাগ করলেও দ্বিতীয় সপ্তাহের এঁরা আবার তা শুরু করলেন।

অকস্মাৎ একদিন শোনা গেল অনুশীলনের অরবিন্দ অজ্ঞান হয়ে পড়েছিলেন। সে মাত্র পনেরো মিনিট। ঘাবড়াবার কিছু নেই তাতে। আবার একদিন দেখলাম যুগান্তরের হিমাংশুর বেশ জ্বর দেখা দিয়েছে। ডাঃ সরকার এসেছেন। পরীক্ষা শেষ করে অনেক দ্বিধার সঙ্গে বললেন : অবশ্য আপনাদের নীতি নিয়ে তর্ক করার অধিকার নেই আমার। কিন্তু হিমাংশু-বাবু এত দুর্বল হয়ে পড়েছেন যে, শুধু লেবু-জল দিয়ে কতখানি আর শক্তি দিতে পারবেন ঠুঁকে? Vitality কমে গেলে ওষুধ দিয়ে কি আর রোগ সারানো যায়, নিরঞ্জনবাবু?

সবাই চিন্তিত হয়ে উঠলো। নিরঞ্জন অজ্ঞেস করলো : কি করা যেতে পারে তাহলে?

ইতস্ততঃ করে সরকার বললেন : যদি বলেন, তাহলে না হয় কিছু গ্লুকোজ ইনজেকশন—

একশো তিন জরের মধ্যেও হিমাংশু গুনতে পেয়েছে সে কথা। রক্তবর্ণ চক্ষু দু'টি উন্মোচন করে ধুকতে ধুকতে জবাব দিল সে নিজে : ইনজেকশনই যদি নিতে পারি, তাহলে খেতে দোষ কি, ডাক্তারবাবু?

ডাক্তারবাবু ঘাবড়ে গেলেন : না, তা বলছি না, তবে—

তবে-টবে থাক্, ডাক্তারবাবু! যদি পারেন, খানিকটে বুদ্ধির ইনজেকশন দিয়ে দেবেন আপনাদের মনিবকে। বলবেন তাকে, বরিশালের ভাষাও যেমন মিঠে ভদ্রতার অপেক্ষা রাখে না, তেমনি বরিশালের গৌ-ও একেবারে বন্ধ

শুকরের গৌ-এর মত। ঠাট করলে একেবারে ফিনিশ পর্য্যন্ত না গিয়ে সে নিশ্বাস ফেলতে জানে না।

নীববে বিদায় নিলেন সরকার।

প্রথম দিনেব অনশনব্রতীরা সবাই শয্যা গ্রহণ না করলেও আর বেরুতেন না মাঠে। ইঞ্জিচেয়াবে বসে বই পড়তেন। কেউ খেলতেন তাস, কেউ বা ক্যাবাম। আমার আঞ্জো স্পষ্ট মনে পড়ে, অনশনের বোধহয় চতুর্দশ দিবসেও বিকেলে মাঠে বেড়াতে দেখেছি বি ভি-র বীরেন ঘোষকে। সেই মুষ্টিযোদ্ধা বীবেন ঘোষ, ঢাকা জেলে যাব প্রচণ্ড মুষ্ট্যাঘাতে ধরাশায়ী হয়েছিলেন একদা ডেপুটি জেলার আঞ্জাবাবু।

খেলাধুলা বন্ধ, প্যাবেডও স্থগিত। তাই পায়চারি করছিলাম মাঠে। দেখি হাসপাতালের পথ দিয়ে আসছে বীরেন। দেখা হতে জিজ্ঞেস কবলাম : শবীর কেমন ?

ঠিক আছে। জবাব দিল বীবেন।

চেয়ে দেখলাম। মুখমণ্ডলের সেই প্রাণ-প্রাচুর্যের দীপ্তি খানিকটে কমে গেছে। হাতের মোটা মোটা আঙ্গুলগুলোও যেন একটু সরু মনে হলো! বিরাট ধাবার ব্যাপ্তিও বুঝি কিঞ্চিৎ সঙ্কুচিত। কেমন যেন ঢ্যাঙ্কা-ঢ্যাঙ্কা মনে হচ্ছে ইম্পাতদেহী বীরেন ঘোষকে। কণ্ঠ যেন দীর্ঘ হয়ে গেছে। কিন্তু কণ্ঠস্ববে এখনো অনুরণিত সেই ঢাকা জেলের বীরেন ঘোষের অটল শপথ। ঘৃষ দিয়ে নয়, এবার মনোবল নিয়ে একবার দেখে নেবে যে। পরাভিত হয়ে পৃষ্ঠপ্রদর্শন কাকে বলে বীরেন তা জানে না।

সংগ্রাম পরিষদের সদস্যগণ এবং সাধারণভাবে সকল বন্দীই অনশনব্রতীদের খোঁজ-খবর নিতেন সারাদিন। সংগ্রামে যে আমাদের জয়লাভ সুনিশ্চিত, এই সুসংবাদ পারবেশন করে উৎসাহিত করে তুলতেন তাঁদের। শুধু তাই নয়, এই পনেরো দিনের মধ্যে সারা শিবির ছ'দিন খাচু প্রত্যাখ্যান করে নিবন্ধু উপবাস কবেছে সহবন্দীদের প্রতি সহানুভূতির নিদর্শনস্বরূপ।

তৃতীয় সপ্তাহের প্রথম দিন যে তালিকা প্রকাশিত হলো তাতে আমারও নাম রয়েছে। সুতরাং সকালবেলাই ভারী মাত্রায় ক্যাপ্টার অয়েলের জ্বালাপ নিলাম ও চাদরে দেহ আবৃত করে সটান বিছানায় শুয়ে থাকলাম। এবার অনশনব্রতীর সংখ্যা দাঁড়ালো আশী জন।

কোথা দিয়ে প্রথম দিন কেটে গেল, সকালের মিঠে বোদ পডন্ত বেলার বিষণ্ণ আলোর নিস্ত্রভ হয়ে এল, কখন ধীরে ধীরে নেমে এল সন্ধ্যাব আর্ন্ত অন্ধকাব, টেরই পেলাম না তা। ভাবাবেগের গতিবেগে প্রথম দিনটা যেন একেবারে ছুটে পালিয়ে গেল তাড়া-খাওয়া হরিণশিশুর মতো।

দ্বিতীয় দিনেব সকালে ঘুম ভাঙতেই অকস্মাৎ মনে হলো গলাটা শুকিয়ে কাঠ হয়ে গেছে। জল খেলাম পুরো ছু'গ্লাস লেবুব রস দিয়ে। প্রথমে মনে হলো গলা পর্য্যন্ত ভবে গেছে, কিন্তু তারপরই পাকস্থলীর কোন্ কোণে ওটুকু জল যে তলিয়ে গেল, হৃদিস পেলাম না তাব। ভেজা গলা শুকিয়ে গেল। মনে পড়লো, কাল খাইনি। কিন্তু দিনে ও রাতে কি খেতে পাবতাম, মনে পড়লো তা। ঠিকচেন সবকাবী তত্বাবধানে যাবার পর খাণ্ডেব অবনতি যে হয়েছে শোচনীয়ভাবে, তা অস্বীকার কববাব উপায় নেই। কিন্তু ওবাই যা দেয়, একেবাবে অখাণ্ড নয় তা। সকালে খানকযেক লুচি আব আলুর তরকাবি, দুপবে ডাল, তরকাবি, মাছ, দৈ আব বাত্রে মুড়িঘন্ট, ছোলাব ডাল আব আলু-পটলেব ডালনা। এই মেছু চলেছে সেই যোদিন আমরা চৌকার তত্বাবধান ছেড়ে দিয়েছি সেদিন থেকে। কাল কিন্তু এগুলো খাইনি।

অনশন ষাঁবা এখনো কবেননি, তাঁরা গিয়ে খেয়ে আসেন, আব ষাঁরা অনশনব্রতী, সবকাবী তত্বাবধানে তাঁদেব পুরো খাণ্ডও পরিপাটি করে সাজিয়ে এনে তাঁদেব টেবিলে রেখে দেয়া হয়। না খেলে সকালের জলখাবার দুপবে, দুপবেব খাবাব বিকেলে আব রাত্রেব খাবার পবদিন ফিবিয়ে নিয়ে যাওয়া হয়। আমাদের মনোবলেব ওপর এটা একটা প্রচণ্ড আঘাত বৈ আর কিছু নয়। টেবিলে সাজানো থরে থবে সুস্বাদু আহাৰ্যা, অথচ স্পর্শও করবো না তা! প্রলোভন জয় করতে হবে।

দ্বিতীয় দিনেব সকালে মনে হলো এমনি অটুট মনোবল কাল দেখিয়েছি আমি। দিনেব বেলার কী খাবার এনে রেখে গিয়েছিল, ক্রমেকপও করিনি তার প্রতি, কিন্তু রাত্রে খাবারগুলো চোখে পড়েছিল। মুড়িঘন্ট থেকে কেমন একটা বোটকা গন্ধ নাকে আসতেই ফিরে একবারটি দেখেছিলাম। শুৎকণাৎ বুঝতে পারলাম, কর্মচারীরা পুকুর-চুরি চালাচ্ছে। পাশ করিয়ে নিচ্ছে হয়তো ঘি, গরম মসলা, কাটারিভোগের চিড়ে আর রুইরের মাথার বিলটি, আর দিচ্ছে গোটাকতক কাতলা বা মুগেল মাছেব মাথা আলু-পেঁয়াজ দিয়ে আচ্ছা করে ঘুঁটে,

কড়া ঝাল দিয়ে আর হাঁটুপ্রমাণ ঝোল রেখে। দি যাচ্ছে বোধহয় গিরিজা বা পবিত্রের বাড়ীতে। আব শুধু কি ঘি? তেলের টিনও নিশ্চয়ই জমিদারদের ও বাবুদের বাড়ীতে যায়। তাই ঐ কাতলা ও মুগেলের মাথাগুলোই সাঁতলে নেগনি ভালো কবে। তাই তো এমনি বোটকা গন্ধ।

আন, আমবা কিচেন ছেডে দেবাব পব আমাদেব চ'কববাকব, বাবুচ্চিবাও বেশ ফাঁকি দিচ্ছে। তাই তো দেখলাম আলু-পটলের ডালনাতে সব আস্ত আস্ত মসলাব গুঁড়ো লেগে বয়েছে। আব কী বং ডালনাব ঝোলেব। ফাকাশে!

র' সম্বন্ধে বাডাতে সবাব চাইতে বেশী খিটিমিটি কবেন আমাব মা। ফ'বদপুর জেলাব খালিয়া গ্রামেব ধনী জমিদাব কুলচন্দ্র চট্টোপাধ্যায়ের আত্মরে কন্যা গিবিবালা। সেকালেব জমিদাব। নায়েব-গোমস্তা, পাইক-পেয়াদা, চাকব-বাকর ভর্তি খালিয়া গ্রামেব বিখ্যাত "বডবাড়ী"। জমিদারকন্যা যেমন পাবতেন ঢেঁকিতে ধান ভানতে, ঝাল দিয়ে মুড়ি আব খৈ ভাজতে, তেমনি আহাগ্য সম্বন্ধেও ছিল তাঁর গৌন দৃষ্টি! হলুদ ও লঙ্কায় টকটকে রং না হলে মা তা ছুঁতেনই না। আব শুধু কি রং? বাজার থেকে যদি রুই মাছেব পেটি এল, তাহলে সবার জন্ম ছ' ছটাক ওজনেব এক-একটি পিস্-এর ঝোল হলেও মার জন্ম পৃথক ব্যবস্থা। সেই পিস্গুলো কড়া কবে ভাজতে হবে, ভাজতে ভাজতে কড়াব মধ্যেই ভেঙ্গে খেঁতলে দিতে হবে, তাবপর পেঁয়াজ, রসুন ও বেশ খানিকটে শুকনো লঙ্কা বাটা দিয়ে রান্না হবে। ঝোল নয়, ঝাল নয়, ঝাল চচ্চড়িব মতো। শুধু ভাতই লাগ হলে যায় না, হাতেও রং লেগে থাকে। মায়ের খানিকটে রুচিপছন্দ ছেলেতেও যে সংক্রামিত হবে, তাতে আর আশ্চর্য্য কি?

সরকারী লোকগুলো জানেই তো যে, আমরা এই খাবাব স্পর্শও করবো না, তাই বোধহয় নিজেরাও হেলায়ফেলার ঘা খুশী তাই যেমন-তেমন করে নেড়ে-চেড়ে দিয়ে যায় যেমন খালা সাজিয়ে, তেমন ফিরিয়েও নিয়ে যায় খালা ভরে।

দ্বিতীয় দিনের রাত্রির কথা মনে পড়ে। অনেকক্ষণ ঘুম এলো না। বিকেলে এক পসলা বৃষ্টি হয়ে যাওয়ার বেশ ঠাণ্ডা। দিনের বেলায় বিছানা-বালিশ রোদে দিয়েছিল হরিমোহন। তাই বালিশে কেমন একটা মিষ্টি গন্ধ আর ঝিমিয়ে-আসা উত্তাপটা কেমন আপন আপন মনে হয়। তবু ঘুম আসছে না কেন?.....

সাধারণ অনশনের সপ্তদশ দিবসে আমার অনশনের তৃতীয় দিন। আশ্চর্য্য, কর্তৃপক্ষের টনক আজো নড়েনি। টবিন একেবারে পুরো দস্তুর মিলিটারী দেখা যাচ্ছে।

সকালবেলা আমার ঘবে এলেন ভোলাবাবু, সংবাদ দিলেন, টবিন আজ প্রতিনিধিদের ডেকে পাঠিয়েছেন।

অকস্মাৎ অন্ধকারে যেন একটা লাইট হাউস দেখতে পেলাম। প্রতিনিধিদের যখন স্বতঃপ্রসূ হয়ে আমন্ত্রণ জানিয়েছেন, নিশ্চয়ই টবিন তখন আপসের কথাই পাড়বেন। কিংবা ও ব্যাটা হয়তো গব্বাজাই ছিল, কিন্তু কলকাতা থেকে এসেছে সরকারী হুকুম। এবার চাঁদ যাবেন কোথায় ?

ভোলাবাবু বললেন : অনুশীলনের ননী সেনের দারুণ বমির ভাব দেখা যাচ্ছে মাঝে মাঝেই। বমির ভাব এলেই ননী সেন সংজ্ঞা হারিয়ে ফেলেন। তাছাড়া গুঁদের আরো দু'জনের দারুণ জ্বর দেখা দিয়েছে। ডাঃ সরকার বলে গেছেন নিউমোনিয়া হতে পারে।

জিজ্ঞেস করলাম : তাহলে ?

তাহলে আর কি ! জলের মত বললেন ভোলাবাবু : আজ যদি মামাংসা না হয়ে যায়, তাহলে অনশন চালানো মুশকিল হবে। গোপাল গুপ্ত তো স্পষ্টই বলেছেন, এই cause-এব জগু তো ছেলেদের মরতে দিতে পারি না !

আবারও প্রশ্ন করলাম : তাহলে ?

তাহলে করতে হবে honourable retreat, নইলে আরও দেরী করলে আমাদের মধ্যেই হয়তো মতভেদ দেখা দেবে আর কর্তৃপক্ষ তার সুযোগ নিয়ে divide and rule নীতি প্রয়োগ করবে। আরও, দিবাকবাবুর বিছানার নীচে নাকি পেন্সিলে-লেখা করেক টুকরো কাগজ পাওয়া গেছে। তাতে নাকি পবিত্রকে সম্বোধন করে আমাদের মতভেদের কথা ও অনশন-সংগ্রাম আর বেশী দিন চালাতে না পারার কথা লেখা আছে।

দিবাকরের কী দশা হলো ?

ভোলাবাবু জবাব দিলেন : আপাততঃ কিছু না। তবে বীরেনবাবু বলছেন, ওটা আমার ওপর ছেড়ে দিন। আজকের আলোচনার ওপর সব নির্ভর করছে। আমি দেখিনি সে চিঠি। যতীশদা'র কাছে আছে।

ভোলাবাবুর কাছে আরও সংবাদ পেলাম আমাদের সর্বদলীয় একে ক্যাটল

দেখা দেবার উপক্রম হয়েছে। নানারূপ গুজব রটানো হচ্ছে। যে-কেউ অফিসে গেলেই তাকে চব বা সুরিধাপ্রত্যাশী বলে সন্দেহ করা হচ্ছে। অনশন-ব্রতীদের মধ্যেও কেউ কেউ নাকি scientific hungerstrike চালাবার কথাও বলেছেন। বৈজ্ঞানিক অনশন, মানে খেয়ে কর্তৃপক্ষের কাছে না-খাবার ভান করা। কর্তৃপক্ষের ওপর চাপ দেবার জন্য প্রকাশ্যে অনশনব্রতীর মতো নিষ্ঠা দেখিয়ে গোপনে সামান্য কিছু করে আহার করে গেলে অনশনও চালানো যায় আরও দীর্ঘকাল।

ভোলাবাবু চলে যাবার পর আশা ও আশঙ্কায় মন আমার ভারাক্রান্ত হয়ে উঠলো। পবাক্রম বরণ কবে নিতে হবে? কি হয় দু'চার জন প্রাণত্যাগ করলে? কিন্তু গোপাল গুপ্ত যা বলেছেন, তাও তো একেবারে উড়িয়ে দেওয়া যায় না—শরতান গভর্নমেন্টের উচ্ছেদসাধনের জন্য যারা নিজেদের দিয়েছে বিলিয়ে, তারা কিনা অবশেষে কতকগুলি বাস্তব অসুবিধে ও খানিকটে অবমাননাকর আচরণের প্রতিবাদে তিলে তিলে মৃত্যুকে বরণ করে নেবে নিঃসহায়ের মতো? এমনি নীরব সত্যাগ্রহীর মৃত্যুই কি বিপ্লবীর কাণ্ড?

বেলা বাবোটা না-বাজতেই দেখলাম, চাকর হরিমোহন এসে আমান খাবার টেবিলে রেখে গেল। সঙ্গে যে সরকারী কর্মচারী ছিলেন, তিনি আবার এক গ্লাস জল ভরে রাখবার হুকুমও জানিয়ে গেলেন। হরিমোহনও হাসি চেপে এক গ্লাস জল টেবিলের ওপর রেখে ঘর থেকে বেরিয়ে গেল।

আজকে দেখছি আবার রান্না হয়েছে মুর্গীর মাংস। অর্থাৎ অন্ততঃপক্ষে আশী জনের ববাদ মাংসটুকু বিকলে ছল্লোড কবে অফিসে বসে যেমন সবাই খাবে, তেমনি ছাঁদা বেঁধে নিয়েও যাবে গিন্নী ও আণ্ডাবাচ্চাদের জন্য। খাবার লোক নেই, তার আবার মাংস। কিন্তু অকস্মাৎ এই মনু পরিবর্তন কেন? লোভ দেখানো আর ক্রমেই তা তীব্রতর করে দেখানো?

মনে পড়ে গেল, এই অনশন-সংগ্রাম শুরু হবার পূর্বে যেদিনই সত্যবাবু মুর্গীর মাংসের ব্যবস্থা করতেন, সেদিন শুধু আমি নয়, ডবলিউ বি চৌদ নম্বরের সবাই যথারীতি সবার শেষে খেতে গিয়ে আর ভাত বা অন্য কিছু খেতাম না, খেতাম শুধু মাংস। বিলম্বে যাবার জন্য পাছে আমাদের ভাগ্যে অবশিষ্ট আলুর জুন্ ও গোটাকতক মাংসহীন ঠাং মাত্র জোটে, তাই সত্যবাবু রান্না হওয়া মাত্রই বড় এক ডেকচি মাংস পৃথক করে রাখতেন আমাদের জন্য। সদাশয়

সত্যাবু ! খাইয়ে খুলী হতে যেমন ঢাকা জেলে দেখেছিলাম নীরেনবাবুকে, তেমনি এখানে দেখছি সত্যাবুকে । মহানুভব ব্যক্তি !

আর আমরা এক-এক জন প্লেটের পর প্লেট সাবাড় করে চলেছি নিবিষ্ট মনে সাধনা করবাব পোজ নিয়ে । অপরের প্লেটে মাংসের পাছাড় ধালসাৎ হলো কিনা, ক্রফেপও নেই সেদিকে । সে-কাজ সত্যাবুর, আমাদের হোষ্টেব । প্লেটের পাশে জমছে শুধু চূর্ণীকৃত অস্থি । সুপ হয়ে উঠছে ।

খাঁটি গাওয়া ঘি, পেয়াজ, রসুন ও ঝাল দিয়ে সত্যাবু রান্নাব যা ব্যবস্থা করতেন, মুর্শিদাবাদের নবাববাড়ীর বাবুচ্চিও তার কাছে হাব মেনে যায় । আহারের বিবরণ শুনে শুনে আমাদের কম্পাউণ্ডার বান্ধমবাবু ভারী লোভ হলো একদিন স্বাদ গ্রশ্ণেব । বাত্রে চুরি করে এসে খেয়ে গেলেন মাংস আর পোলাউ । তারপর তাঁকে নাকি পেটের অস্থিতে ভুগতে হয়েছিল প্রায় দিন পনেরো । বললেন তিনি : ও কি মশাই ঝোল ? শুধু ঘি আর তেল । পুরো একখানা লাক্‌স্‌ গেছে হাতের ঘি ছাড়াতে ! পেটের আর দোষ কি বলুন !

ঘড়ি দেখলাম, প্রায় বাবোটা বাজে । আব ঘণ্টা তিনেকের মধ্যে নিশ্চয়ই টবিনের অর্ডারলি আসবে আমাদের প্রতিনিধিদের নিয়ে যাবার জন্ত । এই সত্বেও দিনেব অনশনে সমগ্র শিবিরে কেমন একটা বিপর্যয় অবস্থা দেখা দিয়েছে । নিয়মনিষ্ঠা একেবাবে ভেঙ্গে পড়েছে । শৃঙ্খলার লেশমাত্রও অবশিষ্ট নেই কোথাও । সর্কোপরি, গোপাল গুপ্তের কথা ফেলে দেয়া যায় না । আমাদের দাবীগুলোর জন্ত সংগ্রাম চালাতে প্রস্তুত আমরা, কিন্তু জীবনের ঝুঁকি নেয়া যায় না । উচিতও নয় । বাইরে গিয়ে বিপ্লবীর অসংখ্য কাজ আছে । জেলের মধ্যে সারাজীবন কাটিয়ে দিলে সংবাদপত্রে বড় বড় হরফে নাম ছাপতে পারে, সভা করে গলায় ফুলের মালা পড়তে পারে, অভিনন্দনপত্রও পাওয়া যেতে পারে স্বদৃশ্য রূপোর কালকেটে, কিন্তু দেশের কাজ তাতে কতখানি হবে, বিপ্লবের রক্তরাশি পথে সর্কহারাদের কলটুকু এগিয়ে নিয়ে যাওয়া যাবে, এ-প্রশ্নের স্বীকৃতি হয় না । কঠিনতম যে দায়িত্ব কিশোর বয়সেই স্বেচ্ছায় মাথায় তুলে নিয়ে যাত্রা শুরু করেছি, সে দায়িত্ব পালনে অণুমাত্রও শিথিলতা দেখালে দেশবাসীর কাছে তার কৈফিয়ৎ দিতে বাধ্য আমরা ! জেলীর জীবনের বিস্ত্রী অস্থবিধাগুলির জন্ত আমরা জানাতে পারি তীব্র প্রতিবাদ, দেখাতে পারি ক্রুদ্ধ বিকোভ এবং এতেও যদি সফল কিছু না হয়, তাহলে—আমার মনে হয়, একদিন সদলবলে

বিদ্রোহ করে জেল ভেঙ্গে বেরিয়ে যাবার চেষ্টা করতে গিয়ে সশস্ত্র সিপাইয়ের সঙ্গে হাতাহাতি লড়াইতে প্রাণ পর্যন্ত দিতে পারি। কিন্তু, নিরুপায়ের মতো শিবিরের একটি ক্ষুদ্র প্রকোষ্ঠে বিনা প্রতিবাদে নেহাৎ গোবেচারা ভদ্রব্যক্তির মতো বর্ণহীন মৃত্যু আমাদের জন্তু নয়! . . .

তবে আপস আজ হয়ে যাবেই। যদি হয়, তাহলে ছ' একদিনের মধ্যেই আধাব চৌকা আসবে আমাদের তত্ত্বাবধানে ও নিয়ন্ত্রণে। আবার সত্যাবাবুর হোটেল ছু প্যারা! কিন্তু আব মাংস ভালো লাগে না। এবার বলবো শাকসজ্জী ও তবকারি চালাতে। সঙ্গে কাঁচা লক্ষা দিয়ে পাতলা করে মুসুর ডাল। মাছ চলতে পাবে। তবে আর রুই-কাতলা নয়, এবার ছোট মাছের ঝোল গোলমবিচ আব আদা দিয়ে আর কালজিড়ে ফোড়ন। পাতিলেবু তো পাকবেই।

গরম পড়েছে অসহ্য। ঘরের অন্তিম অধিবাসীরা কে কোথায় পালিয়েছে একটুখানি ঠাণ্ডার প্রত্যাশায়। একা আমি। সময়ও যেন আর কাটতে চায় না। সেই কখন বিকেল হবে, আমাদের প্রতিনিধিরা যাবেন অফিসে। মিটমাটের সংবাদ হলেই হয়তো আজ রাত্রে পাওয়া যাবে ঘোলের সববৎ, কমলালেবুর রস। কিন্তু সতেরো দিন যারা অনশনে আছেন, তাঁদের কথা পৃথক। আমার তো সবে আজ তৃতীয় দিবস। ঘোলের সঙ্গে সরু চালের একমুঠো ভাতও আমার পক্ষে অন্তিম কিছু হবে না। এমন কি, ঐ যে মুর্গীর মাংস রেখে গেছে, ওথেকে ছ'খানা আলু তুলে খেলেই কি অমনি আশা ধরে যাবে? মাত্র তিন দিনে শরীরের যন্ত্রগুলো এমন কিছু বেতো হয়ে যায়নি যে, ছ'খানা আলুর টুকরোও হজম হবে না।

মাংসের বাটিটা হাতে তুলে নিলাম। ঘুরিয়ে ফিরিয়ে দেখতে লাগলাম, সত্যিই রান্না বিত্তী, মাছের ঝোলের মত। বেশী সেরু করে ফেলেছে, হাড়-মাংস আলাদা হয়ে গেছে। তবুও মুর্গীর মাংস, সেরা মাংস। আপস তো হয়ে যাবেই আজ, মাত্র ছ'তিন ঘণ্টা বাকি। কী আর এমন মহাতারত অশুদ্ধ হয়ে যাবে যদি ছ'খানা আলু তুলে মুখে দিই—

এমন সময় ঝড়ের বেগে এসে ঢুকলেন ভোলাবাবু।

দ্বিজেনবাবু, আপস করে গেছে। টবিন নিজেরই নোটশ দিয়ে অনেক-গুলো দাবী মেনে নিয়েছে। বাকিগুলোও জন্তু আমাদেরও বর্তমানে আর

তাগাদা নেই।—পবে হবে, এই স্থির হলো সংগ্রাম পবিষদের বৈঠকে এই মাত্র।—আমি আসছি আপনার সববৎ আর লেবুব বস নিয়ে।

ভোলাবাবু বেরিয়ে যেতেই মনে হলো জীবনে এতবড় স্তম্ভকর সংবাদ কখনও পাইনি, আব বোধহয় পাবোও না। এবার আব চুবি কবে ছ'টো আনু কেন, সবগুলো আনুই খেতে পাবি। আব পুবো বাটিটাই সাবাড় কবে দিলে কাব কি বলবাব আছে? কাবণ—The hungerstrike is over —ভার্গাই সাক্ষিপত্র স্বাক্ষরিও হয়ে গেছে।

ভেইশ

কিন্তু মহামাণ্ড রুটিশবাজেব কাছ থেকেই শিক্ষা গ্রহণ কবেছি আমরা যে, সাক্ষিপত্র is nothing more than a scrap of paper অর্থাৎ তুচ্ছ এক টুকরো কাগজমাত্র। সংগ্রাম যখন অসহনীয় হয়ে ওঠে, তখন দিনকতক আলাপ-আলোচনার পর বিজেতা দলের ডিক্লেসেশন ও বিজিত দলের সাময়িক ভাবে নিকপায় নতি-স্বীকারের ফলে কিছু কাল ও কিছু সময় অপব্যয় কবে যে আপসনামা প্রণীত হয়, গাল-ভরা ভাষায় তাকেই তখন বলা হয় সাক্ষিপত্র। এই সাক্ষিপত্রের মর্গ্যাদা আজ অবধি ছনিয়ার কেউ মেনে নেয়নি, মেনে চলেনি; তাই তো ছনিয়ার আজো হানাহানির নেই এতটুকু কমতি।

অবশ্য, ছাই চাপা দিয়ে আগুন ঢাকবার চেষ্টা হয়েছে বহুবার। যুক্তির শানিত খড়্গে জমাট ভাবাবেগকে খান্ খান্ করে কেটে ফেলে দিয়ে অথবা তোষামোদ করে, হাতেপায়ে ধরে, বিনতি-মিনতির মরাকান্না কেঁদে অসংখ্য বার চেষ্টা করা হয়েছে স্থায়ী শান্তি প্রতিষ্ঠার। কিন্তু হায়, ছিপি-খুলে-রাখা শিশির মধ্যে থেকে কর্পূর উড়ে যাওয়ার মতো সদিচ্ছা ও সহনশীলতা, আপস-রক্ষা ও সন্ধির সাধুতা কখন একসময় যে ছেড়ে চলে যায়, টের পাওয়া যায় তখন, যখন একেবারে শোনা যায় তুর্য্যধ্বনি, গুনতে পাওয়া যায় খাপখোলা তলোয়ারের ঝনৎকার, দিগ্দিগন্ত যখন প্রতিধ্বনিত হয়ে ওঠে যুধ্যমান সেনাদলের বিজয়-গর্জনে। কাগজের টুকরোখানা তখন সমাধিলাভ করে ওয়েষ্ট পেপারের ঝুড়িতে!

অনশন সংগ্রামে জয়লাভ করেছি আমরা বললে সত্যের অপলাপ করা হবে।

একে কোনোক্রমেই ছন্ন বলা যায় না। যে দাবীর তালিকা পেশ করতে গিয়ে একদিন উদাত্ত হয়ে উঠেছিল আমাদের কণ্ঠ মেঘ-গর্জনের মতো, বিপর্যয় আসন্ন দেখে আর একদিন সেই কণ্ঠেরই স্বরগ্রাম আনলাম আমরা নামিয়ে, কমিয়ে আনলাম দাবীর সংখ্যা। তারপর একদিন নিজেরাই গরজ করে, আগ্রহ দেখিয়ে উক্ত ৩ টবিনের আপসের সর্ত্তগুলি এক-এক করে গলাধঃকরণ করতে হলো। তিরু বটিকার মতো। মনে মনে অবশ্য খুশী হলো না এক-জনও। ফলে, এর পর থেকেই কর্তৃপক্ষের সাপে কারণে-অকারণে হামেশাই আমাদের খিটিমিটি চলতে লাগলো।

রাত্রে ঘব বন্ধ করবার পূর্বে ওরা যখন গুনতি করতে আসতো, প্রায়ই ভুল হতো ওদের। কারণ গুটানো বিছানার মধ্যে একটি লোক বিভাবে ঘণ্টা-খানেক লুকিয়ে থাকতে পাবে, তা বোঝবার মতো বুদ্ধি গাড়োয়ালী মগজে ছিল না। তাই দরজায় তামা এঁটে ওরা সাবা শিবির তন্ন তন্ন করে তল্লাশী করে মরতো নিঃশব্দে। তারপর ব্যর্থমনোরথ হয়ে গলদঘর্ষ শব্দে যখন আবার গুনতি করতো, সবিস্ময়ে এবার খাতা খুলে দেখতো যে গুনতি মিলে গেছে!

কিন্তু বেশী দিন চললো না এই খেলা। দিবাকর নিজেই বা তার কোনো উৎসাহী শাগরেদ কোনো ছুতো করে অফিসে গিয়ে হরতো শ্রীমান্ পবিত্রের কর্ণকুহরে ঢেলে দিয়ে এসেছে এই গুপ্ত ক্রীড়ার রহস্য। তাই দেখা গেল, এবার ওবা বাইরের মাঠ তল্লাশী করবার পূর্বে ঘরের বিছানা উল্টে দেখে, খাটের নীচে ও পায়খানাতেও উঁকি মারে।

গাড়োয়ালী সিপাইদের সঙ্গে আমাদের পুরাতন দোস্তালীর কথাও বোধহয় কি ভাবে টেব পেয়ে গেছেন পবিত্র সরকার। তাই, অকস্মাৎ একদিন দেখা গেল, গাড়োয়ালী সেনাদল বদলি হয়ে গেছে, আর তাদের স্থানে এসেছে আনকোরা পাঠান সিপাই। এদের প্রত্যেকেই অন্ততঃ ছ'ফুট লম্বা, শরীরে মাংস ও মেদের চাইতে মোটা হাড়, খুব ষ্টাইল করে কামানো গৌফ আর বন্ ছাঁটা চুলে ছাড়-কামানো। সারা মুখমণ্ডলে কেমন যেন একটা রক্তভার ছাপ, ছ'পাঁচ মিনিট কথা কইলেই তা আরও স্পষ্ট প্রকট হয়ে উঠতো। শিবিরে প্রবেশ করবার পূর্বেই বোধহয় এদের ফল্ ইন্ করিয়ে কামাণ্ডান্ট টবিন শিবিরে যেসব সরকার-বিরোধী ডাকাত ও নরস্বাতকদের আটকে রাখা

হয়েছে, প্রাঞ্জল ভাবায় তাদের কুকীর্তিগুলো ব্যাখ্যা করে বুঝিয়ে দিয়েছেন এবং বিনা পরিশ্রমে আমাদের মাসিক খাণ্ড ও অগ্রাণ্ড বায়বাবদ মোটা টাকা বেবিয়ে যায় বলেই যে সিপাইদেব তলব বৃদ্ধির সদিচ্ছা সদাশয় সশকাবের মনে সর্কক্ষণ কাঁটার মতো বিধলেও তাঁরা কার্যো তা পরিণত কবতে পারছেন না—গবুচক্র গিরিজাও নিশ্চয়ই ঝোপ বুঝে এই কোপটি মেরে দিয়েছেন।

গেটেব বাইবে এদের এক মেজাজে যে মনোবৃত্তি ইনজেক্ট কবে দেয়া হয়েছে, শিবিবের অভ্যন্তরে ডিউটিতে এসে তাবই তিক্ত অম্বিক্তি পাওয়া যেতে লাগলো প্রতি পদে।

আমাদের চাকব-বাকব রাঁধুনাঁদের গুণিত হতো দিনের মধ্যে ছ'বার। গাডোয়লা সিদ্ধাইরা বস্তুই ঘবে ঢুকে সর্দাব কমেদীব কাছ থেকেই সব তথ্য নিয়ে চলে যেতো, আমাদের দৈনন্দিন কাজে অনর্থক বাধা সৃষ্টি করতে চাইতো না। আব পাঠানবা এসেই সর্বপ্রথম আইন প্রয়োগ কবলো এদেরই বেলায়। হুকুম হলো, বারোটা বাজলেই হাতের সহস্র কাজ ফেলে রেখে জেলের নিয়মের মতো এই সব সাধারণ করেদীকে ফাইল করে বসতে হবে ব্যারাকের বারান্দায়-বারান্দায়। এই কমেদীর সংখ্যা প্রায় ছ'শো। সিপাইবা অত্যন্ত সাবধানতার সঙ্গে এক এক করে এদের গুনতো—একবার নয়, একাধিক বার।

অর্থাৎ প্রায় একটি ঘণ্টা সময় নষ্ট হতো আমাদের। নয় কিচেন ম্যানেজার দিলীপবাবুব সঙ্গে এই ছুবাবস্থা নিয়েই প্রথম ওদের সেকশন কমাণ্ডারের সঙ্গে বেশ বিতর্ক হয়। কমাণ্ডাব নিয়মের বাঁধন এটুকু শিগিল কবতে রাজী নয়; ফলে, অসুবিধে হতো সীমাহীন। অতগুলো লোকের কিচেনে রাবণেব চুল্লীর ওপব সারি সারি বিবাটকায় ডেকচি ও কড়াইতে রান্না চলেছে, এমন সময় ঘণ্টা বেজে উঠলো—ব্যস, সবাই চলে গেল কিচেন ছেড়ে। ম্যানেজার দিলীপবাবুর তখন সঙ্গীন অবস্থা! কোন্টা সামলাবেন তিনি—কোন্ ডেকচিটা বা কোন্ কড়াইটা?

এ নিয়ে অফিসে রিপোর্ট করেও কোনো সফল হয়নি। ওরা বলেন, নিয়মের ব্যতিক্রম তো ওরা কিছু করে না, শুধু একটু বেশী মেনে চলে। তা নিয়মভঙ্গের কথা আমরা উচ্চারণ করি কি ভাবে? ওদেরই একটু বলে-কয়ে নেবেন, আমরা বাধা দোব না।

কিন্তু বলা-কওয়া চলে তাদেরই সঙ্গে, যারা যুক্তি বোঝে ও মানে। এদের

কাছে সে আশা বৃথা। মেসিনেব মতো এরা সর্বঅবস্থায় ওপব ওয়ালার হুকুম তামিল করে চলে অক্ষরে অক্ষবে। নিজের কিছু বুদ্ধি থাকলেও তা পাটাব'র মতো মনোরাজি বা সংসাহস এদেব নেই। তাই আমাদের সঙ্গে এদেব ঠোকাঠুকি ক্রমে নেড়েই চললো।

একদিন দুপুরে খাওয়া দাওয়ায় পব একটু ঘুমের আ. জন কবছি, এমন সময় অকস্মাৎ বাইবে গোলমাল শোনা গেল। ক্রুপদে কমেট এসে বললো : শাগু'গির চলুন 'দ্বজেনবাবু, ওদিকে সা ঘাতিক ব্যাপার লেগে গেছে।

ছটে বাব য এলাম। কিচেনেব কাছে গিয়ে দাঁধ একটি ছোটখাটো জনসমাবেশ। জনকণেক সিপাইকে বিবে একদল বাজবন্দী চীৎকার কবে বচসা স্কক কবে দিগেছেন এব সবিস্ময়ে চেরে দেখলাম, সেই দলেব পবোভাগে দাঁড়িয়ে ব.। ২ আমাদের ঘবেব মনোবজন সেনগুপ্ত। তাব হাতে একখানা স্মাণ্ডেল। ছ'লট দাঁঘ সিগাভবেব মুণো কাছে স্মাণ্ডেল তুলে বল'ছ সাডে চার কুট দাঁঘ মনো জন : চাপু বও উল্লক, বেশা বাও বোলোগা তো এক জুটিসে দাঁও গাড দেগা।

আমরা ক'জন গিয়ে পডতেই ঝগড়াটা শেষ পযান্ত হিন্দুস্থানী বচসাতেই শেষ হয়ে গেল বটে। কিন্তু বেশ অনুমান কবলাম, কোনোদিন কোনোবকম স্লযোগ পেলেই এই কাণ্ডজ্ঞানহীন হি স্র সিপাইগুলো প্রাও হংসা চ'বিত'র্থ কবতে এতটুকু দ্বিবা বোধ কববে না। আমাদের মধ্যেও সবাই এমন ধাঁব, স্থিব ও যুক্তিবাদী ছিলেন না বা নিয়মানুগ ছিলেন না যে, সংঘর্ষ সর্বদাই চলবেন এডিয়ে আব যাদই বা অপ্রত্যাশিতভাবে তা এসে পড়ে, তা হলে ন্যূনতম বিওর্কেব মধ্যেই তা সমাধিস্থ করবার চেষ্টা করবেন অথবা দবখাস্ত ও প্রতিনিধিত্ব দ্বাৰা বিভাগীয় শাস্তির দাবী জানাবেন।

ক্রমে ক্রমে এমনি দাঁড়ালো যে, যে কোনো অসতর্ক মুহূর্তে সামান্য একটি দেশলাইয়ের কাঠি এসে পড়লেই এই ব'কদখানা প্রচণ্ড নির্যোযে বিক্ষোভিত হবে। সুতবাং আমরা সেই কিয়ামৎ রাত্রির অপেক্ষা কবতে লাগলাম রুদ্ধশ্বাসে। পুঞ্জাভূত মেঘের ভীম ছঙ্কার শোনা যাচ্ছে, নপিল বিদ্যাতের আগ্নেয় ক্রকুটি তীক্ষ্ণ ছুরিকাঘাতে আকাশ চিরে চিরে ফেলছে, পাগলা হাওয়ার মাতাল গতিবেগ আসন্ন ঝটিকাব আগমনী গাইছে.....আর দেবী নেই। এখানেও হয়তো ঘটবে হিজলীর পুনর্বারুতি। . . .

একদিন বিকেলে আমি আর খেলার মাঠে যাইনি, ইজিচেয়ারে পা ছড়িয়ে বসে পড়ছিলাম হিটলারের আত্মজীবনী। ঘবে আর কেউ ছিল না, হরিমোহন আবার ঝাঁট দিচ্ছিলো ঘরখানা।

এমন সময় অকস্মাৎ মতি সিংহ ছুটতে ছুটতে এসে বললেন : শীগগির যান স্বিজনবাবু, ওদিকে কমেটবাবু খেলাব মাঠে একদল সিপাইকে ঠোঙ্গরে দিয়েছেন হকি স্ট্রীক দিয়ে।

ছুটে বেরিয়ে পড়লাম। বাইরে এসেই দেখলাম বীতিমতো ছোটোছুটি পড়ে গেছে। দেখলাম, বীবেন ঘোষ মশারি টাঙ্গাবাব লোহাব সব ছ'খানা বড় নিয়ে ছুটে চলেছে। ডাকতেই থামলো।

কী ব্যাপার? কোণায়?

এক নিশ্বাসে বলে গেল বীবেন ঘোষ : যাচ্ছি খেলাব মাঠে। বিমলবাবু আর কমেট হকি স্ট্রীক দিয়ে ছোটো সিপাইয়ের মাথা ফাটিয়ে দিয়েছে। এতক্ষণে ওবা বোধহয় এসে গেছে দল বেধে লাঠি নিয়ে, আমবা গ্রহণ করেছি ওদেব চ্যালেঞ্জ। খুনোখুনি একটা হবেই।—বলেই সে বিত্যাৎবেগে ছুটে চলে গেল।

এক মুহূর্ত দাঁড়িয়ে বইলাম। এডানোব কথা এখন আর চিন্তা করা যায় না, ফলাফলের বক্তাক্ত অতিশয়তা স্বীকার করেই এগিয়ে যেতে হবে। সূচনা কবেছে কমেট অর্থাৎ বন্দীশিবির সেনাবাহিনীর অন্ততম সেকশন কমান্ডার অর্থাৎ বেঙ্গল ভলান্টিয়ার্সের ভ্যানগার্ডের একজন সৈনিক! অতএব জি-ও-সিব আর মুহূর্তমাত্র বিধা করবার কিছু নেই।

মাঠের প্রান্তে এসে দেখলাম, মাঠে লোকে লোকারণ্য। সবাব হাতেই কোনো না কোনো হাতিরাব। ছোটো আহতকে কাঁধে করে নিয়ে যাবার সময় শাসিয়ে গেছে পাঠান সিপাই, আবার আসছে তাবা তৈরী হয়ে। ডাকাতদের একবার দেখে নেবে! সেই দেখা দেবার সুযোগ দানের জগুই প্রতীক্ষমাণ বন্দী-জনতা। চোখের কোণে কোণে দেখলাম অগ্নিস্থলিঙ্গ, আবেগে ও উত্তেজনায় সবারই কণ্ঠ রুদ্ধ, আসন্ন সংঘর্ষের প্রতীক্ষার সামান্যতম চাঞ্চল্যও কোথাও নেই!

ভিড় ঠেলে এগিয়ে এলাম সন্মুখে। কারকে কিছু প্রশ্ন করবার সময় ছিল না। ভোলাবাবু নিঃশব্দে এসে আমার হাতে একখানা হকি স্ট্রীক গুঁজে দিয়ে গেলেন।

কিন্তু, এমনি সময় অকস্মাৎ শিবির প্রকম্পিত করে পাগলা ঘন্টি বেজে উঠলো। চতুর্দিকে বিপদ-সঙ্কেতসূচক বাঁশী শোনা যেতে লাগলো। বোঝা গেল, সশস্ত্র সংগ্রামে এগিয়ে না এসে পাঠান সিপাই বেছে নিয়েছে আইনানুগ পথ। ঘন্টি শুনে তৎক্ষণাৎ ঘরে ফিরে আসবার বশুতা স্বীকার করবো না আমরা, তা হলেই আমাদের ওপর নিবিচারে বলপ্রয়োগের নিয়মতান্ত্রিক শক্তি ও সমর্থন ওরা পেয়ে যাবে। কিন্তু ওদের এই ট্রাটোজ উপলব্ধি করতে আদৌ দেয়ী হলো না আমাদের। নিমেষে সিদ্ধান্ত গ্রহণ করা হলো এবং দ্রুতপদে যে যার ঘরে যে শুধু ফিরে এলাম তাই নয়, একেবারে নিরীহ স্ত্রবোধ বালকের মতো অগ্নি হাজারো কাজে ডুবে গেলাম। তাড়াছড়োতে দশ নম্বরের বিমল চক্রবর্তী আর ডাবলিউ বি চোদ্দ নম্বরের কমেট আর ভোলাবাবু এসে ঢুকে পড়লেন আমাদেরই ঘরে।

থট্ থট্ করে প্রত্যেকটি ঘর তালি বন্ধ হয়ে গেল এবং গট্ গট্ করে ডবল মার্চ করে শিবিরের অভ্যন্তরে এসে প্রবেশ করলো সশস্ত্র পাঠানের বিরাট একটি দল। গুন্ডা শুরু হয়ে গেল।

সন্ধ্যা তখন সবে উৎরে গেছে। কমেট ও ভোলাবাবু তাঁদের রক্তমাখা জামা ও ধূতি বদলে নিয়ে নিবিষ্ট মনে দাবা খেলতে বসে গেছেন, শুধাংশুবাবু লিখছেন কোন্ জরুরী পত্র, সমরেন্দ্র পাল আর অমর খেলছে ক্যারম আর আমি আমার ইজিচেয়ারে গা এলিয়ে দিয়ে আবার তুলে নিয়েছি হিটলারের আত্মজীবনী। বিমল চক্রবর্তীও তাঁর রক্তমাখা ধূতি ছেড়ে ফেলে পরেছেন ময়ূরকণ্ঠী রংয়ের একটি লুঙ্গি। খুলে বসেছেন একটি ভাঙ্গা হারমোনিয়াম। কেউ শুনুক বা না শুনুক, গান একথানা তিনি গাইবেনই। এখন হারমোনিয়াম তা সহজে পারে ভাল, না-হর যাক্, ভেঙ্গে যাক্।

অভিনয় করছিলাম সবাই, তাই আমাদের কান ছিল অত্যন্ত সজাগ, মন ছিল অত্যন্ত ভারাক্রান্ত। বার বারই মনে হচ্ছিলো, এবার তো প্রত্যেক ঘরে আমরা মাত্র চারজন বা ছয়জন। তালি খুলে একটি একটি ঘরে যদি ওরা হানা দেয়, তাহলে? পিঞ্জরাবদ্ধ সিংহের মতো অগ্ন্যাগ্নি ঘরের সবাই শুধু গর্জনই করবে নিষ্ফল আক্রোশে, দংষ্ট্রাঘাতের সুবর্ণ সুযোগ আর পাবে না। আশঙ্কা হলো, নিশ্চয়ই ওরা এইবার খুঁজে বার করবে তাদের, এগিয়ে এসে ধারা ষ্টীক চালিয়েছে বেপরোয়াভাবে।

অকস্মাৎ চমক ভাঙ্গলো : হ্যালো জি-৩-সি ।

বারোজন পাঠানের একটি দল । এবার আমাদের ঘরে গুণতি হবে ।
বললাম : ইয়েস ?

আপনাকে না মাঠে দেখলাম হকি খেলতে ? ভারী ফার্ট ক্লাস খেলেন তো আপনি !

বুঝলাম, ওবা সনাক্ত করতে পারছে না । বললাম : ঐ একটা খেলাই আমি পাবিনে সুবাদার সাহেব ! আব শরীবটে আজ খাবাপ, তাই এই বইখানাই পড়ছি দুপুরে খাওয়া-দাওয়ার পর থেকে । A very good book—

ধাঁবা আছেন, সবাই কি এই ঘরের ?

সুধাংশুবাবু বললেন : না সুবাদার সাহেব । পাগলা ঘন্টি পড়েছে তো, তাই যে যেখানে পেবেছে, ঢুকে পড়েছে । জনতিনেক বন্দী অণ্ড ঘরের ।

বিমলবাবু এদেব প্রতি দৃকপাত না করে প্রাণপণে সুরের সঙ্গে স্বর মেলাবার কসরৎ কবছেন । সুবাদানের দৃষ্টি সেদিকে আকৃষ্ট হলো ।

আচ্ছা, উনি খুব ভাল গাইতে পারেন বুঝি ?

কমেট ফস্ করে হেসে জবাব দিল : ও ইয়েস । ধরা পড়বার আগে নিখিল ভারত মিউজিক কনফারেন্সে উনি বরাবর স্বর্ণপদক পেয়ে আসছিলেন । অনেকদিন চর্চা না থাকাতে গলাটা একটু ধরে গেছে—I mean—

কুটবুদ্ধি নাজির খা এই পরিহাস বেশ বুঝতে পারলো । বলে উঠলো : I see—

তাবপব সদলবলে বেরিয়ে গেল ! ভাবলাম, এ যাত্রা ফাঁড়া কাটলো । কিন্তু আধ ঘন্টা কেটে যেতেও দরজা খোলবার গবজ না দেখে আবার আশঙ্কা হতে লাগলো, সহজে ছেড়ে দেবার পাত্র নয় এবা । আরও মিনিট পনেরো কেটে যেতেই পাশের কক্ষ থেকে নূপেন পাল চৌচিয়ে খাস কুমিল্লার ভাষার জানিয়ে দিল সুধাংশুবাবুকে যে, এরা যাদের হাতে মার খেয়েছে, তাদের খুঁজছে । কুমিল্লার ভাষায় এ অণ্ড যে, বাংলা কিছু কিছু সমঝাতে পারলেও বাঙ্গাল ভাষা ওদের কাছে গ্রীক্ !

সংগ্রামের জনতিনেক নায়কই তো আমাদের ঘরে । কৌশলে এঁদের বাঁচিয়ে দিতে হবে । বিমলবাবু অবশু এতে সহজে রাজি হলেন না । খাপখোলা ছুরির মতো বিমলবাবু । যেখানেই চলেন, কেটে দিয়ে রক্তক্ষান করে যান । Via media বলে কোনো শব্দ তাঁর অভিধানে নেই । যদি

আরও শক্তিশালী ইম্পাতের সঙ্গে তাঁর সংঘর্ষ হয়, টুকরো টুকরো হয়ে ভেঙ্গে যেতে চান তিনি। কিন্তু পাশ কাটিয়ে যাবেন না কোনোমতেই। কোনো হিসেব, কোনো কৌশল, কোনো ষ্ট্রাটেজীর বালাই নেই তাঁর, বস্ত্র শূকরের মতো জর্নিবার তাঁর গতিবেগ!

অনেক কবে বুঝিয়ে শাস্ত করা গেল বিমলবাবুকে। তিনি চুপ করে থাকবেন, কথা কইবো আমবা। বিশেষ করে স্ত্রধাংশুবাবু।

অনেকক্ষণ পব এবার বোধহয় একেবারে নিশ্চিত হয়ে আবার এসে আমাদের ঘরে প্রবেশ কবলো দুর্বৃত্ত নাজির খাঁ আব তার সঙ্গীবা। এসেই আদেশের স্তবে অন্ত্রবোধ জানালো : বিমলবাবু, চলুন, আপনাকে আপনার ঘরে পৌঁছে দিয়ে আসি।

বোঝা গেল কিসের এত গবজ, কেন এতখানি ভদ্‌গা! শিবিরের অন্ততম প্রতিনিধি যুক্তিবিশাবদ স্ত্রধাংশুবাবু এগিয়ে এলেন ধাবালো যুক্তি নিয়ে। আমি এলাম নানা হালুকা কথায় ওদের জিঘাংসার উত্তাপ খানিকটে কমিয়ে দিতে, সমবেদ পাল এলেন সামরিক কুচকাওয়াজের ঔৎসুক্যময় গল্প ফাঁদতে, কিন্তু দেখা গেল এবং দেখে ততবুদ্ধি হয়ে গেলাম যে, ভবি ভোলবার নয়।

অগত্যা কমেট এগিয়ে এসে বললো : চলিয়ে, হাম ভি যামেগা হামারা ডবলিউ বি চৌদ নম্ববমে।

ভোলাবাবুও যেতে চাইলেন, কিন্তু নাজির খাঁ বলছে যে, সবাব আগে সে বিমলবাবুকে তাঁর দশ নম্ববে পৌঁছে দেবে, তারপর—

কিংকন্তব্যবিমূঢ় হয়ে দইলাম নিমেষেব জ্ঞা। বিমলবাবুর হাঁক ষ্ট্রীকের আঘাতেই যে একজনের মাথা ফেটে গেছে এবং জখম হয়েছে জনকতক, এতক্ষণে এরা তা বুঝতে পেরেছে এবং সন্দেহাতীতভাবে বুঝতে পেরেছে। ওরা সংখ্যায় দশ বারো জন, এবং ওদের হাতে বিলিতি বেতের মোটা রেগুলেশন ষ্ট্রীক আর আমাদের একেবারে খালি হাত। তথাপি বিমলবাবুর রণহুকার আর প্রচণ্ডভাবে এলোপাথাড়ি ষ্ট্রীক চালাবার বীভৎস দৃশ্য এখনো ওদের মনে ভাসছে। তাই বুঝি গুঁকে বারান্দায় একক করে নিয়ে.....

বিমলবাবু কিন্তু তখনো পরম নিশ্চিত হারমোনিয়ামের সঙ্গে কুত্তি করছেন আর মোটা কাঁচের আড়াল থেকে রহস্যময় চোখে সেদিকে চেয়ে অমর মুহু মুহু হাসছে।

কী যে করবো এই নাছোড়বান্দা দস্যুদের সঙ্গে বুঝতে পারলাম না, এমন সময় বিমলবাবুই নেমে এলেন খাট থেকে : চলিয়ে সুবাদারজী, হামারা ঘরমেই চলিয়ে। বা কি বাত এহি ছায়, গুনতি তো মিল্ গিয়া, অভি তো নম্বব খোল দিয়া যায়গা।

কথা কইবার আর অবসর পেলাম না আমরা। বিমলবাবুকে নিয়ে ওরা বেবিয়ে গেল। আমাদের দরজায় তালা পড়লো।

কিন্তু মান ত্রিশ সেকেণ্ড হবে। তারপরেই অকস্মাৎ এমনি একটা তীব্র চীৎকার দেখালে দেখালে আড়াড খেমে উঠলো যে, আমাদের অন্তরাখ্যা পর্যন্ত কেঁপে উঠলো! সে চীৎকার বর্ণনা করবার ভাষা আজো তৈরী হয়নি। আর্ন্তনাদ তাকে বলতে পারবিনে, বলতে পারবিনে অসহায় মেধশাবকেব করুণ ক্রন্দন। রাইখষ্ট্যাগে শ্বেবেশেব প্রাকালে রক্তাক্ত লালফৌজ হের হিটলারের সাক্ষাৎ পাবার অধীব আগাহে যে উল্লাসধ্বনি কবে উঠেছিল, নবপিশাচ নাজিব খাঁ ও তার পাঠান অশুচবদেব কণ্ঠে যেন গুনেছিলাম তারই প্রতিধ্বনি! কিন্তু তর্ভুক্তদের সমবেত বুটেব ঠোকবে, বেণ্টেব ঘায়ে ও বেগুলেশন লাঠিব নৃশ'স আঘাতে নিরস্ত, নিঃসঙ্গ, নিঃসহায় একজন সহ-বন্দীব কণ্ঠ থেকে যে অদ্ভুত একটা শব্দ বার হয়েছিল, তাতে ঠিকবে পড়েছিল তাঁব সর্বঅস্তুরের দুঃখ, দিক্কার, ক্রোধ ও তুঃখ। খাঁচায় ইঁদুবকে জলে ডুবিয়ে মাববার কাপুকমতা ঐ সবকাবী সেনাদলেরই শোভা পায়। বিমল চক্রবর্তী ছিলেন খাঁটি ইম্পাত, সাময়িকভাবে হলেও তুমড়ে থাকবার বর্ণনীতি তাঁব ধাতে সয় না।

তাই, একেবারে খালি গায়ে, খালি হাতে নেকড়ে বাঘেব মতো যুঝেছেন তিনি এই বারোটি ছ'ফুট দীর্ঘ পাঠানের সঙ্গে, তারপর একসময় সংজ্ঞা হারিয়ে রক্তাক্ত কলেবরে লুটিয়ে পড়েছেন ব্যারাকের বাবান্দায় উদ্ধা পতনের মতো, মহীরুহ পতনের মতো!

ইম্পাত ভেঙ্গে গেছে!.....

চকিবশ

সত্যিই, ভেঙ্গে গেছে ।

পরদিন ভোরে দবজা খুল দিতেই ছুটে গেলাম দশ নম্বরে । শুভ্র শব্যায়
প্রসারিত বিমল চক্রবর্তী'র ইম্পাত দেহ, ব্যাণ্ডেজে একেবাবে ঢাকা । মাথাব
কমেকটি ক্ষত নাকি প্রায় তিন ইঞ্চি দীর্ঘ আব তেমনি গভীর ।

বললাম : না বেবিষে এলেই পাবেন । গোলমাল যা কিছু ঘবেই হতো,
আমরা যোগ দিতে পাবতাম ।

ক্ষণ কণ্ঠে জ্বাণ দিলেন বিমলবাবু : সেই জগেই তো বেবিষে এলাম ।
কমেটবাবুব দিকে বার বার চাইছিলো ওবা, যদি চিনে ফেলে ? এতগুলো
লোকের হাঙ্গামা বাড়িয়ে লাভ নেই । তবে, এতটা হবে ভাবিনি ।

সমস্ত বন্দাব ওপব ওদেব যে আক্রোশ, তাই মিটিয়ে নিয়েছ একা
আপনার ওপব দিযে ।—বললো অমব ।

হাসতে চেষ্টা কবলেন বিমলবাবু : তা হয়তো হবে ।

এমনিই এরা । সকলেব বিপদ, সকলেব ঝুঁকি, সকলেব সঙ্কট বুক
পেতে নেবাব জন্মই বেন এদেব জন্ম । ঘাডে জোষালেব মত এসে পবেব
হাঙ্গামা চেপে বসে, না পারা যায উপবে ফেলে দিতে, না পাবা যায শাস্ত মনে
সইতে, তারপব বাধ্য হযেই কাঁব লাগাতে হয়, একটু ঠেলাঠেলিও কবতে
হয়, শবীবের স্থানে স্থানে হযতো ছডেও যায—এই অসহায় অবস্থাব কথা
জানি । আত্মীয়জনেব জন্ম আত্মনিগ্রহ, প্রেমিকেব জন্ম অস্তিত্ববিলোপ, পডনী'র
জন্ম জীবন বালদান, এও জানি । কিন্তু এদেব থেকে সম্পূর্ণ স্বতন্ত্র এরা,
কোনো দিক দিয়ে এতটুকুও মিল নেই । জেলে এসে যাদেব সঙ্গে প্রথম
সাক্ষাৎ ও পরিচয়, জেলেব বাইবে গিযে সাবা জীবনে যাদেব সঙ্গে দ্বিতীয় বার
সাক্ষাতেব আদৌ সম্ভাবনা নেই, শুধু তাদেবই নয়, অচেনা, অজানা, অদেখা যে
যেখানে আছে, তাদেব সবার সবটুকু দুঃখ ও বেদনা'ব পশরা স্বচ্ছায় ও সানন্দে
মাথায় তুলে নেবাব হিম্মৎ দেখেছি এমনি জনকতক বন্দীব । ছুনিয়া'ব সবটুকু
বিষ নিঃশেষে পান করবার মতো নীলকণ্ঠ এরাই । . . .

বেশী কথা কয় না, নেই হাঁকডাক, নেই আড়ম্বরের জলুস । একেবারে

অপ্রত্যাশিতভাবে আচমকা এদের আবির্ভাব ঘটে, তারপর যীশুধ্বষ্টের মতো চলে এদের তিলে তিলে আত্মবলিদান। মৃত্যুর সঙ্গে এদেরই পাঞ্জা লড়াই চলছে নিশিদিন, প্রাণ দেবার জন্তু এরাই করে কাড়াকাড়ি। পরাধীন দেশের অনামা এই দধীচিকুল, তোমাদের উদ্দেশ্যে নিবেদন করি সর্কাস্তরিক প্রণতি !.....

দিন পনেরোর মধ্যেই বিমলবাবু অনেকটা আরোগ্য লাভ কবলেন বটে, কিন্তু শিবিবাবু কমবয়সী দর মধ্যে একটা চাপা ক্রোধেব আগুন ধুমায়িত হতে লাগলো। পাঠান সেনানায়ক সুবাদার নাজির খাঁকে একেবারে ধরাপৃষ্ঠ হতে সুবয়ে দেবার মাঝামাঝি পবিকল্পনাও কেউ কেউ আঁটতে লাগলেন গোপনে গোপনে। প্রতিনিধি দল অফিসে যাওয়া সর্কতোভাবে ত্যাগ কবলেন, রান্নাঘরের ব্যাপারেও দিলাগবাবুর উৎসাহ একেবারে কমে গেল, খেলার মাঠে খেলোয়াড়ের অভাব দেখা যেতে লাগলো, বিভিন্ন দলীয় পত্রিকায় নাজির খাঁর এই নৃশংসতার প্রতিশোধ নেবার জন্তু গরম গরম সম্পাদকীয় প্রবন্ধ প্রকাশিত হতে লাগলো, 'শৃঙ্খল' পত্রিকায়ও করা হলো এব তীব্র নিন্দাবাদ।

সরকাবীভাবে সংগ্রাম ঘোষণা না করলেও সংগ্রামী আবহাওয়ায় সারা বন্দীশিবির থম্ থম্ করতে লাগলো। টবিন এ সংবাদ নিশ্চয়ই পেয়ে গেছেন এবং গিরিজা নিশ্চয়ই বুঝিয়ে দিয়েছেন তাঁকে যে, এই নালিশ-বিহীন উদাসীনতা আসন্ন ঝটিকারই পূর্বাভাস, অতএব—

অতএব এক মাসের মধ্যেই পাঠান সেনাদল বদলি হয়ে গেল আর তাদের স্থানে এল বিহাবী রেজিমেন্ট। আমি স্পষ্ট মনে করতে পারি আজও যে, একদল বন্দী নাজির খাঁর কাপুরুষ আক্রমণের পশ্চাতে কমাগুন্ট টবিনের পরোক্ষ সমর্থন উপলব্ধি করে বিপ্লবীদের কালো খাতায় মোটা হরফে তাঁর নাম তুলে দিয়েছিলেন এবং যে-করে-হোক জনতিনেক শিবির থেকে পলায়নের ফন্দি আঁটছিলেন। টবিন যদি আমাদের পরিদর্শন করতে আর না-ই আসেন কিংবা সেনাদলের পর যদি স্বয়ং টবিনকেই বদলি করে দিয়ে তাঁর রেহাই পাবার সুযোগ করে দেয়া হয়, তাই তিনজন বাইরে চলে যাবেন, যেখানেই টবিন থাকুন না কেন, সেখানেই গিরে তাঁকে ধরাপৃষ্ঠ হতে

বহিষ্কার করে দেবেন। তাঁদেরই ছ'চাবজন বন্ধু লোহাব বড় ও শাবল গোপনে সংগ্রহ করে সাগ্রহে টাৰিনেব শিবিব পবিদর্শনেব সুযোগেব অপেক্ষায ছিলেন।

অবস্থা এমন হয়ে দাঁড়ালো যে এক আঁটা নবহত্যা বোধ কববাব শক্তি ওপন আঁ কাকব ছিল না। কিন্তু সেপেটম্ববেব শেষাশেষি 'ষ্টেটসম্যান' পত্রিকাৰ চট্টগ্রামেব পাহাড়তলা বেলওয়ে ইনষ্টিটিউটেব ওপব 'ভাঘটা' আক্রমণ চালাবাব যে ক্ষুদ্র বিবরণ পকাশি • হলো, তাব ফলে আমাদেব মনে এলো এক নতুন চেতনা সমগ্ৰ বন্দাশিবিব এল এক অভূতপূৰ্ণ উৎসাহ ও উদ্দীপনা। পত্রিকাৰ বাগড়ে ছলাম ওবন সন্দর্ভ আঁ আঁ আঁ আঁ নেহ। তবুও বটুকু পবে জানতে পেবোঁছিলাম তা এই—

১৯৩২ সালেব ২৪শ সেপেটম্বব। বাণিকাল। পাহাড়তলা বেলওয়ে ইনষ্টিটিউটেব মাজাইক কবা পত্রিকা মেবেব ওপব হাজাবো আলোকেব নিয়ে চলছে সাপেক্ষ মেমবদেব যুগল নৃত্য। বঙ্গ সঙ্গীত আজ। বঙ্গি যৌন আবেদনময় সঙ্গ ও স্বাচ্ছন্দ্য পোশাব তেমনি নিতম্ব দোলানা ইচ্ছাময় নৃত্য। স্ববাসিন্দ্র বক্রিও অধবে বেমন অশ্রাব গানেব জড়িত স্বব, শোভা ও দর্শকদেব তেমনি অশাবা উচ্ছ্বাস। চট্টগ্রাম অস্ত্রাগার আক্রমণেব পব প্রায় আড়াই বৎসব কেত গাছে। স্বত্বা নিশ্চিত। একদা যাবা আক্রমণেব জাগরণেব আশ্রয় নিবাবছিল তাবাই আঁবাব হাঁসিধুখে নিব এতস চণ্ডবে বঁপবাদেব কেউ কেউ সঙ্গীত সংগ্রামে নিহত, আহত, আঁবাব কেউ ব আঁয়গোপন কবে টাও হয়েছেন। শহর তাই আঁবাব ক্ষণিক বাঞ্জন বধে উঠেছে চলতে আঁলেশময় নৃত্য—

অকস্মাৎ পত্রিকাটি গালা ও দবজাব দখ গেল আঁগেযান্ত্রাবী আক্রমণকাঁ। কেউ কিছু বলবাব পূর্বেই গাদেব হাতের বঁভলবাব ও বন্ধুক গুলি একসঙ্গে গাছে উঠলো—গুম গুম গুম। সঙ্গে সঙ্গে ছটোছুটি ছডোড়ডি পড়ে গেল। বৈদ্যুতিক আলোকেব ঝাড চুবমাব হযে ভেঙ্গে পড়েছে, স্ববাব পাঁ মেবেতে গড়াগডি যাচ্ছে, ভাঙা টেবিল চেযাবে নৃত্যবাসব একেবারে কণ্টকিত নবনাবাব আঁর্ন্ত চাঁৎকাবে শুধু ইনষ্টিটিউট নয়, চাঁবিদকেব পাহাড় পর্যন্ত মুখাবিত।

আঁবাবম জলী ও বোমানিক্বেপেব ফলে নর্তক ও নর্তকীদের কে কোথায় ছিটকে পড়েছে, মুখ ধুবড়ে পড়ে গেছে, মরে গেছে, বিপবীরা তার ধবর

রাখে না। হাতে আছে অস্ত্রাগার থেকে লুণ্ঠন-করা আগ্নেয়াস্ত্র আর থলিতে আছে মারাত্মক বোমা। হুকুম হয়েছে, আক্রমণ কর। সে হুকুম অক্ষরে অক্ষরে পালিত হচ্ছে।

রেলিং-ঘেরা বারান্দায় দাঁড়িয়ে বিপ্লবীদের এই স্বদেশীয় অভিযান পরিচালনা করছিলেন মহীয়সী বিপ্লবী নারী প্রীতিলতা ওয়াদেদার। সামরিক পোশাক-আঁটা বিপ্লবী বাহিনীর সর্বাধিনায়িকা।

মাষ্টারদা'র নির্দেশ : ধরা দেবে না। কাজ হাঁসিল করে সরে পড়তে না পারলে আত্মহত্যা করবে।

কাজ হাঁসিল হয়ে গেছে। সবগুলো বোমা নিক্ষেপ করা হয়েছে, সব কটি বুলেট ব্যর হয়ে গেছে। আলোকোদ্ভাসিত নৃত্যশালা, মুহূর্তপূর্বে যেখানে উচ্ছল হয়ে উঠেছিল, উচ্ছৃঙ্খল হয়ে উঠেছিল স্তবর বেলোয়াবা তরঙ্গ আর সাকীর রক্তি-নৃত্য—সেই প্রমোদ কক্ষ এখন অন্ধকারে মৃগ. দৌরা ও বাকুদের উগ্র গন্ধে অসহনীয়। সেই অন্ধকারে শোনা যাচ্ছে শুধু মুমূগু ইসাদোরা ডানকানদের করুণ ক্রন্দন, ক্ষতবিক্ষত ফ্রেড এ্যাষ্টারদের আঁতু চাঁৎকার। পলায়নের পথ রুদ্ধ, ছয়ারে ছয়াবে দাঁড়িয়ে আছে স্তম্ভমান যম। হতাহতের সংখ্যা নির্ণয় এখনই সম্ভব না হলেও সমগ্র ছনিয়াকে সমঝে দেয়া গেছে এই সত্য, এই নিশ্চয় সত্য যে, অস্ত্রাগার আক্রমণের পর নিশ্চিত বিলাসের অবসর তোমাদের আজও আসেনি। কারণ ফেরারী হলেও মাষ্টারদা' আজও জীবিত আর এই চট্টগ্রামেই তিনি অবস্থান করছেন।

মাষ্টারদা'র নির্দেশ : ধরা দেবে না, আত্মহত্যা করবে।

এতক্ষণে নিশ্চয়ই সংবাদ পৌঁছে গেছে শহরে। আড়াই বৎসর পর এমনি বিদ্রোহ-আক্রমণ কল্পনা করতে না পারলেও সেনাবাহিনীর প্রস্তুত হতে দেবী হবে না। এতক্ষণে নিশ্চয়ই বিউগল বেজে উঠেছে, এ্যালার্মের সঙ্কেত পেয়ে শিবিরে শিবিরে পড়ে গেছে সাজো সাজো রব, এখনই ছড়মুড় করে এসে পড়বে লরী-লরী ভর্তি রাইফেলধারী সৈনিক, আসবে মেসিন গান, লুইস গান, ষ্টেন গান.....

মাষ্টারদা'র নির্দেশ : ধরা দেবে না।

ঐ তো দূরে মোটরের অগনিত রোষকষায়িত চক্ষুগুলি আলো বিকীরণ করে ধেয়ে আসছে, শোনা যাচ্ছে ইঞ্জিনগুলির ক্রুদ্ধ গর্জন, তারা আসছে, তারা:

আসছে.....সর্বাধিনায়িকা হুকুম করলেন সবাইকে দূরে পার্শ্বত্যাগ করে গিয়ে
আত্মগোপন করতে.....

মাষ্টারদা'র নির্দেশ : ধরা দেবে না।

সামরিক জ্যাকেটের পকেট থেকে ক্ষুদ্র একটি প্যাকেট বার করে সাদা
পাউডারটুকু মুখে ঢেলে দিলেন প্রীতিলতা।

মাষ্টারদা'র নির্দেশ : ধরা দেবে না।

ধরা তো দিলাম না মাষ্টারদা'। তোমারই পায়ে তলায় বসে একদিন
দাফা নিয়েছিলাম যে অগ্নিমন্ত্রে, বুকের রক্ত দিয়ে তারই মর্যাদা রক্ষা করলাম।
তোমার নির্দেশ অক্ষরে অক্ষরে পালন করলাম। এগিয়ে যারা চলেছে, তাদের
বলে 'দেও মাষ্টারদা' যে, পণের প্রাপ্তে ঘুমিয়ে রইলো যে বোনটি, তার জন্তু শোক
কবো না, চোপের জল ফেলো না, পরাধীন ভারত তাদের ডাকছে, আন্তর্জাতিক
ডাকছেন দেশজননী : ইনক্লাব জিন্দাবাদ.....

ঢলে পড়লেন প্রীতিলতা।

নীল ঠোঁট ছ'খানিতে তাঁর লেগে রইলো সর্বকালের সর্বদেশের যুগ্মমান
বিপ্লবীর বণহুকার : ইনক্লাব জিন্দাবাদ.....

পাহাড়তলী ইনষ্টিটিউট আক্রমণের রক্তরাঙ্গা কাহিনী ভারতের বিপ্লবের
ইতিহাসে সোনার অক্ষরে লেখা হয়ে রইলো.....

টবিন-গিরিজা-পবিত্র গ্রাণ্ড কোম্পানীর মাথায় একটা সত্য চোকোন যে,
আমরা সব বনবিহঙ্গ, জোর করে শিকল এঁটে খাঁচায় ভরে রাখা হয়েছে।
নবাবী খানা, মূল্যবান আসবাবপত্র, অথবা বিশ্রাম, একটানা নিশ্চিন্ত জীবন-
যাপনের সুযোগ করে দিয়ে অবশ্য সেই খাঁচাকে সোনার খাঁচার রূপ দেবার
চেষ্টা করে বন্দিত্বের মধ্যেই একটা বেলোয়ারী আকর্ষণ সৃষ্টি করবার চেষ্টা করা
হয়েছে। কিন্তু বনবিহঙ্গ খাঁচাকে ভালবাসতে শেখে কি? সামান্যতম দুর্বল
মুহুর্ত পেলেই যে সে পালিয়ে যাবে, ওরা তা ঠাওর করতে পারেনি। পবিত্র
স্বকার অবশ্য কোনোদিনই শিবিরের মধ্যে আসতো না। কিন্তু এখানে
তো তার চব রয়েছে। একেবারে কিলবিল করছে বলতে পারিনে, তবুও
ছ'চারটি আমাদের জানা ও ছ'চারটি অজানা শাগরুদ তো আছেই। তারাও
কিন্তু এটা একেবারেই ধারণা করতে পারেনি।

ওয়েষ্টার্ন ব্যারাকের পনেরো নম্বর কক্ষের পশ্চিম দিকে যে গোটাভিনেক ক্ষুদ্র কুঠরি আছে, পূর্বে তা ছিল না। অবশ্য পাগলাগারদকে রাজবন্দী শিবিরে পরিণত করবার পূর্বেই ওগুলো তৈরী হয়েছে। কিন্তু ছিল না বলছি এ জন্ম যে, তা না হলে পনেরো নম্বরের যে দু'টো বৃহদাকার ভেনটিলেটোর দু'টো কুঠরির মধ্যকার দেয়ালে আজও রয়ে গেছে, সে দু'টো রাখবার কোনো সার্থকতা নেই। যে দেয়ালে ভেনটিলেটোর, সেই দেয়ালের বাইরেই ঘর তৈরী করবার পর এই ভেনটিলেটারের আর কি প্রয়োজন আছে?.....

কল্পক্ষেত্র এই মূঢ়তার স্মরণে আমরা পুরোপুরি নেবার সিদ্ধান্ত করলাম। ঐ কুঠরিগুলিতে নিবানায় নিবিষ্ট মনে পরীক্ষার পড়া পড়বাব জন্ম ক'জন পরীক্ষার্থী কল্পক্ষেত্র অনুমতি সংগ্রহ করলো। একখানা টেবিল, একখানা বা দু'খানা চেয়ার ও বইখাতার ঘরগুলো ভরে উঠলো। টাবিন মেজাজ দেখিয়ে বললেন : ঘরের তালো তোমরা কিনে নেবে, কিন্তু তার চাবি থাকবে অফিসে।

তথাস্তু !

কিন্তু একটি তালার যে দু'টো চাবি থাকে, এই সহজ সত্যটি ওদের বোধহয় খেয়াল হলো না। তাই দ্বিতীয় চাবিটি পড়ুয়াদের বাস্তব তালার আশ্রয় গ্রহণ করলো। ভোরে ঘরগুলো খুলে দেবার সময় সিপাই এই কুঠরিগুলোও খুলে দিয়ে যেত।

ফ্রেমে-আটা জ্বালের ঢাকনি অবশ্য ভেনটিলেটারে ঝুলছে। কিন্তু তা গোলা যায় জ্বালের দবজার মতোই। তালো লাগাবারও ব্যবস্থা আছে বটে পনেরো নম্বরের মধ্যে। কিন্তু তীক্ষ্ণবুদ্ধি সিপাইদের ওদিকে একেবারেই নজর পড়েনি। কেন, তা তাদেরই জিজ্ঞেস করতে হয়।.....

শীতকাল। মাস ও সঠিক তারিখ মনে নেই। বহরমপুরের শীতও প্রচণ্ড, রাত দশটা বাজবার অনেক পূর্বেই বন্দীরা লেপের নীচে আশ্রয় গ্রহণ করতেন। সিপাইরা যথাসময়ে এসে গুনতি করে যেত। মশারির নীচে লেপ মুড়ি দিয়ে নিদ্রিত বন্দীকে আর ডেকে তুলতো না বিহারী স্বেদার। শুধু উঁকি মেরে মুখখানা দেখেই চলে যেত। প্রত্যেক ঘরের নির্দিষ্ট সংখ্যার প্রতিই ছিল তাদের কড়া নজর, অধিবাসীদের তারা চিনতে চাইতো না। বিশেষ করে পাঠান সিপাইদের সঙ্গে সংঘর্ষের পর থেকে।

ফরিদপুরের সুধীন আর ময়মনসিংহের বারীন একদিন পনেরো নম্বরের কাশ্চি বর্ধন আর সুনীল সরকারের সঙ্গে সেই রাত্রির মতো সীট বদলে নিল অর্থাৎ ওরা দু'জন এল পনেরো নম্বরে আর এরা দু'জন গেল ঘুমোতে ওদের ঘরে। রাত দশটা বেজে পনেরো মিনিট হতেই সিপাইরা এসে যথারীতি গুনতি করে দরজায় তালা এঁটে দিয়ে নিশ্চিন্তে চলে গেল। সুবিধে হচ্ছে, অতি দীর্ঘ ব্যারাকের প্রশস্ত বারান্দাটি মাত্র একদিকে অর্থাৎ দক্ষিণ দিকে। রাত্রের বন্দুকপারী সিপাই এই বারান্দা দিয়েই সারারাত পায়চারি করে, নীচে ঘাসে নেমে সাবা ব্যারাকটি ঘুরে দেখবার নিরর্থক ভ্রংশক্য বোধ করে না।

রাত দু'টো বাজতেই উঠে পড়লো সুধীন আর বারীন, সঙ্গে সঙ্গে ঘরের অপর দু'জনও। বারান্দার সিপাইয়ের প্রতি লক্ষ্য রাখলো একজন মশারির মধ্যে বসেই। ঘবে আলো নেই বটে, কিন্তু বৃহদাকার জানালা ও দরজাগুলো খোলা থাকায় কেমন একটা স্তিমিত ছাতি। এতে ওদের বেশ সুবিধেই হলো।

পনেরো নম্বরই ব্যেঞ্চারি ব্যাবাকের একদিকের শেষ ঘর। সিপাই খট খট করে বুট বাজিয়ে পনেরো পর্য্যন্ত এসে এক মিনিট দাঁড়িয়ে থাকে, তাবপর আবার এক পা এক-পা করে চলে যায় এক নম্বরের দিকে। অর্থাৎ একবার চলে গেলে ফিরে আসতে অন্ততঃ আট মিনিট সময় লাগে। এই আট মিনিটের মধ্যেই কাজ হাঁসিল করতে হবে।

সুধীন ও বারীন প্রয়োজনীয় কাগজপত্র একখানা এনভেলাপে পুরে নিয়েছে, গোপনে সংগ্রহ-করা কয়েক শো টাকাও নিয়েছে দু'জনে—বাস্, এবার রোড!

মশারির মধ্যে সন্তুর্ণনে বসে যে সিপাইর ওপর লক্ষ্য রেখেছিল, সিপাই চলে যেতেই সে সঙ্কেত জানালো, রেডি!

একটি ভেনটিলেটোরের নীচে একটি টেবিল ও তার ওপর একখানা চেয়ার খাড়া করতেই নাগাল পাওয়া গেল। এক মুহূর্ত্ত থমকে দাঁড়ালো ওরা। আলিঙ্গনের পালা শেষ হলো। ধীরেন বললো : Wish you safe journeyওপারে একটি পাঠ-কক্ষের মধ্যে অবলীলাক্রমে পর পর বারীন ও সুধীন নেমে গেল।

আবার চুপচাপ! আবার সিপাইকে একবার টহল দিয়ে বাবার সময় দিতে হবে। ইতিমধ্যে বারীন তালায় দ্বিতীয় চাবি দিয়ে পাঠ-কক্ষের শিকের দরজা অর্গলমুক্ত করেছে।

সিপাই এসে ঘুরে চলে গেল। আবার সঙ্কেত জানানো হলো, রেডি! কক্ষের দরজা নিঃশব্দে খুলে বেরিয়ে এল দু'জনে একথানা টেবিল নিয়ে। ত্রিশ গজের মধ্যেই বাইরের দেয়াল, মাত্র দশ ফুট উঁচ। দেয়ালের পাশে টেবিল, টেবিলের ওপর একথানা চেয়ার—বাস্, নাগাল মিলে গেল!

পর পর দু'জনে দেয়াল টপকে বেরিয়ে গেল।

ভোরে দরজা খুলে দিতেই দু'জন বন্দী গিয়ে দেয়ালের পাশের সেই টেবিল ও চেয়ার নিয়ে এসে আবার পাঠ-কক্ষে বসারস্থানে বেথে দিল।

শীতের ভোর। দরজা খুলে দেবার সময়ও বেশ অন্ধকার থাকে। তাই ওদের কেউ লক্ষ্য কবলো না। ভাগ্যে সুপ্রসন্ন ছিল বলা যায়। তারপর বিহারী সিপাই অত্যন্ত নিষ্ঠাপরায়ণ। দরজা খোলবার সময় তার দৃষ্টি নিবন্ধ তালাটির প্রতি। বিংশ শতাব্দীর অর্জুন, পাখীর চোখ দেখছে শুধু! কেন সে দৃষ্টিক্ষেপ করবে দেয়ালের দিকে? ওখানে কি আছে, চেয়ার আছে, না টেবিল আছে, এমন কি, দেয়ালটাই দাঁড়িয়ে আছে কিনা, তা লক্ষ্য করবার প্রয়োজন কি তাব? তালা খোলার লক্ষ্যে, তালা খুলেছে। খুলতে খুলতে সে এক নম্বরের দিকে চলে গেল।

তাব পরের দিন দিনের বেলাটা কাটলো বেশ নিশ্চিন্তে। বারীন ও সন্দীপ যে তত্ত্বক্ষেপে কলকাতাগামী ট্রেনে চেপে বসেছে, সে বিষয়ে আমরা নিশ্চিন্ত হলাম, কাবণ কল্পক্ষেত্র বিন্দুমাত্রও চাঞ্চলা দেখা গেল না।

ছুতো করে দু'চারজন মাঝে মাঝে অফিসে গেলেন ওদের অবস্থা পর্যবেক্ষণের উদ্দেশ্যে। সারা অফিস নিয়মিত কাজ করে চলেছে। বোঝা গেল, আমাদের কাজ নিবিড় সমাপ্ত হয়েছে।

পঁচিশ

কিন্তু ফ্যাসাদ বাধলো সেদিন রাত্রে। প্রথমতঃ গুনতি মিললো না বার বার গুনেও। তারপর খাতা নিয়ে এসে সুবেদার মিলিয়ে মিলিয়ে বার করলো যে, ইষ্টার্ণের এগারো নম্বরের বারীন দাস আর সাদার্ণের চার নম্বরের সুধীন ভট্টাচার্য্য অনুপস্থিত।

ওদের ঘরের অত্যাচারের প্রশ্ন কবে জানতে পারলো যে, রাত্রে খাবার ঘরেও নাকি ও ছ'জনকে দেখা গেছে। দিলীপবাবুও সায় দিলেন। সুতরাং গোটাকয়েক পাচ ব্যাটারীব টাচ নিয়ে সারা শিবির তন্ন তন্ন করে অনুসন্ধান চললো। প্রত্যেকটি স্থানের ঘর, ব্যায়াম ঘর, শিবিরের প্রত্যেকটি বৃক্ষ, ঢালী ব্যারাকের ছাদ, কিচেন, খাবার ঘর, সরবৎ ঘর, খেলার মাঠের ধারে মেহেদি গাছের বেড়ার পাশে, এমন কি, বড় ড্রেনটাতেও পবীক্ষাকার্য্য শেষ করে প্রায় ত্রিশজন সিপাইয়ের একটি দল একেবারে গলদঘর্ষ হয়ে এসে আমাদেরই ঘরের সম্মুখে বারান্দায় হাত পা ছেড়ে দিয়ে বসে পড়লো।

এবার কী ক'বা যায়? কী করা যেতে পারে? টবিন না হয় বাস করেন বন্দীশিবির থেকে অনেক দূরে। কিন্তু গিরিজা দত্তের বাড়ী তো এই পাশেই। বুড়ো রাত্রে গুনতি মেলার ঘণ্টাটি না গুনে ঘরের আলো নেবান না, ঠায় বসে থাকেন। ক'জন জমাদার, সুবাদার ও সুবাদার-মেজরের মধ্যে সলা-পরামর্শ হলো অনেকক্ষণ। তারপর দেখলাম, দল বেঁধে ওরা চলে গেল এবং একটু পরই মধুক্ষরা ঠং শব্দ শোনা গেল। বুঝলাম, গিরিজা দত্ত রাত্রে মতো চোখ বুজবেন, কিন্তু সকালের লোমহর্ষণ কারী সংবাদ শুঁকে পাগল করে দেবে। ক'না কে জানে!

পরদিন সকালে আমাদের কর্মচাঞ্চল্য যগারীতি শুরু হয়ে গেল। যেন কিছুই কোথাও ঘটেনি, বা ছিল একেবারে ছবছ তাই আছে। আর্দৌ চিন্তিত হলাম না এদের উদ্বেগ ও তৎপরতা দেখে, কারণ বারীন ও সুধীন

ততক্ষণে নিখিবয়ে কলকাতা পৌঁছে গেছে। কাপড়জামা ওরা কিছু নিয়ে যায়নি। প্রথমতঃ নিয়ে যাওয়া অসুবিধে, তারপর ট্রেনে সাধারণ পোশাকে উঠলে অন্ত্যঃ হাজারো ডেইলি পাসেঞ্জাবের মধ্যে নিজেকে মিলিয়ে দেয়া সহজ। আবার ওদের ফেলে-যাওয়া জিনিষপত্র সবই যদি তেমন মাজানো থাকে, তাহলে শেষ পর্যন্ত ওগুলো যাবে অফিসে, সেখান থেকে গুদামেব নাম করে গুদাম-বাবুর বাড়ীতে। তাই, বাবার পুরকৈ ওরা দামী ও প্রয়োজনীয় জিনিষপত্র সবই বিলি করে দিয়ে গেছে বন্ধুদের মধ্যে।

বেলা নয়টা বাজবার সঙ্গে সঙ্গেই এলো বিরাট তল্লাশী দল। শুধু বিহাবী রেজিমেন্ট নয়, বাইরেব বি-পি মার্কা দারোগা, লাল পাগড়ি ও জনকতক আই বি অফিসারও এসেছেন। কয়েক ঘণ্টা ধরে চললো তল্লাশী। বাব্বের জিনিষপত্র মেঝেতে নামিয়ে, বিছানা খুলে ও তুলে, জলের কলসী উলটো করে, ধোপাবাড়ীর ধুতি ও জামার পাট খুলে, প্রত্যেকটি বই ও পাতার প্রত্যেকটি পৃষ্ঠা—সে এক অভূতপূর্ক তল্লাশী। বেলা সাড়ে বারোটায় যেসব আপত্তিকর মালপত্র ওবা নিয়ে গেল, তার মধ্যে দেখলাম, কাঁচের ভাঙ্গা গ্লাসের টুকরো, খালি তেলের বোতল, কতকগুলি উট, প্যাকিং কেসের লোহার পাত কিছু, ইত্যাদি ইত্যাদি।

বিকেলের দিকে আবার এলেন শহরের ও কলকাতা থেকে আমদানী-করা জনকতক আই বি অফিসার। সাদা পোশাকে এসে তাঁরা একেবারে সাদা কথাই বললেন যে, বারীন দাস ও সুধীন ভট্টাচার্য্য যে-করে হোক শিবির থেকে পলাতক। কীভাবে—সেটা বার করবার জন্ত তাঁরা এসেছেন আমাদের কতক-গুলো প্রশ্ন করতে।

অমনি প্রতিবাদ উঠলো উত্তাল হয়ে।

—আপনাদের কোনো প্রশ্নের জবাব দিতে আমরা বাধ্য নই।

—বারীন ও সুধীন পালিয়ে গিয়ে থাকলে কি করে দেয়াল টপকে বা অন্য উপায়ে পালালো, তা বার করবার ডিউটি আপনাদের, আমাদের নয়।

—এ কি আপনাদের লর্ড সিংহ রোড পেয়েছেন?

—যদি বোসকেই কেয়ার করলাম না, বয়লার প্রফ হয়ে বেরিয়ে চলে এলাম, তা আবার আপনারা!

এমনি অজস্র প্রতিবাদ ও শ্লেষ। কিন্তু বাপ-মা তুলে গালিগালাজ করলেও

আই বি-র লোকদের মেজাজ কখনো খারাপ হয় না এতটুকুও, আর তেমনি অটুট এঁদের পৈর্যা !

তথাপি প্রশ্ন : বেশ, আপনারা না-ই বললেন। কিন্তু ওঁদের ব্যক্তিগত বন্ধু কারা বলুন, আমরা তাঁদের কাছে বাই। দেখি তারা কী বলেন !

সমক দিল বিভূতি : সবাই আমবা ওঁদের বন্ধু। তাই বিশেষ কবে উল্লেখ করবার মতো কেউ নেই। আমাদের কোনো প্রশ্ন করলে আমরা তার কোনো জবাব দাব না। স্মরণ—

হ্যা, যাচ্ছি। তবে ওঁদের ঘর ছ'খানা আমরা একবার দেখতে চাই। তা পারবো কি ?

নিশ্চয়ই।—বলে এঁদের সপা দেখিয়ে নিয়ে চললেন যতীনবাবু। ওঁবা চারিদিক ভাল করে নিরীক্ষণ করে ওঁদের চেয়ারে একবার বসে ও পরক্ষণেই উঠে দাঁড়িয়ে, খাট ও টেবিলের নীচেটা ভাল করে পরীক্ষা করে, অবশেষে আই বি কুলকলঙ্কের মতো, অকাট মুখের মতো দরজা ও জানালার মোটা মোটা শিকগুলো পরীক্ষা করতে লাগলেন। তারপর একসময় বিষমমুখে ধীরে ধীরে বেরিয়ে চলে গেলেন।

তার ছ'দিন পর স্ববাদের গোপনে আমায় বললো যে বাঙালী লোক মঙ্গ জানে। তাই বিলি হয়ে ড্রেনসে পালিয়ে গেল। নইলে এত সাক্ষী আছে, পালাবে কেমন করে ? আই বি লোগও তাই বললেন।

বিহারী রেজিমেন্ট ও আই বি কর্তাদের ধারালো বুদ্ধির পরিচয় পেয়ে সেদিন প্রাণ ভরে হেসেছিলাম মনে আছে। এবং আমার সঙ্গে অনেকেই যোগ দিয়েছিলেন।

কিন্তু এদের তৎপরতা নিয়ে আদৌ বাস্ত ছিলাম না আমরা।

আই বি অফিসার আমাদের সঙ্গে সাক্ষাৎ করতে এসে প্রায়ই বুক ফুলিয়ে ঘোষণা করে যেত : আপনাদের বাতি জ্বালাতেও আর কাউকে বাইবে রাখবো না। **The Revolutionary activities are completely checked by us—**আমরা সব ঠাণ্ডা করে দিয়েছি।

কিন্তু আশ্চর্য্য, ওদের এই আত্মশ্রাঘাকে ধুলোর লুটিয়ে দিয়ে ১৯৩২ সালেই এতগুলো বৈপ্লবিক প্রচেষ্টা আত্মপ্রকাশ করেছিল যে, বন্দাশিবিরে বিচ্ছিন্ন হয়ে বাস করেও গোপনে এইসব সংবাদ পেয়ে আনন্দে ও গর্বে আমরা অধীর হয়ে উঠতাম।

জানুয়ারী মাসে লাকসাম জংশনের কাছে শিকল টেনে ট্রেন থামিয়ে ডাকের বগী থেকে রিভলভার দেখিয়ে ছয়জন যুবক ইনসিওব থামগুলো নিয়ে সবে পড়ে। চারজন যুবক ঢাকা শহরে পুলিশের জনৈক সার্জেন্টের রিভলভার ছিনিয়ে নেয়। ফেব্রুয়ারী মাসে দু'টো ডাকাতি হয়। মার্চ মাসে ঢাকা জেলার দু'টি স্থান থেকে বন্দুক ও রিভলভার চুরি হয়। বন্দুকের মাসিক টের পেয়ে বাসা দিতে এসে বিভলভারের গুলীতে নিহত হন। ফরিদপুর জেলার চরমুগুরিয়া পোষ্ট অফিসে পাঁচজন সশস্ত্র বিপ্লবী হানা দেয় ও অফিস লুট করে। এপ্রিল মাসে চারটি স্থানে মেইল ডাকাতি হয়। রংপুরে একটি ট্রেন ডাকাতি ও কলকাতায় একটি দোকানে ডাকাতি হয়। মে মাসে ঢাকা শহরের নিকট তেজগাঁওয়ে শিকল টেনে ট্রেন থামানো হয় এবং জনকয়েক যুবক গার্ডকে রিভলভারের গুলীতে আহত করে জনৈক যাত্রীর কাছ থেকে ত্রিশ সহস্রাধিক টাকা নিয়ে একখানি টাঙ্কিতে সবে পড়ে। ঢাকা শহরে জনৈক অবসরপ্রাপ্ত সরকারী কর্মচারীর দেহরক্ষাকে আটক করে তার আশ্রয়স্থল ছিনিয়ে নেয়া হয়। জুন মাসে রংপুরে একটি জমিদারগৃহ থেকে কতকগুলি বন্দুক ও রিভলভার অপহৃত হয়।

১১শে জুলাই কুমিল্লায় সাইকেল-আরোহী জনৈক বিপ্লবীর রিভলভারের গুলীতে ত্রিপুরার অতিরিক্ত পুলিশ সুপার ই. বি. হালসন মারাত্মকভাবে আহত হয়ে পরে মারা যান। ৫ই আগস্ট কলকাতায় 'ষ্ট্রেটসম্যান' পত্রিকার অফিসে প্রবেশ করবার সময়ে সম্পাদক শ্রাব এ্যালফ্রেড ওয়াটসনের প্রতি গুলী নিষ্ফিষ্ট হয়। এই মাসেরই শেষদিকে ঢাকার অতিরিক্ত পুলিশ সুপার গ্র্যাসবিকে গুলী করা হয়। তারপর পাহাড়তলীর স্বরণ ঘটনা। ২৮শে সেপ্টেম্বর শ্রাব এ্যালফ্রেডের গাড়ী থামিয়ে আবার তার প্রতি গুলী নিষ্ফিষ্ট হয়। ১৮ই নভেম্বর রাজসাহী সেন্ট্রাল জেলের সুপারিনটেনডেন্ট সি. এ. ডবলিউ. লিউকের মোটর থামিয়ে তিনজন বিপ্লবী তাঁকে গুলী করে। তিনি মারাত্মকরূপে আহত হন।

এই তালিকায় আরও অসংখ্য ক্ষুদ্র ঘটনার উল্লেখ করা হয়নি। সে-সব মিলিয়ে হিসেব করলে আমরা স্পষ্ট বুঝতে পারতাম, বাইরে তখনো ঘারা রয়ে গেছে, বিপ্লবের ঝাণ্ডা একটি মুহূর্তের জ্বলও তারা অবনমিত করেনি।

সুতরাং আই বি কর্তাদের সহর্ষ ঘোষণা যে একটা নিছক ধাপ্পা ব্যতীত আর কিছুই নয়, ওটা যে আমাদের উৎসাহের অনির্কারণ শিখায় জলসিঞ্চনেরই অপপ্রয়াম মাত্র, তা মনে মনে বেশ উপলব্ধি করতে পারতাম। মুখে অবশু দুঃখ ও বেদনার মুখোশ এঁটে ভয়াব্ধ কম্পিতকণ্ঠে নিবেদন করতাম : আপনাদেরই জয়জয়কার ! এবার তাহলে.....

ছাবিবশ

১৯৩৩ সাল পড়তেই অকস্মাৎ নতুন করে মনে পড়লো আমি একজন পরীক্ষার্থী এবং আর মাস দেড়েক পরই শুরু হবে সেই আই. এ. পরীক্ষা। ১৯২৬ সালে ম্যাট্রিক পাস করবার সাত বৎসর পর এই তেইশ বৎসর বয়সেও আমি আই. এ. পরীক্ষা দোব। দোব বললে ভুল বলা হবে, দিতে হবে। ধীরেনদা'র আদেশ! বই কিন্তু নিজের একখানাও নেই, পাঠ্য বই কিনে টাকা'র অপব্যয়ও করতে রাজী নই আর তারপর শিবিরের হাজারো কাজে ও অকাজে ব্যাপৃত থাকার দরুণ নিবিষ্ট মনে পড়বার সময়ই-বা কোথায় আমার? তা হোক। তথাপি.....! এই তথাপি'র গৌ কিছুতেই ছাড়লেন না বরিশালীয় দাদা। বললেন, পরীক্ষা দেবার জন্ত আমার প্রয়োজন কালি, কলম ও খাতা, বইয়ের কোনো প্রয়োজন নেই। তারপর বিশ্ব-বিদ্যালয়কে তাঁর কাল্পনিক স্ত্রীর ভ্রাতার সম্মানিত আসনে বসিয়ে আমার লেখার ওপর তাদের আঁচড় কাটবার ক্ষমতার কথা যে কণ্ঠে, যে উৎপ্রেক্ষা দিয়ে, যে ভাষায়, যে নাদ-পদ্ধতিতে, যেভাবে বর্ণনা করলেন, আমি নিশ্চিত বলতে পারি, সিনেট হাউসের বারান্দায় দাঁড়িয়ে ধীরেনদা' যদি একদিন এমনি একটি অগ্নিগর্ভ বক্তৃতা দেন, তাহলে সম্মুখে কলেজ স্কোয়ারের পুকুরে নিশ্চয়ই বন্থা দেখা দেবে এবং সিনেট হাউসের ঐ মোটর-মোটর থামগুলি চৌচির হয়ে ফেটে পড়বে। এমনি জালাময়ী ভাষা!

একেই বলে বরিশালীয় ভাষা। বাংলা দেশে কেন, সমগ্র ভারতে, এমন কি, বোধহয় সমগ্র বিশ্বে এই একটিমাত্র জেলা আছে, যেখানে নব-পরিণীত স্বামি-স্ত্রীর মধ্যে curtain lecture বলে কোনোও বস্তু নেই। কারণ ফিস্ ফিস্ করে কথা বললে বোধহয় সে দেশে কেউ গুনতে পায় না আর যে বলে তাকে সমাজ-চ্যুত করা হয়, তার ধোপা-নাপিত বন্ধ করা হয় এবং হয়তো তাকে জেলা থেকে বার করে দেয়া হয়। বরিশালের সবিনয় অনুরোধ অন্ত দেশে কমাণ্ডার-ইন-চীফের আদেশ। আর বরিশালের আদেশ অন্ত দেশের ফাঁদীর হুকুম। এই একটিমাত্র জেলা—যেখানকার কথায় মোলারের শব্দ একটিও নেই, নরম সুর

নেই, উচ্চারণে আদৌ নেই সঙ্কোচ ! সত্ত্ব-ছড়ানো ঝামার খোয়ার ওপর দিয়ে ষ্টীমরোলার যেমন প্রচুর শব্দ করে ও ধাক্কা দিয়ে দিয়ে এগিয়ে যায়, এবং চেপে, ছমড়ে, ভেঙ্গে, সবকিছু একেবারে পালিশ করে দিয়ে যায়, ঠিক তেমনি বরিশালের বিশ্রান্তালাপ শুনলে মনে হবে বুঝি বচসা হচ্ছে আর তর্ক শুনলে মনে হবে বুঝি হাতাহাতি শুরু হয়ে গেছে। কিন্তু বরিশালে হাতাহাতি বলে কোনো শব্দ নেই। ছোরা-ছুরি, লাঠালাঠি, আর তার চাইতে নরম কিছু মানেই ঘুমোঘুমি। কালিকলমের ব্যাপার সেখানে নেই কিছু। আপসরফার সুযোগ নেই। রক্তপাত ব্যতীত কোনো ঝগড়া মিটতে পারে বলে বরিশালবাসী বিশ্বাস করেন না।

কিন্তু দেখেছি এবং দেখে বিস্মিত হয়েছি, বরিশালের প্রত্যেকটি বন্দী শিশুর মতো সরল। সামান্যতম কূটনীতিজ্ঞানও নেই তাঁদের। রেখে-ঢেকে কথা তাঁরা বলতে জানেন না। শালীনতার অনুশাসনগুলি অক্ষরে অক্ষরে মেনে, স্থান, কাল, পাত্রের গুরুত্ব ওজন করে, হিসেব করে, বিচার করে বক্তব্য পেশ করার রীতি তাঁদের রপ্ত নয়। খাপ-খোলা তলওয়ারের মতোই তাঁরা স্পষ্ট ও সত্য। এককথায় বলতে গেলে সে যুগে বরিশালের বন্দীরাই ছিল বাংলা দেশের হাইল্যান্ডার্স, জার্মানীর ষ্টীল হেলমেটস্, রাশিয়ার কসাক্‌স্।.....

সুতরাং ধীরেনদা'র নির্দেশ অনুযায়ী সহবন্দীদের বই ধাব করে পাতা উল্টাতে শুরু করলাম। পরীক্ষা এসেছে দ্বারে।

সঙ্গে সঙ্গে নাটকও। অতি উৎসাহী উষা পাল আর ধীরজন মুখোপাধ্যায়। সাকল্যমণ্ডিত নাটক মন্ত্রশক্তি ও সীতার পুনরভিনয়। অগণিত দর্শকগণের তাগিদে মাত্র দুইরাত্রির জন্ম। মৃগাক্ষ ও লবের পাঁচ আমার মুখস্থ আছে। তাহলেও কো-এ্যাক্টর? সুতরাং উষা ও ধীরজনের তাগিদে নিয়মিতভাবে না হলেও প্রায়ই মহলায় যোগদান করতে হয়। ধীরেনদা'র কঠোর নিয়মানুবর্তিতার ক্রকুটি এক্ষেত্রে কিন্তু একেবারে শান্ত। কেউ চরের মতো এই মারাত্মক সংবাদ তাঁর কানে পৌঁছে দিলে তিনি নশ্চি দিয়ে দস্তধাবন করতে করতে বিশ্ববিদ্যালয়কে আর একবার তাঁর কাল্পনিক জ্বর ছোট ভ্রাতার আসনে বসিয়ে দিয়ে বলতেন : নে, হইছে। হেইয়া লইয়া তর মাথাডা না ঘামাইলেও চলবে, জানে, বোঝছে মনু ?

তৎক্ষণাৎ মনু হনুর মতো এক লক্ষ্যে পগার পার হয়ে আত্মরক্ষা করতো ! স্থির হলো, পরীক্ষার্থীদের অসুবিধার সৃষ্টি না করে পরীক্ষার ফাঁকে ফাঁকে নাটক ছ'খানি হবে ছ'-ছ'বার করে ।

তথাস্তু ।

কিন্তু এই ১৯৩৩ সালের এই ফেব্রুয়ারী মাসেই দূর চট্টগ্রামেব অধাত গৈরালী গ্রামে যে মর্মান্তিক দুর্ঘটনার সংবাদ প্রথমে ক্ষুদ্রাকারে 'ষ্ট্রেটসম্যান' পত্রিকা মারফৎ এবং পরে বিস্তৃতভাবে অগ্ন্যাণ্ড গুপ্তপথে বহরমপুর বন্দীশিবিরে এসে পৌঁছোলো, আমার স্পষ্ট মনে পড়ে তার ফলে সমগ্র শিবিরের শৃঙ্খলা ও সহজতা অন্ততঃ সাময়িকভাবে খান খান হয়ে ভেঙ্গে পড়লো ।

মারাত্মক সংবাদ, মাষ্টারদা' ধরা পড়েছেন !.....

গৈরালী গ্রামের দূরত্ব ধলঘাট থেকে মাত্র তিন মাইল । অস্তাগার আক্রমণের পরও বিশেষ করে ধলঘাট যুদ্ধের পর এদিকটার তখন গ্রামে গ্রামে সাময়িক বাহিনীর তাঁবু পড়েছে । সারাদিন ও সারারাত তারা প্রকাশ্যভাবে গ্রামের পথে পথে ঘোরাঘুরি করে, সন্দেহ হলেই কোনো গ্রামবাসী বা পথিককে নানা রকম প্রশ্ন করে, সন্তুষ্ট দিতে না পারলে তার আর লাঞ্চার অবধি থাকে না ।

ঠিক এইসময় গৈরালী গ্রামের বিশ্বাসদের বাড়ীতে বিপ্লবীদের গুপ্ত আড্ডা । সেদিন সেখানে এসে জমায়েৎ হয়েছেন কল্পনা দত্ত, শান্তি চক্রবর্তী, মণি দত্ত, ও সুশীল দাশগুপ্ত । পলাতকদের এই গুপ্ত আশ্রয়-স্থলের তদারকের ভার বৃহত্ত আছে এই গ্রামেরই অধিবাসী নেত্র সেনের কনিষ্ঠ ভ্রাতা বিপ্লবী দলের সভ্য ব্রজেন সেনের ওপর ।

প্রথমটা নেত্র কিছুই জানতো না, সন্দেহও হয়নি একটুও । কিন্তু লক্ষ্য করতো সে, ব্রজেন ছ'বেলাই তার বৌদিকে দিয়ে খাবার প্রস্তুত করিয়ে নিয়ে যায় পাশেই এক বাড়ীতে, বিশ্বাসদের বাড়ীতে । কেন ? কারা ওখানে আছেন ? আমার বাড়ীতে এসে বসে খেতে তাঁদের অসুবিধা কিসের ?..... অনুসন্ধিৎসা শনৈঃ শনৈঃ বেড়ে গেল নেত্র সেনের । স্ত্রীকে মিঠে কথায় ভুলিয়ে সেদিন তাঁর কাছ থেকে জেনে নিতে বেগ পেতে হলো না তাঁর যে, ওঁরা সবাই পলাতক, অস্তাগার আক্রমণের দলীর লোক আর ওঁদের মধ্যেই এসে আছেন পরম পূজনীয় সূর্য্য সেন !

সূর্য্য সেন ?—চমকে উঠলো নেত্র । একেবারে সূর্য্য সেন ? সেধে এসে

অতিথি হয়েছেন?.....মানসনেত্রে দেখতে পেলো নেত্র সেন, ষথাস্থানে সংবাদটি সে পরম যত্ন ও সতর্কতার সঙ্গে পৌঁছে দিয়েছে আর কর্তৃপক্ষ খুশী মনে গুনে গুনে তার হাতে তুলে দিচ্ছে দশ হাজার টাকার কারেন্সী নোট!.....লোভী ও পাপাসক্ত মন তার একেবারে লক্ লক্ করে উঠলো।

সম্মানিত অতিথিদের আরও যত্ন করে খাওয়ার জন্তু সে সরলা স্ত্রীর কাছে দাবী জানালো এবং প্রস্তাব করলো, সে সেদিনই শহরের হাটে গিয়ে কিনে আনবে নানারকম তরি-তরকারি ও মাছ। স্ত্রীর মন আনন্দে ও স্বামীর প্রতি শ্রদ্ধায় আধুত হয়ে উঠলো।

কনিষ্ঠ ব্রজেনও বুঝতে পারলো না দাদার এই শহরযাত্রার গূঢ় উদ্দেশ্য কি! আর ততটা তালিয়ে দেখতে চেষ্টাও করলো না সে, কারণ স্থির হয়ে আছে, সেদিনই গভীর রাত্রে অন্ধকারে গা-ঢাকা দিয়ে সবাই চলে যাবেন আর একটি গুপ্ত আশ্রয়স্থলে।

বাত প্রায় এগারোটায় অনভিজ্ঞা বৌদি ও একনিষ্ঠ কর্মী ব্রজেন যখন সম্মানিত অতিথিদের চর্ক্যা-চুম্ব-লেহ-পেয় নানাবিধ ব্যঞ্জন সাজিয়ে খাওয়াতে বসালেন, তখন ঘৃণাক্ষরেও জানতে পারলেন না তাঁরা গ্রামের পায়ে-চলা মেঠো পথ এড়িয়ে ঝোপজঙ্গলের মধ্য দিয়ে অন্ধকারে ভল্লকের মতো নিঃশব্দ পদসঞ্চারে গৈরলা গ্রামের দিকে এগিয়ে আসছেন ক্যাপ্টেন ওয়ার্মুলি চল্লিশজন রাইফেলধারী গুর্খা সৈনিক ও অফিসার নিয়ে।...

আহার শেষ হতেই অকস্মাৎ বসি করে ফেললেন মাষ্টারদা'। কল্পনা দাদাকে ঠাট্টা করলো, কিন্তু ব্রজেন হয়ে উঠলো ব্যস্ত। ওষুধের ব্যবস্থা করা উচিত! এই রাতেই যে সরে যেতে হবে অন্ত্র!

ছুটে এল সে নিজেদেব লাড়াতে। দাদা কোথায়? দাদা?...কিন্তু একী!! সবিস্ময়ে চেয়ে দেখলো ব্রজেন, নেত্র সেন একটি হারিকেন লণ্ঠন শূণ্ণে তুলে ট্রেনের গার্ডদের সিগন্যাল দেবার মতো করে আন্দোলিত করছে। কেন? কেন?

চট করে সমস্ত রক্ত তার মাথায় উঠে এল! ছুটে এল সে সূর্য্য সেনের কাছে এই সংবাদ দিতে এবং পরামর্শ দিতে যে, আর একটি মুহূর্তও নষ্ট না করে এখনই স্থান ত্যাগ করা কর্তব্য।

তৎক্ষণাৎ সবাই প্রস্তুত হয়ে নিলেন।

But it was too late...দেরী হয়ে গেছে ! দেরী হয়ে গেছে !

অকস্মাৎ কয়েকটি রকেট বোমা কেটে পড়লো আর সঙ্গে সঙ্গে অন্ধকার গ্রাম আলোর উদ্ভাসিত হয়ে উঠলো। লক্ষ্যবস্তু ও নিশানা ঠিক করে নিয়ে চল্লিশটি রাইফেল একসঙ্গে গর্জে উঠে সেই নৈশ নিস্তরতা ছিন্নবিচ্ছিন্ন করে ফেললো।

চ্যালেঞ্জ, এসেছে চ্যালেঞ্জ ! ধলঘাট, জালালাবাদ, পাহাড়তলীর চ্যালেঞ্জ ! কিন্তু কৌশলী সূর্য্য সেন সম্মুখীন হবার সহজ সাহস না দেখিয়ে এবার আশ্রয় নিলেন ট্রাটেজীর ! শত্রুকে বিভ্রান্ত করে বোকা বানিয়ে এবার বার করতে হবে নিঃশব্দে পলায়নের পথ।

সবাই প্ৰস্তুত করলো, তারা যুদ্ধে ব্যাপ্ত রাখবে সেনাদলকে। সেই অবসরে সরে পড়বেন মাষ্টারদা' ! মাষ্টারদা' বললেন, না, তা হয় না। তিনি যাবেন সবার শেষে।

বাঁশের বেড়া ডিঙ্গিয়ে পাশেই যে ঝোপজঙ্গল, তাতে গা-ঢাকা দিতে হবে, তারপর বিস্ত্রী ময়লাপূর্ণ গড়টি হামাগুড়ি দিয়ে পার হয়ে একবার ওপারে যেতে পারলেই আর কে পারবে দেখতে আমাদের ?

সুশীল দাশগুপ্ত এগিয়ে এল। কল্পনাকে পার করে নিল পাঁজাকোল করে, তারপর আর একজন, তারপর আর একজন। এবার মাষ্টারদা'র পালা। তুলে নিল সে তাঁকে অবলীলাক্রমে। কিন্তু যেই বেড়া পার করে দেবে, এমন সময় অকস্মাৎ অন্ধকারে নির্গম্বু একটা গুলী এসে লাগলো তার হাতে। পারলো না বেচারী !

মাষ্টারদা' হামাগুড়ি দিয়ে সরে এলেন একটু দূরে। একটা প্রকাণ্ড গাছ বেয়ে উঠে ওপারে পড়তে পারলে আর শব্দ হবার আশঙ্কা নেই। নিঃশব্দে বেয়ে উঠলেন, নিঃশব্দে ওপারে নামলেন, কিন্তু দুর্ভাগ্যবশতঃ ছুমড়ি খেয়ে পড়লেন একজন রাইফেলধারী সৈনিকেরই গায়ে। প্রাণপণ শক্তিতে তাঁকে চেপে ধরে চীৎকার করে সাহায্য প্রার্থনা করলো সে।

আবার ফাটলো গোটাকয়েক রকেট বোমা, আলোর উদ্ভাসিত হয়ে উঠলো বনভূমি। মাষ্টারদা' ধরা পড়লেন, সঙ্গে ধরা পড়লো ব্রজেন সেন।.....

কেমন যেন গম্ভীর হয়ে গেলাম সবাই। হাসি ও খুশী কে যেন কেড়ে

নিয়ে গেছে ! কী যে ভাবি সারাদিন, নেই তার মাথা, নেই মুণ্ডু। খেলতে ভালো লাগে না, নাটকের মহলাও বন্ধ হয়ে গেল লোকাভাবে। পড়ার বই খুলে বসলে দৃষ্টি ঝাপসা হয়ে আসে। চট্টগ্রামের বন্দীরা তো জলস্পর্শই করলেন না দিনকয়েক। বাধা দিলাম না আমরা। যুক্তির ধুমুজাল সৃষ্টি করে গেলাম না বোঝাতে যে, শোক ত্যাগ করে শাঁখ তুলে নাও, তুর্যানিনাদে আহ্বান জানাও বাংলার সমস্ত বিপ্লবীদের, মাষ্টারদা'ব গ্রেপ্তারের মূল্য আদায় কর কড়ায় গণ্ডায় !.....নীরবে দূর থেকে শ্রদ্ধা জানালাম এই অশ্রুকে। জানি, এই অশ্রু একদিন উরুপু হয়ে উঠে টগবগ করে ফুটতে থাকবে, রূপায়িত হবে 'তাজা মাল রক্তে আর সেই রক্তেরই আলতা পরিয়ে দিতে হবে আমার দেশজননীকে। আজিকার এই অশ্রু সেই অনাগত সুদিনেরই পূর্বাভাস ! তাই ঝরুক না বিন্দু বিন্দু !.....

সেদিনকার সংবাদ পরিবেশন করতে গিয়ে ষ্টেটসম্যান যা লিখেছিল তার কতকটা আজও মনে পড়ে। লোকটির আকৃতি এত সাধারণ, প্রকৃতি এমনি বৈশিষ্ট্যহীন আর তাঁর চলাফেরা এমনি গেরো যে, গোয়েন্দা বিভাগ দাঁড় তিন বৎসর আগ্রাণ চেষ্টা করেও তাঁকে খুঁজে বার করতে পারেনি। অথচ সংবাদ পেয়েছে তারা এবং নির্ভুল সংবাদই পেয়েছে যে, সূর্য্য সেন চট্টগ্রামের বাইরে যাননি। কখনো কুলির বেশে, কখনো কৃষকের বেশে, কখনো-বা ঝাঁকামুটের বেশে এই লোকটি চট্টগ্রামের গ্রামে গ্রামে ঘুরে বেড়াচ্ছেন। সাম্পানওয়ালার চদ্দবেশে সূর্য্য সেন পার্কত্যা নদীতে নদীতে ঘুরে বেড়াচ্ছেন সংগঠনের কাজে, এই সংবাদ পেয়েও গোয়েন্দা বিভাগ এঁকে চিনতে পারেনি, ধরতে পারেনি। আজ সেই মাষ্টারদা' ধরা পড়েছেন। মনে হলো আমাদেরও গলায় পড়েছে কাঁসীর রজ্জু।.....

কী যেন হারিয়েছি আমরা ? কী এক অমূল্য বস্তু ! শুধু পরম আত্মীয় নয়, পরম পূজ্য ! মনে হলো হারিয়েছি যেন নিজের হস্ত, নিজেরই চক্ষু, নিজেরই অঙ্গ-প্রত্যঙ্গ। আমাদেরও হুৎপিও ফুটো করে দিয়ে বেরিয়ে গেছে যেন গৈরালী গ্রামের অন্ধকারে নিষ্ক্রিপ্ত ক্যাপ্টেন ওয়ামস্লির রিভলভারের বুলেট !.....

নেত্র সেন নিশ্চয়ই পেয়েছে দশ হাজার টাকা। কিন্তু টাকায় যার মূল্য নির্ধারণ করতে পারা যায় না, এমনি কী এক অমূল্য বস্তু সে হারালো, জানতেও

পারলো না সে। সমগ্র বিপ্লবী জাতির পৃষ্ঠে অতিক্রমে মীরনের মতো কী করে যে সে ছুরিকাঘাত করলো, মুর্থ বোধ হয় তা বুঝতেই পারলো না।

ব্রিটিশ গভর্নমেন্টের থানাপিলা ও আনন্দ উৎসবের ফেনিল শ্রোতে গা ভাসিয়ে দিয়ে নেত্র সেন কল্পনাই কবতে পারবে না যে, শৃঙ্খলিতা দেশজননীর চক্ষু ছুঁটির কোণে তখন তপ্ত রক্তাশ্রু চক্-চক্ করে উঠছে অন্ধকারে সাপের মাথার মণির মতো।.....

সাতাশ

কিন্তু, কালের ব্যবধানে মানুষ নিকটতম আত্মীয়ের তীব্রতম বিরোধব্যথাও ভুলে যায়।.....

তাই, ধীরে ধীরে আবার কর্মচাপল্য দেখা দিল বন্দীশিবিরে। পরীক্ষা দিলাম আমি এবং সঙ্গে সঙ্গে নাটকও হলো। নাটকে যথাপূর্ব্বং প্রশংসা অর্জন কবলাম বটে। কিন্তু প্রশ্নপত্রের জবাব কী রকম দিলাম, পরীক্ষকদের কণ্ঠগান মনোরঞ্জন তা করতে পারবে, তখনই তা জানবার পথ কোথায়? প্রত্যেক দিন প্রশ্নপত্র পেয়েই তৎক্ষণাতঃ লেখা শুরু কবতাম আমি, তারপর যখন দেখতাম পুরো নম্বরের জবাব দেয়া হয়ে গেছে, তখন ফাউন্টেন পেন পকেটে গুঁজে উঠে দাঁড়াতাম, একটিবাব রিভাইজ কববারও দৈর্ঘ্য পাকতো না। এমনই ছিল আমার স্বভাব!

পাশে বসে অনিল সেন প্রমাদ গুনতো! কারণ তাকে সম্পূর্ণভাবে নির্ভর করতে হতো আমারই লেখার ওপর। আড়চোখে চেয়ে চেয়ে যতখানি পারতো সে নকল করে নিতো পবন নিষ্ঠাব সঙ্গে, তারপর শেষের পয়তাল্লিশ মিনিট আমার অনুপস্থিতিকালে সে বেচারি হয় ছবি আঁকতো, নয়তো প্রাণপণ চেষ্টা কবতো এক-আধটা প্রশ্নের জবাবে অস্তিতঃ এক-আধ লাইন লিখবার জগ্ন। আশ্চর্য্য, এই অনিল সেনও কিন্তু পাস করেছিল আই. এ. পরীক্ষায় তার তেরছা দৃষ্টির দোলতে।

পরীক্ষা শেষ হয়ে যাওয়ার অন্ততঃ ধীরেনদা'র চোখরাঙানি থেকে রক্ষা পেলাম এবং সেজগ্নই স্বস্তির নিশ্বাস ত্যাগ করলাম।

এরপরই সাহিত্য সভার পক্ষ থেকে বঙ্গীয় ব্যবস্থা পরিষদের যে নকল অধিবেশন আহ্বান করা হয়, আজও তা স্পষ্ট মনে পড়ে।

ইসটার্ন এ্যানেক্সি অর্থাৎ টালি ব্যারাকের সম্মুখে খোলা ময়দানের চতুর্দিকে বিচিত্র রংয়ের সূজনী টাঙ্গিয়ে পরিষদ কক্ষ তৈরী করা হলো। তরুপোশেব ওপর টেবিল চেয়ার পেতে স্পীকারের আসন তৈরী হলো। তার নীচেই আসন নির্দিষ্ট হলো পরিষদ সেক্রেটারীর। তারপর অর্ধবৃত্তাকারে স্থান নির্দিষ্ট হলো বিভিন্ন দলের, যথা—মুসলীম লীগ, কংগ্রেস, অনুন্নত সম্প্রদায়, স্বতন্ত্র দল, জাতীয়তাবাদী মুসলিম, হিন্দু মহাসভা, এ্যাংলো ইণ্ডিয়ান এবং ট্রেজারী বেঞ্চ আলোকিত করে বসলেন হোম মেম্বার, ডেপুটি হোম মেম্বার, সেক্রেটারী, মন্ত্রিগণ ইত্যাদি। সন্ত্রাসবাদীরা ভগৎ সিং-এর মতো পরিষদে বোমা নিক্ষেপ করতে পারে আশঙ্কায় সদস্যগণের নিরাপত্তার ভার দেওয়া হলো পুলিশ কমিশনার টেগার্টের ওপর। শুধু তাই নয়, সাদা পোশাকে আই বি ও এস বি-র কর্তারাও সন্ত্রাসবাদীদের তল্লাশে তৎপর হয়ে উঠলেন। দর্শকদের প্রবেশ কবতে দেয়া হবে বটে, কিন্তু দেহ তল্লাশীর পর।

১৯৩৩ সালের ১৭ই মার্চ ব্যবস্থা পরিষদের অধিবেশন শুরু হলো বেলা ছ'টায়।

স্পীকার হিমাংশু আইন পরিষদ কক্ষে প্রবেশের প্রাকালে সেক্রেটারী পুস্প চাটার্জী গম্ভীর স্বরে ঘোষণা করলেন : Gentlemen, Mr. President.

সদস্যেরা উঠে দাঁড়ালেন। স্পীকার আসন গ্রহণ করবার পর তারা উপবেশন করলেন। স্পীকারের আদেশে এবার শুরু হলো interpellations অর্থাৎ প্রশ্নোত্তর।

প্রশ্নগুলি যথারীতি বিভিন্ন দলের নেতা সাহিত্য সভার কাছে পূর্বেই পৌঁছে দিয়েছিলেন। বিভিন্ন দল ও সরকারী দল মনোনীত হবার পর প্রশ্নগুলো হোম মেম্বার রাখাল ঘোষের হাতে দেয়া হয়েছিল।

প্রথমেই প্রশ্ন করবেন মুসলীম লীগের নেতা মতি সিং। যেমন বাণিশহীন আবলুগের মতো কালো, তেমনি অস্থিচর্মসার দেহ। এরই ওপর তিনি বারো আনা দামের লুঙ্গি পরেছেন ও মাথায় জিন্না টুপি ও গালে কৃত্রিম দাড়ি এঁটেছেন। হাতে করে এনেছেন কিচেন ম্যানিজারের কাছ থেকে চেয়ে একটি কড় !

বিচিত্র সুরে কোরআনের একটা বয়াং উচ্চারণ করে তিনি প্রশ্ন করলেন : হোম মেম্বার মহোদয় দয়া করিয়া জানাইবেন কি সেক্রেটারীয়েটে গেজেটেড অফিসারের পদে শতকরা কতজন মোছলমান নিযুক্ত আছেন ?

রাখাল ঘোষ জবাব দিলেন : শতকরা ৮ জন ।

—গভর্নমেন্ট এই সংখ্যা বৃদ্ধির কথা চিন্তা করিয়াছেন কি ?

—উপযুক্ত প্রার্থী পাইলেই চিন্তা করা হইবে ।

চীফ হুইপ ধীরেন সোম অতিরিক্ত প্রশ্ন করলেন : উপযুক্ত প্রার্থীর জন্ম সংবাদপত্রে বিজ্ঞাপন দেওয়া হয় কি ?

হোম মেম্বার এ প্রশ্নের জবাব দিলেন না । দেওয়া প্রয়োজন মনে করলেন না ।

এরপর দাঁড়ালেন অনুরত সম্প্রদায়ের নেতা নিবারণ দত্ত । উকো-খকো চুল, ছেঁড়া খদরের পাঞ্জাবি গায়ে, সারা মুখে বসন্তের দাগ, চোখে পুরু কাঁচের চশমা । Depressed ও Oppressed class-এর মুখপাত্র বার-কয়েক কেসে গলাটা পরিষ্কার করে নিয়ে প্রশ্ন করলেন মাদ্রাজী উচ্চারণে ইংরেজী ভাষায় : Will the Hon'ble member in charge of Home (Police) Department please state the reason why all scheduled caste inhabitants of the village of Ratangarh in the district of Midnapur had to leave the village leaving behind their belongings ?

মন্ত্রী স্বধীন সরকার তৎক্ষণাৎ জবাব দিলেন : Only a few have left for personal reasons.

—Is it not a fact that a caste Hindu Zamindar persecuted them mercilessly ?

—No.

—Oh. the Depressed and Oppressed class !—বলে অনুরত দলের দরদী নেতা একটি দীর্ঘশ্বাস ত্যাগ করে বসে পড়লেন ।

এবারে প্রশ্ন করবেন কংগ্রেসী দল অর্থাৎ পরিষদে শক্তিশালী বিরোধী দল । দলের মুখপাত্র কমরেড কুশা গান্ধী ক্যাপ মাথার দিয়ে এসেছেন । ঠাট্টা অবধি মোটা খদর, খালি পা, খোঁচা খোঁচা দাড়ি, গায়ে জামা নেই, শুধু চাদর আর গলায় মোটা ময়লা যজ্ঞোপবীত ।

প্রশ্ন : গভর্নমেন্ট দয়া কবিয়া বলিবেন কি, বর্তমানে বাংলায় কতজন বিনা বিচারে আটকবন্দী আছেন ?

জবাব : ৩২৫৮ জন ।

প্রশ্ন : গোমে ও গৃহে অন্তর্ধানদের কি ইহাব মধ্যে ধরা হইয়াছে ?

জবাব : আচ্ছ হা ।

—অনির্দিষ্ট কালের জগ্ন ইহাদেব আটক বাগবাব কাবন কি ?

—কাবন, প্রাপ্ত কাগজপত্র হইতে গভর্নমেন্টেব বিশ্বাস কাবাব সঙ্গত কাবন দেখা দিয়াছে যে, ইহাবা এমন সব প্ৰতীষ্টানেব স কয় সদস্য, বাহাদেব অত্র সম উদ্দেশ্য হইতেছে হিংসামূলক পলায় আইন ও শাসনাৰ উপর প্রতিষ্ঠিত এই ব্রাটশ গভর্নমেন্টেব উচ্ছেদ সাধন কবা ।

বিবোধী পক্ষ থেকে 'শেম শেম' ধরান শানা গল ।

কমবেড কুশা প্রশ্ন কবলেন : কি কি পমাণ পাওবা গিষাছে গভর্নমেন্ট দয়া কবিয়া তাহা জানাইবেন কি ?

জবাব দিলেন হোম মেম্বার : না । জনসাধাৰণেব নিবাপত্তাৰ জগ্ন তাহা প্রকাশ কবিতে পাৰি ন ।

আবাব হল্লা সুরু হলো । সবকাবী দল 'হিয়াব হিষাব' কবে উঠতেই বিবোধী দল খািকশিবালেব ডাক ডাকলো । দলকদেব মধ্যেও গণ্ডগোল সুরু হলো । পীকাব হিমাংগ আইন হা'ড পিটলেন : অর্ডাৰ অর্ডাৰ ।

হিন্দু মহাসভার একজন সদস্য নাক ডাকিয়ে নিদাস্তথ উপভোগ কবছিলেন । বৈধতাৰ প্রশ্ন তুলে মুসলীম লণেব দুপুটি লাডাৰ অনন্ত সবকাব পীকাবেব দৃষ্টি আকষণ কবলেন । পীকাব এই প্রশ্ন বা'ল কবে দিষে বললেন : সংবিধানে নিদা সম্বন্ধে কোনো উল্লেখ নেই সুতরা প'বষদ গণে অবিবেশন চলতে থাকাকালে 'নিদা আইনবিকল্প বল' বাব না ।

আবাব প্রশ্ন কবলেন কংগ্রেসী দলেব নেতা কমবেড কুশা • ইহাবা ডাকাতি, নরহত্যা, বোমা প্রস্তুত প্রভৃতি অপবাধেব সংহিত সংশ্লিষ্ট আছেন বলিয়া গভর্নমেন্ট মনে করেন কি ?

হোম মেম্বার জবাব দিলেন : তাহা প্রকাশতবা নথ !

প্রশ্ন : গভর্নমেন্ট কোন্ কোন্ সূত্রে এই সব সংবাদ সংগ্রহ কৰিয়াছেন ? তাহাব মধ্যে সবগুলাই কি বিশ্বাসযোগ্য ?

জবাব : জনসাধারণের নিরাপত্তার জন্ত এই প্রশ্নের জবাব দিতে পারি না।

আবার ‘হিয়ার হিয়ার’, ‘শেম শেম’, হুলা, চীৎকার ও অবশেষে স্পীকারের হাতুড়ির ঘা।

ব্যবস্থা পরিষদের অধিবেশন যখন এইভাবে পূর্ণোদ্যমে চলছে, বাংলা দেশের বিপ্লবীরা তখন কিছু নীরব ছিল না। গোপনে তারা বোমা ও রিভলভার প্রস্তুত রত। মাণিকতলায় নয়, কিচেনের কাছে আমতলায় হাঁচ তৈরী করে রিভলভার তৈরী করছেন টিটু নাহা। এস বি দারোগা মনোরঞ্জন সেনগুপ্ত এই সংবাদ এনে পৌঁছে দিলেন পুলিশ কমিশনার দিজেন গাঙ্গুলীর অফিসে। বাস. অর্মান চললো একদল সশস্ত্র সিপাই, তল্লাশী হলো, কিন্তু আপত্তিকর শাপেরা গেল না কিছুই। পরিষদ কক্ষে তবুও প্রবেশের ব্যাপারে কড়াকড়ি বাড়িয়ে দেয়া হলো। দু’জন সার্জেন্ট পাঠিয়ে দেয়া হলো স্পীকারের দেহরক্ষী হিসেবে আর প্রবেশ-দরজায় দাঁড়ালো চারজন।

ব্রিটিশ রাজত্বে নিরাপত্তা ব্যবস্থায় ক্রটি থাকতে পারে কি ?.....

এবার স্পীকার আহ্বান জানালেন ডেপুটি হোম মেম্বর প্রভাত নাগকে তাঁর প্রস্তাব পরিষদে পেশ করবার জন্ত।

প্রভাত নাগ উঠে দাঁড়ালেন। সুন্দর চেহারা, চশমা চোখে, তার ওপর সাহেবী পোশাক। স্বভাবতঃই তিনি শুরু করলেন ইংরেজীতে : I am just coming from my home at London. When I had been there I met Mr. Ramsey Macdonald—অর্থাৎ লন্ডনে থাকাকালে ম্যাকডোনাল্ডের মেয়ের বিয়েতে একটি ভোজসভায় আমি নিমন্ত্রিত হয়ে গিয়ে যখন তাকে Communal Award সম্বন্ধে তার প্রকৃত উদ্দেশ্য কি, জানাবার জন্ত অনুরোধ জানিয়েছিলাম, তখন সে স্পষ্টই আমায় বলেছিল, ভারতে অসংখ্য সম্প্রদায়, সংখ্যাগত তাদের ভাষা, একেবারে পরস্পরবিরোধী তাদের রীতিনীতি, আচারব্যবহার। সেখানে এক সম্প্রদায়ের লোক অপর সম্প্রদায়ের লোকের হুকোতে তামাক খায় না। সুতরাং সম্প্রদায়গত অধিকারের কথা ভারতে অবশ্যই বিবেচ্য! ভারতের চল্লিশ কোটি নরনারীর কল্যাণসাধনের যে পবিত্র দায়িত্ব ব্রিটিশ গভর্নমেন্ট গ্রহণ করেছেন, তা পালন করতে হলে প্রত্যেক সম্প্রদায়ের সুখ ও স্বাচ্ছন্দ্যের প্রতি লক্ষ্য রাখতে হবে আমাদের।এমনভাবে প্রাঞ্জল ইংরেজী ভাষায় মাঝে মাঝে হাস্যরসের সৃষ্টি করে

ডেপুটি হোম মেশ্বার প্রভাত নাগ চমৎকার একটি বক্তৃতা দিবে শেষ দিকে গদগদ ভাষায় বললেন : এইজন্মই এসেছে এই সাম্প্রদায়িক রোয়েদাদ। ভারতীয় সম্প্রদায়গুলি নিজেরা আলাপ আলোচনা করে যখন কোনোও মীমাংসায় আসতে পারলো না, তখন অত্যন্ত ব্যথিত চিত্তে, নেহাৎ অনিচ্ছাসত্ত্বেই ম্যাকডোনাল্ডকে এই শুষ্ক ও নীরস কর্তব্য পালন করতে হয়েছে! ভারতবাসীর জন্ম তার দরদ সীমাহীন!

Oppressed ও Depressed class-এর নায়ক নিবারণ দত্ত তাঁকে সমর্থন করবার জন্ম উঠে দাঁড়ালেন। বরিশালীর বাংলা ও মাদ্রাজী ইংরেজী মিলিয়ে তিনি বারবারই অনুরত সম্প্রদায়ের ওপর বর্ণহিন্দুদের অসংখ্য অত্যাচারের কথা বর্ণনা করলেন এবং একমাত্র এই Communal Award যে সেই অত্যাচার রোধ করতে পারে, তাও ব্যক্ত করতে ভুললেন না।

এমনিভাবে প্রত্যেক দলই নিজদের অভিমত ব্যক্ত করবার পর যখন হিন্দু মহাসভার নেতা গোপাল গুপ্ত সপুষ্প শিখা ছলিয়ে, পৈতা দেখিয়ে, রহদাকার গীতা আন্দোলন করে, হাত পা ছুঁড়ে, একেবারে খাস ফরিদপুরী গ্রাম্য ভাষায় ব্রিটিশ গভর্নমেন্ট, মুসলীম লীগ, অনুরত সম্প্রদায়, এমন কি স্পীকারকেও ম্লেচ্ছ নামে আখ্যাত করে গালিগালাজ শুরু করলেন, অধিবেশন তখন শুধু যে জমেই উঠলো তাই নয়, অতিক্রমত তা এগিয়ে চললো ক্লাইমেক্সের পানে।

বাধা এলো চতুর্দিক থেকে, বৈধতার প্রশ্ন, অধিকারের প্রশ্ন, অবমাননার প্রশ্ন উঠলো বহুবার। কেউ টেবিল চাপড়াতে লাগলেন, কেউ বেড়ালের ডাক ডাকতে লাগলেন, কেউ শুধু চীৎকারই করতে লাগলেন; কিন্তু সর্বপ্রকার বাধাবিলম্ব অগ্রাহ্য করে, বেদ ও পুরাণের কথা তুলে, চণ্ডী ও গীতার শ্লোক উচ্চারণ করে, যাজ্ঞবল্ক্য, অষ্টাবক্র, ঋষ্যশৃঙ্গ প্রভৃতি মুনিদের অমর জীবনীর পর্যালোচনা করে হিন্দু মহাসভার যোগ্যতম নেতা মহামহোপাধ্যায় পণ্ডিত গোপাল গুপ্ত, তর্কচূড়ামণি, স্মৃতিতীর্থ, সার্বভৌম, বিদ্যাবাগীশ ও শ্রায়রত্ন মহাশয় অগ্নিকরা ভাষায় যে বক্তৃতা দিলেন—

এমন সময় অকস্মাৎ এক অঘটন ঘটে গেল! পুলিশ কমিশনারের সতর্ক প্রহরা ব্যবস্থাকে ফাঁকি দিয়ে কীভাবে একজন বিপ্লবী গোপনে রিভলভার নিয়ে প্রবেশ করে ভালো মানুষটির মতো দর্শকের আসনে বসে সুযোগের

অপেক্ষা কবছিল। গোপাল গুপ্তকে থামিয়ে দেবার জ্ঞান যেই হোম মেসার রাখাল ঘোষ উঠে দাঁড়িয়ে পালিয়ামেন্ট-বিবোধী ভাষায় shoot up বলে চাৎকার করে উঠলেন, অমনি সম্মুখে লাফিয়ে পড়ে সেই বিপ্লবী দসু করে রিভলভার বার করে পর পর তিনবার গুলাবর্ষণ করলো। আমতলায় তৈরী রিভলভারের ট্রিগার এখানে বিপ্লবীর আঙ্গুলে টানলেও শব্দ হলো তার পাশের টালি ব্যারাকে। চাবিব মতো দেশলাইয়ের বারুদ পূর্বে টিটু নাহা যথাসময়ে আওয়াজ করে দিলেন। কিম্ব গ্রাহলে কি হবে? রাখাল ঘোষকে যে মরতেই হবে, নইলে অমল মজুমদার শহীদ হবে কি করে? অহ এব হোম মেসার Oh my God! Oh my Virgin Mary! বলে মাটিতে লুটিয়ে পড়লেন। মুসলীম লীগের নেতা মাও সিং উয়া আধাহ্ বলে দাঁড়ি এবং কড় ফেল রেগেই পলায়ন করলেন। Depressed ও Oppressed classএর নেতা নিবারণ দত্ত টেবিলের নীচে আশ্রয় গ্রহণ করলেন। গোপাল বিজ্ঞান মন্ত্রণালয় উন্মুক্ত কাছা কিছুতেই আর থাঁজে পেলেন না। হৈ-হৈ, চাৎকার ও ছুটোছুটির মাঝে বিপ্লবী পকেট থেকে পর্চাসিয়াম সায়েনড-এব প্যাকেট বার করে মুখে ঢেলে দিয়ে মাটিতে লুটিয়ে পড়লো শহীদ হয়ে এবং সেই সময় অকস্মাৎ বিউগলধ্বনির মাঝে সশস্ত্র সিপাইদল নিয়ে গট গট করে মার্চ করে প্রবেশ করলেন স্বয়ং পুলিশ কমিশনার স্যার চার্লস টেগাট অথবা দ্বিজেন গাঙ্গুলী গোলা রিভলভার হাতে নিয়ে।

ওকুম হলো : Hands up everybody or I will shoot.

সকলেই গৌরবের পোজ-এ দাঁড়িয়ে পড়লেন।

আটাত

এমনিভাবে বন্দীজীবনে মাঝে মাঝেই ক্লাইমেক্স সৃষ্টি করা হতো একঘেয়েমি দূর কববার জন্ত। এই একঘেয়েমিটা একটা ছরারোগ্য ব্যাধির মতো। নানাবিধ সুখ ও স্বাচ্ছন্দ্যের ব্যবস্থা করে দিলেও গভর্ণমেন্ট সঙ্গে সঙ্গে বপন করতেন একঘেয়েমির বীজ। হয়তো তা রাজাসিক একঘেয়েমি। চারবেলা নবাবী খানা আর দায়িত্বহীন অফুরন্ত অবসর, প্রতিদিন একই লোকের সঙ্গে আলাপ আলোচনা, একই শস্যার শয়ন—এই-যে অনড় একঘেয়েমি, এর কটু প্রভাব প্রথমে আচ্ছন্ন করে সারা মন, মনকে পাণ্ডুর করে দিয়ে নেমে আসে সারা দেহে, প্রতি শর-উপশিরায়, প্রতি রক্তকণিকায়, অস্থিমজ্জায়। ব্যস্, তাহলেই সিদ্ধ হলো গভর্ণমেন্টের উদ্দেশ্য। মরফিয়া দিয়ে ঘুম পাড়িয়ে অকেজো করে দিল তাঞ্জা ঘোড়াকে !.....

এই অভাষ্ট সাধনে গভর্ণমেন্ট যে একেবারে ব্যর্থকাম হয়নি, তার প্রমাণ রবি লাহিড়া। একদিন ছপুর্নে খেতে যাবো, এমন সময় শুনলাম, সাদার্ন ব্যারাকে রংপুরের রবি লাহিড়ী নাকি খেতে যাবার জন্ত ঘর থেকে বেরিয়ে অকস্মাৎ সংজ্ঞা হারিয়ে পড়ে গেছে।

খেতে আর যাওয়া হলো না। এসে দেখলাম, দেবেশ ও বিমলবাবু মাথায় হাওয়া করছেন কপালে জলপটি দিয়ে।

রবি লাহিড়ী শিবিরের সুন্দর স্বাস্থ্যবান দেহধারীদের অগ্রতম। অনেকবার সে পেশী নিয়ন্ত্রণ দেখিয়েছে বাইরে রংপুর শহরে এবং শিবিরে। বন্ধুরা সম্প্রতি কোনো অস্থখের কথা জানে না বললেন। ভালো হয়ে রবি লাহিড়ী বললো যে, ক'দিন থেকে কেমন যেন দাঁড়ালেই হঠাৎ তার মাথাটা ঘুরে যায় আর চোখে অন্ধকার দেখে !

কিন্তু কেন ? কেন এমনি হলো ? কোনো সজ্ঞুর সে দিতে পারলো না, আমরাও কিছুই অনুমান করতে পারলাম না।

এমনি করে ফরিদপুরের পরেশ রায় একদিন পড়ে গেলেন। আর একদিন সত্য বানারাজীর দুই হাঁটুতেই বাতের ব্যথা দেখা দিল। এবং সর্বশেষ একদিন রবি বসুর গলা দিয়ে বলকে বলকে উঠতে লাগলো রক্ত !

ছুটে গেলাম। দেখলাম, শয্যায় লম্বমান তার বলিষ্ঠ দেহ। কিন্তু এখন আর দেহ নেই মনে হলো, যেন দেহের একটা বিরাট খাঁচা মুখ খুবড়ে পড়ে আছে।

থুথু ফেলার পাত্রে রক্ত, ছ'কসেও তার শুষ্ক চিহ্ন দেখা গেল। ডাক্তার এলেন, দেখলেন, পরীক্ষা করলেন, বললেন, টি-বি at galloping stage!

বুঝতে পারলাম, রবির আর জীবনের আশা নেই। তথাপি টি-বিনের সঙ্গে পরামর্শ কবে সেদিনই পাঠানো হলো তাকে শিউড়ি জেলে চিকিৎসা ও আবহাওয়া পরিবর্তনের জন্ম। মুখে আশার কথা গালভরা ভাষায় প্রকাশ করলেও মনে মনে দারুণ উৎকণ্ঠার একেবারে বিচলিত হয়ে উঠলাম। কিন্তু সৌভাগ্য রবির, সেখানে অশ্রু কটা ভালো হয়ে উঠছে বলে মাসখানেক পর সে নিজেই পত্র লিখেছে দেখলাম।

কোনো নির্দিষ্ট অসুখই আমার ধরেনি সত্যি, তথাপি কী জানি কেন, ওজন আমার নিয়মিতভাবে কমে যাচ্ছিল। এক্ষেত্রে রোগ আমার ধরতে পারেনি জানি। খেলা-ধুলায়, বায়ামে, সর্কপ্রকার সভা-সমিতিতে সর্বত্রই আমি যোগদান করতাম এবং আমার অংশটি খুব অকিঞ্চিৎকর ছিল না কখনো। তথাপি, কী জানি কেন, ওজন আমার কমে যেতে লাগলো। স্নো পয়জনের কথা কোনো কোনো বন্ধু বললেন বটে, কিন্তু তরিতরকারী ও অন্যান্য খাদ্যবস্তু ঠিকাদার এনে অফিসে পৌঁছে দেবার পরই তো আমাদের ম্যানেজার সে সব ওজন করে ভেতরে নিয়ে আসেন, তাতে বিষ মেশাবার সন্যোগ ওরা পাবে কোথা থেকে? আর বিষ মেশালে তার প্রক্রিয়া কি শুধু বাছা বাছা জনকতকের মধ্যেই দেখা যাবে?

অবশ্য এজ্ঞা চিন্তিত হইনি আদৌ। কারণ জনকতক বন্ধুর যে যুক্তিহীন ও ছুঃখজনক পরিণতি দেখলাম, তার সঙ্গে তুলনায় আমার কোনো কিছুই হয়েছে বলে স্বীকার করা যায় না। একদিন ডাঃ সরকারকে নিভৃতে পেয়ে সাধারণভাবে রাজবন্দীদের স্বাস্থ্যহানির কথা তাঁকে বললাম এবং টি-বিন চাচা নিজে বা কোনো এজেন্ট মারফৎ আমাদের খাণ্ডে যে বিষও মিশিয়ে দিতে পারেন, এমনি একটা অভিমত ঝপ করে ছেড়ে দিয়ে ডাঃ সরকারের ভাবগতি লক্ষ্য করতে লাগলাম তীক্ষ্ণদৃষ্টিতে। না, দেখলাম, আমার আশঙ্কা অমূলক। বেচারী কিছুই জানে না এবং এমনি নৃশংসতা যে হতে পারে, তা কল্পনাও করতে পারে না।

তবে ডাঃ সরকার রবি লাহিড়ী, পরেশ রায় প্রভৃতির এমন আকস্মিক তুর্কলতা ও সাধারণভাবে সবার গুজন হাস ও কারুর কারুর এই বয়সেই বাত-ব্যাধি আক্রমণের কথা উল্লেখ করে এর পশ্চাতে একটি কারণের কথা ব্যক্ত করলেন এবং নানাভাবে যুক্তি দিয়ে তা সমর্থন করতে লাগলেন। সে দিন অবশ্য তাঁর যুক্তি শুনে খুব হেসেছিলাম।

কঠোর ব্রহ্মচর্যের বিরুদ্ধে ডাঃ সরকার সেদিন কঠোরতম অভিমত ব্যক্ত করেছিলেন। প্রকৃতির বিরুদ্ধে এই যে আমাদের যুদ্ধ ঘোষণা, তার উল্লেখ করে তিনি বললেন : ভগবান আছেন কি নেই, সে প্রশ্ন নয়, দ্বিজেনবাবু ! এটা স্বভঃসিদ্ধের মতো মত যে, প্রকৃতি একটি বাধা-ধরা নিয়মে চলেন, একটি ছক-কাটা পথেই তাঁর আনাগোনা। এই প্রকৃতিই নরের পাশে এনে দিয়েছেন নারী এবং নারীর পাশে নর। বিশ্বব্রহ্মাণ্ড যাতে কোনোদিনই না দেউলে হয়ে যায়, শ্মশান হয়ে যায়, সেজন্য এই নর-নারীর মিলনে যেমন আঁতুড় ঘর হেসে ওঠে, তেমন একদিন ফুলঝরার মতো তাদের ঝরে পড়তে হয় শ্মশানে। এই যে নিয়ম, আপনাবা এই নিয়মের বিরুদ্ধে লড়াই কবে চলেছেন অহনিশ ! কিন্তু দ্বিজেনবাবু, প্রকৃতির বিরোধিতা করলেই তো জয়লাভ অবধারিত বলে মেনে নেয়া যায় না। তাই কঠিন ব্রহ্মচর্য বা পালন করেন, অর্থাৎ আপনারা, তাঁদের অমনি সব যুক্তিগত ব্যাধিতে কষ্ট পেতে হর। Biological factকে অস্বীকার কবলে ভূগভেব উদ্ভাপে জল পড়লে যা হয়, তাই হবে ! সে বাষ্প একদিন উদ্ভাল হয়ে উঠে কোথা না কোথা দিয়ে ঠেলে বেরিয়ে পড়বেই। একদিন কায়রোতে—

বলেই ডাঃ সরকার আবার তার সেই মধ্য প্রাচ্যের অদ্ভুত ও খুলিৎ অভিজ্ঞতার ইতিহাস গুলে বসলেন এবং আগামী যুদ্ধ কবে ও কার কার সঙ্গে বাধতে পারে, এবং তাহলে জয়লাভের সম্ভাবনা কার বেশী, সে সম্বন্ধে নানা তথ্য ও গবেষণামূলক এক দীর্ঘ বক্তৃতা শুরু করলেন ! আমি বাধা হয়ে একটা ছুতো করে রণে ভঙ্গ দিলাম। ঘরে এসে হাসলাম প্রাণ ভরে। নরের পাশে যে নারী রেখেছেন প্রকৃতি দেবী, তা তো জানি : রেণু, সত্যিকা, বীণা ও অশোকের মধ্য দিয়ে তা মর্মে মর্মে জেনেছি ; কিন্তু ওদিকে ভালো করে দৃষ্টিক্ষেপ করবার অবসর কোথায় আমাদের ?

আমাদের পথ চলেছে যেদিকে, সেদিকে শুধু ময়না কাটার ঝড় আর

বাবলা গাছের সারি। পথে ছড়ানো মকভূমির বালি, উত্তপ্ত মধ্যাহ্নে সেই তপ্ত বালুকাসিঁরাশি এলোপাথাড়ি উড়তে থাকে। পথের ধারে নেই কোনো কাজলা দাঁঘি, নেই মানস সরোবর! সম্মুখে দৃষ্টি প্রসারিত করে দেখতে পাউ বালিব সমুদ্র অতি দূরে গিয়ে দিক্চকবালের সঙ্গে মিশে গেছে। সেই পথে আমাদের যাত্রা! কখনো আকাশে শুনতে পাউ কালশৈশবীর রণহকার, কখনো শাঁতের পলক কুজ্জ্বাটিকা তুলে ধরে অনির্ভরমা বাপা, কখনো নিরবচ্ছিন্ন অন্ধকার চন্দ্রিক থেকে এসে গ্রাস করে পাউগনের মতো।..... এবুও আমরা চলোছ সেই পথে শিশুদিন, দিনের পর যাত্রা, যাত্রার পর শিশু। কী আমাদের লক্ষ্য, কোথায় আমাদের গন্তব্য স্থান, কবে শেষ হবে আমাদের এই অবিশ্রাম চলা, আদৌ জানেনে তা। কিন্তু এই চলার পথে যাত্রা কবে ভুলে গেছি আমরা, কোথায় কোটে শিউলি ফুল, কোথায় শোনা যায় ভ্রমরার গুনগুনানি, কোন্ কালো চোখেব কোণে খেলে বিদ্রোহ, কোন্ কোমল হৃদয়ে ডাকে ভাবাবেগের বহা!.....

নারীকে আমরা করে চলেছি সম্পূর্ণ অস্বীকার!

অকস্মাৎ একদিন হুকুম এল যতীশ গুহকে সমস্ত জিনিষপত্র নিয়ে যেতে হবে অফিসে। বুঝলাম তাঁকে এবার নিয়ে যাচ্ছে হয় গুজলীতে, না হয় বক্সা হর্গে। বলতে গেলে এই প্রথম বেঙ্গল ভলান্টিয়ার্সের সদস্যদের প্রতি কর্তৃপক্ষের আঘাত।

কিন্তু বিস্মিত হলাম তাঁকে দল বেঁধে বিদায় দিতে গিয়ে। গভর্নমেন্ট তাঁকে একেবারে বিনাসর্ত্তে মুক্তির আদেশ দিয়েছেন। দূরে দাঁড়িয়ে কিছুতেই বিশ্বাস হলো না আমাদের। কিন্তু যতীশবাবু হাসিমুখে একখানা দশ টাকার নোট আন্দোলিত করে দেখালেন। এবার আর অবিশ্বাস করবার কিছু রইলো না। যতীশবাবুর হাতে টাকা দিয়েছে মানেই হচ্ছে তাঁর বাবতীয় ভাড়া তাঁকে বুঝিয়ে দেয়া হয়েছে। এখন তিনি মুক্ত!

মুক্ত! কথাটা কেমন বেন নতুন শোনাতে লাগলো। আর খানিকটে বেশুরোও বটে! আর কেউ নয়, স্বয়ং যতীশ গুহ। বেঙ্গল ভলান্টিয়ার্সের কতকগুলি Action-এর পরিকল্পনাই যে শুধু তাঁর ছিল, তা নয়, কয়েকটাতে

সক্রিয় অংশও গ্রহণ করেন। আমার এই আখ্যায়িকাতেই পরে আবার এই যতীশ গুহের উল্লেখ করতে হবে। তখনই জানা যাবে, গভর্নমেন্ট এই লোকটিকে অকস্মাৎ ঐভাবে মুক্তি দিয়ে কী মহাভ্রমই না করেছিলেন এবং সেই ভ্রমের কী মর্মান্তিক পরিণামই না তাঁদের হৃৎকম্প করতে হয়েছিল নীরবে!...

এই ধরনের অদ্ভুত মুক্তির পশ্চাতে গোয়েন্দা বিভাগের কী গূঢ় উদ্দেশ্য নিহিত আছে, তা স্পষ্টভাবে বুঝতে পারতাম আমি। মিহি জ্বলে ছেঁকে ধরবার মতো প্রথমতঃ গোয়েন্দা বিভাগ দলে দলে গ্রেপ্তার করতো। স্বভাবতঃই তখন এই বিশেষ এলাকায় বিপ্লবীদের তৎপরতা ব্যাহত হতো। নিশ্চয়ই ছ'একজন, যারা জাল থেকে ছিটকে বেরিয়ে গেছে, তারা ভাঙ্গা আসর আবার জমিয়ে তোলবার কাজে আত্মনিয়োগ করবে। তাই কিছুদিন অতিবাহিত হলে নেতৃস্থানীয় একজনকে অকস্মাৎ একেবারে বিনাস্তে মুক্তি দিয়ে অত্যন্ত কঠোরভাবে তাঁর ওপর নজর রাখা হতো গোপনে—তিনি কোথায় কোথায় যান, কে কে আসেন তাঁর ওখানে, কি কি কথা হয়, এসব দেখবার ও জানবার চেষ্টা করা হতো। ফলে, হয়তো সন্ধান পাওয়া যেত আরও কিছু বিপ্লবীর। তখন আবার জাল ফেলা হতো।

কিন্তু আমরা এসব তথ্য বেশ জানতাম বলেই সমঝে ও সামলে চলতাম সর্বদাই। যতীশ গুহ আবার সেই সমঝে ও সামলে চলবার দলের মুখপাত্র। সুতরাং খুশী হলাম মনে মনে গভর্নমেন্টের এই নিরীকৃত্য। আমরা কেউ দীর্ঘকাল বাইরে যেতে না পারলেও একা যতীশ গুহই যে বিপর্যয় সৃষ্টি করতে পারবেন, সে বিশ্বাস আমাদের আছে।

যতীশ গুহ বিদায় নেবার পরই চললো নানা গবেষণা ও বিতর্ক। গভর্নমেন্ট নাকি ধীরে ধীরে মুক্তি দেবার নীতি গ্রহণ করেছেন। ব্যারাকে ব্যারাকে এই বিষয়ে চললো ঘণ্টার পর ঘণ্টা আলোচনা। কিন্তু হার, শিকে ছিঁড়লো বোধহয় ঐ একটি বিড়ালেরই ভাগ্যে!

টবিন-গিরিজা এ্যাণ্ড কোম্পানীর সঙ্গে তেমন আর ঠোকাঠুকি নেই। মোটের উপর একভাবে কেটে যাচ্ছে বৈচিত্র্যহীন দিনগুলি। বোধহয়, শান্ত আবহাওয়াকে কোনো কূটনৈতিক কারণে আরও আনন্দময় করে তোলবার উদ্দেশ্যেই একদিন বিকেলে অকস্মাৎ দেখলাম এসেছে শিবিরের মধ্যে বেড়াতে চাকর সঙ্গে করে ছ'টি ৬৭ বছরের ফুটফুটে মেয়ে। শুনলাম ছ'টি মেয়েই গিরিজার।

কিন্তু অনেকক্ষণ পলকহীন দৃষ্টিতে চেয়ে রইলাম ওদের পানে। অনেক কাল পর যেন নতুন জিনিষ দেখতে পেলাম। ছ'নিয়ার যে শুধু আমবা নেই, এরাও আছে, সেদিন যেন আবার নতুন করে অগুভব করতে শিখলাম। সৌন্দর্যের স্কেল দিয়ে মেপে দেখলে হয়তো মেয়ে দু'টির নাক মুগ চোখে অনেক গলদ আছে, রূপবতীর সংজ্ঞার সঙ্গে অঙ্গরে অঙ্গরে মিলাতে গেলে কিংবা এদের প্রতিটি অবয়ব রাসায়নিক প্রক্রিয়ার চুলচেরা পরীক্ষা করে দেখতে গেলে হয়তো এরা আদৌ সুন্দরী নয়, তাই প্রমাণিত হবে। কিন্তু বাস্তব পরীক্ষার কথা বাদ দিয়ে আমাদের নীরস শুষ্ক মনে অকস্মাৎ গোলাপ ফুলের মতো দলের পব দল মেলে ফুটে উঠে এই ছোট মেয়ে দু'টি যে আনন্দের শিহরণ এনে দিল, সত্যিই তা অনির্করণীয়!

আমাদের জগতে যেন নতুন জিনিষের অকস্মাৎ আমদানী হয়েছে, যা আমাদের অপরিচিত ও অবজ্ঞাত!.....ছ'চারটে কথা বলাবলির মধ্য দিয়ে সহজেই আমরা ওদের দু'জনকে আপন করে নিলাম এবং তারপর সবাই মিলে সমবেতভাবে এমনি আদব শুরু করে দিলাম যে, প্রায় এক ঘণ্টা পর সুদাঃশুবাবু ও নূপেন পাল মেয়ে দু'টিকে আমাদের আদরের কবল থেকে একরকম উদ্ধার করে নিয়ে চাকরকে দিয়ে একেবারে শিবিরের বাইরে পাঠিয়ে দিলেন এবং বারণ করে দিলেন, যেন আর কোনোদিন এদের না নিয়ে আসে।

সত্যিই, একেবারেই যেন ভুলে গেছি বাইরের কথা, বাড়ীর কথা। প্রায় দেড়বছর হলো রেণুর বিয়ে হয়ে গেছে। বঃই সে আমার জন্তু ভাবুক, স্বপ্নরবাড়ী গিয়ে সেখানকার পরিবেশে ধীরে ধীরে খাপ খাটিয়ে নিতে আদৌ ভুল হয় না মেয়েদের। তাই মনের দরদ এখন স্থানান্তরিত হয়েছে চিঠির ভাষায়। মাঝে মাঝে এখনো আসে বটে, তবে হয়তো এরপর আর আসবে না।

ছোট বোন হেনার বিয়ে হয়ে গেছে। এখান থেকেই খানকতক বই অবশ্য পাঠিয়েছি উপহারস্বরূপ, কিন্তু বই দিয়ে যেতে না পারার দুঃখ কি আর ভোলা যায়? পাড়ার ছেলেদের কথাও মনে পড়লো। সর্ককার্যে যারা সম্পূর্ণরূপে নির্ভর করতো আমারই ওপর এবং নির্ভর করে পরম নিশ্চিত্তে যারা স্বস্তির নিঃশ্বাস ফেলতো সাক্ষ্য একেবারে নিশ্চিত্ত জেনে, আজ তারা না জানি কত অসহায় হয়ে পড়েছে!

এমনি করে গ্রামের প্রত্যেকটি লোকের কথা আমার মনে ভেসে উঠলো। মনে হলো বহুদিন নয়, বহুকাল এদের সঙ্গে আমার যোগাযোগ নেই। কে জানে, কবে, কতকাল পরে আবার তাদের সুখছুখের মধ্যে ফিরে যেতে পারবো?

কিন্তু বহুরমণ্ডল বন্দীশিবিরে যাত্রা শুরু হলে বাণীর কিছুকাল পর দ্বিতীয় যুগ্মসংবাদ এল, বরিশালের আরও দু'জন বন্দীসহ আমার প্রতি স্বগৃহে অন্তর্বাণের আদেশ।

স্বগৃহে বা গ্রামে অন্তর্বাণের আদেশকে কোনোদিনই আমরা ভাল চোখে দেখতাম না। কারণ এই অন্ধস্বাধীনতাকে নানাবিধ বাধা নিষেধ দ্বারা এমনি করে সীমাবদ্ধ করে রাখা হয় যে, যে কোনো সময়ে একেবারে আনিচ্ছার, এমনকি অজানতেও তার কোনোটা ভঙ্গ হয়ে যাবার আশঙ্কা বিদ্যমান থাকে। তারপর বন্দীশিবিরে দু'একজন দিবাকর সেনগুপ্ত বন্দীর ছদ্মবেশে এসে আমাদের গোপন সংবাদ গোপনে কল্পপক্ষের কর্ণে পৌঁছে দেবার চেষ্টা করতে পারে বটে, কিন্তু গ্রামে বা স্বগৃহে চৌকিদার, ইউনিয়ন বোর্ডের প্রেসিডেন্ট থেকে শুরু করে গ্রামের প্রত্যেকটি লোকই সামান্য পারিশ্রমিকের বিনিময়ে অনায়াসে বিবেক বিক্রয় করে দিতে পারে।

তবে এ সত্যও অস্বীকার করবার উপায় নেই যে, জেলের মধ্যে যে কর্ম-তৎপরতা একেবারে থাকে স্থগিত, বাইরে গিয়ে বুদ্ধির সঙ্গে, সতর্কতার সঙ্গে তা চালু করা যেতে পারে। বুদ্ধির লড়াইতে পুলিশ চিরকালই পরাজয় স্বীকার করেছে আমার কাছে। তাদের কাছে চিরদিনই আমার চ্যালেঞ্জ ছিল, কোনো ষড়যন্ত্র মামলায় জড়িয়ে কারাদণ্ডে দণ্ডিত করতে পার যদি, কর; ত্রি অডিগ্যান্স, বিনা বিচারে রাজবন্দী করে রাখা, ও তো তোমাদের দুর্বলতারই পরিচায়ক। নির্দিষ্ট কোনো অভিযোগ আদালতের সমক্ষে আনতে না পেরে কাল্পনিক সন্দেহবেশে অনির্দিষ্ট কালের জঞ্জাল আটক করে রাখা।

দার্ঘ্য সাত বৎসরের বন্দিজীবনে আমার এই চ্যালেঞ্জ যে অটুটভাবে আমি রক্ষা করে চলেছি, এই কাহিনীতেই তার কতকটা আভাস পাওয়া যাবে। সঙ্গে সঙ্গে জানা যাবে, যে কোনো মামলায় জড়িয়ে দেবার জঞ্জাল পুলিশ ও আই বি কর্তারাও কী পরিশ্রম ও ষড়যন্ত্রই না করেছিলেন!...

আমার বিদায়ের একটু বৈশিষ্ট্য ছিল। সর্বপ্রথম আমি বহরমপুর বন্দীশিবির সেনাবাহিনীর জি-ও-সি, তারপর সাহিত্যসভার সম্পাদক, তারপর নাটক, খেলাধুলা, ব্যায়াম ও সর্ব ব্যাপারেই আমার বিশেষ যোগাযোগ ছিল। তাই সংবাদ পাবার দশ মিনিটের মধ্যেই এমনি অনেকগুলো সংক্ষিপ্ত বিদায়-সভার অনুষ্ঠান হলো। অবশেষে খেলার মাঠে গেলাম। সেনাবাহিনী সেখানে ফল্-ইন্ করে আমাবই দৃঢ় অপেক্ষা করছিল। মিলিটারী বোর্ডের চেয়ারম্যান পবেশ সান্যাল আমাকে নিয়ে গেলেন। আমি গার্ড অব অনার পরিদর্শন করলাম ও প্রত্যেকটি সৈনিকের সঙ্গে কবমর্দন করে বিদায় গ্রহণ করলাম।...

বহরমপুর ষ্টেশনে এসে জানা গেল ট্রেনের একটু দেরী আছে। তাই বিশ্রামাগারে বসে, বাইরে প্রাচীরেরে মালপত্রের ওপর বসে অপেক্ষা করতে লাগলাম। নানাবয়সের ও নানাচেহারার অসংখ্য নরনারী চলাফেরা করছে। ষ্টেশনের কর্মতৎপরতা দেখলাম। সবই যেন নতুন মনে হলো। শুধু ষ্টেশন কেন, বাইরের আকাশ, গাছপালা, কর্মমুখর অগভীর প্রত্যেকটি নর ও নারীকে একেবারে অভিনব ও অপরূপ মনে হতে লাগলো!.....

একদল মহিলা কেন জানিনে বারবারই আমাদের লক্ষ্য করছেন। ঠুঁরাও যে বহরমপুর শহরের লোক নন, তা সহজেই অনুমান করলাম, নিশ্চরই কোনো বন্দীর সঙ্গে সাক্ষাৎ করতে এসেছিলেন। উঠলাম কিন্তু আমরা একই ইন্টারক্লাস বগিতে, তথাপি দৃষ্টিক্ষেপে তাদের আমার সঙ্গে কথা কইবার প্রবল আগ্রহ দেখা গেলেও বোধহয় সঙ্গী আই বি দারোগা ও সশস্ত্র সিপাইদের দেখে তারা ইতস্ততঃ করছিলেন।

কিন্তু গোরালন্দে এসে যখন ষ্টীমারেও আমরা একই ইন্টারক্লাস কামরায় উঠলাম, তখন ওদের মধ্যে বসীয়াসী যিনি, তিনি এগিয়ে এলেন।

তুমি কি বহরমপুর থেকে আসছো, বাবা?

আজ্ঞে হ্যাঁ।

আমরাও ওখানে গিয়েছিলাম আমার ছেলেদের সঙ্গে দেখা করতে। প্রভাত গুপ্ত—প্রভাস গুপ্ত আমার ছেলে।

পদধূলি গ্রহণ করলাম। বললাম : আমি তাঁদের খুব চিনি।

তারপর তাঁরা সবাই আমার ঘিরে বসলেন এবং খুঁটিয়ে খুঁটিয়ে ওখানকার খাওয়াখাকা, সুবিধে-অসুবিধে সম্বন্ধে নানাপ্রশ্ন করতে লাগলেন। স্বপ্নে

অন্তরীণের আদেশ পেয়ে যাচ্ছি শুনে মা দার্বশ্বাস ফেলে বললেন : কী যে করেছ তোমরা, তা আমরা জানিনে, টেরও পাইনে। এমনি কাজ কেনই বা করতে যাও, বাবা? পারবে কি তোমরা ইংরেজকে এদেশ থেকে তাড়িয়ে দিতে?

বললাম : সারা অন্তর দিয়ে আমরা কিন্তু মা তাই বিশ্বাস করি।

মা বললেন : বিশ্বাস করতে পার এবং বিশ্বাস রাখা ভাল। কিন্তু তোমরা তো জান না, তোমাদের এমনিভাবে জেলে নিয়ে গেলে মা বাবার মন কতখানি ভেঙে পড়ে? সারারাত আমাদের ঘুম হয় না। ভাবি, সেখানে কি জানি তোমাদের খেতে দিচ্ছে কিনা, শোবার জায়গা দিচ্ছে কিনা, কি জানি সেখানে তোমাদের ওপর নির্গাতন করছে কিনা। এইসব ভাবনাতেই আমাদের আয়ু যায় কমে আর বেঁচে থাকতেও সাধ হয় না।

মায়ের গলার স্বর ভারি হয়ে এল। জবাব আমি দিতে পারতাম, যুক্তি দেখাতে পারতাম প্রচুর, কিন্তু কিছুই করলাম না, কিছুই বললাম না। নীরবে বাংলাদেশের অসংখ্য মায়ের ভৎসনা যেন শুনতে লাগলাম পরম শ্রদ্ধাভরে!

গৃহে ফিরে গেলে জানি, আমারও মা এমনিভাবে তিরস্কার করবেন আমায়, কত দুঃখ জানাবেন, এই সর্বনাশা পথ ত্যাগের জন্তু কত অনুবোধ জানাবেন। কিন্তু সজে সজে সারা অন্তর দিয়ে এ বিশ্বাসও রাখি, এই বাংলা দেশের মায়েরাই দামাল ছেলেদের রণক্ষেত্রে পাঠিয়ে দিয়েছেন নিজেদের হাতে সাজিয়ে,— মাথায় পরিয়ে দিয়েছেন উষ্ণীষ, কোমরে তুলিয়ে দিয়েছেন তীক্ষ্ণধার তরবারী, বক্ষে এঁটে দিয়েছেন বর্ষু আর ললাটে এঁকে দিয়েছেন রক্তাক্ত তিলক, তারপর আশিস্ চুপন দিয়ে পাঠিয়ে দিয়েছেন রণক্ষেত্রে। বাংলার বিপ্লবীদের অসামান্য সাফল্যের পশ্চাতে রয়েছে মায়েরই নীরব আশীর্বাদ!

এসে নামলাম সেই লৌহজংএ। তারপর নৌকাযোগে এলাম সেই শ্রীনগর থানায়, সেখানে একটু বিশ্রাম করে সেই পুঁটিমাঝা খাল দিয়ে এলাম আবার আমাদের গ্রামের সন্নিকটে। মাঝির মাথায় বায়ুবিছানা চাপিয়ে রওনা হলাম গ্রামের দিকে।

গ্রামে প্রবেশের প্রাকালে সর্বাঙ্গে দেখা হয়ে গেল আমার পুরাতন মাঝি বছিরদি শেখের সঙ্গে। বাটা বিরাট একটি ঘাসের বোঝা মাথায় করে যাচ্ছিল,

দূর থেকে ক্ষেতের আইল ধরে একজন ভদ্রলোককে মালপত্র নিয়ে আসতে দেখে থমকে দাঁড়ালো। তারপর যেই চিনতে পারলো, অমনি বোঝা ফেলে দিয়ে পাগলের মতো ছুটে এল কাছে। মাটিতে একেবারে সটান শুয়ে পড়ে ছুই হাতে পদধূলি গ্রহণ করতে লাগলো। বাধা দিলাম, শুনলো না। বলতে লাগলো : আইছেন—আইছেন কত্না ? হঃ, কদিন ভাবছি কত্না করে আইবো। গেরাম একেবারে খালি হইয়া গেছে। ভালোই লাগে না আর কোনো কিছু।—হেই মাঝি, দে ব্যাটা দে, বাক্সবিছানা আমার মাথায় তুইলা দে।

বলে সে মাঝিকে আর কোনো কথা বলতে না দিয়ে বাক্স ও বিছানা এক-রকম কেড়ে মাথায় তুলে নিয়ে অবলীলাক্রমে ছুটে চলে গেল গ্রামে ও আমাদের বাড়ীতে স্তম্ভবৃন্দটা পৌঁছে দিতে।

ধোপাবাড়ী ডাইনে বেগে প্রবেশ করলাম পাড়ায়। তারপর বাঁদিকে পড়লে গিরিশ কাকার বাড়ী, তারপর হেরমদার বাড়ী, তারপরই বিলাস কাকার সেই বৈঠকখানা, গ্রেপ্তারের প্রাক্কালে যেখানে ছোট-খাটো একটা সভা হয়েছিল। ডানদিকে ঘুরে একটু দূরেই দেখা যাচ্ছে আমাদের বাড়ী। দেখলাম, আমার অভ্যর্থনা জানাবার জন্তু দাঁড়িয়ে আছেন মা, বাবা, বৌদিরা, ছোট ভাই রঙ্গলাল !

বছিরদি শেখ অনর্গল ভাষায় তখনো বক্তৃতা করে কি তাঁদের বোঝাচ্ছে। সেইদিন থেকে স্নক হলো স্বগৃহে অন্তরীণের জীবন।...

উনত্রিংশ

খাবা সঠিক অর্থাৎ বাত নাখেন না, স্বগৃহে অস্ত্রবীণের কথা শুনেই তদ ত্রা ত্রাবা উৎকর্ষ হইবে উচ্চবেদ। এতদেবে স্বস্থির মনস্বাস জাগবেন না, বাকু গো, গবু গু গো মনি না, স্বগৃহে হা হ বাবা, মা, নাহ, মনি আস্থ বসন ও গীতবেশাব সা মনি মননা শা মনবা বিবেচনা। নেই প্রগাঢ়ন দাদি গুগাণা বাচশ এগা মনেব পা মনি ব মনন্দ বাচ উচ্চত চ বন যাগ চাব গোণা দেসিব ও মনী গবুচন্দ গিবজ। নেই মনি মনাইবেব ভবিলা ও অসত আচবণ, গলাশা নামে নেই আত মন আনসাবদন অবন মনাবিব বাবশা, নেই গুনা ও আব লক্- আবে বেন্দন বাবে।

সামান্য বসে প্রগাঢ়ন বো দদেব সঙ্গে সগম কবেই কাটিয়ে দেব বাবে ঘন্টা বা বা বনট, জ্যোৎস্নাবাতে আমাদো হাদে জমানো বাবে আবাব সেই পা মনি বাক অকবন্ত আছা, সাবাট দিন গকনেব পাশ্চম পাড়ে হিঅল গাছেব কোণে ছা চি। মনে বসে দি'বা তোলা বাবে প্রান প্রতিচানেই পুটি, ট্যাংবা, বে.ম অধবা নাক। স্বভাবগেই গাবা ভাববন, স্বগৃহে অস্ত্রবীণের সঙ্গে মুক্তিব পার্থক্য এতাবাবেই অর্থাৎকব।

আমনি বাই প্রান বন্দা'শবিবেব সঙ্গে তুলনায় স্বগৃহে অস্ত্রবীণাবস্থাকে আদো প্রা' মনি চক্ষু দেব গাম না আমবা। এক্ষেত্রে যে সগুহান মু' দাদানেব পু.মই মপু স্বগৃহে এনে বিচ্ছ'দন আটক বাবা হেতা, তা একেবাবেই স'ত্রা নয়। আমাব মনেব ক'ত্রে এব ব্য' ত্রম দেগা গেছে। ববং অসময়ে মুক্তিব পশ্চাৎ পু'লশেব বে না ও থাকে, স্বগৃহে অস্ত্রবীণ কববার বেলাতেও তাই। অন্যং. বিশেষ কোনো প্রলাকা গোক মপু সর্মিাবে আবও কিছু সদগুকে মাটিব ওলা থেকে লোল দাখবে বাত'ব এনে হ'তকডা লাগানাই এত উদ্দেশ্য। অনেকটা, খাচাব মনো ছাগল পুবে হিংস্র খ্যাঘ্রকে ফাঁদে আটকাবাব চেষ্টা। আব এমনই ফাঁদ, চক্রবূহেব মতো অস্ত্রবীণাব বেলায় যে সামান্য উদাব, একমু বিদায়ের ব্যাপাবে অত্যন্ত রূপণ।.....

সবকাবী অফিসাবদেব স্বাক্ষরযুক্ত যে হুকুমনামা হাতে দিবে স্বগৃহে অস্ত্রবীণের আদেশ জারী করা হয়, তার দুইটি স্তম্ভ এমনি :

এক : স্বগ্রামের সীমানার মধ্যে থাকতে হবে চব্বিশটি দশটা আর সন্ধ্যা ছ'টা থেকে ভোর ছ'টা পর্যন্ত থাকতে হবে একেবারে স্বগৃহের চারখানি দেয়ালের মধ্যে ।

তই : কোনো ছাত্র, শিক্ষক অথবা ভিন্ন গ্রামের কারুর সঙ্গে কথা কওয়া নিষেধ ।

আমার বেলায় কর্তারা খেললেন আর একটি বিশেষ রকমের চাল । দিনের বেলা আমার চলাফেরার সীমানা নির্দিষ্ট হলো শুধু আমাদের কেয়টখালী গ্রাম নয়, আশেপাশের ছ'-চারখানা গ্রামও নয়—একেবারে গোটা বিক্রমপুর বলা চলে । পূর্বের সীমানা হলো তালতলা, পশ্চিমে নির্দিষ্ট হলো আড়িয়ল বিল, দক্ষিণে লৌহঙ্গ এবং উত্তরে সীমানা হলো ধলেশ্বরী নদী । এই বিস্তীর্ণ এলাকার পরিধি অনূন ১৬৮ বর্গ মাইল ।

যারা ভেতরের সংবাদ রাখেন না, তাঁরা হয়তো খুশীতে ডগমগ হয়ে উঠবেন একথা শুনে । কিন্তু এর আসল উদ্দেশ্য হচ্ছে—একটি বিরাট এলাকার ঘোরাকেরা করবার সুযোগ দিয়ে অসংখ্য চর লাগিয়ে আমার গতিবিধির রিপোর্ট সংগ্রহ এবং সুযোগ বুঝে একএকটি করে আশ্রয় কক্ষকে পিঞ্জরাবদ্ধ করা ।

এটা সহজেই ধরতে পেরেছিলাম আমি । দিনের বেলায় বিরাট এলাকার অবাধে ঘোরাকেরার স্বাধীনতা দিয়ে আবার ভিন্ন গাঁয়ের কারুর সাথে কথা কইতে বারণ করে দেবার পশ্চাতে যে গুট অভিসন্ধি আছে, সহজ লজিকেই তা ধরা পড়ে । কিন্তু ধরা পড়বার এই সহজ সত্যটাই ত্রৈ 'বুদ্ধি শাখা'র অশেষ বুদ্ধিশালীদের মগজ্ঞে একটি বিলম্ব ঘা দেয় । ট্রাজেডি ত্রৈখানেই !

বাড়ীতে এসে আমি বেশ বৃষ্টিতে পারলাম ওরা গভীর জলের আরো গোটাকতক মৎস্য শিকারের উদ্দেশ্যে স্বগৃহ 'চার' করে লোভনীয় 'টোপ' ফেলতে চায় । ফলে, এবার শুরু হলো আমার সঙ্গে ওদের বুদ্ধির লড়াই ।

প্রথম দিনেই মনে মনে সংকল্প করলাম যে, আমার ও অগাণ্ড বন্ধুদের অবর্তমানে যে যোগাযোগ-গ্রন্থি ছিন্ন হয়ে গিয়েছিল, শুধু তাই জুড়ে দেয়া নয়, স্বগৃহে ফিরে আসার পূর্ণ সুযোগ নিয়ে এমন একটা কিছু করতে হবে, যাতে মূর্খ Intelligence Branch অর্থাৎ আই বি মর্মে মর্মে উপলব্ধি করে ওদের

মারাত্মক ভুল কোথায়। বুদ্ধির লড়াইতে গুদের ধরাশায়ী করাই আমার ব্রত হয়ে দাঁড়ালো।

আমাদের বাড়ীতে একখানা একতলা দালান আছে। খুব বড় বড় কোঠা। তার দক্ষিণের কোঠাটি আমি দখল করলাম। আমাদের বাড়ীতে প্রবেশের সদর এদিকে। তাই মা আপত্তি করলেন না।

অগ্ন্যাগ্ন দশজন শুভানুধ্যায়ীর মতোই বাবা সবকারী ছকুমনামা পাঠ কবে আশান্বিত হয়ে উঠলেন, এবার ওরা ছেড়ে দেবে শুধু একটুখানি চুপ করে থাকলেই। কিন্তু মা আমার জানতেন একটু বেশী নিবিড়ভাবে। তাই নিজের আশার আলোকরেখা দেখতে পেলেও আমার কাছে এলেন যাচাই করতে।

কি রকম দিলি আই এ পরীক্ষা ?

হেসে জবাব দিলাম : পাশ করে যাবো।

শুধু পাশ!—মা বিষয় প্রকাশ করে বললেন : প্রশ্ন বুঝি খুব শক্ত এসেছিল আর জেলের মধ্যেও বোধহয় স্বদেশীর পোকা তোমায় কামড়ানো ছাড়েনি ?

কৈফিয়েৎ দিতে চেষ্টা করলাম : না, না, পোকা নয়। আসল কথা, বই যে একখানাও কিনিনি। পরের বই ধার করে পড়ে শুধু পাশই করা চলে মা, ষ্ট্যাণ্ড করা যায় না।

পাশেই প্রকাণ্ড কাঁচের আলমারী ভক্তি নতুন বইয়ের সারি দেখিয়ে মা জিজ্ঞেস করলেন : এই বাইরের বইগুলো কিনতে পারলি আর পাঠ্য বইগুলো—

বাধা না দিয়ে পারলাম না : শুধু কি তাই, বহরমপুরে রাজবন্দীদের প্রত্যেকটি কাজেই যে আমায় যেতে হতো—

মা গম্ভীর হলেন : কেন, ঐ তিনশো বন্দীর মধ্যে কি তুমি একাই ছিলে মাতব্বর ?

কী জবাব দোব ? চুপ করে থাকলাম। মা রেগেছেন, এবার বকবেন।

কিন্তু না তা নয়। মাপার বালিশের পাশে ঝপ করে বসে পড়ে আমার চুলের মধ্যে হাত বুলোতে বুলোতে বললেন : সে কথা যাক। আমার একটা কথা রাখবি বল ?

কি কথা ?

আগে রাখবি বল্ ? কথা দে—

কি কথা, বল না !

না। আগে কথা দিতে হবে।

ইতস্ততঃ করে বললাম : দিতে পারি শুধু একটি কথা বাদে। আর সেটা যে কী কথা, তা তো তুমি জানোই মা !

হাত থেমে গেল। গাঢ় গলায় মা বললেন : তা জানি, তুমি কথা দেবে না। কত আশা ছিল তোমার বাবার, তুমি বিলেত যাবে, ব্যারিষ্টার হবে, বংশের মুখ উজ্জ্বল করবে। এখন দেখছি, তোমায় জেলের বাইরে রাখাই মুঙ্গিল।

আবহাওয়া হাল্কা করবার জন্তু বলে উঠলাম : কেন, এই তো জেলের বাইরে এসেছি। তোমার কোলে মাথা রেখেছি। গল্প করছি—

মা হেসে ফেললেন। বললেন : কিন্তু রাত্রে অন্ধকারে যারা চুপি চুপি এসে এই ঘরে ঢোকে, অন্ধকারেই বসে ফিস্ ফিস্ করে কথা কয়, আবার একসময় চোরের মতো পা টিপে টিপে যারা বেরিয়ে যায়, তারা যে বেশীদিন তোমায় বাইরে থাকতে দেবে না, তা আমি জানি।

বললাম : ওদের কী দোষ ?

মা বললেন : দোষ ওদের নয়, দোষ তোর নিজের।

কিন্তু পুলিশ টের পাবে না। দেখো তুমি মা, কাজ আমাদের চলবেই আর ওরা ভাববে আমি গুড বয়ের মতো খাই আর খুমোই।

মা বুঝলেন হুকুমনামা দেখে বাবা উল্লসিত হয়ে উঠলেও তাঁর সে ভুল করবার ছুঁদিন এখনো আসেনি ! মা আমায় চেনেন।

সত্যিই, কালক্ষেপ না করে কাজ শুরু হয়ে গেল। গোপনে বৈঠক হলো অনেকগুলো। একসঙ্গে বসে বিতর্ক-সভা নয়—পৃথকভাবে। এলো স্ববোধ চক্রবর্তী, এলো মধু ভট্টাচার্য্য, ইন্দু সরকার ; এলো কানাই ব্যানার্জী, বিষ্ণু চক্রবর্তী, ও পরাণ চ্যাটার্জী। আর আমাদের গ্রামেই তৈরী হয়ে উঠলো বিপদভঞ্জন চ্যাটার্জী, খগেন চক্রবর্তী, অনাথ চক্রবর্তী ও মণি চ্যাটার্জী।

স্থির হলো সর্বাগ্রে সংগঠন, তারপর ট্রেনিং, তারপর পরিকল্পনামুহুরী

এ্যাকশন! বৃটিশ গভর্নমেন্টের সর্কাপেক্ষা বুদ্ধিশালী বিভাগের সঙ্গে সুরু হলো বুদ্ধির লড়াই। ছনিয়ার যে কোনো কামানের লড়াইয়ের মতোই এটা মারাত্মক ও ভয়াবহ। প্রত্যেকটি ইচ্ছিয় রেখেছি সজাগ কান-খাড়া বুলডগের মতো। শত্রুর অনুপ্রবেশের প্রত্যেকটি পথে অহর্নিশ রয়েছে অতন্দ্র পাহারা। অবিশ্বাস করছি দেয়ালকে, সন্দেহ করছি সন্দেহাতীত সুহৃদকে। নিজের ছায়াকে বিশ্বাস নেই, বিশ্বাস নেই নিজের হাতকে! ক্ষুরধার বুদ্ধির কাঁটাগুলো উঁচিয়ে রেখেছি সজারুর মতো। সাপের মতো বৃকে হেঁটে হেঁটে এগিয়ে যেতে হবে শত্রু সীমানায়। সন্তুর্পণ অন্তসন্ধানে বার করতে হবে লক্ষীন্দরের লৌহ-গৃহের অসতর্ক ছিদ্র!.....কামানের লড়াইয়ে তবু আছে বিরামের আশা, সন্ধির আশ্বাস, ভাসাইয়ের পুনরাবৃত্তি! কিন্তু বুদ্ধির লড়াই চলে অবিশ্রাম একটানাভাবে। সুরু আছে এর, শেষ নেই। মজঃফরপুরে হয়েছে এর সূত্রপাত, পরিণতি লাভ করেছে ইশ্ফল পাহাড়ের চূড়ায়, শেষ কবে হবে কে জানে!.....

ত্রিশ

সংবাদ নিলাম, রেণু এখানে নেই, স্বপ্নরবাড়ীতে। আসবার কথা আছে শীগ্গিবই। তার খোকা হয়েছে একটি।

কিন্তু কিছুতেই পারছিলাম না রেণু মা'র সঙ্গে দেখা করতে তাঁদের বাড়ী গিয়ে। কারণ শুধু একটি এবং সে কারণটি এমন মন্বম্পর্শা যে, তাকে অস্বীকার করবার উপায় নেই।

রেণু দাদা ত্রিলোকেশ, গুরুর মাণিক, আমার অন্তর্ভুক্ত বন্ধু। সর্বপ্রকার রাজনৈতিক কাজে সে-ই ভূমিকা ছিল আনাব দক্ষিণ হস্ত। অনেকটা তাঁর সিংয়ের মতো। কথা বেশী কয় না, বেশী লোকজনের সান্নিধ্য সঙ্গদাই এড়িয়ে চলে। যখন যেখানে যে অবস্থায় যেতে বলা হবে, যা করতে বলা হবে, সে যাবেই এবং তা করবেই। কোনো কারচুপি, ষ্ট্যাটেজি বা কৌশলের ধার ধারে না মাণিক। এগিয়ে যেতে যেতে এক পা পেছিয়ে আসবার কুটনীতি তার অন্তর স্পর্শ করে না। কাজের শেষে সে যদি ফিরে না আসে, তাহলে বুঝতে হবে হয় কাজ শেষ হয়েছে, নইলে সে নিজে শেষ হয়ে গেছে! এদ মধো কোনো রফার অবকাশ নেই। Light Brigade-এর সৈনিকের মতো—

Their's not to reason why,

Their's but to do or die.....

স্বচ্ছায় সে নিয়েছিল আমার দেহরক্ষার কাজ। সর্বত্রই সে ছায়ার মতো নিঃশব্দে আমার পাশে পাশে থাকতো। সর্বদাই পকেটে বা বেণ্টে থাকতো তার একটি রিভলবার। গুলী ভরা ছ'ঘরা রিভলবার। চালাতে হয়নি তাকে কোথাও আমার দেহরক্ষার জন্ত, তা সত্যি। কিন্তু চালাবার ক্ষণতম প্রয়োজন দেখা দিলেই যে বাঘের মতো মাণিক লাফিয়ে পড়বে সম্মুখে, তা সর্ব অন্তর দিয়ে বিশ্বাস করতাম আমি।

ড'বছর পূর্বে আমি গ্রেপ্তার হবার কিছুদিন পর সেও গ্রেপ্তার হয় এবং রাজবন্দী করে তাকে বহরমপুরেই আমাদের পুরোনো বন্দীশিবিরের পাশেই একটি নতুন বন্দীশিবিরে অত্যাচার সঙ্গে আনা হয়। কিছুদিন পরই পাঠানো হয় তাকে বশোহরের কোনো গণ্ডগ্রামে থানায় অন্তরীণ করে। বেরিবেরি রোগে আক্রান্ত হয়ে সে প্রাণত্যাগ করে বিনা চিকিৎসায় ও বিনা শুশ্রুষায়।

বাড়ীর বড় ছেলে। তাও আবার যার তার নয়, স্বয়ং বিলাস কাকার ছেলে। বৃদ্ধ কাকার হাত থেকে সংসারের সমস্ত ভার মাণিকই স্বক্কে তুলে নেবে, এই ছিল তাঁদের কামনা! দেওভোগের সাউদের বলেও রেখেছিলেন কাকা যে, এবার মুক্তি পেয়ে এলেই তাকে বসিরে দেবেন কাছারিতে, নায়েবের কাজ পুঙ্খানুপুঙ্খ শিখিয়ে দেবেন। কাকা আর ক'দিন? কাকীমাও সিংপাড়াব কোন্ এক ব্রাহ্মণকন্টার পিতাকে কণাই দিয়ে রেখেছিলেন যে, মাণিক এবার ফিরে এলেই হয়...আর কি মিশতে দেবেন গাঙ্গুলী বাড়ীর ঐ দ্বিজেন গাঙ্গুলীর সাথে?...

কিন্তু হায়, দ্বিজেন গাঙ্গুলী ফিরে এলো বাড়ীতে, মাণিক আর এলো না! কী করে যাই কাকীমাকে প্রণাম করতে? কী বলে সাহুনা দোব তাকে? মৃত্যু যে অবধারিত নিশ্চয় সত্য, তা জানি, কিন্তু এমনি করে অজানা অচেনা দেশে নিজের ঘরে একা একা ধুকতে ধুকতে মরা, এর ধাক্কা কী করে সামলাবেন কাকীমা?

তবু গেলাম, অপরাধীর মতো নীরবে মাথা নীচু করে তীব্র ভৎসনা গ্রহণ করবার জন্তই গেলাম! কাকীমা রান্নাঘরে রাঁধছিলেন। আমি হাঁক দিতেই ত্রস্তপদে বেরিয়ে এলেন। আমি পায়ের ধুলো নেবার জন্ত নীচু হতেই শুধু একটি প্রশ্নই শুনলাম কানে: তুই তো ফিরে এলি, কিন্তু আমার মাণিককে কোথায় রেখে এলি রে?—

সংজ্ঞাহীন দেহ তাঁর মাটিতে লুটিয়ে পড়লো। জ্ঞান ফিরে আসা পর্য্যন্ত আর অপেক্ষা করলাম না আমি। কারণ, এমনি একটি প্রশ্ন কাকীমা উচ্চারণ করবার পূর্বেই আমারও মনের কোণে দেখা দিচ্ছিল বিজলী চমকের মতো। মাণিক কোথায়? কোথায় আমার দেহরক্ষী? কোথায় আমার দক্ষিণ হস্ত?নিজের প্রশ্নের জবাব নিজেই পাইনি খুঁজে। তাই পলিয়ে এলাম।

মনে পড়ে কয়েক বছর পূর্বেকার কথা। কলকাতা মিডিল্ রোডে থাকতো সে সহানুভূতিহীন কাকার বাসায়। বাবা পাঠিয়েছিলেন চাকরির চেষ্টা করবার জন্ত। পাড়ার সুশীল চক্রবর্তী কলকাতাতেই ভালো একটা চাকরি করতো; কাকার বাসায় মাণিকের লাঞ্ছনা-গঞ্জনার অবধি ছিল না; সময়মতো বাড়ীতে না ফিরে গেলে প্রায়-দিনই হয় তার জন্ত খাবার থাকতো না বা কম থাকতো অথবা হয়তো একখানা থালায় সব ঢেলে দিয়ে এমনি অসাবধানতার সঙ্গে ফেলে

রাখা হতো যে, বেড়ালে সব খেয়ে যেতো। কিন্তু কাজের নেশায় এমনি মশগুল ছিল সে যে এসব অসুবিধাকে ক্রক্ষেপই করতো না। বহু জেরা করে করে সুশীল হয়তো একদিন জানতে পারতো যে গত ক'দিন মাণিকের খাওয়াই হয়নি। এই অন্ধাশন ও অনশন থেকে বাঁচাবার জন্য সুশীল বিশেষ-ভাবে চেষ্টিত হয়ে উঠলো।

জুটলোও একটা চাকরি কলকাতার বাইরে খুলনাতে। কিন্তু মাণিক যেতে রাজী নয়। এদিকে সুশীল আমার গোপন সমর্থন পেয়ে মাণিকের বাড়ীতে সংবাদ পাঠিয়ে, নিজের ওর জামাকাপড় ও খাঁকি হাক প্যান্ট কিনে দিয়ে এই ব্যাপারে এমনি অগ্রসর হয়ে পড়লো যে, মাণিকের আর প্রত্যাখ্যান করবার উপায় রইলো না। খুলনা যাবার দিন স্থির হয়ে গেলো। কোন্ একটি মোটর সারাই কারখানায় চাকরি। প্রারম্ভে লোভনীয় কিছু না পেলেও কামড়ে পড়ে থাকতে পারলে ভবিষ্যতে আশা আছে।

মাণিকের কলকাতা ত্যাগের দিন এগিয়ে আসার সঙ্গে সঙ্গে দলের কাজে অকস্মাৎ আমারও একবার বিক্রমপুরে যাবার প্রয়োজন দেখা দিল। ঢাকার লোম্যান ও হডসন সাহেবকে গুলী করে বিনয় তখন পলাতক। নির্দেশ এসেছে, একটি রিভলবার নিয়ে বিক্রমপুরে গিয়ে সেটা বিনয়ের কাছে পৌঁছে দেবার ব্যবস্থা করতে হবে। কী করে রিভলবার সঙ্গে করে কলকাতা থেকে কেয়টখালী পৌঁছোই? একটু ভাবনার পড়লাম।.....অসীম সাহসে ভর করে একদিন ট্রেনে গোয়ালন্দে শ্রীপদেব কোয়ার্টার “আমীর” ষ্টীমাবের ফ্ল্যাটে পৌঁছোলাম। সেখানে ছ’একদিন অপেক্ষা করে সুযোগ বুঝে অকস্মাৎ একদিন নারায়ণগঞ্জ মেল ষ্টীমারে পাড়ি দোব স্থির করলাম।

কিন্তু পরদিন অকস্মাৎ কলকাতা থেকে মাণিক গোয়ালন্দ এসে হাজির! ক্ষুণ্ণ মনে প্রশ্ন করতে সে তার স্পষ্ট জবাব দিল: আমার একটা চাকরি গেলে আবার চাকরি পাবার সম্ভাবনা আছে। কিন্তু বিনয় বোস বাংলা দেশে একজনই আছে। এই মহা সত্যটি ভুলো না, বুঝলে?

মাণিক রিভলবারটি নিয়ে কোমরের বেণ্টে এঁটে নিল এবং ষ্টীমারে চড়ে বসলো। টাঁদপুর মেল ষ্টীমারে গেলাম আমরা বাতে কেয়টখালীতে অনেক রাতে পৌঁছোই। অর্থাৎ অসময়ে।

কাটিরপূর্ব থেকে হাঁটা-পথে যখন আমরা কেয়টখালী পৌঁছোলাম, তখন রাত

বারোটা বেজে গেছে। আমাদের বাড়ীর সবাই ঘুমিয়ে পড়েছেন। গ্রামও নিশ্চল। মাণিক চাকরিতে না গিয়ে বাড়ী চলে এসেছে আমার সঙ্গে, বিলাস কাকা এটা কিছুতেই বরদাস্ত করবেন না জেনে মাণিককে আর গুদের বাড়ী যেতে দিলাম না।

মাকে ডেকে তুললাম, সোনাবৌদিও উঠলেন। বললাম, একজন অতিথি আছেন দক্ষিণের ঘরের অন্ধকাবে বসে। তিনি থাকেন, আমিও থাকো।

মা জিজ্ঞেস করলেন : অন্ধকাবে বসে? সে কেমন অতিথি রে?

গম্ভীর মুখে বললাম : তা জেনে তোমার কী প্রয়োজন মা? এখন আলু আর ডিম সেদ্ধ দিয়ে ভাত দাও চড়িয়ে। ক্ষিদেয় পেট জ্বলছে।

সোনাবৌদি বললেন : তোমার অতিথিরা বেশ ঠাকুবপো! আসেন রাত বারোটার, থাকেন অন্ধকাবে বসে, থাকেনও নিশ্চয়ই অন্ধকাবে এবং তারপর ভোর ভবাব পূর্বেই বোধহয় সম্মানিত অতিথি বদায় নেবেন?

বললাম : ভবত যা বলেছ! এবার দয়া করে যদি—

রাগা হলো। বৌদি বড় একগালা ভাত, ডিম ও আলু সেদ্ধ দিয়ে মেখে দিয়ে গেলেন দক্ষিণের ঘরের অন্ধকাবে টেবিলের ওপরে। খেলাম মাণিক ও আমি।

মা আবার জিজ্ঞেস করলেন ঘরের বাইরে থেকে : এই, অন্ধকাবে যাচ্ছিস কেন, আলো জ্বালিয়ে নে না। অন্ধকারে খেতে নেই।

বললাম : না পাবলে তো অতিথির সঙ্গে তোমাদের পরিচয়ই করিয়ে দিতাম মা!

মাণিক নয় তো?—অকস্মাৎ বজ্রাঘাতের মতো প্রশ্ন করলেন মা।

অবলীলাক্রমে সন্তোর মতো কবে বলে গেলাম : পাগল হয়েছ তুমি মা? মাণিক চাকরি পেয়েছে খুলনায়। কবে চলে গেছে সেখানে। আর চাকরি ফেলে কি ওকে আর এখানে আনা যায় কখনো? না আনা উচিত?

মা আর প্রশ্ন করলেন না। কিন্তু বিস্মিত হলাম মার শারলক হোমীয় বিচারবুদ্ধি দেখে!... ..

সেই রাতেই পূর্ব পাড়া থেকে অনাথকে ডেকে তুলে তাকে সঙ্গে করে পাঠিয়ে দিলাম মাণিককে তিন মাইল দূরে কোলা গ্রামের বিষ্ণু চক্রবর্তীর বাড়ীতে।

মাণিক সম্বন্ধে এমনি অনেক কথা সেদিন যেমন মনে পড়েছিল, আজও তেমনি পড়ে। আমার জীবন-গন্দারকে ঘিরে রয়েছে মাণিকের স্মৃতি-সৌরভ!

মাণিক সত্যিই ছিল মাণিক। হীরা, চুনী বা পান্না নয়, মাণিক ছিল সাপের মাথার মাণিক! নিবিড় অন্ধকারে তার স্তিমিত ছাতি আলোকরেখা বিকিরণ করতো চলার পথে!

সেই মাণিক হারিয়ে গেছে, সেই হীরা সিংএর মৃত্যু হয়েছে।.....

শৃঙ্খলাব সঙ্ঘে কাজ সুক হয়ে গেল। সংগঠনের কাজ। গ্রাম থেকে গ্রামান্তরে আমাদের সংগঠকরা হানা দিতে লাগলো সূঁচ হয়ে এবং অতি দ্রুত অগচ সীমাহীন সতর্কতাব সঙ্ঘে একটি একটি করে ছেলে নিয়ে এসে পরিচয় করিয়ে দিতে লাগলো আমার সাথে। ওদের সঙ্ঘে আমার সাক্ষাৎ হতো প্রায়ই বিরাট মাঠের মাঝখানে হয়তো কোনো গাছের ছায়ায় কোপের আড়ালে। এতে দারুণ সুবিধে ছিল একটা। চারিদিকে শোনবার মতো দেয়াল নেই, দরজা-জানালায় আড়ালে লুকিয়ে লক্ষ্য করবার সুবিধে নেই। চারিদিকে বিরাট মাঠের কোথাও নেমে আমাদের দিকে এগিয়ে এলেই বা আমাদের লক্ষ্য করলেই পরা পড়বার অনশ্চয়তা আছে। অর্থাৎ, গুপ্তচরেরা আমার কোনো সংবাদই সংগ্রহ করতে পারতো না।

সে যুগে বিক্রমপুরের গ্রামে গ্রামে অসংখ্য দিবাকর সেন চোখ ও কান সজাগ রেখে ঘোরাকেরা করতো হায়েনার মতো। এদের মধ্যে একদল ছিল, যারা সোজাসুঁজ ঢাক! আই বি অফিসের চাকুরে। একদল এদেরই নিয়োজিত চর, কমিশনে কাজ করতো। আর একদল ছিল, যারা এদের প্রায় সবাইকেই জানতো ও চিনতো এবং পাছে এদের বিরাগভাজন হলে হাতে হাতকড়া পরতে হয়, তাই তারা যুদ্ধিরের মতো সত্য সংবাদগুলি এদের প্রশ্নের জবাবে অসঙ্কোচে বিবৃত করে যেতো! এ ছাড়াও কিছু লোক অদ্রুত সত্যবাদিতার পরাকাষ্ঠা দেখিয়ে পুলিশের কাছে বা গুপ্তচরদের কাছে অযাচিতভাবে স্বদেশীদের সম্বন্ধে যত সত্যকথা সব খুঁটিয়ে খুঁটিয়ে প্রকাশ করতো ফলাফলের কথা আদৌ চিন্তা না করেই।

অর্থাৎ নিয়োজিত, কমিশনপ্রাপ্ত, স্বচ্ছাবৃত অথবা অসাধারণ সত্যবাদী অল্পস্র লোক বিক্রমপুরের প্রত্যেক গ্রামে কিলবিল করতো এবং তার ফলে কোন্ গণগ্রামের কোন্ অন্ধকার ঘরে কখন নিঃশব্দে একটি সূঁচ পড়েছিল, তার

গ্রাফিক সংবাদ যথাসময়ে গিয়ে পৌঁছোতো ঢাকা শহরে গ্র্যাসবি সাহেবের দপ্তরে। বিশ্বাস করবার ঝুঁকি ছিল ভয়ানক, আস্থা-স্থাপনের বিপদ ছিল সীমাহীন। কিন্তু এইসব বাধা-বিপত্তি ও আশঙ্কার মধ্যই চললে। আমাদের অনিয়ন্ত্রিত ও শৃঙ্খলাময় গুপ্ত অভিযান। গভর্নমেন্ট যেমন চালাকি করে দিনের বেলায় ঘুরে বেড়াবার জন্তু দিয়েছিল আমার প্রায় গোটা বিক্রমপুর, আমি ও তেমনি ওদের চালাকিব পূর্ণ স্বযোগ নিয়ে সারাতা দিন ঘুরে বেড়াইতাম গ্রাম থেকে গ্রামান্তরে। কিন্তু সন্ধ্যা হতেই পাখীরা যেমন কুলায়ে ফিরে যায়, আমি ও তেমনি ফিরে আসতাম কেয়টখালীতে আমাদের বাড়ীতে আমার দক্ষিণের কোঠায়।

কিন্তু তাই বলে কি সারারাত গুপ্ত বয়েব মতো বিশ্রাম নিতাম আমি? লোক-দেখানো সাধুতা ছিল বটে, কিন্তু তারপরই, রাত একটু বেশী হলে গ্রামের কর্মচাঞ্চল্য কমে এলে, পথঘাট নির্জন হলে, শোবার ঘরের আলোগুলো নিবে গেলে হয়তো মান্দারবাড়ী শ্মশানঘাটের ওপারে বট গাছটার নীচে একটি টর্চ জ্বলে উঠলো। ক্ষুদ্র টর্চ, ফোকাস করা প্রদীপের আলোর মতো। টর্চধারীর সংকেত বোঝা গেল, তাই খুলে গেল দক্ষিণের কোঠার দরজা নিঃশব্দে। নিঃশব্দ পদসঞ্চারে বেরিয়ে এলাম। কোঠায় গেলাম, কার কার সঙ্গে কথা বললাম এবং কখন আবার ভোর হবার পূর্বেই ফিরে এসে নিজের জন্তু সংরক্ষিত খাটখানায় দেহ প্রসারিত করে দিয়ে লক্ষ্মী ছেলেটির মতো শুয়ে পড়লাম, টিক্‌টিকিরা আদৌ হৃদিসই করতে পারতো না।

প্রতি বৃহস্পতিবার বিকেলের দিকে ঘাই থানায় হাজির। দিতে। শ্রীনগর থানা আমাদের গ্রাম থেকে প্রায় চার মাইল দূরে। যেতে হয় ষোলঘর গ্রামের মধ্য দিয়ে, স্কুলের পাশ দিয়ে, তারপর দেলভোগ গ্রামের সাউদের কাছারিবাড়ীর পূর্ব দিকের সড়ক দিয়ে, তারপর থানার পাশেই খালের ওপরকার পোল পার হয়ে। কিন্তু এ যাওয়া-আসাও ব্যর্থ হতে দিই না। ষোলঘরে আমাদের শক্তিশালী একটা ঘাঁটি স্থাপিত হয়েছে। ষোলঘর বাজারের বিলাস সাহার বিরাট চালের দোকানের বৃহৎ বাঁশের মাচার ওপর বসে বসে অতুল লক্ষ্য রাখতো পথের পানে। গোয়ালবাড়ীর নীচে দিয়ে বাজার এড়িয়েও যাওয়া যায়, কিন্তু পূর্ব ব্যবস্থামতো আমি ওপথে যাই না। চালের দোকানের পাশ দিয়ে যাবার সময় অতুলের সঙ্গে আমার হয় দৃষ্টি-বিনিময়, অমুচ্চারিত ভাষায় হয়ে যায় আমাদের আলাপ। তারপর থানা থেকে ফেরবার পথে আমি বাজারের

কাছাকাছি এসে ধরি চক্রমাপব ঘোষেব বাড়ী যাবার রাস্তা। তাঁর বাড়ী ছাড়িয়ে একটু উত্তরে গেলেই একটি বৃহৎ দীঘি। সেই দীঘির পারে অনেকগুলো আম ও চালতে গাছ। অবশ্যে তাব নীচে জঙ্গল জন্মে গেছে। সেই আম ও চালতে বনে হয়তো ইতিমধ্যেই বসে গেছে জ্বরী একটি বৈঠক। আমার যোগদানে তা প্রাণবন্ত হয়ে ওঠে।

একদিন এমনভাবে থানায় যাবার পথে মাঠের মধ্যে ঘোলাঘর হাই-স্কুলটাকে দেখেই মনে হলো, এই স্কুলটাকে দেখল করতে হবে। ঘোলাঘরে আমাদের ছেলেদের মধ্যে স্কুলের ছাত্র কেউ ছিল না, স্মরণে নিজেকেই পথ বার করতে হবে।

নির্দিষ্ট দিনে সঙ্গে নিলাম বিপদভঞ্জনকে। তারই বয়স একটু কম, স্কুলের ছাত্রদের সঙ্গে চট্ করে হয়তো পারবে মিশতে। তখন বেলা প্রায় বারোটা। পুরো দমে স্কুল শুরু হয়ে গেছে। ক্লাস এইটের যে-কোনো একজনকে সন্যোগ বন্ধে ভেঙে আনবার নির্দেশ দিলাম বিপদভঞ্জনকে। অপেক্ষা করতে লাগলাম অনতিদূরে একটা কাঠাল গাছের ছায়ায়।

একটু পর একটি পিবিয়ড শেখ হবাব ঘণ্টা বাজতেই দেখি, বিপদভঞ্জন একটি ছেলেকে সঙ্গে করে এগিয়ে আসছে। বুদ্ধিতে ও স্মরণে দীপ্ত ছেলেটির চেহারা।বোঝা গেল, বিপদভঞ্জনের পছন্দ আছে।

কাছে এসে সে বিস্মিত নেত্রে আমার পানে চাইতেই বললাম : ভাই, কিছু মনে করো না। তুমি ক্লাস এইটে পড় তো? তোমাদের ক্লাসে সমীর বিশ্বাস নামে কোনো ছাত্র আছে কি?

সমীর?—ছেলেটি মনে করবার চেষ্টা করলো : না, মনে পড়ছে না তো!
সমীর—সমীর—ও হ্যাঁ, একজন আছে, কিন্তু সে তো বিশ্বাস নয়, কুণ্ডু।

কুণ্ডু? নাঃ, আমি চাই সমীর বিশ্বাসকে।—আচ্ছা, কী রকম দেখতে বল তো?

ছেলেটি বিবরণ দিল : এই লম্বা-চওড়া চেহারা, খুব ভালো ফুটবল খেলে। পড়াশুনায় কিন্তু একেবারে গোল্লা।

বললাম নিরাশার সুরে : নাঃ, সে ছেলেটি দেখতে ছোটগাটো, অনেকটা তোমার মতো।—তোমার নাম কি ভাই?

বিজ্ঞানকুমার বসু।

কিন্তু ভারী মুন্সিলে পড়লাম তো ভাই ! সমীর আমাদের লাইব্রেরী থেকে একখানা বই পড়তে নিয়ে এসেছে সে আজ প্রায় এক মাস হবে। বলে এসেছিল ক্লাস এইটে সে পড়ে।

কোথায় আপনাদের লাইব্রেরী ?

ঐ তো বাড়ুঘো পাড়ায়। চেন তুমি বাড়ুঘো পাড়া ? তোমার বাড়ী কোন্ দিকে ?

বিজ্ঞান জবাব দিল : আমার বাড়ী খোলঘরে নয়, হরপাড়ায়।

বাঁচলাম !.....বললাম : যেও না তুমি একদিন লাইব্রেরীতে, অনেক ভালো ভালো বই আছে, পড়তে পারবে।—এই তো লাইব্রেরীর সহকারী লাইব্রেরীয়ান। এর নাম রবীন সরকার।

বিপদভঞ্জনকে জিজ্ঞেস করলো বিজ্ঞান : কখন আপনার লাইব্রেরী খোলা থাকে, রবীনবাবু ?

বিকেল চারটে থেকে রাত সাতটা পর্যন্ত ! আমি না থাকলেও তোমার অস্থবিধে হবে না !—থাকে ওখানে পাবে, তাকেই বলবে, সেই তোমায় বই দেবে পড়তে।—বলে রবীন নামধারী বিপদভঞ্জন বিজ্ঞানের কাঁধে একখানা হাত রেখে সম্মুখে বললো : তোমাদের ক্লাসে মাষ্টার গেছেন। এবার যাও। কাল ছুটির পব এসো পাঁচটার—আমি থাকবো ! কেমন, আসবে তো ?

আচ্ছা।

বিজ্ঞান চলে গেল।

এমনি করে খোলঘর স্কুলে প্রবেশ করা গেল বিজ্ঞানের হাত দিয়ে এবং এমনি করেই কৌশলে আমরা গ্রামের পর গ্রামে সংগঠনের কাজ চালিয়ে যেতে লাগলাম। যে কোনো ছুতোয়, যে কোনো ওজর দেখিয়ে আমরা যে কোনো একজনের সঙ্গে আলাপ করতাম ও অনুরক্ততা করে ফেলতাম। তারপব একটি-একটি করে টেনে টেনে এনে বিপ্লবমন্ত্রে দীক্ষা দিতাম।.....

একত্রিশ

ইঠাৎ একদিন শুনতে পেলাম রেণু এসেছে।

বর্ষাকাল। ওদের পাড়া ও আমাদের বাড়ীর মধ্যকার পথ বর্ষার জলে একেবারে ডুবে গেছে। নৌকো বাতীত তখন এক পা-ও কোথাও যাওয়া যায় না।

খোঁজ নিলাম। চাকর মহাদেব বেরিয়ে গেছে নৌকো নিয়ে কিছু গাব ফল পেড়ে আনতে। ভাবলাম, থাক গে, এত তাড়া কিসের? রেণুই তো আসবে জেল-ফেরৎ আগার সঙ্গে দেখা করে আশায় আভিনন্দন জানাতে! সবে তো এসেছে সে! নিশ্চয়ই একটু পরেই সে গুরুদাসকে সঙ্গে করে এসে হাজির হবে আমার ঘরে।

আবার 'আনন্দবাজার' পত্রিকাখানি তুলে নিলাম। কিন্তু পড়বো কি? ইংবাজী ভাষায় প্রাপ্ত সংবাদগুলির এমনি কটমট বাংলা তজ্জমা করেছে পত্রিকার বার্তা বিভাগের কত্তারা যে, একেবারে পড়তেই ঠেছে করে না।…… বিরাক্তির আর অবশি রইলো না। কাগজখানা ফেলে দিয়ে দক্ষিণের বাড় লেবু গাছে লেবু আরও হচ্ছে কিনা দেখতে যাবার জন্তু পা বাড়িয়ে জানিনে কখন এসে পড়েছি একেবারে উত্তরদিকের দোতলার পশ্চিমের ঝুল বারান্দায়।……ঐ যে, রেণুদের ঘাটে বাঁধা রয়েছে সেই ছট-ওয়াল। নৌকোখানা। ছইয়ের মধ্যে এখনো বিছানাটা পড়ে আছে। একটা ছোট বালিশ ও ছোটো ক্ষুদ্রাকার পাশ-বালিশ। রেণু ছেলের বিছানা। কী নাম ওর? কেউ জানে না আমাদের বাড়ীতে?……থাক্ গে, না জানলো রেণু তো আসছেই একটু পরে, তখনই জানা যাবে।……প্রায় দেড় বছর পর এসেছি জেল থেকে। আসবে না রেণু দেখা করতে? তারই আসা উচিত নয় কি?

একটা লোক এসে ছোট বিছানাটা গুটিয়ে নিয়ে গেল। মরণি পিসিমা একপাঁজা বাসন নিয়ে এসে ঘাটে বসলেন কণার বস্ত্র খুলে। শ্রোতা থাক্ বা নাই থাক্, তারা কেউ উৎসাহ বা আগ্রহ বোধ করুক বা নাই করুক, মরণি পিসিমা বকে যাচ্ছেন অনর্গল! শ্রান্তি নেই, এমন কি বিরামেরও প্রয়োজন হয় না।……কিন্তু রেণু তো এটাও ভেবে বসতে পারে যে, আমিই ছুটে যাবো তার কাছে? মেয়েরা বড্ড অভিমানী হয়, বলা যায় না।

কিছুই স্থির করতে পারছিলাম না, কার যাওয়া উচিত, রেণু, না আমার? আমার, না রেণু?.....এমন সময় ফুলবৌদি নীচে থেকে হাঁক দিল : ভাত দেয়া হয়েছে।

চমক ভাঙলো। নীচে নেমে এলাম। দেখা গেল রেণু যতই দেনী করছে, ততই আমার ধৈর্যের বাঁধ ভেঙ্গে পড়বার উপক্রম হচ্ছে। আমি যে ফিরে এসেছি, তা কি এখনো জানতে পারেনি সে? বিশ্বব্রহ্মাণ্ডে কি এমন কেউ নেই যে, এই স্বসংবাদটা বেণুকে জানিয়ে দেয়? সে যে কত খুশী হবে তা তো আমি সাবা মস্ত দিয়ে জানি।.....

অবশেষে রেণু এলো, কিন্তু সেদিন নয়, পরদিন। ময়দা গুলে একটি কলা-পাতার টুকরো দিয়ে তা মুড়ে উলুনে পুড়িয়ে নিয়ে সঙ্গে মাছ ধরতে যাবার উদ্যোগ করছি, এমন সময় রেণুকে নামিয়ে দিয়ে গেল ওদের চাকর। বর্ষাকাল। মাছ আর তেমন ওঠে না। তবু সেদিনটা ছিল একেবারেই ফাঁকা, কোনো এনগেজমেন্ট ছিল না। তাই সময় কাটাবাব জন্তু নৌকো করে জলে-ডোবা ধান ক্ষেতের পাশে গিয়ে ইচ্ছে ছিল ছিপ ফেলে বসে থাকবো। যদি খায়।

রেণু বলে উঠলো : নিশ্চয়ই রাগ করেছ কাল আসিনি বলে, তাই না? কিন্তু সময় করে আসা যে কী মুশ্বিল, তা তো আর জান না তুমি!

বসলাম : রাগ তো করিনি আমি। আর আমি বাগ করলে কার কী যায় আসে?

মুচকি হেসে রেণু বললো : নিশ্চয়ই যায় আসে।—এসো তো এই ঘরে। ওসব ছিপ টিপ রাখো। এই মহাদেব, তোর বাবু এখন আর যাবেন না মাছ ধরতে।—বলে হাত থেকে ছিপ কেড়ে নিয়ে আমার হাত ধরে একেবারে দক্ষিণের ঘরে এসে প্রবেশ করলো।

বসলাম খাটে পাশাপাশি। অনেক কথা হলো। হালুকা কথা, মান-অভিমানের কথা। তার কতগুলো পত্রের জবাব দিইনি আমি, পরিষ্কার হিসেব দিল রেণু। আমিও পাণ্টা হিসেবে কতগুলো পত্রে সে মাত্র ছ'চার লাইনে দায় উদ্ধার করেছে তার বিবরণ দিলাম। কথা কাটাকাটি শুরু হয়ে গেল।

রেণু বললো : তা তো বলবেই। স্বপ্নরবাড়ীর হাজারো কাজের মধ্যে

সময় করে নিয়ে তোমার লিখলাম, আর তুমি বলছো ওকে পত্রই বলে না। সংক্ষেপে যোলো পৃষ্ঠা পত্র বিনি লিখতে পারবেন বিনিয়ে বিনিয়ে, তিনি আগে আসুন। তারপর দিন রাত শুধু শ্রীমতীর পত্র নিয়ে—

লম্বা বেণী ধরে হ্যাঁচকা একটা টান দিতেই রেণু ছমড়া খেয়ে পড়ে গেল আমার গায়ে। তৎক্ষণাৎ সামলে নিয়ে উঠে বসলো বটে, কিন্তু আমার গায়ে তার শরীর ঘা পেয়ে গেল। হয়তো আজকের মন সেদিন ছিল না বলেই এই আঘাতে আদৌ চাঞ্চলা বোধ করিনি। কিন্তু আজকের মন নিয়ে সেদিনের সেই দুর্ঘটনার কথা স্মরণ করলে সত্যিই বিস্মিত হয়ে উঠি। কুঁড়ি বছরে রেণু বড়ী হয়নি, হয়েছে যৌবনভারাবনতা। পদ্মপত্রের ওপর জলবিন্দু মতো টলটল করেছে শাব্দিক যৌবন। উনিশটি বসন্তের মোহময় স্পর্শে যে দেহ-মনের প্রাণবসে হয়ে উঠেছিল ভরপুর, খোকা এসে প্রস্তুটিত হয়েছে তাতে পারিজাত হয়ে। তাই কপ ঐশ্বর্যা যেন উপচে পড়ছে। এই উপচে-পড়া রূপকে বন্দোবাসে বন্দী করে রাখতে গিয়ে একেবারে অপরূপ করে তোলা হয়েছে। . . .

যে সৌন্দর্যের বর্ণনা এখানে করলাম, বর্ণনায় যে ভাষা ব্যবহার করলাম, এ দৃষ্টি ও এই বর্ণনা আজকের। সেদিনকার সেই দুর্ঘটনা যদি আজকে ঘটতো, হয়তো এমনভাবেই সেই শহরনগর দুর্ঘটনার নরনাভিরাম সৌন্দর্য উপলব্ধি করতাম। কিন্তু সেদিন, সেই ১৯৩৪ সালের অপরাহ্নে প্রায় সমবয়সী যুবতীর দেহস্পর্শে কোনো চাঞ্চলাই যে অনুভব করিনি, দৃঢ়তার সঙ্গে তা ঘোষণা করতে পারি। বেণুর সঙ্গে যতই খনসুটি ও মান-অভিমান করি না কেন, যতই ভালোবাসি না কেন তাকে, কোনওদিক কখনও এক মুহূর্তের জন্তেও মনে পড়েনি সে নারী আর আমি যুবক। তাকে মনে করেছি বোন, ক্রীড়াসঙ্গিনী, হয়তো বন্ধু কিংবা অণু কিছু। কিন্তু নারী নয়।

এর পর অনেক কথা হলো ত'জনে। বিবাহিত জীবন সম্বন্ধে প্রশ্ন করতেই রেণু যেন পাগল হয়ে উঠলো : সে কথা আর জিজ্ঞেস করো না দাদা! এমনি ভোলা লোকের পাল্লায় পড়েছি! রোজই একটা-না-একটা নিয়ে কল্-এ ঘেতে সে ভুলে যাবেই। ষ্টেথেসকোপ্ নেবে তো ভুলে যাবে থারমোমিটার, আবার থারমোমিটার নিলে ভুলে যাবে ষ্টেথেসকোপ্। কোনো কোনো সময় ছুটোই ভুলে গিয়ে শুধু ওষুধের বাসলটা নিয়েই রোগীর বাড়ীতে হাজির হলেন

ডাঃ চক্রবর্তী। তারপর মনে হলো : ঐ যাঃ ষ্টেথেসকোপ্ ?.....আর
রাত্রে কিছুতেই সে কল্-এ যাবে না। বলে গ্রামের পথ চলতে ভয় করে।

বলে হি হি করে হেসে উঠলো রেণু। আরও কী বলতে বাচ্ছিল, এমন
সময় ফুলবোদি এলো মুড়ি নিয়ে। সমুখেব টেবিলের ওপর বাটিটা রেখে
বললো : তোমাদের ছ'জনের।

একই বাটি থেকে ছ'জনে মুড়ি পেতে ভাণা ভালো লাগছিল! ফাঁকে
ফাঁকে মুখরোচক পরিহাস কাজ করছিল লুণ ও বালের। বেলা কখন যে
একেবারে শেষ হয়ে এসেছে, টেরই পাইনি তা।

অকস্মাৎ এক সময় ওদের চাকর এসে হাজির। সংবাদ : রেণুর খোকা
কাঁদছে।

বিল্মী বাণা পেলাম। আপ্রাণ চেষ্টা করলাম রেণুকে আটকে রেখে ওর
খোকাকে আনাতে। কিন্তু সে বললো : না দাদা, তা হয় না। নৌকো করে
ওরা আনতই পারবে না। সে আমার ভারী ভয় করে! আজ যাই, কাল
আবার আসবো, কেমন ?

শেষ চেষ্টা করলাম : জানিয়ে রাখছি, আমি ডঃখ পাব তুমি এখনই চলে
গেলে! প্রায় ছ'বছর পর দেখা। কত কথা আছে, যা এখনো বলিনি
তোমায়। এর পরও যদি—

ঘরের বাইবে গলা বাড়িয়ে রেণু দেখলো চাকরটা নৌকোর চলে গেছে
কিনা। নিশ্চিন্ত হয়ে কাছে এসে একেবারে আমার গা ঘেঁসে দাঁড়িয়ে
আমার স্কন্ধে একখানা হাত রেখে বললো : ভারী মুশকিলে ফেললে তুমি দাদা!
বল, যাই ?

চুপ করে রইলাম বসে মুখ ফিরিয়ে। একটু অপেক্ষা করে জোর করে
আমার মুখ ছ'হাতে ঘুরিয়ে নিয়ে প্রশ্ন করলো রেণু : বল, অনুমতি দাও!

কথা কইলাম না। স্বযোগ যখন এসেছে, আজ একটা পরীক্ষাই হয়ে
যাক, কে তার কাছে প্রিয়তর, খোকা, না আমি? মাত্র এক বছর হলো যে
এসেছে তার জীবনে, সেই কি প্রিয়তর হবে সারা জীবনের বন্ধুর চাইতে ?.....

কিন্তু মেয়েদের বেলায় বোধহয় তাই। খোকার বাবার কথা বলছি না,
খোকার মায়ের কাছে খোকার চাইতে মিষ্টি বোধহয় আর কিছুই নেই এই
বিশ্বব্রহ্মাণ্ডে!—তাই দেখলাম, খুব গভীর হয়ে নিঃশব্দে বেরিয়ে যাবার পূর্বে

রেণু আমার একখানা হাত টেনে নিয়ে শুধু তার গালে একবারটি চেপে ধরলো। তারপর মূঢ় হেসে বেরিয়ে গেল।

ঘাট থেকে নৌকো ছেড়ে যেতেই সমস্ত শরীর আমার অবসন্ন হয়ে গেল। অবশিষ্ট মুড়িগুলো মনে হতে লাগলো পাথরের কুচি।

দেখা গেল, ছেলেদের আকর্ষণ কববার দু'টি সহজ পন্থা আছে—খেলাধুলো আর নাটক। দু'টোতেই ছিলাম সিদ্ধহস্ত। সুতরাং ঢাকা থেকে কুড়ি টাকা ব্যয় করে চমৎকার একটি ক্যাম্বোর্ড আনা হলো আর বর্ষার শেষে শীত পড়তেই পিয়েরটার হবে বলে সিদ্ধান্ত গ্রহণ করা হলো।

কার্যম খেলার মাধ্যমে নিগা নতুন ছাত্র আসতে লাগলো স্কুলের ছুটির পর। আশ্বাস দিলাম শীর্ষগিবই প্রতিযোগিতা শুরু হবে। দক্ষিণের কোঠার পর্বোদমে বগন খেলা শুরু হয়ে যায়, তখনই হয়তো গগেন একটি ছেলেকে নিয়ে বাইবে বেরিয়ে আসে। তারপর নৌকোর উঠে সমুদ্রের পুকুরটাতেই ঘুবে বেড়াই কিছুক্ষণ। খেলার কণার মধ্য দিয়ে এসে পড়ে সিরিয়াম কণায়। এই আমাদের দেশ! এই দেশের ওপর গত দু'শো বছর ধরে অমানুষিক অত্যাচার চালিয়ে যাচ্ছে শরতান ব্রিটিশ গভর্নমেন্ট। সুতরাং দেশের স্বসস্তান যারা, তারা এই গভর্নমেন্টের উচ্ছেদ সাধনের ব্রত গ্রহণ করবেই। কংগ্রেস যে পথে চেষ্টা করছে, সেটা আবেদন-নিবেদনের পথ, কাকুতি-মিনতির পথ। কিন্তু সর্বদেশের ইতিহাসে এর সমর্থন মেলে না। কাঁটা দিয়েই কাঁটা তুলতে হয়। তিল মাঝবার জ্বাবে চিরকালই এসেছে পাটকেল। তাই কংগ্রেসের শান-বাঁধানো রাস্তায় না এগিয়ে যারা পদক্ষেপ করেছেন বিপ্লবের বন্ধুর পথে, কুশাঙ্কুর ও কালফণির প্রাণান্তকর ঝুঁকি নিয়ে যারা শনৈঃ শনৈঃ এগিয়ে চলেছেন লোকচক্ষুর অন্তরালে, তাঁদেরই উদাত্ত আহ্বান এসেছে তোমার দ্বারে.....এমনি করে বোঝানো হয় তাকে। একদিন, দু'দিন, তারপরই তাকে একদিন পরিচয় করিয়ে দেয়া হয় আমার সঙ্গে।

গ্রামের চৌকিদার ভমিজদী বগন-তখন এসে হাজির হয় আমাদের বাড়ীতে। আমায় না পেলে মা'র কাছে জিজ্ঞেস করে খুঁটিয়ে খুঁটিয়ে—কোথায় গেছি আমি, কার সঙ্গে গেছি, কখন ফিরবো ইত্যাদি। আর আমার সঙ্গে দেখা হলেই

অকস্মাৎ বিনয়ের পরাকাষ্ঠা দেখিয়ে জিজ্ঞেস করে আমার স্বাস্থ্যের কথা, জেলের দৈনন্দিন জীবন বাপনের কথা এবং বাজে প্রসঙ্গে খানিকটে সময় কাটিয়ে যায়। রাত্রে পাহারাতে বেরিয়ে সে দক্ষিণ দিকে এসে হাঁক দিয়ে আমার একবার জাগাবেই এবং যথাবীতি জানিয়ে যাবে : ছঁশিয়ার থাইকেন।

চালাকি বুঝতে দেরী হলো না। দারোগা বা আই বি'র নির্দেশ অনুসারেই যে ব্যাটা এমনি প্রকাশ্যভাবে চরগিরি শুরু করেছে, তা বুঝলাম। উপেক্ষা করে করে যখন দেখলাম ব্যাটার তড়পানি একেবারে সীমা ছাড়িয়ে উঠেছে, তখন বাধা দেয়াই সিদ্ধান্ত করা হলো। চৌকিদার গ্রামেরই অধিবাসী! বহু পুরুষ ধরে ওরা এখানে বাস করছে। আর আমাদের গ্রামের শতকরা আশী জনই মুসলমান।

কিন্তু এই অবস্থায় অপরে যা করে বা করতে পারে, পারিপাশ্বিক অবস্থার সঙ্গে সামঞ্জস্য রেখে সাম্প্রদায়িক সম্প্রীতির ঝাণ্ডা উচ্ছে তুলে ধরে শান্ত মনে তারা যা ভাবে, আমি ভাবি ও করি তার বিপরীত। গ্রামের শয়তানদের শাস্ত্রের্তা করতে হলে আমি মনে করি, প্রয়োজন ভীতি সৃষ্টির। আতঙ্ক সৃষ্টি করতে না পারলে এই বিভীষণদের ঠাণ্ডা রাখা যাবে না। ঠাণ্ডা লজিক নয়, ক্রুদ্ধ চোখরাঙ্গানিই এদের দাওয়াই। মুগুর হাতে না নিলে এই কুকুরদের ঘোঁৎকানি থামবে না। অতএব—

একদিন বিকেলে ছেলেদের ক্যাম খেলা যখন পুরো দমে চলছে দক্ষিণের কোঠায় আর আমি দক্ষিণ-পূব কোণের শিউলি গাছের নীচে ইজিচেয়ারে বসে খবরের কাগজখানার পাতা ওলটাচ্ছি, এমন সময় যেই ধূমকেতুর মতো চৌকিদার তমিজদী এসে হাজির, অমনি অনাধ এসে সেই সংবাদটি জানিয়ে দিল আমার।

তৎক্ষণাৎ ডেকে পাঠালাম তমিজদীকে।

কোনো ভূমিকা নয়, কোনো ভদ্রতা নয়, ভাষার মোলায়েমত্ব সৃষ্টির জন্য কোনে' চেষ্টা নয়, একেবারে সহজ শান্তভাবে জানিয়ে দিলাম আমার আদেশ : তোমার মতলব বুঝতে আমার দেরী হয়নি। তাই বলে দিচ্ছি, সাবধান, আমাদের বাড়ীর ত্রিসীমানায় এসো না কখনও। আর এই গ্রামের অন্যান্য ছেলেদের পেছনেও যদি লাগ, তাহলে কিন্তু তোমাব জীবনের নিরাপত্তার দায়িত্ব আমি আর নিতে পারবো না, তমিজদী!

থতমত খেয়ে গেছে ব্যাটা। জিজ্ঞেস করলো : কী কইলেন কর্তা?

আবার বললাম যা বলেছি। জলের মতো করে বুঝিয়ে দিলাম যে, ছুরি-ছোরা

বা গোলা-গুলীর ভয় থাকলে এ পথ যেন সে ভাগ করে।.....সত্যিই যেন গোটা কয়েক ছুরির ঘা খেল তমিজদী। কিছুই বললো না। বৈঠা হাতে নীরবে গিয়ে তার নোকোয় উঠলো। বিপদভঞ্জন ঠিক তখনই আর একখানা নোকো থেকে নামাছিল।

জিজ্ঞেস করলো : কি চৌকিদার, গাঙ্গুলী বাড়ীতে কি রোজই নেমস্তন্ন থাকে তোমার ?

কেন ?

এই যে প্রায়ই দেখি তোমার আসতে। বালি, বর্কশিশ ফর্কশিশ ঠিকমতো পাও তো, না সেখানেও শালা আঠি বি বাকির কারবার চালায় ?

তমিজদার মাথার খুন চেপে গেল। আমার আঘাতেই তার রক্ত ঝরিয়ে দিচ্ছে, তার ওপর আবার বিপদভঞ্জনের ছুরি একেবারে হাড়ে গিয়ে ঠেকলো !

সে ফস্ করে অবমাননাকর কী একটা কথা উচ্চারণ করেই দ্রুত নোকো ভাসিয়ে দিল। বিপদভঞ্জনও সোজা এসে নালিশ করলো আমার কাছে : চৌকিদার বাপ্ তুলে গাল দিয়েছে !

এমনি সাহস ? জলে বাস করে কুমীরের সঙ্গেই শক্রতা ? আন্দাজ করতে পারেনি চৌকিদার আমাদের বুঁকি নেবার ক্ষমতা ! আমাদের বেহিসাবা পদক্ষেপের পরিচয় যখন সে পাননি, তখন টের পাইয়ে দেয়া যাক্ এর ভয়াবহতা ! ভকুম হলো : আজ রাত্রেই—

দিন শেষ হয়ে এলো সন্ধ্যা, সন্ধ্যার পর রাত, তারপর এলো মধ্যরাত্রি। স্তিমিত জ্যোৎস্নারাত। মৃত্ হাওয়ায় ধান গাছগুলি দোল খাচ্ছে। গ্রাম একেবারে নিশুন্ধ ! পশ্চিম দিকের সদর জলপথে দু'একখানা বৃহদাকার নোকো চলছে আর তার মাঝির কণ্ঠে শোনা যাচ্ছে ভাটিরালী গানের এক-আধটা কলি।

ধীরে ধীরে একখানা নোকো এসে লাগলো তমিজদী চৌকিদারের বাড়ীর পেছন দিকে অর্ধনিমগ্ন কুল গাছটার পাশে। ছায়ার মতো নিঃশব্দে ক'জন নেমে এলো নোকো থেকে। জ্যোৎস্নারাতে পাহারা দিতে হয় না, সুতরাং নিশ্চয়ই চৌকিদার আজ আরামে নিদ্রামগ্ন।

অনেকগুলো ঝাকড়া কেরোসিন তেল ঢেলে ভিজিয়ে তমিজদীর ঘরখানার চারিদিকে বেড়ায় গুঁজে দেয়া হলো। তারপর ফস্ করে একটা মশাল

জ্বালিয়ে সেটা চারিদিকে ছুঁইয়ে দেয়া হলে লক্ষ্য পবননন্দনের মতো।
দাউ দাউ করে জলে উঠলো আগুন। জলে উঠলো তমিজদী'র ঘরগানা।
আগুনের শিখা গায়ে ছেঁবে মাথায় গিয়ে ঠেকলো।

নিঃশব্দে যে নৌকোখানা এসেছিল, দ্রুতবেগে অথচ নিঃশব্দেই তা মোজা
দানিয়ে-তেঁব মধ্য দিয়ে অদৃশ্য হয়ে গেল।

বেড়া আগুনে পড়েও কিম্ব মবলো না। তমিজদী, কাবণ অচ্যুত ঘরের
লোকেরা সমসময়ে জেগে গিয়ে ছুঁইছুঁটি করে বাবিয়ে এসে পালতি বালতি
চলে চলে আগুন নিবিয়ে ফেললো। কিম্ব এতই কাজ হলো আশাতিবিন্দু।
পবদিনই সকালবেলা এসে হাজির তমিজদী আমাব বাড়ীতে।

অভ্যর্গনা জানিয়ে বললামঃ এসো, এসো চৌকিদার! এখানে কল্কে
আব এমাক আছে, গাও সেজে। ঠ্যা, শোমান একটু প্রয়োজনও ছিল আমাব।
থানায় কাল আব যেও পাববো না মনে হচ্ছে। শবী'বটা ভাল নেই। রসিক
কবিতা'র দেগছে, মধু'র দিয়েছে। কিম্ব হাজিবা না দিলেও তো চলে না।
তাই তা'দা' একথানা চিঠি তোমাব হাত দিয়ে থানায় দোব পা'সিয়ে। তুমিও
অবশ্য বলো আমাব অস্বথের কথা, বুঝলে ৭—৩ কি, বসো না টলটায়, উঠছো
কেন ?

তমিজদী একেবাবে আমাব পানে লুটিয়ে পড়লোঃ আমারে মাপ করেন
কর্তা।

মাপ ? কিসের জন্য ?—একেবাবে আকাশ থেকে পড়লাম।

তমিজদী কেঁদে গেলাব মতো স্ববেই বললোঃ এই কানমলা খাই কর্তা,
আব আমি আপনাতো'র পিছনে লাগুম না।

প্রশ্ন কবলামঃ কেন, কী হয়েছে ?

সে কোনো'র কথা বললো না আব। হ'হাতে আমাব পা জড়িয়ে ধবে
এবাবে একেবাবে হাঁউমাউ করে কেঁদে ফেললো তমিজদী। সরকারী প্রতিনিধি
হলেও সে কেয়টখালী গামেবই চৌকিদার।

মর্মে মর্মে টের পেয়েছে চৌকিদার যে, সরকারী চাকরি'র অপেক্ষা নিজের
জীবন, ছেলেমেয়ের জীবন অনেক বেশী মূল্যবান! চাকরি গেলে আবার
চাকরি মিলতে পারে, কিম্ব জীবন ৭.....

বক্তৃত্ত

কিন্তু গ্রামে তো শুধু একটি চৌকিদারই নেই। হয়তো এমনভাবে প্রকাশ্যে সবকারী হুকুম তামিল কববার উৎকট উৎসাহ একা তামিজদারই ছিল এবং নিশ্চিতভাবে বোঝা গেল, জীবনে এসে আবার এমনভাবে আমাদের পথে বাধার সৃষ্টি কবতে সাহস কববে না। কিন্তু এমন শূঁত আবার আছে, যাবা গোপনে এক টুকরো সংবাদ সংগ্রহ কবে বসে চলে দিবে, ফুল লতাপাতা দিয়ে সাজিয়ে, ফেনিয়ে ফাঁপিয়ে তুলে ফেনিয়ে গিয়ে কুঞ্জালপটে নিবেদন কবে থাকে ঢাকা শতবেই আই বি পুলিশ সুপার গ্র্যামবি সাহেবের শ্রীপাদপদ্মে! তাবপর আবেগ আছে কিছু সংখ্যক আধুনিক যুধিষ্ঠির, যাবা জীবনের প্রতিপদে অসংখ্য অসত্যের প্রশয় দিলেও আই বি বা দাবোগাব কাছে হয়ে ওঠেন একেবারে সত্যের অবতাব, যাবা 'অশ্বখামা ততঃ ইতি গজঃ' উচ্চারণেও নাবাজ। ঠগ বাছতে গিয়ে কি শেষটায় গ্রামই উজ্জ্বল কবে দিতে হবে?

সুতরাং সর্বক্ষেত্রেই কেবোসিন তেল প্রযোজ্য নয়, ঠাণ্ডা মস্তিষ্কে বসে শাস্ত্র মনে নাতি নির্ণয় কবা গেল। চবদেব তালিকা প্রস্তুত কবে তাদের ওপর চবরুতি কববার জন্ত নিয়োগ কবা হলো। কিছু ছেলেকে, কিছু ছেলে আমাদের গ্রামেব চতুর্দিকেব সীমানার ওপর গোপনে বাথতে লাগলো। তীক্ষ্ণ দৃষ্টি সীমান্তবক্ষী মতো, সন্দেহজনক আগন্তুক কেউ গ্রামেব মধ্যে পবেশ কবেলেই এদের অদৃশ্য লগা বৃকে তা নাট করা হতো এবং যথাবিহিত ব্যবস্থা করা হতো, তৃতীয় একদল যুক্তিবাদী তাকিক ছেলেকে নিয়োগ কবা হলো। এইসব আধুনিক যুধিষ্ঠিবদের তক-যুদ্ধে আহ্বান কবে যুক্তির খজাঘাতে এদের একে একে ধবাসাবী কববার জন্ত! এইসব আয়ুধেব কোনোটাই যেক্ষেত্রে প্রয়োগ কবা সম্ভব নয় বা যেখানেই লক্ষ্যভেদে এবা অসমর্থ, সেখানেই শুধু স্থির হলো প্রয়োগ কবা হবে কড়া দাওয়াই।

কিন্তু পূর্বেই বলেছি, তামিজদী আমাদের গ্রামেব আদি অধিবাসীদের একজন আর আমাদের গ্রামের শতকবা আশীজনই মুসলমান। ইউনিয়ন বোর্ডের সদস্যও তখন জামির কারিগর। সুতরাং এই ঘটনাটিকে সাম্প্রদায়িক কালো রং লাগিয়ে একেবারে বিকট করে তোলায় কাজে কতকগুলো শুণ্ডাশ্রেণীর

লোক আত্মনিয়োগ করলো। আমি কিন্তু এসব খোড়াই গ্রাহ্য করে চলতাম আর যারা আমার আশে-পাশে চলাফেরা করতো আমারই ছায়ার মতো, তারাও মর্শ্ব দিয়ে জানতো :

জন্মিলে মরিতে হবে.

অমর কে কোথা কবে ?...

একদিন সকালবেলাই এসে হাজির বচ্চিবদী। ওর ছইওয়াল। একমাল্লাই নৌকো সবাই চেনে। সাবা বধাকালই অর্গাৎ আষাঢ় মাস থেকে শুরু করে একেবারে অগ্রহায়ণ পর্যন্ত ঐ বিশেষ নৌকোখানা যে সময়ে 'ও' অসময়ে অসংখ্যবার গাঙ্গুলী বাড়ীর ঘাটে এসে ভিড়বে, পাড়ার ও গ্রামের সবাই তা দেখে থাকে। কিন্তু কোথায় সে গেল আমায় নিয়ে, কোন্ গ্রামে, কাব বাড়ীতে, সেখানে কি-কি কাজ হলো, একথা—ব্যাটাকে ফাঁসীতে লটকে দিলে জিভ বেরিয়ে পড়বে সত্য, অথচ কথা যে বেরবে না। একটিও—এ আমি নিশ্চিতভাবে জানি, যেমন করে জানি আমার নিজেকে !.....

মা ঘাটে গিয়েছিলেন কী কাজে। দক্ষিণের কোঠায় বসে আমি কি একখানা বই পড়ছিলাম, শুনতে পেলাম মার কণ্ঠ : কি, এই সকালেই আবার কোথায় যাওয়া হবে ?

বচ্চিবদী অশেষ বিনয় প্রকাশ কবে বললো : না না জ্যাঠাইমা, যাওনের লেইগা না। দাদার লগে আইছি একটু জরুরী কথা কইতে।

মা-বললেন : যা, দক্ষিণের কোঠায় আছে। কিন্তু তুই জেনে রাখ বাছা, এবার তোকেও ধরে নিয়ে যাবে পুলিশ !

বাছা মুসলমান জবাব দিল : তা জ্যাঠাইমা, দাদাগোর মতন লোকে যদি জেলে-জেলেই জীবনটা কাটাইতে পারে, তা হইলে আমাগোর মতন চাষাভূষার জীবনের কী আর দাম ? কী হইবো আর এই জীবনটা গেলে ?

মা হেসে বললেন : তোকেও দেখছি পটিয়ে ফেলেছে।

বচ্চিবদী আমার কাছে এসে যা বললো হাত পা নেড়ে ও ফিস্ ফিস্ করে, তা এই : তমিজদা জমির কারিগরের সহায়তায় সারা গ্রামে প্রচার করে বেড়িয়েছে যে, হিন্দুবা মুসলমানদের এই গ্রাম থেকে তাড়িয়ে দেবার ষড়যন্ত্র করছে। তাই

সেদিন চৌকিদারদের ঘরে আগুন দেওয়া হয়েছে। আর এই দুর্কার্যের পশ্চাতে যে গাঙ্গুলী বাড়ীর কর্তাই আছে, তাতে আর বিন্দুমাত্র সন্দেহ নেই।
সুতরাং—

বছিরদী বললো : সেদিন রহিম স্মাথ আর আকবর খলিফা জুইতা লইয়া ওৎ পাইতা বইসা আছিল ম্যান্বর সাহেবের বাড়ীর পচ্চিমে। আপনি গেছিলেন না থানায় হাজিরা দিতে? এই পথে ফিরলেই ওরা জুইতা দিয়া আপনারে গাইথা ফালাইয়া একেবারে আইড়ল বিলে যাইয়া ভাসাইয়া দিয়া আসবো, এই আছিল ওগো মতলব।

তারপর?

বছিরদী ছ' হাত একত্রে কপালে ঠেকিয়ে বললো : খোদায় যারে রাখবো, তারে মারবো কোন্ শালা? আপনি সেদিন নাকি আগে গেছিলেন বীরতারার দিকে, তাই ওরা লাগুড় পায় নাই। পাগইরা বাড়ী হইয়া ঢুকছেন গেরামে।

বললাম : কিন্তু রোজই ত আর বীরতারা যাবো না, লাগুড় যদি একদিন পেয়েই যায়?

হঃ কর্তা, কি যে বলেন!—বলে বছিরদী ফোকলা মুখ অবজ্ঞার হাসিতে উদ্ভাসিত করে তুললো।

তারপর বিস্তের মতো বললো : আমিও কইয়া দিছি ওগো—যাইস্, কর্তার গায়ে হাত তোলতে যাইস্। খালি হাত দেখস্ দেইখা, কর্তার কোমরে থাকে একখান পিস্তল। গোটা দশেক তো আগে ধুপ্পুর ধুপ্পুর পইড়া যাবি, তারপর যদি পাস্ তার লাগুড়!

প্রশ্ন করলাম : পিস্তল!

বছিরদী মহা উৎসাহে জবাব দিল : হ, কয়ু না? শালারা করবো কি? থানায় যাইবো? কউক যাইয়া বড় দারোগার কাছে। তল্লাশী কইরা পাইলে তো?—আবার তার ফোকলা মুখে হাসি দেখা গেল।

বললাম : তুই ব্যাটা আস্ত গাধা। পিস্তল দেখেছিস কখনো আমার কাছে? তবে না দেখে বললি কেন যে আমার পিস্তল আছে? ওরা থানায় জানিয়ে দিলে আমার গ্রেপ্তার করে তো নিয়ে যেতে পারে, কয়েক মাস মুন্সীগঞ্জের হাজতেও তো রেখে দিতে পারে।—ব্যাটা পাতি নেড়ে!

বছিরদী লজ্জা পেয়ে গেছে। বাহাডরী নেবার জন্ত সে যে গাল-গল্প

ছেড়েছে, তা যে ফিরে এসে তীর হয়ে আমারই বুকে বিঁধতে পারে, তা আদৌ ভাবতে পারেনি সে।

সত্যিই সে পাতি নেড়ে, সরল বোকা মুসলমান।

সাম্প্রদায়িক বিষে জর্জর এ যুগের মন নিয়ে বিচার করলে বিশ্বয়ে হতবাক হয়ে যেতে হয় যে, সে যুগে এমনি নাড়া ভাষায় কথা বলেও কী করে সাম্প্রদায়িক সম্প্রীতির বন্ধন থাকতো অক্ষুণ্ণ! অথচ সে যুগে মন ছিল সংকীর্ণ, চিন্তার সরীসৃপ বেলোয়ারী কাঁচের রঙীন গঞ্জীর মধ্যেই ঘোরাকেরা করতো। ব্রাহ্মণের বিধবা মুসলমানের ছায়া পর্যন্ত ছুঁতেন না। মুসলমান প্রজারা এসে দপ্তরে বসতো নীচু টুলে, পৃথক কক্ষেতে নিজের হাতে তামাক সেজে খেতো, পূজো-পার্বণে মুসলমান ছেলে মেয়েরা নতুন জামা পরে দেউড়ির বাইরে দাঁড়িয়ে সমারোহ দেখতো।

কিন্তু আশ্চর্য্য, সে যুগেই আবার দেখা গেছে মুসলমান লাঠিয়াল হিন্দু জমিদারের জন্তু প্রাণ দিয়েছে, সে যুগেই আকবর সর্দার রমার সম্পত্তি রক্ষার জন্তু লাঠির আঘাত মাথা পেতে নিয়েছে, রহিম ও রামের এমনি সম্মানজনক দুরত্ব বজায় রেখে গড়ে ওঠা বন্ধুত্বই সে যুগের সমাজকে গড়ে তুলেছে, তার বনিয়াদ করে তুলেছে দৃঢ়, তাকে শক্তিমান করে তুলেছে!.....

আর আজ আচারে ও বিচারে আমরা যেখানে জাতিভেদের সংকীর্ণতার শেষটুকুও নিঃশেষে মুছে ফেলে দিয়েছি, অগ্রগামী চিন্তাবান্য আলোকিত মন নিয়ে আমরা যেখানে মানুষের সঙ্গে মানুষের আচরণের আলোচনা করছি, সেখানে কেন এত মনোমালিণ্ড, কেন এত হানাহানি? শুধু সম্প্রদায় বা বসতি নয়, দেশগত পার্থক্যের গঞ্জীও ভেঙ্গে ফেলে দিয়ে সমগ্র বিশ্বকে সখ্যের আলিঙ্গনে বাঁধবার উদ্যোগ করতে গিয়ে কেন আজ দেখতে পাই ক্ষুদ্র স্বার্থের বীভৎস রূপ, কেন আজ হিংসায় মন আমাদের হয়ে উঠেছে উন্মত্ত?

সে যুগে বছিরদীকে পাতি নেড়ে বলে পরিহাস করায় যেমন সাম্প্রদায়িকতার বিষ উদ্গারিত হতো না, তেমনি ভাতের এঁটো নিয়ে আমাদের বাড়াবাড়িকে ওরা ঠাট্টা করলেও আমরা তা সহজভাবেই গ্রহণ করতাম। ছোট ছোট ছেলেমেয়েরা বন্দরালী বা সতু খালাসীর মতো সর্দার লাঠিয়ালদের যেমন চাচা বলে সম্বোধন করতো, তেমনি মুসলমান তাঁতীরা বাবাকে শুধু জ্যাঠামশাই বলেই ডাকতো না, হিন্দুর মতোই পদধূলি গ্রহণ করতে এগিয়ে আসতো। মুসলমানরা

মুসলমানই ছিল, হিন্দুরা হিন্দু। সম্প্রদায়গত সংস্কার বা আচরণ পরিহার না করেই একে অপরের সুখদুঃখের ভাগ নিতো। আসল কথা, সে যুগে বাহ্যিক ব্যবধানের মধ্য দিয়ে ছিল অন্তরের যোগাযোগ। জাতি-বর্ণ-সম্প্রদায়হীন প্রাণেব দেবতাকেই সম্মান দেখানো হতো।

আর এ যুগের যান্ত্রিক সভ্যতা আমাদের সীমাহীন সতর্ক ও সপ্রতিভ করে দিয়ে আবেগের শেষ বিন্দুটুকুও শুকিয়ে দিয়েছে। তাই সম্প্রীতি আমাদের আলঙ্কারিক শব্দবিজ্ঞানে মুগ্ধ, অন্তঃসলিলা প্রেম-ফল্লুর উৎস সেখানে শুষ্ক! Dialectic materialism-এর পূজারী আমরা, অন্তরের আবেগকে করি তাচ্ছিল্য। ছক-কাটা ধারা-উপধারায় কন্টকিত চুক্তিপত্রের আক্ষরিক স্বর্ণপিঞ্জরে বন্দী আমাদের মন, পান থেকে চুন খসে পড়া সম্পর্কে অতিমাত্রার সজাগ, অথচ অভিমানের তরঙ্গঘাতে কোথায় যে বন্ধনের ভিত্তি চাপের পর চাপ ভেঙ্গে পড়ছে বর্ষাকালে পদ্মানদীর মতো, সে সম্পর্কে একেবারে উদাসীন!.....কিন্তু, যাক্গে সে কথা।

বিক্রমপুরে বর্ষাকাল মানে যে কী, তা তাঁরাই জানেন, ঝাড়া সেখানকার অধিবাসী। চতুর্দিক শুধু জলে-জলাকার নয়, মাঝে মাঝে সে জলের গভীরতা আঠারো থেকে বিশ ফুট পর্য্যন্ত হবে। আমাদের গ্রাম একেবারে আড়িয়ল বিলের প্রান্তে হওয়াতে সেখানে জল এত বেশী হয়ে থাকে যে, পুরো বর্ষার সময় প্রায় প্রতি বৎসরই জল একেবারে যে উঠোন পর্য্যন্ত উঠে আসে, তাই নয়, ঘরের মধ্যেও প্রবেশ করে। তখন একঘর থেকে অপর ঘরে যাবার জল বাঁশের সাঁকে! তৈরী করা হয়। উঠোনে হয়তো ছোট ছোট মাছের দল মনের খুশীতে ছুটোছুটি করে এবং সূক্ষ্ম জাল দিয়ে কিছু কিছু ধরাও যায়। কিন্তু সর্বত্র জলে ডুবে যাবার ফলে বিছে, গুঁয়োপোকা, আরশলা, ইঁদুর, ব্যাং এবং সাপগুলো এসে আশ্রয় খোঁজে একেবারে ঘরের মধ্যে, হয়তো খাটের তলায়, হয়তো কুলুঙ্গির মধ্যে, হয়তো বালিশের পাশে! হ্যাঁ, বালিশের নীচে! এবং প্রায়ই এইসব সাপ বিষধর হয়ে থাকে। যেগুলো বিষহীন, ফণাহীন, তুর তুর করে জলে ঘুরে বেড়ায় ছোট ছোট মাছ ধরে গলাধঃকরণ করবার প্রত্যাশায় এবং ডাঙ্গায় হানা দেয় পোকামাকড় কিংবা ক্ষুদ্রাকার একটি ভেকের সন্ধানে, সেই সাপগুলো প্রায়ই

খুব স্মার্ট, কন্সর্ট। তাই এরা কখনো বেশীক্ষণ একই স্থানে থাকে না। সারাদিন পরিশ্রমের পর রাতের অন্ধকারে সন্তুর্পণে এসে হয়তো আপনার তরিতরকারি রাখবার ডালাটির নীচেই একটু নিঃশ্বাস ফেলছে, এমন সময় ভোর হয়ে গেল! আপনার ভোরের তাগিদ থাকলেও সে বেচারার হয়তো সবে তন্দ্রা আসছিল, সুতরাং বিরক্তি বোধ তার হবেই। তাই যেই আপনি ডালাটি তুললেন, অমনি হক্চকিয়ে উঠে সে প্রথমটা মাথা তুলে বিক্ষোভ প্রকাশের চেষ্টা করলো। কিন্তু হয়, ফণা নেই আর নেই দাঁতের গোড়ায় বিষের থলে! সুতরাং পৃষ্ঠ প্রদর্শন করা ব্যতীত পথ কোথায়? তবে হ্যাঁ, কোনো-কোনোটি আবার মরিয়া হয়ে উঠে হয়তো অকস্মাৎ আপনার পায়ের আঙ্গুলটিই গপ করে কামড়ে ধরলো যেমন করে ওরা ব্যাং ধরে বা ইঁহরের বাচ্চা ধরে ফেলে। অবশ্য এতে বিশেষ কিছুই হয় না, সামান্য একটু ক্ষত ব্যতীত।

বিষধর সাপগুলোর কথা পৃথক্। তারা বনিয়াদী পরিবারের বড় কর্তার মতো গদাইলস্করী চালে চলে, সামান্য খুঁটিনাটির প্রতি ক্রক্ষেপ নেই তাদের। সহ্য করবার শক্তি এদের প্রশংসনীয়, ডিসপেনসিয়া রোগীর মতো মেজাজ এদের আদৌ খিটখিটে নয়। ফলে যা হয় তাই হয়েছে। আপনার খুনসুটি, আপনার সুড়সুড়ি, আপনার ছুঁটো-একটা খোঁচাখুঁচিও এরা বিনা প্রতিবাদে হজম করবে অনেকক্ষণ। তারপর প্রথমটা ছুঁএকবার নিঃশ্বাসের ঝড় তুলে জানাবে প্রতিবাদ ও বিক্ষোভ। তাতেও যদি ফল না হয়, তাহলেই তারা হাতে তুলে নেয় হাতিয়ার। কিন্তু কোনোক্রমে একবারটি যদি এরা এদের অধর ছুঁইয়ে দেয় আপনার হাতে বা পায়ের বা শরীরের যে কোনো স্থানে, বাস্, তা'হলেই শুরু হয়ে যাবে তার বৈপ্লবিক প্রতিক্রিয়া, যার মারাত্মক জের কোথায় গিয়ে যে শেষ হবে, কেউ তা বলতে পারে না!

বর্ষাকালে বিক্রমপুরে সর্পাঘাতে কিছু লোক প্রতি বৎসরই মৃত্যুমুখে পতিত হলেও বিক্রমপুরবাসী গোথরো, শঙ্খিনী, কোবরা, দারাস্, ঘনে প্রভৃতি বিষাক্ত সাপগুলিকে দেখে অন্ততঃ আতঙ্কে যে মুচ্ছা যায় না তা সত্যি।

বর্ষার জলে ডুবে-যাওয়া গাছের যে অংশ জলের ওপরে থাকে, বর্ষাকালে সাপ প্রায়ই আশ্রয় নেয় সেইসব গাছের কোটরে বা শাখায়। রাত্রে এমনি কোনো গাছে নৌকো বেঁধে রাখলে কখনো কখনো! সাপ গাছ ছেড়ে এসে নিরাপদ ও উৎকৃষ্ট আশ্রয় খোঁজে নৌকোর পাটাতনের নীচে।.....

সাপের কথা বলতে গিয়ে মনে পড়ে কী করে বারকয়েক সাপের হাতে আমি পড়েছিলাম এবং প্রতিবারই রক্ষা পেয়েছিলাম কোনোক্রমে। হয়তো ভাগ্যের জোরে। তবে কোনোবারই বর্ষাকালে সাপের কবলে পড়তে হয়নি আমার।

একবারের কথা বলছি। সেটা চৈত্র মাস হবে, বিক্রমপুরে তখনো বর্ষার জল প্রবেশ কবেনি। আমাদের গ্রামের ফুটবল খেলবার ছোট মাঠটি ছিল আমাদের বাড়ীর দক্ষিণ দিকে শ' তিনেক গজ দূরে।

একদিন বিকেলে ঐ মাঠে খেলাধুলার পর সুশীল আর আমি তৎক্ষণাৎ বাড়ী গেলাম না। আমার সঙ্গে ছিল কর্ণাজ্জুন নাটকখানা আর তখন গ্রামে কর্ণাজ্জুন নাটকান্ধিনয়ের তোড়জোড় চলছে। সবাই একে একে চলে গেলেও আমি ঘাসের ওপর আধ-শোয়া অবস্থায় সুর করে নাটকখানা পাঠ করা শুরু করলাম, সুশীল সম্মুখে বসে অভিনিবেশ সহকারে তা শুনতে লাগলো।

পাঠ যখন বেশ জমে উঠেছে, এমন সময় মনে হলো আমার কোমরের কাছে কি যেন অত্যন্ত মৃদুভাবে স্পর্শ করলো। প্রথমটা ভাবলাম সুশীল বোধহয় আমার হান্টারটা নিয়ে নাড়া-চাড়া কবছে, তাই লেগে গেছে অসাবধানতায়। সুতরাং আবার কর্ণের অংশ সুর করে পাঠ শুরু করলাম।

তখন চারিদিকে অন্ধকার নেমে এসেছে। পূর্ব দিকের মাঝিবাড়ীতে ছোটো-একটা আলোও জলে উঠেছে। দেখা যাচ্ছে গাছপালার ফাঁক দিয়ে তার আভা। একটু পরেই মজুমদার বাড়ীতে কর্ণাজ্জুন নাটকের মহলা শুরু হবে উমাচরণ বন্দ্যোপাধ্যায়ের নেতৃত্বে। কর্ণের ভূমিকায় আমাকেই নামতে হবে। সুশীলের কোনো ভূমিকা নেই। ষ্টেজে দাঁড়াতে তার পা কাঁপে, গলা শুকিয়ে যায়, সমস্ত কথাই ভুলে যায়, স্মারকের একবর্ণও তার কানে প্রবেশ করে না। তাই সে উৎসাহী কর্মী মাত্র। বিশেষ করে আমার অভিনয়ের সে একজন অন্ধ স্তাবক। বহুবার সে আমার পরামর্শ দিয়েছে কলকাতায় গিয়ে কোনো সাধারণ রঙ্গমঞ্চে যোগদান করবার।

অকস্মাৎ অনুভব করলাম, সুশীল আমার হান্টারটা আমার কোমরের ওপর দিয়ে বুকের ওপর ঠেলে দিচ্ছে। কিন্তু কেন? পাশে থাকিয়ে দেখি হান্টারটা তো আমার সম্মুখেই ঘাসের ওপর পড়ে রয়েছে। তবে?

বুকের দিকে দৃষ্টিপাত করতেই দেখি একটা প্রকাণ্ড সাপ আমার গা বেয়ে উঠছে !!

তৎক্ষণাৎ একটা পালট খেয়ে লাফিয়ে উঠে পড়লাম। স্মৃশীল ও আমি কয়েক হাত দূরে সরে এসে দৃষ্টিক্ষেপ করে দেখলাম সেই আবছা অন্ধকারে বিষণ্ণ সর্পটি বিরাট ফণা উচ্ছে তুলে দোল খাচ্ছে। শোনা যাচ্ছে ফৌসফৌসানি !

স্মৃশীল বললো : গোথরো সাপ। টেরই পায়নি যে, কোনো মানুষ। তোকে এক টুকরো কাঠ মনে করে ওটা বেয়ে উঠছিল ওপরে।—ইস, কামড়ালে বাঁধবার জায়গাও থাকতো না রে। একেবারে বুকের পাজরায় !

দেখলাম, সাপটা খানিকক্ষণ ফৌস ফৌস করে ক্রোধ প্রকাশ করলো, তারপর ফণা নামিয়ে একেবেঁকে ঢুকলো গিয়ে পাশের ঝোপে।

এমনি আরো কয়েকবার। প্রতিবারই এমনি কানের পাশ দিয়ে ফাঁড়া কেটে গেছে যে, শেষ পর্যন্ত সাপের ভয় আমার আর ছিল না। কেন যেন আমার বিশ্বাস জন্মেছিল যে, বিধাতা সর্পাঘাতে মত্যা আমার জন্ত বোধ হয় ব্যবস্থা করেননি।

তেত্রিশ

মাণিকের মৃত্যুতে আমার দক্ষিণ হস্ত ভেঙ্গে যাবার পর তা জোড়া দেবার চেষ্টা করতে লাগলাম প্রাণপণ করে। যেখান থেকে যাকে পেতাম, তার মধ্যেই খুঁজে বেড়াতাম আমার হারানো মাণিককে। ইন্দু সরকার মারফৎ নারায়ণগঞ্জ ও ঢাকার সঙ্গে যোগাযোগ স্থাপন করা হলো এবং রীতিমতো সেখান থেকে লোক যাতায়াত শুরু করলো আমাদের এখানে। বিক্রমপুরের প্রায় প্রত্যেক গ্রামেই কোনো-না-কোনো সূত্রে প্রবেশ করতে সমর্থ হলাম, প্রায় প্রত্যেক স্কুলেও। প্রায় প্রতিদিনই সন্ধ্যার পর অন্ধকারে বা গভীর রাত্রে গ্রামের সবাই নিদ্রামগ্ন হলে বছিরদীর একমাল্লাই নোকোথানা সন্তর্পণে এসে ভিড়তো আমাদের দক্ষিণ দিকের ঘাটে। জানালায় সাংকেতিক টোকা পড়লেই উঠে পড়তাম আমি। প্রস্তুত হয়ে নিয়ে পাশের ঘর থেকে চুপি চুপি ডেকে তুলতাম ফুলবৌদিকে। ফুলদা' কিংবা তিনি উঠে দরজা বন্ধ করে দিতেন আর আমি এসে উঠতাম নোকোয়। ফুলদা'কেই শুধু জানিয়ে যেতাম গন্তব্যস্থানের কথা। কারণ জরুরী অবস্থায় যাতে অনায়াসে আমার কাছে তিনি যেতে পারেন, তার পথ খোলা রাখা দরকার ছিল।

সারারাত কাজ করে ভোর হবার পূর্বেই আবার বছিরদীর নোকো এসে আমায় নামিয়ে দিয়ে যেত। টের পেতেন ফুলবৌদি ও ফুলদা'। কারণ তাঁরাই দিতেন দরজা খুলে।

যেখানে গেছি, সেখানেই খুঁজেছি মাণিক। হারানো রতনকে খুঁজে বার করবার জ্ঞান ফ্যাণা যেমন করে বেড়িয়ে বেড়াতো। ভালো ছেলে অনেক পেয়েছি, কর্তব্যনিষ্ঠা ও সাহস যাদের অতুলনীয়, সামান্য সঙ্কটে সব-কিছু ত্যাগ করে নিমাইয়ের মতো বেরিয়ে আসার জ্ঞান যারা পাগল, কিন্তু তবু মাণিকের দেখা পেলাম না। ভাঙ্গা হাত জোড়া দেবার চেষ্টা কি তবে বিফল হবে?

আশা যখন প্রায় চিরদিনের জ্ঞান ত্যাগ করছিলাম, এমন সময় অকস্মাৎ পেলাম এক নতুন মাণিককে। আজ তার কথা মনে পড়ে। স্বীকার করতে এতটুকু দ্বিধা মেই যে, সে সময় মাণিকের অভাবটা পূর্ণ করে দিয়েছিল সুবোধ চক্রবর্তী। তন্তুর গ্রামের সুবোধ চক্রবর্তী।

তার প্রতি আমার যে আদেশ যখন দেয়া হয়েছে, তখনই সে বিনা প্রতিবাদে, বিনাবাক্যে তা সমাধান করেছে এবং তা সুষ্ঠুভাবে। তাকে বলেছিলাম প্রতি রবিবারে একটি করে নতুন ছেলে নিয়ে আসতে আমার সঙ্গে পরিচয়ের জন্ত। আমার সঙ্গে পরিচয়ের পূর্বেকার কাজগুলো নিখুঁতভাবে শেষ করে সত্যিই প্রতি রবিবার সন্ধ্যার পর সে একটি করে ছেলে নিয়ে আসতো। এমনি নিয়ম সে পালন করে চলেছিল অনেক কাল, বোধহয় পুরো দেড় বৎসর। তারপর আরও বহুতর প্রয়োজনের তাগিদে সুবোধকে আত্মনিয়োগ করতে হয়।

গর্ভভরে আজ স্মরণ করি বেঙ্গল ভলান্টিয়ার্সের মারফৎ সুবোধের দেশসেবার কথা। বেয়াল্লিশের আন্দোলন শুরু হবার প্রাক্কালে গ্রেপ্তার করে বেঙ্গল ভলান্টিয়ার্সের প্রায় সবাইকে যখন নিরাপত্তা বন্দীরূপে বিভিন্ন জেলে আবদ্ধ রাখা হয়েছে, সেই সময় একা এই সুবোধ চক্রবর্তীই ১৯৪১ সাল থেকে ১৯৪৫ সাল পর্যন্ত পলাতকভাবে বাংলা, বিহার ও আসামে বেঙ্গল ভলান্টিয়ার্সের যে সব গুপ্ত সংগঠন গড়ে তোলে এবং ভারতের স্বাধীনতা আন্দোলনে সেই সব সংগঠন কীভাবে যোগদান করে, ফাঁসীর ঝুঁকি নিয়ে কীভাবে তারা মিত্রশক্তির পরাক্রমশালী গোয়েন্দা বিভাগের গ্লেনদৃষ্টিকে ফাঁকি দিয়ে লোকচক্ষুর অন্তরালে আরাকানের পথে বর্মার সংগ্রামরত আজাদ হিন্দ ফৌজের সর্বাধিনায়ক নেতাজী সুভাষের সঙ্গে যোগাযোগ স্থাপন করে, বেঙ্গল ভলান্টিয়ার্সের সেই অমর কাহিনী আজও লিপিবদ্ধ করা হয়নি। নেতাজীর ভারত ত্যাগের সঙ্গে এই বি ভি বিশেষভাবে জড়িত, আফগানিস্থানের সীমান্ত পার করে দিয়ে আসবার পরও নেতাজীর সরাসরি গোপন যোগাযোগ ছিল এই বি ভি-র সঙ্গে ততদিন, যতদিন না জার্মানী রাশিয়া আক্রমণ করে বসে, তারপর আবার এই যোগসূত্র স্থাপিত হয় নেতাজী সিঙ্গাপুরে আসবার পর।

কিন্তু একা সুবোধ সে যুগে কতখানি করেছিল পুলিশের চক্ষে ধুলিনিক্ষেপ করে পলাতকভাবে, তার খানিকটে আভাস দেবার প্রলোভন ত্যাগ করতে পারতেনি। আমার আত্মস্মৃতির সঙ্গে সুবোধের ইতিবৃত্ত অঙ্গাঙ্গীভাবে জড়িত। আমার সর্বাপেক্ষা গর্বেের বিষয় এই যে, এই সুবোধ চক্রবর্তীকে আমিই নিয়ে আসি প্রথম বিপ্লবী দলে।

সেটা ১৯৩০ সাল। জ্যৈষ্ঠ মাস। বিক্রমপুরে তখনো বর্ষার জল প্রবেশ করেনি। ছোট ভাই রত্নলালকে নিয়ে আমি গিয়েছিলাম বেড়াতে ইছাপুরা

গ্রামে ফুলবৌদির বাপের বাড়ীতে। গরীব হলেও এই পরিবারটির আদরঘরের মধ্যে পাওয়া যেত অন্তরের স্পর্শ, তাই মাঝে মাঝে যেতাম সেখানে। অবশ্য প্রমোদভ্রমণে নয়, সংগঠনের অভিসন্ধি নিয়ে। বিক্রমপুরে ইছাপুরা বৃহৎ গ্রামগুলির অন্যতম। এখানকার অধিবাসীদের মধ্যে প্রায় সকলেই শিক্ষিত ও সচেতন। সচেতন শুধু দেশের সংবাদ রাখবার বেলায় নয় অথবা সরকারী ক্রটি-বিচ্যুতি আলোচনার ক্ষেত্রে নয়, স্বার্থ সম্বন্ধেও এরা অত্যধিক সচেতন বলে ঐ গ্রামের অধিবাসীরাই বলতেন। ফলে সূঁচ হয়ে এই গ্রামে প্রবেশের সুযোগও পারছিলাম না সৃষ্টি করে নিতে। চেষ্টা চলছিল শুধু।

মনে পড়ে সেদিন দুপুরবেলা রান্নাঘরে রনু আর আমি পাশাপাশি থেতে বসেছি আর ফুলবৌদি করছেন পরিবেশন। নানারকম কথাবার্তার মধ্যে অকস্মাৎ রনু বললো যে, নাটকে স্ত্রী-ভূমিকার জ্ঞান আর ভাবতে হবে না। স্ত্রী-ভূমিকায় চমৎকার অভিনয় করতে পারে, এমনি একটি ছেলের সঙ্গে তার পরিচয় হয়েছে। নাম রনু, তন্তুর গ্রামে বাড়ী।

আমি উৎসাহ দেখিয়ে বললাম, ওকে একদিন সংবাদ দিয়ে কেয়টখালীতে নিয়ে আসতে। রনু তৎক্ষণাৎ জবাব দিল : আজ সে এই গ্রামেই এসেছে দাদা! ডেকে আনবো?

প্রশ্ন করলাম : এখানে, কেন?

রনু জবাব দিল : আজ যে এখানে নিখিল বঙ্গ পোর্টাল সম্মেলন, না কি একটা সম্মেলন হবে, তাতে মিশরকুমারী নাটক অভিনয় হবে। রনু সেই নাটকে সায়ার ভূমিকায় নামবে।

বললাম ডেকে আনতে।

বিকেলের দিকে অনেক খোঁজাখুঁজি করে রনু ধরে নিয়ে এল রনুকে। দেখলাম বছর পনেরো বয়স হতে পারে। গায়ের রং ফরসা বলা যায় না, স্বাস্থ্যও তেমন ভালো নয়; কিন্তু সর্ক অবয়বে যেমন আছে একটা লালিত্য, তেমনি বুদ্ধির ছাপ। ভালোই লাগলো।

আলাপ করলাম। জানা গেল, ইছাপুরা গ্রামে সে আরও অনেকবার নাটক অভিনয় করেছে। প্রতিবারই সুখ্যাতি হয়েছে তার। সিংপাড়া হাই স্কুলে ক্লাস এইটে-এ পড়ে!

প্রথম দিনের আলাপ হলো একান্ত ব্যক্তিগত.....বাবা, মা, ভাই, বোনের

কথা, আর্থিক অবস্থার কথা, সাংসারিক সুখ-দুঃখের কথা, ম্যাট্রিক পাশ করে সে কি করতে চায়, সে সম্বন্ধে আলোচনা।

একদিন কেয়টখালী আমাদের বাড়ীতে আসতে বলে দিলাম ছেলেটিকে। সে ফন্স করে প্রশ্ন করে বসলো : কেন ?

বললাম : আমরাও একটা নাটক শীগগিরই করবো, তাতে তোমায় একটা পার্ট দোব।

প্রশ্ন করলো সুবোধ : পারবো কিনা না দেখেই পার্ট দেবেন কেন ?

এই কেন-র জবাব এড়িয়ে গেলাম কৌশলে। শুধু নাটকের নায়িকা করবার জন্তই যে তাকে আমন্ত্রণ জানাচ্ছি না, এর পশ্চাতে আছে একটি বৈপ্লবিক পরিকল্পনা, আদৌ প্রকাশ করলাম না তা।

নির্দিষ্ট দিনে নির্দিষ্ট সময়ে সুবোধ চক্রবর্তী এল আমাদের বাড়ীতে। অল্প দিনের মধ্যেই সে ধরা দিল এবং একেবারে আমাদের পরিবারেরই একজন হয়ে পড়লো মা, বাবা, বৌদি সবার সঙ্গে মিলে-মিশে।

কাজের উৎসাহ দেখেছি তার একেবারে সীমা-পরিসীমাহীন। এমনি অত্যন্ত সরল ও হাসিখুশী হলে কি হবে কাজের বেলায় তাকে দেখেছি কঠোরতম সিরিয়ান্স কম্বী ও সংগঠক।

১৯৪১ সালে সে ছিল ঢাকা জেলা ফরোয়ার্ড ব্লকের সাধারণ সম্পাদক। মেজর সত্য গুপ্ত প্রমুখ বি ভি-র প্রায় সবাইকেই তখন গ্রেপ্তার করে নিরাপত্তা বন্দীরূপে বিভিন্ন জেলে আবদ্ধ করে রাখা হয়েছে। ঢাকা শহরে ফরোয়ার্ড ব্লক অফিসে পুলিশ হানা দেবার পূর্বক্ষণে সুবোধ গা ঢাকা দিল এবং পুলিশের ছলিয়া প্রথমটা অত্যন্ত জোরালো থাকে জেনে সে সোজা চলে গেল আসামে। সেখানে বন্ধু জ্যোতিলালের সাহচর্যে একটি ব্যবসায় প্রতিষ্ঠান গড়ে তুলে তার মারফৎ জনসাধারণের সঙ্গে মেশবার সুযোগ গ্রহণ করে সুবোধ যুদ্ধবিরোধী সংগঠন সুরু করে দেয়। সেখান থেকে সে আসে ময়মনসিংহে, সেখান থেকে ঢাকায়, বিক্রমপুরে, ফরিদপুরে এবং অবশেষে বিহারেও গিয়ে সে হাজির হয়।

এদিকে বেঙ্গল ভলান্টিয়ার্সের পলাতক এই নেতার জন্ত গভর্নমেন্ট পাঁচ হাজার টাকা পুরস্কার ঘোষণা করেছেন। নেতাজী তখন ভারত ত্যাগ করেছেন। কেন করেছেন, তা দেশের মধ্যে ষাঁরা জানতেন, তাঁদের মধ্যে সত্যরঞ্জন বস্তুও একজন। কিন্তু বাইরে কেউ নেই, নিরাপত্তা বন্দীর শৃঙ্খল গভর্নমেন্ট সবাইকে

পরিষে দিয়েছেন। অতএব বেঙ্গল ভলান্টিয়ার্সের সর্বময় কাজের ভার স্বাভাবিকভাবেই এসে পড়ে সুবোধ চক্রবর্তী ও আরো ক'জনের ওপর।

দ্বিধাহীনভাবে বলবো এবং জোর গলায় বলবো, সুবোধ সে দায়িত্ব প্রাণপণে পালনের চেষ্টা করেছে। কতখানি ক্লতকার্য সে হয়েছিল, সে বিচার এখানে নয়; এখানে উল্লেখযোগ্য, জীবনের ঝুঁকি নিয়ে তার এগিয়ে আসার সাহস। ওজর দেখিয়ে অনায়াসে সরে পড়তে পারতো সে। কৈফিয়ৎ তলব করবার জ্ঞাও বাইরে কেউ ছিল না। কিন্তু সে যে সেই জগতের ছেলে, ঝরা দায়িত্বের মূল্য দেয় নিজেদের জীবনের চাইতে বেশী।

বাংলা, বিহার ও আসামের বিভিন্ন স্থানে পলাতকভাবে ঘুরে বেড়াতো সে এবং প্রত্যেক শহরে পৌঁছেই সে সেখানকার পুলিশ সুপারের নামে একখানা চ্যালেঞ্জ-পোষ্টকার্ড ছেড়ে দিতো: হ্যালো মিঃ সুপার, আমি আজ এই শহরে এসেছি। যদি পার গ্রেপ্তার কর।

এমনিভাবে চ্যালেঞ্জ করে ঘুরতে ঘুরতে সে অকস্মাৎ ধরা পড়ে যায় ১৯৪৩ সালের জুলাই মাসে। বিক্রমপুরে বর্ষার জল প্রবেশ করলেও তা তখনো মাঠ-ঘাট ডুবিয়ে দেয়নি। সাহেবী পোষাক পরে সুবোধ যাচ্ছিল লৌহজং ষ্টেশনে। নৌকোর মধ্যে পোষাক পরেই সে শুয়ে রয়েছে। মাথার কাছে একটি টিনের স্ট্রটকেশ। তার ওপর সূপীকৃত কাগজপত্র ও তার ওপর একটি দেশলাই।

তখন সবে ভোরের আলো পূর্বের আকাশ ছাতিময় করে তুলেছে। গাছে-গাছে স্তম্ভ-জাগা পাখীর কিচির মিচির শব্দ শোনা যাচ্ছে। ছ'ধারে উঁচু খালের মধ্যে দিয়ে সুবোধের নৌকো এগিয়ে চলেছে। এসে পড়েছে কিন্তু সে একটি মারাত্মক স্থানে। শ্রীনগর থানার দক্ষিণের খালের বাঁকটা ঘুরতেই একেবারে অকস্মাৎ অপ্রত্যাশিতভাবে সম্মুখে পড়ে গেল দারোগার নৌকো। দারোগা তাকে ভালো করে লক্ষ্যই করেননি, করলেও হয়তো তৎক্ষণাৎ সাহেবটিকে চিনতে পারতেন না। কিন্তু সঙ্গে ছিল মতি দফাদার। সুবোধদের তন্তুর গ্রামের দফাদার। শৈশবকাল থেকে তাকে সে চেনে। সে হঠাৎ বলে উঠলো: আরে, মনুবাবু না?

দারোগা প্রশ্ন করলেন: মনুবাবু কে রে?

আমাগোঁ গেরামের—বলে সে আরো কি বলতে যাচ্ছিল। কিন্তু দারোগা

বাধা দিয়ে চীৎকার করে উঠলেন : আরে, মনু মানে সুবোধবাবু, সুবোধ চক্রবর্তী ? তন্তুরের সুবোধ চক্রবর্তী—এই মাঝি, সাবধান ! আমাদের নোকোর সঙ্গে লাগা নোকো, তা নইলে তোকে আজ আস্ত খেয়ে ফেলবো !

তার প্রয়োজন ছিল না। খাল তখনো এতখানি সঙ্কীর্ণ যে, দারোগার নোকোর সঙ্গে গা ঠোকাঠুকি না করে সুবোধের বেরিয়ে যাবার উপায় ছিল না। গ্রেপ্তার অবধারিত জেনে সে তৎক্ষণাৎ দেশলাইয়ের কাঠি জ্বলে কাগজপত্র পুড়িয়ে ফেলে দিল এবং সহাস্থ্যে ছইয়ের বাইরে এসে কোটটা গায়ে দিতে দিতে বললো : হ্যালো হারাগবাবু, এত ভোরে কোথায় গিয়েছিলেন ?

হারাগ দারোগা খুব হুঁশিয়ার ব্যক্তি। তিনিও রিভলভার-আঁটা বেন্টটা কোমরে জড়াতে জড়াতে হেসেই জবাব দিলেন : আর বলবেন না দুর্ভোগের কথা। হলদিয়ায় ডাকাতি হবার সংবাদ পেয়ে গিয়েছিলাম। সারাটি রাত থাকলাম ওৎ পেতে বসে। কোথায়, ডাকাতির নাম গন্ধ নেই। সারাটি রাত অনর্থক জেগে এলাম একটা ভূয়ো সংবাদের ওপর।—তারপর সুবোধের নোকোয় অকস্মাৎ লাফিয়ে পড়ে সুবোধের কাঁধে সন্নেহে একখানা হাত রেখে সহাস্থ্যে বললেন : তবু যা হোক, আপনাকে পেয়ে পরিশ্রমটা সার্থক হলো বলা যায়। শালা আই বি-রা বার বার এসে ধমকে যায় আমাদের যে, আপনি নাকি বিক্রমপুরেই ঘোরা-ফেরা করেন, অথচ মুর্থ আমরা ধরতে পারিনে।

সুবোধ হেসে বললো : তা আমায় আই বি যে খুঁজছে, সে কথাটা একবার একটু কষ্ট করে জানিয়ে দিলেই তো আমি নিজে গিয়ে ঢাকায় হাজির হতাম ওদের অফিসে। পালিয়ে বেড়াবার প্রয়োজন কী বলুন ?

সে আমি জানি !—বলে বিজ্ঞের মতো হেসে উঠলেন দারোগাবাবু। বললেন : চলুন, থানায় যাই।

সবাই থানায় এসে উঠলো। বারান্দায় সশস্ত্র একজন প্রহরী বুটের আওয়াজ তুলে দারোগাকে স্যালুট করলো।

দারোগা তাকে ইশারায় ডেকে নিয়ে অপর প্রান্তে গিয়ে এক মিনিট কি বলতেই সে আবার বুটের আওয়াজ তুললো। অর্থাৎ শীকারটি যে আর কেউ নয়, স্বয়ং সুবোধ চক্রবর্তী আর তার মূল্য যে নগদ পাঁচ হাজার রোপ্যমুদ্রা, সেই খোশ খবরটাই জানিয়ে দিলেন বন্দুকধারীকে। তারপর ঘরে প্রবেশ করে

ফাইলপত্র টেবিলের ওপর রেখে দারোগা বললেন : সুবোধবাবু, Please excuse me, সারাটি রাত এক মিনিট ঘুমোতে পারিনি। আপনি একটু বসুন, আমি চোখমুখ ধুয়ে আসছি। এখুনি আসবো, কেমন ?

অত্যন্ত সহজভাবে বললো সুবোধ : কিন্তু আমার স্ট্রোকেশ ও আমার দেহ-তল্লাশীর বিদঘুটে কাজটি সেরে গেলেই ভালো হতো না কি ? তা'হলে আমিও এই বিদেশী পোষাক ছেড়ে ধুতি পরতে পারতাম।

সাজীর প্রতি একবার দৃষ্টিক্ষেপ করে তাচ্ছিল্যভরে বলে উঠলেন দারোগা : আরে রেখে দিন তল্লাশী ! কাগজপত্র যা ছিল তা তো দেখলাম চোখের সম্মুখেই পুড়িয়ে ফেললেন। আর কিছু নেই। থাকলে তার সদগতি না করে পুলিশের হাতে ধরা দেবার পাত্র অন্ততঃ তন্তুর গ্রামের সুবোধ চক্রবর্তী যে নয়, এ বিশ্বাস আমার জন্মেছে।—আসছি, Please don't mind—

হারাগ দারোগা সহাস্তে গৃহাভিমুখে চলে গেলেন। সুবোধও হাসলো মনে মনে। তার পকেটে তখন একটি গুলী-ভরা ছ'-ঘরা রিভলভার !...

সেদিন শ্রীনগরের হাটের দিন। সকালেই হাট বেশ জমে যায়। ঘরের মধ্যে বসে পেছনের জানালা দিয়েই দেখা যাচ্ছে কত লোক ফিরছে আনাঙ্গ-তরকারি নিয়ে, দুধ, মাছ নিয়ে আর কত লোক যাচ্ছে সওদা করতে। দূরে থালের যে অংশটুকু দেখা যাচ্ছে, সেখানে নৌকোর পর নৌকা এসে থামছে আর নামছে হয় ব্যবসাদার, নয় খরিদার।

বাইরের বন্দুকধারী সিপাইটা নিশ্চিত মনে বারান্দায় একজন দফাদারের সঙ্গে গল্প জুড়ে দিয়েছে। আজ বুঝি ওদের হাজিরা দিবস। তাই দলে দলে থানা-প্রাঙ্গণে এসে জমায়েৎ হচ্ছে দফাদার আর চৌকিদার। গ্রাম্য সরকারী চাকুরে, জানে না এরা যে, তাদেরই মহামান্য সরকার একেবারে পাঁচ হাজার টাকা পুরস্কার ঘোষণা করেছেন এমন একটি ব্যক্তির গ্রেপ্তারের জন্ত, গত ছ'বছর যাবৎ যে তাদের ফাঁকি দিয়ে সফর করে বেড়াচ্ছিল সারা বাংলা দেশ, বিহার ও আসামে এবং শাস্তিশিষ্ট সুবোধ বালকের মতো এখন যে বসে আছে তাদেরই সম্মুখে।

কিন্তু সুবোধ বালকের মতো বিনা প্রতিবাদে ধরা দেবে সুবোধ চক্রবর্তী ? হারাগ দারোগা চা ও জলখাবার খেয়ে এসে টেবিলে বসে একটি কলমের আঁচড়েই তৈরী করবে পুরো পাঁচ হাজার টাকার বিল ? সুড়সুড় করে চুকবে সে হাজতে ? কিন্তু রিভলভার ? এতক্ষণ ভদ্রতা করলেও হাজতে ঢোকাবার

পূর্বে দেহতল্লাশী করতে গিয়েই তো বেরিয়ে পড়বে তা। সুবোধ বালকের মতো তুলে দেবে এই অমূল্য আগ্নেয়াস্ত্রটি হারাণ দরোগার হাতে? বেনীর মতো আদৌ করবে না ছরস্তুপনা?

বন্দুকধারী সিপাইটি দরজার কাছে নিশ্চিত মনে পাগচারি করছে। মাঝে মাঝে চৌকিদার বা দফাদারের সঙ্গে মিঠে ছ'একটা কথাও বলছে ও হাসছে।

রিভলভারের একটি গুলীতেই সিপাইটাকে ধরাশায়ী করা যায়! কিন্তু যে শব্দ হবে, তাতে ব্যারাকের সিপাইগুলো সহজেই ব্যাপারটা বুঝে ফেলবে এবং চৌকিদাররাও, পগচারীরাও.....তাতে কয়েকটা খুন করা যাবে, কিন্তু পলায়নের পথ সুগম হবে না। যতখানি সম্ভব, নীরবে কাজ হাসিল করাই উচিত।.....হারাণ দারোগা মুখ ধুতে গেছেন প্রায় দশ মিনিট। ফিরে আসবার সময় হয়ে এল। ফিরে আসবার পূর্বেই যা করবার করতে হবে.....এলে আর হবে না।——দেয়াল-ঘড়ির দোলকটা টিক্ টিক্ করছে, থানার কক্ষ একেবারে নির্জন...হাটের কোলাহল বেড়ে চলেছে...সিপাইটা বন্দুক ভর করে দাঁড়িয়ে গল্প জুড়ে দিয়েছে মতি দফাদারের সঙ্গে...ব্যারাকের সিপাইরা বোধহয় তাস খেলা শুরু করেছে...শোনা যাচ্ছে—আঠারো?—আছি।...বিশ?—আছি।...বাইশ?—পাস এ্যাণ্ড ডাবল্...ডিক্লেয়ার।

—অকস্মাৎ সশস্ত্র সিপাইটার ওপর ঝাঁপিয়ে পড়ে প্রচণ্ড এক মুঠ্যাঘাতে তাকে ধরাশায়ী করে বারান্দা থেকে রেলিং টপকে একেবারে প্রাঙ্গণ লাফিয়ে পড়লো সুবোধ। প্রথমটা খতমত খেয়ে গেল চৌকিদার ও দফাদারের দল। কিন্তু আর-এক ঘূষিতে মতি দফাদারের নাক ফেটে গিয়ে যখন রক্তের ধারা নামলো তার ঠোঁট বেয়ে, তখনই তারা বুঝতে পারলো আসল ব্যাপারটা। ডিক্লেয়ার ছুঁড়ে ফেলে দিয়ে ব্যারাক থেকে লাফিয়ে পড়লো জনকতক সাদা পোষাকধারী সিপাই। ছুটলো হাটের দিকে প্রাণপণে, সঙ্গে যোগদান করলো চৌকিদার ও দফাদারের দল! সান্দ্রী ততক্ষণে পাউচ খুলে রাইফেলে বুলেট ভরে নিয়েছে। কিন্তু চিড়িয়া ভাগ গিয়া!...

সুবোধ ততক্ষণে একেবারে হাটের ভিড়ে এসে মিশে গেছে। তা'হলেও নিশ্চিত গা-ঢাকা দেওয়া যাবে না এখানে। পেছনের দল 'চোর' 'চোর' করে চীৎকার করছে। এখনই এসে পড়বে হাটে। অতগুলো লোক ঠিক ধরে ফেলবে তাকে, সাহেবী পোষাক-পরা পলাতক আমামীকে।

অকস্মাৎ সুবোধও হল্লা শুরু করলো 'চোর' 'চোর' বলে, সঙ্গে সঙ্গে আরও কণ্ঠ এসে যোগদান করলো : চোর, চোর !

সুবোধ বলে উঠলো : কোথায় যাচ্ছেন মশাই ? ঐ দিকে গেছে ব্যাটা পকেট মেরে। ঐ পশ্চিম দিকে, ঐ বাবুদের বাড়ীর দিকে। ঐ দিকে ধাওয়া করুন, শালা যাবে কদুর ? শালা চোর—

সবাই ছুটলো বাবুদের বাড়ীর দিকে।

শালা চোর কিন্তু ততক্ষণে এসে হাজির পূর্ব দিকে খালের পাড়ে। বহু নৌকো বাঁধা রয়েছে লগিতে। কোনোটাতে কেউ আছে, কোনোটা শূন্য। অত্যন্ত শাস্তমনে দড়ি খুলে নিয়ে সুবোধ উঠে পড়লো একখানা ছোট নৌকোয়। প্রাণপণে বৈঠা চালাতে লাগলো।

বাবুদের বাড়ীর দিকে ধাওয়া করছিল যারা শালা চোরকে গ্রেপ্তার করতে, কনেষ্টবল, চৌকিদার ও দফাদারের দল এসে পড়তেই সে ভুল ভাবলো তাদের এবং বুঝতে আদৌ দেরী হলো না যে, সাহেবী পোষাক-পরা যে লোকটি চোরের সন্ধানে যেতে বলেছিল পশ্চিম দিকে, সে-ই শালা চোর, গেছে পূর্ব দিকের খালে।

—প্রাণপণে বেয়ে চলেছে সুবোধ। হাটে এতক্ষণে নিশ্চয়ই জানাজানি হয়ে গেছে, হল্লা শুরু হয়েছে, হুলিয়া বেরিয়ে পড়েছে, হারাগ দারোগা হয়তো রিভলভার ছেড়ে রাইফেল নিয়েই নৌকো ভাসিয়েছেন...জ্যাস্ত না পারলেও, অন্ততঃ লাস নিয়ে গ্র্যাসবি সাহেবের শ্রীচরণে নিবেদন করতে পারলেও...কিন্তু ও কি, পেছনে দূরে দেখা যাচ্ছে একখানা বড় নৌকো, ছুটে আসছে তার দিকে, একটা লাল পাগড়িও দেখা যাচ্ছে!—ঐ তারা আসছে, কথাও এক-আধটা শোনা যাচ্ছে যেন—

কতক্ষণ আর পারবে সুবোধ ! সে একা, আর ওরা একাধিক। গলা শুকিয়ে আসছে তার, সর্বশরীরে তীব্র ব্যথা—জলের মধ্যে বৈঠা আকণ্ঠ ডুবিয়ে দিয়ে তোলা ভারী কষ্টকর ! কিন্তু সংজ্ঞা হারিয়ে পাটাতনের ওপর বা জলের মধ্যে পড়ে না যাওয়া পর্যন্ত সে চালাবেই এই চেষ্টা।

পশ্চাতের নৌকো শনৈঃ শনৈঃ এগিয়ে আসছে বোঝা যাচ্ছে। মধ্যকার ব্যবধান প্রতি সেকেণ্ডে কমে আসছে...ওদের উল্লাসধ্বনি স্পষ্ট কানে আসছে... সুবোধ একবার হাত দিয়ে অনুভব করলো—হ্যাঁ ঠিক আছে। ধরা যদি দিতেই হয়, তা'হলে অন্ততঃ ছ'জনকে ধরাপৃষ্ঠ থেকে বিদায় করে দিয়ে তারপর...

অকস্মাৎ চমকে উঠলো সুবোধ। অদূরে একথানা ছোট নৌকোর মাঝি চীৎকার করে উঠলো : ডর নাই, ডর নাই কত্তা। আসেন, ফাল্ দিয়া আসেন আমার নৌকায়। বৈঠাডা লইয়া আসেন। কলিমদী বাইচা থাকতে ধরবো আপনারে ? অখনো মরি নাই—

বলতে বলতে লোকটা একেবারে সুবোধের নৌকোর গায়ে নৌকো লাগিয়ে দিল। কে এ ? কী করা যায় ? মিষ্টি কথায় ভুলিয়ে যদি পুলিশেরই হাতে তুলে দেয় ?...কিন্তু ভাববার অবসর নেই, এক-একটি মুহূর্ত—

লাফিয়ে পড়লো সুবোধ কলিমদীর ছোট নৌকায়। কলিমদী উৎসাহ দিল : হ্যান্, মারেন তো কয়ডা খ্যাও ঠাকুর ঠাকুর কইরা। শালাগো কলিমদীর কবজির জোর দেই দেখাইয়া, হ্যান্—

মিথ্যে বলেনি মুসলমান মাঝি। তীর বেগে ছুটে চললো নৌকো ঘোলঘর বাজারের দিকে। কলকল ছলছল শব্দ। জল কেটে নয়, জলে তরঙ্গ তুলে। সম্মুখে হুঁয়ে পড়ে বৈঠাখানা আকণ্ঠ ডুবিয়ে দিচ্ছে কলিমদী, প্রাণপণে জল টানছে। আবার ডোবাচ্ছে, আবার টানছে। ঝপাঝপ বৈঠার শব্দ। আঘাতে আঘাতে উৎক্ষিপ্ত জল কালো শরীর ভিজিয়ে দিচ্ছে। সকালের নরম রোদ জলজ্বল করছে। কোনোদিকে দৃকপাত নেই কলিমদীর। যেন অক্সফোর্ড ক্যান্ট্রিজের নৌকা বাইচ !.....পশ্চাতের নৌকো এবার ধীরে ধীরে পেছিয়ে পড়তে লাগলো। আর শোনা যায় না ওদের আনন্দকলরব, লাল পাগড়ি আর দেখা যায় না।

ঘোলঘর বাজারে শ্রান্তদেহে অবতরণ করে সুবোধ কলিমদীর হাতে একথানা দশ টাকার নোট গুঁজে দিতেই সে এক গাল হেসে বলে উঠলো : চিনলেন না কত্তা আমারে ?

চমকে উঠলো সুবোধ : না তো। মনে তো পড়েছে না—

ভুইলা গেছেন।—কলিমদী হেসে বলতে লাগলো : হ, ভুইবার কি তিন বার গেছি আপনারে লইয়া কেয়টখালী গাঙ্গুলী বাড়ীতে। ক্যান্, এই তো সেইবার গেছিলাম ছপইর রাত্তিরে বীরতারার মজুমদার বাড়ীর কারে জানি লইয়া—

ও—মনে পড়েছে সুবোধের। তার মনে না থাকলেও কলিমদী ভোলেনি তাকে।...কৃতজ্ঞতা জানাবার ভাষা খুঁজে পেলো না সুবোধ। আরও একথানা

নোট তার হাতে দিয়ে বললো : তুমিই ভাই বাঁচিয়েছ আমায় ! নইলে একা সাধিা ছিল না আমার । ধরা পড়ে যেতাম ।

কলিমদী বিজ্ঞের মতো হেসে বললো : হ, হ, বুঝছি, বুঝছি । স্বদেশীগো পলাইয়াই বেড়াইতে হয় । লাগুড় পাইলে পুলিশ ছাড়বো ক্যান ? কিন্তু আমি নৌকা বাই আউজগা তিরিশ বচ্ছর । আমার লগে তোরা শালারা পারবি ক্যান রে ? বাউক, তবু তো পারছি আপনারে বাঁচাইতে । শ্যালাম কত্তা, শ্যালাম ।

প্রত্যন্তরে শ্যালাম জানানোই ইচ্ছে ছিল সুবোধের । অবজ্ঞাত এমনি কত লোক যে কতভাবে বিপর্যয়ের হাত থেকে বাঁচিয়ে দিয়েছে সে যুগের বিপ্লব-আন্দোলনকে, কোথাও লেখা নেই তার ইতিহাস । অপরিচয়ের কুজ্জাটিকার পুরু আস্তরণে চিরদিনের জন্তু এরা সমাধিস্থ, দৃশ্যমান জগতের স্মৃতিপট থেকে অবলুপ্ত !.....মনে মনে অসংখ্য প্রণাম জানালো সুবোধ নিরক্ষর এই গ্রাম্য মুসলমানকে ! বেঙ্গল ভলান্টিয়ার্সকে সেদিন কতখানি সাহায্য করেছিল এই দরিদ্র মাঝি, তা প্রকাশের ভাষা আজও সৃষ্টি হয়নি !

চৌত্রিশ

আমি তখন কলকাতার দৈনিক 'কৃষক' পত্রিকার বার্তা ও সিনেমা-সম্পাদক। দীর্ঘ ছয় বৎসরের অধিককাল রাজবন্দী জীবন যাপনের পর ১৯৩৮ সালে মুক্তিলাভ করে সহ-রাজবন্দী বিশ্বেশ্বর চৌধুরীর চেষ্টায় 'কৃষকে' যোগদান করি অন্তিম সহ-সম্পাদকরূপে। তারপর বার্তা সম্পাদক কেশব সেনের আকস্মিক মৃত্যুর পর আমিই বার্তা ও সিনেমা সম্পাদক নিযুক্ত হই। বৈপ্লবিক রাজনীতি থেকে চিরদিনের মতো অবসর গ্রহণ করে সংসার-নীড় রচনার কাজে করেছি আত্মনিয়োগ, সারা জীবনে আর জীবনের ঝুঁকি নেবার বেহিসাবী পরিকল্পনাকে মনের কোণেও স্থান দিই না, এমনি একটা ছদ্ম-মনোভাব ব্যক্ত করে এবং চলাফেরায় রাজনীতি সম্পর্কে একটা ছদ্ম উদাসীনতা দেখিয়ে পত্রিকার অফিসে আমি এই চাকরি গ্রহণ করি! থাকি ওয়েলিংটন স্কয়ারের কাছে মলোঙ্গা লেনে। চাকরি আরও একটা করছিলাম তখন একটা ব্যাঙ্কে। সকাল দশটায় ডালহৌসী স্কয়ারে ব্যাঙ্কে যেতাম, বিকেল পাঁচটায় সেখান থেকেই সোজা চলে যেতাম ক্রীক রো-তে।

ক্রীক রো-তে 'কৃষকে'র অফিস। পত্রিকার কর্মকর্তা রমেশ বসু বন্ধুস্থানীয় বলে প্রায় প্রতিদিনই রাত বারোটা পর্যন্ত আমাকেই অফিস থেকে সব কিছু গুছিয়ে নৈশ সম্পাদকের হাতে থাকি রাতটুকুর দায়িত্ব তুলে দিয়ে বাসায় ফিরতে হতো।

১৯৪২ সালের গণবিপ্লব শুরু হয়ে গেছে তখন পূর্ণোদ্যমে! ১৪৪ ধারা অমান্ত করে কলকাতার পথে পথে বেরুচ্ছে প্রতিদিনই অগণিত শোভাযাত্রা, পার্কে পার্কে শুধু নয়, মোড়ে মোড়ে চলছে বিরামহীন সভা ও অগ্নিগর্ভ বক্তৃতা, শোভাযাত্রীদের শ্লোগানে শ্লোগানে একই অনড় দাবীর প্রতিধ্বনি : কুইট, কুইট, ইণ্ডিয়া!..... ভারতের উর্ধ্বর ভূমিতে যে একবার পা রাখতে পেরেছে, লাল কেল্লার শীর্ষে উড়িয়ে দিয়েছে ইউনিয়ন জ্যাক, গত ছ'শো বছর ধরে যারা ভারতের প্রতিটি শিরা ও উপশিরায় মুখ লাগিয়ে রক্ত চুষে খাচ্ছে অগস্ত্য মূনির মতো, 'কুইট ইণ্ডিয়া'র ছমকিকে যে তারা ভয় করবে না, লাঠিচালনা, কাঁচনে-বোমা নিক্ষেপ ও গুলীবর্ষণের মধ্য দিয়ে যে তারা তাদের অনিচ্ছা ও অস্বস্তি প্রকাশ করবে, 'এ তো জানা কথা!

...কিন্তু তথাপি, ১৯৪২ সালে গণসংগ্রামের যে মহাতরঙ্গ সমগ্র ভারতে শির উঁচু করে দাঁড়িয়েছিল প্রকাণ্ড অজগরের মতো, আঘাত হানবার উত্তম আবেগে যার প্রস্থানে জেগে উঠেছিল ১৩২৬ সনের ঝড়, চক্চকে চক্ষু ছুটিতে যার মুর্ত্ত হয়ে উঠেছিল বিস্মৃতিম্বাসের নৃশংসতা, সেই গণজাগরণের তরঙ্গাঘাতে যখন বৃটিশ গভর্নমেন্টের ইম্পাতের বনিয়াদ টলটলায়মান হয়ে উঠেছিল, ঠিক সেইসময় বেঙ্গল ভ্রমার্টিম্বাসের যারা তখনো জেলের বাইরে ছিল, তারা এই সুবর্ণ সুযোগ কাজে লাগাবার সিদ্ধান্ত গ্রহণ করলো এবং লোকচক্ষুর অন্তরালে থেকে এই স্বতঃস্ফূর্ত্ত বিপ্লবকে ঠিক পথে পরিচালনার বিপজ্জনক কার্যে আত্মনিয়োগ করলো।

ঢাকা থেকে গোপনে কলকাতায় এল চঞ্চল গাঙ্গুলী। ধর্ম্মতলার এ্যাংলো-ইণ্ডিয়ান-অধ্যুষিত একখানি নোংরা দোতলা বাড়ীর দোতলায় একটি কক্ষে সে আশ্রয় গ্রহণ করলো। ফেরারী চঞ্চলকে গ্রেপ্তারের জ্ঞত তখন কয়েক হাজার টাকা পুরস্কার ঘোষিত হয়েছে আর বুদ্ধকালীন নিম্প্রদীপের যুগে হারেনার মতো ঘুরে বেড়াচ্ছে চতুর্দিকে আই বি ও এস বি-র দল শিকারের সন্ধানে। কিন্তু বিপদের হিসেব করলে আর বিপজ্জনক কাজ করা চলে না। তাই চঞ্চলকে চাকরি দেয়া হলো আমাদেরই 'কৃষক' অফিসে অন্ততম নৈশ সহ-সম্পাদকরূপে। নামকরণ হলো তার কান্নু রায়। প্রতিদিনই রাত দশটায় কান্নু রায় অফিসে আসতেন এবং অফিসে বসে ছ'চার লাইন লিখবার পরই একে একে এসে হাজির হতেন বাংলা ও বাংলার বাইরের কর্ম্মীরা অন্ধকারে গা-ঢাকা দিয়ে। প্রায় সারারাত বসে চলতো পরিকল্পনা—সৈন্তবাহী কোন্ ট্রেনখানা উর্টে দেবে ফিসপ্লেট সরিয়ে, কোন্ সাহেবী ব্যবসায়ী প্রতিষ্ঠানের টাকার ভ্যানখানা আটক করবে, কোন্ ঘুঘথোর সামরিক অফিসারের কাছ থেকে ক্রয় করবে গোঁটাকতক রিভলভার ও ষ্টেন গান, কোন্ প্রেসে ছাপিয়ে লক্ষ লক্ষ ছাণ্ডবিল ছেড়ে দেবে ডালহৌসী স্কোয়ারে...

মনিরুজ্জমান ইসলামাবাদী চট্টগ্রামের উগ্র জাতীয়তাবাদী বিশিষ্ট মুসলমান নেতাদের অগ্রদূত বলা যায়। এই সত্তর বৎসর বয়স্ক বৃদ্ধের সঙ্গে আমার বিশেষ ঘনিষ্ঠতা জন্মে আমাদের পত্রিকার সম্পাদক, আমার ব্যক্তিগত বন্ধু সিরাজউদ্দীনের মারফৎ। অদ্ভুত মনোবলসম্পন্ন অথচ অত্যন্ত স্বল্পভাষী এই বৃদ্ধ। এঁরা এমনি ধরনের লোক, যারা সভায় বা কোনো প্রকাণ্ড অনুষ্ঠানের ব্যাক বেঞ্চে এসে চুপি

চুপি বসে থাকেন ভালো মানুষটির মতো। হঠাৎ চোখে পড়লে অনেকেই পাশ কাটিয়ে চলে যাবেন অতি সাধারণ বা তার চাইতেও নিম্নস্তরের অনুল্লেখযোগ্য কাউকে মনে করে। তারপর হঠাৎ চিনতে পারলেও বক্তৃতা-মঞ্চে এসে এঁরা নিজের পরিচয় দিতে সীমাহীন সঙ্কোচ বোধ করেন, প্রস্তাব উত্থাপন বা সমর্থনের ঝামেলা এড়িয়ে এঁরা শুধু প্রয়োজনের সময় হস্ত উত্তোলনেই কাজ শেষ করে ফেলতে চান। এঁরা চলেন রাজপথ এড়িয়ে অলি-গলি দিয়ে, সন্ধ্যার আবছায়া অন্ধকারে লোকচক্ষুর অন্তরালে। পরিচিতির গাল-ভরা বুলি উচ্চারণ করে এঁরা নিজেদের ঢাক পেটান না, এঁদেরই কাছে আসে এবং কিউ দিয়ে দাঁড়িয়ে থাকে অসংখ্য অনুসন্ধিৎসু, জিজ্ঞাসুর দল, যেমন করে অপেক্ষায় থাকে ভক্তের দল মন্দিরের দরজায় ভক্তিভরা মন নিয়ে।

উজ্জ্বল গৌরবর্ণ, দীর্ঘকার, শুভ্র শ্মশ্রু ও কেশ এই বুদ্ধ মুসলমানকে প্রায়ই আমার মনে হয়েছে প্রাচীন কালের ঋষির মতো। অনেকবার গেছি তাঁর বাসায়, মৌলানীর মোড়ের প্রকাণ্ড বাড়ীখানার দোতলায়, অনেক দিন অনেক কথাই আলোচনা হয়েছে তাঁর সঙ্গে। নেতাজীর প্রসঙ্গ এসে পড়লেই দেখেছি তাঁর ফরসা মুখখানা উত্তেজনায় একেবারে লাল হয়ে উঠতো। তারপর যা বলতেন, তা সমাধিস্থ ব্যক্তির আপন মনে উচ্চারিত অন্তর্বাণীর মতো। বলতেন : নেতাজীকে ঠাই দিতে না পারার লজ্জা আমাদের রাখবাব স্থান নেই। কংগ্রেসী কূটনৈতিক চালে এই নেতাকে কোণঠাসা করে রাখবার ষড়যন্ত্র যখন প্রকাশ পেল, কেন দেশবাসী তখন হাতিয়ার হাতে রুখে দাড়ালো না, বলতে পারেন? ...কিন্তু যৌবনজলতরঙ্গ রুধিবে কে? তাই গেছেন তিনি জাশ্মাণীতে। এই বিশ্বযুদ্ধের সুযোগ নিয়ে ভারত থেকে ব্রিটিশকে চিরদিনের মতো বিতাড়িত করে দেবার পরিকল্পনা তাঁর দেশ যখন গ্রহণ করলো না, তখন গেলেন তিনি বিদেশে সেই পরিকল্পনা কার্যো রূপান্তরিত করবার মহান উদ্দেশ্য নিয়ে।— বিশ্বাস করুন দ্বিজেনবাবু, বিজয়ীর বেশে একদিন ফিরে আসবেন আমাদের নেতাজী, আমি হয়তো সেদিন পর্যন্ত বেঁচে থাকবো না। কিন্তু আজ তাঁকে রুখবার জন্ত দেশের মধ্যে ঝাঁরা গলাবাজি শুরু করেছেন, শত্রুপক্ষের হাতে হাত মিলিয়ে ঝাঁরা জনযুদ্ধের বুলি আওড়াচ্ছেন, আমি ভবিষ্যদ্বাণী করে যাচ্ছি, একদিন এঁরাই এগিয়ে যাবেন সর্বাগ্রে সেই বিজয়ী নেতাজীকে অভ্যর্থনা জানাবার জন্ত। সেদিন বেশী দূরে নয়।.....

ইসলামাবাদীর এই ভবিষ্যদ্বাণী কতখানি সফল হয়েছিল বা হয়নি, সে আলোচনা এখানে অপ্রাসঙ্গিক।

এই ইসলামাবাদীর সঙ্গে কানু রায়ের পরিচয় করিয়ে দিলাম। কানু রায় অত্যন্ত বুদ্ধিশালী ও কৌশলী। অল্প দিনের মধ্যেই উভয়ের বয়সের বিরাট ব্যবধান ভেঙ্গে দিয়েই ইসলামাবাদীর সঙ্গে চঞ্চলের স্থাপিত হলো এমনি নিবিড় বন্ধুত্ব যে, প্রায়ই চঞ্চল কানু রায়ের নৈশ চাকরি শেষ করে গভীর রাতে গিয়ে হাজির হতো ইসলামাবাদীর দোতলার কক্ষে। চলতো সেখানে মারাত্মক সলাপরামর্শ!

অকস্মাৎ একদিন গ্রেপ্তার হয়ে গেল চঞ্চল। ‘কৃষক’ অফিসের সঙ্গে তার যোগাযোগ কুটী করে পুলিশ জেনে গেছে। তাই রমেশ বোসকে ডেকে নিয়ে গেল তারা ইলিসিয়াম রো-তে। রমেশ বোস আমাদের ব্যাঙ্কে টেলিফোন করে আমার জানিয়ে দিল যে, কানু রায় গ্রেপ্তার হয়ে গেছে। বস্তুতঃ, চঞ্চলের সঙ্গে আমার যোগাযোগের ব্যাপারটা এতই গুপ্ত ছিল যে, রমেশও তা টের পায়নি। চঞ্চল গ্রেপ্তার হবার পর বেঙ্গল ভলান্টিয়ার্সের সমস্ত কাজের ভার গিয়ে পড়ে মুষ্টিমেয় যে ক’জনের ওপর, সুবোধ চক্রবর্তী তাদের অন্যতম। সুবোধ তখন পলাতক এবং পলাতক অবস্থাতেই সে বাংলা, বিহার ও আসামের মধ্যে যোগাযোগ রক্ষা করছে, প্রত্যেক গুপ্তকেন্দ্রে গিয়ে সেখানকার কাজকর্মের তদারক করছে, সংগঠনের কাজও চালিয়ে যাচ্ছে অক্লান্তভাবে।

কিছুদিন পর নেতাজীর দুর্দর্শ আত্মাদ হিন্দ ফৌজ আন্দামান ও নিকোবর দ্বীপপুঞ্জ দখল করে বসে, রেঙ্গুনের ওপর ভারতের ত্রিবর্ণরঞ্জিত পতাকা উড়িয়ে দিয়ে তারা ‘দিল্লী চলো’ ধ্বনি তুলে এগিয়ে আসে ভারতের দিকে ইন্ফলের পথে। রেঙ্গুনে আজাদ হিন্দ ফৌজের গুপ্তচর শিক্ষালয়ের পারিচালক-প্রধান নিশিকান্ত বন্দ্যোপাধ্যায় মহাশয়ের ট্রেনিং-এ যাঁরা এই বিপজ্জনক কার্যে উপযুক্ত শিক্ষা লাভ করেন, তাঁদের জনকতককে ভিন্ন ভিন্ন দলে নেতাজী সাবমেরিন-যোগে গুপ্তভাবে পাঠান ভারতবর্ষে। বেয়াল্লিশের আন্দোলন তখন পুরোমাত্রায় চলছে! গণজাগরণ ভারতের এক প্রান্ত থেকে অপর প্রান্ত পর্যন্ত আলোড়িত, বিমথিত করে তুলেছে এমনভাবে যে, সমগ্র ভারতে তখন চলেছে কার্যতঃ সামরিক শাসন, সমগ্র ভারতই তখন এক প্রকাণ্ড যুদ্ধক্ষেত্রে পরিণত হয়ে গেছে! নেতাজীর প্রেরিত গুপ্ত পত্র এসে পৌঁছায় বঙ্গা বন্দীনিবাসের

রাজবন্দী মেজর সত্য গুপ্তের কাছে। বঙ্গ থেকে সেই সংবাদ হিজলী ও বাংলার অন্যান্য জেলে প্রেরিত হয় : নেতাজীর নির্দেশ—আজাদ হিন্দ ফৌজ ইন্ফলের পথে আসামে প্রবেশ করবার সঙ্গে সঙ্গেই মুক্তিকামী বন্দী বিপ্লবীরা সদম্বলে কারাগার ভেঙ্গে বেরিয়ে পড়বে ও সমগ্র বাংলায় গণসংগ্রামের নেতৃত্ব গ্রহণ করবে! বাংলা যদি একবার অধিকার করে নেয়া যায়, তাহলে দিল্লী পৌছোবার পথে বৃটিশ সেনা আর কতখানি বাধা পারবে সৃষ্টি করতে?

এই সময় মনিরুজ্জমান ইসলামাবাদীর সঙ্গে সুবোধের পরিচয় ঘটে। সুবোধের সঙ্গে আলাপে বৃদ্ধ এতটা মুগ্ধ হন যে, শেষ বয়সে তিনি একটা চরম ঝুঁকি নেবার জ্ঞান উদ্বীণ হয়ে ওঠেন। সুবোধকে সঙ্গে নিয়ে তিনি চলে যান তাঁর দেশ চট্টগ্রামে। চট্টগ্রামের পাহাড়পর্বত ডিঙ্গিয়ে, ঘন জঙ্গলের মধ্যে দিয়ে আরাকানের পথে নেতাজীর সঙ্গে প্রত্যক্ষ যোগাযোগ স্থাপনই ইসলামাবাদী ও সুবোধের লক্ষ্য। কিন্তু সীমান্তে সতর্ক প্রহরা; আরও, আরাকান আজাদ হিন্দ ফৌজের দখলে যাবার পর এখানকার সতর্কতা বেন একেবারে সীমাহীন! কী করা যেতে পারে—বৃদ্ধ খানিকটে চিন্তা করলেন, তারপর স্বাভাবিক ধীর ও শান্ত কণ্ঠে বললেন : সুবোধবাবু, আমার জীবনের মাত্র কয়েক দিন বাকী। তাই চরম ঝুঁকি নেবার অসুবিধে আমার আদৌ নেই। আপনি এখন যুবক, প্রশস্ত জীবনের পথ আপনার সম্মুখে, অনেক আশা ও সম্ভাবনা আছে। বরং আপনি পেছিয়ে যান পরদার আড়ালে, আমিই প্রত্যক্ষভাবে এগিয়ে যাই। যদি কিছু হয়—

বাধা দিয়ে সুবোধ বললো : যদি কিছু হয়, তাহলে আমার ওপর দিয়েই হোক তা। যদি কিছু হয়—সে চিন্তা তো কোনো দিন আমরা করিনি, মৌলবী সাহেব! অভ্যস্ত নই। আজও করতে চাই না। বিশেষ করে নেতাজী—আমাদের নেতাজীর সঙ্গে যোগাযোগ স্থাপনের কাজে মৃত্যুকে গ্রাহ্যই করি না। নিজের জ্ঞে চিন্তা-ভাবনার দায়িত্ব আর যে-ই নিক, আমরা কোনোদিন নিয়েছি বলে কেউ আমাদের বদনাম দিতে পারে না। বিনয়, বাদল, দীনেশ, কানাই, প্রমোৎ এঁরা আমাদেরই শিক্ষাগুরু ছিলেন, মৌলবী সাহেব!

ইসলামাবাদী হুঁহাতে জড়িয়ে ধরলেন সুবোধকে।

কিছুদিন পর দেখা গেল, ভারত-আরাকান সীমান্তে সৈন্যদের ও গ্রাম-বাসীদের সুবিধার জ্ঞে গোটাকতক সস্তা রেন্টোরী স্থাপিত হয়েছে গোটা

কয়েক শানকী, কাঁচের মাংস ও একখানা লম্বা টেবিল ও একখানা বেঞ্চ নিয়ে, আর সেই রেস্টোরঁয় বয় হিসেবে নিযুক্ত হয়েছে বেঙ্গল ভলান্টিয়ার্সের নীরেন রায় ও অজিত রায়। আরও দেখা গেল, পার্কৃত্য পথে গামছা ও লুঙ্গি ফেরি করে বিক্রয় করে বেড়াচ্ছে জনকতক দরিদ্র মুসলমান—উপেন সরকার, জগদীশ ভৌমিক প্রভৃতি। ভারতীয় সেনারা এই সব রেস্টোরঁয় বেশ আড্ডা জমিয়ে ফেললো এবং সস্তা গোমাংস ও চাপাটি খেয়ে তারা মনের আনন্দে সীমান্ত পাহারা দিতে লাগলো। আনন্দের আতিশয্যও যে ঘটলো না কখনও, তা নয়। অসতর্ক মুহূর্তে সেই আনন্দ যে গোমাংস, চা ও চাপাটির সহযোগে একেবারে বীভৎস হয়ে উঠতে পারে, সে ধারণা পুরোমাত্রায় ছিল ঐ রেস্টোরঁয় বয়দের—সেনাদের নয়। তাই বীভৎস আনন্দের প্রাবাল্যে হয়তো একদিন সৈন্তেরা যখন ছল্লোড় শুরু করে কোনো মিঠে ঠুংরীর একটি কলি সবাই মিলে একই সঙ্গে ভাঁজতে শুরু করেছে, ঠিক তখন চৌকার পাশে ঝোপে ছোট্ট একটি শব্দ শোনা গেল। বেরিয়ে গেল রেস্টোরঁয়-বয় নীরেন রায়। একটু পরই ফিরে এসে জানালো, ইসলামাবাদীর জামাই সাহেব এসেছেন। অজিত তখন সিপাইদের গরুর মাংস পরিবেশনে ব্যস্ত ছিল। তার হাত থেকে কাজ নিয়ে ব্যস্ততার মাত্রা সীমাহীনভাবে বাড়িয়ে দিয়ে নীরেন চোখের ইশারায় অজিতকে রওনা হতে বললো।

বাইরে ঝোপের আড়ালে জামাই সাহেব অপেক্ষা করছিলেন। বললেন : এই সুযোগ ! এই সময়টা ওরা খানাপিনায় এত মত্ত থাকে যে, হাতী গলে গেলেও টের পায় না। বোধহয় পেতে ইচ্ছেও করে না !

তারপর দু'জনে পাহাড়ের সর্পিলা ঘুর-পথে বহু চড়াই ও উৎরাই পেরিয়ে, পাথর থেকে পাথরে উল্লঙ্ঘনে ধেয়ে-চলা পার্কৃত্য ঝরনা অতিক্রম করে এসে হাজির হলেন একেবারে চট্টগ্রাম সীমানার শেষ প্রান্তে। সেখান থেকে বিদায় নিলেন জামাই সাহেব। তারপর একাই রওনা হলো অজিত রায় সেই বিপদ-সঙ্কুল পথে,.....তারপর কী করে আজাদ হিন্দ ফৌজের সিপাইদের সাহায্য লাভ করে এবং অবশেষে একেবারে নেতাজীর কাছে গিয়ে পৌঁছে বাংলার সঙ্গে আরাকানের পার্কৃত্য পথে গুপ্ত যোগাযোগ স্থাপনের চেষ্টা করে, সে প্রসঙ্গ এখানে অপ্রাসঙ্গিক।

শুধু এইটুকুই আমি বলতে চাই এবং জোয়ের সঙ্গে বলতে চাই যে, সে যুগে

বেঙ্গল ভলান্টিয়ার্সের ফেসব সদস্য নেতাজীর সঙ্গে যোগাযোগ স্থাপনের চেষ্টা করে এবং শেষ পর্যন্ত কৃতকার্য হয়, সেই বেঙ্গল ভলান্টিয়ার্সের সর্বদায়িত্ব তখন যাদের স্কন্ধে গুস্ত ছিল, সুবোধ চক্রবর্তী তাদের একজন ।.....

কিন্তু ১৯৪৫ সালে এক দুর্ঘটনার রাতে এই সুবোধ চক্রবর্তী সত্যিই ধরা পড়ে যায় ।

দ্বিতীয় মহাযুদ্ধের তখন শেষ অধ্যায় রচিত হচ্ছে । ফ্রান্সের উপকূলে অবতরণ করে পশ্চিম দিক্ থেকে শনৈঃ শনৈঃ এগিয়ে আসছে মিত্রবাহিনী, পূর্ব দিক্ থেকে বালিনের দ্বারদেশে আঘাত হানছে কালান্তক যমের মতো রুশবাহিনী আর স্রোতের মুখে ভূগের মতো ইতালীকে ভাসিয়ে দিয়ে, নিশ্চিহ্ন করে দিয়ে দক্ষিণ দিক্ থেকে এগিয়ে আসছে মার্কিন বাহিনী । তিন দিকের ক্রমবর্ধমান চাপে রাইখষ্ট্যাগ তখন টলটলায়মান । হিটলারের চোখে নিদ্রা নেই, নেই তিলেকের অবসর । উনচল্লিশে যে সোনার স্বপ্ন রঙীন ফানুসের মতো ইয়োরোপের আকাশে ভেসে বেড়াচ্ছিল, পয়তাল্লিশের কালবৈশাখীর ঝাপটায় তা ছিঁড়ে গেছে, চুপসে গেছে, এক টুকরো তুচ্ছ কাগজের মতো ধুলোয় গড়িয়ে পড়েছে ! রাইখষ্ট্যাগের মাটির নীচে বসে হিটলার অন্তিম দিনের প্রতীক্ষা করছেন !...

ঠিক এমনি সময়ে জুন মাসের এক রাত্রে সুবোধ সন্তর্পণে এসে আরোহণ করলো ফুলবাড়ী স্টেশনে অপেক্ষমান ট্রেনের একটি নির্জন কামরায় । নারায়ণগঞ্জে যাবে সে । সেখান থেকে মুন্সাগঞ্জ । সেখান থেকে বিক্রমপুর সফরে ।

ব্ল্যাক আউটের যুগ ! দীর্ঘ কামরায় আলোর সংখ্যাই শুধু কমানো হয়নি, খেটি আছে, সেটিও মিটমিটে প্রদীপের মতো এবং তাও যত্ন করে ঢাকা । আলোরেরখা ঘাতে জানালার বাইরে গিয়ে না পড়ে । প্ল্যাটফরমেও তাই । আলো নেই, আলোর আভা । একটু আগেই এক পশলা রুষ্টি হয়ে গেছে, দমকা হাওয়া মাতামাতি করে গেছে । এখনও চলছে তার জের টিপিটিপি করে । স্টেশন প্রায় জনশূন্য, ট্রেনও তাই ! ভালোই হলো—মনে মনে উচ্চারণ করলো সুবোধ ।

ভালোই হলো—মনে মনে উচ্চারণ করলো ঐ লোকটি, বিশ্রামাগারে টিকিট-জানালার পাছে বসে যে নিদ্রার ভান করে ঝিমোচ্ছিল । ভালোই হয়েছে—মনে মনে প্রতিধ্বনি তুললো রাস্তার ওপারে পানের দোকানের একজন খয়দার ।

ভালোই হয়েছে—ইশারার সংবাদ পেয়ে তৎক্ষণাৎ রমনার দিকে সাইকেলে ছুটলো একজন লুপ্তিপরা মুসলমান। বেঙ্গল ভলান্টিয়ার্সের পলাতক নেতার সম্পূর্ণ অজ্ঞাতে কী যে ভালো ফাঁদ রচিত হলো, তার খানিকটে আভাস পাওয়া গেল ট্রেনখানা চলতে শুরু করতেই।

হঠাৎ একটা লোক উঠে এল দরজা খুলে, প্লাটফর্মের শেষ প্রান্ত থেকে আর একজন এবং পাশের কামরা থেকে পাদানীর ওপর দিয়ে আর একজন। একজন বসে পড়লো ওদিকের দরজার পাশে, আর একজন ওপাশের জানালার আর তৃতীয় ব্যক্তি এসে ঝপ করে বসে পড়লো প্রায় সুবোধের পাশেই।

ভালো লাগলো না সুবোধের।

লোকটা রুমাল দিয়ে ভালো করে মুখমণ্ডল মার্জনা করে বলে উঠলো : উঃ, কি বিশ্রী বৃষ্টি নেমেছে দেখেছেন? আর একটু হলেই ট্রেনটা ফেল করেছিলাম! সব ভিজে গেছে। নারায়ণগঞ্জে পৌঁছুতে কতক্ষণ লাগবে বলতে পারেন?

ভালো লাগলো না সুবোধের। খুব অনিচ্ছার সঙ্গে জবাব দিল সে : তা এগারোটা হতে পারে।

হয়েছে!—মহা ভাবনায় পড়ে গেল লোকটা : অত রাত্রে আর এই বর্ষার মধ্যে যদি ঘোড়ার গাড়ী না পাওয়া যায়? ভারী মুশকিলে পড়বো তো তাহলে—আচ্ছা, আপনি কি নারায়ণগঞ্জেই যাবেন?

জবাবটা এড়িয়ে গেল সুবোধ : গাড়ী যদি না পান আর যদি হেঁটে না যাওয়া যায়, তাহলে ষ্টেশনেই থাকবেন শুয়ে।

লোকটা জিজ্ঞেস করলো : আপনি কোথায় যাবেন জানতে পারি কি?

ভালো লাগলো না সুবোধের। বিরক্ত হয়ে জবাব দিল : ওখানেই যাবো।

ওখানেই থাকেন বুঝি? র্যালী ব্রাদার্সে কাজ করেন?—লোকটার প্রশ্নগুলি অর্থবোধক মনে হলো। কিন্তু সে জবাবের প্রত্যাশায় না থেকে বলে যেতে লাগলো : আর মশায়, ব্ল্যাক আউটের চোটে কি আর কিছু দেখবার উপায় আছে, না চেনা যায়? র্যালীতে কাজ করে আমার এক বন্ধু, আমি তো ভেবেছিলাম আপনিই বুঝি সে।—বলে লোকটা হা-হা করে হাসতে লাগলো;

তারপর বললো : মাপ করবেন, মশাই। কিছু মনে করবেন না, কিন্তু মশাইয়ের নামটি জানতে পারি কি ?

ভালো লাগলো না সুবোধের। এ ঔৎসুক্য কেন ? গায়ে পড়ে আলাপ জমাবার আগ্রহ কেন ?...সে চট্ করে জবাব দিল : রবীন্দ্রনাথ দত্ত।

একটুখানি নিস্তরুতা। ওপাশের লোকছ'টো এদিকের বেঞ্চে এসে বসেছে। উদাসীনভাবে তাকিয়ে রয়েছে জানালার বাইরে অপস্ময়মান নিবিড় অন্ধকারের পানে ভাল মানুষের মতো।...ট্রেনের গতি বেড়ে গেছে। শব্দ হচ্ছে। হুইসেল শোনা যাচ্ছে। ছ্যাকড়া ট্রেনে ঝাঁকুনি লাগছে বেশ।...কিন্তু কিছু ভালো লাগছে না সুবোধের। নিশ্চয়ই তিন জনের যোগাযোগ আছে।—তাহলে কি শেষ পর্যন্ত ধরা পড়লো সে ?

হঠাৎ ভালো করে পরখ করবার জগুই সুবোধ বলে উঠলো : আমি এই দোলাইগঞ্জের নামবো, বুঝলেন ?

সে কি, এই রুটির মধ্যে !—লোকটা ভদ্রতায় একেবারে গলে পড়লো : না, না, তা কি হয় ? নারায়ণগঞ্জের চলুন না। গাড়ী না পেলে আপনার ওখানেই না হয় যাওয়া যাবে।

দ্বিতীয় লোকটি প্রশ্ন করলো : নারায়ণগঞ্জের আপনার বাড়ী বুঝি ?—বলতে বলতে কাছে এগিয়ে এল সে।

চাকরি, না ব্যবসা ?—প্রশ্ন করলো তৃতীয় ব্যক্তি এবং সেও এগিয়ে এল কাছে।

না, না, আদৌ ভালো লাগছে না সুবোধের। বিন্দুমাত্রও সন্দেহ রইলো না আর যে এরা তাকে সহজে ছাড়বে না। হুঃখের বিষয় সঙ্গে কোনো আশ্বেস্ত নেই তার। থাকলে একাই মহড়া নেয়া যেত এই তিন জনের ! ওদের জামার নীচে কী আছে, সে হিসেব কোনোদিনই করেনি সুবোধ, কোনোদিনই করেনি বেঙ্গল ভলান্টিয়ার্স !...তবে কি চলন্ত ট্রেন থেকে লাফিয়ে পড়বে ?... বোঝা গেল দোলাইগঞ্জের এরা নামতে দেবে না তাকে। তবু চেষ্টা করতে হবে।

ট্রেনের গতি মন্থর হয়ে এল। দোলাইগঞ্জ স্টেশন। সুবোধ উঠতে যেতেই অকস্মাৎ খচাং করে কামরার দরজা খুলে গেল, ছড়ছড় করে প্রবেশ করলো দশ-বারো জন সশস্ত্র পুলিশ, সঙ্গে খোলা রিভলভার নিয়ে একজন দারোগা। মুহূর্তে সুবোধকে ঘিরে ফেললো তারা। দারোগা বললো : রিভলভার আছে

কিনা, দেখে নাও ভালো করে।—তারপর বিনয় প্রকাশ করলো : I am extremely sorry Subodh Babu—

দ্বিতীয় লোকটি বলে উঠলো সমর্থন করে : সত্যিই দুঃখিত সুবোধবাবু—
না, না, রবিবাবু। কিন্তু দোলাইগঞ্জেরই তো আপনি নামবেন বলছিলেন না,
চলুন, এখানেই নামবেন।……

অর্থাৎ সুবোধ চক্রবর্তী ধরা পড়ে গেল। সে যুগে আই বি ও পুলিশের
টেরর সুবোধ চক্রবর্তী! দীর্ঘকাল পুলিশকে চ্যালেঞ্জ করে পালিয়ে
বেড়িয়েছে যে!

ঢাকা থেকে সুবোধকে গোয়ালন্দ নিয়ে আসা হলো পরদিনই। কিন্তু
মোমেণ্ড বা আফগান স্ট্রিমারের ইন্টার ক্লাস নয় কিংবা জন দুই সশস্ত্র গাড়োয়ালী
সেনা আর একজন আই বি অফিসার নয়। সুবোধের জন্তু কাজে লাগানো
হলো স্বয়ং ঢাকার পুলিশ সুপারের ব্যক্তিগত মোটর লঞ্চখানি—‘ফেরারী গ্রীণ!’
সাহেবের সুসজ্জিত কামরায় স্থান গ্রহণ করলো পলাতক আসামী সুবোধ
চক্রবর্তী আর কামরার বাইরে অতুল পাহারায় সজাগ হয়ে রইলো বারোজন
গুরখা সৈন্য ও একজন হাভিলদার। জন দু’রেক আই বি অফিসারও চললেন
চলনদার হয়ে। পুলিশ সুপারের লঞ্চ বুড়িগঙ্গা পেরিয়ে এসে পদ্মার বুকে
ভেসে চললো ময়ূরপঙ্খীর মতো!……

গোয়ালন্দেও এমনি অভিনব ব্যবস্থা! সুবোধ চক্রবর্তীকে অভ্যর্থনা
জানাবার জন্তু দাঁড়িয়ে আছে ঘাটে একদল সশস্ত্র গুরখা আর প্লাটফরমে অপেক্ষ-
মান স্পেশাল ট্রেন।—হ্যাঁ, স্পেশাল! মাত্র একখানা বগী পেছনে বেঁধে
হিসহিস করে ষ্টিম ছাড়ছে লৌহ-দানব।

সদলবলে সুবোধ গিয়ে আরোহণ করলো সেই স্পেশাল ট্রেনে। ট্রেন
সোজা এসে হাজির হলো শিয়ালদা স্টেশনে। সেখান থেকে সোজা নিয়ে
যাওয়া হলো তাকে আই বি অফিসে লর্ড সিংহ রোডে, তারপর প্রেসিডেন্সি
জেলে নিরাপত্তা বন্দীরূপে। আর শ্রীমান সুবোধ সেখানে পৌঁছেই সোজা
আমার কাছে একখানা চিঠি লিখে বসলো রাজসাহী জেলে।—

‘দ্বিজেনদা’, মাত্র পরশুদিন আমি এখানে এসেছি। জেল গেট-এ আই বি
অফিসার জিজ্ঞেস করেছিলেন একটি মাত্র প্রশ্ন, আপনাকে আমি চিনি কি না।
আমি অব্যবহিত দিলাম : সুবোধ চক্রবর্তী আর দ্বিজেন গাঙ্গুলীকে আপনি যদি

চিনে থাকেন, তাহলে এ প্রশ্ন আর করতেন না। তাদের পরিচয় ও অন্তরঙ্গতা অচ্ছেদ্য!.....’

রাজসাহী জেলে আমি তখন নিরাপত্তা বন্দী। ডুয়ার্সের মেটেলীতে ছিলাম একটি ব্যাঙ্কের ম্যানেজার। সেই শাখা অফিসটি একক আমারই প্রচেষ্টার গড়ে ওঠে। কলকাতার উত্তাপ পরিহার করে পার্বত্য অঞ্চলের ঠাণ্ডায় বেশ নিশ্চিন্ত মনেই দিন কেটে যাচ্ছিল। ব্যাঙ্কটি ওখানে এমনভাবে জমিয়ে ফেলেছিলাম যে, রাওয়ালপিণ্ডি থেকে শুরু করে শিলং পর্যন্ত মোট চব্বিশটি শাখা অফিসের ম্যানেজারদের মধ্যে আমার মাইনেই ছিল সবার চাইতে বেশী। জনপ্রিয়তাও কম অর্জন করিনি। মেটেলী কালীবাড়ীতে আমারই প্রচেষ্টার নতুন করে ড্রামাটিক ক্লাব গড়ে ওঠে ও পর পর কয়েকটি নাট্যাভিনয় হয়। প্রথম গঠিত মেটেলী মার্চেন্টস্ এ্যাসোসিয়েশনের আমিই ছিলাম সভাপতি। পাশেই নাগেশ্বরী চা বাগানের মাঠে আমারই উদ্যোগে নক্ আউট ফুটবল প্রতিযোগিতা অনুষ্ঠিত হয়। চারিদিকে চৌদ্দটি বিদেশী-চালিত চা বাগানের ইংরেজ ম্যানেজার ও ম্যানেজার গৃহিণীরা আমার ব্যাঙ্কে এসেই ঘণ্টার পর ঘণ্টা আড্ডা মেরে যেত।

এই নিশ্চিন্ত জীবনে অকস্মাৎ একদিন সকালবেলা জলপাইগুড়ির আই বি এসে হানা দেয়। ইন্সপেক্টার রহমান বললেন যে, সত্যিই তাঁদের খাতায় আমার নামগন্ধ নেই, কোনোদিন আমার ওপর নজর দেননি তাঁরা, আমায় একেবারেই চেনেন না। কিন্তু—বলতে বলতে জরুরী ‘তার’ দেখালেন রহমান : কলকাতা থেকে ডি আই জি হুকুম করেছেন আমায় অবিলম্বে গ্রেপ্তার করে জলপাইগুড়ি জেলে পাঠাতে।

সুতরাং জলপাইগুড়িতে এলাম এবং কনফার্মড্ হয়ে সিকিউরিটি বন্দী হিসেবে বদলি হয়ে এলাম রাজসাহী সেনট্রাল জেলে।

আমি সংসারী, সাধু-সজ্জন, স্বদেশীওয়ালাদের সঙ্গে আদৌ নেই যোগাযোগ—ভাবাবেগ দিয়ে এই কথাগুলি এমনভাবে বলেছিলাম রাজসাহী জেলের অফিসে আই বি ইন্সপেক্টার প্রমোদ দাশগুপ্তকে যে, সহবন্দীরা আশা করছিলেন আমার সুদিন বেশী দূরে নয়। সংবাদ পাঠানো হয়েছে মেজর সত্য গুপ্তকে বক্স। বন্দীশিবিরে—যাতে বন্ধুরা কেউ আমার সঙ্গে পত্রালাপ না করে।

মুক্তির আশায় দিন গুনছিলাম গুড বয়েস মতো, এমন সময় সুবোধের

চিঠিখানি একেবারে বোমার মতো এসে পড়লো! জলপাইগুড়ির খগেন দাশগুপ্ত ডেকে বললেন : কি মশাই, যান, এবার বাড়ী যান। চার বছরের পলাতক আসামী ধরা পড়ে জেলে এসেই স্মরণ করেছেন আপনাকে! আপনার রিলিজ আর ঠেকায় কে?

কমলেশ এসে বললো : দাদা, এবার?

কালীপদ এসে বললো : আমরাই তো সব ছুঁছুঁ ছেলে, কিন্তু সুবোধদা'?

সরল গুহ বললো : আর রক্ষে নেই দ্বিজেনদা', আরো তিন বছর!.....

পঁয়ত্রিশ

পূর্বেই বলেছি, অভিনয়ে আমার দক্ষতা ছিল সর্বজনস্বীকৃত। স্বগৃহে অন্তরীণে এসে সেই দক্ষতা পুরোপুরি কাজে লাগাবার সিদ্ধান্ত গ্রহণ করা হলো। শুরু হলো সীতা ও ষোড়শী নাটকের মহলা। সুবোধকে দেয়া হলো উর্মিলা ও ষোড়শীর ভূমিকা। একদিকে যেমন পাড়ার ও গ্রামের ছেলেদের মধ্যে তীব্র উৎসাহেব সঞ্চার হলো, তেমনি আমদানী করা হতে লাগলো নিকটবর্তী গ্রামের ছেলেদের—কাউকে শিল্পীরূপে, কাউকে সংগঠকরূপে আবার কাউকে কর্মকর্তার সাহায্যকারী হিসেবে। উদ্দেশ্য এবং একমাত্র উদ্দেশ্য হচ্ছে সংগঠন। আমাদের বাড়ীর পূর্ব দিকে আমাদেরই জ্ঞাতি-গোষ্ঠীদের বাড়ী ছিল এককালে। তারপর তাঁরা কুমিল্লার দিকে কোথায় স্থায়ীভাবে বসবাস করছেন। টিনের ঘরগুলো প্রায় সবই বিক্রী করে দেবার পর প্রাক্কণটি বেশ প্রশস্ত হয়ে উঠলো এবং সেখানে এক প্রান্তে আমাদের রঙ্গমঞ্চ খাড়া করা হলো।

কিন্তু নাটকের রাত্রে আর এক বিল্বাট! ছম্মুখের ভূমিকায় রসিক কবিরাজ এতকাল মহলা দিয়ে অকস্মাৎ নাটকের দিন সে অনুপস্থিত। তার ভাই অবশ্য সংবাদ দিয়ে গেল যে, তার দাদা নাকি একটা জরুরী মামলার ব্যাপারে অকস্মাৎ গেছেন মুন্সীগঞ্জে, রাত সাতটার মধ্যে অবশ্য এসে পৌঁছোবেন বলে গেছেন।

আর সাতটা! দশটা বাজতে চললো, অথচ রসিক কবিরাজের দেখা নেই। বর্ষাকাল হলে কী হবে, ওদিকে নৌকোযোগে দর্শক : এসে জমায়েৎ হয়েছেন

প্রায় হাজারখানেক ! মিনিট গুনে বিজ্ঞাপিত সময়ে অভিনয় আরম্ভ করবার রেওয়াজ শহর থেকে গ্রামে গিয়ে তখনো পৌঁছায়নি, তাই রক্ষে । নইলে ড্রপসিনের আর অস্তিত্ব থাকতো কিনা সন্দেহ । ডে লাইটগুলোও নিশ্চিহ্ন হতো ! গ্রামদেশে সে যুগে সন্ধ্যায় শুরু হবে জানলে সবাই নৈশ আহার শেষ করে খানিকক্ষণ বিশ্রাম করে, অবশেষে হেলতে ছলতে এসে হাজির হতেন অভিনয় দেখতে । ওতে দোষ নেই, এমন কি, তেমন তীব্র আপত্তিও জানাতেন না দর্শকেরা । কিন্তু রাত দশটা পর্যন্ত ঝরা ঠায় বসে আছেন, পর-পর খানকতক ঐক্যতান বাদন শুনিয়েও তাঁদের নীরবে আরও একটু ধৈর্য ধরবার অনুরোধ জানাবার মুখ আর নেই । তাই অবশেষে স্থির করা হলো যে, আমাদের এই অনিচ্ছাকৃত ক্রটির কথা দর্শকদের কাছে পূর্বাঙ্কেই সরলভাবে নিবেদন করে নোব । বলে নোব যে, আজকের সীতা নাটকে হুম্মু'খের ভূমিকায় একজন একেবারে আনকোরা নয়। শিল্পীকে নামাচ্ছি জোর করে । তিনি এই ভূমিকায় জীবনে অভিনয় করেননি, মহলাও দেননি । অতএব, তাঁর অভিনয়—অভিনয় বলে যেন গণ্য করা না হয় ।

স্পষ্ট মনে পড়ে, আমি, ফুলবৌদি আর তাঁর গ্রামের দূর-সম্পর্কীয় একটি বোন সে সময় আমাদের দালানের মাঝের কোঠায় খাটে গুয়ে গুয়ে নাটকের এই নাটকীয় বিভ্রাট নিয়ে আলোচনা ও অগ্নাণ্ড এলোমেলো হাসিঠাট্টা করছিলাম । আমি মাঝখানে, আমার একপাশে ফুলবৌদি ও অপব পাশে সেই মেয়েটি—নাম রেবা । রেবার সঙ্গে আমার কেন, ফুলবৌদিরও কোনো নিকট-আত্মীয়তা নেই । না থাকলেও সে প্রায় বারই ফুলবৌদির সঙ্গে আমাদের বাড়ীতে বেড়াতে আসতো এবং বাড়ীর মেয়ের মতো প্রায়ই একাদিক্রমে ছুঁচার সপ্তাহ পর্যন্ত থেকে যেত । তাই আমাদের পরিবেশে তার সঙ্কোচ দূর হয়ে গেছে । রেবার বয়স ষোল্লোর কাছাকাছি হবে । খুব ফর্সা রং, চোখা-চোখা গড়ন, আর কথাগুলো ভারী মিষ্টি । ভালো যে লাগতো তাকে, সে কথা অস্বীকার করবার উপায় নেই ।

রসিক কবিরাজের যখন টিকিটিরও আর দেখা নেই আর দর্শকদেরও ধৈর্য্যচ্যুতি ঘটবার আশঙ্কা যখন প্রবলভাবে দেখা দিয়েছে, তখন চরম ব্যবস্থা অবলম্বনের সিদ্ধান্ত গ্রহণ করে যেই ষ্টেজের দিকে যাবো, ফুলবৌদি বাধা দিলেন : দাঁড়াও, না খেয়ে যেতে হবে না । নাটক শুরুই হলো না, শেষ হতে

কত রাত হবে কে জানে ! মাছের ঝোল দিয়ে খাও দুটি । পরে আর হবে না জানি ।

সত্যিই দুটি খাবো ।—বললাম ফুলবৌদিকে । আর দুটিই খেতাম আমি নাটকের রাতে । পেট ভরে খেলে আমি অভিনয় করতে পারতাম না । কেমন আই-চাই করতে আশান্তিতে চোখ বুজে আসতো । আরকেব একটি কথাও কানে আসতো না । উইংসের পাশে বসে রেবা তখন মুচকি মুচকি হাসতো আর মঞ্চ থেকে প্রশ্নান করে তার কাছে এলেই বলতো : খোকাবাবুর যুম পেলো নাকি ? বিছানা পেতে দোব ষ্টেজে ? আমি অবশ্য তাকে মুখ ভেঙে গ্রীণ-রুমের দিকে সরে যেতাম । ওবুও শান্তি যেন আর কাটতে চাইতো না । বিছানার কথা সত্যিই মনে পড়তো ।

ফুলবৌদি রান্নাঘরের দিকে গেলেন খাবার দিতে । আমিও তাঁর যাবার একটু পবেই উঠতে যাবো, এমন সময় অকস্মাৎ রেবা হ'হাতে আখায় বেঠন করে অনুচ্চকণ্ঠে বলে উঠলো : আমি তোমায় চাই, দ্বিজুদা' !

চমকে উঠলাম ! আদৌ প্রস্তুত ছিলাম না এমনি অপ্রত্যাশিত আক্রমণের জন্য !... ..অডিটোরিয়ামে অমার্জনীয় বিলম্বের জন্য মূহু গুঞ্জন তখন শুরু হয়ে গেছে । জানাজানি হয়ে গেছে যে, একজন অভিনেতা নাকি তখনো এসে পৌঁছাননি । সেই জন্যই রং-চং মেখে, পোষাক পরিচ্ছদ পরে এদিকে ওদিকে নিলিপ্তভাবে ঘোরান্ধুর করছেন লক্ষণ, বাণীকি, সীতা ও অষ্টাবক্র । স্বয়ং রামরূপী আমি বাড়ীতে ফুলবৌদি ও রেবার সঙ্গে গল্পের কঁাকে কঁাকে উদ্বিগ্ন হয়ে খোঁজ নিচ্ছিলাম রসিক কবিরাজের, লোক পাঠাচ্ছিলাম বার বার তার বাড়ীতে ।

এমনি চিন্তাভাবাক্রান্ত মন নিয়ে যখন বিপদের বার্তা,—তা সে যতই অপ্রিয় ও বিশ্বাস ঠেকুক না কেন দর্শকের কাছে—সকলের সমক্ষে যথাসম্ভব বিনয়ের সঙ্গে উদ্ঘাটিত করে দেবার সঙ্কল্প করেছি হুসুখের মতো, ঠিক সেই অসময়ে আবার অকস্মাৎ এক কী বিল্বাট !.....রেবা শুধু আমার দিকে ফিরে শোয়নি, সে আমার একখানা হাত দিয়ে রীতিমতো জড়িয়ে ধরেছে । ষোলো বছরের সুডৌল হাতখানি মাধবীলতার মতো পোষাক-আঁটা আমার বুকের ওপর ধিরে ক্রস্ করে এপাশে এসেছে । আমার কাঁধে রামের কুঞ্চিত কেশদামের মধ্যে সুন্দর মুখখানি তার গুঁজে দিয়েছে, যেমন করে ভীক পাওয়া ঠাট

শুঁজে দেয় নিজের পালকের মধ্যে। এবং স্বীকার করতে দ্বিধা নেই, যোগাট বসন্তের ইন্দ্রজাল স্পর্শে বসরাই গোলাপের মতো ফুটে-ওঠা তার শরীর আমার পাশে এসে ঠেকেছে।

ভাবলাম, হয়তো রেবা ঠাট্টা করছে, যেমনি ঠাট্টা ও হরদম করে থাকে আমার সঙ্গে বৌদির বোন হয়ে। তাই এক মুহূর্ত ফিরে চাইলাম তার মুখের দিকে, তার চোখের দিকে। কিন্তু আজো মনে পড়ে এবং স্পষ্ট মনে পড়ে, সেদিন, ঘরের সেই আবছা আলোয় রেবার মুখে দেখেছিলাম শ্রীরাধিকার মতো তনুমনপ্রাণ অকুণ্ঠভাবে সমর্পণের নিরুদ্ধ আবেগের অভিব্যক্তি, আমার পানে চেয়ে-থাকা তার পলকহীন চোখে দেখেছিলাম ডেসডিমোনার অতলস্পর্শ প্রেমের সমুদ্র! ভাষাহীন সেই আবেদন সংবেদনশীল মনে সহজেই তরঙ্গ তুলে থাকে। যে গ্রহণ করে সেই ফুলের মালা, বসরাই গোলাপের সেই ফুটন্ত সস্তার, মনে হয় সেই হয় ধনু! ..

আমি কিন্তু রেবাকে তার আবেগচঞ্চল আবেদনের জবাবে অদ্ভুত একটা প্রশ্ন করে বললাম : আমাকে চাও মানে ?

সে জবাব দিল : চাই মানে তোমায় বিয়ে করতে চাই।

বিয়ে ?...একটু চিন্তা করলাম। সিনেমার রূপালী পর্দায় চলমান ছবির মতো অনেকগুলো চিত্র পর পর মনের পরদায় ঝলকে উঠলো। বিয়ে ? বিয়ের কথা ভাববার অবসর কোথায় আমাদের ? সরকারী বুদ্ধি বিভাগ যে বুদ্ধি ব্যয় করে আমার পাঠিয়েছে স্বগৃহে অন্তরীণ করে, তা যে তাদের কী মহাঅপব্যয় হয়েছে, সেটাই তো প্রমাণ করে দিতে হবে আমাকে। স্মৃকঠিন সেই কাজে অহনিশি ব্যস্ত থাকার পর আর কি সময় আছে ভাববার কোথায় ফুল ফুটলো, কার মনে জেগে উঠলো বেলোরারী তরঙ্গ, কিউপিডের সোনার তীর কার কোমল বুকে এসে অলক্ষ্যে ঘা দিয়ে বসলো !...

তবু চেষ্টা করে নির্দিয় হলাম না এবার। কাঠখোটার মতো নীরস ভাষায় শ্লেষের প্রত্যাঘাত হেনে বীরত্ব প্রদর্শনের চেষ্টা না কবে সমস্ত বুদ্ধিটুকু নিয়ে এলাম একেবারে হাতের মুঠোয়। বললাম : আমায় বিয়ে করে যে তুমি নিজেরই বিপদে পড়বে, রেবা! স্বাস্থ্য ও সৌন্দর্য্য আমার থাকতে পারে, কিন্তু রোজগার করিনে আমি একটি পয়সাও। তারপর কী অনিশ্চিত আমাদের জীবন, তাও তো তুমি জানো, তুমি বোঝ। আজ তোমার পাশে গুয়ে গল্প করছি, হৈ হৈ

করে থিয়েটার করছি, কালই হয়তো কোথাকার এক বড়বয়স্ক মামলার পুলিশ দিল আমার জড়িয়ে, আর হয়ে গেল আমার যাবজ্জীবন দ্বীপান্তর, এমন কি, কালীও—

রেবা আরও শক্ত কবে জড়িয়ে ধরলো আমার। বললো : ওসব অলক্ষুণে কথা বলো না, দ্বিজুদা' !

বাধা অগ্রাহ্য কবে বলে যেতে লাগলাম : তার চাইতে আমি শুনেছি কোন্ এক ব্যাবিষ্টারের সঙ্গে তোমার বিয়ের কথা চলছে। শুধু কুলের দিক থেকে তারা একটু খাটো বলেই নাকি তোমার বাবা মত দিচ্ছেন না। আমি বরং তোমার বাবাকে বুঝিয়ে মত করাবার ভার নিচ্ছি। কি বল রেবা ?

রেবা কোনো জবাব দিল না, বোধহয় জবাব দিতে পারলো না। শুধু অনুভব করলাম, সে যেন আরও নিবিড়ভাবে চেপে ধরলো আমার।

এমন সময় বক্ষা কবলেন ফুলবোদি। অকস্মাৎ এসে হাজির : তোমার খাবাব দিইয়েছি, ঠাকুরপো !

চল বেবা, আমার সঙ্গে খাবে চল।—বলে ওকেও তুলে নিলাম সঙ্গে করে। তারপর একসঙ্গে বসে খেললাম। খাওয়া শেষ হবার পূর্বেই সংবাদ এল দুর্ভাগ্য এসে গেছে। রসিক কবিরাজ মুন্সীগঞ্জ থেকে সোজা নৌকো করে চলে এসেছে আমাদের ঘাটে।

আশ্চর্য হলাম। রেবাকে বললাম : বাস, দুর্ভাগ্য এসে গেছে। জানকীরে দিতে হবে নিকরাসন।—চল, দেখাচ্ছি এবার বামের কেবামতি।

রেবা মুখ ভ্যাংচালো।

প্রায়ই আমি বেরিয়ে যেতাম বহিরদীর নৌকো কবে। সন্ধ্যার পর হলে তো সোজাই ছিল, দিনের বেলাতেও তেমন কঠিন কিছু ছিল না। কারণ বহিরদী নৌকোর দু'দিকে ছেঁড়া কাঁথা দিয়ে ঢেকে নিয়ে আমার তার বিবিত্তে রূপান্তরিত কবতো এবং এমনি নির্লিপ্ত ও নিশ্চিতভাবে বৈঠা বেয়ে জারী গানের কলি ঐ হেঁড়ে গলার ভাঁজতে ভাঁজতে চলতো যে, কারুর সাধি ছিল না যে বিন্দুমাত্রও সন্দেহ করে।

কিন্তু, শরৎকালেই আর বহিরদীকে নিয়ে যাওয়া চলে না, তা সে যতই

বিশ্বাসী ও কণ্ঠ হোক! তাই মাঝে মাঝে নিজেরাই বেরিয়ে পড়তাম নৌকো ভাসিয়ে। খগেন, বিপদভঞ্জন, অনাথ, সুবোধ এরা সব সাজতো মাঝি, আর আমি কখনো পুলিশের পোষাকে, কখনো দর্জিপাড়ার নতুনদা'র ফিনফিনে পরিচ্ছদে নৌকোয় বসে থাকতাম। সারা রাত নৌকো চলতো। কেয়টখালী থেকে তন্তর হয়ে আবিষপাড়া, রাজদিয়া হয়ে মধ্যপাড়ার মধ্য দিয়ে কোনোদিন চলে গেছি হয়তো একেবারে ফুরসাইল অর্থাৎ তালতলায়। তারপর ফিরে আসবার সময় আরও অনেকগুলো গ্রাম ঘুরে ভোরের আলো পূর্বের আকাশে ফুটে ওঠবার পূর্বেই এসে পৌঁছে যেতাম ঘরের ছেলে ঘরে।

আমার সোনাদা' বাঙ্গালী পণ্টনে যোগদান করে প্রথম মহাযুদ্ধের সময় বছর দুই মধ্য প্রাচ্যে কাটিয়ে যখন ফিরে আসেন, তখন নানারকম সামরিক পোষাকে তাঁর বাক্স ভর্তি ছিল। আমি এবার সেগুলোর সদ্যবহারে মনোযোগী ছলাম। ব্রিচেজের ওপর চড়িয়ে দিলাম সামরিক গলাবন্ধ কোট। কাঁধের ওপর গোটা কয়েক ষ্টারও দিলাম এঁটে, মাথায় বারান্দাওয়ালা টুপী আর পায়ে পট্ট ও ব্রাউন বুট। তারপর একদিন রাত্রে খোলা ছিপ জাতীয় সরু নৌকোর উঠে বসতেই মাঝি খগেন অনুচ্চকণ্ঠে অপর মাঝি ছ'জনকে "হাফিজ" হুকুম দিল। নৌকো আমাদের ঘাট ছেড়ে, গ্রামের সীমারেখা অতিক্রম করে ছুটে চললো তাজপুরের দিকে।

শ্রাবণ মাস। পুরো বর্ষাকাল। চতুর্দিক জলে-জলাকার। ধানগাছগুলি অবশ্য জলবৃদ্ধির সঙ্গে সঙ্গে মাথা উঁচু করে জলের ওপরেই গলা বাড়িয়ে দাঁড়িয়ে রয়েছে। সোজাসুজি ধান ক্ষেতের মধ্য দিয়ে নৌকো চালিয়ে দিলে ধানগাছের কোনো ক্ষতি হতে পারে মনে করেই আমাদের নৌকো ক্ষেতের আইল ঘুরে একটু ঘুরপথে এগিয়ে চলেছে। সামরিক কোনো বিশিষ্ট অফিসারের মতো মুখের ভাবখানা করে আছি আমি একেবারে মাঝখানে। নাকের নীচে স্পিরিট গাম্ দিয়ে আঁটা সরু গৌফটা মাঝে মাঝে আঙ্গুল দিয়ে অনুভব করে দেখছি ঠিক আছে কিনা। ছ'একখানা নৌকো আমাদের বিপরীত দিক থেকে এসে আমাদের অতিক্রম করে যাচ্ছে, কিন্তু নির্ভীকভাবে চলেছি আমরা। মাঝে মাঝে ঘড়ি দেখছি আমি স্কুড টর্চের আলোয়—দশটা বাজতে তখনো বিশ মিনিট বাকী।

তাজপুরের পশ্চিম দিকের গ্রামে প্রবেশ করে কিন্তু আমাদের পথ ফুল হয়ে

গেল। খাল মনে করে যেপথে আমরা এগিয়ে যাচ্ছিলাম পরম নিশ্চিত্তে, অকস্মাৎ দেখলাম সেটা খাল নয়, আমরা এসে পড়েছি একটি পুকুরের মাঝখানে। এদিক ওদিক চেষ্টা করে পথ আর ঠাণ্ডর কবা গেল না এবং মাঝি খগেন একসময় হতাশভরে বলে ফেললো : আজ ধরা পড়তেই হবে।

বললাম : দাঁড়াও, জীবনে ধরা পড়িনি। যদি পড়ি, তাহলে রাজনৈতিক কাজের ইতিহাসে এই হবে আমার প্রথম বিচ্যুতি।

কিন্তু মুশকিল হচ্ছে, অন্ধকার এতই গাঢ় যে, যে ভুল পথে আমরা প্রবেশ করে বসেছি এই পুকুরে, এখন ফিরে যাবার সেই পথটাও আর খুঁজে পাচ্ছি না। পুরো বর্ষায় গাছপালা সব ডুবে গিয়ে শুধু চতুর্দিকে ছেঁগা যাচ্ছে তাদের মাথাগুলো আর নিবিড় অন্ধকারে সেগুলো যেন তুলে ধরেছে অনতিক্রম্য কালো যবনিকা। এমন অবস্থায় বার বার জলমগ্ন গাছের ডালে আমাদের ডিঙ্গি ঘা খেতে লাগলো। বড় পাঁচ ব্যাটারীর টর্চ একটা আছে বটে, কিন্তু এখন জ্বালানো কি নিরাপদ? এমন কি, ক্ষুদ্র টর্চটাও জ্বালিয়ে আর ঘড়ি দেখতে পারছি না। ওদিকে তাজপুরে মণীন্দ্র হয়তো সব রেডি করে বসে আছে। একটি মিনিটি দেরী আমি জীবনে করিনে। কী ভাবে সে!

এমন সময় হঠাৎ দেখা গেল, একথানা বাড়ী থেকে জন দুই মহিলা অনেক-গুলো বাসন নিয়ে এসে জলের ধারে বসলেন। তাঁদের সঙ্গে স্তিমিত কেরোসিনের ডিবা। এই গাঢ় অন্ধকার ওতে যেন গাঢ়তর হয়ে উঠলো এবং আমাদের পথ যেন হয়ে উঠলো আরও ভয়াবহ! দেখলাম, খগেন, অনাথ ও বিপদভঞ্জন নিঃশব্দে ধীরে ধীরে বৈঠা চালাচ্ছে বটে, কিন্তু উৎসাহ যেন শেষ হয়ে এসেছে তাদের। বোধহয় নিশ্চিত্তভাবে জেনে বসে আছে যে, আজ আর উপায় নেই।

আমি কিন্তু অত সহজে হাল ছাড়বার পাত্র নই। বললাম : মাঝি, চল তো ঐ ঘাটের দিকে, মহিলারা যেখানে বাসন ধুচ্ছেন।

স্বাভাবিক কণ্ঠে কথা কইতে বোধহয় ওরা চমকে উঠলো এবং আমার প্রস্তাব শুনে বোধ হয় প্রমাদ গুনলো।.....নৌকো মহিলাদের প্রায় কাছাকাছি আসতেই আমি জিজ্ঞেস করলাম : দেখুন, কিছু মনে করবেন না। বলতে পারেন আপনাদের গাঁয়ের চৌকিদার-বাড়ী কোন্ দিকে?

এই প্রশ্নের তাৎপর্য আমার সহকর্মী মাঝিরা হৃদয়ঙ্গম করতে পারলো কি না জানিনে। মহিলাদের মধ্যে একজন বললেন যে, ঐ বাড়ীটাই চৌকিদারের।

এগিয়ে গেলাম আরো ঘাটের দিকে। আমার পোষাকের পিতলের বোতামগুলো ও চোখের চশমা কেরোসিনের ডিম্বার আলোয় চক্চক্ করে উঠলো।

প্রশ্ন করলাম : কোথায় সে ?

সভয়ে জবাব এল : সে তো বাবু খাওয়া-লওয়া করছে। এখনই বাইর হইবো পাহারায়।

ডাকুন তাকে।—আদেশ জারী করে ঘাট থেকে একটু দূরে অপেক্ষা করতে লাগলাম আমরা। মাঝি খগেন, অনাথ ও বিপদভঞ্জনকে অন্ধকারে দ্রিক দেখতে না পেলেও ওদের বিশ্বয়ের সীমা যে অনেকক্ষণ অতিক্রান্ত হয়ে গেছে, তা মনে মনে অনুভব করতে পারছিলাম।

একজন মহিলা কাজ অর্দ্ধসমাপ্ত রেখেই ছুটে গেলেন বাড়ীতে এবং দেখা গেল, একটু পরেই এক হাতে লম্বা বল্লম ও অপর হাতে একটি হারিকেন লগ্নন নিয়ে ত্রস্তপদে এগিয়ে আসছেন চৌকিদার-পুঞ্জব। এসে পাড় থেকেই বার-কয়েক স্থালাম জানিয়ে ছুটে এসে উঠলো তার ডিঙ্গি নৌকোর এবং নৌকো বেয়ে চলে এল আমাদের নৌকোর গায়ে।

বুঝলাম, সে ভেবেছে তার সেরাজদীঘা থানার দারোগা আমি। তাতে অবশ্য আপত্তি ছিল না আমার, কিন্তু নিজের থানার দারোগাকে সে চেনে নিশ্চয়ই। স্মরণ—

প্রথমেই পরিচয় দিলাম : আমি আসছি ঢাকার পুলিশ সাহেবের দপ্তর থেকে। কী নাম যেন তোর ?

আইগা, বরকত আলী।

হ্যাঁ, ঠিক মনে পড়েছে। তোর নামেই নালিশ আছে অনেকগুলি।
তুই পাহারা দিস্ তো রোজ ?

আইগা, হ।

তবে নালিশ যার কেন ? গ্রামের সবাই তোমার দুশমন বলতে চাও নাকি ?
কেন তারা বলে যে তুমি প্রায়ই নাকে তেল দিয়ে দিব্বি ঘুমোও। তোর বউ কয়টা ?

গভীর লজ্জায় একে-বঁকে বরকত আলী জবাব দিল : আইগা তিনটা ।

ছোটটার বয়স কত ?

আইগা, বছর বারো তো হইবোই ।

ঝাঁঝিয়ে উঠলাম : বছর বারো তো হইবোই ।—শালা, বদমাস্ কোথাকার ! বারো বছরের খুকিকে সাদি করেছ তুমি বেয়াল্লিশ বছরের বুড়ো ? আর সেটাকে নিয়ে সারারাত পড়ে থাকলে পাহারা দেবে তোমার কোন্ চাচা আর ফুফারা, তাই শুনি ! এই গ্রামে যে কেউ তোমায় দেখতে পারে না কেন, তা বুঝলাম । কিন্তু চাকরি তো থাকবে না তোরা । কিছুতেই থাকতে পারে না ।

বরকত আলী পারে তো আমারই নোকোয় উঠে এসে একেবারে আমার পায়ের ওপরে লুটিয়ে পড়ে, এমনি ভাবখানা দেখিয়ে কাঁদো-কাঁদো কণ্ঠে বললো : হজুর, তাইলে খামু কি ? আষ্টটা পোলা মাইয়া যে না খাইয়া মরতে লাগবো, হজুর !

ধমক দিলাম : হজুরের পয়সা খুব সস্তা কিনা, তাই শালা তুমি বোঁ নিয়ে থাকবে সারাটা রাত আর গ্রামে প্রত্যেক রাতেই ছ'চারটে চুরি হতে থাক । বল্ শালা, কাজে আর কামাই করবি কি না !

বরকত আলী নাক-কান মলা খেয়ে আল্লার নামে ও অন্টাণ্ড পীর-পয়গম্বরের নামে জিভ কেটে শপথ করলো হাজারো বার যে, আর একটি রাত্রিও সে কামাই দেবে না, এবারটা তাকে রেহাই দেওয়া হোক ।

বললাম : এবারটা ছেড়ে দিলাম । কিন্তু শালা, বলে রাখছি তোকে, যদি আর একখানা দরখাস্ত যায় আমাদের ওখানে, তাহলে মহিম চক্কোত্তির হাতে তোরা মরণ আছে রে শালা ! বুঝলি, হারামজাদা ?

হারামজাদা ও শালা মর্মে মর্মে যে অনুভব করেছে, তা বোঝা গেল । অকস্মাৎ নরম সুরে আবেদনের ভাষায় বরকত আলী বললো : আইবেন না হজুর বাড়ীতে, পান তামুক—

বললাম : না, সময় নেই । আবার তাজপুরের চৌকিদার ব্যাটার ওখানে যেতে হবে ।—এই ব্যাটা, চল্ তো, তাজপুরের পথটা আমার দেখিয়ে দিবি ।

মহানন্দে বরকত আলী তার ডিলি ভাসিয়ে এগিয়ে চললো আমাদের অনুসরণ করতে বলে । গ্রামের বাইরে এসে তাজপুরের রাস্তা আমার মাঝিকে ভালো করে বুঝিয়ে দিয়ে বিদায় নেবার প্রাক্কালে সে আবার বার করেক সবিনয় স্বালাম

জানিয়ে ও ভবিষ্যতে আর ক্রটি না-হবার প্রতিশ্রুতি ও গ্যারান্টি উচ্চারণ করে যখন তার গ্রামের দিকে নৌকো ভাসিয়ে দিল, আমার মনের হাসি তখন মুখেও ফুটে উঠেছে।

বরকত আলীর নৌকো দূরে সরে যেতেই খগেন প্রশ্ন করলো : তাহলে মহিম দারোগা সাহেব, কোন্ চৌকিদারের বাড়ী যামু এ্যাল ?

তাজপুর সরকার বাড়ীর পূর্ব দিকে একটি বিরাট দীঘি, সেই দীঘির উত্তর দিকে অগ্ন্যাগ্নি গাছের মধ্যে আছে একটি কাঁঠাল গাছ, সেই গাছের নীচের অন্ধকারে মণীন্দ্র আমাদের অপেক্ষায় দাঁড়িয়েছিল। দূরে থাকতেই একবার টর্চটা জালিয়ে বার তিনেক আন্দোলিত করতেই ওখান থেকে তেমনি ক্ষুদ্র টর্চের আন্দোলন দেখা গেল।

কাছে যেতেই সে এগিয়ে এল। প্রশ্ন করলাম : সব রেডি ?

সব রেডি।

কোথায় বসছি আমরা ?

ঐ মন্দিরের মধ্যে।

মন্দিরের মধ্যে ! ঠাকুর-বিগ্রহ কিছু নেই ওর মধ্যে ?

না।

নৌকো থেকে নিঃশব্দে নেমে মণীন্দ্রকে অনুসরণ করলাম। মাঝিরা সবাই নিঃশব্দে নৌকোতেই অপেক্ষা করতে লাগলো। পুকুরের পূর্ব দিকে মন্দির। মন্দিরের কাছাকাছি এসে মণীন্দ্র বললো : আপনি গিয়ে বসুন। ভেতরে মাছুর পাতা আছে। আমি লীলাকে নিয়ে আসছি।

একটু পরেই দরজা নিঃশব্দে খুলে লীলা প্রবেশ করলো। মণীন্দ্র গলা বাড়িয়ে বলে গেল : আমাদের দাদা আর আমার বোন লীলা।—বাইরেই অপেক্ষা করছি আমি। তিনবার টোকা দিলেই দরজা খুলবেন।—নিশ্চিন্তে কথা বলুন আপনারা, পাড়ার সবাই ঘুমিয়ে পড়েছে।

দরজা বন্ধ হয়ে যেতেই মন্দিরের মধ্যে রইলুম শুধু লীলা আর আমি আর জমাট অন্ধকার ! অনুভব করে লীলাকে কাছে টেনে নিলাম।

তারপর শুরু হলো আমাদের আলাপ। ছক-কাটা পথেই এগিয়ে যেতে লাগলাম, সামান্য ও লঘু আলোচনার মধ্য দিয়েই এসে পড়লাম গুরুগম্ভীর প্রশ্নে : স্বাধীনতার সংগ্রামে সীতারামের মতো ছেলেরা যেমন বোগদান

কববে, তেমনি শ্রীমৎগে) তাদের সাহায্য করবে দেশের মেয়েবা। সীতারামের কামানের গোলা মাথায় কবে এনে দিয়েছিল শ্রী। ঠিক তেমনি তোমাদেরও অনেক কাজ কববাব আছে, লীলা। জননী হয়ে দস্তান পালন কববে, সুসন্তান তৈরী কববে, এমনি প্রসপেক্টেব জোলুসে আমাদের আস্থা কম, কাবণ পবান দেশে সুসন্তান কাচে বলে সেটাই একটা দাকণ প্রশ্ন। বিশ্ববিদ্যালয়ের সর্কোচ ডিগ্রি অর্জন কবে মোটা মাইনেব চাকবি করে বংশেব মুখ খাবা উজ্জল কবে তোলে, তাবা ভালো ছেলে হতে পাবে, কিন্তু আমবা তাদের সুসন্তান বলি না, লীলা। ‘নজের চিন্তা ভাবনা ও ক্ষমতা যাব পবিবাবেব চাবখানা দেখালেব মধোই আটকে বেখে চলে পবান দেশেব সুসন্তান গাবা নব। জননী বলতে আমবা জ্ঞানি শুধু দশজননীকে। তাদেরই আমবা াল তাঁব সুসন্তান, যাবা তাঁব শৃঙ্খল মোচনেব জন্ম সক্রম পণ কবেছে, শিকলভাঙ্গাব গান যাদেব কণ্ঠে ধ্বনিত। আমবা গ্রহণ কবে’ছ ভাঙ্গনেব বণ। গাি চাই, চাই বেহিসাবী পবিকল্পনা ও তা কায্যে রূপান্তবিণ কববাব প্রাণপণ প্রচেষ্টা। তাই জননী হয়ে তথাকথিত সুসন্তান তৈরী কববাব জন্ম অপেক্ষা না কবে আমবা চাই বোন হয়ে এগিবে এস গুমি—গাইবে পাশে পাশে, কাঁধে কাঁধ মিলিয়ে, জীবনেব সর্কসস্তাবনা ও বঙ্গীন ঔবিষ্যৎ পশ্চাতে ফেলে বেখে। পাববে না, লীলা ?

লীলা আমাব হাত বেখে বললো : ছোডদা’ব কাঁচে সবই শুনেছি দাদা। সব কিছুই বিলিষে দেবাব সঙ্কল্প নিয়েই ত্রা এসেছি তোমাব কাঁচে।

প্রায় এক ঘণ্টা কথা হলো। এমনি অন্ধকারে লীলাব সঙ্গে পবিচয় ও অন্তবঙ্গ আলোচনা হলো, অগচ সে দেখতে পেলো না আমার মুখ। দিনের বেলা কোথাও দপলে চিনতেও পাববে না আমার। বিপ্লবী দলের বিকুটমেন্ট এমনি কঠিন সতর্কণাব সঙ্গেই হতো।

সেই অন্ধকাবেই হাত বাড়িয়ে প্রণাম কবে এক সময় বিদায় নিল লীলা আমায় আবার আসবাব অনুবোধ জানিয়ে।

ফিবে এসে নোকোর যখন উঠলাম, তখন রাণ প্রায় একটা। আকাশ মেঘে একেবাবে সমাচ্ছন্ন। একেই নিবিড় অন্ধকার, তার ওপর সেই অন্ধকারে জমাট মেঘগুলো যেন াববাটকার দৈত্যের মতো মাথা উঁচু কবে দাঁড়িয়েছে। বাতাস প্রায় বন্ধ হয়ে গেছে। থমথমে ভাব, আক্রমণের পূর্কক্ষণের মতো। বৃষ্টি হবেই।

কিন্তু তাই বলে একটি মিনিটও বিলম্ব করা চলে না। আকাশের অবস্থা দেখে তারপর যাত্রা করবার মতো সহজ কাজে তো আমরা বেরোইনি। কিংবা যাত্রা স্থগিতের কথাও ওঠে না। যে কাজে বেরিয়েছি, কাল-বৈশাখীর ঘনঘটা তাতে বাধা সৃষ্টি করতে পারলেও সে বাধাকে আমরা গ্রাহ্য করি না! শুধু তাই নয়। সর্বত্র ঠিক সময়মতো পৌঁছে ঠিক কাজটি শেষ করে এগিয়ে চলবো আমরা আমাদের লক্ষ্য পথে। বাধা এলে ধরবো তাকে চেপে ছ'হাতে, করবো তার সঙ্গে লড়াই। তারপর হয় বিজয়মাল্য পড়বে আমাদের গলায়, নয় মৃত্যুর তুহিনশীতল বক্ষে এলিয়ে পড়বো নেল্‌সনের মতো।।.....

চড়চড় করে বৃষ্টিও শুরু হলো। মনীন্দ্র চেনে আমাকে, তাই অপেক্ষা করবার নিষ্ফল অনুরোধ আর উচ্চারণ করতে সাহস করলো না। মাঝি খগেনকে শুধু একবার স্মরণ করিয়ে দিলাম যে, আড়াইটেতে আর একটা এনগেজমেন্ট আছে। বৈঠা তুলে নিয়ে সে প্রস্তুত হয়ে বললো: Let us start.....

আমাদের ডিম্ব নৌকো তাজপুরের ঘাট ছেড়ে বেরিয়ে পড়লো। গ্রামের আঁকাবাঁকা খাল পেরিয়ে বাইরে মাঠে এসে পড়তেই মুম্বলধারে বর্ষণ শুরু হয়ে গেল। সঙ্গে সঙ্গে ছ ছ করে পাগলা হাওয়া। বৃষ্টির কৌটাগুলো বেশ বড় আর তীরের মতো এসে বিঁধতে লাগলো গায়ে।

মাঝিদের খালি গা, কষ্ট হতে লাগলো তাদেরই বেশী। ডিম্ব নৌকায় ছই থাকে না, তাই ঠায় ভেজ! বাতীত গত্যস্তর নেই। মাঝখানে পাটাতনের ওপর বসে রইলাম আমি আব ওরা প্রাণপণে বেয়ে চললো। আকাশ ভেঙ্গে তখন বর্ষা নেমেছে। মাঝে মাঝে আকাশ চিরে চিরে বিছ্যতের সর্পিলা চমক। এলোপাথাড়ি বইছে বাতাস। একহাত দূরের কিছুও দেখা যায় না। দেখবার জন্তু চোখ খোলা যায় না, এমনি বৃষ্টি ও বাতাসের তোড়! নৌকায় জল জমে যাচ্ছে মুহূর্তে আর আমি অর্থাৎ মহিম দারোগা বার বার সঁওতি দিয়ে সেই জল ছেঁচে ফেলছি। সামরিক পোষাক ভিজে গেছে, ষড়ি ভিজে গেছে, আমার কৃত্রিম গোর্ফ কোথায় ভেসে গেছে কে জানে, একেবারে খোলা মাঠের মাঝখানে বৃষ্টি ও বাতাসের তোড়ে আমাদের ডিম্ব টলমল করে উঠছে!

তথাপি, তথাপি, তথাপি বেয়ে চলেছি আমরা অবিশ্রামভাবে সেই নিবিড় নিশ্চিদ্র অন্ধকার ভেদ করে। পৌছুতে হবে কেয়টখালী গ্রামে ঠিক আড়াইটের মধ্যে। সেখানে কদমতলায় অপেক্ষায় বসে থাকবে সুবোধ—সুবোধ চক্রবর্তী।

একটি মিনিট নষ্ট করবার উপায় নেই।

ছত্রিশ

বীরতারূর কাছাকাছি যখন এসে পৌছোলাম, বর্ষণ তখন থামে গেছে বটে, কিন্তু গর্জনও থামেনি আর থামেনি বিদ্যুতের চোখ-ঝলসানো তির্দাক ছাতি! সময় আর কতটুকু আছে, এইবার দেখা উচিত। কোট ও রুমাল দিয়ে জড়িয়ে অতি সাবধানে পাটাতনের একখানা কাঠ দিয়ে সবুজ টেকে-রাখা আমার হাত-ঘড়িটা সম্বরণে বার করলাম। দেখা গেল, ছটো বাজবার পূর্বেই ঘড়ির অপমৃত্যু হয়েছে। শুধু ঘড়ি নয়, টর্চ লাইট ছটোও শেষ নিশ্বাস ত্যাগ করেছে। মনে মনে হিসাব করলাম, যে গতিতে আমরা নৌকো চালিয়ে এসেছি, তাতে আড়াইটের মধ্যেই নিশ্চয়ই পৌঁছে যাবো আমাদের গ্রামে।

ছয়গাঁওয়ের মধ্য দিয়ে কেয়টখালীর পূর্ব পাড়ার বাঁড়ুয়ো বাড়ীর দক্ষিণে এসে পড়লাম। কি তিথি ছিল, আজ আর তা মনে নেই। কিন্তু মনে পড়ে, বর্ষণ ক্ষান্ত হলেও আকাশের পুঞ্জীভূত মেঘের ভার এতটুকু লাঘব হয়নি। সম্মুখে, পশ্চাতে, দক্ষিণে ও বামে জমাট অন্ধকার। কয়েক হাত দূরের কিছুই স্পষ্ট দেখতে পাওয়া যায় না। সেই ঘন অন্ধকারের মধ্যে থেকে থেকে বিদ্যুতের ঝলকানিতে নিমেষের অন্ত চারিদিকটা আলোকিত হয়ে উঠছিল আর সঙ্গে সঙ্গে প্রতিধ্বনিত হয়ে উঠছিল মেঘের কর্ণপটহ-বিদারী নির্ঘোষ। ভীকুনখ ধাবার মধ্যে শিকারকে আটকে নিয়ে রক্তমোলুপ দৈত্য তার পানে চেয়ে মাঝে মাঝে মে আশ্রয় হাসি হেসে থাকে, বিজলীর চমকানিতে যেন দেখতে পেলাম সেই হাসির ছুরি! পরক্ষণেই বহ্নিনির্ঘোষে সেই চাপা মারাত্মক হাসি যেন সহস্র ধমকে ধান্ ধান্ হয়ে কেটে পড়ছিল।

বোঝা গেল, এমনভাবে বিশ্ব চরাচর ডুবিয়ে দিয়েও তার তুষ্টি নেই এতটুকু, দ্বিতীয় বাব সর্কায়ক অভিযানের জগু চলছে তার দ্রুত প্রস্তুতি।

দূবে বিপদভঙ্গনের বাড়ীর দক্ষিণ দিকেব পুকুরপাড়ের প্রকাণ্ড কদম গাছটা ঠাণ্ড কবা গেল। পবঙ্গনেই বিদ্যুতের ঝলঝলানিতে দেখা গেল, ঠিক তার তলায় একখানি নৌকো বাধা আছে, ছইয়েব দুটি দিক্ই বেশ ভালো কবে বন্ধ।

নিশ্চয়ই অপেক্ষা কবছে স্তবোধ। কিন্তু খগেন বললো : যদি স্তবোধদা' না হয় 'দ্বিজেনদা' ?

অনাথ মোগ দিল : যদি অপবেব বা কোনো পুলিশেবই নৌকো হয়, তাহলে ?

বিপদ বললো : এও তো হতে পাবে, কোনো দৈব দুর্ঘটনায় স্তবোধদা' আসতে পাবেননি। এদিকে শ্রীনগর থেকে এসেছে বড় দাবোগা বা ঢাকা থেকে এসেছে অবিলাশ দারোগা লুকিয়ে আমাদের ফলো করতে। আপনাকে বাড়ীতে না পেয়ে হয়তো দুর্ভাগ্যক্রমে বাত কাটাচ্ছে ব্যাটা ঠিক ঐ কদম গাছটার নীচেই। আব বর্ষাব জগু ব্যাটা ছইয়েব দণ্ডা বন্ধ করে ঘুমোচ্ছে !—না জেনে শুনে হঠাৎ গিয়ে ওঠা কি যুক্তিসঙ্গত হবে ?

খগেন বললো : ওসব পুলিশ টুলিশ না হয়ে গ্রামেরই কেউ যদি হয়, তাহলে সেও তো জেনে যাবে যে, বাড়ীতে অগুরাণ হয়েও দাদা পুলিশের পোষাকে রাতে বাইবে ঘুমে বেড়ান। এমান জানাজানি কি ঠিক হবে দাদা ?

বিপদ বললো : এক কাজ কবা যাক। আমাদের বাড়ীরই তো পুকুর। আঁম যেন দুপুর রাতে বাইবে যাবো বলে বেবিয়ে এই নৌকোখানা দেখেছি—এমনভাবে এসে নৌকোয় উঠে একটু ডাকাডাকি করি যে, এত রাতে কে এই নৌকোতে এবং কি চায় সে। তাহলেই তো ব্যাপারটা জানা যাবে। আপনারা বরং পুকুরের ঘাটলায় গিয়ে একটু বসুন।

ওদের আশঙ্কা ও নিশ্চিত হবার প্রস্তাব বেশ খুঁকপূর্ণ, স্তবোধ তা ঠেলে ফেলবার উপায় ছিল না। আমাদের নৌকো খুব ধীরে চুপি চুপি এসে ওদের শান-বাধানো ঘাটলার কাছে লাগলো। কিন্তু স্তবোধও কি আর ঘুমিয়ে পড়েছে ?.....দেখা গেল, ধীরে ধীরে ঐ নৌকোর পেছন দিকের ঢাকনি খুলে

কে যেন বাইরে এল এবং আমাদের শুনিয়ে অথচ বেশ অনুচ্চকণ্ঠে ছইয়ের ভেতরে উপবিষ্ট কার সঙ্গে কথা কইতে লাগলো : তুই জানিসনে রাখাল, এ হচ্ছেন দ্বিজেনদা'—দ্বিজেন গাঙ্গুলী, কথা ঝাঁর একচুল এদিক ওদিক হয় না। নিশ্চরই এসে পড়বেন।.....কী বললি, আড়াইটে বেজে গেছে? দু'মিনিট পার হতে চললো? হতভাগা, তাহলে দেখবি, তিনিও এসে পড়বেন।

ব্যস্, সব পরিষ্কার হয়ে গেল। ওদের সবাইকে বিপদের বাড়ীতে গিয়ে তৎক্ষণাৎ ভিজ্ঞে জামা কাপড় বদলে নেবার জন্তু পাঠিয়ে দিয়ে আমি সেই গায়ের সঙ্গে লেপটানো পোষাক পরেই সুবোধের নোকোতে এসে উঠলাম।

ছইয়ের মধ্যে ঢুকেই প্রশ্ন করলাম : রাখাল কে হে ?

সুবোধ-হেসে জবাব দিল : রাখাল গরুর পাল লয়ে গেছে মাঠে।

স্তিমিত-শিখা কেরোসিনের ডিবা জ্বলছে। মুখলধার এই বর্ষণ ছইয়ের অসংখ্য ছিদ্রপথে পাটাতনের সর্বত্র টুইয়ে টুইয়ে পড়ছে। অর্থাৎ নিজেকে রক্ষা করবার উপায় না দেখে সুবোধ দাঁড়কাকের মতো ঠায় বসে বসে ভিজছে এই রাত আড়াইটে পর্যন্ত। নোকোর তলায় যখন বেশ জল জমে গেছে, তখন পাটাতন তুলে সঁওতি করে যে জল তুলে ফেলেছে ছইয়ের ক্ষুদ্র জানালা-পথে, তা বোঝা গেল।

বললাম : একেবারে ঠায় বসে ভিজছে? তোমার শরীর তো ভাল নয়। এই জল দইবে কেন? বিপদের ঘরে গিয়েও তো তুমি আশ্রয় নিতে পারতে?

সুবোধ জবাব দিল : মাঝিকে সেখানে পাঠিয়েছি। কিন্তু আপনি কোথাও গিয়েছিলেন নাকি? একেবারে যে ভিজ্ঞে জল হয়ে গেছেন।

বললাম : হ্যাঁ, কয়েক মাইল দূরে।

তার পরের কথা ও কাজ সংক্ষিপ্ত। ঐ কদমতলা থেকেই বিদায় নিল সুবোধ। একটা ছোট প্যাকিং কেস হাতে করে আমি বিপদের ঘরে এসে সুবোধের নির্দ্রিত মাঝিকে ডেকে পাঠিয়ে দিলাম। কিন্তু আমার মাঝিদের কাজ তখনো শেষ হয়নি। খগেনই ওদের মধ্যে সর্বাঙ্গী স্বাস্থ্যবান। বৈঠা তুলে নিয়ে সে বললো : চলুন দাদা, আপনাকে পৌঁছে দিয়ে আসি। বিপদকে বললাম, প্যাকিং কেসটা পরদিনই ভোরে অনাথের হাতে সুবোধ শহুর বাড়ী পাঠিয়ে দিতে।

কারিগর বাড়ীর পাশে এসে একটি ডুবন্ত গাছের ডালপালার মধ্যে স্তম্ভর্পণে

নোকোথানা ঢুকিয়ে দিয়ে আমরা বিছাতের ঝলকানির অপেক্ষা করতে লাগলাম খুশানে রাজা হরিশ্চন্দ্রের মতো! আকাশ তখন অনেকটা ভালক হয়ে এসেছে। জমাট মেঘের স্তরে বোধহয় ভাস্কন ধরেছে, কারণ ছ' একটা মিটমিটে তারা অকস্মাৎ তার আড়াল থেকে উঁকিঝুঁকিও মারছিল।

বাড়ীর কাছে এসে এমনভাবে অপেক্ষা করবার পক্ষে যুক্তি আছে। প্রথম-রাতে বেরিয়ে গড়ে ফিরলাম রাত শেষ কবে। এই কয়েক ঘণ্টার মধ্যে স্বগৃহে অন্তরীণ রাজবন্দীকে পবিদশন করবার জন্ত আসতে পারেন হয়তো সরকার তরফের কোনো অফিসার। বাড়ীতে আমায় না পেয়ে—হতে পারে, হয়তো তিনি ওৎ পেতে বসে আছেন সাক্ষীসাবুদ নিয়ে আমারই অপেক্ষায়। একবার ফিরে এলেই হয়!.....

তাই যদি হয়, তাহলে আমার কাজ হবে খগেনকে ঐ গাছের ডালেই ছেড়ে দিয়ে একেবারে সরল সুবোধ বালকের মতো বৈঠা চালিয়ে সশব্দে বাড়ীতে ফিরে যাওয়া এবং এমনভাবে অভিনয় করা যে, যেন মাত্র খানিকটা পূর্বে মলত্যাগের জন্তই আমি নোকো ভাসিয়ে পাশেই কোথাও গিয়েছিলাম—ম্যান্দার বাড়ী বা ভূঁইমালী বাড়ী। বিক্রমপুরে বর্ষাকালে এই অত্যাবশ্যক কার্যটি প্রায়ই যে নোকোযোগেই সারতে হয়, সে কথা বিক্রমপুরবাসী সকলেই স্বীকার করবেন। আর অভিনয়ে আমার দক্ষতা সর্বজনস্বীকৃত; সুতরাং সাক্ষীদের মনে, এমন কি অফিসারটির মনেও তখন খটকা বাধিয়ে দেওয়া কঠিন কিছুই হবে না।

কিন্তু সে সব কোশলের আর প্রয়োজন হলো না। হরিশ্চন্দ্রের অনুকূলে বিজলী আর একবার ঝলসে উঠলো এবং দেখা গেল আমাদের দক্ষিণ দিকের ঘাটলা শূন্য। বাড়ীও নীরব, নিশ্চয়ই সবাই নিশ্চিন্ত নিদ্রায় অচেতন। অতএব, আশঙ্কার হেতু নেই।

বাড়ী এসে পোষাক ত্যাগ করে দক্ষিণের ঘরে শুয়ে পড়লাম। একটা রিভলভার ও গোটা পঞ্চাশেক কার্তুজ একখানা রুমালে বেঁধে রেখে দিলাম হাতের কাছে আমার টেবিলের ওপরই।.....

ভোর হতে-না-হতেই আর এক বিভ্রাট! ডাকাডাকি, হাঁকাহাকিতে ঘুম ভেঙে গেল। আমার ঘরের বাড়ীর ভিতর দিক্কার দরজা ভেজানো থাকতো।

ছোট ভাই রঙ্গলাল উত্তরের ভিটের টিনের দোতলা ঘরের ওপরের তলায় গুতো মারের কাছে। ঘুম ভেঙে গিয়ে চোখ মেলে চেয়ে দেখি রঙ্গলাল আমায় ডাকছে। সংক্ষেপে অনুচ্চকণ্ঠে সে যা বললো, তার মর্মার্থ এই যে, পুলিশ বাড়ী ঘিরে ফেলেছে, তল্লাশী হবে।

তৎক্ষণাৎ লাফিয়ে উঠে টেবিলের ওপরকার রুমালটি হস্তগত করতে যাবো, এমন সময় অকস্মাৎ শোনা গেল যতীন দারোগার বিনীত কণ্ঠ : দ্বিজেনবাবু, দ্বিজেনবাবু জাগেন নাকি ? আবার এসেছি আমরা। উঠুন।—বলে যতীন টেবিলের কাছেই খোলা জানালা-পথে আমাদের পানে চেয়ে রইলেন।

কী করা যায় ? কী করে, কোন্ উপায়ে রুমাল-বাধা রিভলভারটি সরিয়ে ফেলা যায় ? অবশেষে রিভলভার নিয়ে ধরা দেবো এদের হাতে ?.....চিন্তা হলো, কিন্তু সে মুহূর্ত মাত্র। দরজা খুলে না দিলে ওদের সন্দেহ দৃঢ় হবে !.....আমি রঙ্গলালের পানে চাইলাম, সেও চাইলো আমার পানে। আমাদের চোখে চোখে কিসের ইঙ্গিত যে বলক মেরে গেল, টেরও পেলেন না যতীন দারোগা।

আমি খাট থেকে নামলাম। ছ'চারটে অতিরিক্ত হাই তুলে নিদ্রাজড়িত কণ্ঠে ওঁদের সাদর অভ্যর্থনা জানিয়ে বললাম : এক মিনিট যতীনবাবু ! জামাটা গায়ে দিয়ে নিই। সেই সন্ধ্যা থেকে ঘুমোতে ঘুমোতে ঘুম বেন আর ছাড়তে চাইছে না।

বলতে বলতে ব্র্যাকেটের কাছে গেলাম মস্তুর গতিতে। একটা পাঞ্জাবী নিয়ে গায়ে চড়াতে গিয়েই থেমে গেলাম এবং মহা বিরক্তি প্রকাশ করে বলতে লাগলাম : আর বলবেন না মশাই, এই পিঁপড়ের জালায় একেবারে অস্থির হয়ে গেলাম। তেলের গন্ধে শিয়রের বালিশ তো রাত্রে এরা আক্রমণ করবেই, তার ওপর ব্র্যাকেটে ঝোলানো জামাও যদি এরা রেহাই না দেয়, তাহলে যাই বলুন তো কোথায় ?—বলে জানালার সম্মুখে গিয়ে পাঞ্জাবীটা মেলে ধরে ঝাড়তে শুরু করলাম।

তৎক্ষণাৎ সায় দিয়ে যতীন বললেন : ও মশাই, আমার বাসাতেও তাই। এক ফোটা গুড়, চিনি বা মিষ্টি কোথাও রাখবার উপায় নেই। এই বর্ষাকালে শালারা যেন একেবারে স্বরাজ পায় !—বলে এক গাল হেসে ফেললেন।

এদিকে কাজ আমার হাঁসিল হয়ে গেছে ততক্ষণে। জানালা আড়াল করে

পাঞ্জাবীটা ঝাড়বার সুযোগে রঙ্গলাল চট করে টেবিলের ওপর থেকে রুমালটা তুলে নিয়ে চলে গেছে বাড়ীর মধ্যে এবং তা চালান করে দিয়েছে একেবারে বোন হেনার ব্লাউজের মধ্যে।

দরজা খুলে দিলাম। যতীন দারোগা জনকয়েক সিপাইসহ ঘরে এসে উপবেশন করলেন। তল্লাশী শুরু হলো এবং তা তন্ন তন্ন করে। তল্লাশীকে আমি পরোয়া করছিলাম না, কারণ রিভলভার ও কার্তুজগুলো খুব নিরাপদ স্থান লাভ করেছে। কিন্তু প্যাকিং কেসটা যে সকালবেলাতেই অনাথের নিয়ে যাবার কথা শেখরনগর গ্রামের সুবোধ গুহের বাড়ীতে। দারোগার সঙ্গে আলাপে জানা গেল, আমার বাড়ীর তল্লাশী শেষ করে ওরা পূর্ব পাড়ার দিকে যাবে অথচ ব্যাপারের একখানা নাকি আজ্জির তদন্ত করতে।

বিশ্বাস নেই এই সাপের দলকে। হয়তো ডাহা মিথ্যে কথা বললো এবং হয়তো অনাথদের বাড়ীতেই গিয়ে উঠবে তল্লাশী করতে।.....সুতরাং আর কালবিলম্ব না করে এদের সঙ্গে নানা বাজে আলাপ আলোচনার ফাঁকেই এক মিনিট সরে এসে রঙ্গলালের সঙ্গে দুটো কথা হয়ে গেল। কাজের কথা!

কিন্তু রঙ্গলাল বাড়ী ছেড়ে যাবে কী করে? তল্লাশীর সময় কারুকে যেতে দেবে না ওরা, আসতেও দেবে না। এই-ই হচ্ছে রীতি! কিন্তু কৌশল বার করে ফেললাম একটা! অব্যর্থ কৌশল!

তল্লাশী যখন প্রায় শেষ হয়ে এসেছে এবং আপত্তিজনক কিছুই না পেয়ে যতীন দারোগা যখন মিঠে হাসি হেসে এই অনর্থক তর্কালিফের অথ আই বি-দের বাশান্ত করে গালাগাল দিয়ে আমার গ্রাম বিদ্বান ও বুদ্ধিমান ভদ্রলোকের ছেলের এই মিথ্যে হয়রানির অথ অজস্র সহানুভূতি প্রকাশে গদগদ হয়ে উঠেছেন, ঠিক তখন আমি অকস্মাৎ বাস্তব হয়ে হেনাকে ডেকে বললাম : হেনা, চা দিলিনে দারোগাবাবুকে? তোরা বড্ড ভুলে যাস্।—বসুন দারোগাবাবু! কাজ শেষ, এবার একটু চা হোক।

বারকয়েক গররাজী হয়ে পরে যতীন নিমরাজী হয়ে বসতেই আমি রঙ্গলালকে বললাম : যা তো রমু, হেনাকে বলে আর একটা মামলেট করে দিতে।

রঙ্গলাল বাড়ীর মধ্যে গিয়েই ফিরে এসে দুঃসংবাদ জানালো, একটিও ডিম নেই।

কেন?—প্রশ্ন করলাম চোখ কপালে তুলে।

বঙ্গলাল জবাব দিল : তোমাব কালকে সকালেব কেনা ছ'টা ডিমের মধ্যে ছ'টো খাবাপ বেবিয়েছে আৰ চাবটে খাওয়া হয়ে গেছে কাল বাত্রেই ।

যতীন বলে উঠলেন : থাক, থাক । মামলেট আৰ লাগবে না । চা এক কাপ হলেই চলবে । আৰ রাজবন্দীদের বাড়ীতে কিছু খাওয়াই নাকি বেআইনী । শালা আই বি-বা—বলতে বলতে আৰ একবার তিনি সবকাৰী বুদ্বিজীবী বিভাগের উদ্দেশে চোখা চোখা কটুক্তি বষণ কবলেন ।

তৎক্ষণাৎ বাধা দিয়ে বললাম : ও কি হয় ?—যা, গ্রাফ্যান বা, কাবগব বাডা থেকে এক ডজন ডিম কিনে নিয়ে আৰ গে । মামলেটহীন চা হুনহীন মাংসের মতো ।

আবার যতীন বাধা দিলেন, আবার আমি তাড়া দিলাম । বঙ্গলাল এই ফাঁকে ব্যস্ততাব ভ্রান কবে মহাদেবকে সঙ্গে কবে আমাদের ছোট নৌকো চালিয়ে দিল এবং কাবগব বাড়ীর মোড ঘুবে সে অদৃশ্য হবে যেতেই স্বস্তির নিশ্বাস ফেলে আমি বললাম : যতীনবাবু, এবার নিয়ে তো বোধহয় বার দশেক সার্চ হলো আমাদের বাডা । পেলেন তো না কিছুই—

বাধা দিয়ে যতীন আবার আই 'ব কে গালাগাল দিয়ে বললেন : ও শালা । কী বলে জানেন ? বলে, সব সময় একটা বিভলভার নাকি আপনার সঙ্গেই থাকে । বাজাবে গেলেও নাকি বিভলভাবটা সঙ্গে থাকে আৰ ঘুমোবার সময় বাথেন গটা হাতের কাছেই, হয়তো বালিসের তলায় কিংবা টেবিলের ড্রাবে । আৰ আপনার বাড়ীতে তো বিভলভাবের কারখানা আছে । যেই আমবা রিপোর্ট দিই যে, nothing found incriminating, অমনি শালা বলে বসে, তোমাদের সার্চের খবর সে পূর্বেই পেয়ে বসে আর সব কিছু সবিয়ে ফেলে । —কী মশাই, জানতেন আপনি যে আজ সার্চ হবে আপনাদের বাড়ী ?

মোটাই না ।

কিন্তু ডিম কিনে বঙ্গলাল তখনো ফিরছে না । বুঝলাম, সে দ্রুত নৌকো চালিয়ে চলে গেছে একেবারে বিপদের বাড়ীতে । সেখানকাৰ বিপদ তো কাটাতে হবে ! তারপর অনাথদের বাড়ী !... ..

হেনা চা নিয়ে এল । মামলেটের জন্ত আর একবার সুগভীর উৎকর্ষা প্রকাশ করে ও বঙ্গলালের অহেতুক বিলম্বের জন্ত স্তীত্র বিরক্তি প্রকাশ করে অবশেষে কাপটি এগিয়ে দিলাম যতীনবাবুর হাতে ।

দারোগা কাপে চুমুক দিতে লাগলেন ।

সাঁইত্রিশ

আমার ছোট ভাই রঙ্গলাল আমার কাজে শুধু সহকারী নয়, সহযোগী ছিল বলা যায়। ছেলেরাও তাকে ডাকতো 'রুদা' বলে। আমার অনুপস্থিতিকালে রঙ্গলালের কথাই ছিল সবার ওপরে। বঙ্গবন্ধু, বিক্রমপুরের প্রায় সব অঞ্চলেরই বেঙ্গল ভলান্টিয়ার্সের তখনকার সমস্ত গুপ্ত কার্যের ভার ছিল আমার ও রঙ্গলালের ওপর। দলে আমার নীচেই রঙ্গলালের স্থান হলেও পুলিশকে দেখেছি বার বারই তাকেই গ্রেপ্তার করতে। সারা বিক্রমপুরে শুধু নয়, প্রায় গোটা ঢাকা জেলার বেখানে যত বৈপ্লবিক কার্য অনুষ্ঠিত হয়েছে, প্রত্যেকটা ব্যাপারেই পুলিশ এসে জানা দিও আমাদের বাড়ীতে, জোর তল্লাশী হতো এবং তল্লাশীশেষে অত্যন্ত সঙ্কোচের সঙ্গে সর্বিনয়ে দারোগাবাবু নিবেদন করতেন আমার কাছে যে, রঙ্গলালবাবুকে একবার খানার যেতে হবে। এমন সব স্থানের এমন সব ডাকাতি, বন্দুক চুরি বা পুলিশ হত্যা সম্পর্কে পুলিশ এসে আমাদের বাড়ীতে হাজির হয়েছে যে, আমরা একেবারে অবাক হয়ে যেতাম। সেই কাজ তো দূরের কথা, সেই জায়গাই চিনিনে আমরা।

এমনি নিরর্থক তল্লাশী করতে করতে শ্রীনগর থানার পুলিশও বেশ শ্রান্ত ও বিরক্ত হয়ে উঠেছিল। প্রথম প্রথম তারা কঠিন নিষ্ঠা দেখিয়ে আমার সম্মুখে এসে ৩'২৩ শূণ্ণে তুলে আত্মসমপণের মতো বলতো : নিন মশায়, আগে আমার শবীর তল্লাশী করে নিন। এই দেখুন, আমার পকেটে এই নোট বুক, এই মানিব্যাগ, এই পেন্সিল আছে আর কোমরে আছে রিভলভার। ছ'টা ঘরই ভড়ি, কিছু আর বেশী কাবুজ নেই। আর আছে তল্লাশীর জিনিসের তালিকা করবার এক শীট ফরম্ আর এই হচ্ছে সার্চ ওয়ারেন্ট।

তারপর সুরু করতো গোটা পনেরো পুলিশ মিলে তল্লাশী। অসুবিধা তাতে আমার কিছুই হতো না, কারণ বহরমপুর শিবিরে থাকাকালীন সরকারী ব্যয়ে আমি যে আটাশ ইঞ্চি চামড়ার স্ট্রটকেসটি কিনেছিলাম, ঐটি ব্যস্তত এবং ওর মধ্যে, ছ'চারটে জামা কাপড় বাতীত আমার নিজস্ব জিনিসপত্র আর কিছুই ছিল না। বারকরেক সার্চের পর ওঁরা আই বি-র হাকিম-অল-রশীদের গাজাপুরি গল্পের অন্তঃসারশূন্যতা উপলব্ধি করে এবার থেকে এসে বেশ জমিয়ে

বসতেন আমারই ঘরে। যেন এসেছেন আড্ডা দিতে কোনো বন্ধুর বাড়ীতে! চা ও সঙ্গে সঙ্গে মুখরোচক নানারকম গল্প হতো ঘণ্টাপানেক। জমাদার ও সিপাইদের বলে দেয়া হতো ঘরগুলোতে একবার ঘুরে আসতে। তারপর প্রকাণ্ড তল্লাশী-তালিকার ফরমখানা বার করে দারোগা অভিযানবিশেষসহকারে লিখতেন : Found nothing incriminating আর নাচে সাফীর স্বাক্ষর করে দিতেন একে একে। এমনি করে তল্লাশী-পর্ব শেষ হতো। তল্লাশীর বেলায় যতই গোজামিল চলুক না কেন, গ্রেপ্তারের হুকুম থাকলে তা তো তামিল করতে হবেই। তবুও সেটা এমনিভাবে হতো যেন ঢাকা শহরের বোনাল্ডশে শীল্ডেব ফাইনাল খেলা দেখবার জন্য আমন্ত্রণ এসেছে!.....এসেই দারোগা অত্যন্ত আবেগের সুরে বলতেন : রঞ্জলালবাবুকে আজ কিন্ত একবারটি সঙ্গে যেতে হবে দ্বিজেনবাবু। যেন তা নইলে ফাইনাল খেলা দেখার টিকটখানা নষ্ট হয়ে যাবে।

বেশ, ভালো কথা। সবাই আমার ঘরে বসে ঘণ্টাপানেক চা ও গল্পের শ্রাদ্ধ এবং তল্লাশী কার্য সমাপ্ত করলেন। ইতিমধ্যে রঞ্জলাল স্নানাহার করে নিল, কোনো কোনোবার হস্ততা কারিগর বাড়ী থেকে কয়েকটা ডিম আনিয়ে ডালনা রান্না করে দিলেন ফুলবৌদি। দারোগা এাও কোম্পানী সেজন্ত খুশী মনে অপেক্ষা করলেন আরও কিছুক্ষণ।

কিন্তু আমার কিছুই না বলে রঞ্জলালকে গ্রেপ্তার করবার পশ্চাতে আই বি-র একটা যে উদ্দেশ্য ছিল, তা বুঝতে দেবী হলো না আমার। সগৃহে অন্তরীণ করবার পরই যে আমি আবার গুপ্ত কার্য শুরু করবো, তা তারা ভালোভাবেই জানতো এবং কাজ যে শুরু করেছি পুরোদমে, তাও ওরা অন্ততঃ ধারণা করে নিয়েছে। আমার তৎপরতার একেবারে ছেদ না টেনে ওরা ঠিক আমার পুরের লোকটিকেই বার বার গ্রেপ্তার করে নিয়ে গিয়ে তার কাছ থেকে কথা আদায় করে নেবে—এই ছিল ওদের নীতি। এতে আমার কাজও চলবে অব্যাহতভাবে ও তার ফলে জলের তলায় যেখানে বত ট্যাংরা বা শিঙ্গি মাছ আছে, সব মনের আনন্দে ভেসে উঠবে জলের ওপর আলো ও হাওয়া পানের আশায় এবং তাদের খুঁটিনাটি সমস্ত সংবাদ সংগ্রহ করে নিয়ে সময় ও সুযোগ বুঝে জাল নিষ্ক্ষেপ করলেই—বাসু, বিক্রমপুর থেকে বেঙ্গল ভলান্টিয়ার্সের বাঁটি একেবারে নিশ্চিহ্ন করে দেয়া

যাবে। সর্বশেষে টুক করে আবার আমার কোনো বন্দীশিবিরে ফেরৎ পাঠিয়ে দিলেই চলবে। এতখানি বুদ্ধি ব্যয়েব জন্তু কর্তাদের শুধু তারিফ নয়, প্রমোশন, বেতন বৃদ্ধি ও পুরস্কারও হয়তো মিলবে—এই ছিল যোগীনী বস্তুর ও জ্বিতেন ধরের মনের আশা।

কিন্তু I. B. proposes and B. V. disposes—এই ছিল আমাদের কথা। বুদ্ধিব কসরতে ওদের সঙ্গে চিরকাল পাল্লা দিয়ে চলেছি আমি। জোর গলায় যদি বলি ওয়া কোনোদিনই আমার পরাজিত করতে পারেনি, তাহলে অবিশ্বাস করবেন না আপনারা। অবশ্য, আমারই মতো ডঙ্কা বাজিয়ে অগচ সতর্কতার সঙ্গে ওদের নাকের ডগার ওপর দিয়ে ঘোরাঘুরি করে সারা বাজনৈতিক জীবনে একটি বারও হাতে-নাতে ধরা পড়েননি, এমনি কর্ম্মী সে যুগে আরও অনেক ছিলেন, এ যুগেও অনেক আছেন। তবে হয়তো আমার কর্ম্মজীবনে বেহিসাবী পদক্ষেপ ছিল অসংখ্য বার, লুক একেবারেই না করে লিপু দেবার ঘটনা হামেশাই ঘটতো, তাই বোধহয় ঝুঁকিও ছিল একটু বেশী। আহত হয়ে কোনো প্রেমজর্জর আয়েষার সেবা-শুশ্রূষায় সুস্থ হয়ে ওঠবাব সম্ভাবনা ছিল না, শ্মশান থেকে বহন করে নিয়ে গিয়ে কোনো মহানুভব ধর্ম্মদাস নাগারই মৃতদেহে পুনর্জীবন সঞ্চারের আশা ছিল না। শীতের প্রাচুর্য্যে টপ টপ করে গাছের পাতা ঝরে পড়বার মতো যুদ্ধক্ষেত্রে যেমন গুলীবিদ্ধ সৈনিকের দেহ ধূলিশায়ী হয়, ঠিক তেমনি একদিন, একেবারে অকস্মাৎ অপ্রত্যাশিতভাবেই হয়তো চিরবিদায় গ্রহণ করবে। এই পৃথিবী থেকে, এই নির্ম্মম আশঙ্কা স্বীকার করে নিয়েই আমি এগিয়ে চলতাম !.....

মিঃ ব্লেকের কানের পাশ দিয়ে অসংখ্য বার গুলী বেরিয়ে যাবার ঘটনা পাঠ করেছিলাম, বুক পকেটের ইম্পাতে নিশ্চিত তাঁর সিগারেট কেস্ এ প্রতিহত হয়ে রিভলভারের গুলী ফিরে এল, এও লিখেছিলেন সে যুগের গ্রন্থকার। নায়ক নায়িকার মৃত্যু হলে সিনেমার আধ্যাত্মিক পঙ্কু হয়ে পড়ে, এমনি শ্লেষোক্তি এ যুগে বহুবার শুনেছি। তাই দেখেছি অগ্নিদগ্ধ, খঞ্জ বা চক্ষুহীন অশোককুমার বা দিলীপকুমার নাগিশ বা মধুবালার হাত ধরে টুক টুক করে হেঁটে হেঁটে চিত্রনাট্যের একেবারে শেষ দৃশ্য পর্য্যন্ত এসে উপনীত হয়েছেন গল্পকে বাঁচিয়ে রাখবার জন্তু। ঠাট্টা বতই

করি না কেন, অবাস্তব ও আজগুবি বলে ব্লক, মোহন অথবা সিনেমার উপাখ্যান রচয়িতাকে যতই বিদ্রূপ করি না কেন, আমার জীবনেই সেই কাল্পনিক কাহিনী যে বছবার সত্যে পরিণত হতে দেখেছি, এ কথা অস্বীকার করবার উপায় নেই।

শ্রীনগর থানার তিনজন দারোগার যে-কেউ সরকারী কোনো কাজে আমাদের গ্রামে এলে বা আশেপাশের গ্রামে এলে অথবা উত্তর দিকে হাঁসাড়া ছাড়িয়ে কোনো গ্রামে গেলেও ফেরবার পথে একটবার হানা দিতেনই আমাদের বাড়ীতে। কি দিনে, কি রাত্রে। ঢাকা থেকে জেলা ম্যাজিস্ট্রেট, পুলিশ সুপার অথবা মুন্সীগঞ্জের মহকুমা হাকিম থানা পরিদর্শনে এলেই অসম্ময়ে অর্থাৎ সন্ধ্যার পর একবার এসে পদধূলি দিয়ে যেতেন। ১৯৩৪ সালের এপ্রিল মাস থেকে সমগ্র বিক্রমপুর পরগণার স্থানে স্থানে যে সামরিক বাহিনী মোতায়েন করা হয়েছিল, সশস্ত্র সেই গেরা বাহিনীর একটি স্কোয়াড বাঙালী একজন দারোগাকে সঙ্গে করে প্রায়ই গভীর রাত্রে রাজবন্দীদের পরিদর্শন করবার জন্ত এসে উপস্থিত হতো। পরে জানতে পারা গেছে যে, এর পরেও একেবারে সোজা ঢাকা থেকে এসে রাত্রির অন্ধকারে গা ঢাকা দিয়ে অনেক বার, একাদিক্রমে এক সপ্তাহ পর্যন্ত আশেপাশে ঝোপজঙ্গলে ওৎ পেতে বসে আমাদের বাড়ীর ওপর লক্ষ্য রেখেছেন হয় যোগিনী বসু, নয় জিতেন ধর, না হয়তো অপর কোনো ধুরন্ধর অফিসার। শত্রুপক্ষের এতখানি তৎপরতায় এটাই বোঝা যেত যে, তাদের নিদ্রা টুটে গেছে, সমাপ্ত হয়েছে টেবিলে বসে ঘন্টার পর ঘন্টা জটলা আর বুক চুঁকে ঘোষণা করা : We have controlled all activities of the Terrorists...কিন্তু আশ্চর্য্য এবং বোধহয় বিশ্বের আশ্চর্য্যতম সত্য যে, যখনই এসেছে, তখনই তারা শাস্ত ও প্ৰবোধ বালকের মতো। আমার উপস্থিত পেয়েছে আমাদের বাড়ীতেই! কি দিনে, কি রাত্রে। বিরক্ত হয়ে অনেকে প্রশ্নই করে বসতো : সে কি মশাই, দিনের বেলাও কি আপনি বাইরে যান না? রাতেই না হয় নিষেধ আছে, কিন্তু দিনের বেলায়?

আলমারী ভর্তি গ্রন্থরাজি দেখিয়ে উদাস কর্তে বলতাম : ওরাই এখন আমার সঙ্গী।

আমার উদাস কর্তে আদৌ আহা ছিল না তাঁদের, তা জানতাম।

একদিন রসুনিয়া, সেরাজদীঘা ও রাজদিয়া গ্রামের ছেলেদের সঙ্গে দেখাসাক্ষাৎ শেষ করে ইছাপুরায় ফুলবৌদিদের বাড়ীতে এসে যখন উঠলাম, তখন রাত প্রায় ন'টা। রাতের আহারাদি শেষ হয়ে গেছে তাঁদের। কিন্তু অসময়ে অকস্মাৎ এসে তাঁদের ওপর বহু উৎপাত করতাম আমি। আরও বিশেষ করে ফুলবৌদি তখন ওখানে। স্মৃতরাং আবার কাঠের উলুন ধরানো হলো এবং ডাল ও চাল একসঙ্গে করে চাপিয়ে দিয়ে ফুলবৌদি একান্তে প্রণয় করলেন : চলে যে এসেছ, ওদিকে ওরা যদি গিয়ে হাজির হয় বাড়ীতে ?

হেসে বললাম : হবে না।

তেলে-বেগুনে জ্বলে উঠলেন বৌদি : হবে না! সব জ্বেরার বোনাই কি না, তাই আসবার সংবাদ তোমায় জানিয়ে আসেন!—একদিন ধরাই পড়বে তুমি। এমন পালিয়ে ঘোরা—

বললাম : সেই একদিন আর এ জীবনে আসবে না বৌদি!

ওঘর থেকে তাইমশাই হাঁক দিলেন : নে, আর গল্প করিস নে, পিকু। ওকে তাড়াতাড়ি খাইয়ে দে।

গরম গরম খিচুড়ী আর আলু-পেরাজ ভাজা। ভালোই হলো নৈশ আহার। রান্না ঘরের কোণে মুখ হাত ধুয়ে সবে বড় ঘরে উঠেছি, এমন সময় দূরে গাছপালার মধ্য দিয়ে দেখা গেল লণ্ঠন নিয়ে কে যেন অতি দ্রুত এগিয়ে আসছে। কাছে এলে দেখা গেল তারা ছ'জন। বাড়ীতে এসে উঠতেই দেখা গেল ফুলদা'র আর বছিরদী। ফুলদা'র হাতে লণ্ঠন।

ফুলদা'র ভাবাবেগ চিরদিনই উগ্র। তাই ধরা গলায় হাঁফাতে হাঁফাতে তিনি যা বললেন, তার মর্ম্ম এই : বিকেলের দিকে এস. ডি. ও. কালীপদ মৈত্রী এসে খোঁজ করে যাবার পর সন্ধ্যার একটু আগেই এসেছিল আবার বর্তীন দারোগা। হেনা অবশ্য বলে দিয়েছে যে, তুই মোহনগঞ্জ হাটে গেছিস। রত্নলালের সঙ্গে কিছুক্ষণ গল্প করে চলে যাবার সময় বলে গেছে, রাত্রেও আবার আসতে পারে। তারপর প্রায় কাঁদো কাঁদো স্বরে ফুলদা'র বললেন : শীগ্গির চল। এতক্ষণে ওরা এসে গেছে কি না কে জানে!

বছিরদী সায় দিল : হ, চলেন কর্তা, জগদি চলেন। কখন যাব না ঐ হালাগো কথা। আইসা পড়তে পারে।

এটা কিন্তু ফুলদা'রই শ্বশুরবাড়ী। শ্বশুর আছেন, শাশুড়ী আছেন এবং বৌদিও আছেন। তাইমশাই ওঘব থেকে বললেন : ও জামা জুতো পরুক, ততক্ষণ তোমরা ঘরে এসে বস, জিভেন।

মাত্রীমা ঘর থেকে বেরিয়ে এসে জিজ্ঞেস করলেন : খেয়ে দেয়ে তো বোধহয় বার হওনি। পিকু, যা তো, আবার ডালে চালে ছুতো চাড়িয়ে দে। খেয়ে যাও।

ফুলদা' একেবারে জলে উঠলেন : না, না, না। এখন খিচুড়ী পাবার সময় নেই আমার। ওদিকে কী কাণ্ড হয়ে গেছে কে জানে!—এই, চল, চল, আর এক মিনিটও দেরী করিসনে।

বললাম : চলুন যাচ্ছি! কিন্তু কাণ্ড যদি কিছু হয়েই থাকে, তাহলে আমি গেলে কি আর তা কিছু হাল্কা হবে? বাড়ীতে আয়ার না পেলেই আটন ভঙ্গ হয়ে গেছে, তারপর দেরীতে বাড়ীতে গেলে সে ভাঙ্গা আর জোড়া লাগবে না।

আমার ধীর অচঞ্চল কণ্ঠে ফুলদা' একেবারে অধীর হয়ে উঠলেন, বললেন : নে, রাখ, তোর আর যুক্তি দেখাতে হবে না! তাড়াতাড়ি গেলে ওরা আসবার পূর্বেই পৌঁছে যেতে পারি—চল।

ফুলদা' ঘরেও এলেন না, বৌদিও আর মাত্রীমার কথামতো খিচুড়ী চড়াতে পারলেন না, তাইমশারের কণাও আর মানলেন না তিনি। শাটটা কাঁধে ফেলেই রওনা হলাম। ইছাপুবা গ্রামের মাঝে মাঝে বাশের সঁকো পার হয়ে এসে বাজারের কাছে যখন বচ্চিরদার নৌকোয় উঠলাম, ফুলদা' তখন একটি স্বস্তির নিশ্বাস ফেলে বললেন : বচ্চিরদা, এইবার তোর কাজ। প্রাণপণে বেয়ে চল।

তারবেগে ছুটলো নৌকো। বচ্চিরদা আমার বসিয়ে দিল হালে আর ফুলদা' ও সে ছু'খানা বৈঠা দিয়ে নৌকো বাছ দেবার মতো করে অতি দ্রুত জল টানতে লাগলো। বর্ষার জল তখন সবে বিক্রমপুরে প্রবেশ করেছে, দান গাছগুলো তখনো পুরু ও ঘন হয়ে ওঠেনি। আমাদের নৌকো তাই আঁকাবাঁকা আইল বা খাল ধরে না গিয়ে ক্ষেতের মধ্য দিয়েই সোজা ছুটে চললো। আর ঘুরপথে ঘাবার বিলাসিতা করবার সময়ও ছিল না। আকাশে সরু চাঁদ। তার স্তিমিত আলোর দেখছিলাম ফুলদা' ও বচ্চিরদার বৈঠা ঘন ঘন উঠছে আর পড়ছে। বৈঠা চালনার মধ্য দিয়েই বেশ অনুভব করছিলাম ফুলদা'র তীব্র উদ্বেজনা।

বছিরদী তার মুসলমানী মাংসপেশীর পরাক্রম দেখাচ্ছিল আর শান্তিহীন বিরামহীন বৈঠা ফ্লেপনের মাঝে আমি অনুভব করছিলাম তাব মুসলমানী tenacity

বাড়ী এসে তো একেবারে অবাক হয়ে গেলাম আমরা। সবাই দিব্যি ঘুমিয়ে পড়েছেন! বাবা, মা, রঙ্গলাল সবাইকে ফুলদা' ডেকে তুললেন উত্তেজনার আতিশয্যে একবারে হুগা করে এবং যখন জানতে পাবলেন যে, পুলিশ আর আসেনি, তখন আনন্দের আতিশয্যে হুগা কবেই বাড়ী মুখবিত কবে তুললেন। সোনাবোধিব কাছে সংবাদ নিয়ে জানা গেল, ওবেলার ইলিস মাছেব ঝোল আছে আর ভাত যা আছে, তাতে আমাদের তিন জনের হয়ে যাবে। খিচুড়ী ততক্ষণে জল হয়ে গেছে, তাই আমিও বছিরদী আব ফুলদা'র সঙ্গে সঙ্গে বসে পড়লাম।

পুলিশ অবশ্য এল আবার, কিন্তু পর্বদিন সকালে। যতীনবাবু বললেন : আবে মশাই, জ্বালিয়ে মাবলে! বললাম, আমি একবার দেখে এসেছি, দিনের বেলায় না থাকলেও রাতে দ্বিজেনবাবু বাড়ীতে ফিবে আসবেনই! না, তা শুনবেন না! এস. ডি. ও. জিজ্ঞেস করলেন, মোহনগঞ্জ হাটে সে যায় কেন? বললাম, স্মার. ওটা যে তাঁর এলাকার মধ্যেই। তবুও হুকুম কবলেন আর একবার রাতে এসে আপনাকে দেখে যেতে। বলে তো কতটা মুন্সীগঞ্জ ঢলে গেলেন সন্ধ্যার দিকে। বাঁচা গেল। আমিও দিব্যি ঘুমিয়ে ভোরে চা-টা খেয়ে এই আসছি। রাতে এসে আর আপনাকে বিরক্ত কবা ঠিক মনে করলাম না। —বলে হেসে প্রশ্ন করলেন : কি মশাই, বাড়ীতে ছিলেন তো কাল রাতে?

হেসেই জবাব দিলাম : রাতে এলেই পারতেন। মাংস আর পোলাউ হয়েছিল। স্বয়ং মা রান্না করেছিলেন। অনেক রাত পর্যন্ত বান্না হলো। পাড়ার চ' একজন ভদ্রলোক খেলেন। আপনি এলে বেশ তাস খেলা যেত জামিয়ে। এঃ, 'আপনি কি হারাইলেন', জানেন না।—বলে হেসে উঠলাম।

মহা দুঃখ প্রকাশ করে যতীনবাবু বললেন : এ হে, ভারী loss হয়ে গেছে দেখছি। কিন্তু মনে রাখবেন, এর পর যেদিন হবে, সেদিন যেন ধবর পাই দ্বিজেনবাবু!

ফসু করে জিজ্ঞেস করলাম রঙ্গলালকে : এই ঝাখ না, মাংস আর আছে কি না? থাকলে নিয়ে আয় না একখানা প্লেটে করে। চায়ের সঙ্গে মন্দ হবে না।

হুকুম পেয়ে রঙ্গলাল তৎক্ষণাৎ বাড়ীর মধ্যে চলে গেল এবং একটু পরই ফিরে এসে সীমাহীন লজ্জা প্রকাশ করে বললো : ছিল দাদা, কিন্তু রেণু এসেছিল বেড়াতে, তাকে সবটা খাইয়ে দেয়া হয়েছে !

থাক্, থাক্, তাতে আর কি হয়েছে।—বলতে বলতে যতীন দারোগা চায়ের বাটিতে চুমুক দিতে লাগলেন।

আটত্রিশ

আমাদের কেয়টখালী অতি ক্ষুদ্র একটি গ্রাম। দৈর্ঘ্যে মাইল দেড়েক আর প্রস্থে এক মাইলের মতো হবে। এই গ্রামের অধিবাসীদের মধ্যে শতকরা প্রায় আশীজনই মুসলমান। নেই হাট-বাজার, নেই হাই স্কুল, নেই দাতব্য চিকিৎসালয়। ষোলঘর গ্রামের ইউনিয়ন বোর্ড এলাকায় হলেও অপর পার্শ্বের হাঁসাড়া গ্রাম আমাদের হাট-বাজার, স্কুল ও দাতব্য চিকিৎসালয়ের অভাব পূরণ করে। হাট না থাকলেও হাঁসাড়ায় বাজার বসে প্রতিদিন সকালে, হাঁসাড়া হাই স্কুলেই আমাদের গ্রামের সবাই পড়ি, ১৯২৬ সালে এই হাঁসাড়া হাই স্কুল থেকেই আমি প্রবেশিকা পরীক্ষায় পাশ করি। হাঁসাড়ার পাশে কেয়টখালী এত ক্ষুদ্র ও নগণ্য যে, বিদেশে আমাদের গ্রামকে কেউ ঠিক চিনতে পারবে না মনে করে অনেক সময়ই আমরা বলে দিতাম যে, আমাদের বাড়ী হাঁসাড়ায়।

বিশেষ কবে, আমার কৰ্মক্ষেত্র মুখ্যতঃ ছিল হাঁসাড়া। তারপর প্রবেশিকা পরীক্ষা দিয়ে গ্রাম পরিত্যাগ করলে তা স্থানান্তরিত হয় ঢাকা ও কলকাতায়। হাঁসাড়া গ্রামের সবাই আমার চেনে। কেউ চেনে ভাল ছাত্র হিসেবে, কেউ চেনে ভালো মঞ্চাভিনেতারূপে, আবার কেউ সমাদর করে নামজাদা ফুটবল খেলোয়াড় হিসেবে। স্কুলের মাষ্টাররা আমার খুব স্নেহ করতেন। শিক্ষাক্ষেত্র ত্যাগ করে কী করে যে আমি এই স্বদেশীদের দলে যোগদান করলাম, এ কথা আলোচনা করে তাঁরা নিজেরাই যে শুধু দুঃখ প্রকাশ করতেন, তাই নয়, অনেক সময় আমার বাবার কাছে এসে ছটলা করতেন। স্বর্গ্হে অন্তরীণে এলে যখন তাঁরা শুনলেন যে, এতকাল পর আমি আই-এ পরীক্ষা দেবার সময় পেয়েছি বহরমপুর বন্দীশিবির থেকে, ভারী খুশী হলেন

তঁারা। সেই পুরোনো কথা তুলে একদিন মাষ্টার যোগেশ গাঙ্গুলী মহাশয় আবার একবার আমার অনুরোধ জানালেন গুপ্ত সমিতি থেকে নাম কাটিয়ে নেবার জন্ত।

ইসাতায়া কংগ্রেস অফিস ছিল এবং সে সময় সেই প্রাথমিক কংগ্রেসের স্বনামসম্মত সম্পাদক ছিলেন মৃগাল সোম। বনিরাদী সোমের বাড়ীর লোক। কংগ্রেসের অধিঃস পথে আমাদের গতিবিধি না থাকলেও কংগ্রেসের নিন্দা কোনোদিন কবিনি আমি। সমাজকল্যাণকর কাজে কংগ্রেসের উপযোগিতা আমি সর্বদাই স্বীকার করেছি। কিন্তু ইসাতায়া গ্রামের ঐ প্রাথমিক কংগ্রেসের সম্পাদক মৃগাল সোম কংগ্রেসের নামে সংগৃহীত টাকা ও তগুলের অধিকাংশই নিকর্দানের মতো প্রায় প্রকাশ্যেই এমনভাবে সরিয়ে ফেলতো যে, গুপ্ত ইসাতায়া নয়, আশেপাশের গ্রামেও তাই নিয়ে তাঁর আলোচনা চলতো। লোকটা স্বল্পভাষী, গ্যাটাপারচার ফ্রেমের চশমার ওপর দিয়ে তাকায়, চিরকালই তার দাঁড়ি দিনসাতোক পূর্বে কামানো হয়েছে বলে মনে হয়। ময়লা খদ্দেরের ফুল শার্ট, ময়লা খদ্দেরের ধুতি আর ছেঁড়া স্মাগল। মাথায় তার কোনোদিন গান্ধীটুপি দেখেছি মনে পড়ে না। এই হচ্ছেন কংগ্রেস সেক্রেটারী মৃগাল সোম। আর ইনিই হচ্ছেন—শুনে বিস্মিত হবেন না যে, ওদিককার মধ্যে সর্দাপেক্ষা ক্ষমতামালী গোরেন্দা বা টিকটিক। এই বিষকণ্ঠ পরোমুখকে প্রথমটা চিনতে পারিনি আমি আরো দশজনের মতো। গ্রামের কল্যাণকর প্রত্যেকটি কার্যে মৃগাল সোমকে সন্মানে না হলেও অগ্রবর্তীদের মধ্যেই দেখেছি, রোগীর সেবার রাত জাগবার জন্ত স্নেচ্ছাসেবক সংগ্রহে, ম্যালেরিয়া রাক্ষসীর সঙ্গে লড়াইয়ে কুইনাইন বিতরণে, বন্ধ জলার কচুরীপানা পরিষ্কার করবার কাজে, দরিদ্রনারায়ণ সেবার মৃগালকে দেখেছি সামান্য তৎপর। কিন্তু এরই ফাঁকে ফাঁকে সে কখনো নিজেই টাকা চলে যেতো কাজের ছুতোয় অথবা পরিস্থিতি প্রতিকূল দেখলে অপর কোনো বিশ্বাসী অনুচর মারফৎ সংগৃহীত সংবাদগুলি প্রেরণ করতো।..... একেবারে কংগ্রেসের সম্পাদককে দলে টানতে পারার জন্ত একদিকে যেমন আই-বি-দের পারদর্শিতার তারিফ না করে পারা যায় না, তেমনি এই ছ'মুখো সাপদের দেশ ও জাতির প্রতি জগৎশেষী বিশ্বাসঘাতকতার লজ্জায় ও যুগায় মাটির সঙ্গে মিশে যেতে ইচ্ছে করে আমাদের।

মৃগাল সোম ব্যতীত আমাদের স্কুলের মাষ্টার দীপেন ব্যানার্জী ছিলেন

একজন স্পাই। আরও ছিলেন নীরেন ঘোষাল, কালিদাস চক্রবর্তী, ডাঃ পলাশ সান্না এবং আরো অনেকে। এঁদের একেবারে পরিচয় করে চল' আমার নীতি ছিল না, খুব কৌশলে সরলতার ভান করে অস্তরঙ্গভাবে মেলামেশা করতাম এদের সাথে, সব কথাই আলোচনা করবার অভিনয় করতাম নিখুঁতভাবে, কিন্তু ঠিক সময়টিতে এঁদের অলক্ষ্যে ও অজান্তে নিজের কাজটি হাঁসিল করে ফেলতাম।.....

১৯৩৩ সালের সেপ্টেম্বর মাসে মেদিনাপুরের তৃতীয় মার্জিষ্ট্রেট বার্জ সাহেব খেলার মাঠে নিহত হয়েছেন বলে সংবাদ পাওয়া গেল। কিন্তু মেদিনাপুরের এই গুপ্ত দলের সংগঠন যে ঢাকার বি ভি কাম্বীরাই করেছিল, পুলিশ তা জানতো; তাই বার্জ হত্যার সাত দিনের মধ্যেই আমাদের বাড়ী আবার তল্লাশী হলো এবং এবার অতিরিক্ত লোক লাগিয়ে কোদাল দিয়ে আমাদের বাড়ীর উঠান একেবারে চষে ফেলা হলো।

যতীন দারোগা গলদঘর্ম হয়ে দক্ষিণের ঘরে এসে আমার চেয়ারে হাত পা ছেড়ে দিয়ে বসে পড়ে বলেন : নাও, পেলাম তো এক হাজার রিভলভার ?
বিস্মিতমুখে প্রশ্ন করলাম : মানে ?

মানে আর কি ? আপনার বাড়ীতে নাকি রিভলভারের কারখানা আছে একটা। সেখানে নাকি রিভলভার তৈরী হয় আর কোথাও পাঠিয়ে না দেয়া পর্যন্ত মাটির তলায় তা লুকিয়ে রাখা হয়।

বিস্ময় আরো বেড়ে গেল : রিভলভার তৈরী হয় ? কারখানা আছে ? বলেন কি যতীনবাবু ?

আরে মশাই, একি আর আমি বলি, বলেন যোগিনী বসু আর জিতেন ধর। হেসে বললাম : এক হাজার রিভলভার তৈরী হয়ে গেছে ? ফোর্ড কোম্পানীকেও যে ফেল পড়িয়ে দেবে যতীনবাবু !

আপনার তৈরী রিভলভার দিয়েই নাকি বার্জ সাহেবকে হত্যা করা হয়েছে।
আঁ্যা, বলেন কি ?—একেবারে আকাশ থেকে পড়লাম।

যতীনবাবু হাসিতে ফেটে পড়লেন।

১৯৩৩ সালের ডিসেম্বর মাসে আমি মাসিক এ্যালাউন্সের জন্তু যে আবেদন-পত্র পাঠালাম, সদাশয় ব্রিটিশ গভর্নমেন্টের দপ্তর থেকে খুব শীগগিরই তার জবাব

এল যে, তা প্রত্যাখ্যান করা হয়েছে। কিন্তু গভর্নমেন্ট যত সহজে এটা দমিয়ে দিতে চাইলেন, তত সহজে দমে যাবার পাত্র আমি নই। তাই এর পর বাবাকে দিয়ে একখানা দরখাস্ত করলাম যে, বিদেশ থেকে ছেলেরা মাসোহারী পাঠায় আর সারাটি মাস সেই মাসোহারীর টাকার সংসার চলে। যে যুবক কোনো কাজ না করে বসে বসে খেতে চায়, ছেলেরা তার খাওয়াপরাই জন্তু একটি রুপর্দকও দিতে নারাজ। আর স্বগৃহে অন্তরীণ করবার পূর্বে রাজবন্দীর খাওয়া-খাকার ব্যবস্থা করে দেয়া পুলিশের পক্ষে উচিত ছিল। কারণ, দ্বিভ্রম গান্ধীকে স্বগৃহে অন্তরীণ কর, অমনি কোনো আর্জিনাদ আমরা সরকারকে জানাইনি এবং তাকে কেয়টখালীতে প্রেরণের পূর্বে গভর্নমেন্টের পক্ষ থেকেও বাড়ী বর্জিতদের কারুর মতামত গ্রহণ করা হয়নি। সুতরাং হয় তাকে মাসিক ভাতার সুবিধে দাও, না হয় কেয়টখালী থেকে যেখানে খুশী নিয়ে যাও।

এক ক'দিন পর আমি লিখলাম যে, এ বাড়ীতে আমাকে কেউ খেতে দিতে চায় না; সুতরাং আমার জেলেই নিয়ে যাও। তারপর একদিন লিখলাম : কাল আমি খাইনি।

ধাপে ধাপে পরিস্থিতিটা এমনি কৌশলে ক্লাইমেক্স এনে ফেলেছিলাম শুধু পত্রাঘাত করেই যে, অকস্মাৎ একদিন ঢাকা থেকে জেনৈক আই বি অফিসার আমাদের বাড়ীতে এসে হাজির হলেন এবং গভর্নমেন্টের এক নয়া আদেশ জারী করে আমার চলাফেরার পরিধি একেবারে হ্রাস কবে শুধু কেয়টখালী গ্রামটুকু সীমাবদ্ধ করে দিয়ে গেলেন। এতে দুঃখ পেলাম না এতটুকুও এইজন্তু যে, আই বি এবার বুঝেছেন যে, রশি আশ্রয় করে দিয়ে গভীর জলের মাছ শিকার তাঁদের পক্ষে সম্ভব নয়। তাই ভালোয় ভালোয় আমাকেই ভাল করে আটকে রাখবার নীতি তাঁরা গ্রহণ করলেন।

ওঁদের আদেশগুলো প্রকাশভাবে এমনি নির্ভর সঙ্গে পালন করে চলতাম যে, তাতে অতি বড় সরকারী কর্মচারীও লজ্জা পেত! যখন প্রায় গোটা বিক্রমপুর ছিল আমার চলাফেরার পরিধি, তখন নানা গ্রামে ফুটবল খেলতে যেতে হতো আমার, কখনো নিজেদের গ্রামেরই পক্ষে, কখনো-বা অপর গ্রামের পক্ষে। কিন্তু বার পক্ষেই যাই না কেন, বিকেলে ছ'টার মধ্যে আমি বাড়ী ফিরে আসতাম। আমার নিয়ে খেলতে হলেই সেদিন খেলা শুরু হতো সাড়ে চারটেতে

পরিচালনা কমিটির বিশেষ অনুমোদনে। ঠিক সাড়ে চারটেতে শুরু হলে অবশ্য সাড়ে পাঁচটায় খেলা শেষ করে ত্রস্তপদে ফিরে আসতে অস্ববিধে হতো না। আর যেখানেই খেলা শুরু হতে ছ'দশ মিনিট দেরী হয়ে যেত, সেখানেই খেলা শেষ হবার পূর্বেই মহামান্য সম্রাটের একান্ত অনুগত প্রজার মতো ঠিক সাড়ে পাঁচটায় মাঠ ছেড়ে বেরিয়ে পড়তাম আমি।

লোক-দেখানো নিষ্ঠা ধরবার বুদ্ধি সরকারী বুদ্ধি বিভাগের ঘটে ছিল না। দর্শকদের মধ্যেই থাকতো আমার এজেন্ট ঘড়ি নিয়ে। সাড়ে পাঁচটা বাজবার সঙ্গে সঙ্গেই সে আমায় আহ্বান জানাতো চীৎকার করে : 'দ্বিজেনদা' টাইম আপ !

হাজার হাজার দর্শকেরা তা শুনতে পেতেন এবং অকস্মাৎ দেখতেন রেফারির অনুমতি নিয়ে খেলা ছেড়ে বেরিয়ে আসছি আমি। খেলার আমার সুনাম ছিল, তাই ধীরে আমায় হারালেন, তাঁরা হেরে গেলে যে একান্তভাবে আমার বিহনেই হারলেন, এ কথা জোর গলায় প্রচার করে বেড়াতেন। ফলে, লোকের মুখে মুখে কথাটা গিয়ে পৌঁছোতো শ্রীনগর থানার বড় দারোগার দপ্তরে এবং পরে ঢাকার আই বি অফিসে। তাঁরা আমার নিষ্ঠায় আস্থা স্থাপন করতেন।

আমি কিন্তু বুঝতে পেরেছিলাম, ঐ সময়টাই কিছু কাজ করবার সময়। মাঠ ছেড়ে হন্ হন্ করে বেরিয়ে এসে খেলোয়াড়ের পোষাকটাও আর পরিবর্তন করবার যেন সুরসুৎ পেলাম না, সোজা এগিয়ে চললাম কোনো দিকে ক্রম্পে না করে। মনে করুন, এমনভাবে আসছি হাঁসাড়ার মুন্সী বাড়ীর মাঠ থেকে। কালীকিশোর সেনের বাড়ীর ওপর দিয়ে সোজা চলে এলাম হাঁসড়া হাই স্কুলে। তারপর সেখান থেকে রওনা হলাম পশ্চিম দিকে মাঠের মধ্য দিয়ে। ডেপুটি ঘোষের বাড়ীর দক্ষিণ দিক দিয়ে এগিয়ে এসে নলিনী চক্রবর্তীর বাড়ী বায়ে রেখে বাজারের কাঠের পোলটার ওপর ওঠবার সময় ডান দিকে আড়চোখে চেয়ে দেখলাম আমাদের ভূতপূর্ব মাষ্টার দীপেন ব্যানার্জী বাইরে পুকুরধারে এসে বসেছেন কিনা। যদি দেখি, তিনি ষথারীতি ওখানে মাজুর বিছিরে বসে কোনো বই পড়ছেন খালের ধারের উপস্থারত বক-ধার্মিকের মতো, তাহলে গুড বয়ের মতো সোজা বাজারে এসে দাতব্য চিকিৎসালয়ের পাশ দিয়ে বেরিয়ে গেলাম সোজা বাড়ীর পথে। আর যদি দেখি লাইন ক্লিয়ার আছে. এ্যাকসিড্যান্ট হবার আশঙ্কা কম, তাহলে

বাজারের মধ্য দিয়ে সোজা চলে এলাম পশ্চিম দিকে। সেখান থেকে সুবোধ গুহেব বাড়ী আর কত দূর?.....

আমি জানি এবং নিশ্চিতভাবে জানি, পেলার মাঠে যে সততা দেখিয়ে বেবিয়ে আসি আমি, তাকে পুলিশ আখ্যা দেবে ভীকতা বলে; স্বত্বাং তাব পবই আব কেউ লাগানো প্রয়োজন বলে মনে করবে না অন্ততঃ কয়েক ঘণ্টা।

চলাফেবাব পাতাল কমে গিয়ে যখন মাত্র কেবটখালী গ্রামে এসে দাঁড়ালো, তখনও আমার কাছে 'বশেষ অসুবিধা কিছু হলো না। এব প্রদান কারণ আমার ডেপুটি বা ডিগ খুব বন্দাসী ও কর্মঠ। এদেব নিজেব হাতে গড়ে তুলেছিলাম আমি। তাবা আজ সবাই কোণাষ তা আমার জানা নেই। কিন্তু ক্ষপষ্টতা-এবং গর্বেব সয়ে স্বাকার কবতে এতটুকু বিধা নেই আমার যে, স্বগৃহে অন্তর্বাণকালে আমার কক্ষ ও পবতা বতটুকু সাফল্যই লাভ কবেছে, তা প্রাণ সবটাঠি সম্ভব হবেছে আমার এই অনুগামাদেব তাঁক্ষ বুদ্ধি, অবিচল ঐকান্তিকতা ও অটল নিবমানুবতিতা জগত। কুঠাব চালিয়ে যারা জগল পারিষ্কার করে, কোদাল চালবে যারা মাটি কাটে, খোয়া ভেঙ্গে তৈবী কবে পাকা রাস্তা, মোটর হাঁকিয়ে সে পথে ছুটে যাবাব সময় আমবা এদেব কথা একবাবও ভেবে দেখি কি? তা জমহল নির্মাণ কবেছে যে কারিগর, যে শ্রমিক, যে দিনমজুব. কে তাদের চেনে, কে তাদের মনে রেখেছে? এব প্রস্তুব-ফলকেব স্বচ্ছতার মুঠ হয়ে উঠেছে সম্রাট সাজাহানেব যে অমর কীর্তি, মমতাজেব প্রতি তাব যে সুনিবিড় প্রেম অবিদ্বন্দ্ব হয়ে বয়েছে তা জমহলেব ক্ষটিক স্তম্ভে, দশটি মুখে আমরা তাবই স্তুতিগানে আত্মহারা হই!.....

আমি কিন্তু আমার সহকর্মীদের একটি দিনেব তরেও ভুলতে পারিনে। ক্রটি যে তাদের আদৌ ছিল না তা নয়, কিন্তু সে ক্রটিকে মিথ্যে বুদ্ধিব কাঁচা রংয়ে রাঙ্গাতে না গিয়ে অকপটে স্বীকার কববার হিগ্নং ছিল তাদের সবার। সাংসারিক কঠিন দারিদ্র্যে নিষ্পেষিত হলেও নিষ্ঠার ঐকান্তিকতা তাদের কমেনি এতটুকুও; বরং তাতে করে সাহস যেন তাদের বেড়ে গেছে শতগুণ হয়ে। সম্ভাবনাময় জীবনের বাধানো পাকা রাস্তা ত্যাগ করে তাবা অবলীলাক্রমে এসে নেমেছে আমার সঙ্গে বিপদসঙ্কুল পথে! পারিবারিক সুখ-দুঃখ, আশা-আকাঙ্ক্ষা সবই হরতো নির্ভর করতো কারু ওপর, ফটল-ধরা।

সংসারের ইয়ারতখানা কেউ হয়তো একদিন স্তম্ভের মতো মাথায় তুলে নেবে, এই ছিল বাপ-মায়ের পাবকল্পনা, অর্থাৎ অনটনের দাবদাহে ঝলসানো গৃহের ওপর উত্তরকালে একপানি ছায়া-শীতল ছাতা মেলে ধরবার কঠিন দায়ীত্ব হয়তো ছিল কারুর স্কন্ধে গুস্ত, কিন্তু সমস্ত আশা, সকল পাবকল্পনা, সকলপ্রকার নিউরতা হেলায় তুচ্ছ কবে বেবিয়ে পড়েছে এই স্কুমার কিশোরদেব একটি দল, যেমন কবে ঝাঁপ থেকে বোরিয়ে আসে ফণিমনসা সাপুড়িয়াব মোহন বাণী শুনে। কোনো দ্বিবা নেই, জড়তা নেই, প্রশ্ন নেই, কোনোদিকে ফিবে চাইবাব কূটকোশল নেই।.....আজ মাঝে মাঝে অকস্মাৎ শিউরে উঠি এই ভেবে যে, ওদের জীবনের সাবলাল গাওপণে আমিষ্ট কি একটা তুরতিক্রমা বাবার সৃষ্টি কবেছিকাম ওদের সবাইকে গুপ্ত সামান্তিতে নাম লিখিয়ে? মাঝে মাঝেই এই বেয়াড়া প্রশ্নটা সাবা অন্তরে সাময়িক আলোড়ন সৃষ্টি করে তোলে! এবং তা আজও।.....

এক বৃহস্পতিবার খানায় হাজিরা দিতে গেলাম না আমি। চৌকিদার মারফৎ লিখে পাঠলাম : বর্ষাকাল, নৌকো বাতীত পানায় বা ওয়া বেতে পারে না। বাড়ীর নৌকো বাবা আমায় ব্যবহার করতে দেবেন না বলে দিয়েছেন আব নৌকো ভাড়া করে যাবার মতো সর্জিত কোথায় আমার?—সুতরাং প্রয়োজন এবং অবিলম্বে প্রয়োজন মাসিক ভাতার ও বমাকালে নৌকো ভাড়া বাবদ কিছু টাকার। দয়া করে তার সত্তর ব্যবস্থা করতে আজ্ঞা হয়।

প্র্যান্স সাহেব তখন টাকার মার্জিষ্ট্রেট। অবসরপ্রাপ্ত আই. সি. এস.। পূর্ববঙ্গের বিপ্লবীদের শায়ন্তা করবার প্রকাশ্য বিরূতি দিয়েই তিনি অবসর-জীবনের আরাম ত্যাগ করে বিনাশায় চ তুচ্ছতাম্ স্কুদুব বিলাত থেকে ফিরে এসে টাকা জেলায় ভার নিয়েছেন ভারত গভর্নমেন্টের আছবানে। খুব সত্তরই জবাব এল তাঁর কাছ থেকে : Your petition is rejected অর্থাৎ বাজে আর্জি পেশ করে না। কিন্তু বৃটিশ steel prestigeএব আদবকায়দা বেশ ভাল করেই রপ্ত ছিল আমার। তাই সাধনা শুরু করলাম পত্রযোগে শাক্যাসংহের মতো। কণা কেউ না কইলেও, সবাই মুখ ঘুরিয়ে থাকলেও, সবাই ভয় করলেও আমার মনের কথা আমি বলেই যেতে লাগলাম প্রাতঃ সপ্তাহে অন্ততঃ একটিবার। অর্থাভাবের কথা বার বার বিরূত করতে করতে এমনই অবস্থায় এসে পড়েছি বলে বলাবিহিত সম্মান পুরঃসর জানালাম যে,

প্রায়ই আহার মেলে না আমার, নৌকো ভাড়া করে থানার হাজিরা দেবার মতো পয়সা নেই আমার, তার ওপর মা বাবার লাঞ্ছনা, গঞ্জনা, তিরস্কার. আর কত সয় ?

কিছুদিন পর থানায় যাওয়া একেবারেই বন্ধ করে দিলাম। দারোগার ক্ষমতা ছিল না আইন অনুযায়ী আমার গ্রেপ্তার কববার। রাজবন্দীরা গভর্নমেন্টের আদেশ লঙ্ঘন করলে থানার দারোগার কর্তব্য হবে কালাবিলম্ব না কবে বিশেষ বাণীবাহ মারফৎ জেলা পুলিশ সুপারকে সেই অভাবনীয় কাণ্ডের বিবরণ পাঠানো। তারপর সুপার যদি ভালো বোঝেন, তবে দারোগাকে নিদ্দেশ দেবেন রাজবন্দীকে গ্রেপ্তার করবার। এর পূর্ব পর্যন্ত থানার দারোগা পদাহত সর্পের মতো ফৌসফৌসাতে পারেন, পারে গুলী-থাওয়া খ্যাক শিয়ালের মতো দাঁত খিঁচোতে পারেন কিংবা লগুড়াহত ঘিয়ে-ভাজা কুকুরের মতো ছ'পায়ের ফাঁকে লেজ ঢুকিয়ে দিয়ে কেঁউ কেঁউ করতে পারেন এবং খুব বেশী হলে গ্রেপ্তারের পায়তারা করতে পারেন। আমার ব্যাপারে যতীনবাবু বিশেষ বাণীবাহ একবার নয়, বারকয়েক পাঠিয়েও সুপারের কুস্তকর্ণের নিদ্রা ভাঙাতে পারলেন না !.....

তার পরের ঘটনাবলী বেশ চমকপ্রদ !

এই চরম ব্যবস্থা অবলম্বনে মা'র কিছু সমর্থন ছিল না আদৌ। দাদারা বিদেশ থেকে মাসোহারা যা পাঠাতেন, তা ছাড়াও কিছু জমিজমা আছে আমাদের, ছ'চারটে পুকুরও আছে, কয়েকশো ঘর মুসলমান প্রজাও আছে। তাই হেলায় ফেলায় না হলেও একরকম করে চলে যেত। গভর্নমেন্টের কান ধরে ভাতা আদায়ের নীতি সমর্থন করলেও দাদা বা মা বাবা খেতে দেন না, এমনি নির্জলা ফাঁকি দেয়া মা'র ভাল লাগতো না। আর এই ঘোষণার অন্তরালে কোথায় যেন একটা কাঁটার খোঁচা অনুভব করতেন মা। খুব চাপা ছিলেন আমার সঙ্গে ব্যবহারে, তাই মনের বেদনা মনে রাখতেন চেপে যত দিন সম্ভব।

একদিন সকালবেলা তেল-মুড়ি খাচ্ছি আর নিষিদ্ধ 'আনন্দবাজার পত্রিকা'র পাতা ওলটাচ্ছি, এমন সময় ধীরে ধীরে আমার ঘরে এসে প্রবেশ করলেন মা।

বললেন : আজ বৃহস্পতিবার।

বললাম : হ্যাঁ, তা তো জানি। তোমার লক্ষীপূজা আছে।

মা বললেন : তার জন্ম তোমার ব্যস্ত হবার কাবণ নেই। কিন্তু জিজ্ঞেস করি, আজও কি থানায় যাবিনে ?

মুহু হেসে জবাব দিলাম : না গিয়ে তো ভালোই আছি মা। চৌকিদারের হাতে না যেতে পারার একটা কৈফিয়ৎ দিলেই যদি থানায় যাবার হাঙ্গামা চুকিয়ে দিতে পারা যায়, তাহলে মন্দ কি ?

না, মন্দ আর কি ! তবে সরকারী আদেশ অমান্য করলে তার ফলাফল নিশ্চয়ই জানা আছে তোমার ?

গ্রেপ্তার ? গ্রেপ্তার তো হয়েই আছি।—হেসে জবাব দিলাম : হয়তো এখান থেকে আবার নিয়ে যাবে উর্টে দিকে—গ্রামে বা কোনো বন্দিশিবিরে। তা নিক, গ্রামে যেমন পদে পদে আইনভঙ্গ হবার আশঙ্কা আছে, বন্দা শিবিরে আর তা আদৌ থাকবে না। তখন বি. এ. পরীক্ষার পড়াটাও ভালো করে করতে পারবো। এ বাবস্থা ভালো নয় মা ?

মা টেবিলের পাশে হেলান দিয়ে দাঁড়ালেন, তারপর মুহু হেসে বললেন : তোমার প্ল্যানমতো সবকার সব কাজ করবে বলে তুই ভাবলেও তারা তা না-ও করতে পারে। থানায় না যাবার জন্ম হরতো তাবা করলো মাগলা, আব দিল ছ'বছর জেল। সাধারণ কয়েদীর মতো কাটাতে হবে এখন। ঘানি ঘোরাতে হবে, ডাল ভাঙতে হবে, আরো কি কি খেন করায় ?—বলে মা হেসে উঠলেন।

কাগজখানা বন্ধ করে রাখলাম। মা'র আশঙ্কা যে নিরর্থক না-ও হতে পারে, তা বুঝিয়ে বললাম। তাবপর বললাম : একেবারে মুক্তি না পাওয়া পর্যন্ত ওদের সঙ্গে আমার আপস-রফাব কোনো কণাই উঠতে পারে না মা !

জানি না কণাটা রুচ শোনালো কিনা, কিন্তু আজও মনে পড়ে এর পর মা আর একটি কথাও বলেননি। নিরর্থক পত্রিকাখানার দিকে কিছুক্ষণ চেয়ে রইলেন, তারপর ধীরে ধীরে চলে গেলেন।

একটা দীর্ঘ নিঃশ্বাস গুনতে পেলাম কি ?

সত্যিই. মা'র আশঙ্কা যে অমূলক নয়, তা জানা গেল দিনকতক পরই।

সর্বশেষে যে পত্রখানা গভর্নমেন্টের সমীপে পাঠিয়েছিলাম আমি, তাকে একেবারে চরম পত্র বলা যায় ! লিখেছিলাম : যে বাড়ীতে আমার খাওয়া মেলে না, শোবার স্থান পাই না, সেখানে থাকা আমার কেন, কারুর পক্ষেই

সম্ভব নয়! সূত্রাং চাকার একটা খুঁজে নিতে হবে আমার পেট চালাবাব জন্তু। এব মধ্য কলকাতায় একটা চাকবির সন্ধান পাওয়া গেছে। অতএব, হে ব্রটিশবাজ, আগামী মাসেব পনেবো তারিখে আমি কলকাতা রওনা হচ্ছি। যাচ্ছি ঠাটা-পথে মৌলধরের বাজার হয়ে, শ্রীনগর থানা ডাইনে পথে, বাড়িখাল গ্রামের স্কুলের পাশ দিয়ে একেবাবে কাতিরপুর ষ্টেশনে। রওনা হবো দুপুরে খাওয়া-দাওয়া তাজা তাজি সেরে।

প্রস্তুতি চললো আমার এবং বুঝলাম ও-পক্ষেও প্রস্তুতি চলেছে সতর্কতার সঙ্গে। প্যান্স সাথেব কোনোই জবাব দিলেন না, মহকুমা হাকিম কালীপদ মেএ বোধহয় চরম পত্রখানা বাজে কাগজের ঝুড়িতেই দিয়েছেন ছুঁড়ে ফেলে, যতীনবাবু এক-আধবাব পবিদশনে এলে অস্বাভাবিক গন্তার* দেখলাম তাঁর মুখ।

সংঘর্ষ অনিবার্য মনে হলো! আমিও এবার আর কৌশল নয়, একেবাবে নীতি হিসাবে গ্রহণ কবলাম এই চ্যালেঞ্জ। সত্যিই পনেরো তারিখে রওনা হবাব জন্তু রেডি হলাম।

বাবা খানিকক্ষণ বাগারাগি কবলেন এবং বৃদ্ধ বয়সে তাঁকে দাগা দেয়াই যে আমার মতো বুদ্ধিমান ছেলের উদ্দেশ্য, শেষ দিয়ে বার বার একথা উচ্চারণ কবলেন। যা অত্যন্ত নীবব, প্রতি কার্যে তার গান্তার্য প্রকট দেখা যেতে লাগলো। বৌদিবা কাঁড়েও খেমলেন না, কারণ গ্রাম দেববের সংকল্পের দৃঢ়তাব পবিচর বহুবার পেয়েছেন পারিবারিক জীবনে। সমিতির ছেলেরা এমনি প্রতিকূল অবস্থা স্যাকার কবে নিয়েই তো নেমেছে এই সাংঘাতিক পথে! তাই মনেব কোনে একটা কাটা বিঁধলেও মুখের বেখায় সে বেদনার বিন্দুমাত্র আভাসও দেখা গেল না। তাইব ১০০০খাত্রা করবার দিনটি অশ্রুত গ্রাগিয়ে আসতে লাগলো।

অকস্মাৎ বারোই মাসে আমাদের বাড়ী তল্লাশী হলো। নামমাত্র তল্লাশী। শেষে যতীনবাবু জানালেন যে, থানায় হাজিরা না দেবার জন্তু আমার গ্রেপ্তার করা হলো।

চমৎকার! এর জন্তুই প্রস্তুত ছিলাম। ধাপে ধাপে উত্তেজনার সৃষ্টি করে য কাঠিনী অশ্রু দ্রুত ক্লাইমেঞ্জ-এর শিথবে উঠতে চলেছে, এমনি একটা কিছু না হলে তা মনোজ্ঞ হবে কেন?...চলে এলাম শ্রীনগর থানায়। সেখান থেকে

পবদিনই শেষে হাজির হলাম মুন্সীগঞ্জ সাব জেলে। ১১ম শেণাব বিচারাবাসনে আসামীর পর্যাটন বাত্মা হলো আমায়।

পবাদিন অণবাহে খাবাট জেল পবিদশনে এসে কালাপদ মৈএ আমাব দাৰ্ঘ জুলপী দেখিয়ে বললেন হেসে : এই দেখ, যুগান্তর দলেব চিহ্ন, কানেব ডগা পর্যন্ত জুলপী।—আব কলাব গোলা হাফ শাট দোংয়ে বললেন : আব এই হচ্ছে বেঙ্গল স্লাম্টিবাসেব পতাক—Don Dur Devil—মাবা। অল্প বিভলভাব যেন উঁচিয়েই বেগেছে—অ্যা।—বলে হো হো কবে হেসে উঠলেন, সঙ্গী মহকুমা পুলশ অামাবও যোগ দিলেন তাঁব সঙ্গে।

উনচল্লিশ

সে যুগে মুন্সীগঞ্জ মহকুমাব ক্ষুদ্রকাল জেলে (যাকে সহজ ভাষায় বলা হব সাব জেল) পদার্পণেব সোভাগ্য ঞনেন আব একটিবাব হয়েছিল, নিশ্চনই খাজ্ঞে তাঁব স্মৃৎপটে পম্ভব ঞকে লেণাব মতো পাদিত হয়ে আছে অবিয়ণেগ একটি ব্যক্তিব কথা, তঁনি আব কউনন—জেলেব কেবাণীবাবু। তঁনি কেবাণী, তঁনি এ্যাকাউনটেন্ট, তঁনি বিচেন-ম্যানিজাব, তঁনি ষ্টোব কাপাব, তঁনি জেলেব এবং কাণ্যতঃ তঁনই সাব জেলেব পবল বাক্রান্ত সুপাবিনটেনডেন্ট। কাগজে কলমে অবশ্য মহকুমা হাকিমই মহকুমা জেলেব সুপাব, কিন্তু এই শিগঞ্জ র আডালে ঞকে ঞনিশ্চন্ত শমন শবক ছাডেন দোদুপ্রতাপ কেবাণীবাবু মহাভাবতেব অর্জুনেব মতো। আপনাব কোন্ যুক্তিই যুক্তি নব যদি মহামাণ্ড কেবাণীবাবু তাঁব মম্ম ওপর্ণি কবতে না পাবেন। আপনাব কোনো সক্রণ আর্জি বা বাকণ্ডমান আবেদন কোনোদিনই হাকিমেব দববাবে প্রবেশাধিকার পাবে না, যদি না চাক্সে গ্র্যাফেয়ার্স কেবাণীবাবু তাতে স্বাক্ষর করে পামপোট প্রদান কবেন। দশটি ছয়াব পাব হয়ে ওবে সুপাবেব দেওবান ই আমে প্রবেশ করা যায়। কিন্তু প্রত্যেকটি ছযাবে বিভিন্নকপে প্রহবায় বঃ এই কেবাণীবাবু। কেবাণীবাবুব বিনযাবনত ও অনড উদাসীন্তে মরিয়া হয়ে উঠে যদি কোনোদিন কোনো মাহেন্ধ্রুগে আপনি ছয়.শা অশ্বাবোহীর লাইট ব্রিগেডেব মতো অপরিসিত ক্রুসাহস দেখিবে সোজাসুজি স্বয়ং হাকিমেব সম্মুখেই আপনার বক্তব্য পেশ কবে

বসেন, তাহলে আপনার ভাবাবেগের বহু উচ্ছ্বসিত হয়ে ওঠবার পূর্বেই স্মার্ট মহকুমা হাকিম মিষ্টি করে দুটি হাল্কা কথা বাতাসে ছেড়ে দেবেন : কেবাণীবাবু, নোট করুন তো !

খুশী হয়ে উঠলেন আপনি এই ভেবে যে, এতদিন পর তবু লাট সাহেবের কান পর্যন্ত পৌঁছোলো আপনার আকুতি, হয়তো উৎফুল্ল হয়ে উঠলেন এই আশায় যে, এইবার নিশ্চয়ই একটা নিরপেক্ষ তদন্ত হয়ে সুবিচার পাবেন আপনি আগামী দু'চার দিনের মধ্যেই। কিন্তু কেবাণীবাবুব নোট বইয়ের পাতা প্রতিদিনই দু'চাবগানা কবে এগিয়ে চলে, পেছন ফিরে তাকায় না তাবা উনিশশো পাঁচ সালের বিপ্লবী বাংলাব মতো। তাই ফুবিয়ে-যাওয়া নোট বইটি একদিন মুখ খুবড়ে পড়ে থাকে কাগজেব ঝুড়িব মধ্যে চিঠি বার-কবে-নেয়া এনভেলপের মতো, আব একদিন জমাদার তাকে নিয়ে গিয়ে বিসর্জন দেয় কোনো ডাষ্টবিনে, কোনো ডোবায় বা কোনো আস্তাকুড়ে। সুতরাং একদিন নয়, দু'দিন নয়, দশ দিনও নয়, মাসের পব মাস প্রতীক্ষা করতে হবে আপনাকে বিরহিনী যক্ষ প্রিয়াব মতো। সে প্রতীক্ষার আর নেই শেষ। ..এমন কি, আপনার অস্তিত্বের ঝুঁকি নিয়ে এরই মধ্যে যদি আবাব একদিন কম্পিতপদে এগিয়ে এসে ভীতি-ভয় কণ্ঠে অধীনেব বিনীত নিবেদনের কথা স্মরণ করিয়ে দেন মহকুমা হাকিমকে, তাহলেও এবং তার অনেক—অনেকদিন পরেও অনন্তকাল ধরেই হাকিমের শ্রীমুখে শুনতে পাবেন সেই একই অমৃতবানী বন্ধ-হয়ে-যাওয়া ঘড়ির বাবোটা বেজে-থাকাব মতো : কেবাণীবাবু, নোট করুন তো !

নোট বই সর্বদাই তাঁর সঙ্গে থাকে এবং তাতে বাজারের তেল-ছুন-ডালের হিসেব থেকে শুরু করে বাৎসরিক ব্যালান্স সীট সবই টুকে রাখা আছে। কিন্তু ঠিক যে অফবস্ত উৎসাহ নিয়ে তান হুজুবের গুঁম তামিল করেন নোটবুকে নোট করে, ঠিক তেমনি উৎকট উৎসাহের সঙ্গেই তিনি নোট-করা কথাগুলো একেধাবে কবরস্থ করে ফেলেন পৃষ্ঠাব পব পৃষ্ঠাব চাপে। যেন আর-একটি মিশরের মমী তৈরী করবার গুরুভাব কাঁধে নিয়েছেন সাব জেমের কেবাণীবাবু !
..... শুধু রেকর্ড ঠিক রাখবার জন্যই মহকুমা হাকিম সারাটি দিন আদালতে হাজারো মামলার ঝামেলা সইবার পর গৃহে প্রত্যাগমনের পথে প্রতিদিন অপরাহ্নে একবার এই সাব জেলের গরীবখানার আসেন হাতীর পা ফেলে নগণ্য-বাসিন্দাদের ধন্য করে দেবার জন্য। যত কিছু অভিযোগই করা যাক, যত

আবেদনই জানানো হোক, সবার জবাবে ঐ একই বাণী শোনা যায় তাঁর মুখে :
কেরাণীবাবু, নোট করুন তো !.....

সে সময় কেরাণীবাবুর এই লোভনীয় উপাধিতে বিভূষিত ছিলেন, যত দূর মনে পড়ে, স্মরেন মৈত্র। মহকুমা হাকিম কালাপদ মৈত্র। এই দুই বাবেন্দ্র মৈত্রের নিবিড় মিত্রতার ফলে মুন্সীগঞ্জ সাব জেলেয় সাধারণ কয়েদীদের তখন তর্দিশার আর অবধি ছিল না এবং যে দ'চার জন বিচারাধীন বাঞ্ছনৈতিক বন্দী ছিলেন, তাঁবাও খুব অবমানিত বোধ করতেন।

বাইবে থেকে কোনো বন্দী প্রথম জেলে এলেই অথবা এখানকার কোনো বন্দী সারাদিন আদালতে কাটিয়ে দিনের শেষে ফিরে এলেই প্রহরাত সিপাই তাঁর দেহ ওল্লাশী করতো একেবারে তাকে উলঙ্গ করে। স্বদেশী আসামী হলেও বড একটা রেহাই দেয়া হতো না। আর সাধারণ বিচারাধীন আসামীদের এরা নিশ্চিন্তে খাটিয়ে নিত তাদের মামলার ফলাফল বেরুবার পূর্বেই। রান্নার জল টানা, রান্না করা, তরকাবি কাটা, মাছ কাটা, মশলা বাটা, কয়লা ভেঙ্গে উছুন ধরানো সব কাজই এদের করতে হতো। আবার পান থেকে চুন খসলেই চলতো সিপাইদের হাতে বেদম প্রহার। যে ক'জন দণ্ডাজ্ঞাপ্রাপ্ত কয়েদী ছিল, তাদের মেথর, ধোপা, নাপিত ও ঝাড়ুদারের কাজ করতে হতো আর প্রায় সময়ই হাকিম বা কেরাণীবাবুর বাড়ীর কাজে এরা ব্যস্ত থাকলে এদের কাজগুলোও এসে পড়তো বিচারাধীন আসামীদের স্কন্ধে। বিচারে নিরপবাধ সাব্যস্ত হয়ে এদের মধ্যে যাবা ঘরে ফিরে যেত, তাদের অনেকেবই পিঠে কালশিরের চিহ্ন সহজে মিলিয়ে যেত না।

একটিমাত্র বৃহৎ কক্ষ সর্বশ্রেণীর পুরুষ কয়েদী ও আসামীদের জঞ্জ নিদ্রিষ্ট, তাবপর সুউচ্চ দেয়ালেব ওপারে জেনানা ফাটক অর্থাৎ নারী আসামীদের জঞ্জ নিদ্রিষ্ট ক্ষুদ্রাকার কক্ষ। স্বদেশী বন্দীদের সাধারণ কয়েদীদের সংস্পর্শ থেকে দূরে রাখবার জঞ্জই রাখা হয় ঐ জেনানা ফাটকে। স্বদেশীরা বসন্ত রোগে আক্রান্ত রোগীর মতো ব্যবহার পেতো কেরাণীবাবুর হাতে। সাধারণ কয়েদী, এমন কি, বিচারাধীন আসামীদেরও তাঁদের ধারে ঘেষতে দিতে চাইতেন না তিনি। বসন্ত রোগ বড হোয়াচে, বলা যায় না !...কিন্তু নারী আসামী থাকলেই এই রেসপেকটেবল্ ডিসট্যান্স আর রক্ষা করা সম্ভব হয় না, স্বদেশীদের বাধ্য হয়ে স্থান করে দিতে হয় ঐ বৃহৎ কক্ষেই, সবার

সঙ্গেই। তখন কেরাণীবাবুর আর এক রূপ দেখা দেয়—আই বি-গিরি। স্বদেশীদের ওপর শ্রেনদৃষ্টি রাখতে হয় স্পাই মারফৎ এবং সুযোগ ও সাধ্যমতো নিজেকেই। আর জল পরিমাপকারী ষ্টামারের খালসীর মতো ঘন ঘন রিপোর্ট পেশ করতে হয় হাকিমকে, নয় তো ঢাকায় বুদ্ধি বিভাগের অফিসে আর নয় তো উভয়কেই।

আমি যখন এলাম মুন্সীগঞ্জের সাব জেলে, তখন একটি নারী আসামী ছিল বলেই আমার স্থান নির্দিষ্ট হলো। সেই একমাত্র ও অদ্বিতীয় বৃহৎ কক্ষে সবার সঙ্গে।

কিন্তু বোধহয় তৃতীয় দিনেই সুরেন মৈত্রের সঙ্গে আমার বেশ এক পশলা বচসা হয়ে গেল।

জেলের মধ্যেই ক্ষুদ্র একটি সবজি বাগান, তাতে কিছু কিছু তরকারি ফলেছে। বেশ বড় বড় বেগুন, টমেটো, ওলকপি ফলেছে, আলুর গাছ বেশ সতেজ হয়ে উঠেছে। একদিন বিকেলে গাছে জল দেবার সময় একজন আসামী একটি লাল টমেটো ছিঁড়ে খায়। সবাই শপথ করে যে, এই ছুঁটনা তারা কোনোক্রমেই বেফাঁস হতে দেবে না। সহকর্মী ও রুম-মেটকে তারা কেরাণীবাবুর কোপাগ্নি থেকে রক্ষা করবেই। কিন্তু পরদিনই তা কেরাণীবাবুর কানে পৌঁছে যায় এবং বিচারকরূপে অপরাধীকে “কম্বল ধোলাই” দণ্ডে দণ্ডিত করে জেলের জল্লাদরূপে কেরাণীবাবু নিজেই এলেন বিচারকের ছকুম তামিল করতে।

বাধা না দিয়ে পারলাম না। বললাম : কেরাণীবাবু, আপনার ছকুম প্রত্যাহার করতে হবে।

চমকে উঠলেন ঔরংজেব যশোবন্ত সিংহের ঔদ্ধত্য : কেন ছিঁজেনবাবু ?

কারণ অতি সহজ, আপনার আদেশ বে-আইনী !

বিস্মিত হলেন কেরাণীবাবু : বে-আইনী !

জবাব দিলাম : আজে হ্যাঁ। বিচারাধীন আসামী আর দণ্ডাজ্ঞাপ্রাপ্ত কয়েদীদের মধ্যে যে পার্থক্য অনেক, তা তো আপনার অজানা নয়, কেরাণীবাবু ! বিচারাধীন আসামী আপনার এখানে কয়েদীতে পরিণত হয়েছে দেখছি। তাদের দিয়ে দিব্যি মেহনতি কাজ করিয়ে নেয়া হচ্ছে। সেটাই আপনার বে-আইনী কাজ। তারপর যে গাছগুলোকে জন্ম থেকে

তারা এত বড় করে তুললো জল দিয়ে পরিচর্যা করে, সেই গাছের একটি ফলও তারা ছুঁতে পারবে না, আপনাদের এই আদেশ অমানুষিক ও বর্করোচিত ! এই আদেশ না মানাই উচিত ।

চমকে উঠলেন চাণক্য মহারাজ নন্দের স্পর্কায় : বলেন কি দ্বিজেনবাবু !

আমাদের চারিদিকে ততক্ষণে ছুঁচার জন আসামী এসে দাঁড়িয়ে গেছে । ছুঁএকজন কয়েদীও বার বার তাকিয়ে দেখছে উত্তাপের পারা কতখানি ঠেলে ওঠে ! আমি বললাম ক্রুদ্ধকণ্ঠেই : এমনিই আমরা বলে থাকি কেরাণীবাবু । উঁচু দেয়ালের আড়ালে আপনারা নিরীহ ও নিরপরাধ লোক-গুলোর ওপর কী অত্যাচারই না করেন, আমরা তার প্রতিবাদ জানাই । আসামীই হোক, আব কয়েদীই হোক, তার গায়ে হাত তোলাবার অধিকার কে দিয়েছে আপনাকে ? কেন আপনার সিপাইগুলো যখন-তখন ওদের চড়-চাপড় দেয় ?

একটু চঞ্চলতা দেখা দিল । কেরাণীবাবু আশেপাশে একবার দৃষ্টিক্ষেপ করে পরিস্থিতি উপলব্ধি করে কণ্ঠস্বর মোলারেম করবার চেষ্টা করে বললেন : যাক, শান্তি না-হয় আমি না-ই দিলাম, কিন্তু গাছের ফল এমনিভাবে যদি ছিঁড়ে খেয়ে ফেলে, তাহলে ক্ষতি তো ওদেরই । ওদের জঞ্জাই তো এই বাগান ।

কয়েদী রহমৎ খানের দায়ে জেল খাটছে । দীর্ঘদিনের মেয়াদী বন্দী অবশ্য সাব-জেলে থাকে না, ডিষ্ট্রিক্ট জেলেও রাখবার নিয়ম নেই । তারা থাকে সেনট্রাল জেলে । তবে বহমৎকে করুণা করেছেন সদাশয় সরকার তার স্ত্রীর সঙ্গে সাক্ষাতের সুবিধার জঞ্জ সাময়িকভাবে মুন্সীগঞ্জে এনে । আবার চলে যাবে সে ঢাকা সেনট্রাল জেলে । জীবনেরই যে পরোয়া করে না, কেরাণীবাবু তো তার কাছে মেঘশাবক ! হঠাৎ সে বলে উঠলো : মিছা কথা কন্ ক্যান বাবু ? বাগান আমাগো লইগা, না আপনাগো লইগা ? তরিতরকারি যা হইবো, তার সবটাই তো যার হর হাকিমের বাড়ী নয় তো আপনার বাড়ী ।

কেরাণীবাবু তেলে-বেগুনে জলে উঠলেন : ঔ্যা, বলিস কি রে হারামজাদা ?

রহমৎ ওতে দমবার পাত্র নয় । বললো : হারামজাদা কন আর যাই কন্ বাবু, এই বাগানের তরকারি আমাগো ভাইগো জোটে না । তাই কি করুম চুরি কইরাই খাওনের সাধ মিটাইতে হয় । হারাগ খাইছে একটা, আমি খামু দশটা !

এবার জমাদার এগিয়ে এল হুজুর কেরাণীবাবুর মর্যাদা রক্ষার জন্ত। বললো রহমৎকে : এই শালা, হাঠ হিঁয়াসে। যা, লম্বরমে যা, নাই তো মারতে মারতে ইট বানাইয়ে দিব।

বললাম : কেরাণীবাবু, বাগানের তরকারি নিজেদের বাড়ীতে নিয়ে গিয়ে কয়েদীদের জন্ত খরচা লিখে হিসাব খাতায় একটা মোটা অঙ্ক ব্যয় দেখানো যায়, তা আমি জানি। কিন্তু এই প্রস্তারণা আর চলবে না। এখানে যখন এসেই পড়েছি, তখন এর শেষ একবার দেখবোই।—রহমৎ, কাল এই বাগানের বাধাকপির তরকারি হবে আর টমেটোর চাটনী আর আলু দিয়ে ওলকপির ডালনা...দেখা যাক, কালীপদ মৈত্র কী করতে পারে। রাজী সবাই ?

রহমৎ প্রমুখ সকলে হলা করে আনন্দ প্রকাশ করলো। কেরাণীবাবু মুখখানা হাঁড়ি করে বেরিয়ে গেলেন বেগতিক দেখে।

রাত্রে আমাদের কক্ষে রীতিমতো একটা সভা বসে গেল। রাজনৈতিক বন্দী মাত্র আমরা ছ'জন—সন্তোনবাবু আর আমি। পরদিনের অভিযান সম্পর্কেই আলোচনা হলো। যারা দণ্ডাজ্ঞাপ্রাপ্ত কয়েদী, তারা একবাক্যেই মত দিল বাগানের তরকারি খাবার অধিকার তাদেরই। যারা বিচারাধীন অর্থাৎ যাদের ভবিষ্যৎ এখনো অনিশ্চিত, দেখা গেল তাদের মধ্যেই কিছু মতভেদ আছে। নিরীহ ও নির্বিরোধী যারা, তারা গভীর আশা পোষণ করে যে, বিচারে তারা নির্দোষ সাব্যস্ত হবেই ; সুতরাং ঘরের ছেলে ঘরে ফিরে যাবার সম্ভাবনা যখন প্রবল, তখন মিছেমিছি কতৃপক্ষের সঙ্গে বিবাদ করে লাভ কি ? আর একদল আছে, এমনি দল বোধহয় সর্বদেশে সর্বকালের রাজনৈতিক দলগুলিতেই দেখা গেছে ও দেখা যাবে, যারা সবাইকে এগিয়ে দেবার বেলায় যেমন সর্বাগ্রে নেমে আসে রাস্তায়, তেমনি প্রথম বুলেটের শব্দ শুনেই তারা সর্বাগ্রে গিয়ে আশ্রয় নেয় নিরাপদ কোর্টরে। যুদ্ধের প্রস্তাব এরা শুধু সমর্থন করে না, অনেক সময় তা উত্থাপন করে এবং যুদ্ধ সমর্থন করে এদের ওজস্বিনী ভাষায় বক্তৃতা গমকে গমকে একেবারে পঞ্চমে ওঠে এবং সভাস্থলে অগ্নিদ্রাব ছড়িয়ে ছড়িয়ে যেন শ্রোতাদের মনে জাগিয়ে দেয় হত্যার নেশা...কিন্তু তারপর সত্যিই যখন একদিন রণতুর্য্য বেজে ওঠে, শিবিরে শিবিরে সাজ্জো-সাজ্জো রব পড়ে যায়, হেয়ারবে ও বৃংহণে আকাশ বাতাস হয়ে ওঠে প্রতিধ্বনিত, নায়কের গুরুগম্ভীর আদেশবানী শোনা যায়, তখন এদের আর খুঁজেও পাওয়া যায় না।.....পলানী প্রান্তর-

প্রান্তে সিরাজউদ্দৌলার শিবিরে আসে দুঃসংবাদের পর দুঃসংবাদ—কেউ অসুস্থ, কেউ অশ্রু সাংঘাতিক ব্যস্ত, কেউ গোপনে পলায়িত, কেউ হয়তো শমুকের মতো নিজের মধ্যেই অন্তর্হিত !.....

সেই রাত্রে কিন্তু ফোর নিল একা রহমৎ, 'বি' ক্লাস করেদী। অত্যন্ত ধারালো ভাষায় সে তার বক্তব্য এমনিভাবে উচ্চারণ করলো যে, অকস্মাৎ মনে হয় সে বুঝি বিশ্ববিদ্যালয়ের বিতর্ক সভায় সত্যিই জনৈক যুক্তিবাদী বক্তা। বললো : কোদালি চালাইয়া মাটি কাটছি আমরা, বীজ ছড়াইছি, এতটুকু চারা গাছে জল দিয়া-দিয়া এতটা বড় করছি, সেই গাছে ফলছে টমেটো। খাউক—হাকিম খাইতে চায়, কেরণীবাবু খাইতে চায়, খাউক, কিন্তু তাই বইলা আমরা কি একটাও খাইতে পারুম না? এ ক্যামন বিচার রে মশয়? আপনাগো মনে কি আছে খোদা জানে। আমি তো কাইল সকাল হইতেই আগে গোটাকয়েক কফি আইনা ফালাইয়া দিমু গাঙ্গুলী কর্তার পায়ের কাছে, তারপর যা হয় হোক। সাত বছর তো থাকতে হইবোই, না-হয় থাকুম আরও দুই-চাইর মাস!

শ্রোতাদের মধ্যে কে যেন প্রশ্ন করলো : সিপাইরা যদি লাঠি চালায়, যদি বন্দুক লইয়া আইসে, তাহলে ?

রহমৎ তৎক্ষণাৎ জবাব দিল : আরে, ও হারামীর বাচ্চাদের ঠাণ্ডা করনের দাওয়াই আমার লগেই আছে। বিশ্বাস হয় না, গুাখবেন?—বলেই সে একটা ম্যাজিক দেখিয়ে দিল। গলার একটা আঙ্গুল প্রবেশ করিয়ে দিয়ে বমি করবার মতো বারকয়েক শব্দ করলো। তারপর মুখের ভেতর থেকে ধীরে ধীরে টেনে বার করলো একটি সোনার বিছে হার, বললো : একটা না, এমনি তিনটা আছে। ছিড়া টুকরা টুকরা কইরা শালাগো হাতে দিলেই, বন্দুকের গুলী আর ছুটবো না, বোঝছেন?—বলে রহমৎ মনের আনন্দে হা-হা করে হাসতে লাগলো। কিন্তু হারছড়া সে বেশীক্ষণ আর বাইরে রাখলো না, আবার মুখে পুরে গিলে ফেললো।

গিলে ফেললেই হারছড়া কিন্তু গলার মধ্য দিয়ে সোজাপথে গিয়ে পাকস্থলীতে প্রবেশ করে না। এদের গলার মধ্যে বোধহয় জিহ্বার গোড়ার দিকে টেনসিলের কাছাকাছি স্থানে একটি গর্ত থাকে, যাকে এদের ভাষায় বলা হয়, খোপর। শোনা যায়, চোরের দলে নাম লেখাতে এলেই শিক্ষকদের প্রথম পাঠ হয় খোপর তৈরী। মার্কেলের মতো সাইজের একটি সীসের বল গলার মধ্যে রেখে রেখে ওখানটা ধইয়ে ফেলা হয়, ধীরে ধীরে ওটা নরম মাংসের মধ্য দিয়ে সুড়ঙ্গ তৈরী

করে। প্রায় চার ইঞ্চি গভীর গর্ত তৈরী হবার পর সীসের বল ফেলে দেয়া হয়। হাত সাফাই করে টাকাপয়সা, আংটি, চুল, লকেট, নাকছাবি, এমন কি, একটি গোটা হার বা একটা ফাউন্টেন পেনও ঐ গর্তে লুকিয়ে ফেলা যায়। জেলের মধ্যে নানারূপ অতিরিক্ত সুবিধে আদায়ের জন্তু পাকা করেদীরা খোপরে ভরে টাকা, পয়সা বা সোনার টুকরো নিয়ে আসে। রহমৎও এনেছে। টাকা দিলে যে সাপকেও বশ করা যায়, বন্দীরা তা জানতো। তাই রহমতের কথায় ও সত্ত্ব সত্ত্ব হারের প্রদর্শনীতে তারা বেশ উৎসাহিত হয়ে উঠলো।

পরদিন সকালবেলা কেরাণীবাবু বেশ একটা চাল চাললেন। তিনি এলেন না, এল হেড জমাদার, বললো, হাকিমবাবু নাকি আমার তাঁর বাড়ীতে চা খাবার নেমস্তন্ন করেছেন। অনায়াসেই সে-নিমন্ত্রণ প্রত্যাখ্যান করতে পারতাম, কিন্তু কালীপদ মৈত্রের মুখোমুখি ঝগড়া করে কিছু সুবিধে আদায় করা যায় কিনা, দেখবার জন্তুই যাওয়াই স্থির করলাম। রহমৎকে বলে গেলাম আমি ফিরে না আসা পর্যন্ত আইন অমান্ত স্থগিত রাখতে। রেডি থাকবে, কিন্তু আমি ফিরে এসে সুইচ্ছা করবো!

মুন্সীগঞ্জ সাব জেলের পাশেই একটি বহু প্রাচীন দুর্গ আছে, তার নাম, যতদূর মনে পড়ে, ইদ্রাকপুর ফোর্ট। কোন্ কালে কে তৈরী করেছিলেন জানিনে। শুধু দেখেছিলাম, এর প্রধান ইমারতটি গোলাকার ও তার একাংশ একেবারে মাটির নীচে বসে গেছে। সেই গোলাকার ইমারতের ছাদে কালীপদ মৈত্রের সুদৃশ্য বাংলো ধরনের গৃহ। অত্যন্ত প্রশস্ত অনেকগুলো সোপান বেয়ে ওপরে উঠে আসতেই ভ্যালোট স্বয়ং কেরাণীবাবু এসে অভ্যর্থনা জানালেন আমারঃ আসুন, আসুন দ্বিজেনবাবু,—এই ঘরে বসুন। সাহেব এলেন বলে।

বেশ সাজানো ঘর। সোফাসেট, টিপয়, কাঁচের আলমারীভিত্তি বই, ফুলদানী, দরজা জানালায় রঙ্গীন ফুল-আঁকা পরদা।

কিন্তু সাহেবের আসতে ছ'চার মিনিট দেরী হওয়াতে কেরাণীবাবু আমার আপ্যায়িত করতে চেষ্টা করলেনঃ রাত্রে বোধহয় আপনার খুব কষ্ট হয় দ্বিজেনবাবু, তাই না? যে মশা—

হ্যাঁ, তা হয়।—জবাব দিলাম।

কেরাণীবাবু বলতে লাগলেনঃ তার ওপর আবার ঐ নোংরা লোকগুলোর

সঙ্গে থাকা, সে এক ভীষণ ব্যাপার ! ভদ্রলোকের পক্ষে সেটা একেবারেই সম্ভব নয়। কিন্তু কি আর করা যায়, মেয়ে আসামীটাই তো বিভ্রাট বাধিয়ে দিলে। নইলে ওদিকের ঘরটা চমৎকার ! সন্তানবাবু আর আপনার পক্ষে গ্র্যাণ্ড হতো।

কী হতো আর কী হতে পারলো না, তা নিয়ে মাথা ঘামাবার জ্ঞান আমি এখানে আসিনি। তাই চুপ করেই রইলাম। কেরানীবাবু কিন্তু চুপ করে থাকলেন না, বলে বেতে লাগলেন : তা আমি হাকিম সাহেবকে বলেছি, মেয়েটার মামলা ত্রাড়াতাড়ি শেষ করে ফেলুন হুজুর, ওটাকে ঢাকায় পাঠিয়ে নিশ্চিত হই। নইলে জামিনেই ছেড়ে দিন। দ্বিজেনবাবুদের একটু সুবিধে করে দিই। আপনিও একটু বলুন না দ্বিজেনবাবু ! আপনার অনুরোধ হুজুর না বেথে পারবেন না।

বললাম : আমি তো আপনার হুজুরকে কোনো অনুরোধ জানাতে এখানে আসিনি কেরানীবাবু ! চা খাবাব নিমন্ত্রণ তো একটা অছিলামাত্র ! কেন ডেকেছেন, সেটা আপনার জানা থাকলে আপনিই বলে ফেলুন না। ওদিকে রান্নাবান্নার সব বেডি যে !

না, না, অছিল। কেন, সাহেব নিজে বলেছেন আমার।—কেরানীবাবু গায়ের জোরে বললেন, কিন্তু কথাটা যে আদৌ উপায়ে লাগলো না তাঁর, তা তাঁর মুখের চেহারাতেই স্পষ্ট বোঝা গেল। কি করবেন স্থির করতে না পেরে যখন দিশেহারার মত হাতড়ে বেড়াচ্ছেন, এমন সময় শ্লিপিং স্যুট পরে কক্ষে প্রবেশ করলেন স্বয়ং কালীপদ মৈত্র। রক্ষা পেলেন সুরেন মৈত্র। তিনি দ্বারপ্রান্তে সরে গেলেন। আমি হোষ্টের প্রতি দৃষ্টিক্ষেপ করলাম।

চুলের বিপুলতা এই প্রৌঢ় বয়সে অনেকখানি কমে এলেও বেশ বোঝা যায় যৌবনে তাতে ঢেউ খেলতো। এখনো ছ'-এক গুচ্ছ তাজা সাপের মতো বেঁকেই আছে। গোলগাল মুখমণ্ডল, ক্লিন সেভ্‌ড্‌। শুধু মুখমণ্ডলই নয়, দুই কানের ওপরটাও এবং ঘাড়ের দিকটাও। জুলপীর চিহ্নমাত্র নেই। তাই বুঝি জুলপী-ওয়াল ছেলেদের ওপর তাঁর অবিমিশ্র বিতৃষ্ণা। পরনে, আঞ্জো হ্যাঁ, সিল্কের পায়জামা ও সিল্কের চাইনিজ পাতলা কোট। চওড়া নীল স্টাইপ। শ্রীচরণে ঘাসের লপেটা। বিশ্বকর্মা এই বারের পুতুলটি তৈরী করে বোধহয় ব্রহ্মতালুতে একটা খাবড়া মেরেছিলেন। তাই কেমন গোবদা-গাবদা বেঁটে-খাটো শরীর,

ভুঁড়িটাও একটু মাথা চাড়া দিয়েছে। দেখলে মনে হয় হাবা-গোবা গোছের মানুষ। কিন্তু, আজ্ঞে না, আপনার ধারণা একেবারেই ভুল। সামান্য কানুনগো থেকে মুন্সীগঞ্জের মতো বিপজ্জনক মহকুমার এস ডি ও-র সিংহাসনে বসেছিলেন তিনি এবং অকপট রাজভক্তির ফলেই উত্তরকালে সরকারী কৃপা-কণা বর্ষিত হয়েছিল এই মহকুমা হাকিমের শিরেই। মিষ্টার কালীপদ মৈত্র হয়েছিলেন রায় কে পি মৈত্র বাহাদুর। বাহাদুরকা খেলই জ্ঞানতেন বটে!

প্রত্যুষে রেস্টোরাঁয় সংবাদপত্র খুলে বসে মৌজ করে চা পানের সময় মনটা যেমন হয়ে ওঠে হালকা এবং তারপর প্রেসিডেন্ট আইসেনহাওয়ার থেকে শুরু করে একেবারে মুচীরাম গুড়ের সম্বন্ধে নানাবিধ মুখরোচক আলোচনায় যেমন চায়ের কাপে তোলা যায় মেদিনীপুরের বাড়, অমিতবিক্রম কালীপদ মৈত্র তাঁর ড্রয়িং রুমটিকে যেন তেমনি একটি চাচার হোটেলে পরিণত করে বসলেন এবং হাকিমী খোলসটা একেবারে পরিত্যাগ করে হাসি পরিহাসে ও ঠাট্টাতামাশায় একেবারে উত্তাল হয়ে উঠলেন।

বুঝতে দেবী হলো না আমার যে, কালক্ষেপই এই বারেন্দ্র যুগলের একমাত্র উদ্দেশ্য। ওদিকে আইন অমান্য করবার জ্ঞান প্রস্তুত হয়ে আছে অস্বহীন অক্ষৌহিনী, একটিমাত্র অঙ্গুলি হেলনে তারা বাগান আক্রমণ করবে অহিংস-ভাবে। উত্তেজনা টগবগ করে ফুটছে তপ্ত কটাঁহে তেলের মতো। ঠিক এই সময় প্রয়োগকর্তাকে কোশলে যদি অকুস্থল থেকে সরিয়ে রাখতে পারা যায়, তাহলে দপ্ করে জলে-ওঠা আগুন খপ্ করে নিভেও যেতে পারে, এই এঁদের পরিকল্পনা। কিন্তু ফাঁদে গলা বাড়িয়ে দেবার মতো নিরীহ গোবেচারা আমি নই। তাই আসল কথাটা এবার নিজেই বলে ফেলতে কসুর করলাম না : শুনুন, গল্প করবার জ্ঞানই যদি আমায় ডেকে থাকেন, তাহলে অল্প সময় আসবো, আরও বেশীক্ষণ থাকতে পারবো। এখন আমি আর সময় নষ্ট করতে পারছি না। চলি।

বলে উঠতে যেতেই প্রায় হাত ধরে অনুনয়ের সুরে বললেন হাকিম মৈত্র : আরে বসুন, বসুন দ্বিজেনবাবু! চা না খেয়ে যাবেন, সে কি একটা কথা হলো? তারপর আসল কথাটাই এখনো হয়নি আপনার সঙ্গে। শুনুন। কাল আপনার ভাই রত্নলাল এসেছিল আপনার মামলার খবর করতে। বললাম, দাদাকে নিয়ে যাও সামান্য একটা জামিনের ব্যবস্থা করে। রত্নলাল আপনাকে

জিজ্ঞেস না করে কিছু বলতে পারে না, বললো। আমি বললাম তখনই এসে আপনার সঙ্গে দেখা করে যেতে। এল না, বললো, ওর নাক অনেক কাজ আছে, সময় হবে না। অবশ্য আমি আজও রঞ্জলালকে বলে দিয়েছি আমার সঙ্গে কোর্টে দেখা করতে। তা কি বলবো তাকে ?

স্পষ্ট জবাব দিলাম : জামিন তো আমি চাইনি মিঃ মৈত্র ! আইন ভঙ্গ করবার আলটিমেটাম দিয়েছিলাম, আপনারা তার পূর্বেই আমার নিয়ে এলেন এখানে। আমার দাবীর তো কোনো ফয়সালা হয়নি, তাই বাইরে গেলে যে আবার আমি কলকাতা রওনা হবো।

হে-হে করে বিশ্রীভাবে হেসে উঠলেন কালীপদ মৈত্র। কিন্তু কথা কইলেন কেরণীবাবু : আরে মশাই, কেন এমনি মশার কামড় খাবেন বলুন তো ! মশারি আছে, টাঙ্গাবেন না। কারণ, আর কারুর মশারি নেই। ঐ ছোটলোক বদমায়েসদের জন্তু এই মমতার কোনো মানে হয়, আপনিই বলুন না। আজ ওরা আপনাকে মাথায় করে নাচছে, কাল বাইরে গিয়ে আপনারই ঘরে সিঁদ কাটতে ওদের এতটুকু চক্ষুলজ্জা হবে না।

জবাব দিলাম না এসব কথার, দেবার প্রয়োজন বোধ করলাম না। বললাম : আচ্ছা চলি তাহলে।

কিন্তু চা—

চা আর আমি খাবো না।

তবু আবার বাধা দিলেন কালীপদ : কিন্তু আর আপনাকে চাকরির জন্তু কলকাতায় যেতে হবে না, গভর্নমেন্টই আপনার চাকরির ব্যবস্থা করেছেন।

মানে ?

মানে, আপনারই জেদ বজায় রয়েছে। গভর্নমেন্ট আপনার পনেরো টাকা মাসিক ভাতা মঞ্জুর করেছেন। And you are the only Detenue interned at home throughout Vikrampore, who is granted a monthly allowance—খুশী হলেন তো ?

আমি খুশী হলেও কালীপদ মৈত্র যে আদৌ খুশী হওয়া দূরে থাক, অত্যন্ত অবমানিত বোধ করেছেন জেলা ম্যাজিস্ট্রেট প্রাক্সের এই অহেতুক উদারতার, তা নিশ্চিতভাবে বোঝা গেল তাঁর ললাটের কুঞ্চিত রেখায় ! মনের ক্রোধ অনেক কষ্টে চেঁকে রাখতে হচ্ছে তাঁকে।

খুব অল্প কথায় কালীপদের প্রণয়ের জবাব দিলাম : হ্যাঁ, হলাম। কিন্তু সাড়ে ন'টা বেজে গেছে। আমাদের পিকনিকের রান্নাও এখনো চড়েনি বোধ হয়। সিগারটকে ডাকুন, কেবাণীবাবু, আমি এখন যাবো।

বলে আর মুহূর্তমাত্র অপেক্ষা কবলাম না। বাইরে আশে-তাই জনৈক প্রহরী আমায় সঙ্গে নিল এবং জেলের গেট পর্যন্ত পৌঁছে দিয়ে গেল। রহমতের নেতৃত্বে গোটা আটেক ফুলকাপ তখন তোলা হয়ে গেছে, কিছু কমেটো, ওলকাপ আব সব পাঁচেক আলু। আমি জামাটা খুলে ফেলে কোমরে গামছা জড়িয়ে নিয়ে কাজে লেগে গেলাম।

কিন্তু আশ্চর্যভাবে এইসব উত্তেজনাকর মুহূর্তগুলি কৃটনীতিবদ্ বৃটিশ বা তাদের প্রাণনিধি মানেজ করে থাকে। বাধা তারা আদৌ দিতে এল না, কারণ বেশ জানে বাধা কেউ মানবে না আর বাপা দিয়ে আটকানোও যাবে না। তাই তারা তাচ্ছিল্য কবলো এই অভিযানকে এবং তারই মধ্য দিয়ে ফুটে উঠলো অভিযানকাবার প্রাণ অবমিশ্র ঘৃণা ও অবজ্ঞার তিরস্কার! আমবা বাগানের ওবকারি সেদিন পেট ভবে শুণ্ড খেলাম না, দিনের শেষে আমাদের আরো গোটাক-ক-ক দাবী যোগ দিয়ে আর একখানা আবেদনপত্র পাঠালাম হাকিম সাহেবেব কাছে এবং স্পষ্টভাবে দ্ব্যর্থহীন ভাষায় জানিয়ে দিলাম, আমাদের দাবী পুরোপুরি পূরণ না হলে দশদিন পরেই অনশন শুরু কবা হবে অহিংস সত্যাগ্রহী হিসেবে।

কিন্তু সে সত্যাগ্রহ অর্থাৎ অনশন আর শুরু কবা সম্ভব হলো না ঐ কালীপদ মৈনদেবই কৃটনীতিক চালে। জামিনে মুক্তি দেবার টোপ তো তিনি ইতিমধ্যে ফেলেই দিয়েছিলেন বঙ্গলালের দারফৎ। রঞ্জলাল কালীপদের কাছে খুব মেজাজে দাঁড়িয়ে চলে এলেও বাড়ীতে এসে মাকে সমস্ত ঘটনা খুলে বলতেই মা তাকে বিশেষভাবে পীড়াপীড়ি শুরু কবলেন জামিনের ব্যবস্থা কববার জন্য। রঞ্জলালের সমস্ত যুক্তি মায়ের আবেগ ও উৎকর্ষার বজ্রার স্রোতের মুখে ভুগে মতো ভেসে গেল। মুন্সীগঞ্জ ফিবে এল বঙ্গলাল এবং আমাদের পারিবারিক মোস্তার ঘটনা চিত্রবস্তী সংক্ষিপ্ত জামিনের আবেদন পেশ কব লন হাকিমের দপ্তরে।

সেদিন আমার মামলার তারিখ ছিল। মামলা যে কি হবে, তা তো দানাই ছিল। যে মাসিকভাষা নিয়েই এত গগুগোল, আলটিম্যাটাম ও আইন অমান্যের আয়োজন, সেই ভাষাই যখন মঞ্জুব হয়ে গেছে, তখন মামলার উত্তাপও যে

অনেকখানি কমে গেছে, তা অস্বীকার করবার উপায় নেই। তবুও বৃটিশ ক্রাউনের আত্মসম্মতির ইম্পাতে পাছে বিন্দুমাত্রও দাগ লাগে, বুদ্ধির পাশাথেলায় পাণ্ডবদের মতো সে একটি দানও হেরে গেছে বলে পাছে কারুর মর্মে সন্দেহ হয়, তাই বাইরের ঠাট সে যথারীতি বজায় রেখেই চলবে, এ আমার অজানা ছিল না। তাই সেদিনকার মামলার তারিখে কোনোক্রম গুরুত্ব না দিয়েই আমি আদালতের পুলিশ অফিসে এসে উপস্থিত হলাম দেহরক্ষীসহ। কিন্তু দেখা গেল, কোর্টে হাজির করবার উৎসাহ যেন এদের একেবারেই নেই। ব্যাধার কি, ঠিক ঠাহর করতে না পেরে দারোগাবাবুকে ও কোর্ট ইনসপেক্টরকে জিজ্ঞেস করাতে তাঁরা উত্তরটাকে একেবারে পাশ কাটিয়ে গেলেন। বিকেলের দিকে অকস্মাৎ রঞ্জলাল এসে হাজির। বিস্ময়ের অবধি রইল না।

কি রে, তুই এসেছিস যে ?

তোমার নিরে যেতে।

নিরে যেতে !

হ্যাঁ, নিরে যেতে। তোমার জামিন হরে গেছে।

ক্রুদ্ধ হলাম : জামিনের দরখাস্ত করলি কেন আমার জিজ্ঞেস না করে ?

রঞ্জলাল জবাব দিল : কী করি, মাকে বোঝানো গেল না। আমার কাছ থেকে কথা আদায় করে ছেড়েছেন যে, আগে জামিনের দরখাস্ত মঞ্জুর করিয়ে তারপর তোমার সঙ্গে দেখা করবো, নইলে নাকি রাজী হবে না তুমি জামিনে বাইরে আসতে।

আরো রাগ হলো : বা, দরখাস্তখানা ছিঁড়ে ফেলগে, আমি যাবো না।

রঞ্জলাল বলে উঠলো : বল কি, দরখাস্ত মঞ্জুর হরে গেছে বললাম যে !

কত টাকা ?

মাত্র একশো। ইতিমধ্যেই দরওয়াজা অর্থাৎ হাজতের দ্বাররক্ষী সিপাই এসে দরজা খুলে দিল। অর্থাৎ শুধু হুকুম নয়, হুকুম তামিল করা শুরু হয়ে গেছে ! বাইরে এলাম। রঞ্জলাল বললো : কালীপদ মৈত্র বললেন জেলের মধ্যে নাকি তুমি ভারী গণ্ডগোল শুরু করেছ ? Hunger strike করবে বলে নাকি ordinary কয়েদীর সঙ্গে জোট পাকিয়েছ ?

জবাব দিলাম না এসব প্রশ্নের। কালীপদ মৈত্রকে একটা লিফা দেবার সুবর্ণ সুযোগ হারিয়ে গেল !.....

চল্লিশ

সুবোধ ছেলের মতো বাড়ী ফিরে এলেও হুরন্ত রাজবন্দীর মতো আবার ডুবে গেলাম গুপ্ত সমিতির কাজে। মাসিক ভাতায় স্তব্ধে হলো খানিকটে আর্থিক দিক থেকে। এর সঙ্গে গোটা দুই টিউশনিও নিলাম জোগাড় করে, ফলে মাসিক আয় দাঁড়ালো মোট পঁয়তাল্লিশ টাকা। অর্থাৎ যাকে বলে উপার্জনশীল রাজবন্দী।

যতদূর মনে পড়ে, ২০শে মার্চ ফিরে এলাম বাড়ীতে আর ২৬শে মার্চ আবার তল্লাশী হলো আমাদের বাড়ী। যথারীতি আপত্তিজনক কিছুই না পেয়ে দারোগা যখন তল্লাশী মালের জন্ত নির্দিষ্ট ফনমথানা পূরণ করছিলেন, তখন মৃত্তস্বরে জানালেন আমায় যে, রঙ্গলালকে একবার খানায় যেতে হবে। রঙ্গলাল বাড়ীতে ছিল না তখন, কোথায় গেছে তা জানি না বলে দিলাম। কিন্তু তমিজদী চৌকিদার তাকে নাকি বাজারে দেখে এসেছে এই একটু আগেই। সুতরাং দুটো সাদা পোষাক-পরা পুলিশ নিয়ে মহা উৎসাহে সে হাঁসাড়া বাজার অভিমুখে গাত্রা করলো। এইবার সে কাজ দেখাবেই!

রঙ্গলাল তখন বিপদভঙ্গনের সঙ্গে বাজারের সওদা খরিদে ব্যস্ত ছিল, এমন সময় তমিজদী এসে হাজির। সঙ্গী পুলিশদের পোষাক সাদা হলেও আমাদের সাদা চোখেই ধরা পড়তো তারা! সুতরাং ব্যাপারটা অনুধাবন করতে ওদের একটুও বিলম্ব হলো না। তমিজদীর সঙ্গে কথা বলতে বলতেই দু'জনের চোখের কোণে একটা ইশারা বলসে গেল। বিপদভঙ্গন তৎক্ষণাৎ নাটকীয় অভিনয়ের মতো কর্তৃস্ববে ভাবাবেগের বস্ত্র বইয়ে দিয়ে বলে উঠলোঃ দাদা, আবার কত কালের জন্ত চলেছেন আমাদের অসহায় কবে, নিঃস্বল করে, আমাদের অকুল সাগরে ভাসিয়ে দিয়ে, কে বলবে? যদিও বরসে আপনি দাদাব মতো, তথাপি কাজের মধ্য দিয়ে সত্যিই আপনাকে পেয়েছিলাম আমরা একেবারে একান্তভাবে অন্তরঙ্গ বন্ধুর মতো। প্রতিদিনকার মেলামেশায় হয়তো কখনো তা স্কুল হয়েছে, আশা করি, সেজন্ত ক্ষমা করবেন আমাদের ছোট ভাই মনে করে। বিদায়ের পূর্বক্ষণে চলুন, তবু একসঙ্গে বসে একটু মিষ্টিমুখ করিয়ে দিই আপনাকে!

শেষদিকে আবেগে বিপদভঙ্গনের কর্তৃ একেবারে রুদ্ধ হয়ে গেল!

বোধ হয় আর একটু হলেই তার চোখে অশ্রু দেখা দেবে, এমনি অবস্থায় সে রঙ্গলালের হাত ধরে নিয়ে এসে উঠলো মহেন্দ্র ঘোষের মিঠাইয়ের দোকানে। দরজা পর্যন্ত সঙ্গে সঙ্গে এল তমিজদীরাও। দোকানের উত্তরদিকেই খাল আর খালের উত্তরেই শান্তি সোমের বাড়ী। সুতরাং দোকানের পেছনদিকে, যেখানে উত্তপ্ত প্রকাণ্ড কড়াইতে রসগোল্লাগুলো সস্তরণ করছিল মনের আনন্দে, সেখানে এসে উপস্থিত হলো দু'জনে এবং অনুচ্চকণ্ঠে বললো বিপদভঞ্জন : এইটুকু পারবেন তো সাতরে পার হতে ? ওপারে উঠে শান্তিদা'র বাড়ীতে লুকিয়ে পড়লে শালা তমিজদীর বা পুলিশের বাবারও ক্ষমতা হবে না—

রঙ্গলাল বললো : যাক্. কয়েকটা রসগোল্লা খাওয়া যাক তো, নইলে দোকানের পেছনে আসা নিয়ে ব্যাটা সন্দেহ করতে পারে।

রসগোল্লা চললো এবং সঙ্গে চললো সুনোগের প্রতীক্ষা। পকেটে টাকা পয়সা যা ছিল, ইতিমধ্যেই হাত সাকানাই কবে রঙ্গলাল তা ভরে দিয়েছে বিপদের পকেটে। আয়োজন সম্পূর্ণ, রঙ্গলাল খালে নিঃশব্দে নেমে পড়বে। ঠিক এমন সময় বোধ হয় কিছু একটা সন্দেহ করেই তমিজদী অকস্মাৎ এসে হাজির হলো একেবারে রসগোল্লার কড়াইয়ের পাশে!

প্রমাদ গুনলো ওরা দু'জন। তবুও চেষ্টা করতে দোষ কি ? বিপদ বলে উঠলো : এ কী, এখানে যে চৌকিদার ?

সবিনয়ে নিবেদন করলো তমিজদী : না—এমনি। গরম রসগোল্লা কি ভালো লাগবে কল্যাণ ? সেখানে কল্যাণ চলে, থানায় বইসা খাইবেন 'খনে। আমরাও পামু তুই চাইরডা—

আর রসগোল্লা ! সমস্ত পরিকল্পনা ভেঙে গেল। রসগোল্লা বিপদের কাছে একেবারে নীরস মরদার গোলা মনে হতে লাগলো।

রঙ্গলালকে নিয়ে বাবার পর দু'এক দিনের মধ্যেই সংবাদ পেলাম, সেবাজদীঘা গ্রামে আমাদেরই জনৈক সদস্যের বাড়ী ত্রিদিনই তল্লাশী করে কিছু রিভলভারের কার্তুজ পাওয়া গেছে এবং তাকে গ্রেপ্তার করা হয়েছে। এতে কিন্তু আদৌ চিন্তিত হলাম না। কাজে নিযুক্ত থাকাকালে কে কোথায় ছিটকে পড়ে গেল, কার ওপর নেমে এল হাজতবাসের দু'দিন, আই বি অফিসে কার তলব পড়লো, সে হিসাব রাখতেন তাঁরা, মোটা পরদার অন্ধকার অন্তরালে বসে যাঁরা দলীয় কর্মতৎপরতার কল টিপতেন

কিন্তু ছ'চার দিন পরই মুক্তি পেয়ে ফিরে এল রঙ্গলাল। জানতে পারলাম তার মুখে অমানুষিক অত্যাচার চলেছিল তার ওপর। কোনো কৌশল, কোনো ভদ্রতা, কোনোরূপ বিচার না করে নির্বিবাদে হান্টার চালিয়েছে তার সর্বশরীরে আই বি-র দারোগা মনোরঞ্জন চক্রবর্তী। নামটি আমার মনে দাগ কেটে বসে গেল পাথরে লেখার মতো।.....

মনোরঞ্জন চক্রবর্তী! দি স্কাউণ্ডেল!

এর ছ'এক দিন পরই অকস্মাৎ একদিন বিকেলে মণীন্দ্র হস্তদস্ত হয়ে আমার এখানে এসে হাজির। ব্যাপার কি?

ব্যাপার সংক্ষেপে সে যা জানালো, তা হচ্ছে এই : নান্টু ঘোষ, মতিলাল মল্লিক আর মধুসূদন বন্দ্যোপাধ্যায় ছ'একটি আশ্বেয়াস্ত্রসহ নারায়ণগঞ্জ শহরের অনতিদূরে দেওভোগ গ্রামের মধ্য দিয়ে যাচ্ছিল, এমন সময় জনকতক মুসলমান কৃষক তাদের সম্মুখীন হয়। কৃষকদের নানারূপ প্রশ্নের স্বাভাবিক জবাব তারা ঠিকই দিয়ে যাচ্ছিল এবং আশা করছিল এবার তারা বেহাই পেয়ে যাবে।

কিন্তু অকস্মাৎ ওদের মধ্যে একজন বলে উঠলো : সে যাই হোক, আপনাদের আমরা ছেড়ে দিতে পারি না। চারিদিকে এত ডাকাতি হচ্ছে যে, কে যে ডাকাত নয়, তা বলা শক্ত। কাজেকাজেই চলুন আমাদের বাড়ীতে, সকাল হোক, পাড়ার আরো দশজন আসুক, তারপর তাদের সঙ্গে কথা বলে আপনাদের যেতে দোব।

চট করে মাথায় রক্ত উঠলো মধুর! কোটন থেকে বেরিয়ে-আসা বড় বড় তার চক্ষুছটিতে অগ্নিকণা চক্ চক্ করে উঠলো। দেরী করা নিরর্থক মনে করে সে কোটের পকেটে হাত দিতে যেতেই নান্টু বাধা দিল, মুসলমানকে সম্বোধন করে বললো : শোন ভাই, অনর্থক তোমরা হায়রানি করছো আমাদের। আমাদের শহরে যেতে দাও। ডাকাত বলে রথাই সন্দেহ করছো আমাদের।

কিন্তু যুক্তির ধার ধারে না মুসলমান চাষী। সে তাব গোঁ ছাড়তে নারাজ আর তার ওপর সর্বাস্তঃকরণ সমর্থনও পেয়েছে আশেপাশে সবার কাছ থেকে। সুতরাং স্পর্ধা তার উত্তাল হয়ে উঠলো। সে হুকুম করে বললো একজনকে : এই, দাঁড়িয়ে না থেকে এই তিনজনকে ধর, ধরে নিয়ে যা আমার বাড়ী, বৈঠকখানায় আটকে—

কথা তার শেষ হতে পারলো না। অকস্মাৎ গর্জ উঠলো মতিলালের রিভলভার এবং তৎক্ষণাৎ ধরাশায়ী হলো সেই মুসলমান কমান্ডার-ইন-চীফ। বেঁচে আছে কিনা বোঝা গেল না। মধুও গুলী চালানো, বোধহয় তা লক্ষ্যভ্রষ্ট হলো।

তাড়া করলো ওরা এদের তিনজনকে। ছুটে পালাতে গিয়ে হেঁচট খেয়ে পড়ে গেল মতিলাল। ধরা পড়লো চাষীদের হাতে। অবশিষ্ট দু'জনের জ্ঞা আর ততটা উৎসাহ নেই ওদের। মতিলালকেই সবাই মিলে ধরে নিয়ে গেল।

ছুটে পালাতে গিয়ে নাটু তার চশমা হারিয়ে এসেছে। কোথায় পড়ে গেছে। আর পশ্চাদ্ধাবনরত চাষীরা যে ইষ্টকব্ধি করছিল, তার একটি এসে পড়েছে একেবারে নাটুর চোখের উপর। মণীন্দ্র বললো : নাটুদা'র চোখটা লাল হয়ে ভয়ানকভাবে ফুলে গেছে। আদৌ ভালো হবে কিনা কে জানে। আর চশমা তাঁকে জোগাড় করে দিতে হবেই দু'এক দিনের মধ্যেই। নইলে, সর্বদাই যে পুরু কাঁচের চশমা ব্যবহার করতেন, তাঁকে চশমাহীন অবস্থায় দেখলে এবং চোখে আঘাত লেগেছে দেখতে পেলে লোকের মনে নানা প্রশ্ন জাগতে পারে।

খাল সাঁতরে নাটু আর মধু এসে উঠেছে মণীন্দ্রের বাড়ীতে। দু'চার দিনের জ্ঞা ওদের থাকবার ব্যবস্থা করতে হবে। দেওভোগের উদ্ভেজনা না কমে যাওয়া পর্যন্ত এবং এর জের কতদূর যায়, তা না দেখে তো আর এরা দু'জন প্রকাশ্যে বার হতে পারে না! নাটু মণীন্দ্রের ওখানেই থাকবে, কারণ সেরাজদাঘাতেই একজন বিশ্বাসী চশমাবিক্রেতা আছে, যার কাছ থেকে সে চশমা মনে পাবে বাড়ীতে ডাকিয়ে এনে। শুধু মধুর একটা থাকবার ব্যবস্থা—

তৎক্ষণাৎ বললাম : আমাদের বাড়ীতে পৌঁছে দিয়ে যাও।

বিস্মিত মণীন্দ্র প্রশ্ন করলো : আপনার এখানে ?

হেসে জবাব দিলাম : তাই তো ভালো। সব চাইতে সের। দায়োগারা এসে দেখে যায় শুধু আমার, ভেতরে কোনো পলাতক আসামী থাকতে পারে, এ তারা ধারণাও করতে পারে না। শুধু তল্লাশী। তা সে-সময় ওকে পেছন-দিক দিয়ে সরিয়ে ফেলা যাবে। যাও, মধুকে নিয়ে এসো এখানে।

কিন্তু মতিলালের জ্ঞান মণীন্দ্রের মন খচখচ করছিল, তা বুঝতে পারলাম। সে বললো : কিন্তু মতির কাঁ দশা হলো, কে জানে! বি ভি-র আর একটি কর্মীকে বোধহয় হারাতে হলো।

দৃঢ়স্বরে বললাম : এই পথটাই এমন মণীন্দ্র যে, দেনা-পাওনার হিসেব করে এতে চলা যায় না। পাওনার ঘরে যখন শূন্য। একেবারে শূন্য থাকে, তখন দেনার ঘর তুলতে হয় ফাঁপিয়ে। খালি দিয়েই যেতে হয়! যা দিয়েছো, যা দিচ্ছ, যা দেবে, তারও কোনো হিসেব থাকে না। নিশিদিন শুধু দিয়েই যেতে হয় তিলে তিলে, আপনাকে খইয়ে, ছমড়ে, মুচড়ে একেবারে নিঃশেষ করে। তবুও মনে হয়, যা দেবাব তা বোধহয় দিতে পারলাম না। পাওনার সংবাদ নিয়ে তো আর বিপ্লবের পথে পা বাড়াওনি মণীন্দ্র। এটা ব্যবসায় নয় যে, লাভের অঙ্কটার একটা হৃদয় নিতে হবে। একে বলে নিছক আত্মবলিদান। দেশের জ্ঞান জীবন বিসর্জন।.....তুমি যাও, আর দেয়া করে না। সন্ধ্যার পরই মধুকে এনে পৌঁছে দিয়ে যাবে।

মণীন্দ্রের আশঙ্কা মিথ্যা হয়নি। পরে স্পেশাল ট্রাইবিউনালে মতির বিচার হয় এবং তার প্রতি ফাঁসীর আদেশ হয়!

একদিন আমিও গেলাম তাজপুরে মণীন্দ্রের বাড়ীতে গভীর রাত্রে। নান্টুর চোখ তখন অনেকটা ভালো হয়ে গেছে, চশমাও একটা নেয়া হয়েছে। মতির জ্ঞান গভীর দুঃখ প্রকাশ করলো নান্টু। দেওভোগের ঘটনার পরদিনই ঢাকা শহরে অনেকগুলো বাড়ীতে তল্লাশী হয় এবং হরিপদদের ওখানে পাওয়া যায় একটি আটঘরা অটোমোটিক পিস্তল ও পাঁচটি তাজা কাঁতুজ। তবুও সেখানকার চেউ ঢাকা শহরেই সীমাবদ্ধ রইলো, বিক্রমপুরের দিকে আর এলো না দেখে আমরা স্বস্তির নিশ্বাস ফেললাম।

এইখানেই দার্জিলিং শহরে বাংলার তদানীন্তন গভর্ণর এবং জবরদস্ত গভর্ণর স্যার জন এণ্ডারসনকে হত্যা করবার জ্ঞান বেঙ্গল ভলান্টিয়ার্স যে পরিকল্পনা করেছে, সে সম্বন্ধে নান্টুর সঙ্গে আমার আলোচনা হয়। পরিকল্পনার মূলে যিনি ছিলেন, তিনি আর কেউ নন, বহরমপুর বন্দীশিবিরের সেই যতীশ গুহ, যিনি অকস্মাৎ সবার আগেই নর্ত্তনীয় মুক্তি পেয়ে আমাদের ঠাট্টা করে একথানা দশ টাকার নোট দেখিয়ে গিয়েছিলেন। আমি তখনই উল্লেখ করেছি যে, তাঁকে মুক্তি দিয়ে সরকারী বুদ্ধি বিভাগ কী নির্বুদ্ধিতার

কাজ করেছিল, ক্রমশঃ তা জানা যাবে। যে নীতির বশবর্তী হয়ে ওরা আমায় স্বগৃহে অন্তরীণ করেছিল, ঠিক সেই লাস্ত্র নীতির ফলেই যতীশবাবুকে ওরা বিনাসর্তে মুক্তি দেয়। তেমনভাবে কামাখ্যা রায়কেও। এঁদের সঙ্গে বেঙ্গল ভলান্টিয়ার্সের সম্পর্ক প্রকাশ্যভাবে পুনঃস্থাপিত হলেই যে আই বি-র উদ্দেশ্য সফল হয়, তা জানতো বি ভি-র কর্মীরা। তাই খিড়াক দ্বার দিয়ে চলতো আনাগোনা, গভীর নিশীথে চলতো সলাপরামর্শ।.....

নাটু মোটামুটি জানালো যতীশ গৃহের পরিকল্পনা। দার্জিলিং শহরে পৌছে ছেলেরা কোথায় থাকবে, কীভাবে থাকবে এবং কীভাবে লেবং ঘোড়দৌড়ের মাঠে গভর্নর যখন ঘোড়দৌড় দর্শনে মত্ত থাকবেন, তখন ভবানী ও রবি...সবই বললো নাটু। পরিশেষে life for life-এর জন্য জন দুই ছেলে পাওয়া যাবে কিনা অজ্ঞেস করলো আমায়। বলে দিলাম বিপদভঞ্জন ও সুবোধের কথা। নাটু বললো যতীশবাবুর সঙ্গে আলোচনা করে সে যথাসময়ে জানাবে আমায়। পরে অবশ্য জানিয়েছিল, এদের আর দরকার হবে না।

সে সময়ে চট্টগ্রামে যে কয়েকটি ঘটনা ঘটেছিল, তার একটুখানি আভাস দেয়া প্রয়োজন বোধ করছি।

চট্টগ্রামে তখন প্রবল উত্তেজনার আগুন বিকির্ষিত জ্বলছে! মহানায়ক মাস্টারদা' জেলের অভ্যন্তরে ফাঁসীর প্রতীক্ষা করছেন, তেমনি তারকেশ্বর দস্তিদারও। সারা বাংলার বিপ্লবীদের চোখে নিদ্রা নেই, মুহূর্তের নেই বিরাম! বিশেষ করে চট্টগ্রামের বিপ্লবীরা একেবারে অধীর হয়ে পড়েছেন। ক্রোধের আতিশয্যে তাঁরা নিজেদের হাত কামড়াচ্ছেন! একটা কিছু করতে হবে!.....

১৯৩৩ সালের ২৪শে ডিসেম্বর চট্টগ্রাম শহরের দেয়ালে দেয়ালে দেখা গেল লাল ইস্তাহার : হিন্দুস্থান সোস্যালিষ্ট রিপাবলিকান আর্মির চট্টগ্রাম শাখা ঘোষণা করছে যে, আজ এই মুহূর্ত থেকে নরনারী নির্বিশেষে শহরের সমস্ত ইয়োরোপীয়দের নির্বিচারে হত্যা শুরু হবে। দয়া-দাক্ষিণ্যের আবেদন বা যুক্তির তারা ধার ধারে না!

৭ই জানুয়ারী ইয়োরোপীয়ান ক্লাবের মাঠে ক্রিকেট ম্যাচ হচ্ছে অগণিত দর্শকের সম্মুখে। খেলা পরিদর্শনে মত্ত সবাই লক্ষ্যই করলো না যে

মোটবাহক কুলির ছদ্মবেশে চারজন ভদ্রলোকের ছেলে মাঠে এসে প্রবেশ করলো এবং ধীরে ধীরে এগিয়ে এসে স্থান গ্রহণ করলো সমবেত ইয়ো-রোপীয় নরনারীর ঠিক পশ্চাতে। মাঠের পাশেই একটি উঁচু টিলা, খেলা শেষ হলে ইয়োরোপীয়েরা জড়ো হয়েছেন সেই টিলার ওপর, এমন সময় পুলিশ সুপার টিলার পশ্চাৎ দিকের রাস্তা দিয়ে যাচ্ছিলেন মোটরে। অকস্মাৎ সেই নির্জজন রাস্তায় দু'জন ভদ্রলোকের ছেলেকে উদ্দেশ্যহীনভাবে ঘুরতে দেখে তাঁর সন্দেহ হলো। মোটর থামালেন তিনি এবং দেহরক্ষীকে আদেশ করলেন ওদের দু'জনের দেহতল্লাশীর জ্ঞ। কিন্তু তাতেও নিশ্চিত হতে পারলেন না। নেমে এলেন তিনি নিজে সশস্ত্র ড্রাইভারসহ ওদের জিজ্ঞাসাবাদ করবার উদ্দেশ্যে।

তৎক্ষণাৎ একজন ছেলে তাঁর প্রতি একটি বোমা নিক্ষেপ করলো এবং ভাষণ শব্দে তা বিস্ফোরিত হলো। কিন্তু আহত হলো না কেউ। প্রত্যুত্তরে সশস্ত্র ড্রাইভারের রিভলভারের গুলী ছেলেটির ফুসফুস ফুটো করে দিল। মাটিতে লুটিয়ে পড়লো তার প্রাণহীন দেহ। ড্রাইভারের আর একটি গুলী লক্ষ্যভ্রষ্ট হয়ে পুলিশ সাহেবের হাতে বিদ্ধ হলো। দ্বিতীয় ছেলেটি পলায়নের চেষ্টা করার সাহেবের দেহরক্ষী তার পশ্চাদ্ধাবন করলো এবং কিছুতেই তাকে ধরতে না পেরে অবশেষে সে তুলে ধরলো রিভলভার। গুলীবিদ্ধ হয়ে লুটিয়ে পড়লো ছেলেটি এবং সেইদিনই সন্ধ্যায় তার মৃত্যু হলো।

কিন্তু কুলির ছদ্মবেশে ঝরা মাঠে প্রবেশ করেছিল, তারা এই দুর্ঘটনার সংবাদ হয় জানতো না, নয় তো জানবার প্রয়োজন ছিল না তাদের। যে কাজের দায়িত্ব নিয়ে এসেছে তারা, তা সম্পূর্ণ করবার জ্ঞ সর্বশক্তি প্রয়োগ করতে হবে। যদি তাতে দিতে হয় প্রাণ, তবুও। তাই তারা ছুটে এল টিলার সম্মুখে, পর পর ছয়টি বোমা নিক্ষেপ করলো ইয়োরোপীয় নরনারীর উদ্দেশ্যে। কিন্তু হায়, একটিও বিস্ফোরিত হলো না! বেগতিক দেখে অপরে বেট থেকে টেনে বার করলো রিভলভার, ছ'বার গুলীবর্ষণ করলো ওদের লক্ষ্য করে, কিন্তু আশ্চর্য্য, একটি গুলীও কাউকে আহত করতে পারলো না। ফলে যা হয়, তাই হলো। ধরা পড়লো সবাই।

ঐ দিনই, ঐ ৭ই জানুয়ারী তারিখেই বিপ্লবীরা হানা দিল গৈরালা

গ্রামে নেত্র সেনের বাড়ীতে। এইখানেই ধরা পড়েছিলেন সূর্য্য সেন নেত্র সেনের বিশ্বাসঘাতকতার ফলে। চট্টগ্রামের বিপ্লবীরা তা ভোলেনি, ভুলতে পারে না। যে বিশ্বাসহস্তা স্তূপীকৃত রৌপ্যমুদ্রার বিনিময়ে বিনাধিধায় মাষ্টারদা'কে তুলে দিতে পেরেছে ক্যাপ্টেন ওয়াম্‌স্লির হাতে, তাকে কি ভুলতে পারে চট্টলের বিপ্লবীরা?.....

নেত্র সেন আহাঙ্গারদির পর শোবার উদ্যোগ করছিলেন, এমন সময় এল এরা। থানা থেকে বা নিকটস্থ আই বি শিবির থেকে হয়তো কোনো বার্তাবহ নিয়ে এসেছে জরুরী কোনো সংবাদ! মহা উৎসাহে নেত্র সেন প্রাঙ্গণ পেরিয়ে বাড়ীর বাইরে আসতেই ঝাঁপিয়ে পড়লো এরা তাঁর ওপর— যেমন করে ঝাঁপিয়ে পড়েছিলেন মধ্যমপাণ্ডব দ্রুশাসনের বৃকের ওপর। রিভলভার নয়, বোমা নয়, তীক্ষ্ণধার ভোজালির আঘাতে আঘাতে একেবারে খণ্ডবিখণ্ড করে ফেললো তাঁর দেহ, ভীম পদাঘাতে চূর্ণবিচূর্ণ করে ফেললো তাঁর মস্তক! তারপর যেমন নিঃশব্দে এসেছিল, তেমনি নিঃশব্দে অকককারে জঙ্গলের পথে মিলিয়ে গেল তারা সরীসৃপের মতো!.....

পরদিনই প্রত্যুষে দেখা গেল বিপ্লবীদের ইস্তাহার চট্টগ্রাম শহরের দেয়ালে দেয়ালে। দেখা গেল কুমিল্লায়, নোয়াখালীতে, চাঁদপুরে। দেখা গেল ঢাকায়, ময়মনসিংহে, মেদিনীপুরে ও মুর্শিদাবাদে, দেখা গেল বাংলার প্রতিটি শহরে সেই একই বিপ্লবী ইস্তাহার। বিশ্বয়ে হতবাক হয়ে গেল চট্টগ্রাম জেলের সুপারিনটেনডেন্ট, জেলার ও অসংখ্য জেলরক্ষী, যখন দেখা গেল সেই একই ইস্তাহারের একখানি আঁটা রয়েছে রাজবন্দী ইয়ার্ডের দেয়ালে আর স্বয়ং মাষ্টারদা'র ফাঁসীর ঘরের বাইরে!

মাষ্টারদা'কে বাঁচাবার সর্ব্বপ্রকার চেষ্টা ব্যর্থ হয়ে গেছে। আইনের রক্ত-চক্ষু এই মহাবিপ্লবীর অন্তরের পানে ফিরেও চেয়ে দেখেনি, তাঁকে দস্যু, হত্যাকারী নামে অভিহিত করে চরম দণ্ডাদেশ উচ্চারণে এতটুকু কম্পিত হয়নি আইনের কর্তৃস্বর। মুহূর্ত্তের জ্ঞাণ্ড বিজ্ঞলী চমকের মতো ঝলসে যাননি তাদের মনে যে, নিপীড়িত জনগণের মুক্তি ও শান্তির জ্ঞাণ্ডই বিংশ শতাব্দীর ক্রমে আত্মবলিদানে অগ্রসর হয়েছিলেন এই বীজবৃষ্ট, বিনাশার চ চক্রতাম্ চক্রহস্তে নেমে এসেছিলেন এই আধুনিক কালের মুরারী!.....অমুগামীরা চেষ্টা করেছিল ডিনামাইট দ্বারা জেলের দেয়াল ভেঙ্গে ফেলে দিয়ে তাদের প্রিয় নেতাকে উদ্ধার

করতে, পারেনি। টাইবিউনালের ঝরের বিরুদ্ধে আপীল করা হয়েছিল, প্রত্যাখ্যাত হয়েছে। নানাভাবে নানাজন চেষ্টা করেছিলেন তাঁর ফাঁসীর হুকুম মকুব করতে, পারা যায়নি। সর্বজনের সর্বপ্রচেষ্টা ব্যর্থ হয়ে বাবার পর মহাধাত্রী আত্মনিরোগ করেছিলেন গীতাপাঠে, ধ্যানে ও প্রাণায়ামে !.....

কল্পনার চক্ষে ভেসে উঠলো সেই মহাপ্রস্থানের দৃশ্য।

জলহীন কূপের ওপর লোহার মঞ্চ। দু'পাশে দু'টি লোহার খুঁটি। খুঁটিব মাথায় মাথায় জোড়া আর-একটি লোহার বার। সেই বার-এর মাঝখানটিতে লোহার তকেব সঙ্গে বুলছে এক ইঞ্চি ডায়মেটারের ম্যানিলা রোপ। নাট-বন্টু ও এই রোপের শক্তি বার বার পরীক্ষা করা হয়েছে মাষ্টারদা'র দ্বিগুণ ওজনের বালিব বস্তু বুলিয়ে দিয়ে। দেখেছেন পি ডবলিউ ডি-র একজিকিউটিভ ইঞ্জিনারার ও জেলের সুপার, জেলার।

ভোর চারটে বাজতেই ঘুম থেকে ডেকে তোলা হলো মাষ্টারদা'কে। জানানো হলো ফাঁসীর সংবাদ এবং প্রস্তুত হবার জন্ত সময় দেয়া হলো আধ ঘণ্টা।

মাষ্টারদা' পরিপাটি করে স্নান করলেন, নতুন পোষাক পরলেন, চিরুনি দিয়ে চুল আঁচড়ালেন, তারপর কক্ষের আসনে উপবেশন করে গীতা পাঠ শুরু করলেন অচঞ্চল কণ্ঠে :

জ্ঞেয়ঃ স নিত্যসন্ন্যাসী যো ন দ্বেষ্টি ন কাঙ্ক্ষতি ।

নির্দ্বন্দ্বো হি মহাবাহো সুখং বন্ধাৎ প্রমুচ্যতে ॥

সাংখ্যযোগৌ পৃথগ্ বাল্লাঃ প্রবদন্তি ন পশ্চিতাঃ ।

একমপ্যাস্থিতঃ সম্যগ্ভরোর্ক্বিন্দতে ফলম্ ॥

—হে মহাবাহো, যিনি কোনো কিছু আকাঙ্ক্ষা করেন না, দ্বেষও করেন না, তাঁহাকে নিত্য সন্ন্যাসী জানিও। তাদৃশ রাগদেবাদি দ্বন্দ্বশূন্য শুদ্ধচিত্ত অনারামে সংসারবন্ধন হইতে মুক্তি লাভ করেন। অজ্ঞ ব্যক্তিগণই সন্ন্যাস ও কর্মযোগকে পৃথক্ বলিয়া থাকেন। পশ্চিতগণ এরূপ বলেন না। ইহার একটি সম্যক্ অনুষ্ঠিত হইলে উভয়ের ফল মোক্ষলাভ হয়।

কক্ষের বাইরে রাইফেলধারী সান্ধী। পাথরের মতো অচঞ্চল, বোধহয় অপলক দৃষ্টি। শুধু নিজেই শুনতে পাচ্ছে নিজের হৃদপিণ্ডের ধ্বকধ্বকানি।

মাষ্টারদা'র কন্সকর্ট অপারিসর কক্ষ, ক্ষুদ্র প্রাঙ্গণ, জেলের দেয়াল ও রাত্রির শেষ বামের বিধগ্ন ধূসর আকাশ প্রতিধ্বনিত করে শোনা যাচ্ছে :

সর্বধর্মান্ পরিত্যজ্য মামেকং শরণং ব্রজ ।

অহং ত্বা সর্বপাপেভ্যো মোক্ষায়ামি মা শুচঃ ॥

—সকল ধর্ম পবিত্র্যাগ করিয়া তুমি একমাত্র আমারই শরণ লও । আমি তোমাকে সকল পাপ হইতে মুক্ত করিব । শোক করিও না ।

এমন সময় বাইরে শোনা গেল অনেকগুলি বুটের শব্দ । প্রাঙ্গণে এসে প্রবেশ করলেন সুপারিনটেনডেন্ট, জেলার, জেলা ম্যাজিস্ট্রেট, সিভিল সার্জেন ও জনকতক ওয়ার্ডার । সাত্ত্বী ও খট করে বুটের আওয়াজ তুললো ।

টর্চ জ্বালালেন জেলার, সুপারিনটেনডেন্ট সেই আলোয় পাঠ করতে লাগলেন স্পেশ্যাল ট্রাইবিউনালের ওয়ারেন্ট । ফাঁসার আসামীকে শোনালেন যে, ট্রাইবিউনালের হুকুম...to be hanged by neck till death.....আজ সেই হুকুমই তামিল করছেন সুপারিনটেনডেন্ট ।

অনেকগুলো বুটের আওয়াজ করে আবার তাঁরা বেরিয়ে গেলেন বধ্যভূমিতে । সেখানে অনেকগুলো অতিরিক্ত আলোর ব্যবস্থা করা হয়েছে । মঞ্চ ঘিরে দাঁড়িয়ে আছে বারোজন ওয়ার্ডার । হাতে গুলীভরা রাইফেল, রাইফেলের মাথায় বেয়নেট । মঞ্চের ওপর অপেক্ষায় আছে জহ্লাদ আর লোহার বার-এর ওপর ম্যানিলা রোপটি যেন অপেক্ষমান ব্রিটিশ পাইথন !

অনেক লোকের সমাবেশ । সবাই জেলের কর্মচারী । সরকারী হুকুমে আসতে হয়েছে । আইন অনুসারে শহরের গণ্যমান্য জনকয়েককে এই দৃশ্যের দাক্ষী থাকবার জন্য আমন্ত্রণ জানানো হয়েছিল, কেউ আসেন নি ।

সদলবলে এসে প্রবেশ করলেন সুপারিনটেনডেন্ট । দাঁড়ালেন মঞ্চের সম্মুখে । তাঁর একপাশে জেলা ম্যাজিস্ট্রেট, অপর পাশে সিভিল সার্জেন । ওধারের দরজা খুলে গেল । অকম্পিত পদে ধীরে ধীরে প্রবেশ করলেন মাষ্টারদা' ।

মঞ্চের ওপর ঠিক জায়গাটিতে এসে দাঁড়ালেন ।

আলোয় চকচক করছে বেয়নেটগুলো । সুপারের কাঁধের ঠারগুলো স্পষ্ট দেখা যায় । আলোকের আভা ওপরের কালো আকাশকেও দ্যুতিময় করে তুলেছে কি ? কে বলে ওটা ম্যানিলা রোপ ? কে বলে ওকে ব্রিটিশ পাইথন ?

ও যে বেলফুলের মালা । দেশমায়ের আশীর্বাদী ফুল দিয়ে তৈরী । একটি একটি করে গঁথেছেন বাংলার বিপ্লবী দল, বাংলার জনসাধারণ ।.....

জ্বলাদ এঁগিয়ে এল । কালো কাপড়ে মুখ ঢেকে দিল । পায়ে দড়ি বেঁধে দিল । গলায় ফাঁসী পরিয়ে দিল । তারপর সুপারিনটেনডেন্টের সিগন্যাল পেয়ে ত্রস্তে লিভার টেনে ধরলো আর সঙ্গে সঙ্গে মঞ্চের একাংশ অপসারিত হলো ।

অদৃশ্য হয়ে গেলেন মাষ্টারদা' । অদৃশ্য হয়ে গেল মানুষ, বৃষ্টি অদৃশ্য হয়ে গেল আকাশ, পৃথিবী, অদৃশ্য হয়ে গেল বিশ্বচরাচর ।

মহাকালের অবিশ্রাম গতিতে বাধা পড়লো, ছেদ পড়লো, হেঁচট খেয়ে মূটিয়ে পড়লেন তিনি ।.....

মাষ্টারদা' চলে গেলেন ।

কিন্তু পশ্চাতে যাদের রেখে গেলেন, ইষ্টমন্ত্র কি তারা ভুলে যাবে কখনো ?
তঁার অসমাপ্ত কাজের ভার গ্রহণ করবে কি বাংলার বিপ্লবীরা ?
ভবিষ্যৎ এর উত্তর দেবে ।

প্রথম খণ্ড সমাপ্ত

